

B222 58 :105

經部四書類 一〇五册





植學編

北京大學《儒藏》編纂中心

圖書在版編目(CIP)數據

儒藏. 精華編. 一○五/北京大學《儒藏》編纂中心編. 一北京:北京大學出版社, 2008. 4

ISBN 978-7-301-11823-8

I. 儒··· Ⅱ. 北··· Ⅲ. 儒家 Ⅳ. B222 中國版本圖書館 CIP 數據核字(2007)第 175429 號

書 名: 儒藏(精華編一○五)

著作責任者:北京大學《儒藏》編纂中心

責任編輯:王應武芳

標準書號: ISBN 978-7-301-11823-8/B • 0509

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691 出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 60.25 印張 571 千字 2008 年 4 月第 1 版 2008 年 4 月第 1 次印刷

定 價: 500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第一〇五

首席總編纂 季羨林

編纂 湯一介 龐

總

本

册主

編

孫欽善

魔 樸 孫欽善 安平秋

半秋 (按年齡排序)

儒藏》精華編凡例

則的 爲儒家經 典籍的 、中國傳統文化以儒家思想爲中心。《儒藏 典 叢 和 編。 反映儒家思 收書時限自先秦至清代結束。 想、 體 現儒家經世 區做人原

一、《儒藏》精華 編爲《儒藏》的一部分,選收《儒

藏

》中的精要書籍。

寫者 互見。 漢文寫作的儒學著作,編爲海外文獻部類 已收入入選的個人叢書或全集者,僅存目録 分類法分類,大類、小類基本參照《中國叢書綜録》和 土文獻。 中國古籍善本書目》,於個别處略作 三、《儒藏》精華編所收書籍,包括傳世文獻和 律收其釋文文本。 出土文爛單 傳世文獻按《四庫全書總目》經史子集四 列 爲 韓國、日本、越南 個部 類,原件以古 調 整。 儒學者用 並 凡單 立字書 注 出 明 書 部

> 編 ,不改編,保持 四、所收書籍的篇目卷次,一仍底本原貌,不選 原書的完整性和 獨 立 性

爲主,酌校異同。 勘價值的版本爲校本。 確定内容完足、精確率 五、對 人選書籍進行簡要校勘。 校記力求規範、精煉 高的版本 出校堅持少 爲底本, 而 精 以對校爲主 ,以校 精選有校 E 誤

外,其他一律 例,進行規範化標點。 六、根據現行標點符號用 省 略 專 名號除書名號用角號(《》) 法,結合古 籍 標 點 通

落。正文原已分段者,不作改動。 般不分段 七、對較長的篇章,根據文字内容,適當劃 千字以内的 短文 分段

及其他有 出 及整理時 介紹作者生平、該書成書背景、主要内容及影 現順序前詳後略 八、各書卷端 關情況。 所確定的 由 重複 底本、校本(舉全稱後括注 整 理 出 者撰寫《校點說 現的作者,其 生平事蹟按 明》, 響,以 簡 簡要 稱

九、本書用繁體漢字豎排,小注 律排 爲單行。

凡 例

本册責任編委本册審稿人

李暢然

孫通海

曾貽芬 陳 新

《儒藏》精華編第一〇五册

經部四書類

論語之屬

論語注〔清〕康有爲 631	論語説義〔清〕宋翔鳳 49	論語學案〔明〕劉宗周 237	癸巳論語解(存目 見《張栻全集》) 25	論語全解[北宋]陳祥道1
031	497	237	250	1

論語全解

陳新審定 養海軍 校點



七二

一五四

一二七

九六

四〇

四〇

一九六

一九六

一八七

一七二

校點説明

晰。 釋儒家經典之特點。 往往用爲佐證,反映了王安石所倡導的新學學派注 承繼、書中每每夾雜老莊思想、特别是《莊子》之文, 安石,其師樸素唯物主義和樸素辯證法思想亦多所 出「重廣陳用之真本入經論語全解」。 咸稱其精博。其詮釋《論語》,亦於禮制方面最爲明 解》,均爲當時所重。 讀書志》記載,王安石撰《論語注》,其徒陳祥道作《全 治平四年(一〇六七)進士,歷官秘書省正字、太學博 之,福州人,經學名家。少有壯志,專攻禮學。英宗 其生平事蹟,詳見自撰《禮書》。 書前有祥道自序,首題門人章粹校勘,每卷皆標 《論語全解》十卷,宋陳祥道撰。 陳氏所撰《禮書》一百五十卷, 四庫提要評價此書「殊非解 據晁公武《郡齊 因陳氏師事王 陳祥道,字用 經

之體,以其間徵引詳覈,可取者多」。

書館和西安市文物管理委員會的六種抄本存世。壽館和西安市文物管理委員會的六種抄本存世。京圖書館、山東省圖書館、南開大學圖書館、國家圖育圖書館、山東省圖書館、南開大學圖書館、國家圖書館、山東省圖抄本、除《四庫全書》本外,據《中國古

異之處甚多,但篇目結構無異。 是一重是形子之真本人經論語 是解義十卷」、《中國古籍善本書目》著録爲明抄本。 全解義十卷」、《中國古籍善本書目》著録爲明抄本。 全解義十卷」、《中國古籍善本書目》著録爲明抄本。 至級玩、傳增湘等人遞藏,無題跋。有佚名朱筆校 正之」。書中有大量補配葉、抄寫中避清帝名諱、如 正之」。書中有大量補配葉、抄寫中避清帝名諱、如 正之」。書中有大量補配葉、抄寫中避清帝名諱、如 「宏」,補抄年代當在清乾隆年間。文字與四庫本相 異之處甚多,但篇目結構無異。

二、南圖抄本。題「重廣陳用之真本入經論語

孫 葉九行,行十九字。 字與四庫本同,有些飛籤上還有纂修盧遂、李駿、沈 接圈改原文,或以飛籤粘於天頭。 瑛所藏。此抄本有多處四庫館臣批改,或用墨筆直 印外,尚有「古潭州袁卧雪廬收藏」印,知曾爲袁芳 記」、「善本書室」、「錢塘丁氏正修堂藏書」等丁氏諸 官印,除鈴「嘉惠堂藏閱書」、「丁氏八千卷樓藏書 稱「此舊抄本曾進四 全解義十卷」,爲四 璉及分校吴旬蕭等人印記,確爲四庫底本。 庫底本, 首葉卷端鈐「翰林院印」滿漢文 庫館采進發還者」。 四 一册。 經比較,改後文 前有清丁丙跋, 無行格,半

字。 先生函告,計四册,竹紙,無格,半葉十行,行二十二 論語全解義十卷」,清初抄本。 楷字方印。 上方鈐「山 義自序」,序次行題「門人章粹校勘」。 角鈐「大興朱氏竹君藏書之印」朱文雙行長方印。 前有自序,題「太學博士陳用之入經論語全解 三、山圖抄本。 東省圖書館點收海源閣書籍之章」藍色 正文首頁右下角鈴「朱筠」、「虚中」二朱 題「重廣陳用之學士真本入 據山東大學杜澤 序首頁右下 遜 經

> 佳,反多訛誤。 舊式。此本或即朱筠僱人從四庫館借抄者,寫手不抄,故多脱誤,唯抄本書名、撰人銜名、校勘人尚存定爲朱筠校。其本書法墨色皆不佳,蓋爲俗手所定爲朱筠校。其本書法墨色皆不佳,蓋爲俗手所文小印。前二册卷內有朱筆校。校筆,山東圖書館

明陽夫婦插架,卷首有二家藏書印爲證。 史見告,是書爲清汪士鍾舊藏,後歸天 論語全解義十卷」,清抄本。 致,應是出於同一底本。 以收藏明刻本著稱。 四、南開抄本。 題「重廣陳用之學士真本 經與四庫本比校,内容毫無二 據南開大學江曉敏女 津研理 研理 入經 樓 樓 劉 向

藏。 書法不佳。 原缺第十四、十五頁,卷九原缺第九頁。 端題「重廣陳用之學士真本入經論語全解義卷 角鈴有「鐵琴銅劍樓」白文方印,知 一」,下題「門人章粹校勘」。卷六原缺第六頁,卷七 字。序題「太學博士陳用之入經論語全解序」,卷 經文頂格,陳文低一格。 五、國圖抄本。 紙薄,透字嚴重。 清抄本,四册。 半葉十二行,行二十 與四庫本對校,常有 爲常熟瞿氏舊 首葉陳序右下 抄工平庸,

明顯錯漏。書眉常有「舊抄本」云云、顯指四庫本以

外還有其他抄本。

藏清抄本即此路小州抄本。清抄本。未見。《增 5、西安市文管會抄本。清抄本。未見。《增 5、西安市文管曾对, 6、西安市文管曾对, 6、西安市文管會抄本。清抄本。未見。《增 5、西安市文管會抄本。清抄本。未見。《增 5、西安市文管會抄本。清抄本。未見。《增 5、西安市文管會抄本。清抄本。

十一種,除《三禮疑義》一種因北平圖書館借往移録九三二年毀於「一•二八事變」炮火中。全書凡九顧氏謏聞齋,爲上海商務印書館涵芬樓購入,惜一梓。《涵芬樓燼餘書録》稱,張金吾原稿本藏於太倉吾編《詒經堂續經解》收録是書,但編定後未獲授丟編《治經堂續經解》收録是書,但編定後未獲授

本」)爲參校本。 本」)及南京圖書館藏四庫底本(簡稱爲「四庫底本」)及南京圖書館藏四庫底本(簡稱爲「上圖抄本爲底本,以上海圖書館藏明抄本(簡稱爲「上圖抄本爲底本,以上海圖書館影印文淵閣《四庫全書》 而幸獲保全外,其他均罹劫難。

校。 語中多次提到「正本」、「他本」、應是以數種別本參 繁體字,如「无」作「無」,「于」作「於」等,不出校。 訛、脱、衍文,均寫籤明示,並改正底本上的異體 從文義、引文出處等多方面校正,凡底本中的倒 之處,由校語可知,館臣先以監本《論語》校過,然後 除上圖抄本明顯誤而四庫本明顯是者,異文一一出 文字常整句多於四庫本,校點整理時,先辨明是非, 抄本抄寫年代早於乾隆時期,與四庫本異文較多, 書裝訂如此,整理時將書頁按内容順次重排。上圖 擇要出校記以説明。 圖抄本多不誤,可見館臣批改之正誤高下,遇此則 校而成。 四庫底本最有價值者即其與四庫本文字相 上圖抄本中的清代補抄頁均置於每卷之末,原 四庫底本原誤而爲四庫館臣所圈改者,上 校 異

卷一至卷五由劉薔校點,卷六至卷十由姜海軍

校點。

校點者 劉 薔

三

論語全解原序●

三理則謂之論,言義則謂之議。 莊子里以答學者之問,猶未可以已也。故其言義理以答學者之問,然則孔子雖欲忘言,豈可得聖人之所尚,然則孔子雖欲忘言,豈可得要人之所尚,然則孔子雖欲忘言,豈可得聖人之所尚,然則孔子雖欲忘言,豈可得聖人之所尚,然則孔子雖欲忘言,豈可得聖人之所尚,然則孔子雖欲忘言,豈可得聖人之所尚,然則孔子雖欲忘言,豈可得些人之所尚,然則孔子雖欲忘言,豈可得也。於則存乎《春秋》,言理則謂之論,言義則謂之議。莊子言理則謂之論,言義則謂之議。莊子言理則謂之論,言義則謂之議。莊子言理則謂之論,言義則謂之議。莊子

0

[「]勿」,上圖抄本作「弗」。「不」,上圖抄本作「弗」。語全解序」、「門人章粹校勘」。四庫底本、上圖抄本均題作「太學博士陳用之入經論四庫底本、上圖抄本均題作「太學博士陳用之入經論

[「]不」,四庫底本、上圖抄本作「下」。

[「]微」,上圖抄本作「夷」。

[「]未起」,上圖抄本作「咸服」。

[「]作」下,上圖抄本有「欺惑學者之真智」七字。

矣。 悱則不發。有所罕言,有所不語,●其歸則 思得之。● 必屢告而詳説之。● 路,聞理而不得叛,卒爲賢者,則後世之學 之詳,以至於是歟! 不足之冉求,不悦之季 子,,小以成小,大以成大,,我告之約,彼得 近而遠,約而詳,思得之,則會其所固有者 曰「忠恕仁義」而已。 一隅之舉,兩端之叩, 語》。 而知十者,問《詩》而知禮,問伯夷而知夫 然而孟子之世,許子之言盈天下,●孟子思 後,子思之《中庸》、孟子之七篇尤得其詳。● 士、大夫豈宜置諸口耳之間哉! 問答不直則道不見,●故其爲言尤詳於《論 欲拒詖説,放淫辭,不得已而有辨焉。 難 弟子之列,有聞一而知二者,有聞一 雖然,聖人之言或論或辨,非立異也, 孔子之於弟子,不憤則不啟,不 大抵君子之教人,欲 《論語》之 其 疑

「詳」,上圖抄本作「傳」。 「矣」,上圖抄本作「耳」。 「辞」下,上圖抄本有「多數之仁不可勝計」八字。 「殺」,上圖抄本作「拜」。

盈」下,上圖抄本有「於」字。

時焉而已矣。陳祥道序。●

論語全解卷**一**●

宋 陳祥道 撰母

學而第一

子乎!」方來,不亦樂乎! 人不知而不愠,不亦君子曰:「學而時習之,不亦説乎! 有朋自遠子曰:「學而時習之,不亦説乎!

道而樂,則悦者有所得於外,樂者有所適之事也。子夏出見紛華而悦,入聞夫子之有所通,宜爲人知而不知,宜愠而不愠,然有所通,宜爲人知而不知,宜愠而不愠,然则於物有所通,故樂。於理有所見,於物則於理有所見,故樂。於理有所見,於物學,所以窮理,教,所以通物。學而時習學,所以窮理,教,所以通物。學而時習

莫乘而不浮;君子,不爲莫知而愠。」彼子 莫乘而不浮;君子,不爲莫知而愠。」彼子 莫乘而不浮;君子,不爲莫知而告。」。 要,榮其所達,醜其所窮,則其喜、惡、榮、 四无悶。」子曰:「不見知而不悔。」●孟子 一不愠,然後爲君子」。《易》曰:「人不知 而不愠,然後爲君子」。《易》曰:「不見是 而不愠,然後爲君子」。《易》曰:「不見是 不衰,孟子去齊,未嘗不豫,凡以此也。 《傳》曰:「蘭,不爲莫服而不芳,舟,不爲是 尊乘而不浮;君子,不爲莫服而不芳。舟,不爲是 其乘而不浮,君子,不爲莫服而不芳。舟,不爲是 以此也。

應改爲不見知」。

0

0

全解義卷第一」,以下各卷同,不再一一出校。四庫底本、上圖抄本題作「重廣陳用之真本入經論語

[「]知」,四庫底本、上圖抄本作「是」,館臣籤云「不見是博士賜緋魚袋陳祥道」,以下各卷同,不再一一出校。四庫底本、上圖抄本均題作「左宣德郎充館閣校勘太常

有子曰:「其爲人也孝弟,而好犯上者,鮮路之愠見,子貢之色作,豈知是哉!

矣,不好犯上,而好作亂者,未之有也。

之本與!」 君子務本,本立而道生。孝弟也者,其爲仁

務本也。● 言本立而道生,又言孝弟仁之孝弟之良心,而道常不存者,以其務末不孝弟出於性,而道又出於孝弟。 人莫不有

0

「言」,原脱,據上圖抄本補。本」。 上圖抄本作「仁」。

何?」《禮記》則言「義近禮,●仁近樂」。本,●蓋仁者,人也,合而言之,道也。《禮本」,繼之以「化天下之大本」,繼之以「和者,下之達道」。《詩序》言《葛覃》「后妃之本」,為五子執同以爲異,有子則以孝弟爲仁之本。古之立言者,類多如此。孟子言「堯也。古之立言者,類多如此。孟子言「堯也。古之立言者,類多如此。孟子言「堯也。古之立言者,類多如此。孟子言「堯也。古之立言者,類多如此。孟子言「堯也。古之立言者,類多如此。孟子言「堯中、」《禮記》則言言義近禮,●仁近樂」。

^{●「}仁」,四庫底本原作「人」,館臣籤云「應改孝弟仁之法應作不曰」。上圖抄本作「務本不務本」,館臣籤云「應改務末不務本」。上圖抄本作「務本不務本」,館臣籤云「按文」

此之謂歟? 孟子曰:「事孰爲大? 事親

曰:「君子三省乎身,則智明而行無過。」

曾子之三省,則省其所已然者也。《傳》

0

意。● 季文子三思,則思其所未然者也,

子曰:「巧言令色,鮮矣仁。」

以末,則庶乎其可,若事其末而忘其本,巧、令者,●何也? 子曰:●「有其本而輔矣仁。《禮》稱「辭欲巧」、《詩》「美令儀」,者也,故近仁,巧言令色,務末者也,故鮮謝者無巧言,木者無令色。木與訥,務本訥者無巧言,木者無令色。木與訥,務本

《禮》言「尊德性」而繼之以「道問學」同人,忠信習者存諸己。先忠信而後習,與人,忠信習者存諸己。先忠信而後習,與以,忠信習者存諸己。先忠信而後習,與乎? 與朋友交而不信乎? 傳不習乎?」曾子曰:「吾日三省吾身:爲人謀而不忠則不可。」●

其身,可謂善守身矣。 爲大,守孰爲大? 守身爲大。」曾子三省

人,使民以時。」子曰:「道千乘之國,敬事而信,節用而愛

亦罔不克敬典,●乃由裕民」,則敬事而言節用而繼之以愛人。成王誥康叔以「汝用,則無以愛人。故言敬事而繼之以信,財,愛人則不害民,使民以時,則不奪其財,愛人則不害民,使民以時,則不奪其敬則無所苟,信則無所誕,節用則不傷

三

[「]令」下,上圖抄本有「色」字。

^{)「}子」,上圖抄本無此字。

則可,事其末而忘其本則非」。

爲館臣圈改。此二處上圖抄本均不誤。「性」,四庫底本作「學問」,

[「]不能」,上圖抄本作「無以」。

[「]敬」,四庫底本無此字,館臣籤云「不克下應添敬字」。

《詩》曰「宜民宜人」、《傳》曰「和其民人」, 賤,故言人,使之則特其賤者,●故言民。 時,人孰以爲厲己哉? 言人又言民者,人 民不離。然後從而使之,且使之也又以 民不離。然後從而使之,且使之也又以 民不離。然後從而使之,且使之也又以 民不離。然後從而使之,且使之也以 以 時,所謂「裕民」也。示之以敬,則民不 時,所謂「敬典」也。節用而愛人,使民以

百里言之,地方七百里,兼附庸言之。地方七百里,革車千乘」者,革車千乘,自百里之國也。《禮記》曰「封周公于曲阜,士》所謂「人民」,則異於是矣。千乘之國,與此同意。《周官・縣師》、《質人》、《朝

衆,而親仁。行有餘力,則以學文。」子曰:「弟子入則孝,出則弟,謹而信,汎愛

謹,庸言之信,汎愛衆而有容,親仁而有人則孝於父兄,出則弟於長上,庸行之

子夏曰:「賢賢易色,事父母,能竭其力, 行」、「鳳鳴鷙翰」也。《禮》曰:「忠信之 問學,故曰「行有餘力,則以學文」。 擇,凡此尊德性者也。 人,可以學禮。」 信慤然後可以求智能」。 調然後可以求中,馬服然後可以求良,士 而以學文爲先,此古人所以譏其「聖讀庸 尊德性 若夫不 丽 後 知出此, 蓋「弓 可 以道 事

未學,吾必謂之學矣。」
君,能致其身,與朋友交,言而有信。雖曰君,能致其身,與朋友交,言而有信。雖曰子夏曰:「賢賢易色,事父母,能竭其力,事

美矣。故「雖曰未學,吾必謂之學矣」。由友交,言而有信,信也。有是四者,則其質其力,孝也,事君能致其身,忠也,與朋其所之,謂之賢賢。易色,智也,事父母能竭

0

[「]者」,四庫底本無此字,館臣籤云「賤字下應添者也」。

曾子曰:「慎終追遠,民德歸厚矣。」

是觀之,朽木糞土之質,雖博學多聞,君子

謂之未學可也。

信,無友不如己者, ●過則勿憚改。」 子曰:「君子不重則不威,學則不固,主忠 終於不善不能改,與此意同 矣。莊子云:「中無主則不正,外無 矣,得一善則拳拳服膺而不失之,則 役於物。不詘於人,故有威,不役於物,♥ 言重則有法,行重則有德,貌重則有 也。《易》之要終於補過之无咎,孔子之憂 己,❸則有正於外也。 故學固。 蓋重足以畏人而不詘於人,足以役物而不 足以成君子之道,●故終之以過則勿憚改 輔其德,可謂善學矣。然過而憚改,則不 不行。」主忠信,則有主於内,無友 昔顔氏子視聽言動無非禮,則 重以固其學,友 不 正 威 以 如 固 重 則

> 遠,民德歸厚,豈非以性化性哉! 鬼享之。春秋祭祀,以時思之。」追遠者也。 解專一」者,●一者,民之行,厚者,以行齊行 知,此民德所以歸厚矣。《詩序》有云「民德 歸厚一」者,●一者,民之行,厚者,民之性, 歸厚一」者,●一者,民之行,厚者,民之性, 以時思之。」追遠者也。 以時原之。」追遠者也。 以方齊行 也,「民德歸厚」者,以時思之。」追遠者也。 以方齊行 也,「民德歸厚」者,以時思之。」追遠者也。 以方齊行 也,「民德歸厚」者,以時思之。」追遠者也。 也,「民德歸厚」者,以時思之。」追遠者也。 也,「民德歸厚」者,以時思之。」追遠者也。

「無友」,四庫底本作「毋」,爲館臣圈改。上圖抄本作「無」,《子罕》篇作「毋」,。館臣籤云「於學應改於物」。「無」,《子罕》篇作「毋」。

0

0

6

「成」,上圖抄本作「全」。

德歸厚矣」之語。 「詩序有云民德歸厚一者」,按《毛詩》唯《伐木》序有「民

五

其諸異乎人之求之與?」
子温、良、恭、儉、讓以得之。 夫子之求之也,其政,求之與? 抑與之與?」子貢曰:「夫一其政,求之與? 抑與之與?」子貢曰:「夫

《禮》曰:「温良者,仁之本。」又曰:「恭儉《禮》曰:「温良者,仁與禮而已。仁者愛人,愛恭、儉、讓者,仁與禮而已。仁者愛人,愛扶,一之道,其體無方,其用無體,豈特温、夫子之道,其體無方,其用無體,豈特温、夫子之道,其體無方,其用無體,豈特温、夫子之道,其體無方,其用無體,豈特温、人之所以來者,如斯而已。若夫哀公、季人之所以來者,如斯而已。若夫哀公、季人之所以來者,如斯而已。若夫哀公、季人之所以來者,如斯而已。若夫哀公、季人之所以來者,如斯而已。若夫哀公、季於楚,凡此皆未嘗求之而彼自以其政來於楚,凡此皆未嘗求之而彼自以其政來以之一。

也。以爲不可行也,三年無改,可乎?也。以爲不可行也,三年無改,受刑政之,父母之所敬,敬之,至於犬馬盡然,父母之身,終其身也。是故父母之所愛,故也。是故父母之所愛,故也。然父之道爲其過三年而不改,故也。 是於人乎!」此孝子所以改父之道不忍爲吃於人乎!」此孝子所以改父之道不忍爲心於人乎!」此孝子所以改父之道不忍爲也。然父之道爲可行也,雖終身也者,非終少不之,父母之所敬,敬之,至於犬馬盡然,從母之所敬,敬之,至於犬馬盡然,從母之所敬,敬之,至於犬馬盡然,以爲不可行也,三年無改,可乎?

子曰:「父在,觀其志,父没,觀其行,三年

問,●則夫子之所求,求諸己而已。

無改於父之道,可謂孝矣。」

[「]改」下,上圖抄本有「於文之道則」五字。

[「]孟」,原無,據上圖抄本及《論語・子張》補。

[「]終」,四庫底本無此字,館臣籤云「按《禮記》孝子之身

公之邪志,秦襄公於其不可改而改之,以也。」彼魯隱公於其可改而不改,以至成先於冢宰。雖父之道爲不可行,吾猶不與改曰:「古之人君,有三年之喪,皆以其國聽曰:「古之人君,有三年之喪,皆以其國聽

禮節之,亦不可行也。」美。小大由之,有所不行:知和而和,不以有子曰:「禮之用,和爲貴。先王之道,斯爲

至忘先君之舉,皆不足以語此。●

《傳》曰:「敬與和,相反而相成。」 行也。《禮》曰:「夫敬以和,何事不行?」 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可 「小大由之」者也。然不以禮節之,亦不可

遠恥辱也。 有子曰:「信近於義,言可復也。 恭近於禮,

言必信則遠義,行太巽則遠禮。君子無遠義

其恭近禮而待己待人之道備,故也。 至、論語》有言恥而不及辱,此兼言之者,以 障。晉文公伐原退舍,則言可復,尾生之 辱。晉文公伐原退舍,則言可復,尾生之 尽,非可復也。孔子敬所不敬,則遠恥辱, 以 之后,然後言可復,無遠禮之恭,然後遠恥

因不失其親,亦可宗也。」

- 「語」,上圖抄本作「知」。
- 「也」下,上圖抄本有「陳相之學許行失是矣」九字。

子曰 慎於言,就有道 君 子 食 無 而 求 正焉,可謂好學也已。」 飽 下, 居 無 求 安, 敏 於 事 而

諸人者也。古之有道者,所飽在德,不 爲,此資諸己者也。 以飽食安居爲戒,此學者所宜知也。 適,●不知榮辱之在我也,●在彼也。 粱之味,庇其蓬屋,若廣厦之蔭。 食,所安在仁,不在居。 體,「敏於事 子也, 敏於事,務學之君子也。《傳》曰: 又言君子欲敏於行,則敏於行,成德之君 行者也,事則所爲者也。言君子敏於事, 曰:「君子將有爲也,將有行也。」行則所 食無求飽,居無求安」,不以 而 慎 於言」,不以 「就有道 進 其 面 茙 所言 小體害大 正焉」,資 (菽,有 終身自 《易》 勝 君子 在 稻 所

曰:「可也,未若貧而樂,富而好禮者也。」子子貢曰:「貧而無諂,富而無驕,何如?」子

「行成而先,事成而後。」

之謂 貢 矣,告諸往而知來者。」 日 : 與?」子曰:「賜也, =詩》云『如 切 如 磋 始可 , 如 琢 與言《詩》 如 磨 一,其斯

八

賢 樂,無驕則能恭而已,未若好禮 學,所謂見賢思齊者也,自修,所謂見不 以謂見不善改此 謂之切磋,治玉與石謂之琢磨。 驕,不若無驕。 常出於或使。故貧而諂,不若無諂;富 諂失之卑,驕失之亢,二者非本於自然,而 彼利器修此而成器,故譬之道學; 有其質者,不可不成之以學也。 而内自省者也。❸ 然無諂 而成善,故譬之自修。 自切磋至於琢磨,然 則 能 守而 治骨 切磋 咣此 已,未若 琢 所 磨 則 與 角 道 則 以 以 而

^{▶ 「}身」,四庫底本無此字,爲館臣所加,上圖抄本亦無此字。

[「]不」上,上圖抄本有「然」字。

^{) 「}者」,四庫底本無此字,館臣以墨筆加

此意歟!●

成。 也。 者,待文而後成,故無驕未若好禮,非美 也? 富而 謂學問也。」蓋別而言之,切磋非自修,琢 質者,待文而後治,故好禮而後不驕。 磨非道學,合而言之,皆學問而已。 知道。」荀卿曰:「「如切如磋,如琢如磨」, 後器可用,自道學至於自修,然後道可 《禮》曰:「玉不琢不成器,人不學不 故先切磋,後琢磨,先道學,後自修 無驕,未若好禮,以好禮然後不驕,何 無驕者,質也,好禮者,文也。 此以 美質

人之於己,知不爲益,●不知不爲損,故不子曰:「不患人之不己知,患不知人也。」

我故也。子曰「不患無位,患所以立」,亦爲智,不知則爲不智,故患不知人,●以在患不知,●以在外故也。己之於人,知則

爲政第一

「子帥以正,孰敢不正?」以正,而後行也。 「德惟善政」,政以德,然後善也。 八子曰: 「德惟善政」,政以德,然後善,以正,然後行。《書》曰 別無爲而無不爲矣。爲政以德,亦若此也。 居中而正乎四時者也。無爲而正乎四時, 居中而正乎四時者也。無爲而正乎四時, 是而已。故天之樞則北辰,爲政者取譬焉。 於後善,以正,然後行。《書》曰 是一而正乎四時者也。無爲而正乎四時, 是一。 以表,

九

[「]知」下,上圖抄本有「之」字。

[「]患」下,上圖抄本有「其」字。

[「]患」下,上圖抄本作「其」。

《家語》曰:「德者,政之始。」• 孔子之時,爲政者不然,故譬稱以明之。

子曰:「《詩》三百,一言以蔽之,曰「思無

者,觀德則純也。《書》云「帝德罔愆」,繼之觀刑則亂也,道之以政,以至於民免而無恥者,民可使觀德,不可使觀刑。觀德則純,觀刑民可使觀德,不可使觀刑。觀德則純,觀刑也。民免而無恥,《禮》所謂「民有格心」也。●

起」,此「道之以政,民免而無恥」者也。

格」者也。《傳》曰「法出而奸生,令下而詐

以「不犯于有司」,此「道之以德」,而「有恥且

0

「始」,四庫底本作「如」,館臣簽云「據《家語・

入官》篇

道之以德,齊之以禮,有恥且格。」

道之以政,則非以德,●道之以德,非無政

子曰:「道之以政,齊之以刑,民免而無恥;

^{● 「}以」,上圖抄本作「有」。

遯」。) 「遯」,四庫底本、上圖抄本作「格」,館臣籤云「格應改

從心所欲,不踰矩。」而不惑,五十而知天命,六十而耳順,七十而子曰:「吾十有五而志于學,三十而立,四十

者也。 耳順,爲道日損 志學至立,爲學日益而窮理者也,不惑 之言不及是者,姑以與人同也。孔子嘗曰 於禮,而可與立者也,成於樂,而 興於詩,而可與共學者也。三十而立,立 立,可與立,未可與權。」則十五志于學, 共學,未可與適道,可與適道,未可與 「興於詩,立於禮,成於樂。」又曰:「可與 矩,損之又損而至於命者也。● 聞大道故也。莊子曰「莊猖狂妄行,自蹈 心則有心而已,非所謂廢心而用形。 順則用耳而已,非所謂視聽不用耳目,從 吾六十有九未聞大道」,則七十從心者, 大方」,則不踰者也,蹈大方故也。 惟七十從心,然後能之耳,❷然耳 而盡性者也。 然心 孔子曰 可與權 孔子 至

死,葬之以禮,祭之以禮。」曰:「何謂也?」子曰:「生,事之以禮,曰:「孟孫問孝於我,我對曰「無違」。」樊遲孟懿子問孝,子曰:「無違。」樊遲御,子告之

武武伯問孝,子曰:「父母,唯其疾之憂。」 一四子問孝,子曰:「今之孝者,是謂能養。至 一四子問孝,子曰:「色難。有事,弟子服其 一四子問孝,夫子告懿子以無違,教之以不 大禮也,告武伯以父母唯其疾之憂。」 四子問孝,子曰:「父母,唯其疾之憂。」

敬親也,●告子夏以色難,教之以愛親

[「]又損」下,上圖抄本有「之」字。

[「]耳」,上圖抄本無此字。

[「]親」,上圖抄本作「孝」。

其私,亦足以發。回也,不愚。」子曰:「吾與回言終日,不違,如愚。 退而省

難,敬可能也,安爲難」,亦此意歟?

知、不言之言也。回於孔子則如愚,於其以顏回之如愚爲不愚,皆所以貴其不知之爲深,黄帝以無爲謂之不知爲真,此孔子道無問,問無應,故無始以無窮謂之不知

行,舍之則藏,其所以也,願無伐善,無施所以,而非觀所能悉,●故觀;所安難知於達視之謂觀,詳視之謂察。其所由難知於達視之謂觀,詳視之謂察。其所由難知於達視之謂觀,詳視之謂察。其所由難知於所以,其所行爲者也,所由,其所趨向者

[「]親」,上圖抄本作「孝」。

[「]不」上,上圖抄本有「孝」字。

[「]親」,上圖抄本作「孝」。 下二「親」字同。

抄本作「詳」。 「悉」,四庫底本作「安」,館臣籤云「安應改悉」。 上圖

卷一 爲政第二

其所見住床,要不過型三流可引。 粗或止於九驗。或觀之眸子,或得之眉睫。安也。古之觀人者,其精或致於九德,●其安也。古之觀人者,其精或致於九德,●其

子曰:「温故而知新,可以爲師矣。」 以爲師」 又知教之所由廢,然後可以爲人師。」又 爲,而小知之師不足貴,惟温故而知新者, 倦,故曰「可以爲師」。 亡,如此則學不厭矣。學不厭,然後誨不 其所觀雖殊,要不過是三者而已。 知新者,孰與此 曰:「能博喻,然後能爲師。」非夫温故 然後可也。《記》曰:「既知教之所由興, 而學者之賢不肖繫焉,故記問之學不足 温故則月無忘其所能,知新則日知其所 與「温故知 哉? 新,敦厚崇禮」者有 然「温故而 蓋師者,人之模範, 知新, 可 而

子曰:「君子不器。」

間矣。❷

孔子者哉! 揚子曰:●「君子不械。」 一門而爲人之所器者。● 若夫子貢 適於一用而爲人之所器者。● 若夫子貢 適於一用而爲人之所器者。● 若夫子貢 一門而爲人之所器者。● 若夫子貢 一門而爲人之所器者。● 若夫子貢 一門而爲人之所器者。● 若夫子貢 一里人所以不欲碌碌如玉、落落如石、● 一里人所以不欲碌碌如玉、落落如石、● 大道不器,故君子亦不器。君子之道,能

0

敦

九德」。「德」,四庫底本、上圖抄本作「得」,館臣籤云「九得應改「徳」,四庫底本、上圖抄本作「得」,館臣籤云「九得應改

厚以崇禮」。「有」上,上圖抄本有「固」字。

[「]耆」な食」、二旬ひな三「膏「石」下,上圖抄本作「哉」。「者」,上圖抄本作「哉」。

[「]瞻前忽後」,上圖抄本作「瞻之在前,忽焉在後」。

[「]則」上,上圖抄本有「又因無器而民蹈乎其前」十字。

[「]揚」,四庫底本作「楊」,館臣籤云「楊應改揚」,以下

同,不再一一出校。

子貢問君子,子曰:「先行其言而後從之。」 此孔子所以告子貢以先行而後言也。 也,爲者、實喪也、又况言浮於行者哉 至言去言,至爲去爲。則凡言者,風波

子曰:「君子周而不比,小人比而不周。」 《禮》曰:「君子約言,小人先言。」 比。● 君子忠信而已,故周而不比,小人 忠信者善周復、故周、阿黨者多缺露、故 終」、《詩》云「行歸于周」、「周爰咨諏」、皆 全、小人道缺者,此也。《書》言「自周有 阿黨而已,故比 之比。《左傳》曰「是爲比周」,原思曰「比 之道也。然周亦有小人之周,比亦有君子 君子之道也。《詩》曰「治比其鄰」,皆小人 周而友」,小人之周也,《易》之「顯比」, 而不周。大凡言君子道

子曰:「學而不思則罔,思而不學則殆。」

周官》「比間」,君子之比也。●

慎思之。」荀子曰:「誦數以貫之,思索以 得之明,故不信而罔,思而 思由中出,學自外人,學而不思則 是思以學而後得,學以思而後精,二者謂 通之。」揚雄曰:「學以聚之,思以精之。」 多識之益,故不安而殆。子曰:「博學之, 沿失誤,而《詩》有「羅置」之喻,此不思所 以謂之罔也。 其可偏廢乎哉!● 蓋罔者,不信之器,相 不學,則 内 外無 無 自

子曰:「攻乎異端,斯害也已。」

天下之物有本有末,本出於一端,●立於 兩「故」字下,上圖抄本均有「爲」字。

「比」,四庫底本作「周」,館臣籤云「周應改比」。上圖

應

抄本作[比]。 「謂」,上圖抄本無此字。

改本出」。 「本」,四庫底本、上圖抄本作「端」,館臣籤云「端出

本者也。 子之術者,皆絶其道,勿使進。」此之謂知 也已。董仲舒曰:「諸不在六藝之科、孔 可觀故有攻之者,以其致遠恐泥,故斯害 非先王之教者皆曰「異端」也。子夏曰: 兩。出於一則爲同,立於兩則爲異,故凡 「雖小道,必有可觀者焉,致遠恐泥。」以有

子曰:「由! 不知爲不知,是知也。」 誨女知之乎! 知之爲知之,

乎! 所言者教也 止於「知之爲知之」,老子所言者道,孔子 内不自以欺,則以不知爲知者,非誣且欺 知之爲知之,●不知爲不知,外不自以誣, 以不知爲知,蓋不少矣,孔子所以誨之也。 事而欲事鬼,於生未能知而欲知死,則其 由於德則鮮知,於正名則不知,於人未能 老子之言至於「知不知」,孔子之言

> 子張學干禄。子曰:「多聞闕疑,慎言其餘, 寡尤,行寡悔,禄在其中矣。」 則寡尤,多見闕殆,慎行其餘,則寡悔。言

理、●故曰「禄在其中」。詩人以「履」爲 言出於所聞,行出於所見。言以宣道,故 怨惡,故於己則寡悔。 則寡口過,故於人則寡尤,行道中庸則 極高明,行以行己,故道中庸。言極高 禄」,與此意同。 蓋君子求己,小人求 如此則有得禄之 寡 明

人。●「修天爵以要人爵」,●求諸人者也。

0

子》無此語、《非十二子篇》楊倞注曾引《論語》此下諸 「知之爲知之」上,上圖抄本有「荀卿曰」三字,按《荀

[「]理」,上圖抄本作「道」。

人求諸人」。 「君子求已,小人求人」,上圖抄本作「君子求諸己,小

⁰ 「修天爵」下,四庫底本、上圖抄本有「也」字,館臣籤云

者僅干於上而已。合而言之,皆干者也。 學而無志於仕也。● 子張之學干禄,豈孔 學而無志於仕也。● 子張之學干禄,豈孔 學而無志於仕也。● 子張之學干禄,豈孔 於開則悅之,於點則與之,皆以其有志於 於開則悅之,於點則與之,皆以其有志於 子之所許哉!《詩》於富多言「求」,●於 子之所許哉!《詩》於富多言「求」,●於 子之所許哉!《詩》於富多言「求」,●於 學而無志於仕也。● 孔子於回則賢之,

不服。」 直錯諸枉,則民服,舉枉錯諸直,則民哀公問曰:「何爲則民服?」孔子對曰:「舉

服」。蓋民情好直而醜枉,●舉枉錯諸直, 公、●則事而已,故曰「舉直錯諸枉,則民 也,莊子曰「行事尚賢」、「貴賤履位,仁賢 也,莊子曰「舉賢則民相軋」,自道言之 也,莊子曰「舉賢則民相軋」,自道言之 者不得不舉。老子曰「不尚賢,使民不 者正,莊子曰「舉賢則民相則」,自道言之 對,莊子曰「與賢則民相則」,自道言之 過言之

諸枉,能使枉者直。」不特民服而已,●告哀愍,爰有樹檀,●其下維穀」,以言上賢而下園,爰有樹檀,●其下維穀」,以言上賢而下園,爰有樹檀,●其下維穀」,以言上賢而下園,爰有樹檀,●其下維穀」,以言上賢而下

[「]學」,上圖抄本作「欲」。

[「]志」,上圖抄本作「意」。 「求」上,上圖抄本有「使之」二字。

[「]詩」,原脱,據上圖本補。 「富」,上圖抄本作「福」。

[「]富」,上圖抄本作「福」。

[「]答」,上圖抄本作「對」。

[「]民情」,上圖抄本作「民之情莫不」。

改。「爱」,原作「園」,今據上圖抄本和《詩經・小雅・鶴鳴》

[「]則」,原脱,據上圖抄本補。

[「]不」上,上圖抄本有「能使枉者直則」六字。

曰:「臨之以莊,則敬,孝慈,則忠,舉善而季康子問:「使民敬忠以勸,如之何?」子公不及此者,●即其所問而答之也。●

教不能,則勸。」

爲政,奚其爲爲政?」

教不能,則勸,有是三者,則民不待使而化。也。 臨之以莊,禮也,孝慈,仁也,舉善而「是彝是訓」,此舉善而教不能所以致勸之道不協于極,不罹于咎,皇則受之。」而繼之以《書》曰:「人之有猷有爲有守,汝則念之。

云:「孝乎惟孝,友于兄弟,施於有政。」是亦或謂孔子曰:「子奚不爲政?」子曰:「《書》康子不知出此而欲使之化焉,豈知務哉!

海、◎則孝之施于政也,豈不難哉!◎ 蓋愛敬而已。愛敬盡於事親,而德教刑于四于兄弟,◎是亦爲政」也。孝之施於政也,用而不知無用之用,故夫子告以「惟孝友或人知爲政而不知所以爲政,是知有用之或人知爲政而不知所以爲政,是知有用之

「告」,上圖抄本作「對」。

「敬」,上圖抄本避諱作「欽」。下同。「即其所問而答之」,上圖抄本作「即其問者告之」。

「戒」,上圖抄本作「解」。

「禄」,上圖抄本作「賞」。

「使民」,上圖抄本無此二字。

「夫子告」,上圖抄本作「孔子對」。

教」下,上圖抄本有「可以」二字。

「不」,上圖抄本無此字。

愛敬立 四海之民,雖非君子之所性 君子之所樂而亦其所欲,中天下而立,定 立則敬立」,此之謂也。 立,則雖爲政而與不爲政同。 一, 則 雖 不爲政而 然廣土衆民,雖非 與孝 而亦其所樂。 同 揚子曰「身 愛敬 不

禮

孔子之不爲政,豈得已哉? 以其難爲或 人言,故告不及此。❶

子曰:「人而無信,不知其可也。

大車無輗,

小車無軏,其何以行之哉?」 信之在人,猶輗軏之在車。人而無信,雖 易立乎其中矣。」●又曰:「天地設位,而易 軏以貴信」也。 輻輳而不可運,此《太玄》所以言「車 仁義禮智而不可行,車而無輗軏 行之哉」,用也。《易》曰:「乾坤成列,而 ·民無信不立」者,體也,「人無信,其何以 行以立爲體,立以行爲用。 無 輗 轅

> 行乎其中矣。」體、 用之辨也

> > 八

可知也。 子張問:「十世可知也?」子曰:「殷因於夏 故在天有陰有陽,有陰陽之中,在人有文 道之生也,以三而成,其變也,以三而復 ,所損益,可知也,周因於殷禮,所損益 尺,舒肘足以知尋,天下之變,若此而已, 夫一人之身,布指足以知寸,布手足以知 周至於十世、由十世至於百世可知也。今 同,不過三者之相代而已,人之因革損 則百世之因革損益,其難知哉! 雖不一,不過三者之相救而已,此所以由 有質,有文質之中。天之消息盈 其或繼周者,雖百世可知 也。」 或問秦 虚 雖不 益

⁰ 「告不及此」,上圖抄本作「答之如此」。

而字」。 ·而」,四庫底本、上圖抄本無此字,館臣籤云「下應添

代之道,是離忠、質以爲二,而不知忠者乃 者如欲太平,舍之而用他道,亦無 以繼周,不待夏禮而治。 矣」,此之謂也。 董仲舒以忠、質、文爲三 揚子對以「繼周 由 至

子曰:「非其鬼而祭之,諂也。

所以爲質也。

祀不貴淫,神不享諂。●《周官・太宰》 「八則」「祭祀以馭其神」,太祝命官,●則

淫祀之禁尚矣。世衰法弛,淫祀滋盛,其

禮之祭,可謂知禮矣。 之罪也。漢谷永譏無福之祀,魏文帝禁非 廢,●則夭昏傷命者不爲不多,●凡此皆謂 大至於五時,其小及於爰居,以至正祀

見義不爲,無勇也。」

褐寬博,吾不惴焉。 君子責之以無勇。曾子曰:「自反而不縮,雖 不見義而不爲,君子恕之以不知,見義不爲, 自反而縮,雖千萬人,吾

> 往矣。」是見不義不可以必爲,●而見義不可 討,凡此「見義不爲,無勇也」。 而不救, ●田常有弑君之罪,魯侯可討而不 可制而不制,黎侯有狄人之患,●衛侯可救 不爲也。● 春秋之時,叔段有不弟之惡,鄭伯

論語全解卷一

- 享」,上圖抄本作「歆」。
- 「正祀」,上圖抄本作「巫祝」。 「麽」,四庫底本、上圖抄 「官」,上圖抄本作「者」。
- 「夭」,四庫底本、上圖抄本作「妖」,館臣籤云「妖應改

本作「費」,館臣籤云「費應改廢」。

- 夭」。「命」,上圖抄本作「民」。 「不義」,四庫底本、上圖抄本誤重二字,館臣籤云「多不義
- 「見」,四庫底本無此字,館臣籤云:「而字下應添見字」。
- 「狄人」,國圖抄本作「危亡」。
- 春秋中從無稱伯之時,原本作伯,今改。 ·侯」,四庫底本、上圖抄本作「伯」,館臣籤云「衛係侯爵、 李駿」。

九

論語全解卷二

宋 陳祥道 撰

八佾第三

穆穆」,奚取於三家之堂?」三家者以《雍》徹。子曰:「「相維辟公,天子可忍也?」

所以節八音而行八風也,●以其節八音而僭大夫,大夫不僭諸侯,陽貨之執國命們是也。樂之八音,所以擬八風也,●佾舞,八佾是也,陪臣之僭諸侯,陽貨之執國命歷大夫,大夫不僭諸侯。大夫之僭天子,降臣不天下無道,諸侯僭天子,大夫僭諸侯,陪臣

言堂,於八佾言庭。《禮記・明堂位》、《祭悉氏之舞八佾,則是樂於是大壞,●而民怒也」。夫八者,數也,佾者,名也。禮樂之所嚴在名與數,而大夫且僭之,是忍其之所嚴在名與數,而大夫且僭之,是忍其之所嚴在名與數,而大夫且僭之,是忍其之所嚴在名與數,而大夫且僭之,是忍其之所嚴在名與數,而大夫且僭之,是忍其之所嚴充之解施於三家之堂,●則又非智也。禮樂之,齊氏入佾,季氏之所獨,《雍》徹言三家。❸歌者貴聲於上,●舞則動容於下,故於《雍》徹言三家。❸歌

[「]風」下,上圖抄本有「者」字。

[「]風」下,上圖抄本有「者」字。

[「]三家」,上圖抄本作「⋷里」。「是樂」,上圖抄本作「禮樂」。

[「]者」,上圖抄本作「則」。

樂何?」 子曰:「人而不仁,如禮何? 人而不仁,如

同官》掌禮樂以春官,以明禮樂以仁而立《周官》掌禮樂以春官,以明禮樂以仁爲本也。蓋子言仁之實,而言禮樂以仁爲本也。蓋禮者,仁之實,而主禮樂以仁爲本也。蓋禮者,仁之實,而言禮樂以仁爲本也。蓋禮者,仁之實,而言禮樂以仁爲本也。《記》曰:「仁者制禮。」

林放問禮之本。子曰:「大哉問!禮,與其

奢也,寧儉,喪,與其易也,寧戚。」

本與堯之爲君,孔子皆曰「大哉」,蓋禮之本,重堯之爲君,亦此意歟?● 林放問禮之報,所一,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,趨於中,●然後無過不及矣。周道之衰,超

^{) 「}八」上,上圖抄本有「干戚舞大夏」五字。

[「]留」,上圖抄本作「於」。

[「]殷」,上圖抄本作「周」。「縮」,上圖抄本作「宿」。

[「]此」,上圖抄本作「其」。

本,禮之大者,則天爲君之大者故也。●本,禮之大者,則雖無君而與有君同,禮義亡,則雖有君而與無君等。● 賈誼曰:「法立則雖有君而與無君等。● 賈誼曰:「法立而不犯,令行而不逆。細民向善,大臣至而不犯,令行而不逆。細民向善,大臣至不如諸夏之亡也」。

本,禮之大者,則天爲君之大者故也。●本,禮之大者,則天爲君之大者故也。

山不如林放乎?」與?」對曰:「不能。」子曰:「嗚呼!曾謂泰季氏旅於泰山。子謂冉有曰:「女弗能救

故曰:「曾謂泰山不如林放乎?」濟神、●非冉有不能救,神豈能説耶!夫子祭於季氏乎!●此於明以瀆禮、●於幽以庶之宅,君不祭於臣僕之家,泰山之神可節莫差於僭,僭莫大於祭,故父不祭於支

子曰:「君子無所争。必也射乎!揖讓而

升,下而飲。其争也君子。」

争,於射則争。君子之射,有德以詔之,有 者非求服人而害之也,將以養之也,上求 課其功則有算。 禮以節之,有罰以戒之。定其位則有物, 養」,與此同意。 壺之禮,當飲者跪曰「賜灌」,勝者跪曰 之則德,辭養則禮。君子之事如此。● 中者、非求中而怨之也、將以辭養也。 者,不勝者脱拾弛弓而飲於勝者。 君子無所不遜,於仁則不遜,君子無所 勝者袒决張弓而 則求 揖 不勝 敬 勝

「天爲君」,上圖抄本作「大爲」。

● 「等」,上圖抄本作「同」。

「神」下,上圖抄本有「其神」二字。

「明」下,上圖抄本有「所」字。

「幽」下,上圖抄本有「所」字。

·此」下,上圖抄本有「而已」二字。

《詩》已矣。」「禮後乎?」子曰:「起予者商也!始可與言絢兮。」何謂也?」子曰:「繪事後素。」曰:,子夏問曰:「『巧笑倩兮,美目盼兮,素以爲

《詩》,則前此未可與言也,●蓋朽木不可 近取諸身以明義,孔子遠取諸物以明詩 素,質也,有素質,然後可文之以繪。 詩人 倩、盼,質也,有倩、盼,然後可文之以禮; 行矣,味者甘立而五味和矣,色者白 雕,糞土之牆不可杇。故音者宫立而五音 此所以「始可與言《詩》也」。 後爲能深入,是知其質而不知其文者也。 達於犀角,然不知括而羽之,鏃而厲之,然 也。有以南山之竹不操自直,斬而用之, 裹弊而毛無所傅,是知其文而不知其質者 五色成矣,安有無其質而有文哉!.昔人有 反裘而負芻者,將以愛其毛而已,然不知 始可與言 立 而

「非助我」,而以商爲「起予」,則其賢可予」之言,生於不足,故也。孔子以回爲言」,於賜不言「起予」,於商言之者,「起子夏因《詩》而悟禮,孔子皆曰「始可與信學禮之人而已。然子貢因禮以明《詩》,知夫文質兼尚而不失先後之施者,其惟忠

禮,吾能言之,宋不足徵也。文獻不足故也,子曰:「夏禮,吾能言之,杞不足徵也,殷

知矣。

足則吾能徵之矣。」

之也。《中庸》於杞言「不足徵」,●於宋言孔子之時不修賢德以傳之,●孔子所以傷先王之於二代,欲其人足證,故修其禮物。

0

[「]也」,上圖抄本作「矣」。

[「]以傳之」,上圖抄本作「所傳者」。

[「]黴」,四庫底本、上圖抄本作「證」,館臣籤云「證應改

「有宋存焉」,蓋亦彼善於此而已。觀春秋「有宋存焉」,蓋亦彼善於此而已。觀春秋不祭。」

臣也。 知 ● 之義,其粗雖寓於形名度數,其精則在於 掌,此孔子所以於禘「既灌不欲觀之」,於 敬, 難知也,故知其説者之於天下如指 爲臣不全。❷ 性命道德。明其義者,君也,能其事者, 禘之説則曰「不知也」。夫郊社之禮,禘嘗 禘之爲祭,其文煩而難行,其義多 難行也,故自 不明其義,君人不全,不能 然則魯之君臣,其不能全也 灌 而 往者 多 失於 其 而 事, 不 難

> 神如神在」故也。 觀之」也。孔子於祭則受福、「祭如在、祭也、「祭神如神在」、事亡如事存也。「吾也。「祭神如神在」、事亡如事存也。「吾不與祭、如不祭」。「祭如在」、事死如事生可知矣。所謂「祭如在、祭神如神在」、「吾可知矣。所謂「祭如在、祭神如神在」、「吾

番里不媚,而况不爲三子者乎? 彼商鞅也?」子曰:「不然,獲罪於天,無所禱也。」,所不見,敬所者,非孔子之與爲也。其見所不見,敬所不敬,姑以遠害而已。● 在昔漢馮野王之於石顯,蕭望之之於霍光,汲黯之於田蚡,於石顯,蕭望之之於霍光,汲黯之於田蚡,至孫賈問曰:「與其媚於奥,寧媚於竈,何謂王孫賈問曰:「與其媚於奥,寧媚於竈,何謂

^{● 「}多」,上圖抄本作「衆」。

❷ 「爲臣」,上圖抄本作「臣又」。

^{● 「}已」下,上圖抄本有「庸豈階之以伸身哉」八字。

知矣。《春秋傳》獲器用曰得,得人曰獲,附勢,凡若是者,不可勝數,則其所存者可附景監,朱博附丁傅,谷永附王鳳,其趨炎

子曰:「周監於二代,郁郁乎文哉!吾則得者獲之易,獲者得之難。

從周。」

色愀然,與「從先進」同意。 一人,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,曲爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防, 一方,非一代也。周禮率爲之制,由爲之防,

知禮乎? 人太廟,每事問。」子聞之,曰:子入大廟,每事問。或曰:「孰謂鄹人之子

「是禮也。」

其至在力,然一於力則所觀在力不在德凡物自爲科,彼此異焉。蓋射之中在巧,水有科,以容其本,斗有科,以受其所酌,子曰:「射不主皮,爲力不同科,古之道也。」

^{) 「}每」上,上圖抄本有「子入太廟」四字。

[&]quot;,",上圖抄本無此二字。「也」,上圖抄本作「而「所謂」,上圖抄本無此二字。「也」,上圖抄本作「而

「不主皮」爲古之道,以救其弊。 葉,叔段之善射者,蓋亦多矣。故孔子以於主皮,若魯莊之不出正,養田基之穿楊於主皮,若魯莊之不出正,養田基之穿楊於主皮,若魯莊之不出正,養田基之穿楊於主皮,若魯莊之不出正,養田基之稅,見矣,故曰:「射不主皮,爲力不同科,古之矣,故曰:「射不主皮,爲力不同科,古之

其羊,我愛其禮。」 子貢欲去告朔之餼羊。子曰:「賜也!爾愛

朝於廟」,十六年「公不視朔」,蓋告朔告於朝於廟」,十六年「公不視朔」,蓋告朔告於為華,然非餼羊無以見其禮。故愛羊非所以存其禮,而愛禮不可以不存羊,故曰:以存其禮,而愛禮不可以不存羊,故曰:以存其禮,而愛禮不可以不存羊,故曰:以存其禮,而愛禮不可以不存羊,故曰:以存其禮,然非鐘鼓無以存其聲,告朔不在禮不在玉帛,然非玉帛無以存其文,樂不

也。 門之外,諸侯告朔、聽朔一於太廟 外」,諸侯「皮弁聽朔於太廟」,蓋南門路門 廟 祖矣。 闔門言之也。天子告朔於太廟,聽朔於南 於廟」、《禮記》曰「聽朔於太廟」,則兼於 祭」是也。特牲,餼羊是也,《春秋》言「朝 告朔必祭,而祭必特牲,祭則祭法所謂「月 之外即治朝,而曰「南門之外」者,因閏月 視朔視其事 《玉藻》以天子「玄端聽朔於南門之 ,則《玉藻》所 謂 聽 而已。

子曰:「事君盡禮,人以爲諂也。」

佞,入太廟每事問而人以爲不知禮,擊磬孔子事君盡禮而人以爲諂,疾固而人以爲 不意導言謂之諂,莫之顧而進之謂之佞。

^{■ 「}王」,上圖抄本作「宣」。

^{▶ 「}矣」下,上圖抄本有「穀梁曰諸侯受朔於禰非也」十一字。

爲不孝,其不見是也,非特孔子而已。● 以堯、舜爲不德,以周公爲不仁智,以章子 逃於過與不及之責也。然觀世俗之説,● 逃於過與不及之責也。然觀世俗之説,● 逃於過與不及之責也。然觀世俗之説,● 逃於過與不及之責也。然觀世俗之説,● 以堯、舜爲不德,以周公爲不仁智,以章子 八之, 以堯、舜爲不德,以周公爲不仁智,以章子 以堯、舜爲不德,以周公爲不仁智,以章子

以廉恥,故人矜節行。」君臣之道施報而已,之。」賈誼曰:「遇之有禮,故群臣自喜,嬰人視之,智伯以國士遇我,我故以國士報昔豫氏曰:「范中行以衆人畜我,我故以衆

也。哀者,仁也,不傷,性義也。●樂而節側,哀而不傷也。樂者,樂也,不淫色,禮鼓,樂而不淫也,求之以寤寐,思之以反鼓,樂而不淫也,求之以寤寐,思之以反致其哀。《關雎》友之以琴瑟,樂之以鐘

子曰:「《關雎》樂而不淫,哀而不傷。」

故先言君使臣以禮,後言臣事君以忠。

定公問:「君使臣,臣事君,如之何?」孔子

「説」,上圖抄本作「論」。

「而」,原無,據上圖抄本補。

「其心應改人心」。「人」,如庫底本、上圖抄本作「其」,館臣據《尚書》籤云

臣籤云「應改不傷性義也」。「性義」,四庫底本作「性仁」,上圖抄本作「素善義」,館

之以 先樂者,得后妃之心。 二《南》之事也,《豳》勤而不怨,則豳民之 樂而不淫,后妃之德而已,勤而不怨,則 不怨,以《豳》爲樂而不淫,何也?《關雎》 淫,《豳》勤而不怨。季札以二《南》爲勤 詩者逆其心,其理然也。《關雎》樂而 序》先樂而後哀思。 先哀思者,事之序, 德也。《詩》先哀思而後樂、《論語》與《詩 (禮,仁 而 成之以 、義,此 作詩者叙其事,説 所以 爲 后妃之 而 不

類所從,易見爲難亂。教民稼穡,人事不松,殷人以柏,周人以栗,曰使民戰栗。」子聞松,殷人以柏,周人以栗,曰使民戰栗。」子聞松,殷人以柏,周人以栗,曰使民戰栗。」子聞惑公問社於宰我。宰我對曰:「夏后氏以

事而已,樂而不淫,則豳國之風也。

使之悟非而有改焉,是非遂之也。● 且宰依、《禮》之贄栗所以託其意也。而宰予對松、《禮》之贄栗所以託其意也。而宰予對松、《禮》之贄栗所以託其意也。而宰予對松之言也,「既往不咎」,此孔子恕宰我之言也。「成事不説」,言遂哀公之事而不爲之説,「遂事不諫」,言遂哀公之事而不爲之説,「遂事不諫」,言遂哀公之事而不爲之。「成事不説」,言遂哀公之事而不爲之。「成事不説」,言遂哀公之事而不爲之。「成事不説」,言遂哀公之事而不爲之。「成事不説」,言遂哀公之事而不爲之。「成事不説」,言遂哀公之事而不爲之。「成事不説」,言遂哀公之事而不爲之談,「遂事不諫」,是非遂之也。● 且宰

^{●「}野之性也」,上圖抄本作「睾我」,四庫館臣圈改則在地土之性者」。四庫底本「野」作「墅」,館臣籤云「墅應改野」。

[「]非」,上圖抄本作「弗」。「勿」,上圖抄本作「弗」。

其嗣於上,不稱氏以明其興於下,●此夏、 帝」、《書》「上天神后」,是天道之繼體者, 帝之位,則幾於天道,故曰「后」,得之於 之所以有天下,得之於人。得之於君而嗣 曾子,非既往者也,宰我言於哀公,則既 非仲憲,孔子不咎宰我,何也? 仲憲言於 我之言「社」猶仲憲之言「明器」也,曾子則 商、周之别也。《春秋》或書「氏」,或書 人也。」是人道之全者謂之人。稱氏以明 謂之「后」。《禮記》、《孟子》皆曰:「仁者, 也。夏之所以有天下,得之於君,商、周 往者也。后以言繼體者也,氏以言人歸之 「人」,以其凡繼世者皆「氏」,凡微者皆 人而天下歸仁,故曰「人」。《詩》「皇皇后

子曰: 「管仲之器小哉!」或曰:「管仲儉

與商、周異。●

「人」,●其稱「氏」與夏「后」同,其稱「人」

門,管氏亦樹塞門。邦君爲兩君之好,有反 乎?」曰:「管氏有三歸,官事不攝, 知禮?」 站,管氏亦有反站。管氏 儉?」「然則管仲知禮乎?」曰:「邦君樹 而 知禮,孰不 焉得 寒

禮也,非所謂知禮,此所以爲小器也。 管仲於内則三歸,●於外則具官盈禮也 形而上者謂之道,形而下者謂之器。 老子 非所謂儉,塞門以自蔽,反站 言「大方無隅」而繼之以「大器晚成」,則 方」者,道德之所在,「器」者,功業之所 以 禮 資,僭

「輿」,四庫底本,上圖抄本作「典」,館臣籤云「典應改

[「]人」下,上圖抄本有「也」字。

周從微而與,稱人正與《春秋》同」。又籤云「商、周稱 人非微之也,與《春秋》稱人異。 「異」,四庫底本、上圖抄本作「同」,館臣李駿籤云「商、 應改異字」。

^{」,}上圖抄本作「氏」。

焉而已。●

故謂之「大器」。

寓

也。

道長者其功遠」是也。 則大,對大人而言則小也。 仲爲天下之大器,●管仲之器對魯臣 人,不自正而正物,烏得爲大器哉 自用,此自治以治人,●正己而物正者 爲之説乎? 子曰「中庸之爲德,民鮮能 語》以大夫具官爲僭,●豈讀《論 曰「功烈如彼其卑」是也。 大人之功業則大,賢人之功業則 仲尼託迹於諸侯,以規矩準 范氏曰「器博者無 管仲不自治 魯之施伯 《禮記 語》 ?!.孟子 | >、《家 近 》而誤 以管 圃 而 用, 也 治 繩 小 久 凡樂之作,始於一 作動物。不能「翕如也」以作,「繹如也」以 邦國,以諧萬民,以安賓客,以悦遠人,以 樂之用,始於一而止於九,以致鬼神,以 也,謂之一成,反 從,作樂而至於從者也,所欲 從,則不足以 成,則夫遠近幽深,其孰能感之哉! 其患在於不相通協。 至於從,學道而至於從者也。樂之作也, 不至於從,則不足 語樂。 翕如

以

語道,作樂不

至

於

學者

如 子語魯大師樂,曰:「樂其可知也: 也; 從之,純 如 也, 皦 如 也, 繹 始作, 如

矣」、《禮記》則以爲不能期月守,子曰「人

而無恒,每不可以作巫醫」、《禮記》則以爲

龜筮猶不能知」也,其誤亦若此歟!

以成。」

值不相

通,值不相

而成於三。

至於繹

如

也,謂之一變。

凡

和

不踰矩,不

繹如也以成,不至於

則」下,上圖抄本有「可大下於賢人則」七字。

以」,上圖抄本作「而

器」下,上圖抄本有「者」字。

恒」,上圖抄本避諱作「常」。 僭」下,上圖抄本有「者」字。

儀封

人請見,曰:「君子之至於斯也,吾未嘗

協,應 哉!.及夫世衰樂壞,工師之徒或去而不存 之以無忌之聲,調之以自然之命,動於無 紀,則從之「純如」、「皦如」不足言也,奏 燭之以日月之明,鬼神守其幽,星辰行其 始作「翕如」不足言也、奏之以陰陽之和、 以人,合之以天,其卒無尾,其始無首,則 存而不知乎樂者也。始言「翕如」而終言 楚,●去而不存於朝者也,孔子之所語者, 於朝,或存而不知乎樂,擊適齊、干適 鐘鼓不可以樂鷃,故也 之語太師不及是者,以車馬不可以載鼷, 方,居於窈冥,則「繹如」不足言也。 而不明,❷而純皦如也則不亂,顧不美 「繹如」者若此,亦樂之粗而已。 若夫奏之 樂之從也,其患在於雜 翕如 也,相協 加 不睽,相值 而不純 孔子 而 混 不

於喪乎? 天下之無道也久矣,天將以夫子不得見也。」從者見之。 出曰:「二三子何患

爲木鐸。」

合矣,考其時則可矣,此儀封人所以言二世,其足患今也。世雖無以興乎道,而夫と,其則以夫子爲木鐸,使之狗仁義之教於天下と,其足以興乎世,故其衰也不足患。木野以夫子爲木鐸,使之狗仁義之教於天下將以夫子爲木鐸,使之狗仁義之教於天下時以夫子爲木鐸,使之狗仁義之教於天下時以夫子爲木鐸,使之狗仁義之教於天下時以,其足患今也。世雖以興乎世,故道之衰世無以興乎道,道無以興乎世,故道之衰

[「]不」下,上圖抄本有「相」字。

[「]混」,上圖抄本作「紛」。

[「]干」上,上圖抄本有「亞飯」二字。

[「]舌」,四庫底本作「鐸」,纂修盧遂籤云「鐸字應改舌

故無所成名。 故 可以爲木鐸,内也,者,●内也。外也,故可以爲木鐸,内也,封人之知孔子者,●外也,黨人之知孔子其不可爲而爲之者,其可以語此哉!然儀三子無患於喪也。● 彼不知孔子,而謂知

「盡美矣,未盡善也。」
子謂《韶》:「盡美矣,又盡善也。」謂《武》:

> 美,斯不善矣。」 下皆知美之爲美,斯惡矣。 皆知善之爲善,道之至則無美與善,故莊子有曰:「天

何以觀之哉?」❸子曰:「居上不寬,爲禮不敬,臨喪不哀,吾

里仁第四

子曰:「里仁爲美。擇不處仁,焉得知?」

● 「儀」,原無,據上圖抄本補。

❷ 「儀」,原無,據上圖抄本補。

黨」上,上圖抄本有「達巷」二字。

年1。 「牟」,四庫底本、上圖抄本作「弁」,館臣籤云「弁應

❸「哉」下,上圖抄本有陳祥道解文:「居上者與其猛有餘而寬不足,不若禮不足而哀有餘。居上寬,臨喪哀,仁也,不足,不若禮不足而哀有餘。居上寬,臨喪哀,仁也,為一度,不若弦不足而敬有餘,臨喪與其禮有餘而哀

也。 也,孟子言「矢人」,●以小况大也。 利仁,其何以安哉!不曰「爲仁」而曰「處 智,非是是非之謂愚,不知仁之美而不能 之禦而不仁,是不智也」。是是非非之謂 此孟子所以言「術不可不慎」,繼之以「莫 美,則自擇而不知處仁者,焉得爲智乎? 之有仁,猶當知以爲美,●里之有仁以 在山,則木潤,珠生淵,則厓不枯。 仁人之於里,猶玉之於山,珠之於淵。 仁」者,以仁者人之安宅也,天下之廣居故 然則孔子言「里仁爲美」,以外况内 則 爲 里 玉

樂,不可以長處樂。孔子曰:「君子而不仁者,不可以處約,不可以久處約,非不可以處不可以處於,故處約如處樂。不仁者,非處樂。

何可久」,亦以長甚於久也。 一世不足爲君子,亦未至於小人。《禮》 一世不足爲君子,亦未至於小人。《禮》 一時「不可以久處約」也,「富斯騙」,非特 「不可以長處樂」也。老子言「天長地 小人窮斯濫,富斯騙。」則「窮斯濫」, 一時不足爲君子,亦未至於小人。《禮》 一時不足爲君子,亦未至於小人。《禮》 一時不足爲君子,亦未至於小人。《禮》 一時不足爲君子,亦未至於小人。《禮》

「仁者安仁,知者利仁。」

仁而不已,則至於安仁。此《中庸》所以故利仁。然窮理而不已,則至於盡性,利仁者盡性而静,故安仁,知者窮理而動,

^{) 「}猶」,上圖抄本作「亦」。

^{) 「}人」下,上圖抄本有「函人」二字。

有化。 严发 1。

次也。」蓋上者安仁,次者利仁,又其次者也,學而知之者,次也,用而學之,又其好人之安仁也,仲山甫之安仁,君安仁,聖人之安仁也,仲山甫之安仁,君安仁,聖人之安仁也,仲山甫之安仁。堯之也,有聖人之安仁,有君子之安仁。堯之也,尊而知之者,以此,一也。《坤》卦始於利貞,言:「或安而行之,或利而行之,或勉强而言:「或安而行之,或利而行之,或勉强而

子曰:「苟志於仁矣,無惡也。」

同,是所惡非作惡,而天下之所同,非此 道無喜怒,而喜怒者道之過,德無好惡, 離好惡而能好惡者也。蓋仁者誠足以盡 離好惡而能好惡者也。蓋仁者誠足以盡 於是非之似,故所好非作好,而天下之所 於是非之似,故所好非作好,而天下之所

以至好人所惡、惡人所好,不仁可知也。不過如此。彼愛之欲其生,惡之欲其死,帝之伐蚩尤任力牧,舜之命九官去四凶,所謂「無欲而好仁,無畏而惡不仁」也。黄

三四

「苟志於仁」則未足乎仁、「無惡」則可以爲 為良人。以其「苟志於仁,無惡也」,故 為失、不在所可惡也。衛宣公之二子相争 而死,不足以爲孝,而《詩》以爲不瑕,秦 而死,不足以爲孝,而《詩》以爲不瑕,秦 心三臣殉葬於君,不足以爲忠,而《詩》以 爲良人。以其「苟志於仁,無惡」則可以爲 曰:「雖歸於惡,志善則有。」

故也。

强仁,於此不及强仁者,其言主於仁、知

● 「盡」,上圖抄本作「窮」。

之,不處也。貧與賤,是人之所惡也,不以其

子曰:「富與貴,是人之所欲也,不以其道得

名之非實,君子之所恥,没世不稱,君子

成者,實不成於内、名不成於外也。● 蓋

莊子曰:「不義則不生,不仁則不成。」不

道得之,不去也

爲辱。 以小人之道得之則不去,以其有命也。君 不處,以其有義也,貧與賤,人之所惡,不 富與貴,人之所欲,不以君子之道得之則 顧,非其功,位之以三旌而屠羊不受。 簞 之道,以非得貧賤之道而得之,君子不以 得之,君子不以爲榮,小人有可以得貧賤 子有可以得富貴之道,以非得富貴之道 朵頤者,豈足以知此哉!!● 移」者也。彼以隋珠而彈雀、舍靈龜 以病原思,●凡此「富貴不能淫,貧賤不能 瓢陋巷,不足以病顔回;●桑樞甕牖,不足 故非其義,禄之以天下而伊尹不 而 而 觀

> 「君子無終食之間違仁,造次必於是,顛沛必 之所疾,●此所以處仁而不去也。 則君子之事,無所成名,則是小人之事。 成名,

於是。」

人之情於行事之迹,終食造次,或忽於爲 也。孔子之語顔回以「非禮勿視,非禮勿 必於是」,以其有終身之由,而無須臾之離 然,「無終食之間違仁,造次必於是,顛沛 仁,後顛前沛,或不暇於爲仁。君子則不 則終食不違,食之有祭是也,「顛沛必於 沛必是者,言、視、聽、動無非禮故也。 聽,非禮勿言,非禮勿動」爲仁,則造次、顛

君子去仁,惡乎成名?

病」,上圖抄本作「憂」。

[「]原思」,上圖抄本作「原憲」。

[[]也]上,上圖抄本有[故]字。 「足以」,上圖抄本無此二字。

君」上,上圖抄本有「亦」字。

」,林回棄璧,●負赤子而趨是也

子曰:「我未見好仁者,惡不仁者。 好仁者 我未見力不足者。蓋有之矣,我未之見也。」 者加乎其身。有能一日用其力於仁矣乎? 無以尚之,惡不仁者,其爲仁矣,不使不仁 尚之",惡不仁者,不使加我以横逆而已。 惡不仁者也。好仁者,不求尚人而人無以 見善如不及,好仁者也,見不善如探湯, 之也。孟子曰:「五穀者種之美者也。 傷之也。又曰「有能一日用其力」,所以勉 時人未能如此,子故曰「我未之見」,所以 爲不熟,不如荑稗。」然則一日爲仁,其能 苟

子曰:「人之過也,各於其黨。 觀過,斯知

熟乎? 善誘之而已。

君子之過,過於厚,小人之過,過於薄。 君子之黨, 顯黨也,小人之黨,幽 黨 也。

> 人之過待君子,然後仁不仁可知也。然必 過於厚則易辭,過 之以「温而厲」。《詩》之《瞻彼洛矣》言賞 言人之惡,患不知不仁故也。其言毀譽 仁」不言「知不仁」者,君子樂道人之善,惡 知,與人同過,然後其仁可知也。❷ 言「知 觀過然後知仁者,與人同功,其仁未可 於其黨,則不以君子之過責小人,不以 善罰惡,而終之以「福禄」,其立言之意,似 而終之以「如有所譽」,言君子、小人,而終 心於薄則 難 辭 觀過,各

與此同。❸

子曰:「朝聞道,夕死可矣。」 不原始,不足以知生之説,不反終,不足

·其立言之意似與此同」,上圖抄本作「與此同意」。

壁」上,上圖抄本有「千金之」三字。

[「]也」上,上圖抄本有「故」字。

子所飾

在

内不

在外, 所養在大不在

小。

衣之所飾者外也,食之所養者

小也。❸

君

門人若子貢之願有所息、子路之問死,皆 故 莊子曰「道不可聞,聞而非也」,此言聞 問者哉?● 老子曰「聽之不聞名曰希」, 憂」,又曰「學不羨久生」者,此也。 孔子之 則知古今爲一時,生死爲一貫,又安往 善吾生,亦將以善吾死。君子得道,於己 以知死之説。學者期於知生死之説而已, 不知生者也。不知生則不可以知死,豈所 不適哉!古人有言「德人無累,知命不 曰:「朝聞道,夕死可矣。」蓋道非獨 道 以

服美於人,康王期之以惡終,●夫豈溺 以恥由、夏。食無求飽,孔子之謂 議此哉!蓋命厚而德薄,☞衣食雖美,啄不 不願人之文繡。以惡衣食爲恥者,豈足與 於內,不願人之膏粱,令聞廣譽施諸身, 口腹之末而易吾之志哉!●蓋君子仁義飽 食飲簞瓢不足以憂舜、 回,鶉 衣緼

好學;

於

袍

不足

0 所」下,上圖抄本有「謂」字。

0 「至」下,上圖抄本有「於丘其言」四字。

0 作小」。 「小」,四庫底本作「安」,館臣籤云「安字以文義推之當

0 「飾」,四庫底本、上圖抄本作「飭」,館臣籤云「飭應改

「康王」,四庫底本、上圖抄本作「康子」,館臣籤云「康 子應改康王」。

6

「志」上,上圖抄本有「所」字。

6

議也。」

子曰:「士志於道,而恥惡衣惡食者,未足與

足者,至各有所當也。❷

者以其非彼聞也,自聞而已矣。

莊子嘗日

道不可致,德不可致」,又曰致道忘有心

命厚而德薄」,上圖抄本作「厚於命而薄於德」。

仿此。 衣食雖美」,上圖抄本作「雖美衣食」。下「衣食雖惡」

三七

而此所論者士也。宮室」、●「同衣服」、蓋《周官》所言者民,以自愧也。《周官》以本俗安萬民而曰「媺以自愧也。《周官》以本俗安萬民而曰「媺足以自矜,德厚而命薄、衣食雖惡、不足

義之與比。」 子曰:「君子之於天下也,無適也,無莫也,

强 之初六,以陰比陽,而有不自失之吉,六 也,無不可也,唯義所在而已。《易・比》 所爲於元永貞,是則比之,非則違之,無可 子之於人,原以探其所爲於卜筮,以占其 則或失其爲故,以親則或失其爲親。 不義故也。《傳》曰:「善雖不吾與,吾將 者處,孔子期之以日退,●以其所比 己者處,孔子期之以 人之交也,以勢則易絶,以利則易散,以 三,以陰比陰,而有匪人之傷。 商好與 而納,不善雖不吾惡,吾將强而去。」 日進,賜好與不勝 故君 義 勝 故 與 己

人懷惠。」
子曰:「君子懷德,小人懷土,君子懷刑,小

刑次之,利莫大於土,而惠次之,故先懷小人樂得其欲,故懷之。治莫尚於德,而故懷之,治與尚於德,而故懷之,治與尚於德,而

德後懷刑,先懷土後懷惠。

子曰:「放於利而行,多怨。」

己,多怨乎人,人亦怨乎己。在外,所以多怨也。所謂「多怨」者,不怨利者,外物也。求在我,所以寡欲也,●求

- 「嫐」,四庫底本、上圖抄本作「微」,館臣籤云「微應改
- ▶ 「欲」,四庫底本、上圖抄本作「怨」,館臣籤云「怨應改

子曰:「能以禮讓爲國乎? 何有? 不能以

禮讓爲國,如禮何?」

貴者則鞠蹈,而孟姜則犯禮。由是觀之,爲 治,禮之所廢,衆之所亂」故也。方周之 遜以禮爲本,禮以遜爲用,《孝經》曰:「先 小人,小人伐其技以憑君子,是以上下無 興,賤者猶遜路,季女猶循禮,及其衰也, 以禮爲國之命,●以「禮之所興,衆之所 無耜而耕。」《春秋》以禮爲國之幹,●荀卿 國,猶繩墨規矩。」又曰:「爲國不以禮,猶 此禮遜爲國之先務也。」《禮》曰:「禮之正 之以敬勝而民不争,道之以禮讓而民和 也,謂之懿德。及其亂也,君子稱其功以 上,❸是以上下有禮,而讒慝黜遠,由不爭 也,君子尚能而遜其下,小人農力以事其 國以禮遜,其可已乎?《傳》曰: ,亂患並生,●由争善也,謂之昏德。] 孔 「世之治

子之言,惟其救昏德之弊而已矣。❸

求爲可知也。」 子曰:「不患無位,患所以立。不患莫己知,

敝,則有可知之道而人有不知者乎? 此 所以立」也。 夫聲無遠而不聞, 行無隱 得之,舍則失之,求在我者也。 求之有道,得之有命,求在外者也,求則 所以「不患莫己知,求爲可知也」。 莊子曰 不形,有車者必見其軾,有衣者必見其 可必,在我者可必,此所以「不患無位,患 ·行修於内者,無位而不怍」,●不患無位 在外者不

加

國之」,原脱,據上圖抄本補。

禮」,原脱,據上圖抄本補。

展力」,四庫底本、上圖抄本作「力農」,爲館臣所改。

[「]患」,上圖抄本作「虐」。

惟其」,上圖抄本作「蓋」。「矣」,上圖抄本無此字。

怍原本訛作,今改]。 作」,上圖抄本、四庫底本作「作」,館臣李駿籤云「不

之謂

也。

孟子曰「人知之亦囂囂,人不知

也。由此推之,則子貢言「夫子温、良、恭、 子謂「夫子之道,忠恕而已」,其所見者然

儉、讓」,●亦若是矣。

子曰:「君子喻於義,小人喻於利。」

是矣。然無位則莫己知也,●莫己用則不

患無位」而繼之以「不患莫己知」也。 莊子

有言曰「德成之謂士」,所以「立」者,「德

必莫己知,莫己知者必莫己用,故先言「不

既得而患失,與内不足而急於人知,蓋反

亦囂囂」,不患莫己知也。彼未得而患得,

非義也,●故曰「喻於義」,,小人從其小體 君子從其大體而樂得其道,其見聞服習無 而樂得其欲,其見聞服習無非利也,故曰

於利者害在於中,6此君子所以兩得 義」,此之謂也。喻於義者利存於中,●喻 而 小

「喻於利」。 揚子曰「衆人曰富貴,夫子曰

利,能使小人爲君子,故《詩》曰「肅 人所以兩失也。雖然,先王之時,以 肅兔 義

子曰:「參乎!吾道一以貫之。」曾子曰: 曰:「夫子之道,忠恕而已矣。」 「唯。」子出,門人問曰:「何謂也?」曾子

成」之謂歟

之爲非道,則非違道不遠,語之以聖人之 恕。則忠恕者以之爲道,則違道不遠,以 盡己之謂忠,盡物之謂恕。忠所以進 也,仁者見之謂之仁,智者見之謂之智,曾 妙則未也。 而德不止於忠,恕所以求仁,而仁不止於 孔子之道無不該也,無不徧

「知」,上圖抄本作「用」。

「無」,上圖抄本作「莫」。 「由此推之則」,工圖抄本無此五字。

「於」,上圖抄本作「其」。

於」,上圖抄本作「其」。

使君子爲小人,●故《詩》曰「如賈三倍,君置,施于中林」,世俗日衰,則以利勝義,

子是識」。

子曰:「事父母幾諫,見志不從,又敬不違,

勞而不怨。」

親。蓋孝子非怨也,非不怨也,不失其爲然,微諫不倦,●勞而不怨,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可臣之於君,猶貴於諷諫,則子之於親,其可以不幾諫乎? 然幾諫不從,則至於熟此孔子所以特言「幾諫」也。舜之怨,君子以爲親。蓋孝子非怨也,非不怨也,不失其爲親。蓋孝子非怨也,非不怨也,不失其爲親。蓋孝子非怨也,非不怨也,不失其爲

[「]使」上,上圖抄本有「反」字。

[「]身」,上圖抄本作「心」。

本作勉字」。「勉」,四庫底本作「免」,館臣籤云「免應改勉,宜從原

[「]免」,上圖抄本作「去」。

[「]不倦」,原脱,爲館臣所補。

怨非若舜與《小弁》之怨可比故也。 孝而已。孔子則曰「勞而不怨」者,以勞而

肇車牛、遠服賈,●用孝,但遊必有方,雖老出不易方」,此所謂「遊必有方」也。然《傳》曰「孝子曾參不一宿於外」,●此所謂子曰:「父母在,不遠遊,遊必有方。」

父喪尚在三年之内,於時雖當改,而於心蓋父時事雖可遵行,而時有當改者。● 今所謂道者,非謂無道也,●猶可遵行也。子曰:「三年無改於父之道,可謂孝矣。」

遠無害也。

一則以懼。」子曰:「父母之年,不可不知也。 一則以喜,有不忍改,●亦孝也。

半,死而祭之之日,哀與樂半。李謹曰:人子之於親也,生而事之之日,喜與懼

心,大抵然也,此孝子之所以愛日也。親之日長,爲人弟者事親之日短。」孝子之原爲人兄而不願爲人弟,●爲人兄者事

子曰:「人为云之香羊矣。」子曰:「古者言之不出,恥躬之不逮也。」

子曰:「以約失之者鮮矣。」

以不約。●故「多聞闕疑,慎言其餘,則寡約。賢者必思而後言,必擇而後動,不可聖人縱口之所言,横意之所行,則無事於

● 「孝子曾參不一宿於外」,上圖抄本作「孝如曾參義不

字多,應删」。
● 「遊」下,四庫底本、上圖抄本有「者」字,館臣籤云「者

離其親一宿於外」

●「謂」、上圖抄本無此字。●「服」、原脱、據上圖抄本及《尚書·酒誥》補

「於心有不忍改」,上圖抄本作「猶不忍改」。「時有當改者」,上圖抄本作「時當改者有矣」。

) 「願爲人兄」上,上圖抄本有「爲人子者」四字。

)「約」,上圖抄本作「訥」,下有「約則慎之而不出於券

孔子曰:「言不務多,必審其所謂,行不 言。」孟子曰:「孟施舍不如曾子之守約。」 謂「以約失之者鮮矣」。《禮》曰:「君子約 尤,多見闕殆,慎行其餘,則寡悔」,此**所** 蓋寡者必無之辭,鮮者未必無也。 也。「言寡尤,行寡悔」,又言「失之者鮮」, 多言多敗,無多事,多事多患。」皆約之謂 務多,必審其所爲。」周廟銘曰:「無多言,

子曰:「君子欲訥於言而敏於行。」

行」者。 若石奮、石建、周仁、張叔則幾之 而已,班固之言過矣。 「雍也仁而不佞」,此所謂「訥於言而敏於

子曰:「德不孤,必有鄰。」

鄰」,則無德者孤,有德者不孤也。《易》曰 古人有言曰「罷士無伍」,●又曰「善則有 人,禮人者人必禮之,宜人者人必宜之,此 敬義立而德不孤」,蓋敬以禮人,義以宜

> 保矣。 子和之。」荀卿曰:「木蔭則鳥息,醯酸則 終來有它,吉。」《中孚》言:「鳴鶴在陰,其 德所以不孤也。《比》卦言:「有孚盈缶, 此舜所以三徙成都,大王之去邠,民歸之 幽足以通神明而神明享之,而况於人乎? 有德,●其上足以格皇天而皇天輔之,其 蚋聚。」此「德不孤,必有鄰」之謂也。 可得而 如市也、雖然,此特德而已。 親,亦不可得而疎,●則使人無 若夫道 古之 | 則不

疏矣。」 子游曰: 「事君 數, 斯辱矣; 朋友數,

斯

改古人」。 「人」,四庫底本、上圖抄本作「之」,館臣籤云「古之應

0

「德」下,上圖抄本有「者」字。

亦」,上圖抄本無此字。

「事君量而後入」,則不數可知矣。● 上」,「忠告善道,●無自辱焉」。《禮》曰適踈。此孔子所以言「以道事君,不可則將以致忠而招辱,疑於瀆者,將以致親而諂,●朋友不欲數,數則瀆。● 疑於諂者,疏失人,辱失己。● 故事君不欲數,數則

論語全解卷二

數宜改辱」。 「辱」,四庫底本、上圖抄本作「數」,館臣籤云「數失已,

「告」下,上圖抄本有「而」字。「道」下,上圖抄本有「瀆」上,上圖抄本有「疑於」二字。「諂」上,上圖抄本有「疑於」二字。

❺ 「則」上,上圖抄本有「事其君」三字。

論語全解卷三

宋 陳祥道 撰

公冶長第五

廢,邦無道,免於刑戮。」以其兄之子妻之。 罪也。」以其子妻之。子謂南容,「邦有道,不 子謂公冶長,「可妻也。雖在縲絏之中,非其 騰, ● 孝子於己則含菽緼絮,於親則致 孔子於疾病不禱,周公於君之疾則金 其賢固有間矣。 孔子以己子妻長,以兄子 絏,南容有保身之明,而能必免於刑戮, 公冶長能爲不可罪之行,而不能必免於縲 滋美,其意亦若是也。《傳》曰「君子爲己 妻容,處已子可薄,處兄子不可不厚也。

> 子謂子賤,「君子哉若人! 其修身慎行不累其妻孥可也,故於公冶長 乎? 聖人之妻人,不必求其才德之備,要 免於刑戮」。《家語》曰:「公冶長能忍恥 不重,爲人不輕」,爲人且不輕,况於君親 南容世清不廢,世濁不汙。」 言「雖在縲絏之中」,●於南容言「邦無道, 魯無君子者,斯

焉取斯?」

子,有以父事者,有以兄事者,有以友事 黑。」此不齊在魯,所以取君子之名也,故 者**、●**此其所以取君子之名也。《家語》言 曰"「魯無君子,斯焉取斯?」不齊於君 蓬生麻中,不扶自直, 白沙在涅,不染自

0

四五

子之疾,子字應删」。 「君」下,四庫底本、上圖抄本衍「子」字,館臣籤云 「君

[「]中」下,上圖抄本有「非其罪」三字。

者」下,上圖抄本有「有以稟度者」五字。

孟子 所謂「春秋無義戰,彼善於此」「君子吾不得而見」,又言「魯有君子」,與篤」,孔子嘿然謂之君子者,此也。孔子曰「不齊之事,「其學益明,骨肉益親,朋友益

同意。●

也。」曰:「何器也?」曰:「瑚璉也。」子頁問曰:「賜也何如?」子曰:「女,器

則非人之所宜,故子貢方人,孔子非之。也。」君子不器而子貢謂之瑚璉,則不免於器也,不免於器而猶爲器之珍者,方之君器也,不免於器而猶爲器之珍者,方之君器也,不免於器而猶爲器之珍者,方之君器也,可夏后氏四璉,商六瑚,朝廷之器

訥則近仁,巧言則鮮仁,給則奪仁。故顔

子之亦是,中華之不佞,孔子以爲仁,宰子之如愚,冉雍之不佞,孔子以爲仁。 蓋仁者愛人,愛人者常愛於人,以爲仁。蓋仁者愛人,愛人者常愛於人,以爲仁。蓋仁者愛人,愛人者常愛於人,以爲仁。蓋仁者愛人,愛人者常愛於人,

子説。●

與?」子路聞之喜。子曰:「由也,好勇過子曰:「道不行,乘桴浮於海。從我者其由

我,無所取材。」

孔子於天下,環車接淅,席不暇煖,於南

❷「説」下,上圖抄本有陳祥道解文一段:「聞學而後爲 已,若夫盡仕之道則求也。」 「説」下,上圖抄本有陳祥道解文一段:「聞學而後爲 已,若夫盡任之道則求也。在《易・晉》之六三若衆允悔 是,初六言亢升,以言君子之學至於信,然後任也。故 成,未聞以政學者也。在《易・晉》之六三若衆允悔

^{●「}此」下,上圖抄本有「者」字。

子、陽貨則見,於佛肸、公山則欲往,嘗謂一苟有用我者,三年有成。如有用我者,吾其爲東周乎?」則其汲汲於行道,不爲不至其爲東周乎?」則其汲汲於行道,不爲不至此也,不可得矣,於是有欲居夷浮海之世也,不可得矣,於是有欲居夷浮海之世也,不可得矣,於是有欲居夷浮海之世也,不可得矣,於是有欲居夷浮海之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬襄入於海,猶蠡之武入於漢,少師陽、擊磬入於海,猶蠡之武入於漢,少師陽、擊磬裏入於海,猶蠡之。

知其仁也。」「赤也何如?」子曰:「赤也,束也,千室之邑,百乘之家,可使爲之宰也,不也,不知其仁也。」「求也何如?」子曰:「求又問。子曰:「由也,千乘之國,可使治其賦孟武伯問:「子路仁乎?」子曰:「不知也。」

帶立於朝,可使與賓客言也,不知其仁也。」 聖人而足以名仁,故孔子與之仁。 顔淵、冉雍得聖人之具體者也,具 諸侯之事,與此不同者。三子所言者,志 十、如五六十,求也爲之,可使足民,則皆 千乘之國,由也爲之,可使有勇, 方六七 乘之家,可使爲之宰,則陪臣而已。 然則 其賦也,則大夫而已, 求於千室之邑、百 未知其爲仁也,特聞其忠清而已,故曰: 也,不欲以不仁名之,故曰「不知其仁」。 曰:「未知,焉得仁者?」聖人知其爲仁 不足以名仁,故孔子曰「不知其仁」。 與赤得聖人之一體者也,一體則非成人而 「未知,焉得仁?」由於千乘之國,可使治 體則爲 由、水

^{) 「}居夷浮海」,上圖抄本作「居九夷乘桴浮於海」。

[「]欲」,上圖抄本無此字。

子謂子貢曰: 以知二。」子曰:「弗如也。吾與女弗如也。」 也何敢望回? 也 聖人後天地而生,知天地之始, 先天地而 有隅,有上有下,聞一知十者知方而已,此 萬,豈特聞一知十哉! 蓋道之所在,有方 死,●知天地之終,故能以微知明,以一知 往知來而已,此賜所以下於回也。 賜雖下 顏回所以下於聖人,聞一知二,則不過告 以 則上達,故可以知二,●明則殆於幾,故 子嘗以賜爲士君子,以回爲明君子,蓋士 莊周所謂「識其一不識其二」者異矣。孔 於回,與《詩》所謂「人知其一,莫知其它」, 故夫子與之。● 與其自是,子貢不蔽於自是而知其弗如, 知十也。聖人之與人,常與其自知而不 孔子所論者,材也 「女與回也孰愈?」對曰: 回也 聞一以知十,賜也 聞 賜 可

> 牆不 於人也,聽其言而信其行,今吾於人也,聽 宰予晝寢。 其言而觀其行。於予與改是。」 良工能雕木,而不能雕既朽之木, 杇者能 可杇也。 子 曰: 於予與何誅?」子曰: 「朽木不 可 雕 也, 糞 「始吾 土之

短三年之喪,與田常之作亂,短喪則不仁, 一不能變不美之質。蓋質幹在於自然, 一不能變不美之質。蓋質幹在於自然, 一不能變不美之質。蓋質幹在於自然, 一不能變不美之質。蓋質幹在於自然, 一不能變不美之質。蓋質幹在於自然, 一不能變不美之質。蓋質幹在於自然, 一不能應大,而不能雕既朽之木。 村者能

字,館

爭」。
●「之」,上圖抄本作「點與其潔《春秋》之與晉,蓋同此

「於」,上圖抄本作「乎」。下同。

失之子羽。」故於宰予則改之,此所謂「於 不美,雖不舍晝夜以學先王之道,孔子猶 與亂則不智,則其質之不美可知矣。質之 者,以其質不同,故也。《傳》曰:「皮之不 予與改是」也。且君子於人也,不逆詐,不 曰:「吾以言取人,失之宰我,以貌取人, 責備賢者而略於不賢,亦此意也。 且不與,則晝寢之過,何所責哉! 存,毛將安傅?」 之所生,因彼而已。 孔子之門人若求之自 行」,及宰予之不信,然後以决之疑焉,疑 億,不信,故「始吾於人,聽其言而信其 一,賜之願息,其不能自勉,非特宰予而 孔子於賜、求則教之,於宰予則何誅 《春秋》 孔子嘗

剛本乎性,慾出乎情,慾不能無求,不能無曰:「棖也慾,焉得剛?」子曰:「吾未見剛者。」或對曰:「申棖。」子

者也,又奚適不剛哉! 剛?」君子之於慾也,寡之使不勝,窒之使 求則不能無撓也,故曰:「棖也慾,焉 此皆以直養而無害者也。蓋慾之不行則 名, 孟子之不動心, 所以能全至剛之氣 於無然歆羨。子路之不求,所以能全勇之 自於不邇聲色,●文王之赫怒,其來乃自 子所謂「自勝者强」,揚子所謂「勝私之克」 不行,其固不爲物傾,其完不爲物虧,此老 文子生不交利,可謂之無慾,而人不以爲 可不剛,欲剛不可以有慾也。 然陽處父並 不行然後能剛,能剛然後近仁,則欲仁不 難矣而未仁,剛之於仁則近矣而未至。 剛者,文子之剛也内,處父之剛也外,君子 植於晉,不可謂之無慾,而人以 湯之奏勇,其來乃 爲剛;

● 「來」,上圖抄本作「率」。

所貴,●剛於内而已。

加諸人。」子曰:「賜也,非爾所及也。」子貢曰:「我不欲人之加諸我也,吾亦欲無

其於是之易者猶或未能,况其難者乎?从(存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者愛人,有禮者敬以仁存心,以禮存心,仁者則諸人」也。君子以行之則諸我」,以曰「己所不欲,勿施

故曰:「非爾所及也。」

高明則爲性與天道。子貢得其言,故於夫子之道,出而致廣大則爲文章,人而極之言性與天道,不可得而聞也。」子貢曰:「夫子之文章,可得而聞也,夫子

實不在天,天道在天者也,未嘗不在我。 管不在天,天道在天者也,未嘗不在我。 着,未嘗不在我也。顏子始庶幾者也,故 者,未嘗不在我也。顏子始庶幾者也,故 於言無所不悦,子貢非殆庶幾者也,故 於言無所不悦,子貢非殆庶幾者也,故 於言無所不悦,子貢非殆庶幾者也,故 於言無所不悦,子貢非殆庶幾者也,故於 立」,顏子是也,「中士聞道,若存若 亡」,子貢是也。孟子之言性善,自其離於 立」,子貢是也。孟子之言性善,自其離於 立」,子貢是也。孟子之言性善,自其離於 方之」,顏子之言性,自其渾於道言之。 故孟子之言雖告子有所聞,孔子之言雖子

之,患不得學,既學之,患不得行。子路君子有三患:未之聞,患不得聞,既聞子路有聞,未之能行,唯恐有聞。

■ 「所貴」,上圖抄本作「可貴者」。

文章可得而聞」,未得其所以言,故於「性

其事上也敬,其養民也惠,其使民也義。」

子謂子産,「有君子之道四焉" 其行己也恭,

其無宿諾則美之,於其兼人則抑之,美之 所以長其善,抑之所以救其失。 行,●唯恐有聞」,而行之不逮也。 勇於必行,其患又過於此,故「有聞,未 孔子於

子貢問曰。「孔文子何以謂之文也?」子 曰:「敏而好學,不恥下問,是以謂之文也。」 惠,文之慈也,讓,文之才也。文之所施 之帥也,教,文之施也,孝,文之本也, 也,義,文之制也,智,文之興也,勇,文 敬,文之恭也,忠,文之實也,信,文之孚 已,其於文王、周公之文,固有間矣。 所以辨之也。好學則資諸己,下問則資諸 「敏而好學」,所以聚之也,「不恥下問」, 不一,故古之爲謚者多謂之文。孔子謂 人,此所以謂之文也。 然此可以爲文而

> 義」。行己恭,然後移之於君則敬,養民 上也敬」,濟人以乘輿,殖民以田疇,所謂 無二心,●苟利社稷,死生以之,所謂「事 子産遜不失禮,●所謂「行己也恭」,事君 長於惠,故又命之以惠人。 固多矣,子産有是四者而已,四者之中尤 惠,然後使民則義,得其序也。 君子之道 養民也惠」,擇能使之,所謂「使民也

交,患於不久,久,患其不敬。 晏平仲久 所以言晏子可謂「知禮」。 《詩》之「故舊不 石父交,延而賓之,●久敬可知矣,此曾子 而敬之,此所以爲賢大夫。 觀平仲之與越

子曰:「晏平仲善與人交,久而敬之。」

[「]未行」,上圖抄本作「未之能行」。

[「]遜」上,上圖抄本有「禮於死者與夫」六字。

[「]君」下,上圖抄本有「忠厚而」三字。

之」下,上圖抄本有「則其於交」四字。

周」之論、劉峻所以有「五交」之歎也。醴」、桓譚譬之以「闤闠」、朱穆所以有「比平仲之交不亦遠乎! 此林回喻之以「甘也。彼耳、餘之凶終,蕭、朱之隙末,其於也。彼耳、餘之凶終,蕭、朱之隙末,其於也。

者繪山於衣,所以象仁之静,繡藻於裳,水之黑,天下命龜者皆謂之蔡。漆雕憑曰:城氏有守龜,曰蔡,文仲三年爲一兆。」臧氏之居蔡始於文仲故也。《禮》曰:「諸侯氏之居蔡始於文仲故也。《禮》曰:「諸侯氏之居蔡始於文仲故也。《禮》曰:「諸侯氏之居蔡,有僭於天子之廟飾,非所謂知,而之居蔡,有僭於天子之廟飾,非所謂知,而之居蔡,有僭於天子之廟飾,非別謂知,而之居蔡,有僭於天子之廟飾,非別謂知,亦姓。

文仲之於武仲固有間矣。顔淵問二者孰乎? 孔子於文仲言不知,於武仲言知,則乃皆猶不及藻,又况可施於文仲之節棁所以象德之潔。侯伯之章猶不及山,大夫

賢,子曰:「武仲賢哉!」

曰:「猶吾大夫崔子也。」違之。之一邦,則陳文子有馬十乘,棄而違之。至於他邦,則乎?」曰:「未知,焉得仁?」「崔子弑齊君,乎。」曰:「未知,焉得仁?」「崔子弑齊君,子張問曰:「令尹子文三仕爲令尹,無喜子張問曰:「令尹子文三仕爲令尹,無喜

^{●「}冀」,四庫底本、上圖抄本作「驥」,館臣籤云「驥應改

^{● 「}盧」,四庫底本、上圖抄本作「瀘」,館臣籤云「謂之瀘

^{◆ 「}夫子」,四庫底本、上圖抄本作「時人」,館臣籤云「時

子曰:「清矣。」曰:「仁矣乎?」曰:「未知,又曰:「猶吾大夫崔子也。」違之。 何如?」

> 蓋大夫去其位曰違。 位。〕又曰:「凡諸侯之大夫違,告於諸侯。」

可矣。」季文子三思而後行。子聞之,曰:「再,斯

質,非三思則不可。孔子於三思則抑之,於 整固寡過矣,然猶三思而後行,故孔子言 學問寡過矣,然猶三思而後行,故孔子言 學問寡過矣,然猶三思而後行,故孔子言 學固寡過矣,然猶三思而後行,故孔子言 學問寡過矣,然猶三思而後行,故孔子言 學問寡過矣,然猶三思而後行,故孔子言

0

有「新令尹 |三字。 「舊」下,上圖抄本有「令尹之」三字。 「告」下,上圖抄本

[「]責」,四庫底本、上圖抄本作「事」,館臣改「責」。

子嘗曰「備豫不虞」,三思可知矣。●率爾而對則責之,●因人而爲之教也。文

其知可及也,其愚不可及也。」子曰:「甯武子,邦有道則知,邦無道則愚。

《抑》之章則曰「靡哲不愚」。武子,邦有道 君子之仕也,邦有道,其言足以興,邦無 之上則曰「知光大」,六四,居二陰之間 道,其默足以容。故《坤》之六三,居下卦 子曰:「孟莊子不改父之臣與父之政,爲 已。子游曰:「吾友張也,爲難能 已,伯玉,邦有道則仕,邦無道則卷懷 已, 史魚, 邦有道如矢, 邦無道亦 南容,邦有道不 則知,無道則愚,蓋得諸此而過之者 曰「括囊」,《卷阿》之什則曰「來游來歌 顔子之如愚,甯武子之愚,有以異乎? 難能也。」然則不可及者其難能之謂歟? 廢,邦無道免於刑 如矢 也。」曾 戮 也; 而 則 而 而

狂簡,斐然成章,不知所以裁之。」子在陳,曰:「歸與! 歸與! 吾黨之小子及」,非中道也,此顔、甯之愚所以不同。曰:「如愚可也,不可及不可也。」「不可

狂者,能爲而不能已,其成章也失之過, 簡者,能略而不能詳,具成章也失之不及。 簡者,就之使歸於中也。《詩》言「有斐君 也。此言「狂簡」,孟子言「狂狷」者,「簡」言 也。此言「狂簡」,孟子言「狂狷」者,「簡」言 有,《記》言「且其斐色」,則斐者文之散 也。此言「狂簡」,孟子言「狂狷」者,「簡」言 有,不能詳,與成章也失之而及。

[「]之」下,上圖抄本有「以不遜」三字。

[「]三」上,上圖抄本有「古之善教其」五字。

「求仁得仁」之謂與。
「求仁得仁」之謂與。
「求仁得仁」之謂與。
「求仁得仁」之謂與。
「求仁得仁」之謂與。
「求仁得仁,怨是用希則不能無怨,又曰「何念」也。 怨是用希則不能無怨,又曰「何念」也。 怨是用希則不能無怨,則所謂舊惡怨,求諸己者可必,故故於利而行,所以多求在外者不可必,故放於利而行,所以多

貴,直而已矣。

鄰而與之。」 子曰:「孰謂微生高直? 或乞醯焉,乞諸其

行乎? 此高之所以不足取也。《洪範》之内不以自誣,外不以欺人,言尚如此,况於今夫君子之於言,知則爲知,不知爲不知,己則非直也。 强無以爲有,非安命者也。已則非直也。 强無以爲有,非安命者也。可失己以爲人,與其失己以爲人,孰若不君子之於天下,外不可失人以存己,内不君子之於天下,外不可失人以存己,内不

而行」,孟子曰「不直則道不見」,道之所正也」,孔子曰「人之生也直」,「三代直道而温」、《詩》曰「邦之司直」、《易》曰「直其「三德」「平康正直」、《皋陶》之「九德」「直

恥之。」 匿怨而友其人,左丘明恥之,丘亦玠之。匿怨而友其人,左丘明恥之,丘亦子曰:「巧言、令色、足恭,左丘明恥之,丘亦

則其所恥與左丘明同也,宜矣。 仁,匿怨而友其人,非質直者也,不足於 人有所異,亦有其所同,其得地而君之 於人有所異,亦有其所同,其得地而君之 於人有所異,亦有其所同,其得地而君之 於人有所異,亦有其所同,其得地而君之

「已」,上圖抄本作「内」。

) 「高」上,上圖抄本有「微生」二字。

信之,少者懷之。」
曰:「願聞子之志。」子曰:「老者安之,朋友曰:「願聞子之志。」子曰:「老者安之,朋友时。」顏淵曰:「願無伐善,無施勞。」子路曰:「願車馬衣輕裘與朋友共,敝之而無顏淵、季路侍,子曰:「盍各言爾志?」子路

然後至於孔子之聖。蓋物足以累己,非學趣,所及信之,如者懷之」,聖人之志也。賢之,朋友信之,少者懷之」,聖人之志也。賢也,朋友信之,少者懷之」,聖人之志也。賢也,朋友信之,少者懷之」,聖人之志也。賢之,朋友信之,少者懷之」,聖人之志也。賢此輕裘肥馬敝而無憾,所以成己之義,伐以輕裘肥馬敝而無憾,所以成己之義,稅以輕裘肥馬敝而無憾,所以成己之義,稅以輕裘肥馬敝而無憾,所以成己之義,稅以輕裘肥馬敝而無憾,所以成己之義,稅以輕裘肥馬敝而無憾,所以成己之義,稅以輕裘肥馬敝而無憾,所以成己之表,稅

者也。」 子曰:「已矣乎,吾未見能見其過而内自訟

過,以不當存者寡。」則自狀者不知自訟,而竭,天地之大猶且不免於過,况於人而竭,天地之大猶且不免於過,况於人門,不自訟,非好學爲己者也。孔子之教,將不自訟,非好學爲己者也。孔子之教,將不自訟,非好學爲己者也。孔子之教,將不自訟,非好學爲己者也。孔子之教,將不自訟,非好學爲己者也。孔子之教,將不自訟,非好學爲己者也。孔子之教,將不自訟,非好學爲己者也。孔子之教,將不自訟,以不當在者,以不當於過,以不當於過,以不當於過,以不當於過,以不當於過,以不當於過,以不當於過,以不當於過,以不當於過,以不當於

常始於不以物累已,然後能以已成物也」。「物足以累已,非學者之道也」,上圖抄本作「學者之道,

改徒,據《莊子》改」。
● 「徒」,四庫底本、上圖抄本作「屠」,纂修盧遂籤云「屠

自訟者斯不自狀矣。

丘之好學也。」子曰:「十室之邑,必有忠信如丘者焉,不如子曰:「十室之邑,必有忠信如丘者焉,不如

好學而不改其樂,始庶幾於此。 好學而不改其樂,始庶幾於此。 好學而不改其樂,始學則好,故曰「樂以 是,孔子於道則樂,於學則好,故曰「樂以 是,孔子於道則樂,於學則好,故曰「樂以 是,孔子於道則樂,於學則好,故曰「樂以 是,孔子於道則樂,於學則好,故曰「樂以 是,孔子於道則樂,於學則好,故曰「樂以 是,孔子於道則樂,於學則好,故曰「樂以 是,不如,孔子之好學,此所以愚益愚、聖益聖 一也。 蓋好之者不必樂,樂之者必不不 一也。 蓋好之者不必樂,樂之者必不不 一也。 蓋好之者不必樂,樂之者必不不 一也。 蓋好之者不必樂,樂之者必不不 一也。 蓋好之者不必樂,樂之者必不不 一也。 五十室之邑,必有忠

雍也第六

子曰:「雍也可使南面。」仲弓問子桑伯子。

臨其民,不亦可乎? 居簡而行簡,無乃太簡子曰:「可也簡。」仲弓曰:「居敬而行簡,以

乎?」子曰:「雍之言然。」

^{● 「}執」,四庫底本、上圖抄本作「好」,館臣籤云「好要應

矣。今也則亡,未聞好學者也。」

之所行者簡,則在下者有所從,內之所居者簡,外之所行者亦簡,而孔子以雍之言爲然,則其行可使南面矣。在《易》之《坤》言然,則其行可使南面矣。在《易》之《坤》言春秋時有公孫子桑,意伯子即其人歟。●春秋時有公孫子桑,意伯子即其人歟。●春秋時有公孫子桑,意伯子即其人歟。●春秋時有公孫子桑,意伯子即其人歟。●秦。今也則亡,未聞好學者也。」

不怒,不貳過則无祇悔而已,未至於敦復思。不遷怒則所怒以類而已,●未至於出怒怒、不貳過則能修性矣,故孔子謂之好學。能不遷怒,能窒慾,然後能不貳過。不遷則知不善未嘗復行者也。蓋能懲忿,然後思不貳過,不貳過,

改

改

^{● 「}意伯子即其人歟」,上圖抄本作「然則子桑伯子,豈公

類」。
❷「類」,四庫底本、上圖抄本作「頹」,館臣籤云「頹應

數 「敦」,四庫底本、上圖抄本作「孰」,館臣籤云「孰應

與之粟九百,辭。子曰:「毋,以與爾鄰里鄉吾聞之也:君子周急不繼富。」原思爲之宰,

亦仁義而已矣。

亦仁義而已矣。

亦仁義而已矣。

亦仁義而已矣。

亦仁義而已矣。

亦仁義而已矣。

山川其舍諸?」 子謂仲弓曰:「犂牛之子騂且角,雖欲勿用,

愚知貴賤其可以類言哉? 故孔子謂仲弓子非不賤也,能修禮義則可進爲大夫,然卿大夫之子不脩禮義則歸之庶人,庶人之

以騂,舉其盛者而已。
以曰,是其盛者而已。
以曰,是其為之,以此則,,是之禮得祭山川之在境內者,而仲弓之才,可使南面,故以山川言之。《周官》陽祀用可使南面,故以山川之在境內者,而仲弓之才可以祀廟,孔子獨以山川爲言者,●蓋諸可以祀廟,和子獨以山川爲言者,●蓋諸曰:「犂牛之子騂且角。」大可以祀天,小曰:「犂牛之子騂且角。」

至焉而已矣。」子曰:「回也,其心三月不違仁,其餘則日月

至。以顏子之不違仁,猶不過三月而已,重而舉者莫能勝,其爲道遠而行者莫能仁在天則爲尊爵,在人則爲安宅,其爲器

9 0

[「]兄弟」,上圖抄本作「諸貧者」。

[「]獨」,四庫底本,上圖抄本作「時」,館臣籤云「時應改

不能期月守也。由、求之徒,孔子皆曰:特三月而已。「其餘則日月至焉」者,所謂而請事斯語則其不違也,蓋將終身焉,不蓋其所試者然也,其後告之以克己復禮,則夫人之爲仁不亦難乎! 孔子之於回,則夫人之爲仁不亦難乎! 孔子之於回,

也藝,於從政乎何有?」有?」曰:「求也可使從政也與?」曰:「求從政也與?」曰:「賜也達,於從政乎何任由也果,於從政乎何有?」曰:「賜也可使季康子問:「仲由可使從政也與?」子曰:

「不知其仁。」以此而已。

三者雖不同,然皆可以從政,猶樝、梨、橘、甲,不足以有行,果而不藝,不足以有能,而有可施於政者,皆所不棄也。然達而不智,爲政使人器之而已。故雖才之不備,可以足民,藝也。果幾於義,達與藝幾於能勇而不能怯,果也,聞一知二,達也,

不在政事之列,●無害其可使從政也。 是,則魯國不亦庶幾乎! 然此具臣而已, 是,果不及達,此先果後達者,即康子所問 果,果不及達,此先果後達者,即康子所問 果,果不及達,此先果後達者,即康子所問 、善於言語者必善於政事,善於政事者 大。善於言語者必善於政事,善於政事者 大。善於言語者必善於政事,善於政事者 大之,則魯國不亦庶幾乎! 然此具臣而已,

雖不吾惡,吾將强而去」。「如有復我者,故也。「善雖不吾與,吾將强而爲,不善於也。「善雖不吾與,吾將强而爲,不善辭焉! 如有復我者,則吾必在汶上矣。」擊氏使閔子騫爲費宰。閔子騫曰:「善爲我

[「]未」,上圖抄本作「不」。

❷ 「列」,四庫底本、上圖抄本作「利」,館臣籤云「利應改

宰矣。蓋子騫不願爲費宰者,志也,終爲語》有子騫爲費宰問政之事,則子騫爲費則吾必在汶上矣」,强而去可也。●《家

有斯疾也!」命矣夫! 斯人也而有斯疾也! 斯人也而伯牛有疾,子問之,自牖執其手,曰:「亡之,

回也!」

費宰者,不得已也。

於顏子曰「死」,於冉牛曰「亡」者,以死對也,由死而生者,幸也。 顏淵之死,孔子曰「亡之,命矣夫! 斯人也而有斯疾也」,皆以其由生而亡者也。 揚子曰:「命,不可以其由生而亡者也。 揚子曰:「命,不可以其由生而亡者也。 揚子曰:「命,不可此,由死而生者,幸也。 顏淵之死,孔子曰由「不幸短命死矣」,伯牛有疾,孔子曰由生而生者,常也, ●由生而死者,不幸由生而生者,常也, ●由生而死者,不幸

1)辛,「二十二番,そ然1)辛。 亡則異,通言之則一也。「死矣」者,已然

巷,人不堪其憂,回也不改其樂。賢哉,子曰:「賢哉,回也! 一簞食,一瓢飲,在陋之辭,「亡之」者,未然之辭。

[「]可」,上圖抄本作「故」。

常|。 「常」,四庫底本、上圖抄本作「當」,館臣籤云「當應改

章、《易》「其唯聖人乎」皆兩稱之同意。●

冉求曰:「非不説子之道,力不足也。」子 曰:「力不足者,中道而廢。今女畫。」 志有餘而力不足,中道廢者也,力有餘而 所惜,自畫者,君子之所惡。求之畫 志不足,自畫者也。中道而廢者,君子之 以爲力不足,則其不智甚矣。 者無所能至也。《書》曰:「爲 山。」●則勤而不已者無所不至,惰而自畫 「百川學海而至於海,丘陵學山 猶爲棄井。」皆自畫之謂也。 虧 一簣。」孟子言:「掘井九軔而不及泉, 山 揚子曰: 而不至於 九仞,功 加 自

人儒!」 子謂子夏曰:「女爲君子儒! 無爲小

澆瀉,●而道術將爲天下裂,於是有君子民」,則凡以非道得民者皆非儒也。後世古之儒者,一而已矣。《周官》「儒以道得

言,雅儒似君子,俗儒似小人。 人之儒在趨末。子夏之爲己,止於文學, 人之儒在趨末。子夏之爲己,止於文學, 故孔子戒之曰:「女爲君子儒,無爲小人 故孔子戒之曰:「女爲君子儒,無爲小人 故孔子戒之曰:「女爲君子儒,無爲小人 之儒,有外人之儒。君子之儒惟務本,小

至於偃之室也。」曰:「有澹臺滅明者,行不由徑,非公事未嘗日:「有澹臺滅明者,行不由徑,非公事未嘗子游爲武城宰。子曰:「女得人焉耳乎?」

以天下與人易,爲天下得人難。則賢者,

^{■ 「}與泰伯篇」至「同意」,上圖抄本作「與《泰伯》篇兩稱● 「不」,四庫底本原無,纂修盧遂籤云「添不字,據揚子何慮」同意」。《法言》」。《法言》」。

[「]澆漓」,上圖抄本作「澆淳散樸」。

子曰:「孟之反不伐,奔而殿,將入門,策其得之乎? 子賤之治單父,其於賢也,有以父事者,有以兄事者,有以友事者,便而孔子歎美之,則子游爲宰而問之以得人,固于歎美之,則子游爲宰而問之以得人,固正:「出於其門,入於公門,歸於其家,無可:「出於其門,入於公門,歸於其家,無可:「出於其門,入於公門,歸於其家,無有私事。」滅明之謂也。《傳》曰「滅明有君子之容,而不勝其貌」者,責賢者備,故也。荀卿此《家語》所以言滅明公正無私也。荀卿此《家語》所以言滅明公正無私也。荀卿此《家語》所以言滅明公正無私也。荀卿此《家語》所以言滅明公正無私也。荀卿此《家語》所以言滅明公正無私也。荀卿上"后"出於其門,入於公門,歸於其家,無有私事。」減明之主,而爲政者其可以不百福之宗,神明之主,而爲政者其可以不

而已。春秋之時,師敗而奔,惟恐其不不外者也。自伐」言「無功」,「自矜」言「不長」在外者也。自伐則喪厥功,自矜則喪其在外者也。自伐則喪厥功,自矜則喪其馬,曰:「非敢後也,馬不進也。」」

齊之戰也,●殿軍而不奔,策馬而不進,人全,●在師而有功者惟恐其不彰。之反於

之所難也,故夫子取之。

免於今之世矣。」子曰:「不有祝鮀之佞,而有宋朝之美,難乎

以立本,取之者節取之,所以趨時。 題佞,天下無道,悦佞而惡美,故曰:不有惡佞,天下無道,悦佞而惡美,故曰:不有惡佞,天下無道,悦佞而惡美,故曰:不有惡矣,天下有道,悦美而佞則不美,美則不佞矣。天下有道,悦美而

子曰:「誰能出不由户? 何莫由斯道也?」

[「]者」下,上圖抄本有「有以禀度者」五字。

[「]非公不至」,上圖抄本作「非公事未嘗至於偃之室」。

[「]全」,上圖抄本作「前」。

上圖抄本有「魯」字。「齊」下,四庫底本有「楚」字,館臣籤云「楚字應删」。

六四

言由道,故云:「誰能出不由户。」揚子言 萬物則由之,而不知君子異於衆人,則由 殊雖不一,所由者道而已。 人之啟 而知之。● 者,户也。 學道」,故云:「惡由人? 曰孔氏。」孔氏 處 雖不同 蓋户者,出入之所自者也,此 ,所出者户 而 衆人無異,於 己, 萬物 散

者,姑以救弊云耳

彬,然後君子。」 子曰:「質勝文則野,文勝質則史。文質彬

也。彬從林,質也,從乡,文也。揚子曰:「義以爲質,禮以行之。」「彬彬」之謂則中。文質彬彬,然後君子」也。孔子則中。文質彬彬,然後君子」也。孔子則中。文質彬彬,然後君子」也。孔子則中。文質彬彬,然後君子」也。孔子則非君子之所在,故曠於禮而不知本,二者野非君子之所在,故曠於禮而不知文,史

間哉? 野非君子所尚,而孔子欲從先進辭稱則經。」然君子之彬彬,豈特施於禮樂禮。」又曰:「事勝辭則史,辭勝事則賦,事曰:「華無實則史,實無華則野,華實副則

子曰:「人之生也直,罔之生也幸而免。」 君子以由生而生爲常,以由生而亡爲不幸。「人之生也直」,由生而生也,「罔之生也幸而免」,由死而生也。蓋直,本有生生也幸而免」,由死而生也。蓋直,本有生之道,雖不幸而死,君子以爲猶生,罔之之道,雖不幸而死,君子以爲猶生。爰 行死之道,雖幸而免,君子以爲猶生。爰 定道,雖不幸而死,君子以爲猶生。爰 之道,雖不幸而死,君子以爲猶生。爰 之道,雖不幸而死,君子以爲猶生。爰 之道,雖不幸而死,君子以爲猶生。爰 之道,雖不幸而免。」

[「]之」下,上圖抄本有「聖人異於君子,則異之而已」十

之者。」 子曰:「知之者不如好之者,好之者不如樂

不可以語上也。」子曰"「中人以上,可以語上也,中人以下,

天下有均善之性,無均美之才,故「中人以 者也。人之生雖參差不齊,其大致不過此 凡皆因其材而已,此所謂「不陵節而施之」 門人不以語回者告由,不以語由者告求, 下也,而語之以上,則不智。故孔子之於 其趨上也,而語之以下,則不仁,於其趨 上,中人以下,譬則水也,其性趨下。於 者也,「中士聞道,若有若亡」,可以 老子曰「上士聞道,勤而行之」,可以 上,可以語上,中人以下,不可以語上」。 三品而已。● 上者也。中人以上,譬則火也,其性 下者也,「下士聞道,大笑之」,不可以 語上 語上 語 趨

「而已」下,上圖抄本有「班因列之爲九等」七字。

六六

獲,可謂仁矣。」之,可謂知矣。」問仁。曰:「仁者先難而後类遲問知。子曰:「務民之義,敬鬼神而遠

利不可以必得也,失義而得害。 之義,孔子以爲[知」,不亦宜乎? 務民之利而害在其中焉,務民之利非 辭而受惡,衽席之上,辭而坐下,朝廷之 位,辭而就賤。同爵則尚齒,同齒則尚長。 義,有民之義,仕則不稼,佃則不漁。《詩》 我私。」若此之類,所謂民之義也。 者讓路, 壯者代老, 少者事長, 窮乏相 若此之類,所謂己之義也。 云:「采葑采菲,無以下體。」觴酒豆肉,則 周,患難相救。 之事者也,● 好,下必有甚焉者。 曰「上好義則民莫敢不服」, 知己之務,然 聖人欲其務己之義,則教之 《詩》云:「雨我公田,遂及 樊遲好利,務爲鬼神 耕者讓畔,行 然則 上之所 有己之 特其 務

> 後可 行之莫能至。言之則訒,爲之則難,●凡 也。其爲器重,舉之莫能勝,其爲道遠 則致生之,遠則致死之也,凡此所謂「知」 愛人。 仁一也,一告之以先難而後獲,又告之以 之義、敬鬼神而遠之、又告之以知人、問 此所謂「仁」也。問知一也,一告之以務民 爲務,則不失 也? 序也。智之敬則敬鬼神而遠,仁之敬則居 彼者也。務其在己者然後能其在彼,事之 忠」不特愛之而已。 處執事恭敬 以率民, 義、敬與獲在己者也,知人、愛人在 與夫「居處恭,執事敬,與人忠」何 而已,無 矣。 則教之曰「務 「敬鬼神 問仁則先難 所 不敬 而遠之」者,敬 民 之義」, 也,其「與人 而後獲

[「]鬼神」,上圖抄本作「小人」。

事者也,故於崇德言「先事」,仁,愛人者「得」,對難而言,故曰「獲」。而得兼於問崇德則先事後得者,對事而言,故曰

静。知者樂,仁者壽。」子曰:「知者樂水,仁者樂山。知者動,仁者

也,故於仁言「先難」。●

故樂; 厭 則利仁者也,静則安仁者也。 知者樂水,故動,仁者樂山,故静。 應物而利之者,水也,附而育焉者,山也。 疾共殺之,居下位而上誣其君,嗜慾無 對之以「人有三死:飲食不節,勞逸過度, 言之也。哀公問曰:「知者壽?」而孔子 者之壽不若仁者之盛,仁者壽則樂不足以 也,静者非不動也,知者非不壽也。 ,刑共殺之,以少犯衆,以弱侮强,兵共 静則得性,故壽。 知士仁人,動静以義,喜怒以時 然動者非 動則見理 是動 然知 不 静

有功,辭之序也。
用,樂壽言其功,蓋惟有情斯有用,有用斯亦非不壽也。樂水樂山言其情,動静言其無害其性,欲得壽焉,何不可乎? 是知者

子曰:「齊一變,至於魯,魯一變,至於道。」 《召》之殊。猶之百川至海,知有海而 《召南》也,魯譬則《周南》也,道譬則《雅》 魯之好禮而變之,則至於王道。 如魯。由齊之尚功而變之,則至於魯, 春秋之時,成霸功者莫如齊,秉周禮者莫 也。文王能變《周》、《召》以至於《雅》,孔 有百川,四時成歲,知有歲而不知有 政,由《周》變而至於《雅》,則 也。由魯變而至於道,則無齊、魯之異 子未能變齊、魯以至於道,孔子欲變齊、 無 齊譬則 《周》、 四 不知 由 時

^{) 「}言先難」,上圖抄本作「先言難」。

六八

於孔子之時矣。 孔子之時異於文王之時,孟子之時又有異魯以歸於道,孟子欲逃楊、墨以歸於儒,則

子曰"「觚不觚,觚哉! 觚哉!」

逝也,不可陷也,可欺也,不可罔也。」 其從之也?」子曰:「何爲其然也? 君子可有「象龍」之論,凡皆譏其有名無實者也。 孔子之時,實不稱名者多矣,故其歎如此。 我是一《詩》有「南箕北斗」之喻,揚子雲哉! ●《詩》有「南箕北斗」之喻,揚子雲哉! 之論,凡皆譏其有名無實者也。 無觚之實,則「觚不觚」矣,尚得謂之觚無觚之實,然後有觚之名,有觚之名,而

喜,舜不疑其僞,校人之烹魚,子産不疑端,以無爲有則直罔於人而已。 故象之僞真,罔者以無爲有,以僞爲真則有可信之理而無所蔽,故不可罔。 蓋欺者以僞爲君子以誠待物而不逆詐,故可欺,以明燭

畔矣夫!」子曰:「君子博學於文,約之以禮,亦可以弗子曰:「君子博學於文,約之以禮,亦可以弗

無不該則所知者詳,有所執則所趨者中,博學於文則無不該,約之以禮則有所執,

「仁」,原作「人」,據上圖抄本改。

^{●「}朱」上,上圖抄本有「嗣子」二字。故曰觚哉」。故曰觚哉」,上圖抄本作「觚不觚則可謂之觚哉、

稱其「未達一間」耳。

「大達一間」耳。

「大道亦可云弗畔矣,故稱其殆庶幾,揚子也。● 顏淵曰:「博我以文,約我以禮。」回弗畔,則成於樂者斯不畔矣,此所謂一貫地,弗畔則趨中,可知矣。約之以禮,可以斯亦可以弗畔矣。● 畔者有見乎四旁之

否者,天厭之! 天厭之!」子見南子,子路不説。 夫子矢之曰:「予所

不在天也。夫子之見南子與《睽》之初六

同意。

久矣。」 子曰:「中庸之爲德也,其至矣乎! 民鮮

矣」,由上失其道非一日也。 莫非德也,有高明之至德、有中庸之至德。 莫,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。 是,由上失其道非一日也。

[「]畔」下,上圖抄本有「於道」二字。

[「]一貫」,上圖抄本作「一以貫之」。

也已。」

是。」蓋立則不廢,達則不窮,自立自達而之。」蓋立則不廢,達則不窮,自立自達而之。」之。」是子曰「多異必多難」,是以聖人猶難之。」是子曰「多異必多難」,是以聖人猶難之。」是子曰「多異必多難」,是以聖人猶難之。」是子曰「多異必多難」,是以聖人猶難之,皆此意也。《素問》曰:「可以至至難。」,是以聖人猶難之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,皆此意也。《素問》曰:「神用無方謂之,不足以博施濟非神而化之,使民宜之,不足以博施濟非神而化之,使民宜之,不足以博施濟

人而自富者,豈知此哉! 君子恥之」,此之謂也。彼危人而自安,害達人者,仁之兼愛也。《傳》曰「獨貴獨富,愛」。故欲立欲達者,仁之自愛也,立人愛」。故欲立欲達者,仁之自愛也,立人

七0

論語全解卷三

● 「言」,四庫底本、上圖抄本無此字,館臣籤云「易字下,

應添言字」。

論語全解卷四

宋 陳祥道 撰

述而第七

人,將自明之,則自尊而卑之,●所以信其善者,有言古之爲道德者,有言古之所謂曲者,有言古之爲道德者,有言古之所謂曲者,有言古之爲道德者,有言古之所謂曲則全者,有言執古之道以御今者,則「述而則全者,有言執古之道以御今者,則「述而則全者,有言執古之道以御今者,則「述而則企者,有言執古之道。治過令者,則「述而不作,信而好古。」老子之言,有言古之善爲士言道德之原出於天,而其説始於古,老子之道德之原出於天,而其説始於古,老子之

諸子之學有不知無位而作之者,有不知無話子之學有不知無位而作之者,有不知無意。」與表不知而作者多矣。● (這而好古」之謂也。蓋聖人達而在上,則定,不特好古而又稽而行之也。然孔子之時,不特好古而又稽而行之也。然孔子之時,不特好古而又稽而行之也。然孔子之好古而已,有所作,則不特自信而又人好古而已,有所作,則不特自信而又人好古而已,有所作,則不特自信而又人好古而已,有所作,則不特自信而又人好古而已,有所作,則不特自信而又人好古而已,有所作,則不特自信而又人好古而之之。然孔子之。然孔子之言於後世,孔子之「竊比於我老彭」,尊之言於後世,孔子之「竊比於我老彭」,尊之言於後世,孔子之「竊比於我老彭」,尊之

^{■「}玄」,原作「元」,避清康熙帝玄燁諱。上圖抄本作則卑已以尊之」十八字。即卑之」下,上圖抄本有「所以息其說於天下,將欲取之

[「]多」,上圖抄本作「異」。

德

而或苟作之者,皆在所棄焉。 而作之者,又有不知先王之法既已 孟子曰:)致隆

成周未有懼之者,此聖人所以有作也。 「孔子作《春秋》而亂臣賊子懼。」蓋唐虞、 彭

之言行於傳無道,●豈古之彭祖者乎?

子曰:「默而識之,學而不厭,誨人不倦,何

有於我哉?」 默而識之,德也,學而不厭,知也,誨人 棄,非所謂「默而識之」也。 不倦,仁也。時之人道聽而途説,皆德之 息焉,非所謂「學而不厭」也。 或畫焉,或願 或先傳 而後

> 子曰:「德之不修,學之不講,聞義不能徙 不善不能改,是吾憂也。」

不講則 德在内者也,不修則不充,學在外者也 不能改則行不完,皆孔子所憂者也。 不威,學則不固,主忠信」,而終之以「過則 無不善,改之而已。 之講,然後能徙義。 不與人同者也。 同樂,以忘憂處己者也。 樂天知命,憂之 而不憂,所以處己,憂而不樂,所以 勿憚改」,與此同意 不明。 聞義不能徙則善不備 德之修,然後能講學,學 德之修,學之講,未 孔子言「君子不 不善 與人 然樂 重 能 削

「道」,上圖抄本作「見」。

已,蓋學在己,故言厭、誨,在人,故言倦。

叔向曰:「求善不厭,施舍不倦。」揚子

倦,非所謂「誨人不倦」也。

故特自成而

後」下,上 圖抄本有「亦在己者言厭,在人者厭言倦」

倦皆在己而已,故曰「我學不厭,而教不

曰:「事不厭,教不倦。」●合而言之則

厭

與

七二

子之燕居,申申如也,夭夭如也。

經世,故有夢。

子曰:「甚矣吾衰也!久矣吾不復夢見

下,而思周公之所爲,故夢見之。及其衰於有思。孔子之盛時,嘗欲有大勳勞於天形接爲事,神遇爲夢,事見於有爲,夢出

德言。性則入而冥道,故無夢,德則出而真人不夢」,何也? 真人以性言,聖人以丈人,其出於有思亦如此。莊周曰「古之丈人,其出於有思亦如此。莊周曰「古之也,知時命不我與,而不復思周公所爲,故也,知時命不我與,而不復思周公所爲,故

子曰:「志於道,據於德,依於仁,游於藝。」 揚子之言道、德、仁則合異以爲同,故曰 境、德、仁則散同以爲異,故曰「失道而後 道、德、仁則散同以爲異,故曰「失道而後 他,義,宜此者也,智,知此者也,信,誠 也,義,宜此者也,智,知此者也,信,誠 也,義,宜此者也,智,知此者也,信,誠 此者也。言道、德、仁則,則義、智、信舉矣。 道、德、仁則散同以爲異,故曰「失道而後 也,義,宜此者也,智,知此者也,信,誠 此者也。言道、德、仁則,則義、智、信舉矣。 。 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之 《周官》司徒教萬民以六德六行,然後繼之

藝。」何謂「依於仁」? 曰: 氏教之以六藝,則藝豈君子所先哉? 以六藝 依於義,此所以在此無惡,在彼無射 制則近於薄。 仁也,其所以 游之而已。《少儀》曰:「士依於德,游於 於仁而施於親親者也。己之與人均在所 以其子妻公冶長,以兄之子妻南容,此依 今夫己之子與兄之子均在所愛也,孔子則 微罪行,孟子於齊,不欲速行,必至三宿, 不合則去。孔子於魯,不欲苟去,必欲以 仁而施乎人者也。君臣之分,道合則從, 責也,孔子則躬自厚而薄責於人,此依乎 君子之於仁奚所處 然後出畫,此依乎仁而施乎君者也。 造次必於是,顛沛必於是」也。 師氏教國 制者、義也。 君子處其厚,故依於仁,不 子以三德三行, 圃 不依哉? 德之所愛者, 愛則近於厚, 此所以 然後! 然此言 然則 也。 特 保

> 故也。 者,仁即是道,故也 依於仁」、《禮記》言「依於德 此言「志於道」,孟子言「志於仁」 」,仁即 是德,

七四

子曰:「自行束脩以上,吾未嘗無誨焉。」 常恕其所不足,而不嚴其科。故潔己以進 常患其所不學,而不倦其所教。其於教也 淑艾者。」則行束脩,淑艾者也。 自私淑以 之者,有成德者,有達財者,有答問者,有私 孟子曰:「君子之所以教之者,有如時雨化 者,孔子未嘗不與,以是心至者,孟子未嘗 上未嘗無誨,則四者可知矣。 屑之教也。 子不見孺悲,孟子不見滕更,非不教也,不 不受。則行束脩以上,豈或遺之哉!然孔 束脩與《禮記》、《穀梁》所謂「束 君子之於人,

脩之問」者,意似同。●

三隅反,則不復也。」子曰:「不憤不啟,不悱不發。舉一隅,不以

之,不以三隅反則不復,欲其思而自得也。 不啟,心不悱不能誠心辨,故不發。 竭焉! 之巧。故性與天道,子貢所不得聞, 得,猶夫匠之於人,能與之規矩,而不能使 又惡其不思也。蓋啟所以開之,發所以示 發之,則舉一隅,不以三隅反,則不復,此 憤在氣,悱在心。 氣不憤不能誠心問,故 言學者之道而已,「鄙夫問於我,叩兩端而 不復哉!《禮記》曰「開而不達則思」,孟子 與死,子路所不得聞,豈非不以三隅反則 蓋君子之於人能道之以善,而不能使之自 中道而立,能者從之」,此之謂也。 啟之 然此 鬼神

哭,則不歌。 子食於有喪者之側,未嘗飽也。子於是日

> 天之道,陰陽不同時,則當喪而飽者,逆道 也,人之理,哀樂不同日,則哭日而歌者, 逆理也。行弔之日不飲酒食肉,况食之飽 吃,是日不樂。」又曰:「飢而廢事,非禮 心,飽而忘哀,非禮也。」孔子所以未嘗飽 也,飽而忘哀,非禮也。」孔子所以未嘗飽 也,飽而忘哀,非禮也。」孔子所以未嘗飽 時不歌者,執禮故也。古之人哀樂歌哭同 與樂半。」《周禮》女巫曰:「邦之大裁,歌 哭而請。」

與?」子曰:「暴虎馮河,死而無悔者,吾不爾有是夫!」子路曰:「子行三軍,則誰子謂顏淵曰:「用之則行,舍之則藏,惟我與

禮》作相,宜改正」。
「相」,四庫底本、上圖抄本作「唱」,館臣籤云「唱,《曲

與也。必也臨事而懼,好謀而成者也。」

學不至於不惑,不可以語去就之義, 謂「臨 行,舍之則藏,惟孔子能之。蓋君子藏器 至於不惑,不可以言廢興之命。故用之則 教其怯也。 爲孔、顏也。子路以 通、窮居之塞而爲之加損榮醜哉 也, 闇闇在下, 亦山雌也」, 夫豈以盛 止不失其爲淵,其所謂「明明在上,亦山 於身,待時而動,用舍不累於一身。 也,「必也臨事而懼,好謀而成者」,所以 曰:「子行三軍,則誰與?」孔子答之以 所謂 「好謀而成」,此所以 兵法》曰:「勇之爲將乃萬分之一」,又曰 謀者違害而就利」,則行三軍者其可懼 暴虎馮河,死 事而懼」,有父兄在,聞斯行之,非 子路聞乘桴浮於海則喜,非所 而無悔者」,所以戒 孔子稱顏回,故問之 無所取材也。 !此所以 行不 其流 其 行之 勇 雌

事而懼」者也,方叔元老,克壯其猶,「好哉!孟施舍量敵而後進,慮勝而後會,「臨

子曰:「富而可求也,雖執鞭之士,吾亦爲謀而成」者也。

之。

如不可求,從吾所好。」

民同患而已。然言富而不及貴者,以其爲 表,雖執鞭之士,吾亦爲之。如不可求,從 求,雖執鞭之士,吾亦爲之。如不可求,從 求,雖執鞭之士,吾亦爲之。如不可求,從 求,雖執鞭之士,吾亦爲之。如不可求,從 不, 此 , 在 己 者, 可以 自樂, 故曰:「富而可求, 在 己者, 可以自樂, 故曰:「富而可求, 在 己者, 可以自樂, 故曰:「富而可求, 在 己者, 不可以

子之所慎: 齋,戰,疾。

利所在,故也。

懼,好謀而成者」,慎戰也。康子饋藥,曰曰「不教民戰,是謂棄之」,必也,「臨事而「齋必有明衣布」,「齋必變食」,慎齋也。

非止此三者而已,特舉其重,故也。 聖人所慎,亦非其所先也。聖人之所慎, 民,慎疾,所以仁己。此先齋、戰而後疾, 民,慎疾,所以仁己。此先齋、戰而後疾, 民,慎疾,所以仁己。此先齋、戰而後疾, 民,慎疾,所以仁己。此先齋、戰而後疾, 民,慎疾,所以仁己。此先齋、戰而後疾, 民,慎疾,所以仁己。此先齋、戰而後疾,

樂之至於斯也。」子在齊聞《韶》,三月不知肉味,曰:「不圖爲

三月學之。」然孔子之樂《韶》器尚矣,其在子樂《韶》之意哉!司馬遷曰:「聞《韶》,真「樂鷃以鐘鼓,戴鼷以車馬」也,豈知孔聽古樂惟欲臥,齊宣王不好先王之樂,此聽古樂惟欲臥,齊宣王不好先王之樂,此惡矣。《韶》之意哉!司馬遷曰:「聞《韶》,故將矣,有盡美,然後知天下之謂善者,斯不美有盡美,然後知天下之謂美者,斯不美

齊則感其仁聲而已,非學也。●

[「]爲」,上圖抄本作「所謂」。

[「]非學也」,上圖抄本作「謂之學則非也」。

云「君子下誤衍子字,宜删去」。「君」下,四庫底本、上圖抄本衍「子」字,館臣沈孫璉等

全

集大成者,亦賢而已。● 此孔子不居聖之 即 人,孟子以夷、齊爲聖人者,以伯夷爲聖 能化而言也; 以夷、齊爲賢,以明己之

意也。

中矣。不義而富且貴,於我如浮雲。」 子曰:「飯疏食飲水、曲肱而枕之、樂亦在其 故「飯疏飲水、曲肱而枕、樂亦在其中」、 貧與賤,人之所惡,不以其道得之不去也, 富與貴,人之所欲,不以其道得之不處也

子曰:「加我數年,五十以學《易》,可以無大 故「不義富貴,於我如浮雲」。

過矣。」 神無方也,非精義則不可人,《易》無體 爲,故無過,出而爲人之所爲,則不能無 也,非知命不可以學。 故可以無大過矣。 孔子五十而學《易》,則爲天之所爲, 可以無大過,則於過之 聖人人而爲天之所

> 《易》必以五十而後學,●然必云五十者 矣。《易》曰「敦復無悔」是也。 小者有所不免,蓋七十而從 制行以人不以己也。 心 然後. 聖人之於 無 過

子所雅言、《詩》、《書》、執禮,皆雅言也

以明分。故子所雅言者、詩》、《書》也 不言《詩》、《書》則無以教人,不言禮則無 秋》,不知命者不可申之以《易》也。 可道之以《樂》,志不定者不可發之以《春 及《樂》與《春秋》、《易》者,蓋德不全者不 執而不敢議者、禮也。 言《詩》、《書》而不 言利與命與仁,亦猶是也。孔子之於言, 有所雅言,有所不言,有所罕言,其趣雖不 子罕

[「]易」下,上圖抄本有「無」字。 已,賢誤聖」。 賢」,四庫底本、上圖抄本作「聖」,館臣籤云「亦賢而

者也。」 子曰:「我非生而知之者,好古,敏以求之

葉公問孔子於子路,子路不對,非不知對, 華以海,樂鷄以《韶》,適滋以惑也。● 孔 一工之之將至?」蓋曰奚不俯其言而對之 一工之之將至?」蓋曰奚不俯其言而對之 一以此也。孔子之於道,非學也,非不學也。 以爲非學,則「吾非生而知之,好古,敏以 以爲非學,則「吾非生而知之,好古,敏以 以爲非學,則「吾非生而知之,好古,敏以 以爲非學,則「吾非生而知之,好古,敏以 以爲非學,則「吾非生而知之,好古,敏以 以爲非學,則「吾非生而知之,好古,敏以 本之,予一以貫之」。非學也,所以學人異, 非不學也,所以學人同。

子不語怪、力、亂、神。

卷四

述而第七

直言曰言、論難曰語。怪、力、亂、神、非不直言曰言、論難曰語。怪、力、亂、神、則所語者治與者常與德也,不語亂、神、則所語者治與亂、怪、力、亂、人之所爲,故卷之。揚子曰「神又茫茫,非人之所爲,故後之。揚子曰「神又茫茫,非人之所爲,故後之。揚子曰「神又茫茫,理人曼云」,則不語神之謂也。李究曰: 聖人曼云」,則不語神之謂也。李究曰: 聖人曼云」,則不語神之謂也。李究曰: 聖人是云」,則不語神之謂也。李究曰: 以之所爲,故後之。楊子曰「神又茫茫,神,則 是之,則不語神之謂也。李究曰: 以之所爲,故卷之。楊子曰「神又茫茫,神,則 是之」,則不語神之謂也。李究曰: 以之所爲,故卷之。楊子曰「神又茫茫,神,則 以之所爲,故後之。楊子曰「神又茫茫,神,則 以之所爲,故後之。楊子曰「神又茫茫,神,則 以之所爲,故後之。楊子曰「神又茫茫,神,則 以之所爲,故後之。楊子曰「神又茫茫,神,則所語

從之,其不善者而改之。」子曰:「三人行,必有我師焉。 擇其善者而

省,外無以自觀,其欲至於君子難矣,然則若夫師其善而不師其不善,則内無以自所以自修,此所以「三人行,必有我師」也。善者吾師也,不善者亦吾師也,師其不善善

)「滋」,上圖抄本無此字。

七九

子曰:「天生德於予,桓魋其如予何?」 父,釋氏以邪盜之類爲人師,亦此意也。 不善之師其可忽哉? 老子以 强梁爲 教

則曰「天之未喪斯文」,蓋德所以足乎己, 孔子於桓魋之暴則曰「天生德於予」,於匡 歸之於命,於匡有死之道,故稱在人者而 同。故於桓魋則危疑而已,故稱在己者而 天?」王莽曰:「天生德於予,漢兵其如予 歸之於時。 而 不能易天之時也。 君子之所獨文,所以化於人而天下之所 以明桓魋不能害天之命,匡人 紂曰:「我生不有命在

子曰:「二三子以我爲隱乎? 吾無隱乎爾。 吾無行而不與二三子者,是丘也。」

何?」奚德哉!

也。不倦,與先傳後倦者異矣, 孔子之誨人,其不倦,仁也,其無 教人不盡其才者異矣。惟其開而不達,引 無隱,與 隱,忠

> 告,此弟子所以疑其隱也 而不發,不以三隅反則不復,再三凟則不

八〇

子以四教。文、行、忠、信。

九三,先之以忠信進德,所以成始, 爲餘事,教自外人,故以文爲先務。《乾》 忠、信,所以成終始也。學由中出,故以文 之四教,後之以忠信,所以成終。

者,斯可矣。」子曰:「善人,吾不得而 子曰:「聖人,吾不得而見之矣,得見君子 爲盈,約而爲泰,難乎有恒矣。」 矣,得見有恒者,斯可矣。 亡而爲有,虚而 見之

有常者能常而已,非可欲者也,故不足於 善人, 善人能爲可欲而已,非充實者也, 故不足於君子,君子充實而已,●非大而

子二字」。

君子」,四庫底本無此二字,館臣簽云「充實上宜增君

已。亡而爲有,甚於虚而爲盈,虚而爲矣!此《易》所謂「不恒其德」也。蓋虚非矣,此《易》所謂「不恒其德」也。蓋虚非亡而爲有,虚而爲盈,約而爲泰,難乎有恒亡而爲有,虚而爲盈,約而爲泰,難乎有恒不得中行而與之,必也狂狷乎?」孟子以「不得中行而與之,必也狂狷乎?」孟子以

子釣而不綱,弋不射宿。

盈,甚於約而爲泰,其序如此

釣與弋,君子與人同,不綱、不射宿,君子

射宿者乎? 以乘人之阨、掩人不備而襲之,况有弋不以乘人之阨、掩人不備而襲之,况有弋不,其不忍如此,使達而在上則其仁可知也。春秋時有干戈相尋、屠城則其仁可知也。春秋時有干戈相尋、屠城則其仁可知也。春秋時有干戈相尋、屠城則其是,君子於物愛之弗仁,其愛之也,與人異。君子於物愛之弗仁,其愛之也,

次也。」
聞,擇其善者而從之,多見而識之,知之
于曰:「蓋有不知而作之者,我無是也。多

曾子、子貢皆聞一貫於孔子,曾子能唯而知之。多聞,患於不能識,能識則知所辨,此從,多見,患於不能識,能識則知所辨,此符,之。多聞,患於不能識,能識則知所辨,此知之。多聞,患於不能選,能擇則知所納,此

一以至於無始,去知以至於無知,則又聖聖人之事也。然此未離乎知而已,乃若離不能辨,子貢知聽而不知問,則知之上者,

進,與其潔也,不保其往也。」 其進也,不與其退也,唯何甚? 人潔己以互鄉難與言。 童子見,門人惑。子曰:「與

人之妙也。

甚,故 也,保 答,雖孔子不得行於互鄉也。」孟子之設 之以「唯何甚」,則不與其潔者甚於所擇 聽之。門人不知而惑於童子之見,孔子示 故於往在所不保。與其潔,故子路變服 聖人不以能病 至則教之,不保其往,故宰予與辭於後 進者在所與,不以智逆物而常繼之以義 ,來者不拒,廋則不得,亦此意與? 韓 其往者甚於所逆也。 愈 曰:「言辭之不則,禮貌之不 人而常待之以恕,故潔己以 孔子不爲已 則 而

子與人歌而善,必使反之,而後和之。 「母之食,人皆見之。更也,●人皆仰之。 一人不知爲幸,故曰:「古之君子,過也,如 今之君子,豈徒順之,又從而爲之辭。」 今之君子,豈徒順之,可也,●人皆仰之。 今之君子,豈徒順之,又從而爲之辭。」 一人皆仰之。 一人皆仰之。 一人皆仰之。 一人皆仰之。 一人皆仰之。

^{● 「}更」上,上圖抄本有「及其」二字。

則和,樂得其道也。樂得其欲。孔子于《韶》則忘味,于歌之善樂者,人情之所不免,君子樂得其道,小人

之有得。」 子曰:「文,莫吾猶人也。 躬行君子,則吾未

蓋時之人,與其文不究其實,而不知其非,君子未之有得,則是行不足而文有餘也。足。今吾於文也,不特猶人而已,然躬行與其行不足而文有餘,不若行有餘而文不與其行不足而文有餘,不若行有餘而文不行者,君子之務本,文者,君子之餘事。

曰:「正唯弟子不能學也。」厭,誨人不倦,則可謂云爾已矣。」公西華子曰:「若聖與仁,則吾豈敢? 抑爲之不

故孔子自謂如此,以救其弊。

語仁之成名,雖孔子有所不敢。孔子之所之未成名,雖管仲、子産亦可謂之仁人,聖者,天道之至,仁者,人道之至。語仁

敢居,特爲仁、聖之事而已。爲仁、聖之取居,特爲仁、聖之事,或以爲不能學者,不厭不倦,聖人之所聖,或以爲不能學者,不厭不倦,聖人之所聖,或以爲不能學者,不厭不倦,聖人之所不敢,非不敢也,不居之而已。孔子以爲

曰:「丘之禱久矣。」曰:「有之。誄曰「禱爾於上下神祇」。」子子疾病,子路請禱。子曰:「有諸?」子路對

事,故學不足以言之。

衆人於神祇,未疾則不禱,既疾則禱。未疾而後至於病。君子於神祇,未疾則禱,不易察,病而後知,是疾輕於病。子疾病,不易察,病而後知,是疾輕於病。子疾病,獸醫則言病,以人易知,雖疾可見,獸疾與病合則一,别則異。《周官》疾醫言疾

「誨」下,上圖抄本有「人」字。

八四

寧固。」子曰:「奢則不孫,儉則固。與其不孫也,

「思狂狷」同意。 「思狂狷」同意。

子曰:「君子坦蕩蕩、小人長戚戚。」

子温 拙,故長戚戚。 樂,❷此「坦蕩蕩」、「長戚戚」所以不同也 得則患失,故有終 之憂, 小人行險以徼幸,未得則患得,既 加,●窮居不損,故有終身之樂而 作德,心 之所謂坦蕩蕩也,蓋温而不厲過於柔,威 而猛過於剛,恭而不 「子温而厲,威而不猛,恭而安。」是亦君子 而 厲,威而不猛 逸日休,故坦 君子居易以 赤恭而 身之憂 一蕩蕩; 安過於巽。 安。 俟 而 作僞,心 命, 無 子夏曰 一旦之 大行 無 勞日 目 不

「大」,上圖抄本作「盛」。

而有禮」,恭而安也。

温而

厲則處仁以義

威而愛」,●威而

不猛

也。

子曰「與人恭

「即之温,聽其言厲」,温

而

厲

也。

《 禮 》

 $\dot{\Box}$

「旦」,上圖抄本作「朝」。

❸ 「威」,原誤作「温」,上圖抄本及《禮記》改。

禮。仁而後義,義而後禮,事辭之序也。威而不猛則成義以仁,恭而安則行巽以

泰伯第八

下讓,民無得而稱焉。」子曰:「泰伯,其可謂至德也已矣。三以天

子之所與哉!然擬於突、忽之兄弟、蒯、輒也,餘則矯異以取一時之名而已,❷豈君憲,凡是者多矣。 若伯夷、季札則狥義者

無禮則亂,直而無禮則絞。子曰:「恭而無禮則勞,慎而無禮則葸,勇而之父子,其有間矣。

不偷」「君子篤於親,則民興於仁,故舊不遺,則民

[♪]不改回。 「槙」,原作「禎」,爲館臣避清雍正帝胤禛諱,今據上圖

^{) 「}矯」,上圖抄本作「特」。

見ず「其で寒さ,而と登さ」,「宜前紋迫。「脅肩諂笑,病於夏畦」,「恭而無禮

也,絞,猶《詩》傳所謂「綯絞」也。《禮》無禮則絞」也。 葸,猶荀卿所謂「諰諰然」則勞」也,「其父攘羊,而子證之」,「直而

抑而就於禮,禮以仁厚爲質而已。 故繼之慎則不及,必跂而進於禮,勇、直則過,必謂之逆。」則無禮不特不中禮而已。 蓋恭、曰:「恭而不中禮,謂之給,勇而不中禮,

親,故者,毋失其爲故。」《詩》曰:「親親則民不偷」。《禮》曰:「親者,毋失其爲以「君子篤於親,則民興於仁,故舊不遺,

莫遺其親,馭以敬故則民莫慢其故。 莫遺民,一曰親親,二曰敬故,●馭以親親則民以睦,故舊不遺。」《周官》「八政」統馭萬以睦,故舊不遺。」《周官》「八政」統馭萬

故,而《谷風》之刺作。欲民免於無禮,其後世不知親親,而《角弓》之怨興,不知敬其親,則興於仁也,莫慢其故,則不偷矣。

可得乎?

冰。」而今而後,吾知免夫,小子!」手!《詩》曰:「戰戰兢兢,如臨深淵,如履薄曾子有疾,召門弟子曰:「啟予足!啟予

曾子有疾,孟敬子問之。曾子言曰:「鳥之 將死,其鳴也哀,人之將死,其言也善。 君子所貴乎道者三:動容貌,斯遠 侯之孝也。 者之保身猶之乎諸侯之保國也。 毀傷爲孝,樂正子以傷足爲憂,此曾子所 父母全而生之,子全而歸之。孔子 者,故也。《禮》曰:「曾元、曾申坐於足。」 取此詩以明己之孝,《孝經》取此詩 以「戰戰兢兢,如臨深淵,如履薄冰」,蓋賢 先啟足而後體者,便於侍疾 故曾子 以 以不 暴 爲諸 敢 慢

二字。

^{● 「}故」下,上圖抄本有「親親孝也仁也敬故仁也義也」十

矣。籩豆之事,則有司存。」矣,正顔色,斯近信矣,出辭氣,斯遠鄙倍

道無乎不在,物無乎非道。故默而成之於 首無乎不在,物無乎非道。故默而成之於 首無乎不在,物無乎非道。故默而成之於 道無乎不在,物無乎非道。故默而成之於 道無乎不在,物無乎非道。故默而成之於 道無乎不在,物無乎非道。故默而成之於 道無乎不在,如無乎非道。故默而成之於 方,此所以告孟敬子也。 於)此所以告孟敬子也。 於)此所以告孟敬子也。 於)此所以告孟敬子也。 於)此所以告孟敬子也。

無,實若虚,犯而不校。昔者,吾友嘗從事於曾子曰:「以能問於不能,以多問於寡,有若

斯矣。」

言「寄」。老、莊皆曰「貴以身爲天下,●乃其責重,故言「託」,百里之命,其責輕,故託,言其所恃,寄,言其所付。六尺之孤,

人也。」

命,臨大節而不可奪也。君子人與? 君子

「皆」,上圖抄本作「昔」。

八七

八八八

則

可

天下,

尺之孤,仁也,可以寄百里之命,義也, 言寄,是託於寄爲重,寄於託爲輕,通 其身而其德殺。 於君」,孟子則曰「託於諸侯」。 貴者,不辱其身而其德尊,愛者,不危 愛以身爲天下,乃可寄天下」。 故寓公於《喪服 於德尊者言託,於德殺 傳》曰「寄公 可以託 丽 者 六 也。 任 之,任重也。 重 而道遠。

之,則一也。

遠乎?] 仁以 曾子曰:「士不可以不弘毅,任重 爲己任,不亦重乎? 死而後已,不亦 而道遠。

與此?

臨大節

而不可奪,忠也。

苟非君子,孰能

大而 之,則弘可以致至大,毅可以致至剛,故能 士不可以不尚志,不可以不弘毅。 弘則張 大之氣,患乎不能尚志以帥之,尚志 「其爲氣也,至大至剛。」蓋人生莫不 有容,毅則致果 而 有 濟。 孟 子 以 有 曰 剛 帥

> 故也。 也。 義言之,此則言仁不及義者,仁者義之本, 此則大人之事備。 息」,則任重者地,道遠者天,道充弘毅,至 寡,弘也,不畏强禦,毅也,惟仲山 强禦,德輶如毛。」惟仲山甫舉之則不侮矜 爲道遠,舉者莫能至。」此所以不可不弘 曰:「生乎由是,●死乎由是。」道遠之謂 《坤》言「厚德載物」,《乾》言「自强不 《詩》曰:「惟仲山甫,不侮矜寡,不畏 《記》曰:「斃而 《禮》曰:「仁之爲器重,其 孟子於士尚志則兼仁 已矣。」荀 甫 卿 舉

子曰:「興於《詩》,立於禮,成於樂。」 禮,終於德,故成於樂。 學始於言,故興於《詩》,中於行,故立於 禮樂者,成人之

⁰ 「是」下,原衍「道」字,據《荀子》删。

未也。 也。 焉,《詩》之所至,禮亦至焉,禮之所至, 禮樂」,此《禮》所謂「志之所至,《詩》亦至 事,《詩》者,養蒙之具。 孔子之於小子則 之至矣。荀子曰:「學始於誦《詩》,終於 樂,於此言「成於樂」,則樂者,學之所終始 教人亦先之以安絃,夔之教胄子亦先之以 學射、御。二十而冠,始學禮。」《學記》之 年,學樂誦《詩》,舞《勺》。成童,舞《象》, 樂也,特不可謂之成。《禮》曰:「十有三 禮也,特不可謂之立,「立於禮」,非不知 樂亦至焉」者也。 曰「何莫學夫《詩》?」於成人則曰「文之以 讀《禮》。」是可以與立也,以爲學止乎此則 惟其禮樂皆得,謂之有德,然後爲 然「興於《詩》」,非不學 修 甚,亂也。」 此矣。

聖人制行以人不以己,議道以己不以人。子曰:「民可使由之,不可使知之。」

以人不以己,故禮方而卑,所以廣業而其以人不以己,故禮方而卑,所以廣業而其足。《易》曰「百姓日用而不知」,孟子臣「終身由之而不知其道者衆矣」是也。而必其知。則是以己之所能者病人,以人而必其知。則是以己之所能者病人,以人而必其知。則是以己之所能者病人,以人人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於人者,天下之利器,不可以示人」,則進於

子曰:「好勇疾貧,亂也。人而不仁,疾之已

亦不爲亂。好勇而不疾貧,則未必爲亂,爲亂,商丘開疾貧矣,然力弱而不好勇,子路好勇矣,然衣敝緼袍而不疾貧,故不

意也。 甚」者,此也。疾不仁者,義也,不至於已 已甚,孔子之不爲「已甚」,老子之言「去 甚,亂也。」蓋不仁者,非不疾之,疾之不可 肖之心應之,故曰:「人而不仁,疾之已 逸,人窮則詐,故於不仁者剋核太至,則不 貧,亂也。」夫鳥窮則搏,獸窮則攫,馬窮則 貧而不好勇,則不能爲亂,故曰:「好勇 甚者,智也。《兵法》曰「寇窮勿追」,亦此 疾

不足觀也已。」 子曰:「如有周公之才之美,使驕且吝,其餘

非 觀,又况才美下此者乎? 蓋君子以禮 吝。有周公之才之美,使驕且吝,猶不足 滅敬而忘禮,以吝滅愛而忘仁。忘禮與仁, 心,故不驕,以仁存心,故不吝。小人以驕 才之美者莫過於周公,行之醜者莫甚於驕 所謂有德者也,其何以觀之哉!荀卿 存

子曰:「三年學,不至於穀,不易得也。」 米以不失穀爲善,人以不失性爲仁。 任,死而後已,三年學其可以至穀哉? 此 友,七年小成,九年大成,若夫仁以爲己 穀者仁之實也。君子之學,一年則論學取 仁之體,仁爲善之用,孟子以五穀譬仁,則 臂之豺狼,不可以身近之。」亦此意也。 曰:「弓調,然後求勁, 士信慤,然後求智能, 士不信慤而多智能 馬 服, 然 後求良。

子曰:「篤信好學,守死善道,危邦不人,亂 邦不居。天下有道則見,無道則隱。

之而已。

孔子曰「有能一日用其力於仁」者,蓋謂誘

善道則於道不變。學至於此,然後知廢 篤信則於道不疑,好學則於道不厭,守死 所以樂其自强不息也。 莊周曰「美成在

久」,荀卿曰「真積力久則入」,此之謂也。

存」。 隱。」故君子體龍之潛升以爲德,體 天下,卒老於行而未嘗隱。苟非體常盡 肸之召則欲往,於衛君之亂則欲入,環轍 行也,而行之不必果。故孔子於公山、 「當治世而不避其任,遭亂世而不爲 行,邦無道,則以身徇道而隱。 顯隱以爲行。 興之有命,去就之有義,故曰:「危 變,孰能與此哉! 人,亂邦不居。天下有道則見,無 然有是言也,而言之不必信,有是 邦有道,則 以 道 此所 徇 道 鳳之 邦 身 佛 茍 謂 而 則 不

焉,耻也。」「邦有道,貧且賤焉,耻也,邦無道,富且貴

曰:「立乎人之本朝而道不行,耻也。」與耻也。孔子曰:「邦有道,●穀,耻也。」孟子也,於可退之時而無必退之志,富且貴焉,於可仕之時而無可仕之道,貧且賤焉,耻

邦無道,富且貴焉,耻也。」同一意

子曰:「不在其位,不謀其政。」

又况不在其位而謀其政哉!:韓之典冠者《易》所以言「思不出其位」,而孔子所以言「各司其局」,●此「不在其位,不謀其政」也。若夫在天則春、夏、秋、冬不相易時、在地則東、西、南、北不相易方,在人則耳、由則言,不踰階而相揖,大至於天地之理,相與言,不踰階而相揖,大至於天地之理,小至於言語之儀,其定分也猶且不可犯,小至於言語之儀,其定分也猶且不可犯,小至於言語之儀,其定分也猶且不可犯,小至於言語之儀,其定分也猶且不可犯,少是不在其位而謀其政則謂之犯分,●居大夫不在其位而謀其政則謂之犯分,●居

[「]有」,依《論語·憲問》「憲問耻」章及此處文意,當作

[「]位」,原作「政」,據上圖抄本改。

[「]位」,原作「政」,據上圖抄本改

[「]孔子」,上圖抄本作「禮」。

誅 ; 而已。 田 祝者不可以代,御者雖非良而參乘者 季氏之旅 然則於田常之亂,孔子不在其位而請討 易中軍之班、《春秋》以爲罪,其以 子不與越寇之事,孟子不以爲罪,陽處父 以呼,此孔子嘗爲乘田則曰「牛羊茁壯長 君也,不免侵冒之責。 加 而已」,嘗爲委吏則曰「會計當而已」。 常之亂盡 昭 晉之將中軍者將載厲公以車,非不 侯 以 ,孔子不在其位而欲救之者,蓋 衣, 人可討,季氏之旅唯告冉有 非 不 愛君 故庖人雖廢 也,不免 此數 越 職而 職 不 曾 憂 可 之 尸

哉! 子曰:「師摯之始、《關雎》之亂,洋洋乎盈耳

亂 亂謂之亂。 治污謂之污,治弊謂之弊,治荒謂之荒,治 而正之,故「師摯之始,《關雎》之亂,洋 《關 雎》嘗亂矣,師摯之始,其

> 美德!.役群衆」,則「洋洋」,盛美之辭。 齊而嘆之,則其賢可知矣。 摯之始,《關雎》之亂,而孔子美之,及其適 洋乎盈耳哉 曰「鬼神洋洋乎在其上」,●史曰「洋洋乎 ·.」《書》曰「聖謨洋洋」,《禮》 師

子曰"「狂而不直,恫而不愿,悾悾而不信" 吾不知之矣。」

顓蒙 深非 未善而無誠,則非君子所與也,孔子所以 守而愿,無實 狂則進取而無節者也,恫則游移而無守者 而 也,控則 後 恫。 而曰「吾不知之矣」。 ,則控而後恫 虚 與控者,蓋狂者進取善也,狂 中而 而 信。 無實者 ()恫而 嘆 未善 也。 後 人之生也,控 狂 L也猶. 無 一,於此則 節 出 而 於誠 直 先 一,無 未 恫

⁰ 「在其上」,四庫底本作「盈耳哉」,爲館臣改。 本作「如在其上」。 上圖

者與! 度甚矣。子張色取仁而行違,其狂而不直以爲善也,以其未善而猶不直,則其反常

子曰:「學如不及,猶恐失之。」

故孔子言此以警之。 之願息、宰予之晝寢,時之殆於學者多矣,皇也。孔子之門人猶有冉有之自畫、子貢皇也。孔子之門人猶有冉有之自畫、子貢皇也。我子之門人猶有冉有之自畫、子貢

子曰:「巍巍乎,舜、禹之有天下也,而不

而後堯者,以舜、禹之有天下本於堯故也。 先堯後舜者,堯、舜先後之序也;先舜、禹 孟氏先堯後舜,此先舜、禹而後堯,何也? 孟氏先堯後舜,此先舜、禹而後堯,何也? 」 」 「魏巍」,言成功之高大也。有天下而不與 「巍巍」,言成功之高大也。有天下而不與

> 爲大,唯堯則之。蕩蕩乎!民無能名焉。 子曰:「大哉!!堯之爲君也。 巍乎!其有成功也。焕乎! 其有成功,故謂之放勳,其有文章,故謂 天。」蓋大而公然後能無爲,則無不爲矣。 公焉,故曰「唯天爲大,唯堯則之」。《易》 天任理,人任情。 大,堯自以爲人之不合者,蓋不虐無告,不 也,則天者天之合也。 之重華。 然堯之則天之大,非美而未大 文章」,無不爲也。民無能名,故謂之帝, 爲也,「巍巍乎!其有成功。 堯之則天,至於「蕩蕩乎!民無能名」,無 曰:「大哉,乾元!」《傳》曰:「無爲爲之謂 小而私。堯之爲君,●不私其天下則大而 任理則大而公,任情則 舜似 其有文章。」 巍巍乎!唯天 焕乎!!其有 堯爲美 而 巍

^{● 「}君」下,原衍「子」字,據上圖抄本删。

之。」《詩》曰:「不識不知,順帝之則。」前 故也。《易》曰:「天垂象,見吉凶,聖人則 廢 窮,嘉懦弱而哀婦人,此特堯之緒餘

舜有臣五人而天下治。武王曰:「予有亂臣 際,於斯爲盛。有婦人焉,九人而已。 十人。」子曰:「才難,不其然乎? 唐、虞之

而已。故曰:「唯天爲大,唯堯則之。」

乎堯者,則其象而已,後乎堯者,順其則

以天下與人易,爲天下得人難。堯、舜之 子》,五臣則禹、稷、契、皋陶、伯益是也, 已,文王之時,●濟濟多士,武王之亂臣十 時,野無遺賢,而舜之治天下者五人而 《書》稱號叔五人之外,周公、太公、召公、 考之《書》,則亂臣十人同心、同德是也。 人而已,●故孔子嘆其才難也。考之《孟

> 以爲文母,非也。 臣母之義,則所謂婦人者邑姜而 **萇弘曰:「十人同德,周** 已, 馬

九四

「三分天下有其二,以服事殷。 周之德,其可 以興。」

謂至德也已矣。」 文王有君民之大德,有事君之小心。 有君 名,不以私累實,其德不可以有加矣,此所 之小心,故猶「服事殷」。如此則不以利累 民之大德,故「三分天下有其二」,有事君 以爲至德也。不謂文王之至德而曰「周之

衰世言之則曰「盛德」,自其以服事殷言之 則日「至德」。

《易》曰「周之盛德」,而此曰「至德」,自其

至德」者,以明周之世世修德若文王也。

「王」,原脱,據上圖抄本補。

「王」,原脱,據上圖抄本補。

畢公而已,馬融以榮公與焉,非也。子無

乎溝洫。禹,吾無閒然矣。」鬼神,惡衣服而致美乎黻冕,卑宫室而盡力子曰:「禹,吾無閒然矣。非飲食而致孝乎

無間者,禹而已,故言禹終之。 無間者,禹而已,故言禹終之。 無間者,禹而已,故言爲至惑」。帝道成 以業而王,地道也,故稱『至德』。帝道成 以業而王,地道也,故稱『至德』。帝道成 以業而王,地道也,故稱『至德』。帝道成 於堯、舜,王道成於文、武,曰帝王之道而 於堯、舜,王道成於文、武,曰帝王之道而

論語全解卷四

官室欲高」。「厚飲」至「官室」,上圖抄本作「飲食欲厚,衣服欲美,

0

九五

論語全解卷五

陳祥道 撰

宋

子

罕第

九

子罕言利與命與仁。 此,無足以與言,所以罕言也。天之所利 之際者也。仁、命,人所難知,利,人所難 仁,人道也,命,天道也,利 年飢不足博施濟衆、堯、舜猶病、况於人 爲。智足以及此,無事於言,智不足以及 則 和 同天人

乎 名。」子聞之,謂門弟子曰: 「吾何執 颜、閔之徒,或以德行稱,或以政 執射乎? 吾執御矣。」

?

執 御 九六

孔子無所不學,而人莫名其所以學,無所 以文學稱,或以言語稱,皆其所以成名也。 以謙,若曰「吾少也賤,故多能鄙事」、「若 聖人之於天下,方其人之知我也,則承之 聖與仁,則吾豈敢」、「君子道者三,我無能 不知,而人莫名其所以知,則無所成名也。 焉」、「我於辭命則不能也」; 方其人之不 黨人之知我故也。 乎」,此孔子所以執御而不執射者,以達巷 在兹乎」、「下學而上達」、「知我者其天 知我,則高其言,曰「天生德於予」、「文不 聖則曰「惡是何言」,於距楊、墨則曰「予欲 孟子於公孫丑之言既 事稱,或

0 「况於人乎」,上圖抄本作「則利尤人之所難爲」。

達巷黨人曰:「大哉孔子!

博學而無所成

利之本,不言者利之末。

乎?

故鮮言之,以利人所難爲故也。

孔子於利罕言,孟子於利不言,蓋罕言者

從下。」拜下,禮也,今拜乎上,泰也。雖違衆,吾拜下,禮也,今拜乎上,泰也。雖違衆,吾於衆。

恭。 世 則考之先王而不謬, 知禮之權 恭,雖從有所不從。● 先王制禮之設,爲奢不爲儉,●爲泰不爲 義者,禮之權,理者,禮之經。 泰則從禮。 而 可行。 用可以儉,雖禮 從衆者、義也,從禮者,理也。 三代之所以因革損益者,亦不 有所不行,行在 故衆 儉則 知禮之經, ,則推於當 從儉,衆 乎

過如此而已矣。

子絶四: 毋意,毋必,毋固,毋我。

聖人之於天下無適也,無莫也,以 是 是也,毋必也有所謂「必」,「名之必可言. 毋意也有所謂「意」,《易》曰「立象以盡意 意」,聖人不必至人無己,此之謂也。 非特克己而已,毋我也,莊子曰「于羊棄 趣時而已,毋固也,視人如我,視我如人, 已, ●毋必也,可以止則止,可以仕則仕, 毋意也,言不必信,行不必果,惟 也; 毋固也有所謂「固」,「君子固窮」是 誠 而已。 雖然 義 而

正本未改」。上圖抄本作「御」。「御」,四庫底本作「藝」,館臣盧遂籤云「藝字應改御字,

0

[也]下,上圖抄本有「射者服人之事,御者事而已」十一

0

「奢」,原作「泰」,據上圖抄本改。

「雖從」,上圖抄本作「雖衆」。

「惟」,上圖抄本作「循」。

九八

非無也,特止而不爲爾。 已。● 五行之性,惟火爲能,毋我而火於也。● 五行之性,惟火爲能,毋我而火於也。● 五行之性,惟火爲能,毋我而火於也,毋我也有所謂「我」,「以我爲隱乎」是

子畏於匡,曰:「文王既没,文不在兹乎?

天之將喪斯文也,後死者不得與於斯文也

天之未喪斯文也,匡 懼,於外不能無 之勇能 聖人之勇能 動心與告子同,其所以不動心與告子異。 舍同,其所以無懼 者。」由文王至於孔子,以其數則過矣,以 老子曰:「人之所畏,不 曰:「五百年必有王者興,其間 、時考之則可矣。故曰:「文王既没,文 無懼 ,而畏於三軍。聖人於内 無懼,如畏於三軍, ●孟 畏,聖人無懼 人其如予何?」 與孟 施舍異、若孟 敢不 而 畏。」孟子 必 畏如 有名世 子不 施 孟 能 舍 施 無

不在兹乎?」

也。」子聞之曰:「太宰知我乎! 能 太宰問於子貢曰: 故多能鄙事。 曰:「子云:「吾不試,故藝。」」 也?」子貢曰:「 君子多乎哉? 「夫子聖者 固天縱之將 與 不多也。」牢 聖,又多能 吾少也賤, ? 何 其 多

道德者,本也;藝能者,末也。 其本,則不免爲衆人。周公之多才多 輔之以末,則不害爲君子,若事 其所先也。 孔子之多能,則多能亦聖人之所不廢而 短能長,流之斯爲川,塞之斯爲淵, 潜則 淵, 聖人之於天下,能圓 仁者見之謂仁,智者見之謂 有其 其末 能 方 升則 藝 本 而 %。能 賏 忘 而 非

子曰:「吾有知乎哉? 無知也。有鄙夫問智。太宰見之謂「多能」,不亦宜乎!

聖人之於人,患其不能學,不卷其所敎,於我,空空如也。我叩其兩端而竭焉。」

一隅不以三隅反者不竭兩端,於竭兩端者智不及而誠至焉,聖人告之以詳。故於舉馬。蓋智及之而誠不至,聖人答之以略,則與之而不拒,鄙夫之問則叩兩端而竭則與之而不拒,鄙夫之問則叩兩端而竭則與之而不拒,鄙夫之問則叩兩端而竭

必作,過之,必趨。子見齊衰者、冕衣裳者與瞽者,見之,雖少,子曰:「鳳鳥不至,河不出圖,吾已矣夫!」

不舉一隅,此稱物平施也。

敬之可知矣,過之,必趨,於與處者敬之見瞽者則不欺。見之,雖少,必作,於長者存心,故見衣裳者則不慢,以誠存心,故君子以仁存心,故見齊衰者則不忍,以禮

褻必以貌,見冕與瞽雖狎必變,夫子居鄉可知矣。見之、過之而未必狎,見齊衰雖

之容也。●

所立卓爾,雖欲從之,末由也已。」以文,約我以禮,欲罷不能。 既竭吾才,如有在前,忽焉在後。 夫子循循然善誘人,博我顏淵喟然嘆曰:「仰之彌高,鑽之彌堅,瞻之

▶ 「夫子居鄉之容也」,上圖抄本作「此聖人處鄉黨之禮也」。

00

塵而瞠乎其後」。揚子曰:「顔子得其行,欲從之,末由也已。」此所謂「夫子奔逸絕趨亦趨」。「既竭吾才,如有所立卓爾,雖

未得其所以行也。」

欺 ? 哉,由之行詐 子疾病,子路使門人爲臣。 予死於道路乎?」 寧死於二三子之手乎! 欺天乎? 也! 且予與其死於臣之手也,無 無 臣 且予縱不得大葬, 而 病閒,曰:「久矣 爲 有 臣。 吾誰

誠,欺則不忠,不誠則無以行己,不忠則無也,孔子不敢厚葬之,禮也。 夫詐則不君子不以爲非禮。門人欲厚葬之者,義天,夫子之死,門人欲葬以三代之禮,而子疾病,子路使門人爲臣,而孔子以爲欺

我待賈者也。」賈而沽諸?」子曰:「沽之哉! 沽之哉!

君子未嘗不欲仕,惡不由道,美玉未嘗不然法,惡不待賈。沽之所以行其義,待賈欲沽,惡不待賈。沽之所以行其義,待賈所以珍其道,行其義則不失人,珍其道則所以珍其道,行其義則不失人,珍其道則可以於其道,行其義則不失人,珍其道則不失己。《易》「君子藏器於身,待時而不失己。《易》「君子藏器於身,待賈治子言之,可西之有?」

各得其所。」子曰:「吾自衛反魯,然後樂正,《雅》、《頌「君子居之,何陋之有?」

次《齊》而次《秦》、《陳》不次《秦》而次《唐》,《齊》、《秦》不次《唐》而次《豳》、《魏》不作,正之而已。季札時、《豳》不居末而次孔子於禮不敢議,執之而已,於樂不敢

水善

子貢曰:「有美玉於斯、韞匵而藏諸?

以事天。故於己言詐,於天言忠。●

^{■ 「}忠」,上圖抄本作「欺」。

IIII

志不

足,故曰「吾止也」,爲山也,未成

亦猶因地以爲山,山幾成而敗,則功雖多爲譬則學也,地譬則性也。因性以爲學,譬如平地,雖覆一簣,進,吾往也。」子曰:「譬如爲山,未成一簣,止,吾止也。子曰:「吾未見好德如好色者也。」

流者未嘗流,逝者未嘗逝。

而進,則功不多而志有餘,故曰「吾往也」。 僧》曰:「君子惡惡也疾始,而善善也樂 傳》曰:「君子惡惡也疾始,而善善也樂 終。」爲善有始而鮮終,●豈君子所樂哉? 此孔子所以惡冉求之畫而與童子之進也。 孟子曰:「屈井九軔而不及泉,猶爲棄 此,不如荑碑。」荀卿曰:「由垤而進,吾與 熟,不如荑碑。」荀卿曰:「由垤而進,吾與 熟,不如荑碑。」荀卿曰:「由垤而進,吾與 為,不如荑碑。」荀卿曰:「由垤而進,吾與 為,不如荑碑。」荀卿曰:「由垤而追。 高善思。」與此同意。

上士聞道,勤而行之,中士聞道,若存若子曰:「語之而不惰者,其回也與!」

[「]風」下,上圖抄本有「之起」二字。

[「]頌」下,上圖抄本有「之亂」二字。

[「]鮮」,上圖抄本作「無」。

有孳孳,斃而後已。」回之謂歟! 忘身之老也,不知年數之不足也。 俛焉日何有?《記》曰:「向道而行,中道而廢,使回不死,而充其庶幾之資,則其爲聖也如有所立,其進也欲罷不能,未見其止也。

子曰:「苗而不秀者有矣夫! 秀而不實者

有矣夫!」●

子曰:「年四十而見惡焉,其終也已。」曾四十、五十而無聞焉,斯亦不足畏也已。」子曰:「後生可畏,焉知來者之不如今也!

^{● 「}矣」,原誤作「以」,據四庫底本、上圖抄本改。

矣,五十而不以善聞,則不聞矣。」子曰:「年三十、四十之間而無藝,則無藝

繹,從而不改,吾末如之何也已矣。」 巽與之言,能無説乎? 繹之爲貴。説而不子曰:「法語之言,能無從乎? 改之爲貴。

言不能無從。 人之性,莫不秉彝而好德,人之情,莫不 貴。昔惠王於孟子之言亦曰「仁義而已」, 改之爲美,●以其好順而惡逆,故巽與之言 好順而惡逆。 幽王所以終於無道也。 也。 言則對,誦言如醉,是巽與之言,不能無悦 是法語之言,不能無從而不改,幽王於聽 不能不悦。然不以道患不能繹,故繹之爲 言」,法語之言也,伊尹所謂「有言遜于女 志」,巽與之言也。 然説 而不繹, 此惠王所以終於不仁, 以其秉彝而好德,故法語之 然物或害之,患不能改,故 孔子所謂「訓恪人

> 改。」重出而逸其半。 子曰:「主忠信,毋友不如己者,過則勿憚

子曰:「三軍可奪帥也,匹夫不可奪志也。」 視志,不若志之固,故曰「三軍可奪,匹夫 則心之所之者其鋭不可挫,其固 不可奪」。蓋見善明然後用心剛,用 也。以匹夫視三軍,不若三軍之衆,以 三軍之所恃者,帥也, 匹夫之可守者,●志 得與變,又況窮通之小者乎? 迫,可殺而 攻,●此所以可親而不可刼,可近而 飢不能降伯夷之志,齊之卿相不能 之心,此《儒行》所謂「身可危而志不可 不可辱也。夫以死生之大猶 故首陽之 動孟 不 不可 心 口 剛 帥

[「]説」,原脱,據上圖抄本補。「美」,上圖抄本作「貴」。

[「]可」,上圖抄本作「所」。

[「]攻」,上圖抄本作「傾」。

本諸 奪 諸天,三軍之帥 禮》曰: 天者難奪,此士所以貴尚其志也。 孟子 「言有物 本諸人。 志 而行有格 氣之帥 本諸· 也。 也。」是以 人者易奪, 氣之帥 本 生

則不可奪志,死則不可奪名。

以臧。」 子路終 者,其由 子曰:「衣敝緼 身誦之。子曰:「是道 也 與? 袍,與衣狐貉者立,而不 『不忮不求,何用不 也,何足 臧 耻

爲善而非成乎善者也。● 充無欲害人之心,而仁不可勝用,人能 於不忮,不求者可以爲義,而義不止於不 室慾則不求。不忮者可以爲仁,而仁不止 貧而不貪,唯子路能之。 勇或失於忮,貧或失於貪。 曰:「是道也,何足以臧?」以言是道可 不忮不求,子路終身誦之,孔子抑之 蓋懲忿 孟子曰:「人能 求勇而不忮, 則 不忮, 充 以

> 道,始於不忮不求 無穿窬之心, 而 義 而已。 不 可 勝用。」 是 義之

子曰:「歲寒,然後知松栢之後彫也。」 子。 也。❸」又曰:「天寒既 歲不寒不足以知松栢,事不難不足以 莊子曰: 受命 至,霜露既降,然後 於道,❷ 唯 松 栢 見君

家昏亂有忠臣。」《傳》曰:「疾風知勁草, 之操也。老子曰:「六親不和有孝慈,國 心,貫四時而不改柯易葉。」此所以譬君子 知松栢之茂也。」《禮》曰:「若松栢之有

子曰:「知者不惑,仁者不憂,勇者不懼。」 知者自知,不爲物蔽,故不惑;仁者自得

亂世

一識忠臣。」與此同意

以言是道」,原誤作「是善」,據上圖抄本改。

道」《莊子》作「地」。

作「夏」。 「也」下,上圖抄本有「在冬下青青」五字,「下」,《莊子》

勇。《書》曰「天乃錫王勇智」、《禮》曰「以賢有時而懼,孔子曰「臨事而懼」是也。此與有時而懼,孔子曰「臨事而懼」是也。此與有時而懼,孔子曰「臨事而懼」是也。此與有時而懼,孔子曰「臨事而懼」是也。此與有時而懼,孔子曰「臨事而懼」,不爲物殺,故不憂,勇者自强,不爲物暴,不爲物役,故不憂,勇者自强,不爲物暴,

未可與立,可與立,未可與權。」子曰:「可與共學,未可與適道,可與適道,

勇者興事立功」,蓋以勇爲主,故也。

故可與適道,未得其所以言,故未可與立。以學,故未可與適道。宰我、子貢得其言,子游、子夏得其學,故可與共學,未得其所而。」子曰:「未之思也,夫何遠之有?」「唐棣之華,偏其反而。豈不爾思? 室是遠

性之所固有,●求諸己而已。 性之所固有,●求諸己而已。 性之所固有,●求諸己而已。 「未之思也,夫何遠之有?」以言權者遠,故曰:「豈不爾思? 室是遠而。」孔子「室」則喻權之道,權者反而後合,故曰:「曹棣之華,偏其反而。」不知返者視邇以爲曰:「聖人固多變也。」「唐棣」則喻權之用,曰:「聖人固多變也。」「唐棣」則喻權之用,領回、閔子得其行,故可與立,未得其所以額回、閔子得其行,故可與立,未得其所以

鄉黨第十

在宗廟朝廷,便便言,唯謹爾。 孔子於鄉黨,恂恂如也,似不能言者。❸ 其

^{● 「}躍」,四庫底本、上圖抄本作「懼」,館臣籤云「躍誤懼,宜

[「]有」上,上圖抄本有「在」字。

下,據監本應增者字」。「者」,四庫底本無此字,館臣沈孫璉籤云「似不能言

聖人達之以爲儀。 道 者也。 者也。 鄉者施之朝,故於燕居則申申,於鄉黨則 聖人之行禮,不以居家者施之鄉,不以居 之藝也;此言鄉黨之禮,聖人之儀也。 辨,故「似不能言」,朝廟貴辨而不 之以平施而已。 恂恂,於朝廟則便便,凡皆異之以稱物,同 孝友睦婣,而繼之以任恤,此鄉黨貴 敬,故曰「便便唯謹」。《周禮》司徒教民 便,辨治之謂也。 錯立族談者,孟子謂「朝廷不歷位 之位,此言夫子在宗廟朝廷,皆「便便言, 爾」也。 言」、《禮》曰「在朝言朝」,此「便便言,唯謹 與之才,聖人達之以爲藝, 道與之貌 子人太廟,每事問、《周禮》禁慢 《禮記》言「朝極辨」,此朝廷貴辨治 《禮》言庶子在宗廟之中如在外朝 恂恂,德性之謂也,便 鄉黨貴德信則遜 前言執射執御,●聖人 而 而 德 可 無 相 然 所 信 以 不 朝 與

誾如也。

君在、踧踖如也、與與如也

唯謹 孔子觀之,「色勃如,足躩如,人君之門則 《詩》云: 容周 鞠躬如不容,執君之圭則鞠躬如不勝」,與 上大夫言則誾誾,與下大夫言則侃侃,動 旋無 爾」者也。 「攝以威儀,威儀孔 不中禮,則禮之爲用可知矣。 宗廟 朝廷 之禮 時。」此之 也。 以

謂歟!

朝,與下大夫言,侃侃如也,

與上大夫言,誾

安,與與,則有相與之意。下交不瀆,故 侃侃,和也,誾誾,敬也,踧踖,則恭 與下大夫言侃侃如,上交不諂,故與上大 也,尊之也; 相與之意而 夫言誾誾如。 不恭則不敬。 與與如也,親之也。 恭而失相與之意則不親,有 君在, 踧踖如 閔子侍 而

〇六

⁰ 御」下,上圖抄本有「與多能」三字。

則「踖踖」者,安而不遽;「與與」者,相與同也。《詩》曰:「執爨踖踖,我黍與與。」孔子交乎下者侍孔子,此三子之賢所以不子以孔子交乎上者侍孔子,冉有、子貢以側,誾誾如也,冉有、子貢,侃侃如也。閔

退,必復命曰:「賓不顧矣。」左右手,衣前後,襜如也。趨進,翼如也。賓君召使擯,色勃如也,足躩如也。揖所與立,

之謂也

己, 不相凟也。「君召使擯,色勃如也,」其容 五介,子、男三介。 侯、伯四人,子、男三人。公則七介,侯、伯 朝聘之禮,主有擯,賓有介。公則擯五人, 也」,其容不特恭而已。 不特莊而已,「足躩如也,」其容不特重 有衆介,如此然後命有所傳,情有所達 「揖所與立,左右手,衣前 擯有紹擯、有上擯,介 孟子稱齊王「勃然 後, 襜 如 而 而

> 之」退亦入復,所謂「賓退,必復命」也。 《周官·掌訝》「詔其位,❶人復,及退,如 送,然後言「賓不顧」,皆擯者復命之辭。 易退也。《聘禮》、《公食大夫禮》公既拜 揭遜,退則不顧揖遜者,難進也,不顧者, 經典,退則不顧揖遜者,難進也,不顧者, 與乎色」、《易》以矍矍爲之不安,則勃如,

出,降一等,逞顔色,怡怡如也。没階,趨進,足者。攝齊升堂,鞠躬如也,屏氣似不息者。履閾。過位,色勃如也,足躩如也,其言似不人公門,鞠躬如也,如不容。立不中門,行不

勃如戰色,足蹜蹜如有循。執圭,鞠躬如也,如不勝。 上如揖,下如授。

翼如也。

復其位, 踧踖如也。

應作訝,據《周官》改」。

色也。 《禮》曰:「士大夫出 過位 立 中 ,過君之位也。 足 則嫌於自尊, 蹜 蹜 如 有 勃如戰 入君門,●由 循, 行 履閾 旁緣 色, 則嫌於自高 而 如戰陣之 有 闑 循 右,不 也

蹄蹄如也。』《儀禮》曰:「執玉者惟周舒,●之謂也。《玉藻》曰:「執龜玉,舉前曳踵,器,●操幣、圭、璧,行不舉足。」「如不勝」也。又曰:「執主器,執輕如不克。執玉履閾。」●「立不中門。」「行不履閾」之謂

也」。過位如使擯,故皆曰「色勃如也」。人公門如升堂,如執圭,故皆曰「鞠躬如

武,舉前曳踵。」「足蹜蹜

如有循」之謂

也。

進、翼如也」。非夫動容周旋、盛德中禮之也」。没階、趨、亦如君召使擯、故皆曰「趨足躩如也、復其位如君在、故皆曰「踧踖如

享禮,有容色。私觀,愉愉如也。

至者,誰能至此

《周禮 禮也。」 《禮 使而 享 獻,言私觀則知享之爲公,互相 則私覿固有獻矣。 記》言: 敬,致其 曰楚公子棄疾見鄭伯。● 致 記 私 其 \Rightarrow 覿則禮 「賓私 司儀》言:「私 情則尚 禮 曰: ; 私 覿 也,觀而私觀則 覿, 和,故「愉 朝 私 蓋言享則知私 覲, 致其 面,致饔餼, 面 大夫之 情。 私獻。』《春秋傳》 以其 愉 如 致 非 (良馬 也。 其 備 還 私 禮 圭 禮 覿之爲 也。 也。 覿, 私 一璋。」 則 《禮 面 故 然 尚 非

君子不以紺緅飾,紅紫不以爲褻服。當暑,

是宜改楚」。

^{) 「}履」《禮記》作「踐」。

^{) 「}玉」、《禮記》作「主」。

[「]楚」,四庫底本、上圖抄本作「是」,館臣籤云「是公子,「惟」上,《儀禮》有「則」字。「周」、《儀禮》無此字。

袗絺綌,必表而出之。

色未 也。 記 侵陰,水克火爲紫,北方之間色,其義 曰:「以湼染紺而緇於湼。」是紺過 · 鍾氏》五人爲緅,是未及緇也。 及緇 火克金爲紅,南方之間色,其義則 爲郷色,過 於緇 爲紺。 考工 於緇 列 子 則 陽

知,不以爲褻服,則不以爲正服可知。當爲其非正色也。不以爲飾,則不以爲衣可以鄉,爲其近練服也,不以紅紫爲褻服,陰侵陽。君子不以紺,爲其近齊服也,不

言「袗絺綌,不人公門」,此衆人之禮也。所謂「蒙彼縐絺」是也。《曲禮》、《玉藻》皆暑,袗絺綌,不人公門,必表而出之,《詩》

裘,玄裼之。」

孔子袗絺綌必表而出,非特不人公門

《禮記》曰:「麑裘素衣以禓之,羔裘緇衣緇衣,羔裘,素衣,麑裘,黄衣,狐裘。

而已。

多正。 成,故《記》曰:「狐白裘,錦裼之,狐青 其性則弱而善愛,狐之色黄,其性則黄而 羔之色黑,其性則 素衣麑裘、黄衣狐裘者稱其色以裼之也。 以裼之,狐裘黄衣以裼之。」則緇衣羔裘 必純,則純者所以相稱,其不純 衣麑裘爲喪服, 蜡所以息老物,故以黄衣 緇衣羔裘爲朝服,喪則仁義之盡,故以 象方物。 狐裘爲蜡服,此皆色之純者也。 緇所以象道,素所以象義,黄在 朝廷者,道與禮之所自出 群 而 有禮 ,魔之色白 然有 者所以 一故於 所不 相

禮,故不長。褻裘取温,故長。用,故右短袂以便作事。正裘所以行有用,故右短袂以便作事。正裘所以行有天不足西北,故人之右目不如左明,地不褻裘長,短右袂。必有寢衣,長一身有半。

狐貉之厚以居。

乎内也 聞,服使然也,黼黻衮冕者,容不衰慢,非 先王之制,衣服有以成德者,有以稱 之氣,非 性 曰:「衰麻苴杖者,志不存乎樂,非耳 成德者外成乎内,稱德者外稱乎内。 静,居則戒於外而静於内,故裘必以狐貉, 者知地形,緩佩玦者事至而斷。」此 也。莊子曰:「冠圜冠者知天時,履 狐 以 貉,取彼狐狸,爲公子裘。」豳民 取温而已,故必厚。 矜莊,服 後貉 狐狸爲公子裘。是狐裘美於貉矣,故先 體絶 狐之性善疑而戒,貉之性善明而 使然也, 猛,服故也。」此以外成乎内 介胄執戈者,無退 《詩》曰:「一之日于 以貉爲裘, 以 德者 孔子 外 勾 稱 履 儒

去喪,無所不佩。

佩所以致飾、喪則去飾矣。故去而不

浴佩 佩 無所不佩 禮 昔石駘仲卒,卜所以爲後者,石祁子不沐 玉 不去身。 也,非必終喪然也。《禮》曰:「禫而纖 Ó 玉 去喪,無所不佩、《禮》曰「君子無故, 而兆,若祁子,可謂 凡帶 必有佩玉 ,惟喪否」是也。 知禮矣。 然是

0

然則魯子之知禮,其知子游之後乎? 朝《詩》曰「漸車帷裳」,則主袭玄冠以弔,非禮 是也。子游裼裘而弔,魯天矣朝服而弔, 是也。子游裼裘而弔,差瘦服,則羔裘玄冠可也, 在,祭服也。季桓子死,魯大夫朝服而弔, 是也。子游裼裘而弔,是也。羔裘,朝服也,玄 重》所謂「華蓋」是也。羔裘,朝服也, 玄 非帷裳,必殺之。羔裘玄冠不以弔。

^{● 「}去而」,上圖抄本作「居喪」。

服言裘不言冠,●祭服言冠不言裘,互相

備也。

吉月,必朝服而朝。

《周禮》言正月之吉,《詩》言二月初吉,朔 月謂之吉者,明生之幾,故也。魯自文公 所以存禮也。《周官》設璧羨以起度,孔子 始廢告朔之禮,孔子吉月猶必朝服而朝 者以爲存禮,不知者以爲諂也。 政,皆救世之苦心也。 孔子吉月之朝,知 不去餼羊以存告朔,孟子不毁明堂以存王

齊,必有明衣,布。齊必變食,

外,故不御於内,不聽樂,不弔,不賓,不飲 德也。 明衣與變食也。 酒,不膳葷。喪者、凶者則不見,苟慮、苟 齊所以致精明之德於内,而防其邪物於 動則不聞,然後可交於神明,此所以 布,以其有齊素之心也。變食與 謂之明衣,以致其精明之 必有

日,不食之矣。

《周禮》「王齊日三舉」同意。 之齊,非心齊也,心齊則致虚 能累者哉! 《士喪禮》亦有明衣,蓋君子 而已,何物之 然此第祭祀

齊終之意也。

居必遷坐。

醬,不食。肉雖多,不使勝食氣。惟酒無量 不食。不時,不食。割不正,不食。不得其 敗,不食。色惡,不食。臭惡,不食。 食不厭精,膾不厭細。食饐而餲,魚餒而肉 食。祭於公,不宿肉。祭肉不出三日,出三 不及亂。沽酒市脯不食。不撤薑食,不多 肉,久視傷血。居必遷坐,非久坐也 久立傷骨,久行傷筋,久卧傷氣,久坐傷 失飪

言裘不言冠」,四庫底本、上圖抄本無此五字,爲館臣

亦所以 飲 惡,色之變也,臭惡,氣之變也。 惡食,爲其有以害生,故食不厭精。夫肉 不特氣之變而已,若牛庮、羊羶、犬臊、鳥 曰 敗,魚曰餒,敗則外腐,餒則中潰 食所 家形。 以 存 生, 爲其有以累形,故不恥惡衣 亦 所 以 害 生 所 以 然臭惡 養 形 色

之物,此之謂「不時,不食」也。《禮》曰:人,不宜以奉供養。」●漢之鄧后亦禁不時粥於市。」召信臣曰:「不時之物有傷於嚮也。」●又曰:「五穀不時,穀實未熟,不經、豕腥、馬螻之類,皆是也。《禮》曰:貍、豕腥、馬螻之類,皆是也。《禮》曰:

曰:「醬除墊不煩,薑去臭通神。」不得其可食也,割不正不食,不安食也。神農氏所以「割不正,不食」也。蓋不時不食,不所以「割不正,不食」也。蓋不時不食,不

醬不食、《禮》所謂魚膾、芥醬、麋腥、醢醬

之類 作陰德, 地産養形, 所以作陽德。 不以 不爲酒困是也。 氣。」惟酒 陰德者勝陽德,故曰:「肉雖多,不使勝食 必有草木之滋」是也。 是 也。 無 量,如酌孔取是也。 不 · 撤 不多食,節飲食是也。● 薑 食、禮 夫天産養精,所以 所 謂 不及亂 飲 食

食不語,寢不言。雖疏食菜羹,瓜祭,必齊

如也。

寢不言者不必不語。君子不以菲廢禮,故直言曰言,論難曰語。食不語者必不言,席不正,不坐。鄉人飲酒,杖者出,斯出矣。

[「]嚮」、《禮記・禮器》作「饗」。

[「]一旦二字係宜字誤,據《漢書》改」。「宜」,四庫底本、上圖抄本作「一旦」,纂修盧遂築

[「]節」上,上圖抄本有「君子」二字。誤購,據《禮記》改」。

長,謂之弟,故「鄉人飲酒,杖者出,斯出正,不坐」。疾行先長,謂之不弟,徐行後非所向,所止非所止,非理也,●故「席不雖蔬食菜羹,瓜祭,必齊如也。席之所向

鄉人儺,朝服而立於阼階。

之也。 孝莫大於寧親,寧親莫大於寧神。 儺,則所謂時儺者,季冬而已。蓋冬者萬 爲之狂,則陽過之疾者也,以陽勝陰,則 特牲》則曰裼。 則神有所不寧,故朝服立於阼階,所以 男巫冬堂贈,則儺於是時也宜矣。《月令》 歐、贈之禮,故占夢季冬,贈吉夢,去惡夢, 物歸根之時,先王因其歸根之時而爲之 也。《方相氏》以時儺者,占夢季冬,今始 謂之裼;去其爲難者,則謂之儺,其實 此與《方相氏》、《月令》皆曰儺,《郊 裼者,即謂之儺。 以狂 鄉人儺 夫 率

人参也耶,再軍司送とう。仲春秋皆有儺,非周制也。

康子饋藥,拜而受之。曰:「丘未達,不問人於他邦,再拜而送之。

厩焚。子退朝,曰:「傷人乎?」不問馬。敢嘗。」

止,●財可爲也,命藏象魏,富父槐至,去者禮也。昔魯桓僖廟災,救火者皆曰顧府。南宫敬叔至,命周人出御書,子服景府。南宫敬叔至,命周人出御書,子服景府。南宫敬叔至,命周人出御書,子服景府。南宫敬叔至,命周人出御書,子服景,鄉人有爲火來者,蓋問人曰仁也,拜之重人故也。《傳》曰國厩焚,子退朝而之火饋藥而不敢嘗,慎疾故也,厩焚,不問馬,饋藥而不敢嘗,慎疾故也,厩焚,不問馬,

「理」,上圖抄本作「禮」。

0

救火者傷人則止」改。「火」,原誤作「化」,據上圖抄本及《左傳》哀公三年「命

之問人不問馬也。蓋亦遠矣。而書次傳命駕車與顧府者其異乎? 夫子表之稾。其所命不同,要急於重人而已,

則祭先卜,於養老則祭先老,於學則祭先人,仁君惠也。《禮》曰「侍食於君子,先飯之,仁君惠也。《禮》曰「侍食於君子,先飯」。夫於先生、君子其敬尚如此,况侍先飯」。夫於先生、君子其敬尚如此,况侍於君側乎! 此《禮》所以言「君客之,則先於君側乎! 此《禮》所以言「君客之,則先於者側乎! 此《禮》所以言「君客之,則先於之。」亦嘗食之意也。古者於爨則祭先於,於田則祭田祖,於樂則祭樂祖,於開龜人,於田則祭田祖,於樂則祭樂祖,於開龜人,於田則祭田祖,於樂則祭樂祖,於開龜村,於黃老則祭先老,於學則祭先

焉,臣之先飯,禮也,而仁存焉。 所以不忘本也。君之祭,仁也,而禮存於駕則祭車,以至師田有禡,飲食有祭,皆

君命召,不俟駕行矣。

人太廟,每事問。重出,

朋友死,無所歸,曰:「於我殯。」

子夏問曰:「客至,無所舍。」夫子曰:「於

館,禮也,而仁存焉,死,於我乎殯,仁也,蓋禮非仁不立,仁非禮不行。生,於我乎乎殯。」「禮與仁與?」子曰:「仁者制禮。」我乎館。」「客死,無所殯。」夫子曰:「於我

而禮亦存焉

其敬也。凶服者不但齊衰而已,孔子過泰冕與瞽者雖與之褻,見,必盡其禮,所以致其色,所以哀有喪也,數相見面者爲褻,素相親近者爲狎,齊衰者雖與之狎,近,變

有盛饌,必變色而作。迅雷風烈必變。也。孔子式負版者,重民數也。觀司寇之也。孔子式負版者,重民數也。觀司寇之也。孔子式負版者,重民數也。觀司寇之一,與不可以不可以不可以不可以不可以,以不可以,以不可以,

無敢戲豫。敬天之渝,無敢馳驅。」皆恐懼必興,服衣冠而坐。」《詩》曰:「敬天之怒,既盡禮,客亦不敢不盡禮」者也。《禮》既盡禮,客亦不敢不盡禮」者也。《禮》。其一八子曰「主人不以禮,客不敢盡禮。主人食至,起則不必變色,有盛饌則變色而作,

不親指。升車,必正立,執綏。車中不内顧,不疾言,

修省之意也

顧,首不失儀也,不疾言,口不失儀也。升車,執綏,不親指,手不失儀也,不内

已。 過於嚴,《記》言爲人君之事,故其禮 不必不親指,不親指不特不妄指 記》言「不廣欬,不妄指,顧不過轂」,此 不過轂不必不内顧,不内顧不特不過 不疾言,不疾言不特不廣欬而已,不妄指 「不内顧,不疾言,不親指」者,不廣欬不必 周 《論語》言孔子爲人臣之禮,故其 • 道右》所謂車儀者,此也 而 已, 然《禮 禮 不妨 轂 顧 特 而

時哉!」子路共之,三嗅而作。 色斯舉矣,翔而後集。 於稍寬 曰:「山 梁雌雉, 時哉

衛靈 此所謂「色斯舉矣」。孔子曰:❷「鳥 雌雉繼焉。 木,木豈能擇鳥?」此之謂「翔而後集」也。 色斯舉矣,易退 色斯舉矣,翔 公望鴈。 雌雉之爲物,其别 而後集」者,臣之道 色不在焉, 也, 翔而 後 而孔子 集,難 有倫 也 遂行,● 進也。 能 禮 以 擇

> 之共同 也; 梁,亦此意也。 其能識去就之宜也。 就以道,亦若是焉 其交有時,義也。 他日子路共之,三嗅而作, 而 己。 共與《周禮》「共舉」 君子 孔子嘆雌雉 出 處 以 時, 於

六

論 語 全解卷五

「孔」上,原行「我」字,據上圖抄本刪。

0

據《左傳》添」。 豈, 四庫底本無此字,纂修盧遂籤云「木豈能

論語全解卷六

宋

先進第十一

子曰:「先進於禮樂,野人也,後進於禮樂, 君子也。如用之,則吾從先進。」 樂,惟其文而已,故曰「君子」。惟其文,則 質,有曰「從周」、「從先進」,有曰「彬 卦,其色愀然,與此同意。《論語》之言文 枉以直,●救時以正。● 孔子筮,得《賁》 非躬行者也,故欲從先進以救之,以其矯 其實而文不足,故曰「野人」,後進於禮 時有先後,禮樂有文質。先進於禮樂,惟

陳祥道 撰

於「燮强平康」,亦若是而已。

先進」者,時之中。●《洪範》「三德」,其施

彬」。●「彬彬」者,道之中。「從周」、「從

我、子貢。 政事: 冉有、季路。 文學: 子游、 子曰:「從我於陳、蔡者,皆不及門也。」德 行:顔淵、閔子騫、冉伯牛、仲弓。 言語: 宰

子夏。 子曰:「回也,非助我者也,於吾言無所

不説。」 堂,入室之理也。 門者道之微, ●室者道之妙。 由微以至妙,●人道之 自門以徂

「矯枉以」下,上圖抄本有「曲然後」三字。

「救時以」下,上圖抄本有「偏然後」三字。

「彬彬」下,上圖抄本有「者」字。 「時之中」,上圖抄本作「中庸所謂時中者此也」。

微」,上圖抄本作「徼」。

微」,上圖抄本作「徼」。

堂,故列之四科。於陳、蔡者,則後其所 得一 從,皆不及門,孔子所以憫之也。 夫德則 之也深,其上有至于在寢,其下有至于升 序也。孔子之門,淵、騫之徒從之也久,造 《禮》曰「或以德進,或以事舉,或以言揚」, 文則成之以學。德行所以行道,言語所以 成之以行,言則成之以語,政則成之以事 其序與此不同者,學道以言語爲優,取人 伯牛、仲弓。● 其得一體 同,其所以具體而微則異,故先顏、閔而後 明道,政事則治人而已,文學則道學而已。 科之時,二子之才未成故也。夫以二子之 之孝幾於德行,而四科不稱之者,蓋論四 以政事爲先也。子張之才與於四友,曾子 而下,則得其 由仲弓而上, 一體則異,故先言語而後政事、文學。 一體者也。其具體 則具體而微者也; 則同,而 由仲弓 其 而微 (所以 則

子曰:「孝哉,閔子騫!人不間於其父母昆論士,王莽以四科取士,不亦僞哉?

弟之言。」

0

「伯」,四庫底本作「求」。「仲弓」,四庫底本無此二字,

^{● 「}於」,上圖抄本作「之」。館臣籤云「而後求中,求字誤,宜作而後伯牛仲弓」。

❸ 「人」,上圖抄本作「事」。

南容三復白圭,孔子以其兄之子妻之。

《傳》曰:「一言而非,駟馬勿追,●一言而《傳》曰:「一言而非,駟馬勿追,●一言而於刑戮」。

對哀公則詳,●對康子則略。● 相京公則詳,●對康大夫可以同之哉? 故用上大夫言,至于誾誾,與下大夫言,則與上大夫言,至于誾誾,與下大夫言,則與上大夫言,至于誾誾,與下大夫言,則與上大夫言,至于誾誾,與下大夫言,則

不可徒行也。」
椁。吾不徒行以爲之椁。以吾從大夫之後,「才不才,亦各言其子也。鯉也死,有棺而無顔淵死,頗路請子之車以爲之椁。子曰:

得視猶子也。非我也,夫二三子也。」人厚葬之。子曰:「回也,視予猶父也,予不顏淵死,門人欲厚葬之。子曰:「不可。」門曰:「有慟乎? 非夫人之爲慟而誰爲?」顏淵死。子曰:「噫!天喪予!、天喪予!、

[「]勿」,上圖抄本作「弗」。下同。

[「]對」上,上圖抄本有「其」字。

^{□ 「}康」上,上圖抄本有「季」字。

以爲不可也。回之死,門人厚葬之,孔子與墨翟「愛無差等」異。曰「天喪予」,則與人。君子不以爲非者,蓋有孔子之德,然之。君子不以爲非者,蓋有孔子之德,然如孔子而亦可以爲師者,門人厚葬之,則如孔子而亦可以爲師者,門人厚葬之,則如孔子而亦可以爲師者,門人厚葬之,則與墨翟「愛無差等」異。曰「天喪予」,則與墨翟「愛無差等」異。曰「天喪予」,則與墨翟「愛無差等」異。曰「天喪予」,則與墨翟「愛無差等」異。曰「天喪予」,則與墨翟「愛無差等」異。曰「天喪予」,則與國人與一人以為此,則以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此孔子所以不與之車,而以門人厚其之。此,以為此之。其之。

則可以知死。死生之説,鬼神之情狀,非鬼?」「敢問死。」曰:「未知生,焉知生之理鬼與知死,躐等也。孔子不告之,不陵節鬼與知死,躐等也。孔子不告之,不陵節鬼與知死,躐等也。孔子不告之,不陵節鬼與知死。」曰:「未知生,焉知死?」

不可得,然後及於其次者。 智問死者之,◎ 其不告與此同,◎其告與此 是者,◎蓋所告者事鬼之事,◎不告者事鬼 之道也。《易》以知死生先于鬼神,子路之 以道也。《易》以知死生先于鬼神,子路之 其不告與此同,◎其告與此 員問死者之所知而不告,◎宰予問鬼神之

其死然。」有、子貢,侃侃如也。子樂。「若由也,不得閔子侍側,誾誾如也,子路,行行如也,冉

老子曰:「柔弱者生之徒,剛强者死之

淵,《史記》以顏淵之死先於鯉,妄矣。

夫原始要終,極物知變,孰與此哉?

然子

之禮」,上圖抄本作「執」。
● 「葬」,四庫底本作「机」,館臣籤云「可葬以人所不可行

^{) 「}而」下,上圖抄本有「孔子」二字。) 「而」下,上圖抄本有「孔子」二字。

[「]告」下,上圖抄本有「宰予」二字。「告」下,上圖抄本有「字貢」二字。

[「]事」下,上圖抄本有「也」字。

[「]及」,上圖抄本無此字。

有中。」何必改作?」子曰:「夫人不言,言必魯人爲長府。閔子騫曰:「仍舊貫,如之

子之言皆中時病者同一意。 之何? 何必改作」也。「言必有中」,與孔傷財勞民而已。閔子所以言「仍舊貫,如傷財勞民而已。閔子所以言「仍舊貫,如利不百者,不變法,功不十者,不易器。

子曰:「由之瑟奚爲于丘之門?」門人不敬

「過猶不及。」曰:「然則師愈與?」子曰:過,商也不及。」曰:「然則師愈與?」子曰:「師也

也,智者過之,愚者不及,而道之不行一也,智者過之,不肖者不及,而道之不明一及,由禮義以觀之,則過猶不及而已。是使退,則可矣。抑末也,本之則無。如之進退,則可矣。抑末也,本之則無。如之避退,則可矣。抑末也,本之則無。如之於胃者過之,不肖者不及,而道之不得,於對,是別,過也。子謂子夏曰「無爲小人儒」,子曰「師也辟」,子游曰「吾友張也,爲難能

● 「之意」,上圖抄本無此二字。

害道 也。 禮 寡,皆學者之弊,或徐而甘,或疾而苦,皆 外」,其于傷生一也。或失之多,或失之 何也? 際,●則是商也過,師也不及,與此不同, 善哀于已三年之内,子張忘哀于才三年之 除喪而見,予之瑟,彈之而成聲。 夫子夏 除喪而見,●予之瑟,彈之而不成聲,子張 則過與不及,豈相遠哉?《禮記》言子夏 輪人之患。華無實,實無華,皆不足以 援琴,衎衎而樂。損援琴,切切而哀。 家語》可信,●而《記》可疑。 ,事勝辭,辭勝事,皆不足以爲經。 墨翟之「兼愛」,楊朱之「爲我」,其 一也,單豹之「養内」,張毅之「養 《孔子家語》、《毛氏詩傳》言子夏 然 爲 于

子曰:「非吾徒也。小子鳴鼓而攻之,季氏富於周公,而求也爲之聚歛而附益之。

可也。」

事。 日 矣。 而已。 也。」 夫隱惡而揚善者,孔子之心。 鳴鼓而 喻于義者,君子之事; 子以爲民賊,其害小者,《周官》以爲邦盗 盗臣取非其有,而其害小。其害大者,孟 臣。」蓋聚歛之臣,倚法以削,而其害大 攻之者,孔子之所不得已也。《易・夬》 畜聚歛之臣。與其有聚歛之臣,寧有盗 而攻之」之意也。《禮》曰:「百乘之家,不 「揚于王庭」、《周官》「戮而罰之」,皆「鳴鼓 「非吾徒也。小子鳴 然對季康子之問從政則取之,此則攻 冉有學君子之道,而爲 由此觀之,則冉求之見惡於孔子宜 喻于利者,小人之 鼓而攻之,可 小人之事,故

[「]見」,四庫底本作「祭」,館臣籤云「見誤祭,宜改」。

[「]際」,上圖抄本作「後」。

[「]可」上,上圖抄本有「詩傳爲」三字。

秋》之有貶而没其美,亦猶是也。 秋》不以僖公之有頌而隱其非,不以《春禮爲不仁,亦不以管仲之仁爲知禮。《春也,其攻之者,義也。孔子不以管仲不知臣,亦不以所長蔽所短。其取之者,仁之,何也? 君子之于人,不以所短廢所

殖焉,億則屢中。」子曰:「回也其庶乎,屢空。 賜不受命,而貨柴也愚,參也魯,師也辟,由也喭。

物,惟回則不然,●此所以爲庶也。故也。蓋柴、師、參、由蔽於性,求、賜累於足爲知人。●惟回之屢空爲庶,以其安命者也。貨殖不受命,不足爲知天,屢中不

子張問善人之道。子曰:「不踐迹,亦不入

子張禹行舜趨,夷考其行而不掩迹焉,不有諸己,則必以心踐迹,然後能入於室。於君子爲有餘,迹過於心,則於善人爲不於君子爲有餘,迹過於心,則於善人爲不於君子爲有餘,迹過於心,則於善人爲不於室。」

0

0

卷十八:「原本定能籤隱,據《左傳》改。」「定」,四庫底本、上圖抄本誤作「隱」,《四庫全書考證》

字誤,以文義觀之宜改足字」。「足」,四庫底本作「知」,館臣籤云「不知爲知人,上知

[「]則不然」,上圖抄本作「於性無所蔽,於物無所累」。

室」。 踐迹者也,故答之以「不踐迹,●亦不入於 長。」君子體仁足以長人,●是善者仁之 篤者,則與 不足於善。 難與並爲仁也,固矣。 體,仁者善之用。 誠,故告之如此。《易》曰:「元者,善之 色莊者乎?」謂躬行君子則善矣,色莊 然又曰:「論篤是與,君子者乎? 論不篤者,以色莊爲善人。 君子而已。子張能莊而 子張未足於善人,則其 不 能 論 則

教者之於人,長其善,救其失,此所以於語,子曰『閩斯行之』。赤也惑,敢問。」子曰『「求也退,故進之。由也兼人,故退之。」問聞斯行諸,子曰『閩斯行之』。赤也惑,敢問。」子曰:「或也退,故進之。」公西華曰:「由也期行諸,子曰『閩斯行之。」公西華曰:「由也則以之何其聞斯行之。」,共曰:「南以兄在」,求也問聞斯行諸。」子曰:「南父兄在,,其所,

乎? 爲人子者,無私喜,無私怒。 禮,惟其當而已。 若夫道無二子之蔽,則行禮以義,守義以 也。蓋由之有聞,未之能行,惟恐有聞,故 諸,君子有時爲之矣。 《易》曰「過其祖」是 也。昔舜之娶,君子以爲猶告,則聞斯行 擅於税入。有父兄在,聞斯行諸,其亦可 面。不有其身,不私財,●不私其食饗,不 教之以禮,而抑其過。 力不足而自畫,故教之以義,而勉其不及。 ,求也退,故進之。 曰告於父兄,禮也,聞斯行諸,義 由也兼人,故退之」也。 求悦夫子之道,以 出必告,反必

子畏

於

匡,顔

淵後。

子曰:「吾以女爲死

^{) 「}答」,上圖抄本作「對」。

❷ 「人」,上圖抄本作「仁」。

[「]私」下,上圖抄本有「其」字。

矣。」曰:「子在,回何敢死?」

死。 弟之於師,猶臣之于君。臣之于君,君 則難諶,而不可知。孔子之於匡,畏所不 不免焉,命也。 知其來,於由知其死。及匡之難,孔子於 回可謂知處死矣。 與在,君亡與亡,故回曰「子在,回 回則疑之,何也? 《傳》曰:「死者非難,處死者難 義固可知,而不可必, 君子之善死,義也,或 衛君之難,●孔子於柴 何敢 心若 命 在

曰:「弑父與君,亦不從也。」也,可謂具臣矣。」曰:「然則從之者與?」子謂大臣者,以道事君,不可則止。今由與求曰:「吾以子爲異之問,曾由與求之問。所季子然問:「仲由、冉求可謂大臣與?」子不畏,●於顏淵也,疑所不可不疑。●

道,故能致君於堯舜之隆,措世于禮樂之大臣事君以道,具臣事君以才。事君以

從之,則孟子所謂「亂臣」者也。 救,伐顓臾而不能諫,而又不能致之而去 足於藝,不足於果。季氏旅于泰山而不能 從之而已。仲由足於果,不足於藝。 足以効一官,能足以効 盛,及其不可則止而已。 以不仁也,揚子謂之大臣過矣。 君亦不從也」。 大臣則不能,于姦臣則不爲,故曰「弑父與 是備位者也,故曰「具臣」。 至,且曰「禮樂必百年而後興」,是待天下 齊、魯二生,漢召之而不 一職,及其不 事君以才,則智 然弑父與君而 由、求于 冉求 可則

子路曰:「有民人焉,有社稷焉,何必讀書,子路使子羔爲費宰。子曰:「賊夫人之子。」

[「]衛」上,上圖抄本有「日」字。

[「]畏所」,上圖抄本作「以人之所畏」。

[「]疑所」,上圖抄本作「以人之所疑」。

然後爲學?」子曰:「是故惡夫佞者。」 然後爲學?」子曰:「是故惡夫佞者。」 一字而任者不能無害,故曰「賊夫人之 民、社稷而學之,則甚事煩矣。孔子喜開、點之 不願仕,而惡子路以子羔爲費宰,則學其 不願仕,而惡子路以子羔爲費宰,則學其 不願仕,而惡子路以子羔爲費宰,則學其 不願仕,而惡子路以子羔爲費宰,則學其 不願仕,而惡子路以子羔爲費。 則不學而任者不能無害,故曰「賊夫人之 然後爲學?」子曰:「是故惡夫佞者。」

子。」「赤!爾何如?」對曰:「非曰能之,願之,以及三年,可使足民。如其禮樂,以俟君知。」對曰:「方六七十,如五六十,求也爲如?」對曰:「方六七十,如五六十,求也爲如?」對曰:「方六七十,如五六十,求也爲如?」對曰:「方六七十,如五六十,求也爲有勇,且知方也。」夫子哂之。「求!爾何有勇,且知方也。」夫子哂之。「求!爾何有勇,且知方也。」夫子哂之。「求!爾何不善一日長乎爾,毋吾以也。居則曰:「不吾子路、曾皙、冉有、公西華侍坐。子曰:「以

學焉。 乎? 亦各言其志也。」曰:「暮春者,春服既 作,對曰:「異乎三子者之撰。」子曰:「何傷 也!」三子者出,曾皙後。曾皙曰:「夫三子 焉。」「點!爾何如?」鼓瑟希,鏗爾,舍瑟而 與?」「安見方六七十,如五六十而 禮,其言不讓,是故哂之。」「唯求則 矣。」曰:「夫子何哂由也?」曰:「爲 者之言何如?」子曰:「亦各言其志也已 舞雩,詠而歸。」夫子喟然嘆曰:「吾與點 成,冠者五六人,童子六七人,浴乎沂,風 者?」「唯赤則非邦也與?」「宗廟會同、非諸 侯而何? 宗廟之事,如會同 赤也爲之小,孰能爲之大?」 ,端章甫,願爲小相 非 非 邦也 邦 國 平 以 也

不暇矣。困于力,則不能勇,救死不暇,加以師旅,因以饑饉,●則困于力,而救死

^{● 「}因」下,上圖抄本有「之」字。

樂者,治之終。● 求雖不足于禮樂,而使知方,此果之效也。足民者,治之始,禮之,比及三年,則能拯已困之民,置之安强之,此及三年,則能拯已困之民,置之安强則不知爲善。由也,於不知爲善者則方

子無君則皇皇,出疆必載質,未嘗不急於有志于學,無志於仕,而孔子與之也。 孔赤知遜而不知道。若點,可謂知道矣,故足民,此藝之效也。 由能勇而不知遜,求、

不求。子有餘而急於應,點不足而急于子之於道,有餘不可以不應,不足不可以仕也。點無志於仕,孔子與之,可耶? 君

求,此所以爲孔子、曾點也。

顔淵第十二

顔淵問仁。子曰:「克己復禮爲仁。一日克

視,非禮勿聽,非禮勿言,非禮勿動。」顏淵哉?」顏淵曰:「請問其目。」子曰:「非禮勿己復禮,天下歸仁焉。爲仁由己,而由人乎

曰:「回雖不敏,請事斯語矣。」

仁以禮而後成。顏淵嘗曰「約我以禮」,蓋有也,克己而趨焉謂之復。蓋不遠之,復有也,克己而趨焉謂之復。蓋不遠之,復仁,復禮則能克。「一日克己復禮,天下歸仁,復禮則能克。「一日克己復禮,天下歸矣。爲仁由己,故不可以不克己。非禮勿矣。爲仁由己,故不可以不克己。非禮勿矣。爲仁由己,故不可以不克己。非禮勿矣。爲仁由己,故不可以不克己。非禮勿矣。爲仁由己,故不可以不克己。非禮勿矣。爲仁由己,故不可以不克己。非禮勿之,物之敵也,勝己之私謂之克,禮,性所己,物之敵也,勝己之私謂之克,禮,性所

❶ 「終」,上圖抄本作「成」。

二七

所

「未至於中禮,此回所以止于殆庶也。今│ 「□、以成其心也。● 然克己未至於無我,復│ 「□

夫水性無人,火性無我。無人未離乎有禮未至於中禮,此回所以止于殆庶也。今

我,而於五藏爲精,精則爲賢人。無我則夫水性無人 火性無我 無人未窮乎有

人。回之克己,孔子之無我,如此而已。不特無人而已,故于五藏爲神,神則爲聖

在家無怨。」仲弓曰:「雍雖不敏,請事斯承大祭。己所不欲,勿施於人。在邦無怨,仲弓問仁。子曰:「出門如見大賓,使民如

語矣。」

凡祭與客,其禮殺; 大祭、大賓其禮隆。禮,大客之儀,見于《秋官》之《行人》。 則《酒正》,《春官》之《大司樂》。● 大賓之《周禮》大祭、中祭、小祭,見於《天官》之

在家 簡」、「使臣如借」則可教之以敬,「不録舊 其 行 門如賓,承事如祭,仁之則也。」孟子曰: 難,●故先邦而後家也。《春秋傳》曰:「出 無所慢,恕則於人無所 罪」則可教之以恕。❺ 子答之如此。仲弓嘗言:「居敬行簡,而 「己所不欲,勿施於人」,恕也。 出門如見大賓,使民如承大祭」,欽也。 强恕而行,求仁莫近焉。」仲弓問仁,故孔 無 則不録 怨」。 舊罪,使臣 在家 無怨易,●在邦 聖人之於人,豈能 拂,故「在邦無怨」 如借。」「居 欽則于人 無怨 敬 行

[「]心」,上圖抄本作「仁」。

^{▶ 「}大司樂」,四庫底本作「」。

鄅」。 ❸ 「大司樂」,四庫底本作「師」,館臣改。 上圖抄本作「肆

[「]易」上,上圖抄本有「則」字。

^{● 「}難」上,上圖抄本有「則」字。

[「]恕」,四庫底本作「敬」,館臣籤云「下敬字宜改恕」。

難。 之也。 失歟?● 訒 言仁,未可以盡仁,故告之以敬恕而已。 己復禮」、「克」「復」仁之事也。 而已。惟顔子然後能盡仁,故告之以「克 敬,與人忠」,或告之以「恭、寬、信、敏、惠」 告之以「愛人」,或告之以「居處恭,執事 推其所有,强其所無哉? 亦因其性而道 而未可與言爲仁,故或告之以「先難」,或 「爲之難」而已。● 樊遲、子張可與言仁, 與難一也,言之難則曰訒,爲之難則曰 牛多言而躁,●言訒云者,●救之 故司馬牛未可與言仁,則告之以仁 仲弓可與

古文人多身见,而近天江县,西口文园里。「内省不疚,夫何憂何懼?」曰:「不憂不懼,斯謂之君子矣乎?」子曰:曰馬牛問君子。子曰:「君子不憂不懼。」

以守則爲仁,以行則爲勇。仁故不憂,勇君子之修身也,言行無尤悔,俯仰不愧怍。

故不懼。古詩有之:「德義之不愆,何恤故不懼。古詩有之:「德義之不愆,何知所無失,與人恭而有禮,四海之内,皆兄后,而聞之矣。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而已。非牛可以與言此也,憂在内,懼之而是。非牛可以與言此也,憂在内,懼之而是。其人,而告之以此,何其之。

[「]仁」,上圖抄本作「言」。

[「]牛」上,上圖抄本有「司馬」二字。

^{)「}救」,上圖抄本作「亦救其多言」。)「言軔」,上圖抄本作「則言之訒」。

鄭師 善長也。」司馬牛憂無兄弟,非無兄弟也, 《書》曰:❷「我生不有命在天。」是在命 之致而至者命。」是天以遠而在彼者爲言, 無令兄弟也。命者,天之令。天者,命之 也。」晉叔 故言「在天」。 能移,故言「有命」。 命以近而在此者爲言也。死生非力之所 所自出 以言命也。言與人恭,則敬以處己者也, 賤賢而貴愚,貧善而富惡?」 是在天者可 者,可以言天也。列子命謂力,曰:「奈何 四海之内,孰非兄弟也? 曾子謂 人宗之,與人恭而有禮則人親之,如此則 言有禮,則無失德者也。 曰:「執仁立志,●先言而後行,千里之外 慧調: 。 孟子曰:「莫之爲而爲者天,莫 向謂:「卒列無長,非 ●「朝無人、非無人也、無賢 然合而論之,則一而已。 。富貴非人之所能爲, 處己敬而 無 長 有 也,無 弟子 德 人 則

> 兄弟?」 是一句是。故孔子曰:「君子何患乎無齊,而莫之屑就,反卒於魯而已,則司馬牛齊,而莫之屑就,反卒於魯而已,則司馬牛齊,而莫之屑就,反卒於魯而已,則司馬牛齊,而莫之屑就,反卒於魯而已,則此同意。觀桓魋之亂,司馬牛皆兄弟也。苟是之不爲,則雖汝親,庸親

不行焉,可謂遠也已矣。」行焉,可謂明也已矣。浸潤之譖,膚受之愬,子張問明。子曰:「浸潤之譖,膚受之愬,不

受之愬」,若垢之於膚,則淺而不廹,皆其潤之譖」,若水之於物,則漸而不暴;「膚譖而言之謂之譖,首而告之謂之愬。「浸

0

「慧」,四

庫底本作「惠」,館臣籤云「師慧誤師惠,

改」。

[「]執」上,上圖抄本有「孰」字。「書」,上圖抄本作「詩」,誤。

此,則賢者不以忠信見疑,小人不以誕謾 用,遠則明之過于人。君子之於譖愬,有 已,遠則明之過于人。君子之於譖愬,有 已,遠則明之過于人。君子之於譖愬,有 是以度之,有數以數之,故《詩》曰:「他人 度以度之,有數以數之,故《詩》曰:「他人 是信,豈非明而且遠哉。 蓋明則察言而 是信,豈非明而且遠哉。 蓋明則察言而 是信,豈非明而且遠哉。 本 與之, 於潛愬, 有

如此。

信不立。」 「去食。自古皆有死,民無二者何先?」曰:「去食。自古皆有死,民無曰:「去兵。」子貢曰:「必不得已而去,於斯子貢曰:「必不得已而去,于斯三者何先?」子貢問政。子曰:「足食,足兵,民信之矣。」

之所養者小體也,信之所養者大體也。故之所尚哉? 此所以寧有信而去兵也。食意,戈欲偃,弓欲弛,武欲止,則兵豈先王兵之於德爲末,於器爲凶。故古者制字之

廢,惟其輕重緩急之不同,故孔子之言有其食,非食則無以存其信,三者固不可偏食,而信斷不可少也。● 然非兵則無以有無信而生,不若有信而死,此其所以寧去

之鞟。」
文猶質也,質猶文也。虎豹之鞟猶犬羊貢曰:「惜乎夫子之説君子也,駟不及舌。棘子成曰:「君子質而已矣,何以文爲?」子

猶野人而已。此棘子成之失于偏見也,♥則虎豹猶犬羊而已。去文以從質,則君子者,以文質之不同也。今也去毛以爲鞟,别者,以皮之不同也。君子、野人所以别毛謂之皮,革謂之鞟。虎、豹、犬、羊所以

^{▶ 「}信斷不可少」,上圖抄本作「存信」。

[「]見」,上圖抄本無此字。

勿及。」言而非,駟馬勿追,一言而急,駟馬故子貢責之以「駟不及舌」。鄧析曰:「一

哀公問於有若曰:「年饑,用不足,如之 孰與不足? 百姓不足,君孰與足?」 不足,如之何其徹也?」對曰:「百姓足,君 何?」有若對曰:「盍徹乎?」曰:「二,吾猶 什一,天下之中正也。多乎什一,則大桀、 公初税畝,多乎什一而二焉,哀公又欲用 小桀,少乎什一,則大貉、小貉。 魯自宣 孔子嘗曰:「君子度于此,而禮以其薄,則 所以救其弊也。方哀公之欲用田賦也,故 田賦,故有若因其憂不足,而告以「盍徹」, 與足?」固孔子之意。何則? 古之善爲 「百姓足,君孰與不足? 百姓不足,君孰 則雖以 丘亦足矣。● 不度于此,而貪日用無 田賦 將又不足。」則有若所謂:

又欲其死,是惑也。誠不以富,亦祇以異。」德也。愛之欲其生,惡之欲其死,既欲其生,子張問崇德辨惑。子曰:「主忠信,徙義,崇

「其如子何」,上圖抄本作「蓋以此也」。

^{●「}丘」,四庫底本、上圖抄本誤作「兵」、《四庫全書考證

也」,告樊遲曰「非崇德與,非辨惑與」,蓋

《禮》曰「身有所忿懥,則不得其正,有所 辨之。《易》曰「忠信所以進德」、「敬義立 德由中出,惑自外來。● 不高,故崇之;自外來者,●不可不明,故 其生,惡之過辟,則欲其死。 則誠不以富 與爲仁,則不足于徙義。愛之過辟,則欲 行不掩,則不足于忠信,抱堂堂之容,難 欲其死,是惑也」。子張持嘐嘐之志,而其 好樂,則不得其正」,此「愛之欲其生,惡之 而德不孤」,此「主忠信,徙義,崇德」者也。 由中出者,不可 非,故告之以非與? 爲是,故告之以是, 樊遲疑孔子之言爲 樊遲之賢,不及子張。子張常以孔子之言 孔子告之以此者,欲其不舍己之田,而芸 君子攻其惡,無攻人之惡。 非所以美己, 言人之枉,非所以正己。」故 樊遲未離乎慝也。● 孔子曰:「言人之惡, 慝,子張常問善人之道,是子張可進于善. 不直人,蓋如此也已。 人之田者也。昔衛有蘧伯玉人者,直己而

觀樊遲之問,及于修

齊景公問政于孔子。孔子對曰:「君君,臣 君,臣不臣,父不父,子不子,雖有粟,吾得而 臣,父父,子子。」公曰:「善哉!信如君不

于己,適足以異于人也,故曰「誠不以富,

後得爲崇德,以一朝之忿爲怨,此所以告

也。

告子張曰「是崇德也,是辨

得則不能先事,多怨則不能無怨。

以先事

子告之不同者,蓋好利者務得而多怨,務

亦衹以異」。樊遲問崇德、辨惑則同,而孔

樊遲問修慝

[「]來」,上圖抄本作「入」。

來」,上圖抄本作「入」。

乎」,上圖抄本作「於」

食諸?」

景公之時,慶封滅崔氏,田、鮑、高、樂謀慶景、公之時,慶封滅崔氏,田、鮑、高、樂謀慶長,而群公子時亡于外,是「子不子」也。是,而群公子皆亡于外,是「子不子」也。是,而群公子皆亡于外,是「子不子」也。臣之不臣以君之不君,子之不子以父之不父,故孔子答以君則臣臣,父則子不子,臣不臣庙于君不君。」其言先父子者,爲戾園而發也。《洪範》言「作福作威」,而繼之以「惟辟玉食」,以言人君能作威福,然後不失其辟玉食。不能作威福,則君不君矣,其得康玉食。不能作威福,則君不君矣,其得康玉食。不能作威福,則君不君矣,其得康子曰:「片言可以折獄者,其由也與?」子路子曰:「片言可以折獄者,其由也與?」子路不能情談。

信義不著,雖多言不可以折獄,信義著,子曰:「聽訟,吾猶人也。必也使無訟乎!」

雖 《禮》曰:「與其有諾責,寧有己怨。」老子 《書》曰:「惟良折獄。」子路片言可以折獄 者,以其有君子之良心,爲人所信故也。 禮,輔之以政、刑,使有恥且格。 則子路信義之著可知矣。夫先之以德 也。小邾輕千乘之盟而信子路之一言,■ 也。 於已訟之後,而不能化人于未訟之先,語 不得盡其辭,此所以無訟也。 無輕諾,于己無寡信,●此所以果于折獄 曰:「輕諾必寡信。」子路無宿諾,則于人 人無訟則與人異,故曰:「聽訟,吾猶人 之以無訟則未也。孔子聽訟則與人同,使 言可以折獄。 必也使無訟乎!」《易》曰:「君子作 《易》曰:「君子折獄。」 子路能折獄 而無情者

[「]于」,上圖抄本作「貴」。

❷ 「小」,四庫底本、上圖抄本作「濟」。

正,故于其問政,而告之以「居之無倦,行 人不欺。子張問仁,告之以「敏則有功」, 是之無倦,則于己無逸,行之以忠,則于 之以「言忠信」。蓋倦則不能敏而徙義,不 之以「言忠信」。蓋倦則不能敏而徙義,不 之以「言忠信」。蓋倦則不能敏而徙義,不 之以「言忠信」。蓋倦則不能敏而徙義,不 之以「言忠信」。蓋倦則不能敏而徙義,不 之以「言忠信」。蓋倦則不能敏而徙義,不

> 忠也。 《傳》稱「子張問入官,孔子告之以忠」也。《傳》稱「子張問人官,孔子告 以取親於百姓」,與此同也。蓋無倦然後 能使民無倦,忠然後能使民作忠。孔子于 能使民無倦,忠然後能使民作忠。孔子于 能使民無倦而已,以子路之下, 以取親於百姓」,與此同也。蓋無倦然後

夫。」重出。 子曰:「博學于文,約之以禮,亦可以弗畔矣

反是。」 子曰:「君子成人之美,不成人之惡。 小人

人之惡,惡直忌正,故不成人之美。孟子之,不成人之惡也。小人幸灾樂禍,故成人之美也。冉求聚歛,孔子欲鳴鼓而攻互鄉童子潔己以進,孔子與之而不拒,成

● 「若」,上圖抄本作「及」。

-三 六

季康子患盗,問於孔子。孔子對曰:「苟子也。子帥以正,孰敢不正?」 李康子問政於孔子。孔子對曰:「政者,正本康子問政於孔子。孔子對曰:「政者,正之五教,有成德者,皆成人之美也。

之不欲,雖賞之不竊。」

道 季康子問政於孔子曰"「如殺無道,以就 死。 ,何如?」孔子對曰:「子爲政,焉用殺? 死, 陳姬好巫,而民淫祀, 晉侯好儉, 教之化民深于命,民之効上捷于令。 政者,患不能以 又曰:「我無欲,而民有樸。」故孔子于爲 然也。●老子曰:「不必以静,天將自正。」 客,而民多瘡痍,楚王好細腰,而朝多 民畜聚,太王躬仁,邠民貴恕,吴王好 之仁行,雖貴而可乎?● 季康子之謂 則季康子之欲,而魯民盗,理勢之必 勇,國人暴虎,秦穆貴信,士多 正導之耳。莊子曰,盗竊 故鄭 也 從 劍 有 餓 而

> 草,草上之風,必偃。」 子欲善而民善矣。君子之德風,小人之德

惟風,下民惟草。」《傳》曰:「我德如風,民格之。」夫上之化下,無可見之迹,而俗日遷,故喻以風,民性含仁,而衆柔不能自立,故喻以單。草惟風之偃,民惟上之從。康故喻以單。草惟風之偃,民惟上之從。康故喻以草。草惟風之偃,民惟上之從。康期無刑而已。夫豈後德禮而先政刑哉?,不能正德以善之,特欲殺之而已,不亦子不能正德以善之,特欲殺之而已,不亦甚。以尊之,持欲殺之而已,不亦甚。以尊之,法令極而民風衰。先王德教洽而民氣樂,法令極而民風衰。先王德教洽而民氣樂,法令極而民風衰。先王

[「]理勢之必然」,上圖抄本作「理固然」。

上。「行」字而誤行,或乃「於」之壞字而被校改於「行」字之而可乎?」疑此處「雖貴」乃「誰貴」之誤,「仁」或涉而可乎?」疑此處「雖者」乃「誰責」之誤,「仁」或涉

達,居之不疑。在邦必聞,在家必聞。」 在邦必達,在家必達。夫聞也者,色取仁而行達也者,質直而好義,察言而觀色,慮以下人。聞,在家必聞。」子曰:「是聞也,非達也。夫聞在家必聞。」子曰:「是聞也,非達也。夫子張問:「士何如斯可謂之達矣?」子曰:

> 子因其失而救之也。 曰古之人,❺古之人,則居之不疑矣。孔則色取仁矣!難與並爲仁,則行違。其志家,在邦言其止在邦。❺子張色莊者乎?遂同,聞與聲聞過情同。在家言其止在聞」者也。蓋達與受小國是達、受大國是

[也,以德而已,此則「在邦必聞,在家必

一朝之忿,忘其身,以及其親,非惑與?」德與? 攻其惡,無攻人之惡,非修慝與?慝,辨惑。」子曰:「善哉問!先事後得,非崇樊遲從遊於舞雩之下,曰:「敢問崇德,修

卷六

顔淵第十二

一三七

[「]在」,上圖抄本無此字。

[「]不」,上圖抄本無此字。

[「]察觀」,上圖抄本作「察言觀色」。

闡者於行止無所不闡]二十字。 「止在邦」下,上圖抄本有「以明達者於行止無所不達 」「禮」上,上圖抄本有「智」字。

^{) 「}志」下,上圖抄本有「嘐嘐然」三字。

不徧愛人,急親賢也,如此而已。退,●豈非「不仁者遠」哉? 堯、舜之仁,賢附勢之徒,如此則仁賢履位,奸邪悉任重,其道足以格天,其割正有夏,能變簡

止,毋自辱焉。」子賈問友。 子曰:「忠告而善道之,不可則

故也。故也。一两两伯爲之者,救時之責爲不辱矣。」而芮伯爲之者,救時之責來赫,又繼之以凉。曰不可,覆背善詈,不來赫,又繼之以凉。曰不可,獲背善置,不以繼之以凉。可不可則止,義忠告屬言,善道屬行,仁也。不可則止,義

文出于理,仁出于性。以文會友,❷然後曾子曰:「君子以文會友,以友輔仁。」

[「]邪」,上圖抄本作「佞」。「退」,上圖抄本作「消」。

[「]友」下,上圖抄本有「於其外」三字。

友則害仁而已。

本文字之,益友所以輔仁,●損養成君子,于友可不慎哉?● 子曰:「損倦成君子,于友可不慎哉?● 子曰:「損倦成君子,于友可不慎哉?● 子曰:「工欲善以仁輔之,所以善相。」孔子曰:「工欲善以仁輔之,所以善相。」,必然後善之,然為此君子,于太可不慎哉?●人,所以能相觀。即:「相觀而善,●以文會之,所以能相觀。」以一種之,所以善性。《禮》一次,於為此之事。

論語全解卷六

- ●「仁」下,上圖抄本有「於其内」三字。
- 「善」下,上圖抄本有「之謂摩」三字。
- 「擇」字。 「可」上,上圖抄本有「其」字。「慎」下,上圖抄本有
- 「益」上,上圖抄本有「蓋」字。

三九

計 計 生 角

論語全解卷七

宋 陳祥道 撰

子路第十三

「無倦。」 子路問政。子曰:「先之勞之。」請益。曰:

後勞其民,未信則以爲厲己。」《禮》曰:以先民,民忘其勞。」孔子曰:「君子信而之,而無以勞之,則民怨讟。《易》曰:「説先之,帥以正也。勞之,勞以思也。無有

也。「先之」與《孝經》「先之以博愛」、「先之以敬遜」同。「勞之」與《孟子》「勞之來之」以敬遜」同。先勞之、●而益之以無倦,則民亦應之同。先勞之、●而益之以無倦,則其德日新,為政而不倦,則其德日新,為政而不倦,則其德日新,為政而不倦,則其德日新,為政而不倦,則其他為夫天地之于物,出乎《震》,齊乎《巽》,相今夫天地之于物,出乎《震》,齊乎《巽》,相見乎《離》,致役乎《坤》,先之而後役之也。問乎《離》,致役乎《坤》,先之而後役之也。問乎《離》,致役乎《坤》,先之而後役之也。問乎《離》,致行其。 一地不怠。」怠倦而能乎其事者,●古今未
一地不怠。」怠倦而能乎其事者,●古今未
一地不怠。」怠倦而能乎其事者,●古今未
一地不怠。」怠倦而能乎其事者,●古今未
一地不怠。」怠倦而能乎其事者,●古今未
一地不怠。」怠倦而能乎其事者,●古今未

「怠倦」,上圖抄本作「倦怠」。

《小雅》以《杕杜》勤歸,是役之必有以勞之

後可以役之也。《豳風》以《東征》勞土,

勿驗勿信。」●勿信,民勿從。 是先之然

[「]勿」,上圖抄本作「弗」。「有」,上圖抄本作「以」。

[「]勿」,上圖抄本有「之」字。「勿」,上圖抄本作「弗」。下同。

「舉爾所知,爾所不知,人其舍諸?」過,舉賢才。」曰:「焉知賢才而舉之?」曰:仲弓爲季氏宰,問政。子曰:「先有司,赦小

有司分職然後事治,事治然後可以治人之 有司分職然後事治,事治然後可以治人之 者。賢言其德,才言其能。《傳》曰:「一 者。賢言其德,才言其能。《傳》曰:「一 者必有才,才者不必賢也。子游爲武城 者必有才,才者不必賢也。子游爲武城 者必有才,才者不必賢也。子游爲武城 者必有才,才者不必賢也。子游爲武城 者必有才,才者不必賢也。子游爲武城

興,禮樂不興,則刑罰不中,刑罰不中,則順,言不順,則事不成,事不成,則禮樂不於其所不知,蓋闕如也。 名不正,則言不於其所不知,蓋闕如也。 名不正,則言不迂也!奚其正?」子曰:「野哉,由也!君子曰:「必也正名乎!」子路曰:「有是哉,子之子路曰:「衛君待子而爲政,子將奚先?」子子路曰:「衛君待子而爲政,子將奚先?」子

民無所措手足。故君子名之必可言也,言之 必可行也。君子於其言,無所苟而已矣。」 子欲以正名爲先,而子路以之爲迂,故 衛以父子争國,而君臣上下之名不正,孔 子則不悦,於在陳則愠,於公山 語》所謂「文不勝質」是也。● 子路於見南 曰:「野哉,由也!」野者,質而已矣,《家 行,●而事不成。《洪範》謂「言曰從,從作 名不正則言不順,言不順則行之必不可 不知孔子者,不特是也。 則言順,作乂則事成,功成治定,事成之 乂」,《禮》曰「功成作樂,治定制禮」,蓋從 「何必公山氏之之也?」於佛肸召則曰: 親于其身爲不善,君子不人。」則子路之 夫名之必可言 召則 日

^{▶ 「}謂」下,上圖抄本有「子路」二字。

上「行」字,上圖抄本作「言」。

清」、《傳》曰:「禮刑相爲表裡」,是刑罰之刑罰不中」。《易・豫》之作樂,則曰「刑罰雖善聽者猶不能無枉,故曰「禮樂不興,則興,則謙遜和穆之風衰,争愎詐僞之俗成。謂,故曰「事不成,則禮樂不興」,禮樂不謂

不用情。夫如是,則四方之民襁負其子而至上好義,則民莫敢不服,上好信,則民莫敢「小人哉,樊須也!上好禮,則民莫敢不敬,圃。曰:「吾不如老圃。」樊遲出。子曰:樊遲請學稼。子曰:「吾不如老農。」請學爲

于人。治人者食于人,治于人者食人。」樊所能者勞力也。「勞心者治人,勞力者治之所能。蓋君子之所能者勞心也,小人之君子能爲小人之所不能,而不能徧能小人

矣,焉用稼?」

與不知君子之道,而請學小人之事。夫禮以敬之,則民莫敢不敬,義以閑之,則民 莫敢不服,信以結之,則民莫敢不用情。 要,以爲己役。雖不學稼,其憂無食乎? 至,以爲己役。雖不學稼,其憂無食乎? 至,以爲己役。雖不學稼,其憂無食乎? 然後好義,受義然後體信」同意,此學之 然後好義,好義然後好信,與《禮記》「修禮 然後好義,好義然後好信」同意,此學之 中言信,卒言義,則待諸侯之道也。

樂廢

而邪音起,危辱之本也。」

中否,係禮樂而已。

在昔荀卿有曰:●「禮

[「]在昔」,上圖抄本無此二字。

❷ 「許」,上圖抄本作「與」。

《詩》之爲書,其事則王道之迹,●其詞則 法度之言。誦之,将以其事施之政,其詞 施之使而已。若夫不明其事而授之以 於,●不達,使於四方,不能專對,則與不 學《詩》同。故曰:「雖多,亦奚以爲?」 學《詩》三百則易,而一獻之禮則難。於其 誦《詩》三百則易,而一獻之禮則難。於其 易者猶不明其義,斯亦不足貴也已。 号曰:「其身正,不令而行,其身不正,雖令 不從。」

則政立。」《禮》曰:「其所令反其所好,而曰:「大人正己而物正。」揚子曰:「身立《書》曰:「爾身克正,罔敢不正。」《孟子》言教者訟,故「其身不正,雖令不從」。以身教者從,故「其身正,不令而行」,以以身教者從,故「其身正,不令而行」,以

費不息,●至於衰亂者,百姓從行不從用,●成帝御浣衣,莊帝去樂府,●然而侈似與此同意。馬廖曰:「元帝罷服官而不民不從。」王喜曰:「動以言,不若以行。」●

易命曰:[] 八斤化,斤,己子曰:「魯、衛之政,兄弟也。」

言也。」

禽之所封,而俗則一于周。衛者,康叔之况其相遠,兄弟以况其相類也。」魯者,伯賤,父子也,名譽愛憎,父子也。父子以賤也,,才,兄弟也,貌,兄弟也。壽夭貴楊希曰:「有人于此,年,兄弟也,言,兄

子路第十三

四三

^{)「}道」,上圖抄本作「政」。

^{) 「}事」,上圖抄本作「政」。

[「]動以言不若以行」,上圖抄本作「動民以行不以言」。

[「]而不用」,上圖抄本無此三字。

[「]莊」、《後漢書》卷五十四作「哀」,是。漢無莊帝。

[「]而」,上圖抄本作「後」。

均焉。」

均焉。」

以為壽,孔子所以追美之也。曾子布幕衛政均善,孔子所以追美之也。曾子布幕衛也,終幕魯也。孔子有曰:「衛之祔也離也,終幕魯也。孔子有曰:「衛之祔也離功,為不可,而其一於商。其俗雖不同,而其所治,而俗則一於商。其俗雖不同,而其

美矣。| '矣。' '少有,曰:'「苟 完矣。'」 ' 富有,曰:'「苟 完矣。'」 富有,曰:'「苟合子謂衛公子荆,「善居室。 始有,曰:'「苟合

無所苟,亦有所苟。無所苟則於言行不無所苟,亦有所苟。無所苟則於言行不也。荆爲公子,其用稱家之有無,●以同也。荆爲公子,其用稱家之有無,●以同此。,而其心未始有累焉,故始曰「苟合」,少有曰「苟完」,富有曰「苟美」,豈所謂怙死者。此季札所以謂之君子也。君子以而其心未始有累焉,故始曰「苟合」,以同以言之。

德化 曰:「既富矣,又何加焉?」曰:「教之。」時之 曰:「既庶矣,又何加焉?」曰:「富之。」之存 子適衛。冉有僕。子曰:「庶矣哉」」冉有也離 者異矣! 莊子曰「滿苟得」。 以比夫無而爲有,●虚而爲盈,約而爲泰嗣其 妄,有所苟則於利不累。荆之居室如此,

治,凡此所以庶之也。大司徒十有二 無以理民性。《周官》大司徒掌人民之數, 小司徒掌夫家之數。縣師掌野,亦辨夫家 人民之數。司寇掌刑,亦登大比之民數。 生齒以上則書於司民,成名以上則書於媒 生齒以上則書於司民,成名以上則書於媒 生齒以上則書於可民,成名以上則書於媒

^{) 「}其用」上,上圖抄本有「善於居」三字。

^{) 「}以比夫」,上圖抄本作「與夫子」。

《公劉》之什言「既庶既繁」,◎次之以「既

征,於旅師,則平頒其興積,凡此 耕之有惰也,爲之時器以任之。而有成 以畜事。里宰於器之不足者,助以合耦之 等,●以辨民宜,十有二壤,以教民稼。 黨正歲屬民而讀法者七,●族師歲 教法之象。● 之也。大司徒示以教象之法,小司 載師歛布以致罰。於荒政,則散利以 功,則鄙師掌令以行賞勸之,而不勉,則 慮其功之有餘也,爲之疆野以任之,患其 司 徒井 遂師於力之不足者,救以移用之法。 其田 ,而任以耕事,牧其野,而任 州長歲屬民而讀法者三,● 徒帥 所 屬 民 以 小 薄 以

上莫不與之以勸,●凡此所以教之也。以上莫不書之以教,其不自修、自能者以氏,救之以司救,猶王之有保氏。自敬敏氏,救之以司救,猶王之有師讀法者十四。●糾之以司諫,猶王之有師黨正歲屬民而讀法者七,●族師歲屬民而

順乃宣」,又次之以「于時言言,于時語 關乃宣」,又次之以「出者修其孝弟」,是亦庶 富而教之也。《易》言「理財正辭」,《書》言 「既富方穀」,《詩》言「飲之食之,教之誨 「既富方穀」,《詩》言「飲之食之,教之誨 之」,《傳》言「我有田疇,●子産殖之。我 之」,《傳》言「我有田疇,●子産殖之。我 一之」,《傳》言「我有田疇,●子産殖之。我 一方弟,子産教之」意同。●《禮》云「子産 能食不能教」,非不能教,特不若能食 而已。

「等」,上圖抄本作「事」。

「以」下,上圖抄本有「覩」字。

「州」、上圖抄本作「則」。

■ 「七」,上圖抄本作「四」。

) 「族」,上圖抄本作「旅」。「十四」,上圖抄本作「七」。

「勸」下,上圖抄本有「其不能」三字。

「什言」,上圖抄本作「詩」。

「傳」上,上圖抄本有「春秋」二字。

「意同」,上圖抄本作「皆此意也」。

一四五

矣。」誠哉是言也!」子曰:「「善人爲邦百年,亦可以勝殘去殺

孔子曰「如有用 爲政之道,德隆者其效速,德殺者其效遲 下無 之兆,而 邦,百年亦可以勝殘去殺」,則期月可 考,遐不作人。]又言:「仁如騶虞,則 以麗乎正,乃化成天下。」又曰:「聖人久 仁,故曰「必世而後仁」。 有成」,「如有王者,必世而後仁」,「善人爲 成。」皆「必世而後仁」之謂也。 於其道,而 「如有王者,必世而後仁。」 賊 義之民,去殺則在 未必 天下化成。」《詩》言:「周 有成,三年有成矣,而 我者,期月而 《易》曰:「重明 上有 已可也,三年 措刑之治。 勝殘 未 以爲 王 則 王 必 道 在

> 幾致措刑 也。 也。 王者之仁,成于必世,不必百年。 殘去殺則 所謂 孔子爲中都宰 其善政仁人猶有故也。 異乎此,故禹立三年,百姓以仁遂,繼 速可知矣。 無暴民,必待百年,則其德之隆殺、效之遲 然文王百年,德猶未洽于天下者, 故事半古之人,●功必倍之,承大 「期月而已可也」。 ,皆百年勝殘去殺之效 無暴民 若夫繼大治,承大亂者,則又 一年,四方諸侯則焉」,此 而已,語之以仁則未也。 其《家語》有言「昔 也 善人之 大 然勝

正其身,如正人何?」 子曰:「苟正其身矣,於從政乎何有? 不能

冉 政。」子曰: 子 退 朝。 「其 子 事 曰 也。 何晏 如 有 也? 政 雖 不吾以,吾 對 曰 : 「有

漢之興至于文、景,唐之興至于開元,然後

^{● 「}故」上,上圖抄本有「孟子曰」三字。

諸?」孔子對曰:「言不可以若是其幾也。 **違也。」如其善而莫之違也,不亦善乎?** 乎一言而興邦乎?」曰:「一言而喪邦,有 定公問:「一言而可以興邦,有諸?」孔子對 邦乎?」 不善而莫之違也,●不幾乎一言而 人之言曰:「予無樂乎爲君,唯其言而莫予 曰:「言不可以若是其幾也。人之言曰: .爲君難,爲臣不易。」如知爲君之難也,不幾 《禮》曰「政行則事治」,又曰「不可以私,不 故曰「其事也,如有政,吾其與聞之」。 子至于是邦,未嘗不以譽命而與聞其政, 將公事」。孟子曰「發於其政,害於其事」。 行於上者謂之政,通於下者謂之事。 孔 如 喪

幾之而已。❷《書》曰「后克艱厥后,臣克邦之興喪,在事不在言,故言不可以若是

子路第十三

違之,一言可幾於喪邦也。若邳彤對光武 之言,●可幾於興邦也。《易》曰「言善,則 艱厥臣」,而繼之以「政乃乂」。知爲君 時以一言復陳國,其利雖未至于興邦,是 以一言復郢市,晏子以一言省齊刑, 邦。豈特「爲君難」與「莫予違」而已哉? 以入關之非,而史以爲一言可以興邦。 以「亂之所生,則言語以爲階」,是不善莫 千里應之,言不善,則千里違之」,而繼之 亦重言者歟? 孔子之言止于是者,對定公故也。 勣導高宗之立武后,而史以爲一言可以喪 孫叔敖 申叔 難 李

葉公問政。子曰:「近者説,遠者來。」

^{● 「}違」,四庫底本作「爲」,纂修盧遂籤云「違誤爲,正本

[「]幾」上,上圖抄本有「特」字。

[「]難」,四庫底本無此字,館臣籤云「爲君二字落難字」。

歌而樂之,遠者竭 之斯和」。 子貢言夫子之得邦家,則曰「綏之斯來,動 懷之,大學之道也。」自我論之,蓋孔子所 之民而已。《學記》曰:「近者悦服,遠者 歸。」●由此觀之,孔子僅欲葉公定其亂 亦可告以此乎? 言者,政也;《學記》所言者,教也 近而來遠。」《詩》曰:「亂離瘼矣,莫之適 而都狹,●民有離心,莫安其居,故政在 荀卿言大儒之郊,則曰「近者 蹶而趨之」。 孔子嘗曰:「荆之地 葉公問政 悦 廣

失也。❸

《多文之要,在於盾里而圖大。盾里則無於小利。欲速則不達,見小利則大事不成。」子夏爲莒父宰,問政。子曰:「無欲速,無見

爲學之道,以欲速喻揠苗,以見小利喻養作」,「見小利大事不成」之謂也。孟子言「欲速不達」之謂也。《禮》曰「小謀敗大速,圖大則無見小利。《易》曰「浚恒,凶」,

政已哉? 孔子所言,姑以救子夏之子之所爲,凡皆不可欲速見小利,豈特爲吉。軍無小聽,戰無小利」。由此觀之,君其一指。《兵法》言「用兵之道,軍以舒爲

^{●「}荆」,四庫底本作「川」,纂修盧遂簽云「據《家語・

[「]失」,上圖抄本作「狗末」。「莫之」,上圖抄本作「奚其」。

^{■ 「}爲」,上圖抄本作「謂」。

其不可以相隱故也。《儀》曰「不私其父,親,爲其可以相隱故也, 責之以其友,爲隣比之罪相及,則責之以其友。恕之以其之法,父子之罪不相及,則恕之以其親。

忠。雖之夷狄,不可棄也。」 樊遲問仁。子曰:「居處恭,執事敬,與人

大功以上,相隱則不坐,皆此意也。

不成其爲子」。●《春秋》爲親者諱。

。今律

筲之人,何足算也。」

忠信,行不篤敬,雖州里行乎哉?」 欲其敬。欲與人以虚,雖戚必踈,欲與人 以實,雖踈必密,然則與人其可以不忠 以實,雖踈必密,然則與人其可以不忠 乎? 恭也,忠也,雖之夷狄,猶且不可棄, 則君子於此,固不可斯須去身矣。故曰: 見君子於此,固不可斯須去身矣。故曰: 是處易以慢,必欲其恭,執事易以苟,必 居處易以慢,必欲其恭,執事易以苟,必

「行己有恥,使於四方,不辱君命,可謂士子貢問曰:「何如斯可謂之士矣?」子曰:

子路第十三

曰:「今之從政者何如?」子曰:「噫! 斗行必果,硜硜然小人哉!抑亦可以爲次矣。」黨稱弟焉。」曰:「敢問其次。」曰:「言必信,矣。」曰:「敢問其次。」曰:「宗族稱孝焉,鄉

^{●「}儀」下,上圖抄本有「禮」字。

❷ 「信」下,上圖抄本有「則果」二字。

子曰:「不得中行而與之,必也狂狷乎!狂 者進取,狷者有所不爲也。」 周,驕而不泰,衆人之小人也。莫非君子 君子之小人,有衆人之小人。言必信,行 必果爲大人,此揚子所謂「事非禮義爲小, 信、行必果爲小人,孟子以言不必信、行不 不能變,斗筲則小而不能容。 子言君子「無上下之交」,聖人之君子也, 上交不諂,下交不凟」,君子之道鮮矣。 孟 德之君子,有在位之君子。 《易》曰 「君子 也,有聖人之君子,有賢人之君子,有未成 必果,君子之小人也。懷土懷惠,比而不 無事於小爲大」者也。蓋莫非小人也,有 君子也,「君子之德風」,在位之君子也。 子不仁」,「君子有勇無義爲亂」,未成德之 「得見君子斯可矣」,賢人之君子也,「君 孔子以言必

曰"「不占而已矣。」 巫醫。』善夫!」「不恒其德,或承之羞。」子子曰:「南人有言曰:「人而無恒,不可以作

剛,一過於巽,「不恒其德」者也。初與二過者也,巽而應柔,巽之過者也。一過于醫者乎?《恒》之九三,剛而不中,剛之恒技,然人所委聽猶不可以無常,况不爲巫技,然人所委聽猶不可以無常,」巫醫賊

用字」。

狂者近智,狷者近義。 近智而非所以智則

^{● 「}用」,四庫底本無此字,館臣籤云「體用不同故也,落

語》而誤爲之説也。 筮猶不能知也,而况於人乎?」蓋不知《論學可知矣,《恒》九三之不占,羞可知矣。 過》曰:「人而無常,不可以爲卜筮。龜乎可知矣,《恒》九三之不占,羞可知矣。

子曰:「君子和而不同,小人同而不和。」 異。君子之與人也任道,故「和而不同」, 也。 也。 同。 梁邱據君可則可,君否則否,同而不和也。 惠油然與之偕,而不自失焉,和而不同也。 小人之與人也任情,故「同而不和」。 聽。❷ 則和者有異而無乖,同者有協而 五味相和,然後可食,●五聲相和,然後 然君子不同有所謂同,小人之同有所謂不 《易》曰「君子以同而異」,君子之同 《詩》曰「潝潝 君子同不同皆是善,●小人同不同皆 訿 訿」,❸小人之不同 柳下 無 可

是不善。

惡之。」
 一切鄉人之善者好之,其不善者可也。不如鄉人之善者好之,其不善者「未可也。」「鄉人皆惡之,何如?」子曰:「未子貢問曰:「鄉人皆好之,何如?」子曰:

爲廉,以匡章爲不孝,然則鄉人之好惡可爲廉,以匡章爲不孝,然則鄉人之好惡可為也,故曰「鄉人皆好之,未可也」。 怠者好也,故曰「鄉人皆好之,未可也」。 怠者好也,故曰「鄉人皆好之,未可也」。 怠者好也,故曰「鄉人皆好之,未可也」。 怠者以也,故曰「鄉人皆好之,未可也」。 急者以此處,以也以與漢,非之無舉也,刺居之似忠信,行之似廉潔,非之無舉也,刺

0

[「]食」下,上圖抄本有「以水濟水則不可食」八字。

[「]聽」下,上圖抄本有「琴瑟專一則不可聽」八字。

[「]潝滃訿訿」,上圖抄本作「自有膞」。

[「]皆是」,上圖抄本作「無適而非」。下同。

求備焉。」
説也。説之雖不以道,説也。及其使人也,不説也。及其使人也,器之。小人難事而易不説也。及其使人也,器之。小人難事而易子曰:「君子易事而難説也。説之不以道,

正故易悦,私故難事。《泰》九二之「包荒,故易事。小人處己也不正,責人也私。不君子處己也正,責人也輕。正故難悦,輕

義也。小人反是。 文王之易事,難悦也。易事,仁也,難悦,事,難悦也。不顯亦臨,而無畔援歆羨。事,難悦也。不顯亦臨,而無畔援歆羨。 湯之易用憑河」,易事也。《兑》九二之「孚」,難説

君子坦蕩蕩,而謙以自牧,故泰而不騙, 一人長戚戚,而賤物貴我,故驕而不泰。 一, [履而泰者,行也。《禮》曰: 「小人富 也,履而泰者,行也。《禮》曰: 「小人富 也,履而泰者,行也。《禮》曰: 「小人富 人。」則富斯驕者,累於利也,故縣而不泰。 人。」則富斯驕者,累於利也,故縣而不泰。 人。」則高斯縣者,累於利也,能斯驕者,德 人。」則高斯縣者,累於利也,能斯縣者,德

求備,備誤能」。
● 「備」,上圖抄本、四庫底本作「能」,館臣籤云「與人不

子曰:「剛、毅、木、訥近仁。」
一句,故能泰而不爲驕。小人累於名利,而利,故能泰而不爲驕。小人累於名利,而利,故能泰而不爲驕。小人累於名利,而

求仁莫近焉,行美故也。强恕而行,致、木、訥近仁,●質美故也。强恕而行,也。● 仁者務本而已,故木訥近之。剛、古,則不以給奪仁。凡此不以末害本言,則不以給奪仁。凡此不以末害本言,則不以給奪仁。凡此不以末害本言,則不以給奪仁。凡此不以末害本言,則不以給奪仁。凡此不以末害本言,則不以給奪仁。凡此不以末害本言,則不以給奪仁。

偲偲,兄弟恰恰。」「切切偲偲,恰恰如也,可謂士矣。 朋友切切了切問問:「何如斯可謂之士矣?」子曰:

子曰:「以不教民戰,是謂棄之。」子曰:「善人教民七年,亦可以即戎矣。」

[「]本」,四庫底本作「木」,館臣籤云「本誤木」。

^{) 「}仁」,四庫底本作「人」,館臣籤云「仁誤人」。

人之教民,猶小國之施政。小國之政必七 七年,可以即戎,則君子教民,雖不七年, 有不能教之君,無不可用之民。善人教民 以示之禮,然後用之以戰。則先王之教 民,定襄王以示之義,伐原以示之信,大蒐 然後可以即戎,其勢然也。觀晉侯之教 年,然後及於天下。善人之教民必七年, 五年,小國七年,可以爲政于天下。」蓋善 可以即戎矣。 豫」,孫武曰「教道不明曰 市人以就死地而已,此孟子所以言「不教 義,小則不能教民以戰陣,及其有事,則驅 已哉? 彼不知務者,大則不能教民以 民,豈特司馬坐作進退、疾徐、疏數之節而 以應巫,兵不閒習,不可以當敵」。●《春 之法,教戎爲先」,鄧析曰「慮不先定,不可 而戰,謂之殃民」也,《司馬法》曰「教惟 孟子曰:「師文王者,大國 亂」,吴起曰「兵 禮

> 兵,宜聖人譏之也。 秋》書「師次於郎,甲午治兵」,師次而後治

憲問第十四

声、代、怨、欲不行焉,可以爲仁矣?」子后、代、怨、欲不行焉,可以爲仁矣?」子曰:「可以爲難矣,仁則吾不知也。」由:「可以爲難矣,仁則吾不知也。」由:「可以爲難矣,仁則吾不知也。」之。去之可以爲仁則吾不知也。」之。去之可以爲仁,此之則可以爲仁矣?」子之。去之可以爲仁,此之則可以爲仁矣?」子之。《召南》言夫人無妒忌之行、《周南》言之。《召南》言夫人無妒忌之行、《周南》言表,敬、敬、敬不行焉,可以爲仁矣?」子

后妃無妒忌之心。蓋無其行者,不能無其

^{● 「}敵」下,上圖抄本有「皆此意也」四字。

② 「恥也」,此二字當行。

居無求安」。《傳》曰「晏安酖毒,不可懷安于水。衆人不異乎物,則懷土而已,士安于水。衆人不異乎物,則懷土而已,士士」。蓋物生于陵者,安于陵,生於水者,懷居,則非志於道者也,●故「不足以爲士之所尚在於志,志之所尚在于道。士而子曰:「士而懷居,不足以爲士矣。」

厦,不以爲憂,不過充是志而已。物,視九夷如中國,不以爲陋,視陋巷如廣也」。● 古之君子所以安土樂天,不累於

言孫。」 子曰:「邦有道,危言危行,邦無道,危行

周昌比漢高以桀、紂,劉毅比晉武 無若丹朱, 周公戒成王,以無若商王受。 天下有道,其言足以興,故「危言」, 時,故施于治亂則異。彼洩冶論衵服之戲 以立道,故施于治亂則同, 所以行己,言所以應物。 閔子告魯使以善辭,所謂「言遜」也。 靈,所謂「危言」也。 孔子諾陽貨以 無道,其默足以容,故「言遜」。禹戒舜,以 行己者,君子所 應物者所)將仕, 以恒、 · 天下 蓋行 以趨

「傳」上,上圖抄本有「春秋」二字。「志」,四庫底本作「制」,纂修盧遂籤云「制宜作志」。

五五五

故也。言非不忠,然卒見誅者,以其不知言遜言非不忠,然卒見誅者,以其不知言遜言董賢,王章之言王鳳,李固之言梁冀,其於陳,●李雲疏貂璫之封於漢。● 王嘉之

仁者必有勇,勇者不必有仁。」子曰:「有德者必有言,有言者不必有德。

> 哉若人!」 答。南宫适出,子曰:「君子哉若人!尚德得其死然。禹、稷躬稼而有天下。」夫子不南宫适問於孔子曰:「羿善射,奡盪舟,俱不

與太伯以天下遜同。夫微莫微于一身,大與太伯以天下遜同。夫微莫微于一身,大之,則曰「尚德哉若人」。 自其所言而言之,則曰「尚德哉若人」。 禹與稷均曰「躬稼」、則與禹均曰「有天下」者,禹暨稷奏庶艱食,則可「君子哉若人」。 禹與稷均曰「躬稼」、則不,不,而貴禹、稷,尚德也。 自其成德而言之,則不,而贵禹、稷,尚德也。 自其成德而言之,以,以,,为也。 躬稼,德也。 南宫适賤

^{● 「}衵」,上圖抄本作「袓」。

^{▶ 「}求」,上圖抄本作「成」。 ▶ 「貂」,上圖抄本作「貉」。

仁者也。」

仁者也。」

一者有矣夫,未有小人而

《傳》曰「后稷封殖于天下」。●

西赤之徒,孔子皆曰「仁則吾不知也」。●三月不違而已,其餘可知矣。故子路、公君子有勇而無義爲亂,此未成德之君子君子則於仁義無不盡,未成德之君子則于君子則於仁義無不盡,未成德之君子則于君成德之君子,有未成德之君子。成德之

之者,仁也。君子處仁以義,然後仁,行之,而不忍勞之,忠焉,而不忍齒之,齒別此愛而不忍勞之也。孟子曰「教人以以賊之也。《禮》曰「細人之愛人也以姑之,而不忍勞之,忠焉,而不忍誨之,適所答之所以作其才,誨之所以達其善。愛

盡善。

鄭之爲命,必更四人然後成,此《春

卷七 憲問第十四

誨乎?」

子曰:「愛之、能勿勞乎?

忠焉,能勿

五七

義以仁,然後義。

^{● 「}于」,上圖抄本無此字。

^{●「}仁則吾不知」,上圖抄本作「不知其仁」。

「鄭之東里多才」,其子産之謂乎?秋傳》所以謂其「鮮有敗事」也。列子曰

曰:「彼哉!彼哉!」或問子産。●子曰:「惠人也。」問子西。

問管仲。曰:「人也。奪伯氏駢邑三百,飯

疏食,●没齒無怨言。」

人也,猶言之人也。「奪伯氏駢邑三百」,子曰:「貧而無怨難,富而無驕易。」

言各有當與? 難矣。故繼之以「富而無驕易」。 甚而廢不久,其無怨則易,若伯氏則無 言廢之久。蓋奪之雖多,而貧不甚,貧雖 百,言奪之多,飯疏食,言貧之甚,没齒, 人,施伯以仲爲賢人,荀卿以仲爲野人,其 繼之以晏平仲,此則繼之以管仲者,荀子 可能也。」此之謂歟? 曰:「顏子無怨,不可及也。子貢不驕,猶 惠人也,不如夷吾。」 曰:「晏子功用之臣也,不如子産。子産 「没齒無怨言」,至公也。 此謂人也 孔子前言子産,則 異矣。 桓公以仲爲 駢邑三 江 怨 巸

子曰:「孟公綽爲趙、魏老則優,不可以爲

^{● 「}問」,四庫底本、上圖抄本作「謂」,館臣籤云「問誤

^{) 「}之」,上圖抄本作「子」。

❸ 「飯」,四庫底本作「飲」,館臣籤云「飯誤飲」。

矣,有能有不能。 君子不器,無施 子之老是也。● 邦國有卿老,國君不名卿 德之稱,王朝有天子之老,五官之長,●天 謀。「孟公綽爲趙、魏老則優,不可以爲 蠡不如文種。 兵甲之事,文種不如范蠡, 鎮撫 屋則否,黄霸治郡則長,於相國則不及。 老」是也。 老是也。●卿大夫則有家老,所謂「趙魏 滕、薛大夫」,其才有能有不能也。 老者成 善于謀而不能斷,杜如晦長於斷 全社稷、安劉氏,王陵不如陳平。 房玄齡 面折廷争,陳平不如王陵, 丽 故裨諶謀 不可。不如君子,則 野則獲,于居 國家,范 而 不 能 器

樂,亦可以爲成人矣。」曰:「今之成人者何之不欲,卞莊子之勇,冉求之藝。 文之以禮子路問成人。子曰:「若臧武仲之知,公綽

憲問第十四

之言,亦可以爲成人矣。」 必然? 見利思義,見危授命,久要不忘平生

子曰:「其然,豈其然乎?」笑,人不厭其笑,義然後取,人不厭其取。」過也。 夫子時然後言,人不厭其言,樂然後言,不笑,不取乎?」公明賈對曰:「以告者子問公叔文子于公明賈曰:「信乎,夫子不

人,而又加之以仁義、禮樂,成人之行也。」曰「可以爲成人」。 子謂顏淵曰:「既能成具,而又文之以禮樂,則于人道幾盡矣,故德,●所以立本,游于藝,所以存末。 本末智以知之,不欲以守之,勇以行之。 據於

宜删」。

[「]五官」上,上圖抄本有「禮所謂」三字。

[「]天子」上,上圖抄本有「日」字。

[「]國」上,上圖抄本有「所謂」二字。

[「]德」上,四庫底本有「本」字,館臣籤云「本德,本字多,

樂,孟子言事親從兄,亦終之以禮樂。是意。《周官》大司徒之教民,終之以五禮六人」,荀卿曰「能定所應之謂成人」,與此同《傳》曰「人能曲直以赴禮者,●謂之成

學至于禮樂,然後可以爲成人也。求言爲

之以禮樂者,古之成人也。古之成人者, 之以禮樂者,古之成人也。古之成人者, 命,久要則忘信,世俗之情也。今也見利以成人故也。● 夫見利則忘義,見危則惜以成人故也。● 夫見利則忘義,見危則惜之問爲邦,然後告之以禮樂,蓋惟回可語邦,曰「如其禮樂,以俟君子」。孔子于回邦,曰「如其禮樂,以俟君子」。孔子于回

成人,不特文之以禮樂而已也。

子曰:「臧武仲以防求爲後于魯,雖曰不要

君,吾不信也。」

智,●而濟之以不欲,是能無要君之心樂,●可以爲成人。」使仲賢而不至于過何也?《禮》曰:「道之不行,賢者過之。」何也?《禮》曰:「道之不行,賢者過之。」和此則若無要君之事,而不免于要君,和子論仲則以防求爲要,論成人則以仲爲

簡而天下之理得,而成位乎其中」,則其爲

人,而御叔以之爲聖人,不亦妄哉?「易

失爲善人者也。 武仲之智,未足以爲成

由前君子之事也。今之成人者,由後亦不

^{■「}人」下,上圖抄本有「之事」二字。「仁」。●「仁」。●「人」下,上圖抄本有「春秋」二字。「人」,上圖抄本作

[「]授」,四庫底本作「受」,館臣籤云「受改授」。

[「]文」上,上圖抄本有「臧武」二字。「仲」上,上圖抄本有「臧武」二字。

^{) 「}仲」上,上圖抄本有「武」字。) 「文」上,上圖抄本有「公」字。

禄也。人雖曰「不要君」,吾不信也。」 矣。●《禮》曰:「事君三違而不出境,則利

不譎。」子曰:「晉文公譎而不正,齊桓公正而子曰:「晉文公譎而不正,齊桓公正而

此其 之刧 内政以復古,文作三軍以偪上, 桓釋曹沫 地, 桓仇管仲而用, 文親舅犯而 天子, 桓伐譚戎而不有,文滅曹而分其 姓,桓責諸公以不貢天子,文會河陽以 齊桓公爲會而封異姓,晉文公爲會而滅同 也,齊桓之正,非無譎也。觀其出定襄王 當,此晉文之正也。然譎不勝正,故謂之 于君之命有三辭之恭,于國之利有三罪之 以示民義,伐原以示民信,大蒐以示民禮, 譎而不正」。前事則兄弟争國,内行則般 正 而遇以信,文念衛侯之怨而加以酖, 譎之不同也。晉文之譎,非無正 外事則詐邾襲莒,執陳轅 疑,桓寓 濤 塗以 召

其仁。」

正猶之譎也。● 昔孟氏子曰「春秋無義「正而不譎」。若夫以王道觀之,則桓公之國,此齊桓之譎者也。然正能勝譎,故曰致斁于諸侯,親豎刁、易牙、開方,以搆于

侯,不以兵車,管仲之力也。如其仁,如死。」曰:「未仁乎?」子曰:「桓公九合諸子路曰:「桓公殺公子糾,召忽死之,管仲不

戰」,愚曰:「五伯無王道。」

其被髮左衽矣。豈若匹夫匹婦之爲諒也,自侯,一匡天下,民到於今受其賜。微管仲,吾不能死,又相之。」子曰:「管仲相桓公,霸諸子貢曰:「管仲非仁者與? 桓公殺公子糾,

^{● 「}能」,上圖抄本無此字。「心」,上圖抄本作「事君子之事」。

❷ 「猶之」,上圖抄本無「之」字。

經於溝瀆而莫之知也?」

此所謂一正天下也。其伐山戎攘狄人以 路之爲疑也。桓公衣裳之會十有一而九 威之不信于諸侯。夫以管仲之功,仲連能 召忽雖死,過于取仁,未足多也」,魯仲連 施,有殺身以成仁,有不死以成仁。殺身 所愛而言之,雖管仲有所施。蓋仁之所 自仁之成名而言之,雖君子有所不仁,自 止之會,定王世子謂王,世子正則天下正, 盛,●此所謂「九會諸侯不以兵車」也。首 知之,而子路疑之者,自王道而論之,宜子 而恥天下之不治,不恥不死公子糾,而恥 不能立大功」。管仲不恥身在縲絏之中, 亦曰「見小節者,不能成榮名,惡小恥者, 未成臣。管仲不死而立功名,未可非也, 仁者,管仲也。孔子曰「子糾未成君,召忽 而不足以成仁者,召忽也,不死而足以成

> 管仲相桓公,正天下,修内政,寓軍令,諸 九合不以兵車,兼兵車言之則誤矣。 雖然 矣」。《傳》以兵車之會三,乘車之會六,爲 中國之腹,所謂「微管仲,吾其被髮左衽 及其志滿意得,而塞門反坫,僭邦君之禮 侯盟會于九合而不以兵車,功用可稱也。 王,伐楚與厲而使夷狄不能剡其脉,以蹈

故聖人小之。

聞之,曰:「可以爲「文」矣。」

公叔文子之臣大夫僎,與文子同升諸公。子

子以「公叔文子之臣大夫僎,與文子同升 衛靈公以文子聽衛國之政,修其班制以與 之者爲文,孔子以推人而下之者爲文。 通 諸公可以爲文矣」。蓋靈公以通隣國而交 四鄰交,衛國之社稷不辱,不亦文乎? 孔

⁰ 「裳」,四庫底本作「棠」,館臣籤云「裳誤棠」。

之文也,其所主雖殊,其爲文一也。隣國而交之,禮之文也,推人而下之,仁

能邇。故治賓客爲先,宗廟次之,三軍之肅也」,蓋以此歟? 爲治之道,柔遠然後扶翼,●其慢若此之甚也,見賢人若此之

子曰:「其言之不怍,則爲之也難。」 運,●德之末也,故軍旅爲後。

行不恥。」《書》曰:「行之惟艱。」行成亦貴于不怍矣。揚子曰:「言不慙,也難,則言之不怍,期是矣。言之不怍,則言忠信則不怍,行顧言則能爲之。爲之道言忠信則不怍,行顧言則能爲之。爲之道

也。君曰「告夫三子」者。」之三子告,不可。子。」孔子曰:「以吾從大夫之後,不敢不告曰:「陳恒弑其君,請討之。」公曰:「告夫三陳成子弑簡公。孔子沐浴而朝,告於哀公

[「]霸主」,上圖抄本作「蘧伯玉」。

[「]搏」,上圖抄本作「博」。

[「]軍」下,上圖抄本有「五兵」二字。

子路問事君。子曰:「勿欺也,而犯之。」 孔子曰:「以吾從大夫之後,不敢不告也。」 《禮》曰「事君有犯而無隱」,犯之也。 過。」盡忠則勿欺,補過則有犯。 欺,忠也,犯之,義也。 告,不可」。《春秋傳》以爲不告,誤矣。● 之衆,加齊之半,可克也。」此言「之三子 子曰:「陳恒弒君,而民不與者半。以魯 不盡,君之事吾何與焉? 故曰「不敢不 之職也。行不行,君之事也。吾之職不可 弑簡公,孔子請討之。蓋曰:請之者,吾 臣弑君,子弑父,凡在官者殺無赦。 之如此。《孝經》曰:「進思盡 救,❸則順而不犯。 臣一事,●則欺而不忠。于顓臾之伐 孟子曰「非堯、舜之道,不敢陳」,勿欺也。 然則魯弱齊强,攻之不亦難乎? 孔 故其問「事君」,而告 由于孔子而欲爲 忠,退思補 陳恒 而 勿 不

「于顓臾之伐」,上圖抄本作「於季氏伐顓臾」。

^{) 「}誤」上,上圖抄本有「季孫」二字。

而欲使門人爲臣」。

文子以不言、不笑、不取,宋師給魯以鄭

而教不倦」,彼學以爲人,教以爲己者,豈人,爲人而不忘己者也。故曰「我學不厭墨翟第知爲人而已,若孔子則爲己而不忘

知此哉? 宜原憲所以不忍爲也。

未能也。」使者出,子曰:「使乎!使乎!」曰:「夫子何爲?」對曰:「夫子欲寡其過而蘧伯玉使人於孔子。孔子與之坐而問焉,

使者以忠信爲主也。公明賈之溢美公叔使者以忠信爲主也。公明賈之溢美公叔子, 中國 是華》以「周爰咨諏」爲使之事,則仍玉辭之。以不知季札適衛,而稱其君伯玉辭之。以不知季札適衛,而稱其君伯玉辭之。以不知季札適衛,而稱其君以蘧伯玉行年六十化。公叔文子欲葬於以蘧伯玉行年六十化。公叔文子欲葬於孔子以蘧伯玉汲汲於人,以善自終。莊子

師未及國,則異乎此矣。

子曰:「不在其位,不謀其政。」重出

子曰:「君子思不出其位。」●

謀其政則冒。亂者,非所謂知務也,冒事君處其位而不履其事則亂,不在其位而

者,非所謂知分也。

子曰:「君子恥其言而過其行。」

善言德行者之爲優也。 常恥言過行。此仲尼之徒善爲説辭,不若若行有餘而言不足? 故不恥行過言,而君子之於天下,與其言不足而行有餘,孰

道也。」
知者不惑,勇者不懼。」子貢曰:「夫子自子曰:「君子道者三,我無能焉:仁者不憂,

子貢方人。子曰:「賜也賢乎哉? 夫我則

● 「子曰」,上圖抄本作「曾子」。

一六五

不暇。」

淵之相,冉雍有志之君子,仲由才任治戎, 賢者過之也。子貢對衛將軍文子則謂顔 不器於人者,然後能器人,器於人者,不 子曰:「不逆詐,不億不信。抑亦先覺者, 弄,不免後世之譏者,以其不能器人也。 故子以爲不暇。左氏之品藻,班固之變 所議。而孔子笑之,蓋譏其方人之過也, 冉求好學博藝,至於公西赤、顓孫師、曾 不亦過乎? 孔子曰:「賜也賢乎哉?」以 可以器人。子貢器于人而已,其方人也, 不姦姦,故不億不信,不詐詐,故不逆詐, 誠而不察之以智,照之以天而不照之以 之,億者度而知之。君子之于人,遇之以 是賢乎!」詐在行,不信在言,逆者迎而知 參、卜偃、滅明、高柴、南容之徒,莫不在其 人,此揚子所以言「不姦姦,不詐詐」也。

> 之屢中,郤雍相盗失,是矣。 不以不賢而不封,凡此不逆不億也。子貢於象,不以僞喜而不喜,周公之於管、蔡,時而見疑,是乃昧者所以爲不肖也。舜之明,上太察之智,●則刻核之至。忠信有明,上太察之智,●則刻核之至。忠信有

固也。」無乃爲佞乎?」孔子曰:「非敢爲佞也,疾無乃爲佞乎?」孔子曰:「非敢爲佞也,疾微生畝謂孔子曰:「丘何爲是栖栖者與?

微生畝足以知孔子? 微生畝足以知孔子? 一個者之所爲,君子疾諸。孔子「三月者也,固者之所爲,君子疾諸。孔子「三月者也,固者之所爲,君子疾諸。孔子「三月代而不能已,已而不能性,守一而不知變能任者必貴乎能已,能已者必貴乎能仕。

^{● 「}上」,上圖抄本作「尚」。

· 目子绝感,小人绝力。 汝冀听以俞t子曰:「驥不稱其力,稱其德也。」

奡,尚禹、稷,孔子所以美之者以此。仲尼,或以譬顔回,以驥有德也。适賤羿、中尼,或以譬顔回,以驥有德也。适賤羿、、以曰「睎驥之馬,亦驥之乘」,或以譬而不如驥者所以喻小人。揚子曰「齊馬以君子絶德,小人絶力。故驥所以喻君子,

德? 以直報怨,以德報德。」或曰:「以德報怨,何如?」子曰:「何以報

人之父也,人亦殺其父,殺人之兄也,人亦 特爲之法以制之而已。《周官·調人》「凡 者,在法之所不宥,●以可殺者必避之也。 都士》:「凡報仇讐者,書于士,殺之而 罪。」則應避而不避,其書于士,而殺之可 罪。」則應避而不避,其書于士,而殺之可 罪。」則應避而不避,其書于士,而殺之可 是。然則先王復讐之法不行,「凡有罪辜, 也。然則先王復讐之法不行,「凡有罪辜, 也。然則是之法以制之而已。《周官·調人》「凡

報德者也。❸

[「]勿」,四庫底本無此字,館臣籤云「令譬當作令勿譬」。

[「]也」下,上圖抄本有「刑戮之民孰大於此」八字。「宥」,四庫底本作「看」,館臣籤云「看字宜作宥字」。

知子也?」子曰:「不怨天,不尤人,下學而 子曰:「莫我知也夫!」子貢曰:「何爲其莫 上達。知我者,其天乎?」

失之己者異。 我者,其天乎?」荀子曰:「自知者不怨 終于天道,如此則與天同矣。故曰:「知 哉? 命也。天道遠而難知,故曰「怨」, 孔子言「莫己知也」,繼之以「不怨天,不尤 不怨不尤,與反之人者異,下學上達,與 志。失之己反之人,豈不亦迂哉?」孔子 人」。蓋曰「莫我知」者,豈天與人使之然 人,知命者不怨天。 怨人者窮,怨天者無 上達,則始于窮理,終于知命,始于仁義, 人道邇而可指其掌,●故曰「尤」。下學而

朝。」子曰:「道之將行也與,命也,道之將 公伯寮愬子路于季孫。子服景伯以告,曰: 「夫子固有惑志于公伯寮,吾力猶能肆諸市

廢也與,命也。公伯寮其如命何!

子曰:「賢者辟世,其次辟地,其次辟色,其 命,孟子于臧倉言天,其致一也。 校,孔子是也。 景伯是也。 不知命者,以興廢在人而有所難辨,子服 不得與之,况廢興乎哉? 孔子于伯寮言 道則廢興無所累。 而後立。以道處命則死生無所恤,以命處 知命者,以興 蓋道待命而後行,命待道 君子之於道命,雖 廢 在天 圃 死生 無 所

次辟言。」

子路宿於石門。晨門曰:「奚自?」子路 曰"「自孔氏。」曰"「是知其不可而爲之 子曰:「作者七人矣。」

子擊磬於衛。有荷蕢而過孔氏之門者,曰:

者與?'」

⁰ 「邇」,四庫底本作「達」,館臣籤云「達字宜改邇字」。

揭。」子曰:「果哉,末之難矣!」
乎!莫己知也,斯己而已矣。 深則厲,淺則「有心哉,擊磬乎!」 既而曰:「鄙哉,硜硜

發也。 伯夷居海,管寧浮海,「辟世」也,危邦不 當 揚子曰:「聖人不遁乎世,不離乎群。」莊 子,則集七人之大成,可以仕則仕,可以 地、辟言,而去就進退之理備矣。至于孔 之,「辟言」也。「作者七人」,則伯夷、叔 見也,非閑其言而不出也,非藏其智而 周曰:「古之所謂隐,牛馬以伏其身而 則止,故曰「我則異于是,無可無不可」。 之七士者,皆成德之逸民,故或辟世、辟 齊、虞仲、夷逸、朱張、柳下惠、少連是也。 衰則去之,「辟色」也,聲音之詭,人則去 人,亂邦不居,「辟地」也,色斯舉矣,禮貌 時命窮乎天下,則深根寧極而待。」此所 當時命行乎天下,則反一 無迹;不 止 勿

> 『晨門』。 『晨門』。

之诗了叩矣。 年」,滕之父兄、百官皆不欲三年,則孔子古之人皆然。」《詩》之《素冠》「刺不能三

也。● 老子言修之身,而其終至于天下「平章」者,安人也。「於變」者,安百姓卒于「於變」。●「欽明」者,修己以敬也。《書》稱堯之德,始于「欽明」,中于「平章」,

修、禮》言「毋不敬」,而其効至于安民,與此同意。修己以敬,自愛也。修己以安百姓,博愛也。夫正者未必安,而安者必以姓,博愛也。夫正者未必安,而安者必以此可以不修,而猶病之者,以其不免有竄此可以不修,而猶病之者,以其不免有竄避之刑故也。《書》曰「安民則惠,惟帝其必之刑故也。《書》曰「安民則惠,惟帝其难之」,此之謂歟?《孝經》言「得人之歡之,以言「得百姓之歡心」,是人不及百姓之歌也。

無述則無所取,賊則有所害。莊子曰「人焉,老而不死,是爲賊。」以杖叩其脛。原壤夷俟。子曰:「幼而不遜弟,長而無述

^{● 「}時」上,四庫底本有「能」字,館臣籤云「能字多,宜

[「]安」上,上圖抄本有「修己以」三字。「於變」上,上圖抄本有「黎民」二字。下同。

稱不弟焉,恥也,壯稱無德焉,辱也,老而無以先人,是人之謂陳人」,曾子曰「少一

能也」,此「無述」之謂也。以杖叩脛,責之稱無禮焉,罪也」,荀子曰「少而不學,長無

非求益者也,欲速成者也。」曰:「吾見其居於位也,見其與先生並行也。闕黨童子將命。或問之曰:「益者與?」子關門可,所謂故者無失其爲故也。

教之,與此同意。而教之耳。孟子好貨、好色、好勇、好樂而事,而夫子使之者,以其欲速者也,故因命居位則不遜,並行則不弟。將命非童子之

論語全解卷七

一七一

論語全解卷八

宋 陳祥道 撰

衛靈公第十五

子曰:「賜也,女以予爲多學而識之者與?」固窮,小人窮斯濫矣。」路愠見曰:「君子亦有窮乎?」子曰:「君子明日遂行。在陳絶糧,從者病,莫能興。子

子曰:「由!知德者鮮矣。」
貫之。」
對曰:「然,非與?」曰:「非也,予一以對曰:「然,非與?」曰:「非也,予一以

❶ 「無名」,上圖抄本作「無爲」。 下同。

常産 已。故窮亦樂,通亦樂,知事則徇外而已, 樂,●小人窮斯濫。 曾子唯而不辨,子貢聞而不問,于聖人之 語道,曰「吾道一以貫之」,所以誘之也。 之。所以語之也。● 子貢不知德,則多學 愠見,于此時言「由,知德者鮮」,則愠見與 故醜窮而色作。子貢在陳則色作,子路則 君子無常産而有常心,則固于窮。 小人無 體不能具也 而已,曰「予一以貫之」者,曾子之學可以 色作矣。孔子于子貢、曾子皆言以 而不知約,故所知者事,以一貫之則 而萬事畢,故所知者德,知德則自得而 因 無常心,故窮斯濫。 多學而 識,則博 君 子 窮則 通 一貫 于 于 文

哉? 恭己正南面而已矣。」子曰:「無爲而治者其舜也與? 夫何爲

繼治世而不用衆,不能無爲,用衆而不繼

義 《禮》曰:「君子南鄉。天道拱于北,而與 治世,亦不能無爲。舜之無爲,以其襲堯 物辨,降于南,而與物交。」南面 所以無爲,非夫二者之備,則未之暇矣。 或言「襲堯」,蓋皆有爲言之也。 之爵,行堯之道,無爲矣!」或言「有臣」, 于其上,而用衆于其下故也。 裏,服則玄衣而纁裳,位則背北而南面,其 道取諸此也。 「舜有臣五人,而天下治。」揚子曰:「襲堯 一也。 先王制禮: 冕則玄表而 孔子 然則舜之 而聽者 日 朱

之邦,行矣。言不忠信,行不篤敬,雖州里,子張問行。子曰:「言忠信,行篤敬,雖蠻貊

句下。

^{● 「}所以語之也」,依文義,當在下文「曰予一以貫之者● 「樂」下,上圖抄本有「而詳固窮也」五字。

一七三

倚于衡也,夫然後行。」子張書諸紳。行乎哉? 立則見其參于前也,在輿則見其

敬,則行满天下無怨惡。 敦篤。言忠信,則言滿天下無口過。行篤 欲實莫如忠,欲當莫如信,致敬盡力莫如 此。故曰:「雖州里,行乎哉?」 昔河梁丈 之邦,行矣。」言不忠信,行不篤敬,則反 怨。夫以水火鬼神,猶可以忠信篤敬親 人火而不爇。《詩》以欽恭明神,宜無恫 人以忠信,入水而不溺,商丘開以至信, 紳」,與季路抱五慎之誡,趙孟佩九言之 之如此。「立則見其參于前,在興則見其 爲仁,則于忠信篤敬有所不盡,故孔子告 之志,而其行不掩,飾堂堂之容,而難于與 之于蠻貊,莫適而不行也。 之,而况于人乎? 此所以近之于州里,遠 倚于衡」,與「見堯于牆」同意。 「子張書諸 故曰:「雖 蓋子張持嘐嘐 蠻

道,則可卷而懷之。」如矢。君子哉蘧伯玉!邦有道,則仕,邦無子曰:「直哉史魚!邦有道,如矢,邦無道,

有道,則仕,邦無道,則可卷而懷之」。道,如矢」。伯玉則能曲直以趨時,故「邦史魚能直而已,故「邦有道,如矢,邦無

直可知矣。然《書》「九德」之直,則濟之以和」者也。觀史魚之死,猶以屍諫,●則其仁。」史魚可謂「正曲」者也,伯玉可爲「參《傳》曰:「正直爲正,正曲爲直,●參和爲

是,故孔子謂之直,而不謂之君子也。季異之行,而全中和之德。史魚之直則異于甫直而柔,衛武公直而和,如此然後無崖

温。《詩・頌》之直,則齊之以不倨。

· 仲山

以黔婁同顔淵而稱賢,與此同意。君子之而稱仁,孟子以勾踐同文王而稱知,揚子之行,謂之君子可也。孔子以志士同仁人札於史魚、伯玉皆稱君子者,以其有君子

季札以之爲君子則可,荀卿以之爲姦人則于人,其言之也,與其失真,寧過其實。 故

言而與之言,失言。知者不失人,亦不子曰:「可與言而不與之言,失人,不可與

不可。

失言。」

成仁。」

成仁,比干是也。非特仁人爲然,志士亦仁」也。無求生以害仁,伯夷是也,殺身惡有甚于死者,患有所不辟,此「殺身以成義,此「無求生以害仁」也。死我所惡,所生我所欲,所欲有甚于生者,●舍生而取

^{▶ 「}直」,上圖抄本作「貞」。

^{)「}諫」下,上圖抄本有「靈公」二字。

[「]行火」の重点に乗じことの官に受いてなる行信我」下,上圖抄本有「我叩其兩端而竭焉」八字。

字1。 「所欲」,四庫底本無此二字,館臣籤云「當添所欲二

安仁。或安而行之,或利而行之,其成功

仁之道,豈待殺身而已哉? 孔子言之姑 |後名仲曰:「仁義使我身名並全。」然則爲 |一也。列子稱伯曰:「仁義使我愛身。」而 |

以救弊云。

其器。居是邦也,事其大夫之賢者,友其士子貢問爲仁。子曰:「工欲善其事,必先利

之仁者。」●

是也。子貢好與不如己者處,故告之。● 是也。子貢好與不如己者處,故告之。● 之,皆此意也。對而言之,則事賢而友之,皆此意也。對而言之,則事賢而友之,皆此意也。對而言之,則事賢而友仁,通而言之,賢可言友,于形休、服采許》曰「友賢不棄」、《易》曰「休復下仁」,是也。子貢好與不如己者處,故告之。● 是也。子貢好與不如己者處,故告之。● 是也。

服周之冕,樂則《韶》舞。放鄭聲,遠佞人。顔淵問爲邦。子曰:「行夏之時,乘殷之輅,

鄭聲淫,佞人殆。」

所見者爲正,故質。《春秋傳》言「大輅越商、周推天地之氣而爲正,故文,夏據人

^{)「}士」,原誤作「事」,據《論語》通行本改。

[「]周公」下,上圖抄本有「之」字。

❸ 「之」下,上圖抄本有「如此」二字。

席,昭其儉也」,孔子言「麻冕,禮也,今也 聲之深,故于鄭聲言淫,于佞人言殆而已。 其問爲邦,而告之以此。孔子嘗曰: 子之門人,惟回之賢,可以爲王者之佐,故 典樂,則鄭聲放,有納言,則佞人遠。 舜命九官,終于夔之典樂,龍之納言,蓋有 商、周,樂則《韶》舞。《禮記》于五帝稱不 盛于三王,樂莫盛于五帝,故言禮則夏、 冕,麻冕也。禮貴質、儉,故以夏時、商輅 純,儉」。 顏淵宜矣。于淵猶然,况餘人乎? 堯、舜于巧言令色、壬人猶病其難,則其戒 可以爲王者之佐故也。蓋言之人人不如 「《詩》云:「媚兹一人,應侯順德。」」以其 治至于鄭聲放,佞人遠,則治之至也。 相襲禮,于三王稱不相沿樂,放遠之。則 周冕,樂貴美、善,故以《韶》舞。 則乘殷之輅,大輅也。 蓋禮莫 服周之 夫鄭 爲 孔 0

多言而明矣。● 口言亂信,是利口之所亂者過于佞人,不以言亂信,是利口之所亂者過于佞人,不則言覆邦家也。 孟子于佞人言亂義,于利以,不明,不及佞人,佞人之害,不及利口。

子曰:「人無遠慮,必有近憂。」

曰:「君子思患而預防之。」荀卿曰:「先也、●不善于遠慮則私憂過計者也。《易》小人從邇。」蓋聖人無思則無慮,小人從邇,蓋聖人無思則無慮,小人從邇,大人從邇。」蓋聖人無思則無慮,小人從邇也,不善于遠慮則不能遠慮,必有近憂」,則有遠慮必也。「人無遠慮,必有近憂」,則有遠慮必

[「]不多言而明」,上圖抄本作「遠」。

[「]慮」下,上圖抄本有「則君子而已」五字。

[「]夫」,上圖抄本作「然」。

子曰:「已矣乎!吾未見好德如好色者也。」 《詩》言「已焉哉」,接輿言「已而,已而」,孔 身之憂,是以有遠慮也。惟其有終身之 居下而無憂者,思不遠。」然則君子之有終 也。孔子曰:「處身而常佚者,志不廣。 不足,杞子憂天地之壞,●不善于遠慮者 事慮患。」善于遠慮者也。墨翟憂天下之 子言「已矣乎」,皆决辭也。孔子于「鳳鳥 内也。」●此謂「人無遠慮則必有近憂」。 服,不能來也。吾恐季孫之憂,在蕭牆之 憂,故無近憂。 孔子告冉有曰:「遠人不 未見自訟與好德,傷其無人也。 乎」,則鳳鳥不至,河不出圖,傷其無時也。 自訟」、「吾未見好德如好色」,皆言「已矣 不至,河不出圖」、「吾未見能見其過而内 性爲小人。 性,好色本乎情,以性勝情爲君子,以情易 好德出于

賢而不與立也。」子曰:「臧文仲其竊位者與? 知柳下惠之

^{) 「}子」,上圖抄本作「人」。

❷ 「在」上,上圖抄本有「不在顓臾而」五字。

詩》曰:「迨天之未陰雨,徹彼桑土,綢繆

蔽公者謂之昧,隱良者謂之妬。妬昧之

臣,國之孽也。」

君子爲己不重,而責己重以周,爲人不子曰:「躬自厚而薄責于人,則遠怨矣。」

約故薄責。君子之交,盡己之歡而不盡人輕,而待人輕以約。重以周故自厚,輕以

之歡,竭己之忠而不竭人之忠。《鄉飲酒》

湯之檢身若不及,與人不求備。● 孔子于之酬賓,主人卒觶而賓不舉,亦是意也。

【? 於公眾「直见。」「以於後於 〉,聖仁不敢居,●于管仲則稱仁,蓋以此

無己然後非人,此爲中道。● 數? 然此非中道也。有己然後求人,●

子曰:「不曰「如之何,如之何」者,吾末如之

何也已矣。」

《書》曰:「制治于未亂,保邦于未危。」老子曰:「爲之于未有,治之于未亂。」

牖户。」《易》曰:「其亡其亡,係于苞桑。」 《禮》曰:「言前定則不跲。」●荀卿曰:「先 事慮謂之健,先患慮謂之豫。」揚子曰: 「用智于未奔。」此皆思患豫防。而「不曰 「如之何」,吾末如之何也已矣」,此之謂魚 去沙而思于木,轂碎破而大其輻。渴而鑿 去沙而思于木,轂碎破而大其輻。渴而鑿 ,以虞待不虞,善醫者,不治已病 所兵者,以虞待不虞,善醫者,不治已病 治未病,况君子之于事乎?

矣哉!」子曰:「群居終日,言不及義,好行小慧,難

「言不及義」,則利而已,非所謂正言。「好

「人」下,上圖抄本有「則」。

「旬-下、「戌-下,上圖少本並貞「渚-字。) 「仁」,上圖抄本作「人」。「居」,上圖抄本無此字。

「有」下、「求」下、上圖抄本並有「諸」字。

「爲」上,上圖抄本有「所以」二字。

「跆」,上圖抄本作「困」。

七九

曰:「頻頻之黨,賊夫糧食。」行小慧」,則鑿而已,非所謂正行。 揚子

之,信以成之。君子哉!」子曰:「君子義以爲質,禮以行之,孫以出

所以爲君子也。《傳》曰「禮以行義以 問題, 所以爲君子也。《傳》曰「禮以行義」, 可曰「行義以禮,然後大」、《太玄》曰「成之 即曰「行義以禮,然後大」、《太玄》曰「成之 即曰「行義以禮,然後大」、《太玄》曰「成之 即曰「行義以禮,然後大」、《太玄》曰「成之 則義爲用,故《易》言「敬以直內,義以方 則義爲用,故《易》言「敬以直內,義以 所以爲君子也。《傳》曰「禮以行義」, 可 以成之」者,文也。義以禮行之則中,以孫 以成之」者,文也。義以禮行之則中,以孫 以成之」者,文也。義以禮行之則中,以孫

子曰:「君子求諸己,小人求諸人。」子曰:「君子疾没世而名不稱焉。」

君子病己之無能,而不病人之不己知,則君子病己之無能,而不病人之不己知,則君子病己之無能,則務本者也,是以言爲輕。病己之無能,則務本者也,是以言爲輕。病己之無能,而不病人之不己知,則

思,所以處人則禮,處人而思,所以處己人,群故不失人,不黨故不失己。處己而曰:「君子和而不同。」和則矜而不争,不曰:「君子和而不同。」和則矜而不争,不同則群而不黨。矜故不失己,不争故不失人,不當也。群居則與人同,與矜惜其行,則與人異,與人異,則疑于有

^{●「}傳」上,上圖抄本有「春秋」二字。

❷ 「依」,上圖抄本作「體」

③ 「有之」,上圖抄本作「言」。

鄉黨,君子之黨也。今夫水之于物不争, 以爲幾道。羔羊于群不黨,《詩》人以 為有德。● 君子之不争、不黨,本于道德 為中改,射與投壺争勝,君子之争也。不 故也。不争也,●有所謂争,聞義争,爲不 故也。不争也,●有所謂争,聞義争,爲不 以爲幾道。羔羊于群不黨,《詩》人以 則義,君子之黨也。今夫水之于物不争,

乎?」子曰:「其恕乎!己所不欲,勿施子貢問曰:「有一言而可以終身行之者

一于人。」

孔子曰:「一言有益于智,莫如豫,一言 有益于仁,莫如恕」「君子之于仁,造次必 身行之也。桓王以食菜之田與鄭,白圭以 鄭國爲壑,豈知此哉?《春秋傳》曰:「恕 亦行之,德之則也,禮之經也。」蓋則與經, 立本者也,立本則與趨時者異矣,故可終 立本者也,立本則與趨時者異矣,故可終 身行之。

者,其有所試矣。斯民也,三代之所以直道子曰:「吾之于人也,誰毀誰譽? 如有所譽

譽起于所好,毀起于所惡。能好人則所譽

而行也。」

0

[「]人」,上圖抄本無此字。

[「]不」上,上圖抄本有「然」字。

^{)「}誠僞」,上圖抄本作「誕信」。

肤,妄毁義之賊」,皆非直道故也。 人,豈容心于好惡毀譽哉? 凡因彼而已, 人,豈容心于好惡毀譽哉? 凡因彼而已, 也,三代之所以直道而行也」。譽則有所 也,三代之所以直道而行也」。譽則有所 也,三代之所以直道而行也」。譽則有所 是是于行,故有賞罰,其致一也。孟子言 上見于行,故有賞罰,其致一也。孟子言 上見于行,故有賞罰,其致一也。孟子言 上見于行,故有賞罰,其致一也。五子之于 大,豈容心于好惡毀譽哉? 凡因彼而已,

之可也。孔子之時,子張、子游之徒,猶不者,知之可也,于馬不能乘,則借能者,乘史喻馬,闕喻借。人于文不能知,則俟知之。今亡已夫!」

君子之所慎而不苟也如此。隱、桓,隱、桓之日遠矣。夏五傳疑也,蓋者,察其貌,不察其形。」立乎定、哀以指曰:「聽遠音者,聞其聲,不聞其舒,望遠曰:「聽遠音者,聞其聲,不聞其舒,望遠

子曰:「巧言亂德。小不忍,則亂大謀。」子曰:「巧言亂德。小不忍,則亂大謀。」 對,故亂大謀。巧言必察之以智,小不忍 略,懷隱忍之心者,無必成之功。蝮之螫 略,懷隱忍之心者,無必成之功。蝮之螫 产也,以爲愛其一肢,則害于四體也。鄭 之也,以爲愛其一肢,則害于四體也。鄭 之也,以爲愛其一肢,則害于四體也。鄭 之也,以爲愛其一肢,則害于四體也。鄭 道患者也。

何而勿察? 衆惡之中有君子,衆好之中有小人,如之子曰:「衆惡之,必察焉,衆好之,必察焉。」

謂「吾猶及史之闕文,今也則亡」。孔子

能闕其所不知,况餘人乎? 此孔子所以

其在人乎!」 其在人, 其在人, 其在人, 故不 虚一 其在人乎!」 其在人, 故不 虚一 其在人乎!」

子曰:「過而不改,是謂過矣。」

子曰:「吾嘗終日不食、終夜不寢以思,無後致吉。 過而能改,則自無過矣,故物之所責,悔而

「思而不學則殆」,●思而無益,不如學也。益,不如學也。」

子曰:「君子謀道不謀食。耕也,餒在其中老子曰:「爲學日益。」

矣,學也,禄在其中矣。君子憂道不憂貧。 舞其禮之不至也。《北門》之憂貧也, 實非憂貧也,傷其志之不得也,與徒餔啜、 實非憂貧也,傷其志之不得也,與徒餔啜、 實非憂貧也,傷其志之不得也,與後前 實非憂貧也,傷其志之不得也,與後 實非憂貧也,傷其志之不得也,與後 蓋貧賤者異。

禮,未善也。」
敬。知及之,仁能守之,莊以涖之,動之不以之。知及之,仁能守之,不莊以涖之,則民不之。知及之,仁能守之,不莊以涖之,則民不

行也,君子以之接人。知所以盡性,知窮知與仁,德也,君子以之處己,莊與禮,

兰

^{● 「}禮儀」,上圖抄本作「曲禮」。

^{▶ 「}思」上,上圖抄本有「學而不思則罔」六字。

可大受而可小知也。」 子曰:「君子不可小知而可大受也,小人不

寇,而童觀則無咎,此「不可大受而可小也,小人之器識則小,故乘君子之器致受天下不以爲泰,此「不可小知而可大受」子之器識則大,故老農、老圃在所不知,而子之器識則大,故老農、老圃在所不知,而

「小受」。
「小受」。《詩》曰:「受大國是達。」揚子曰:「痺虚無因,不能大受。」所謂「大受」、遠者,小人務知小者近者。」所謂「大知」、遠者,小人務知小者近者。」所謂「大知」、知」也。揚子曰:「師之所知貴大知也,小

曰:「水火,吾見蹈而死者,未見蹈仁而死,以所以養己,仁所以成己。養己者其必火所以養己,仁所以成己。養己者其蹈而死者矣,未見蹈仁而死者也。」

一世。蹈水火而死,匹夫匹婦之諒,蹈仁也。蹈水火而死,匹夫匹婦之諒,蹈仁也,成己者其利大,此仁所以甚于水火路而死者矣,未見蹈仁而死者也。」

❶ 「世」,上圖抄本作「時」。

死者也。」

稱師謂之畔,行不稱師謂之倍者,異矣。 思本、整襟、規矩其步,德遜不修則非忠 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、掛冠,不顧人命則非仁也,當其無事, 是、持冠,不顧人命則非仁也,當其無事, 是、持冠,不顧人命則非仁也,當其無事, 是、持冠,不顧人命則非仁也,當其無事, 是、持冠,不顧人命則非仁也,當其無事, 是、持冠,不顧人命則非仁也,當其無事, 是、持冠,不顧人。則非仁也,當其無事, 是、持冠,不顧人。則非仁也,當其無事, 是、持冠,不顧人。則非仁也,當其無事, 是、持冠,不顧人。則非仁也,當其無事, 是、持己,無所不告。聞斯行之,●

子曰:「君子貞而不諒。」

命無以爲君子」。荀卿曰:「君子能爲可而無以爲君子」。荀卿曰:「君子能爲可正,而外以求信于人,則是不恤己之孚,而言在己爲有義,在人爲有命。苟内不能自言在己爲有義,在人爲有命。苟内不能自求諸已。求諸己,故以正,不求諸人,以以求諸人,不求諸人,,人求諸人,不

貞,不能使人必信己,故不諒。信,不能使人必信己。」蓋能爲可信,故

子曰:「事君,敬其事而後其食。」

食」者也。古者男子生必先有志于事,然禄,●食功不食志。《詩》稱「不素餐」,精「先事而後禄」,皆「敬事後禄,●食功不食志。《詩》稱「不素餐」,君子之于仕,爲道不爲食。人君之授

子曰:「有教無類。」

後敢用穀,况事君乎?

在人者,不可以有擇,此所謂「有教無類」教在己,類在人。在己者,不可以有倦,

斯」。

8

衛靈公第十五

八五

^{● 「}之」,四庫底本作「斯」,館臣籤云「聞斯行之,之誤

釋語相應。「咎」下,上圖抄本有「勿恤其孚」一句爻畔,與下文解

^{) 「}授」,上圖抄本無此字。

也。 《詩》言「不顯亦臨,無射亦保」,皆無類故 《書》言「不協于極,不罹于咎,皇則受之」, 者,莊子之所與, 廀履者,孟子所不 也。 不答,非不教之也,不屑教也。 而教之哉,一應之以無我而已。故難 然孔子于孺悲則不見,孟子于滕更則 不幸而處于不善之類,君子其可求類 人受天地之中以生, 而 其 性未 嘗 拒。 不

子曰:「道不同,不相爲謀。」 焉。 道之同,雖異曲 内不可與語方外之道也。孔子之於陽貨, 而不相謀。 文者不遇,此《傳》所謂「薰、蕕不同器 王好等,而鼓瑟者不用,漢武尚武,而 瞷之而拜,孟子之于王驩,未嘗與言,齊 而問焉,君子所以誡國,賢人未當過而 何則? 故賢人所以誡世,聖人未嘗過 市井不可與語先生之言,方 而 相合,道之異,雖 同 問 時 好 而

> 鑿」之説,●若是而已。 藏,堯、桀不同國 而 治」也,太史公「員 枘

八六

子曰:「辭達而已矣。」

已。」蓋倣此者矣。 謂辭達者哉? 王通曰:「吾師也,辭 詭辭,其言雖多,皆辨者之囿而已,豈知所 史,少則不達。」彼鄒衍之談天,公孫 曰:「辭達而已矣。」《儀禮》曰:「辭 辭,達其意而已,夫豈多騁旁枝爲哉? 意者,辭之主,辭者,意之需。❷ 君子之 龍之 多 故 則

師冕見,及階,子曰: ·席也。」皆坐,子告之曰:「某在斯,某 「階也。」及席,子曰:

在

斯。」師冕出。子張問曰:「與師言之道

⁰ 「員枘 四 庫底本原作「負柄」, 館臣籤云「員枘訛 負

需」,上圖抄本作「寓」。

與?」子曰:「然,固相師之道也。」

乎人,有存乎地者。存乎人者才也,存乎鬼之附庸可以爲之乎? 蓋社稷之臣有存我之臣。」社稷之臣,其難也如此,而顓祉稷之臣。」社稷之臣,其難也如此,而顓衰終曰:「若張子之智,●陳平之無悮,絳侯表終曰:「周勃忠臣也,非社稷之臣。」揚

季氏第十六

季氏將伐顓臾。冉有、季路見于孔子曰:

季氏第十六

[「]君」,四庫底本作「居」,館臣籤云「君誤居」。

❷ 「長」,上圖抄本作「貴」。

[「]子」下、《法言》有「房」字。

八八

才,勢而已也。 地者勢也。顓臾之爲社稷臣者,非稱其

『且爾言過矣,虎兕出于柙,龜玉毀于櫝中,

是誰之過與?」 扶」。 爲之强戰,是輔桀也。」求、由均是輔桀,孔 閑之,是「虎兕出于柙」也, 顓臾在邦域之 之善以譬則龜 故能保其善。季氏之惡以譬則虎兕,顓臾 然後興,故先言「危而不持」,後言「顛而不 難于持。 中,而不能保之,是「龜玉毀于櫝中」也,故 君子以義事君,故能閑其惡,以仁處人, 子特責求者,以求嘗聚斂,勢必欲 曰:「求!無乃爾是過與?」顛甚于危,扶 孟子曰:「君不鄉道,不志于仁,而 危而持之,然後安, 顛而扶之, 玉。 季氏將伐顓臾,而 廣 不能 土

> 内也。」 吾恐季 求也相夫子,遠人不服,而不能來也, 則修文德以來之。既來之,則安之。今由與 貧,和無寡,安無傾。夫如是,故遠人不服 舍曰 後 崩離析,而不能守也, 不患寡而患不均,不患貧而患不安。 世 欲之而必爲之辭。丘也聞有國有家者 必爲子孫憂。」孔子曰: 孫之憂,不在 而謀動干戈于邦内。 顓臾,而 「求! 在 君子疾夫 蕭 蓋均無 牆之 邦分

師」,是所患在政之不均,❷而 厥事。」《詩》言尹氏「秉 貧,非知本 政之不均,而 也。 患民寡,民之不安,而 《書》言:「罔曰 國之鈞,不宜 民 不在 寡 民 一空我 惟 患國 寡 慎

冉有曰:「今夫顓臾固

而近于費。

今不取,

地

也。

外」。
●「勢必欲廣土地」,上圖抄本作「於內則其欲廣土地於

[「]所患在」,原誤作「在患所」,據上圖抄本改。

國貧也。 喪無日矣」,是故患在民之不安,●而不在 傾。 官》政典以均方,政職以聚百物,此「均無 民心,故無寡,安則其本固,故無傾。《周 不聚,非國害。上無禮,下無學,賊民興, 也。孟子言「地利不如人和」,又言「貨財 也。 文德以格有苗,太王施文德以治四國者 遠人猶不服,「則修文德以來之」,此舜敷 乎? 由均至于安,則在 之,爲終始也。不安而欲均之,不亦難 無以聚人安能無寡,寡則無與守邦安能 此「安無傾」也。 蓋均故和,和故安,貧則 寡」也。《書》曰:「民惟邦本,本固邦寧。」 貧」也。孟子言「得道者多助」,此「和無 然「不患貧而患不安」者,爲國家以安 史,是患寡 冉求之相季氏不如此,而謀 然均則得民財,故無貧,和則得 而不患不均,患貧而不患 内者無患矣。 動 干戈以 然 無

> 侯出,蓋十世希不失矣,自大夫出,五 出,天下無道,則禮樂征伐自諸侯出。 孔子曰:「天下有道,則禮樂征伐自天子 不失矣, 陪臣執國命, 三世希不失矣。 先王之盛時,五禮六樂掌之于宗伯,九伐 者、豈特爲蔽居處之具哉、凡皆有所寓也。 軍欲和,故其門謂之和門。 蕭之言肅也,朝欲肅,故其牆謂之蕭牆, 内」,其後陽貨果囚桓子,非其驗歟? 夫 謂「吾恐季孫之憂不在顓臾,而在蕭墻之 不安也。 之法掌之于司馬。 賜鈇鉞然後殺,賜圭瓚然後爲鬯,命之教 冉求曰「顓臾必爲子孫憂」,孔子 諸侯賜功矢然後征,❷ 古人之爲門牆 自諸 一世希

「故」,上圖抄本作「所」。

然後爲學,此所謂「非天子,不議禮,不制

❷ 「功」,當作「弓」。

人不議。」「天下有道,則政不在大夫。天下有道,則庶

所不敢。雖然,聖人猶爲之慮也。造言亂所不敢。雖然,聖人猶爲之慮也。造言亂有所限也。● 聖人王天下,先之以道德,而民知修爲而議有所不段,次之以仁義,而民知修爲而議有所不及,次之以仁義,而民知修爲而議有所不及,次之以仁義,而民知。與武之而無所議。以權有所在,分

猶夫壅川之流而致其潰哉? 議。于是乎有弭謗之禁,燔書之令,豈非 息矣。後世失道,而民入則 衆者有刑,析言破 律 者 有 殺,如 腹 《誹,出 此 則 横 則 巷 議

四世矣,故夫三桓之子孫微矣。」 孔子曰:「禄之去公室五世矣,政逮於大夫

謂「五世希不失」者也。
可知矣。故四世而三桓之子孫微矣,此所室,則政未必逮大夫,政逮大夫,禄去公室

諒,友多聞,益矣。友便辟,友善柔,友便佞,孔子曰:「益者三友,損者三友。友直,友

「三」上,上圖抄本有「陪臣不過」四字。

❷ 「五」上,上圖抄本有「大夫不過」四字。❶ 「不」上,上圖抄本有「諸侯」二字。

^{)「}限」,上圖抄本作「辯」。

^{] 「}民」,上圖抄本作「下」。

遊,樂宴樂,損矣。」樂道人之善,樂多賢友,益矣。樂驕樂,樂佚孔子曰:「益者三樂,損者三樂。樂節禮樂,

益者三樂,則先節禮樂。損者三樂,則先備,然後繼之以樂人之善,●樂多賢友。正,樂節則心和,●在己者備矣。在己者禮得其節則中,樂得其節則和。禮節則行

卷八

季氏第十六

謂之躁,言及之而不言謂之隱,未見顔色而孔子曰:「侍於君子有三愆:言未及之而言樂驕樂,驕非所以節禮,樂非所以節樂也。

言謂之瞽。」

無躁、瞽之愆;於可言之時而言,故無隱與言而言謂之傲,可與言而不言謂之隱,可與言而言,以言餂之;可與言而不言,以不言餂之。」以言餂之,可與言而言,以言餂之,可與言而言,以言餂之,可與言而不言,以不問人。 黃明大言,以言話之,可與言而不言,以不以不言話之。」以言話,非特躁而已,以不以不言話之。」以言話,非特躁而已,以不以不言。

0

有以和其心」。

0

[「]禮節」至「心和」,上圖抄本作「節禮有以正其行,節樂

[「]後」下,上圖抄本有「及其在人者」五字。

曰:「長者不及,毋儳言。」言,故人不厭其言,非無愆者歟?《禮》「時然後言」也。言有序,故悔亡,時然後之愆。此《易》所謂「言有序」,公明賈所謂

鬬,及其老也,血氣既衰,戒之在得。」 孔子曰:「君子有三戒:少之時血氣未定, 戒之在色,及其壯也,血氣方剛,戒之在 戒色; 行於脉中,陰也,行於脉外,陽也。 以有三戒也。 大於陰陽,爲陰陽所寇而無以勝之,則窮 血 事於戒得,三戒蓋 戒鬭,孔子七十而從心所欲不踰距,則 人欲而天理滅,豈善養生哉? 此君子所 心生。」揚雄亦曰:「老則戒之在得。」莊周 (黄帝書》曰:「血氣衰則 爲榮而行於脉中,氣爲衛而行於脉外。 顔淵不遷怒,犯而不校,則 然湯之不邇聲色,則無 以中 内虚 心 爲 内 内 制而 虚 無 寇莫 則 事 事 於 於 貪 無

少時尤宜戒也。在於老,而色之所戒非特少之時而已,蓋為之戒者,過也。」由是觀之,得之所戒常曰:「人之取畏者,衽席飲食之間,而不知曰:「人之取畏者,衽席飲食之間,而不知

人,侮聖人之言。」
聖人之言。小人不知天命而不畏也,狎大孔子曰:「君子有三畏:畏天命,畏大人,畏

天命,命我者也,大人,臨我者也,聖言,天命,命我者也。畏天命,畏天也,畏大人,畏人也,殿严言,畏天命也,孔子見所不見,畏大人也,臧榮拜六經,畏聖言也。帝乙之慢人也,臧榮拜六經,畏聖言也。帝乙之慢人也,臧榮拜六經,畏聖言也。帝乙之慢之事也。春秋之時,弑君殺大夫者無國無之事也。春秋之時,弑君殺大夫者無國無之,則不特狎大人而已。秦燔《詩》、《書》,

●「心」,上圖抄本作「人」。

彼。君子之畏,●小人之無畏,豈特三者稷,其次畏天,其次畏物,其次畏人,其次患,可,其次畏,其次畏则,而無畏則貨不殖,就是,其次畏天,其次畏制,商無畏則貨不殖,其次畏大,其次畏天,其次畏制,其次畏人,其次 是別。憂於身不拘於人,畏於己不制於則不特侮聖言而已。古人有言曰:「慎以則不特侮聖言而已。古人有言曰:「慎以則不特侮聖言而已。古人有言曰:「慎以則不特侮聖言而已。古人有言曰:「慎以則不特侮聖言而已。古人有言曰:「慎以則不特侮聖言而已。古人有言曰:「慎以

爲下矣。」也,困而學之,又其次也,困而不學,民斯也,困而學之,又其次也,困而不學,民斯孔子曰:「生而知之者上也,學而知之者次

而已哉? 孔子之言,舉其大者言也。

利仁也,因而學之畏罪者,强仁也,因而生而知之仁者,安仁也,學而知之知者,

孔子曰:「君子有九思:視思明,聽思聰,色

不學,則困蒙吝矣。●

難,見得思義。」思温,貌思恭,言思忠,事思敬,疑思問,忿思

思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思思於五行主土,百物非土不生,百事非思

「矣」,上圖抄本無此字,且下有「君」上,上圖抄本有「然則」二字。

字。「矣」,上圖抄本無此字,且下有「故曰民斯爲下矣」七

● 「脩」上,上圖抄本有「可謂」二字。

其斯之謂與? 其所之謂與? 其人矣,吾聞其語矣,未見其人也。」 以達其道。吾聞其語矣,未見其人也。」 以達其道。吾聞其語矣,未見其人也。」 以達其道。吾聞其語矣,未見其人也。」

激百世之清,故曰「民到于今稱之」。 故曰「吾見其人」。隱居求志,行義達道, 非聖人不能,故曰「未見其人」。夷、齊餓 非聖人不能,故曰「未見其人」。夷、齊餓

庭。曰:「學禮乎?」對曰:「未也。」「不學言。」鯉退而學《詩》。他日又獨立,鯉趨而過尽詩》乎?」對曰:「未也。」「不學《詩》,無以曰:「未也。當獨立,鯉趨而過庭。曰:「學陳亢問于伯魚曰:「子亦有異聞乎?」對

君子之遠其子也。」退而喜曰:「問一得三,聞《詩》,聞禮,又聞禮,無以立。」鯉退而學禮。聞斯二者。」陳亢

言」,●又教之以「正牆面而立」。教之以高」。《詩》之所至,禮亦至焉,故「不學以言」。《詩》之所至,禮亦至焉,故「不學及之以《詩》、禮而已。教之者仁也,遠之者其是之謂乎。 祖之才不足以語樂,故特教與言,以爲責善則夷,同宮則褻,●此君子與宮,以爲責善則夷,同宮則褻,●此君子與之。 古者父子之間不責善,命士以上則其是之謂乎。 孔子于鯉,教之以「無以其是之謂乎。 孔子于鯉,教之以「無以其是之謂乎。 孔子于鯉,教之以「無以之者」。《詩》,無志之所至、《詩》亦至焉,故「不學《詩》,無志之所至、《詩》,無志之所至、《詩》,無志之所至、《詩》,

^{● 「}褻」下,上圖抄本有「夷則賊恩褻則廢禮」八字。

[「]子」上,上圖抄本有「其」字。

[「]無」上,上圖抄本有「不學詩」三字。

而立」者,告之以約。詳説而繼以約者,善「無以言」者,告之以詳,教之以「正牆面

教之道也

邦人稱之亦曰君夫人。 邦人稱之曰君夫人,稱諸異邦曰寡小君,異邦君之妻,君稱之曰夫人,夫人自稱曰小童,

饗,廢夫人之禮,于此猶云者,蓋夫人之禮饗,廢夫人之禮,于此猶云者,蓋夫人之禮方之,其二,《詩序》曰「人君之德」,《禮》稱「女爲君」,《詩序》曰「人君之德」,《禮》稱「女爲君」,《詩序》曰「人君之德」,《禮》稱「女八字父母皆謂之「嚴君」,則夫人謂之君君」,皆以其出命正人故也。《易》之《家君」,皆以其出命正人故也。《易》之《家君」,皆以其出命正人故也。《易》之《家君」,《詩序》曰「人君之德」,《禮》稱「女高矣。蓋君于異邦曰「寡君」,故夫人謂之君之。蓋君于異邦曰「寡君」,故夫人謂之君,以言之。

明,而名之不正者多矣,故夫子因而正之。則言不順,言不順則事不成」,時之嫡庶不于大饗則廢,于聘問不廢也。夫「名不正

論語全解卷八

● 「衰」,四庫底本作「哀」,館臣籤云「衰周,衰誤哀」。

一九五

卷八 季氏第十六

論語全解卷九

宋 陳祥道 撰

陽貨第十七

我與。」孔子曰:「諾,吾將仕矣。」可謂知乎?」曰:「不可。」「日月逝矣,歲不謂仁乎?」曰:「不可。」「好從事而亟失時,「來」予與爾言。」曰:「懷其寶而迷其邦,可時其亡也,而往拜之,遇諸塗。謂孔子曰:時其

於魯豈主陽貨哉?故諾以仕而終不仕,於衛不主彌子瑕,於齊不主侍人瘠環,則亡,孔子稱其施而往報之,亦禮也。孔子其饋也以禮,孔子受之,禮也,其來也關其饋也以禮,孔子受之,禮也,其來也關

諾以仕者言遜也,終不仕者危行也。 天命之謂性,人爲之謂習。性則善惡混, 天命之謂性,人爲之謂習。性則善惡混, 爲性,不雜則清,莫動則平。通之爲川瀆, 則有以利物,升之爲霜雪,則有以害物。 木之爲性,其直則喬以折,其曲則樛以屈。 木之爲性,其直則喬以折,其曲則樛以屈。 者之以爲棟宇,則爲庇人之器,則有以害物。 大之爲性,其直則喬以折,其曲則樛以屈。 一方越、夷貉之子,生而同聲,長而異俗,教 便之然也。」●

■ 「也」下,上圖抄本有「此之謂乎」四字。

習之始,不移者,習之成。 與之爲惡則誅。 舜,禹、稷、卨欲與之爲善則行,鯀、驩兜欲 之而上。」與此同意。然《書》曰:「惟聖罔 不可與爲善,是謂下愚。」賈誼曰:「上主 則誅,崇侯欲與之爲惡則行。 是謂上智。 念作狂,惟狂克念作聖」者,罔念、克念者, 不可引而下,●下主可引之而下,不可引 而 不學者也,不移而爲智。 桀、紂,龍逢、比干欲與之爲善 可與爲善,不可與爲惡 班固 可與爲惡, 曰:「堯、

爲虐。

也。前言戲之耳。」也。前言戲之耳。」二二三子!偃之言是道則易使也。」」子曰:「二三子!偃之言是也聞諸夫子曰:「君子學道則愛人,小人學曰:「割雞焉用牛刀?」子游對曰:「昔者偃子之武城,聞弦歌之聲。夫子莞爾而笑,

則知禮,知禮故易使。子游爲武城宰,而君子學道則能仁,能仁故愛人。小人學道

兮。」惟和也,故善戲謔兮,惟中也,故不戲之也。《詩》曰:「善戲謔兮,不爲虐大而加損之哉? 然則割雞牛刀之説,特子之於天下無所施而非道,夫豈以衆寡小以道教民,可謂知本矣。 觀其責子夏之趨以道教民,可謂知本矣。 觀其責子夏之趨

吾其爲東周乎?」曰:「夫召我者,而豈徒哉? 如有用我者,曰:「夫召我者,而豈徒哉? 如有用我者,曰:「末之也已,何必公山氏之之也?」子公山弗擾以費叛,召,子欲往。子路不説,

蓋彼叛而召我者,豈欲得我而與爲不義從,其行義也,雖公山、佛肸之召則欲往。方其守道也,雖諸侯之善辭命者有所不方其守道也,雖諸侯之善辭命者有所不

● 「主」下,上圖抄本有「可引之而上」五字。

惠。 有功,惠則足以使人。」 天下爲仁矣。」請問之。 子張問仁於孔子。 也。 道,而終不往者以道處義。 可 哉 不可虧,故曰「磨而不磷」, 行純於外而 失人,以道處義則不失己,此所以爲孔子 有悔過、遷善之心而可與之爲東周者,其 磷與《考工記》所謂「敝而不甐」之甐同意。 不緇」,與《易》所謂「常雜而不厭」同意。 可變,故曰「涅而不緇」。「磨而不磷,涅 以棄 恭則不侮,寬則得衆,信則人任焉,敏則 夫堅譬則德,白譬則行。 殆 而不欲往乎? 亦 有 悔過、遷善之心焉耳。 孔子曰:「能行五者,於 曰:「恭、寬、信、敏、 故欲往者以 以義行道 德固於内 〕則不 夫 義 荷 不

> 佛肸召,子欲往。 能繫而不食?」 不曰白乎,涅而不緇。 也。」佛肸以中牟叛,子之往也,如之何?」子 夫子曰: 「親於其身爲不善者,君子不人 曰:「然,有是言也。不曰堅乎,磨而不磷, 爲仁曰信,則人任焉。 之所及, 恭」,終之以其「使民也義」,與此同意 人。孔子論子産之道,始之以其「行己也 使人者爲仁之效,故始之以恭,終之以使 所先也。● 於爲政曰信,●則民 恭、惠者,仁體之末而 子路曰:「昔者由 吾豈匏瓜也哉? 夫恭者爲仁之始 非爲政之 任焉,於 也 聞 焉 諸

「未也。」「居!吾語女。好仁不好學,其蔽也子曰:「由也,女聞六言六蔽矣乎?」對曰:

孔子言爲仁,則曰「恭、寬、信、敏、惠」,而

不及公,言爲政,則曰「寬、信、敏、公」,而

不及恭、惠。

蓋公者,王道之端而非子

^{● 「}所先」,上圖抄本作「大者」。

^{▶ 「}於」上,上圖抄本有「言民以有君,言人以有己」十字。

一、印、言,德生也,直、勇、驯,德亏也。好學,其蔽也亂,好剛不好學,其蔽也狂。」其蔽也賊,好直不好學,其蔽也絞,好勇不思,好知不好學,其蔽也蕩,好信不好學,

之,則子路之不好學可知矣。 不扶自直。何學之有?」其使子羔爲費宰 若陽處父是也。子路嘗曰:「南山 學」,則訐而不能容,故絞,若證父者是也。 言以害仁,故賊,若尾生是也。 「好直不好 故蕩,若儀、秦是也。 「好信不好學」,則復 翟是也。「好知不好學」,則動而不能静 仁、知、信,德性也,直、勇、剛,德行也。 德之序也,剛德之偏,故在勇下。 然言五 如此,仁、智、信五德之序也,直、剛、勇三 則曰:「何必讀書,然後爲學?」由是觀 好仁不好學」,則施而不能返,故愚,若墨 好勇不好學」,則暴而不怯,若賁、育是 「好剛不好學」,則强而不知節,故狂 故孔子告之 有竹,

仁、智、信、勇則履之、宜之而已,柔非所以德不及禮義,言三德不及柔者,禮義之於

告子路也。

君。多識於鳥獸草木之名。」可以觀,可以群,可以怨。邇之事父,遠之事子曰:「小子何莫學夫《詩》?《詩》可以興,

■ 「成」,四庫底本作「戌」,館臣籤云「戌當作成」。

也與?」人而不爲《周南》、《召南》,其猶正牆面而立人而不爲《周南》、《召南》、《召南》矣乎?子謂伯魚曰:「女爲《周南》、《召南》矣乎?

《書》云:「不學牆面。」又不特不學《問南》、《召南》,其猶正牆面而立也與?」《詩》之始。學《易》始於《乾》、《坤》,學《乾》、《坤》,《易》之門,《周南》、《召南》,《乾》、《坤》,《易》之門,《周南》、《召南》,

云,鐘鼓云乎哉?」子曰:「禮云,禮云,玉帛云乎哉? 樂云,樂

《詩》已。

其民爲禮,魏絳以殿萬邦來遠人爲樂,然歡愛爲樂之官。如叔齊以守國行政無失恭順爲禮之制。論倫無患爲樂之情,欣喜恭順爲禮之制。論倫無患爲樂之情,欣喜恭順爲禮之制。論倫無患爲樂之情,欣喜禮之實,樂仁義爲樂禮主於中而不在物,樂主於和而不在聲,

則聲之與文,豈與其間哉?●

子曰:「色厲而内荏,譬諸小人,其猶穿窬之

盗也與?」

子曰:「道聽而塗説,德之棄也。」子曰:「鄉原,德之賊也。」

也,患得之,既得之,患失之。苟患失之,無子曰:「鄙夫可與事君也與哉? 其未得之

所不至矣。」

之矜也忿戾, 古之愚也直,今之愚也詐而古之狂也肆,今之狂也蕩, 古之矜也廉,今子曰:「古者民有三疾,今也或是之亡也。

疾猶身之疾,故凡性之失其平者,皆謂之疾猶身之疾,故凡性之失其平者,皆謂之人之身,陰陽節通則平,偏倚則疾。性之

❶ 「間」,四庫底本作「聞」,館臣籤云「聞改間」。

之所驅除」云爾

言「庶人之愚,亦職惟疾」,孔子言「民有三 言「庶人之愚,亦職惟疾」,孔子言「民有三 」言「庶人之愚,亦職惟疾」,孔子言「民有三 」言「庶人之愚,亦職惟疾」,孔子言「民有三 」言「庶人之愚,亦職惟疾」,孔子言「民有三 」言「庶人之愚,亦職惟疾」,孔子言「民有三 是則詐而有所欺。孔子之門,若曾哲、琴 思則詐而有所欺。孔子之門,若曾哲、琴 思則詐而有所欺。孔子之門,若曾哲、琴 思則;而有所欺。孔子之門,若曾哲、琴 。其志嘐嘐然,可謂狂矣,子貢正衣冠 。其志嘐嘐然,可謂狂矣,子貢正衣冠

惡利口之覆邦家者。」子曰:「惡紫之奪朱也,惡鄭聲之亂雅樂也,子曰:「巧言令色,鮮矣仁。」

惡之。《傳》曰「紫色鼃聲,餘分閏位,聖王紫亂正色,鄭亂正聲,利口亂正言,故孔子

小子何述焉?」子曰:「天何言哉? 四時行子曰:「予欲無言。」子貢曰:「子如不言,則

焉,百物生焉,天何言哉?」

孺悲欲見孔子,孔子辭以疾。將命者出户,萬物有成理而不説。聖人原天地之美,達萬物有成理而不説。聖人原天地之美,達

也,不教之教而已。然則君子之教者,不之教也。孔子之於孺悲如是,非教之教蓋五者之教,教之教也,不屑之教,不教

爲多術乎?

宰我問:「三年之喪,期已久矣。君子三年

取瑟而歌,使之聞之。

❶ 「日」,四庫底本原作「曰」,館臣籤云「日誤曰」。

之喪,天下之通喪也。予也有三年之愛於其一之喪,天下之通喪也。予也有三年之愛於其曰:「食夫稻,衣夫錦,於女安乎?」曰:「安。」「女安,則爲之!」辛我出。子曰:「予之不仁不甘,聞樂不樂,居處不安,故不爲也。今女不甘,聞樂不樂,居處不安,故不爲也。今女不,則爲之!」宰我出。子曰:「予之不仁也!子生三年,然後免於父母之懷。夫三年之愛於其也!子生三年,然後免於父母之懷。夫三年不爲禮,禮必壞,三年不爲樂,樂必崩。舊不爲禮,禮必壞,三年不爲樂,樂必崩。舊

其説誤矣。 其説誤矣。 其説誤矣。 其説誤矣。 其前以出之,所以爲其痛極也。由是而殺 所以出之,所以爲其痛極也。由是而殺 以出之,所以爲其痛極也。由是而殺 是 以有殺,非因殺而有隆焉。《禮 問鉅者其日久,痛甚者其愈遲。三年之喪 以母乎!」

博弈者乎? 爲之,猶賢乎已。」子曰:「飽食終日,無所用心,難矣哉!不有

或以爲待君子者,誤矣。 待君子,亦以爲特賢乎,●無所用心而已。者乎? 爲之,猶賢乎已。」蓋博弈非所以者,所以,此矣哉,不有博弈,此人之性,勞則易以善,佚則易以淫,故曰:

義爲盗。」 爲上,君子有勇而無義爲亂,小人有勇而無子路曰:「君子尚勇乎?」子曰:「君子義以

浮海則曰「無所取材」,於其聞斯行諸則曰專諸是也。「小人有勇而無義爲盗」,若荆軻、勇而無義爲亂」,若好勇不好學,其蔽也亂義以勇爲輔,此義所以爲上也。「君子有勇非義不立,義非勇不行,則勇以義爲主,

宜删」。

^{● 「}亦」下,四庫底本有「非」字,館臣籤云「亦非,非字多,

者,義爲質則禮文,義爲上則勇下。● 超無道」,則其問勇而對之以義宜矣。 孔 要無道」,則其問勇而對之以義宜矣。 孔 對所為四「君子以心導耳目,立義以爲 子謂子路曰「君子以心導耳目,立義以爲 子謂子路曰「君子以心導耳目,立義以爲 不護以爲可」, 一

託以爲直者。」 乎?」「惡徼以爲知者,惡不孫以爲勇者,惡無禮者,惡果敢而窒者。」曰:「賜也亦有惡惡稱人之惡者,惡居下流而訕上者,惡勇而惡稱人之恶者,惡居下流而訕上者,惡勇而子貢曰:「君子亦有惡乎?」子曰:「有惡。

曰:「不得而非其上,非也。」揚子賊義近何?」此所以「惡稱人之惡者」也。孟子也。」孟子曰:「言人之不善,當如後患者也,博辨廣大而危其身者,發人之惡者

理 () (

孫,遠之則怨。」 子曰:「唯女子與小人爲難養也,近之則不

字多,宜删」。

^{) 「}勇」上,四庫底本有「爲」字,館臣籤云「則爲勇下,爲

年彌高德彌劭,君子之所善也。「年四十 之則不孫」,不知義,故「遠之則怨」。 女子、小人不知禮義者也。不知禮,故「近

子曰:「年四十而見惡焉,其終也已。」 知矣。 宜其爲人所敬畏而不見惡焉。爲人見惡 而已焉,故也。 而不見畏,孔子亟言而深斥之,爲其終此 而見惡焉,其終也已」,則年彌高德彌消可 四十者强仕之年也,當强仕之際,

微子第十八

曰:「殷有三仁焉。」 微子去之,箕子爲之奴,比干諫而死。孔子

微子去,所以存商之祀,箕子奴,所以貽 則「明夷于飛,垂其翼」者也,利而不正, 天下之法, 比干死, 所以示人臣之節。去

> 謂之仁。 雖殊,然去者仁之清,奴者仁之和,死者仁 而能 死則過涉滅頂者也,正而不利, 以箕子避紂於朝鮮,誤矣。 然後釋箕子之囚,則箕子未嘗去商。而史 奴,然後比干死,事辭之序也。武王克商, 之任,皆其自靖以趨於仁而已,此所以均 正其志者也,利而且正。 蓋微子去,然後箕子奴, 三者之所趨 奴則 箕 子 内 難

乎?」曰:「直道而事人、焉往而不三黜? 柳下惠爲士師,三黜。人曰:「子未可以去 枉道而事人,何必去父母之邦?」

事也。 賢。」則柳下惠不以退爲事也,又曰「 孟子曰:「不羞汙君,不辭小官。 三黜而不去者,蓋柳下惠以止爲事者也。 止,豈非所謂以止爲事者哉? 而不怨,阨窮而不憫」,則柳下惠不以進爲 以其在於進退之間,援 柳下惠繼 圃 進不隱 止 一之而 遺佚

La,然後下La Ninto。 伯夷者也,伯夷繼伊尹者也,繼柳下惠者

孔子,然後言孔子之去就。

孔子行。季、孟之閒待之。」曰:「吾老矣,不能用也。」季、孟之閒待之。」曰:「吾老矣,不能用也。」齊景公待孔子曰:「若季氏,則吾不能,以

之。」然後行,去他國之道也。 曰:「若季氏,則吾不能,以季、孟之閒待孔子於齊景公,有際可之仕,至於景公

子行。 齊人歸女樂,季桓子受之,三日不朝,孔

樂,而桓子受之,三日不朝,然後行,去父孔子於季桓子,有行可之仕,及齊人歸女

母國之道也。

言,趨而辟之,不得與之言。 已而!今之從政者殆而!」孔子下,欲與之德之衰? 往者不可諫,來者猶可追。已而,楚狂接輿歌而過孔子曰:「鳳兮,鳳兮!何

> 柳下惠則不屑去者也,楚狂接輿、長沮、桀称、荷蓧丈人,則不屑就者也。孔子去齊、若魯則非不屑去,●以爲斯人之徒,則非不屑就。接輿知孔子有鳳之德,不知孔子所謂隱者不易乎世也。● 桀溺知天下之所謂隱者不易乎世也。● 桀溺知天下之所謂隱者不易乎世也。● 桀溺知天下之所謂當今之世,欲從其政則其身必危。鳳有道也。」蓋接輿遊方之外者也,故其行雖與孔子止,等則行之,憂則違之而已。接輿欲孔子止,無別行之,憂則違之而已。接輿欲孔子止, 提與知孔子有鳳之德,不知孔子上, 則行之,憂則違之而已。接輿欲孔子止, 是則之歌鳳也,故其行雖與孔子止, 是則非不屑去者也,楚狂接輿、長沮、桀柳下惠則不屑去者也,楚狂接輿、

長沮、桀溺耦而耕,孔子過之,使子路問津

^{) 「}去魯」,上圖抄本無此二字。

❷ 「易乎世也」,上圖抄本作「屑」。

也。」曰:「是知津矣。」「爲孔丘。」曰:「是魯孔丘與?」曰:「是魯孔丘與?」曰:「是惡言。 長沮曰:「夫執輿者爲誰?」子路曰:

蓋非其周流也。

哉!」耰而不輟。 世,豈若從辟世之士曰:「滔滔者天下皆是也,而誰以易之? 且由。」曰:「是魯孔丘之徒與?」對曰:「然。」由於桀溺。桀溺曰:「子爲誰?」曰:「爲仲問於桀溺。桀溺曰:「子爲誰?」曰:「爲仲

天下無道則孔子與易之,以謂「滔滔者天長沮、桀溺所謂固矣,孔子疾固者也。惟

下皆是也」,誤。

不與易也。」群,吾非斯人之徒與而誰與? 天下有道,丘群,吾非斯人之徒與而誰與? 天下有道,丘子路行以告。夫子憮然曰:「鳥獸不可與同

亦人耳,若非與人爲徒,則誰與乎? 彼非遯於山林,是與鳥獸同群也。子之言曰吾

無道,故吾思有以易之。若其有道也,吾我以天下皆無道,誰以易之。蓋不知惟其

不與易也。

子路從而後,遇丈人,以杖荷蓧。子路問已,「子見夫子乎?」丈人曰:「四體不勤,五穀不分,孰爲夫子?」植其杖而芸。子路二二子焉。明日,子路行以告。子曰:「隱者二子焉。明日,子路行以告。子曰:「隱者二子焉。明日,子路行以告。子曰:「隱者二子焉。明日,子路行以告。子曰:「隱者二子焉。明日,子路行以告。子曰:「隱者二子焉。明日,子路行以告。子曰:「隱者二子焉。明日,子路行以告。子路問之矣。」

知君臣之義,知潔其身,而不知大倫,豈不若大倫之不亂。荷礤知長幼之節,而不夫長幼之節,不及君臣之義,一身之潔,,道雖不行,不可無仕,不仕者無義而已。

仲、夷逸、朱張、柳下惠、少連,然後可以謂隱而已,非逸民也。 至于伯夷、叔齊、虞而不仕於無義則在時。 在時、在己,則亦所謂知務者哉? 蓋仕而行其義則在己,

矣,言中倫,行中慮,其斯而已矣。」夷、叔齊與!」謂:「柳下惠、少連,降志辱身惠、少連。子曰:「不降其志,不辱其身,伯逸民:伯夷、叔齊、虞仲、夷逸、朱張、柳下之逸民也。

故特曰「言中倫、行中慮」而已。 故内則降其志、外則辱其身。然志雖降而言不失其倫、身雖辱而行不役其慮。蓋言不失其倫、身雖辱而行不役其慮。蓋言不失其倫、身雖辱而行不役其慮。蓋於不辱其身。柳下惠、少連、則和而不清,伯夷、叔齊、則清而不和、故內不降其志、

謂:「虞仲、夷逸,隱居放言,身中清,廢

虞仲、夷逸,隱居則中權。

放言,倫非放言矣。以合道。蓋倫有經權,有常變,以中權爲中權」。中清則污俗不能染,中權則反經虞仲、夷逸,隱居則「身中清」,放言則「廢

我則異於是,無可無不可。」

陽、擊磬襄入于海。缺適秦,鼓方叔入于河,播鼗武入于漢,少師缺適秦,鼓方叔入于河,播鼗武入于漢,少師大師摯適齊,亞飯干適楚,三飯繚適蔡,四飯

古者有官守者,不得其職則去。然記此

猶異於長沮、桀溺之徒,專以隱爲事也。君子知進退之義,則不盡於此矣。 雖然,者,以明樂工之賤,亦知去就之義。 若夫

忽、叔夜、叔夏、季隨、季騧。於一人。」周有八士:伯達、伯适、仲突、仲怨乎不以。故舊無大故,則不棄也。無求備周公謂魯公曰:「君子不施其親,不使大臣

去就之義,故前此而言之,八士,則事人去就之義,故前此而言之,八士,則事人思,可以使君怨其不爲用乎? 故舊無大臣其可以使君怨其不爲用乎? 故舊無大臣其可以使君怨其不爲用乎? 故舊無大臣不棄,則君無大故而可以去之乎? 君氏此欲自盡其恕,以循理進退故也。紀周公之言,所以成微子之義。工師之賤,有公之言,所以成微子之義。工師之賤,有公之言,所以成微子之義。工師之賤,有公之言,所以成微子之義。工師之賤,有以心,則是其可以求備於一人,則臣其可以求備於君乎? 对此欲自盡其恕,以循理進退故也。紀為是之親,故前此而言之,八士,則事人

曰「文王詢於八虞」,而説之者以爲八士。 一口「文王詢於八虞」,而説之者以爲此言之。 而是養之説,殆不然矣。成周之時,士之所以爲士者,有德行道藝以自重,非若六所以爲士者,有德行道藝以自重,非若六所以爲士者,有德行道藝以自重,非若六所以爲大者,有德行道藝以自重,非若六所以爲大者,有德行道藝以自重,非若六所以爲大者,有德行道藝以自重,非若六所以爲大者,有德行道藝以自重,非若六所以爲大者,有德行道藝以自重,非若六所以爲大者,有德行道藝以自重,非若六所以爲大人。後世因爲飰而吐哺、沐事者千有餘人。後世因爲飰而吐哺、沐事者千有餘人。後世因爲飰而吐哺、沐事者千有餘人。

論語全解卷九

[「]還」,上圖抄本作「執」。

❷ 「貌」、上圖抄本、四庫底本作「貞」。

論語全解卷十

宋 陳祥道

子張第十九

喪思哀,其可已矣。」 子張曰:「士見危致命,見得思義,祭思敬,

非見得 子張論士,則曰「見危致命,見得思義」者。 孔子論成人,則曰「見利思義,見危授命」, 授命,授君之命而不廢,致命,則致君之 見利而忘其真者也。成人於不以在己者 則在己,利則不必在己。 命以死制而已,此成人所以與士異也。得 而忘其形者也,「見利思義」, 「見得思義 則非 二,則

撰 先,士以事君者爲先。

命,而後見得思義。

蓋

成人以成己者爲

見利思義,而後見危授命,

或先見

危致

或先

則能思之,士則能思其在己者而

焉能爲亡?」 子張曰:「執德不弘,信道不篤,焉能爲有? 德有體,故可執,道無體,故信之而已。

《詩》曰:「人之云亡,邦國殄瘁。」能爲亡 哉?《傳》曰:「彼有人焉,能爲有者也。」 弘,信道篤,有之則爲盈,亡之則爲虚,此 弘則張而大之也,篤則行而至之也。 能爲有、爲亡者也。執德不弘,信道不篤 漢,隱若一敵國,是亦能爲有者也。 者也。若周亞夫之得劇孟 有之不爲益,亡之不爲損,其能爲有、爲亡 之亡,漢高以爲失左右手,是亦能爲亡者 然此特可以爲有、爲亡而已。 ,世祖之得吴 與夫執 執德 蕭 何

在大家儿,主要了发生,大量大家儿。 能弘道」是也。凡言道德,先道而後德,出是也,於道言篤,而有所謂弘,孔子曰「人是也,於道言篤,而有所謂弘,孔子曰「人不所謂篤,《易》曰「篤實輝光,日新其德」德弘、信道篤者,有間矣。然於德言弘,而

不失人,●仁也,不失己,義也。子夏所云與之,則不失人,不可者拒之,則不失己。可者不以道,其接也不以禮,雖滕更、儲子,孟不以道,其接也不以禮,雖滕更、儲子,孟其交也以道,其接也以禮,雖互童、原壤,

所謂道與禮也。 者盡之矣。● 子張則以賢不賢異之,非知

泥,是以君子不爲也。」子夏曰:「雖小道,必有可觀者焉。致遠恐

斯害己。 斯害己。 以明以謂之小道也。君子爲其大恐泥,此所以謂之小道也。君子爲其大恐泥,此所以謂之小道也。君子爲其大所長,有所用,則可觀,不該不徧,則致遠用。雖然,不該不渝,一曲之士也。」蓋有莊子曰:「百家衆技,皆有所長,時有所

子夏曰:「日知其所亡,月無忘其所能,可謂

好學也已矣。」

「人」,四庫底本作「之」,館臣畿云「不失人仁也,人誤日知其所亡,知新也,猶之「智及之」者

0

❷ 「子夏」,四庫底本作「子貢」,館臣籤云「子夏誤子貢」。

新然後温故,則其所已知者少,而其所未 者多,而其所未知者少,故可以爲師。 爲好學者。 餘之勤,而女工有一月四十五日之説。 知者多,故可謂好學而已。 古之人其勤 師,子夏以「日知其所亡,月無忘其所能 也,月無忘其所能,温故也,猶之「仁能守 月斯征。」則其愛日也至矣。 其爲好學者哉? 夫日不知其所亡,月而忘其所能者,安在 至於愛日,其極有至於競辰,故學者有三 孔子以「温故而知新」可以 温故然後知新,則其所以已知 《詩》曰:「我日斯邁,而 則 知 有

中。

則所辯者必惑。「博學、切問」則質諸外,必失,切問以辯之,而不能近思以精之,博學以知之,而不能篤志以有之,所知者

至於思,則有得仁之道而已,故曰「仁在其之」。蓋學而至於行,則可以得仁。學而之」,《中庸》曰「博學之」,而終之以「仁以行」以聚之,問以辯之」,而終之以「仁以行盡性,●此仁行所以在其中也。《易》曰所以窮理,「篤志、近思」則資諸内,所以

其道。」 子夏曰:「百工居肆以成其事,君子學以致

所以告之。子夏以工之居肆譬務學,孔子致其道。時之人知事事而不知事道,知事致其道。時之人知事事而不知事道,知事致其道。時之人知事事而不知事道,知事正。百工,事事者也,然不居肆不足以成工。百工,事事者也,然不居肆不足以成工。百工,事事者也,然不居肆不足以成工。百工,事事者也,然不居肆不足以成

「所」,上圖抄本作「將」。

道,而所以自致之則在人,莊子亦曰:「致 致。」今此言「學以致其道」,蓋不可致則在 以 道者忘心。」 姑以明學之大致而已。莊子曰:「道不可 友,●則其致道也孰正之哉? 子夏之言 工 一之事 雖 成 而 未 必善,務 學 圃 不 取

子夏曰:「小人之過也必文。」

子之過謝以質,小人之過謝以文。」 吝則小人,不吝則君子。司馬遷曰:「君 欲之而必爲之辭,必文也。 古之制字者 文,小人作僞,其過也以人不知爲幸,故 君子作德,其過也以人知之爲幸,故不 以口文過爲吝。蓋吝則不改,改則不吝, 人皆見之,不文也。冉求之於顓臾,舍曰 必文。周公之於管、蔡,其過如日月之食,

> 儼然」者也。 厲,此所以謂之變。孔子威而不猛,「望之 倍」,故聽其言也厲。蓋望之儼然,則疑於 也厲」者也。 不厲,及聽其言則厲,儼然而温,温 色斯近信」,故即之也温,「出辭氣斯遠 動容貌斯遠暴慢」,故望之儼 小人則貌輕而不嚴,色厲而 温而厲,「即之也温,聽其言 然,「正 顔

厲己也。信而後諫,未信,則以爲謗己也。」 子夏曰:「君子信而後勞其民,未信,則以爲 信而後勞其民者也,量而後人,不入而後 信著於民,然後勞之而不辭,信著於君, 量,信而後諫者也。《易 然後諫之而不疑。 説以先民,民忘其勞, 晉》之六三日

温,聽其言也厲。]

子夏曰:「君子有三變: 望之儼然,即之也

不温,言佞而不厲

[「]友」,上圖抄本作「交」。

「衆允,●悔亡」,志上行也。《革》之九四「改命」之「吉」,信志也。蓋衆不允,不可以有民志,不信,不可以改命信,若《晉》之六三、《革》之九四,然後可以無厲己、謗之之悔矣。魏永之於龍門,下車而廣公己之悔矣。魏永之於龍門,下車而廣公己之悔矣。魏永之於龍門,下車而廣公己之悔矣。魏永之於龍門,下車而廣公元之悔矣。魏永之於龍門,下車而廣公司之情其說而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信而諫者也。孔子未值其説而見誅,此未信者其可以而入。

德之至。」此「大德不踰閑」者也。《易》出入可也。孟子曰:「動容周旋中禮,盛常爲體,故不踰閑,庸則以小變爲用,故大德,中德也,小德,庸德也。中則以大子夏曰:「大德不踰閑,小德出入可也。」

應物而有變,與此同也。 德敦化」也,蓋敦化則立本而有常,川流則「小德出入可也」。《禮》曰「小德川流,大曰:「行過乎恭,喪過乎哀,用過乎儉。」此

木,其始種之與移而植之,不可以同區,其不頓,孰當先傳? 孰可後倦? 譬之草子游譏之,責之以頓也。君子之教人漸而於應對,其容則止於進退,教之以漸也。於應對,其容則止於進退,教之以漸也。

❶ 「允」,四庫底本作「兑」,館臣籤云「衆允,允誤兑」。

大小不同故也。列子曰:「學視者先見輿大小不同故也。列子曰:「學視者先見輿薪,學聽者先聞撞鐘。」夫見輿薪未足爲善聽。洒掃應對進退未足爲善學,然非濟語應對進退不足以致其本,●此《學記》所謂應對進退不足以致其本,●此《學記》所謂應對進退不足以致其本,●此《學記》所謂應對進退不足以致其本,●此《學記》所謂。一一 「先其易者,後其節目」也。然則君子之道,焉可誣也? 若夫有始以致其本,有卒以致其本,但以致其本,有卒以致其末者,惟聖人而已。子夏以有始有以致其末者,惟聖人而已。子夏以有始有。 以爲子夏歟?

子游曰:「喪致乎哀而止。」

者,孰與此哉? 然則不學而仕,則是未能好,故不以仕廢學。非念終始典于學己不忘乎爲人,故不以學廢仕,爲人不忘己不忘乎爲人,故不以學廢仕,爲人不忘己,故以。君子學以爲己,仕以爲人。爲子夏曰:「仕而優則學,學而優則仕。」

惟君子爲能盡之。

亂大倫者也。學而仕則仁,仕而學則智,而棄天爵者也,學而不仕,則是潔其身而操刀而製錦者也。仕而不學,則是得人爵

^{● 「}本」,四庫底本作「末」,館臣籤云「致其本,本誤末」。

他可能也,其不改父之臣與父之政,是難曾子曰:「吾聞諸夫子: 孟莊子之孝也,其

能也,其爲孝,亦在去取之域矣。 子不改父之臣與父之政,則非中道,是難矣,不能同故也。「父在觀其志,父没觀其矣,不能同故也。「父在觀其志,父没觀其能也。」

勿喜!」「上失其道,民散久矣。如得其情,則哀矜而「上失其道,民散久矣。如得其情,則哀矜而孟氏使陽膚爲士師,問於曾子。曾子曰:

情,則哀矜而勿喜」,以罪在上,不盡在民道,民散久矣」,故曾子謂陽膚曰「如得其之,以刑不足恤也。衰周之時,「上失其不離,安於下而不散。及其有罪然後治大比以比之,荒政以聚之,則民附於上而先王之於民,有九兩以繫之,本俗以聯之,

以此。殺,魯有父子訟,孔子爲司寇而舍焉,殺,魯有父子訟,孔子爲司寇而舍焉,不可刑也。商人群飲,周公戒康叔以勿也。蓋三軍大敗,不可斬也,獄犴不治,

也,人皆見之,更也,人皆仰之。」子貢曰:「君子之過也,如日月之食焉,過君子惡居下流,天下之惡皆歸焉。」子貢曰:「紂之不善,不如是之甚也。是以子貢曰:「紂之不善,不如是之甚也。是以

文而難解,故必以人不知之爲幸。以人知之爲幸。小人之過,過於薄,雖必君子之過,過於厚,如日月之食而皆見,故

道焉。夫子焉不學,而亦何常師之有?」其大者,不賢者識其小者。莫不有文、武之曰:「文、武之道,未墜於地,在人。賢者識衛公孫朝問於子貢曰:「仲尼焉學?」子貢

者見之之謂智。「賢者識其大者,不賢者聖人之道無所不在,仁者見之之謂仁,智

二六

子乎?」子貢曰:「君子一言以爲知,一言以

謂立之斯立,道之斯行,綏之斯來,動之斯猶天之不可階而升也。夫子之得邦家者,所爲不知,言不可不慎也。夫子之不可及也,

及也?」和。其生也榮,其死也哀,如之何其

口

陳子禽之仰仲尼,●則譬之天,以言其高思,則譬之以日月,以言其明而不可知也。 一、則譬之以日月,以言其明而不可知也。 一、則譬之以日月,以言其深,日月言其明,天以爲仲尼。宮牆言其深,日月言其明,天以爲 一、則譬之以宫,以爲仲尼,則譬之以宫,以爲仲尼,以爲仲尼。宮牆言其深,日月言其明,天

也, 仲尼, 日月也, 無得而踰焉。人雖欲自宏, 如, 不得其門者或寡矣。夫子之云, 不亦宜富。得其門者或寡矣。夫子之云, 不亦宜事。得其門者或寡矣。夫子之云, 不亦宜乎!」
以孫武叔毀仲尼。子賈曰:「譬之宮牆, 不得其門者或寡矣。夫子之云, 不亦宜乎!」

^{● 「}取」,上圖抄本作「亦」。

❷ 「仰」,依文義疑當作「抑」。

子嘗曰:「如

有用我者,三年有成。」又

治至於和則樂矣,所謂成於樂者此也。

孔

之效也。

立然後行,行然後來,來然後和,

立然後道,道然後綏,綏然後動,其有爲之

「百姓如喪考妣」,不過如此,蓋其有爲也。

其言各有所當爾。 揚子 此道而已。 曰:「如有用我者,吾其爲東周乎?」蓋用

斯來,動之斯和。其生也榮,其死也哀,如一得邦家者,所謂立之斯立,道之斯行,緩之此,子貢之言,亦其粗者而已矣。「夫子之此,子貢之言,亦其粗者而已矣。「夫子之此,子貢之言,亦其粗者而已矣。「夫子之此,子貢之言,亦其粗者而已矣。」夫子政时,不特乎可以也。其言各有所當爾。揚子而不可及也。其言各有所當爾。揚子

堯曰第二十

堯曰:「咨!爾舜!天之曆數在爾躬,允執其

中。

四海困窮,天禄永終。」舜亦以命禹

人。天事數在爾躬,以其有命,宜民、宜人, 是數也,變化待之以成,鬼神待之以 也。是數也,變化待之以成,鬼神待之以 也。是數也,變化待之以成,鬼神待之以 是數也,變化待之以成,鬼神待之以 數在天,曆在人,非數無以作曆,非曆無以

歌之故榮,死則天下哭之故哀。堯之治天

下,其効至於「黎民於變時雍」,其死至於

以德莫不來,動之以樂莫不和。

生則天下

「子貢」,原無,今據揚雄《法言》補。

0

也。

之何其可及也。」立之者政也,道之者教

有政以立之,有道以教之,然後綏之

「禹、湯罪己, 其 興 也勃然; 桀、紂

足以宜民人,天禄其有不終乎? 蓋「允執 受禄于天。然則不能「允執厥中」,至於「四 海困窮」,則於内不足以備百福,而於外不 曰:

厥中」,所以教之也,「四海困窮」,所以戒之

君民之事,然後至於「四海困窮,天禄永 心」,然後至於「允執厥中」,又繼之以言謀 也。《書》言「天之曆數」,繼之以「人心」「道

終」,此則略之者,反説約故也。

帝,有罪不敢赦。帝臣不蔽,簡在帝心。朕 躬有罪,無以萬方,萬方有罪,罪在朕躬。」 曰:「予小子履敢用玄牡,敢昭告于皇皇后

恩言之謂之天子,以義言之謂之帝臣。 人君之於天,猶子之於父,臣之於君,故以 「有罪不敢赦」,所謂不敢不政也。 「帝臣

> 我有周秉德不康寧,乃惟爾自速辜。」此又 於人,蓋以此歟?《書》之《多方》曰:「非 罪人不罪己者。蓋教告己備,而有不用降 人,其亡也忽焉。」聖人所以執左契而不責 罪

爾命者,乃其自速之也。

天下之民歸心焉。所重:民、食、喪、祭。 官,四方之政行焉。興滅國,繼絶世,舉逸民, 周有大賚,善人是富。「雖有周親,不如仁人。 則得衆,信則民任焉,敏則有功,公則説 百姓有過,在予一人。」謹權量,審法度,修廢 寬

《書》曰:「大賚于四海,而 《詩》曰:●「賚,予也。言所以欽予善人 萬 姓 説服。」

罪,無以萬方,萬方有罪,罪在朕躬」,所謂

不蔽」,所謂罪大而不可掩也。「朕躬有

以得爲在人,以失爲在己也。《春秋傳》

⁰ 頌·費》小序。 「詩」,原誤作「註」,據上圖抄本改。下引文出《詩・周

言

《易》言「赦過宥罪」,則罪重於過矣。 官》「八柄」「廢以馭其罪」、「誅以馭其過」, 是紂雖有周之親,不如周有仁人也。 家與小人勿用,惟武王盡之矣。「周親 小人勿用,而不知開國承家也。 過大縣數四,所加特進、朝請而已。 是知 違,雖寇、鄧之高勳,弇、賈之鴻烈,分土不 裂土而封之,終以賈亂。 彭、盧、韓、英、鬻繒、屠狗、輕滑之徒,莫不 賚,善人是富」。 漢高祖之用人,下至於 不善之小人不以禄富之矣,故曰「周有大 愚,而小人皆在所用,及其開國承家,則 也。」●蓋方用兵之時,使智勇,使貪,使 無道,微子去之,周之有道,微子歸之。 自紂言之也,「仁人」,自周言之也。紂之 而不知小人勿用也。光武之興,監前事之 萬方有罪,罪在朕躬」,於周言「百姓有 是知開國承家 知開] 於商 國承 《周 過,在予一人」,則周之責己尤重也。 善人與仁人,以周見之也。於周言善人言 不如善人而已。於湯言伐桀之事,而不言 不足,仁人於善爲有餘。言善人又言仁 之謂善,盡人之道之謂仁,則善人於仁 量,審法度,修廢官,興滅國,繼絶世,舉逸 政未必行。不知興滅國,繼絶世,舉逸民 然不知謹權量,審法度,修廢官,則四方之 之者,又有善人與仁人,則治之本立矣。 厥中,而不言之者,以舜、禹見之也。 夫君 是觀之,湯之建中,周之用皇極,非不允執 人,則賚而富之者不必皆仁人,周親 則天下之心未 人者,其自任則以執中與罪己,其所以輔 仁人,而不言伐紂之事,以湯見之也。 必歸。 故又繼之以「謹權

欽」,上圖抄本作「錫」,與《詩·周頌 費》小序合。

由

可欲

爲

不特

乎人。權量者,法度之所出,法度者,百 四 而 官之所守。謹權量,審法度,則法有所明, 民」也。 成,以正四國」。然則權量之於政,其可以 事掌其度量,●合方氏於度量則一之,●行 禹則關石和鈞。《周官》内宰出其度量,司 以齊遠近,立民信。故舜則同律度量衡, 同天下,齊風俗。又曰同律度量衡權,所 不謹乎? 夫國不可滅而滅者,天下莫不 人於度量則同之,故量之《銘》曰「嘉量既 心也。衰周之時,若齊之四量,陳氏三量, 舉。今也因天下之望,興之而不廢,繼之 繼,逸民不可遺而遺者,天下莫不望其 望其興,世不可絶而絶者,天下莫不望其 而不絶,舉之而不遺,此天下之民所以歸 [方無 四方無異制,修廢官,則法有所行,而 :廢事。 蓋制而用之存乎法,推而行之存 權衡,度量,其度量衡所 以

> 綱紀文章,則法度之不審可知矣。《大東》 則權量之不謹可知矣。《詩》之《蕩》刺無 孔子言帝王之政而尤詳於此也。 刺絶功臣之世,則絶世之不繼可知。《隰 則官之廢者可知矣。《春秋》譏滅國五十 刺南箕、北斗、長庚、啟明皆有名而 設官有方,故以四方言之,施德立賢 桑》刺君子在野,則逸民之不舉可知。 二,❸則滅國之不興可知。《詩》之《裳華》 也,寬、信、敏、公者,常德也。 天下者固有常德。 民、食、喪、祭者,常重 方,故以天下言之。 夫天下固有常重,爲 重民五教,惟食、喪、祭。」蓋非民無以守 《書》曰: 蓋行政 無實, 故 無

0

[「]事」,上圖抄本作「市」。

[「]合」,上圖抄本作「言」。

^{) 「}五十二」,上圖抄本作「三十三」。

姓任 爲季羔、管仲者乎? 以季羔、管仲之公,而致人之説猶然,况不 駢邑三百,而無怨言,「公則説」之謂 政。《易》曰:「有攸往,夙吉。」《春秋傳》 語》 疑而不信則百姓惑而不任,信而不疑則百 得衆」也。《禮》曰「上人疑則百姓惑」,蓋 秋傳》曰:「上德以寬服人。」此所謂 以寬。」又曰:「克寬克仁,彰信兆民。」《春 以 邦,非食無以養人,非喪無以送終,非祭 政之所 也。」季羔公以行,而刖者説,管仲奪伯氏 允懷。」《傳》曰:「出言而天下服,公之謂 則有功」也。 曰:「敏以行之,事雖大必濟。」此所謂 追遠,故先王重之也。《書》曰:「御衆 曰:「天道敏生,地道 而不惑,此所謂 以 成終始也。 《書》曰:「有以公滅私,民其 「信則民任」也。 寬、敏、信、公四者, 由堯至周 敏樹,人道 了, 揖 「寬則 演讓征 《家 也 敏 敏 無

> 已,故《論語》以詳記之。 誅,雖或不同,其爲政之道,不過以此而

貪 費,勞而不怨,欲而不貪,泰而不驕,威而 然人望而畏之,斯不亦威而不猛乎?」子張 張曰:「何謂五美?」子曰:「君子惠而不 子曰:「尊五美,屏四惡,斯可以從政矣。」子 子張問於孔子曰:「何如斯可以從政矣?」 與人也,出納之吝謂之有司。」 虐,不戒視成謂之暴,慢令致期謂之賊,猶之 曰:「何謂四惡?」子曰:「不 泰而不驕乎? 君子正其衣冠,尊其瞻視,儼 可勞而勞之,又誰怨? 欲仁而得仁,又焉 民之所利而利之,斯不亦惠而不費乎? 猛。」子張曰:「何謂惠而不費?」子曰:「因 君子無衆寡,無小大,無敢慢,斯不亦 · 教 丽 殺 謂之 不

不怨」,所謂佚道使民者也。衆寡在人,小「惠而不費」,所謂有孚惠心者也。「勞而

也。 民,而成仁義在己,故言「惠而不費,勞而 乎敬,敬則雖泰而不驕。 則雖欲而不貪。勞而不怨,義也,成義 大在事。 惠而不費,仁也,成仁在乎愛,愛 儀,末也。 不怨」,則繼之以「欲而不貪,泰而不驕,威 用之資,皂隸之事,官司之守,非君所及 言暴虐與此不同者,蓋對季康子,而其指 也。斂無時,暴也。不教而責成,虐也。」 也。●《家語》、荀卿皆曰:「慢令謹誅,賊 而不猛」也。欲而不貪,泰而不驕,德行 則人君而爲有司之事,則上與下同德矣, 也。」曾子曰:「籩豆之事,則有司存。」然 異也。《春秋傳》曰:「山林川澤之實,器 而不貪,泰而不驕」,而終之以「威而不猛 威而不猛,威儀也。 無本不立,無末不成,故言「欲 德行,本也,威 蓋仁義之施 在 在

故曰「猶之與人也」、「出納之吝謂之有司」故曰「猶之與人也」、「出納之吝謂之有司」、「問之有。」、「謂之有。」、「謂之有。」、「問之,」、「謂之神」是也。其事不足以盡其實、故言之謂、《詩》曰「謂之,人者則言,●在大人者則為惡。猶之屯膏、在臣則爲善,在人君則爲惡。猶之屯膏、在臣則爲善,在人君則爲惡。猶之屯膏、在上。以盡其事足以盡其實、故言之謂、《詩》曰「是謂伐德」、《易》曰「陰陽不測之謂神」是也。其事不足以盡其實、故言之謂、《詩》曰「是謂伐德」、《易》曰「利用出己、《詩》曰「謂之尹吉」、《易》曰「利用出己、《詩》曰「謂之尹吉」、《易》曰「利用出己、《詩》曰「謂之尹吉」、《易》曰「利用出己、《詩》曰「謂之尹吉」、《易》曰「利用出己,其意亦若是也。夫言尊則有卑,言屏章之,其意亦若是也。夫言尊則有卑,言屏章之,其意亦若是也。夫言尊則有卑,言屏章之,其意亦若是也。夫言尊則有卑,言屏章之,其意亦若是也。夫言尊則有卑,言屏章之,其意亦若是也。夫言尊則有卑,言屏章之,其意亦若是也。人言尊則有卑,言解章之。

^{● 「}威」,四庫底本作「暴」,館臣籤云「威誤暴」。

[「]人」,上圖抄本無此字。

^{▶ 「}人」,上圖抄本無此字。

也,若夫即道觀之,則善之與惡,相去惡不特卑之而已,故言屏。此即事之証則有存。五美不特可存而已,故言尊,四


以立也。不知言,無以知人也。」子曰:「不知命,無以爲君子也。不知禮,無

何若?

以朋來之樂,而終於知言之君子。此先知以明來之樂,而終於知言之君子。此先知人之蔽陷離窮。不知慙枝寡多游屈之辭,則無以知其人之叛疑吉躁誣善失守,故曰「不知言,無以知人」。恭而無禮則勞,勇而無禮則亂,慎而無禮則葸,故曰「不知而無禮則亂,慎而無禮則葸,故曰「不知情,無以立」。君子畏天命,居易以俟之。命,無以爲君子」。《學而》先時習之說,繼命,無以爲君子」。《學而》先時習之說,繼命,無以爲君子」。《學而》先時習之說,繼知言將以窮理,知禮將以盡性,知命將以知其

始,則孔子可以無言,故《論語》終也。者,學之所成終始者也。明夫學之所以終命,繼以知禮,而終於知言,則習而知言

論語全解卷十



癸巳論語解(存目見《張栻全集》)

〔南宋〕張 栻

撰

論語學案

[清]

吴 光 校點劉宗周 撰

二年,終年六十八歲。宗周於萬曆二十九年(一六 紹興市)水澄里人。生於明萬曆六年,卒於清順治 爲左都御史。 天府尹、工部 被罰俸,終以敢言直諫而被革職, 通政司右通政,曾因彈劾宦官魏忠賢、保姆客氏而 ○一)登進士第,在萬曆、天啓二朝歷官行人司行 臺,學者稱蕺山先生,浙江紹興府山陰縣(今浙江省 唐王謚曰「忠正」,清乾隆又追謚曰「忠介」。 節,絶食二十日而死。 史,又屢因忠正直諫而被革職。 人、禮部主事、光禄寺丞、尚寶司少卿、太僕寺少卿、 劉宗周(一五七八—一六四五),字起東,號念 左侍郎、吏部左侍郎、都察院左 弘光覆亡,浙江失守,劉宗周堅守臣 死後,南明魯王謚曰「忠端」, 南明弘光朝,復起 崇禎朝歷官順 都 御

二十八卷),語録類著作十七種十七卷,另有詩文集 計有經、史著述二十六種五十七卷(包括佚著七種 董瑒著《劉子全書鈔述》、同里後學杜春生著《劉子 《蕺山先生年譜》、其弟子黄宗羲著《子劉子行狀》、 爲宗旨,而成爲明末大儒,蕺山學派的創立者。 五十五種一百餘卷,三百餘萬字。今存四十一種七 五種二十二卷及輯録古人著作七種十餘卷,總計約 全書遺編鈔述》等書有關著録統計,劉宗周的著作, 鄉的蕺山書院(又稱證人書院)。其學以慎獨、誠 是在野講學著書,曾先後講學於京師首善書院和 集》六册,由臺灣中國文哲研究所籌備處(一九九 録、詩文著作計七十一卷已由筆者編爲《劉宗周 譜》中,也有一些散存於明人詩文集。其專著、 卷)、《劉子全書遺編》(二十四卷)和《水澄劉氏 十一卷,二百餘萬字,主要保存在《劉子全書》(四十 劉宗周一生著述可謂宏富。 宗周通籍四十五年,在朝僅四年多,大半時 據其嗣子劉 | 汋編 全 語 家 家 間

七—一九九八)與浙江古籍出版社(二〇〇七)分别

校

點

明

出版。《論語學案》是劉宗周最重要的著作之一。

與思想特色。 評論頗爲得當,大致揭示了《論語學案》的學術價值 首陽之一餓,尤可謂大節皭然,不負其言矣!」這一 利關而能判然於生死之分者」,卒之明社既屋,甘蹈 義諦者也。其解「見危致命」章,曰「人未有錯過義 要皆抒所實得,非剽竊釋氏以說儒書,自矜爲無上 明不苟。蓋宗周此書直抒已見,其論不無純駁,然 末流最爲深切。……雖與朱子之説稍異,然亦頗分 傳雖出姚江而頗能救正其失。……其針砭良知之 宗,故其解「爲政以德」及「朝聞道」俱首揭此旨。其 歲時。《四庫全書總目》稱"「宗周講學以「慎獨」爲 十歲時,而定稿於崇禎元年(一六二八)宗周五十一 載,該書草成於明萬曆四十五年(一六一七)宗周四 道、論政、論性、論人之大旨。據《蕺山先生年譜》記 作,係宗周與諸生講學論道之作。讀此可知宗周論 劉宗周《論語學案》四卷,乃劉氏政治思想代表

今存《論語學案》的版本衆多,主要是三個系

二篇爲一卷,故有十卷之數。《劉子全書》本卷一、 年(一六八六)初刻的《劉子全書》四十卷本。此本 統: 現就此次校點有關問題作一説明: 篇、《論語學案》逐篇解説,亦分二十篇,《四庫》本以 之嫌,且釐爲十卷,顯非原編(按:《論語》原著二十 全書》本《論語學案》,凡十卷。這三種版本比較 子全書》都收録了《論語學案》四卷。其三是《四庫 瑒據原本重新校訂、道光間由王宗炎(字晚聞)刊行 據此本重新校刊。臺灣「中研院」有藏。其二是董 今佚。陳廣寧(號默齋)於嘉慶十三年(一八○八) 書》本雖校正了原刻本若干錯誤,但難免館臣斧削 陳氏刻本雖據康熙本翻刻,但誤字較多。《四庫全 言,以董瑒重訂本最忠實於原作,錯誤最少。嘉 四),刻成於道光十五年,流傳最廣。以上兩種《劉 的《劉子全書》四十卷本,始刻於道光四年(一八二 整理編校,由兩浙學使王掞(號顓庵)於康熙二十五 卷二各五篇,卷三四篇,卷四六篇,凡四卷二十篇)。 其一是由蕺山弟子黄宗羲、董瑒、姜希轍共同 慶 而

影印文淵閣《四庫全書》所收十卷本,簡稱四庫本。四卷本,簡稱嘉慶本,一九八六年臺灣商務印書館陳廣寧據康熙間王掞刻本校刊的《劉子全書》所收陳為子全書》所收四卷本。校本爲:清嘉慶十三年一、底本爲董瑒重訂、清道光四年王宗炎刊行

本有夾注的音注,底本、嘉慶本無,亦不出校。四庫無,底本夾注的校語,四庫本無。俱不出校。四庫無,底本夾注的校語,四庫本無。俱不出校。四庫本、嘉慶本三、底本作大字的「瑒曰」云云,四庫本、嘉慶本二、底本係劉宗周原著、門人董瑒編定,其內文二、底本係劉宗周原著、門人董瑒編定,其內文


或無顯著錯誤者,概不出校。語句,其引文與原文時有出入,凡異文不影響文意語句,其引文與原文時有出入,凡異文不影響文意四、劉宗周與諸生講解《論語》時,多引用前賢

形,但可能影響文意或罕見異體字則不改。 五、異體字如葢、檗、竝、空、肎等皆改爲通行字

錯誤,敬祈讀者批評指正。 限於校點者學識水平,本校點本可能存在諸多

校點者 吴 光

Ξ



學而第

子乎?」 人不知而不愠,不亦君一方來,不亦樂乎? 人不知而不愠,不亦君一子曰:「學而時習之,不亦説乎? 有朋自遠 |

户牖,實盡於此。十篇第一義。孔子一生精神開萬古宮牆「學」字是孔門第一義。「時習」一章是二

務本,本立而道生。 孝弟也者,其爲仁之

性而已矣。有方焉,仰以觀乎天,俯以察覺,有物焉蔽之,氣質之爲病也。學以復學所以求覺也,覺者心之體也。心體本學」之爲言「效」也。漢儒曰「覺」,非也。

矣,不好犯上而好作亂者,未之有也。君子覺矣,時時學則時時覺矣。一有「此之謂時習」 覺矣,時時學則時時覺矣。一有「此之謂時習」 一體爲大,以無往而不失其所覺爲至。此 同覺爲大,以無往而不失其所覺爲至。此 同覺爲大,以無往而不失其所覺爲至。此 一時習而説,説其所覺也,友來而樂,樂 等以求仁,即於此逗出。 學以求仁,即於此逗出。

爲良能,於此而反求其本,其爲天命之也,無不知敬其兄者」是也。是爲良知,是本,「孩提之童,無不知愛其親者,及其長本,「孩提之童,無不知愛其親者,及其長本與!」

性 乎

子曰:「巧言令色,鮮矣仁!」

孝弟以爲仁,是務本之學。巧言令色以爲 起,安得不的然日亡! 令色,鮮矣仁」。巧令之於仁,從外面做 仁,是務華之學。務華者絶根,故曰「巧言

乎? 與朋友交而不信乎? 傳不習乎?」 曾子曰:「吾日三省吾身:爲人謀而不忠

曾子「三省」不是三項事。學以忠信爲本,

句當!

忠必證之爲人謀而始真,信必證之交友而 不信,則人或勉焉。故曾子獨標此二義於 始見,如曰爲父君謀而不忠,與妻子言而

此。日日提省,毫無滲漏,方足爲學問立 以進於道,則反身之能事畢矣。此曾子所 根基。而又從事於傳習之間,孜孜不息,

> 丘之好學也。」又曰:「主忠信。」忠信之於 子於此,正是做一貫工夫。以爲先三省而 曰:「十室之邑,必有忠信如丘者焉,不如 後得一貫者,此不知忠恕之旨者也。子

學,要矣哉。

處,倘檢點處無分曉,雖時時檢點,成甚 餘時做甚句當?」予謂檢點不知著在甚麼 宋人有一日三檢點者,程子曰:「不知其

子曰:「道千乘之國,敬事而信,節用而愛 人,使民以時。」

治國之道,本天德以爲王道。首先敬事, 故又就愛人下抽出言之。自敬事推到使 人,有損上益下意。力役之征,最爲民病, 而信以成之。又漸推開去,節用合下愛

子曰:「弟子入則孝,出則弟,謹而信,汎愛 民,其究以爲民而已。

子之道,忠恕而已矣。」忠恕即忠信也。曾

以得聞一貫之傳也。他日語門人曰:「夫

賢賢易色爲言。賢賢易色,可與語立志

身德業可以臻至遠大。

故子夏論學,首以

衆,而親仁。行有餘力,則以學文。」 衆,而親仁。行有餘力,則以學文。」 衆,而親仁。行有餘力,則以學文。」 衆,而親仁。行有餘力,則以學文。」 衆,而親仁。行有餘力,則以學文。」 衆,謹、信、愛衆、親仁,蓋生而習之,如飢 弟、謹、信之理,而推之於愛衆、親仁者。 古者人生六歲,教之數與方名,七歲教以 別男女,八歲教之讓,九歲教之數日,十歲 出就外傅,學書計肄簡諒,十有三歲學樂、 部《詩》、舞《勺》,成童舞《象》,學射御。此 皆餘力學文之事。

人必好惡之心正,而後行誼敦、倫紀篤,終未學,吾必謂之學矣。」君,能致其身,與朋友交,言而有信:雖曰君,能致其身,與朋友交,言而有信:雖曰子夏曰:「賢賢易色,事父母,能竭其力,事

信,無友不如己者,過則勿憚改。」 待,則必爲忠臣,必爲孝子,必爲信友,凡 有,則必爲忠臣,必爲孝子,必爲信友,凡 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬 之功,固已得其本矣。然則世有忽略於躬

去,故友曰毋友,過曰勿憚,皆此忠信之心最深。其於學也,雖得之,必失之,何固之最深。其於學也,雖得之,必失之,何固之也。故「主忠信」要焉。纔獨學,便須友爲地。至於學之進地,全係遷善改過上做友也。至於學之進地,全係遷善改過上做友也。至於學之進地,全係遷善改過上做友也。至於學之進地,全係遷善改過上做友也。至於學之進地,全係遷善改過上做友也。至於學之進地,全係遷善改過上做方法。倘用心稍有不實,未免姑且因循過方去,故友曰毋友,過曰勿憚,皆此忠信之心

有之也。 如哉? 學之固不固,非由外鑠我也,我固爲之,而厚重不待言矣。 學焉而固,爲何

乎! 或曰「不如己」是異己者,亦通。處皆得勝友。其不善者而改之,非吾師者悦不若己之病。人苟有善下之心,則隨朱子曰「而今人都是臨深以爲高」,切中學

曾子曰:「慎終追遠,民德歸厚矣!」

人親其親,長其長,而天下平。」家,化民成俗,其道亦不越此。故曰:「人聖賢論學,惓惓以孝弟爲本。雖治天下國

温、良、恭、儉、讓以得之。夫子之求之也,其其政。求之與,抑與之與?」子貢曰:「夫子子禽問於子貢曰:「夫子至於是邦也,必聞

出一箇聖人。須知從何處得來。「温」、「良」、「恭」、「儉」、「讓」五字,分明畫

諸異乎人之求之與?」

無改於父之道,可謂孝矣。」子曰:「父在,觀其志,父没,觀其行。三年

節之,亦不可行也。」
美,小大由之。有所不行,知和而和,不以禮有子曰:「禮之用,和爲貴。先王之道斯爲只爲天下無不是底父母故。

哉 ? 畏。 禮本以節人情之流,主於嚴勝。 流,不以禮節之,則禮亡矣,又其如「和」何 之際,則委蛇進反,稍以人情爲遷就,而 曰:「先王之道斯爲美,小大由之。」「知和 嘗斤斤焉桎梏於尺寸之間,使人望 而和」者,知禮之用和而轉導於和,和勝 故人樂從之,亦禮意原是如 故行禮者慎無因用而溺其體 如父坐子立是禮,然行禮之 若就在節中看 第當行 此。 也。 而 劐 故 出 知 禮

際,使人子終日站立亦不得,自然有變通, 禮之和處,只在度數節目之間看。 若大綱 和,亦有是。 所在,絲毫不得放過。 是和

這

遠恥辱也,因不失其親,亦可宗也。」 有子曰:「信近於義,言可復也,恭近於禮, 有子言持身涉世之道,皆就 檢 點 來。 如 語輕諾人, 人情所最易忽 貌輕假

> 慎於言,就有道而正焉:可謂好學也已。」 子曰:「君子食無求飽,居無求安,敏於事而 有此病痛 假,觀者故曰「好學」云。 於學,可謂真發心、真下手、真能不自滿 自以爲是也,必就正有道以要其至。此其 敏,如奔馬無嘶,精神只在兩蹄。 輕出,反成逗漏,合之於慎言而 是安身立命符,不可頃刻放過。尚恐 今舍此不爲,更有何事? 人生只有「居」、「食」二字,營營結果一生。 可輕假人,一茶不可輕飲 薛文清公云"「一言不可輕許人,一字不 時輕與人作緣,皆極易苟且。 ,豈知後來有不可繼者乎 人。」頗得此意。 獨吾所學 吾輩往往 事 尤不 益 事 見 — 語 敢 其

子貢曰: 曰:「可也。 子貢曰:「貧而無諂,富而無驕,何如?」子 「《詩》云「如切如磋,如琢如磨」,其 未若貧 而樂、富 而 好禮者也。」

斯之謂與?」子 矣,告諸往而知來者。」 日 賜 也,始可 與言《詩》已

驕地。 境。只貧富兩關,幾人打過來? 學者之於道,不是懸空摸索,須實試之當 學力,從凡夫中脱胎换骨,方進 子於此,直是引而不發,在而不圖,賜足以 到此地位,又豈無百尺竿頭一步乎? 驕,又不知用幾許學力,方進樂與好禮 塿、河海之於涓滴,不足有無。 富則驕,鮮有不爲境所遷者。學者用幾許 知之。「切磋琢磨」之詩,分明 賜真可與言學也已矣,言《詩》云乎哉 成往迹,而賜之穎悟更能相引於無窮也, 窮、學亦無 曰「告諸往而知來者」,言貧富之論已 然自知道者觀之,何啻太山之於培 (窮意) 故夫子亟與之,又 自無諂 證 得無 貧則 出 諂 | 亟進 道 地。 夫 無 無

聖之功。

子曰:「不患人之不己知,患不知人也。」 辨。 自知。 或問:「知人」可學乎? 知人也。」而子興氏直本知言於養氣,爲作 昏,故學在致知。 是是非非辨。吾心本知也,有物焉翳 詩》,又進夫子前一步。 知吾心之是而非、非而是,而天下之 知吾心之是非,而天下之爲 難言哉,難言哉 子又曰:「不知言, 故曰「知來」。 曰: 可。 莫先於 是 之則 無以 非

爲 聖人就人不 一生難了學問。 不是辨官論材上論

· 知同

患處,一

轉 到

自己身上,

爲 政 第 二

共之。」 子曰: 「爲政以德,譬如北辰,居其所而衆星

「爲政以德」,只是篤恭而天下平氣象。

君

夫子之答,進子貢前

一步。

子貢之引

六

樞」。 北辰,故借以指北辰之所在。 畫夜轉旋於三度之間。 無時不運旋,獨有北辰處一點不動,如磨 所謂北辰居所而衆星共也。 衣之象」。 存存不動」。只有一箇淵默之象,一作「恭己垂 問其所從出之地,凝然不動些子。一作「則 賞刑威,無不日見於天下。 察化原」。 子學以慎獨,直從聲臭外立根基。 一作「默 旋轉,各以所麗爲遠近,皆一日一周天一下 而常不動。 故其旋轉只在斗間。一云:北辰猶去北極第五 心車轂然,乃萬化皆從此出。故曰「天 亦畫夜旋轉,與南斗相對,皆密邇北辰 度半,在無星處。 北 爲天下立一作「建其」。 辰 若其餘衆星,隨天三百六十五 即北 切言動事 斗第四星間 第五星,今所謂天樞也。 北辰無星,難以標準,此星密邇 ,爲,一作「經綸注措」。 其實北辰是無星處,常運 一有「進」字。 天一氣周 無星處,北斗 皇極 天樞 而 已, 處 流 度 而 慶 仍 0

> 精惟一,允執厥中」。天人之學一也。 是一世之不動,正此天樞所貫處。然天樞不 是,北辰貫其中。沖漠無联,而周天度數皆從此出,衆星 正,北辰貫其中。沖漠無联,而周天度數皆從此出,衆星 正,北辰貫其中。沖漠無联,而周天度數皆從此出,衆星 正,北辰貫其中。沖漠無联,而周天度數皆從此出,衆星 可,北辰貫其中。沖漠無联,而周天度數皆從此出,衆星 動處亦間不容髮,此氣之生生處也。南北相 三,七度,南斗人地下三十六度,南北相 三十六度,南斗人地下三十六度,南北相 三十六度,南外人地下三十六度,南北相 三十六度,南外人地下三十六度,南北相

子曰:「《詩》三百,一言以蔽之,曰「思無焉;心君無思,而能無不思,故百體從令。不爲,故萬化自理。又觀北辰而得心學吾觀北辰而得君道焉:大君無爲,而能無

文改。「静」,原誤作「處」,今據黄宗羲《明儒學案》卷六十二引

邪」。」

心之官則思。思曰睿,睿作聖。思本無心之官則思。思曰睿,睿作聖。思本無 於言下矣。故一言足以蔽三百云。 於言下矣。故一言足以蔽三百云。 於言下矣。故一言足以蔽三百云。

刑,雖刑亦禮也。其任政刑者反是,而民題政,雖政亦德也,任禮者只見禮而不見為政以德,而齊之以禮,以刑輔之,則民日道之以德,齊之以禮,有恥且格。」

心之應違因之。此王霸之辨也。

從心所欲,不踰矩。」而不惑,五十而知天命,六十而耳順,七十而子曰:「吾十有五而志於學,三十而立,四十

此,實萬世學者公案云。 此,實萬世學者公案云。 並,所謂「不思而得,不勉而中」,天道也。 好則源頭盡徹,悟之極則形神不隔。更由 此而進之,則純乎天矣。「從心所欲,不踰 並而進之,則純乎天矣。「從心所欲,不踰 並而進之,則純乎天矣。「從心所欲,不踰 並,所謂「不思而得,不勉而中」,天道也。 以則源頭盡徹,悟之極則形神不隔。更由 以,實萬世學者公案云。

則清虚高遠,漸際寥廓,莫知所之。已。四十以下,猶是凡界人。五十以上,聖人一生學問,浸假而上,不登巔造極不

信得及。又加十年功,纔見得合下賦予之五年功,纔立脚得定。又加十年功,纔自孔子自道,猶屬謙詞。自志學以後,加十

物? 理。 聲聞障。又加十年功,細就動念處體 心,便是聖解。 之大者,是忘得喪。天下最逆耳的 是氣數之命,氣數之命即義理之命。 也,直没身焉已矣。 纔破安排障。 曰 曰:「聖學到晚年,乃僅作如是觀乎?」 逆耳之言」。 談何容易! 又加十年功,反就形骸處體認,纔破 惟有稱譏憎謗,覺格格中拒,故云 尚未知身之有當於道 耳順,●是忘毀譽也。 聖學只是凡夫修盡得凡 語意不過如此。 是 命只 何如 知命 認 或 何

死,葬之以禮,祭之以禮。」遲曰:「何謂也?」子曰:「生,事之以禮,之曰:「孟孫問孝於我,我對曰「無違」。」樊孟懿子問孝。子曰:「無違。」樊遲御,子告

家言,但防其悖越犯分而已,故僅曰「無」。告孟懿子,是一教法。蓋就世禄之

違」。 其辭嚴,其於禮主節勝者。 當日事情,亮聖人胸次,合有此等伎倆,未 作戲」,意未嘗不在樊遲也。 話未忘,復爾拈起,所謂「竿木隨身,逢場 且拙乎? 盡之意,必借樊遲轉達,方了前件,不已勞 子亦受教而退,未嘗蓄疑也。使聖人有未 子告懿子,決不作未了語待其再問,故懿 兩樣教法,不失之穿鑿附會否?」曰:夫 明是天地化工。或曰:「子何以知聖人是 勉,其於禮主文勝者。所謂因材而篤,分 竭始終之情文不可,故詳述之如此。 蓋就樊遲粗鄙近俚者言,則非委致盡 祭,發「無違」之藴告樊遲,又是一教法。 嘗附會穿鑿也。 懿子既逝,偶值有門人在御,**舊** 吾儕虚心想 生事葬 其辭

❶ 「耳順」,原誤作「順耳」,今據嘉慶本改。

孟武伯問孝,是人子身上事。子曰「父母孟武伯問孝。子曰:「父母惟其疾之憂。」

母之心,而終身孺慕之情有無所不至母之心,而終身孺慕之情有無所不至,是一人之身。父母的痛癢,便是人子的是慈,有何關涉? 豈知人子於父母,其初是慈,有何關涉? 豈知人子於父母,其初是慈,有何關涉? 豈知人子於父母,其初是慈,有何關涉? 豈知人子於父母,其初是慈,在何關涉? 豈知人子於父母,其初

觀,方是終身孺慕。 時人子於父母光景何如? 人能常作如此「父母惟其疾之憂」,是襁褓間憐息事。此 者矣。

問安、視膳,都是養邊事。敬則真心自致至於犬馬,皆能有養。不敬,何以别乎?」子游問孝。子曰:「今之孝者,是謂能養。

一似慢親一般,則亦謂之能養而已。 於禮貌何嘗不周旋? 只是真意不到,便 得以愛爲敬?」曰:冬温夏凊,昏定晨省, 旋之爲敬也。或曰:「愛與敬有差别,何 旋之爲敬也。或曰:「愛與敬有差别,何 於養者,非嚴威儼恪之謂也。如曾元之養 於養者,非嚴威儼恪之謂也。如曾元之養

有著力不得處,故難。若取給於服勞奉養一一一,并一身肢體血脈皆逼露於此。打合一一一一,并一身肢體血脈皆逼露於此。打合一人,并一身肢體血脈皆逼露於此。打合一心,以,有一,并一身肢體血脈。有事,弟子服其子夏問孝。子曰:「色難。有事,弟子服其

之道亦然。

立道亦然。

一作「達於天矣」。惟孝子鄭一學不可以僞爲,至於根心而生色,則形著

之間,抑末矣。

其私,亦足以發。回也不愚。」子曰:「吾與回言終日,不違如愚。退而省

事 ? 偵,而曰「退而省其私」,不知所私 則回亦必終日問,終日難,故相引於無窮。 孔顔問答見於《論語》者無幾,而曰「吾與 道亦思過半矣。 示後人疑端不了,知乎如此者,於學問之 愚之體而已,而曰「回也不愚」。 趨,不失服膺而止,不必有以發之也,而 回在簞瓢陋巷中,但有安貧樂道 而 回言終日」,不知所言何事? 亦足以發」。曰深潛善學,始終不失其 曰「不違如愚」,不知不違處在何言句? 夫子終日言,回終日行,即亦 於終日言 聖人句句 面 孔 步 者 何 可 亦 如 曰

聖人之於回也,若疑焉,若訝焉,既曰「如也。其不可以耳目盡者,則超於精神矣。凡人之可以耳目盡者,必其人囿於形迹者

内而遺其外,超於精神而莫知其所以然,不足以得回,而知回之於學也深矣。得其愚」,又曰「不愚」,耳目之前,語言之下,幾

喟然之嘆,曰「仰之彌高,鑽之彌堅,瞻之則回其潛龍乎!

「不愚」,是師弟精神相遇處。

在前,忽焉在後」。夫子於回曰「如愚」,曰

之也。「回也不愚」,亦是疑詞,非初疑之而卒信

焉廋哉? 人焉廋哉?」子曰:「視其所以,觀其所由,察其所安。 人

子曰:「温故而知新,可以爲師矣。」 瑒曰:「此可觀先師生平考己之密。」

是乎有賴,此亦夫子自道也。 是乎有賴,此亦夫子自道也。 是乎有賴,此亦夫子自道也。 是乎有賴,此亦夫子自道也。 是乎有賴,此亦夫子自道也。 是乎有賴,此亦夫子自道也。

之師也。」學而無本,何可爲人師?」 瑒曰:「《韓詩外傳》曰:「智如泉源,人

子曰:「君子不器。」

之治天下,皆器也。「君子不器」,其體天僚之丸,獶之塗,公胥之斲,推而至於堯舜

子貢問君子。子曰:「先行其言,而後

地之大全而一以貫之者乎!

人未有不先行其言而後從之者,雖君子亦

從之。」

子曰:「君子周而不比,小人比而不周。」而有言,亦以言其所行,而絶不操有餘之勢一似倒用者然,非必言之於既行之後数一似倒用者然,非必言之於既行之後然。但君子全是一副躬行精神,其不得已

周與比,涉世之道不甚相遠。但出於君子周與比,涉世之道不甚相遠。但出於君子,未嘗不和於小人,同則同於小人,與人濟惡之心,雖似和而非和。和則為問,全是元氣周流,與人爲善之心,雖則爲問,全是元氣周流,與人爲善之心,雖則爲問,全是元氣周流,與人爲善之心,雖則爲問,必異於君子。心術一分,而世道治則爲問,必異於君子。心術一分,而世道治則爲問,必異於君子。心術一分,而世道治則爲問,必異於君子。心術一分,而世道治

專言學,則學必兼思,兼言思,則學只是子曰:「學而不思則罔,思而不學則殆。」

學非其學,學必罔,謂無得於心,狗迹而失耳目心思合并而用之者也,偏廢則兩妨:學。學一途,而思乃求以自得於心者,蓋

甚。 信心 之譌 他日又曰:「以思無益,不如學也。」 圃 舛",思非其思,思必 失之孤 危。 其 病道均也 殆,謂未 一, 而 **/ 摭其** 殆 尤 實

差罔則爲俗學耳,殆則必爲異端。 蓋罔則爲俗學耳,殆則必爲異端。 素語之「強而矯以爲異者。至於佛氏 解吾道之一端而矯以爲異者。至於佛氏 解吾道之一端而矯以爲異者。至於佛氏 有,而其說恍惚杳渺、漫無端緒可尋矣,故 作,而其說恍惚杳渺、漫無端緒可尋矣,故 作,而其說恍惚杳渺、漫無端緒可尋矣,故 之說一倡,能令天下群起而攻之,而禍且 之說一倡,能令天下群起而攻之,而禍且 之說一個,能令天下群起而攻之,而禍且 之說一個,能令天下群起而攻之,而禍且

知爲不知,是知也。」子曰:「由,誨女知之乎! 知之爲知之,不子曰:「由,誨女知之乎! 知之爲知之,不不曰:「端字從未有如此闡發者。」

噫,此孔氏之所以齗齗洙泗也與

有時而 子路力行可畏,未必心地劃 習見積久,容易沙汰不盡,不免時啓時閉 曉,不免種種是錯,認得不真。 須是子 謂不知而作也。 兼人,往往失之徑行直遂,故心易受蔽。 則全體皆不知,更無半明半暗分數。但此 黑,更無 良知在我,無所不知。 終身擾擾。學者須從格物致知之功始得 等學問,只虚心反觀,便自得之。 但胸中 也。是知也,而非以無不知之爲知也。 不妨自疑,則信所信,知也,信所疑,亦知 查考來,所知者既不妨自信,所不知者尤 知,爲不知,何人不分曉? 知之道,知不求之外而即求之在我。 心有所蔽,則誤不知以爲知者有之。此所 香。 通明處。 眼中纔中些子塵,便全 故聖人頂門一針,告以求 故知則全體皆知,不知 但爲私意錮住,則 然。 正恐自謂 緣他氣質 體 此 分 細 爲 香

非。 夫既 蔽 體呈露時,如金針一撥,宿障全消 有 人能知己之不知,正是無所不 有 去 來,則 時 丽 知 有 了, 有 時 :時而 而 知,有時 不 知,則并 而 不 其 知 知 的 知 耳。 本 而

語云:「無行所疑,最爲難事。」是子路 病痛

生

子張學干禄。 寡尤,行寡悔,禄在其中矣。」 則寡尤。 多見闕殆,慎行其餘,則寡悔。 子曰:「多聞闕疑,慎言其餘,

子亟以「爲己」之學挽之。 有希世之心,一似爲干禄而學者然,故夫 子張學干禄,蓋病在誇多關靡,炫燿聞譽, 猶 往往疑者多而信者寡。 爲反約之地。 尤 動 多宿 不敢 、悔,而亦云寡矣。 不曰無之而曰寡,亦 悔也。 肆然而 以是爲言行,縱不能不抵於 聞見雖多,試措之於言行, 出之,惟恐多言多召尤、多 即言行其所信,而 多聞 多見,總以

> 者也。 者。 寡尤、寡悔之即禄,而 道充爲富,不待求而自在者也。學者誠知 據其慎言慎行之心則然,而要之學焉 爲學焉而禄自至者,此又深於學干禄 知不足,則寡尤、寡悔 盡,遯世不見知 此之爲「禄在其中」,所謂身安爲貴, 加 不悔,惟聖者能之。 後 亦非大賢 可以言學。 以 上不能 充得 而 以 後

精神,政自戰兢惕厲中來也。 言行分慎敏兩法,此皆言慎者。 敏行者之

見者皆行也。 聞屬言,凡所聞者皆言也,見屬行, 凡所

不服。」 直錯諸 哀公問曰: 枉, 「何爲則民服?」孔子對曰:「舉 則 民 服。 舉枉錯 諸 直 一,則 民

控馭之也。奉天道之無私,以順 人主以一身托天下臣民之上,未可以機權 民 心而

唐虞三代之化不過如此。 此道遞推之,則天下帖然成大順之治,雖司,群有司擇百執事,下至胥吏之賤,皆以焉得不服! 然君舉錯只一相,相擇群有已。舉直錯枉,所以奉天道順民心也,民

能則勸。」
曰:「臨之以莊則敬,孝慈則忠,舉善而教不曰:「臨之以莊則敬,孝慈則忠,舉善而教不季康子問:「使民敬、忠以勸,如之何?」子

子而 耳。纔上行則下效,捷於影響,是操 使民忠,吾求吾忠耳,使民勸,吾求吾 非可徒責之民者。使民敬,吾求吾敬耳, 至問所以使之然,則必有端本之術在,而 敬、忠而且勸,所以責民之道,至矣盡矣。 之數者也。 云「孝慈則忠」,人未有孝而不自致,保 蓋 不以誠者,此忠之至也。 一既以孝作忠,又以慈感忠也。 故曰「則敬」,「則忠」,「則勸 故以 使民 必 勸 赤 得

是亦爲政,奚其爲爲政?」
「《書》云「孝乎惟孝,友於兄弟,施於有政」,或謂孔子曰:「子奚不爲政?」子曰:

孝是人最初一念天理流動處,纔達之第二 天子有天子之政,諸侯有諸侯之政,大夫 豫而天下化」,知孝之可以使天下化,則知 湯、文、武嘗以孝治天下矣。故曰「瞽瞍底 以爲百行之原而萬化之本也。堯、舜、禹、 草木,皆即此一本而推之裕如者。 臣僕之道。 念便是弟。 政」,言舍此不爲,將何所爲而爲政乎! 有大夫之政,士庶人有士庶人之政,政不 不必問諸世也。 此孔子示人 夫子之所以曉或人者至矣。「奚其爲爲 同,而以言乎不出家 自此而九族、而 以孝弟推之,便得刑寡妻、御 刻刻有見在事業,但問諸身, 或人言「爲政」,孔子遽言 而成政於孝則 百姓、而昆 此孝所 一也。 蟲

論語學案

不得,講精亦不得也。然矣。至曰「孝」、曰「友」,總是恰好,講粗不别增辭説,「爲政」之在身不在世,已了「孝」,且只引《書》詞一二語,加之論斷,而

道之以德,亦不離孝友。

小車無軏,其何以行之哉?」子曰:「人而無信,不知其可也。大車無輗,

即小事尚然,而況其大者乎! 即小事尚然,而況其大者乎! 問別, 是知有斷斷乎其不可者! 可不徑,用得熟時,若以爲非此不可持身、不可徑,用得熟時,若以爲非此不可持身、不可徑,用得熟時,若以爲非此不可持身、不可經,用得熟時,若以爲非此不可持身、不可經,用得熟時,若以爲非此不可持身、不可經,用得熟時,若以爲非此不可持身、不可經,用得熟時,若以爲非此不可持身、不可。 是本之真心而見之然諾之際者,是身間小事尚然,而況其大者乎!

夏禮,所損益可知也,周因於殷禮,所損益子張問:「十世,可知也?」子曰:「殷因於

可知也,其或繼周者,雖百世可知也 漢之黄老,晉之清談,隋之暴,梁之佛,唐 之道,自堯舜以來,所以治天下之大經大 之統傳之無窮耳。 文、武之道以垂後世,固萬世帝王之所統 者,亦法三代以爲治而已。 以治治亂亂之故可知。張子曰:「爲治不 所損益,則亂。百世之治亂不可知,而所 因,損益其所損益,則治,革其所因,膠其 損益之禮,即百世所損益之禮。 知夫子之道即三王之道,三王之道即堯舜 已,正求夫子所以垂後世者,何若使斯道 也。子張問「十世可知」,吾非徒知之而 夫子繼衰周而爲素王,修明堯、舜、禹、湯、 法三王者,終苟道也。」夫百世之後所可知 三王所因之禮,即百世所因之禮。三王所 法,至三王而具備矣,後世帝王無以加矣。 曰「十世」,亦遠矣,不 如秦之法律, 因其所

者。世道之降也,皇降而帝矣,帝降而王者,固歷千古如一日,則亦不害其爲可知法而蕩然夷之,而至於天經地義之不可廢之夷,宋人之議論,元之寬縱,皆舉先王之一

惓惓修舉其廢墜以傳之來世。其曰「行夏始終經緯王伯之迹,憫王道之不復作也,興,故序《書》終之以《秦誓》,修《春秋》則矣。 仲尼生於衰周,早已知暴秦之必代

此而措之耳。不幸而有秦、漢、隋、唐之損益之大端也。苟有行先王之道者,亦舉之時,乘殷之輅,服周之冕」,則其所因、所

使人類之不終爲禽獸,則仲尼之功於是爲之空言者,存先王之道於千百十一之中,亂,終不足以有爲,而猶得以吾聖人所托

後來董仲舒《天人三策》頗發明此意。其

之文,用夏之質」。武帝稍行其説,故治最道同,繼亂世者其道異」,又曰「漢宜損周曰「天不變,道亦不變」,又曰「繼治世者其

勇也。」

子曰:「非其鬼而祭之,諂也,見義不爲,無

爲近古。

矣,王降而伯矣,後之有天下者,伯焉而已

節。 鬼可祭。至於顧忌心一生,却又畏首畏 切奴顏婢膝,皆將不顧名義而爲之,雖非 則方寸日流於邪僻。苟可以邀福,分外一 惑者何? 非鬼而祭,見義不爲,斯二者皆有惑心焉。 者,必見義不爲,趨利者必避害也。 爲矣。兩項事只是一項,人能爲非鬼之祭 尾,每事退托,雖義所當爲者,亦有所不敢 總 「諂」,曰「無勇」,畫出小人情狀,若合符 只 可見世人終身營營苟苟,行徑不同, 副柔 利害是也。人苟利害之爲見 腸脆骨,其究總爲身家計耳。

可與進道矣。氣,富貴不淫,貧賤不移,威武不屈,庶幾可以有爲。力破諂瀆之情,養成剛大之夫唯超然於利害之途者,有所不爲,而後

八佾第三

可忍也?」孔子謂季氏:「八佾舞於庭,是可忍也,孰不

安乎」,可見。

安乎」,可見。

安乎」,可見。

安子」,可見。

安子」,可見。

安子」,可見。

安子」,可見。

安子」,可見。

安子」,可見。

安子」,可見。

安子」,可見。

三家者以《雍》徹。子曰:「「相維辟公,天子

穆穆」,奚取於三家之堂?」

歌《雍》比舞佾罪狀加著,夫子只以名義唤

整之。既無所取,益彰其僭耳。止緣魯僭 問天子禮樂,故季氏承桓公之後,亦用天 得祖天子。此等極大名義,魯君臣皆相視 持祖天子。此等極大名義,魯君臣皆相視 持祖天子。此等極大名義,魯君臣皆相視 為也。

八

樂何?」 子曰:「人而不仁,如禮何? 人而不仁,如

以貌爲也。

其奢也,寧儉,喪,與其易也,寧戚。」林放問「禮之本」。子曰:「大哉問! 禮,與

戚而思其所自起,則禮之本愈可知。本不可知。戚,亦喪禮之情耳,非本也。然由中心之愛焉,忠矣夫。夫儉,亦禮之儉也,中心之愛焉,忠矣夫。夫儉,亦禮之儉也,佛後少人,與人人,與人人,與人人,與人人,與人人,與人人

何。 子以寧儉、寧戚告之,欲其思而自得之也。 漸 可見,而由奢得儉,由文得情,直從枝葉漸 此主行禮之本言,故又曰「人而不仁,如樂 然「人而不仁,如禮何」,仁其本歟? 然天下豈有外心之禮? 故林放問本而夫 之體。謂心之體則可,謂禮之本則不可。 無體之禮,禮之本也。 曰:禮原於太乙,所謂「無體之禮」是也。 可不言 究到根荄,則一點真精神所托始處,自 而 喻矣。或曰:「忠亦非本歟?」 忠者心之體 ,即禮 曰:

問鼎、請隧、逼逐、僭擬之事不可勝紀。 蓋諸夏無君,終春秋之世,弑君三十六,其他子曰:「夷狄之有君,不如諸夏之亡也。」

子所以大管仲之功歟? 滿目是無君世界,有出夷狄之下者。此孔

季氏旅於泰山。子謂冉有曰:「女弗能救

一 九

泰山不如林放乎?」與?」對曰:「不能。」子曰:「嗚呼! 曾謂

能對。 諍。 有漸矣。 股栗而自廢矣。雖然,危不持,顛不扶,焉 之詞於是乎愈嚴,而亂臣賊子聞之,亦應 林放乎」,若乞靈於鬼神之一殛然,則聖人 冉求,而直繼之曰「嗚呼! 魯君臣 用 而反之正? 其所以轉移化導之權,亦必 彼 相 即使夫子仕魯,亦豈能遽革郊祀諸 蓋師弟一時扼腕之言,故夫子不責 之僭禮 旅泰山而以救正詰冉求,求以 非一日,度非口舌之所 曾謂泰山 不 如 能

下而飲,其争也君子。」子曰:「君子無所争,必也射乎。 揖讓而升,

諸正鵠,反求諸其身者也。惟務自反,安反。射之「揖讓而升,下而飲」也,所謂失許敬菴先師述云:「君子之無争,道在自

争之道不可訓天下,故於飲食、起居、出 者争先命中。 斯以爲君子乎! 處天下必争之地,而猶然無事於争也。 所學問如此,即於射,而亦見其無争,謂雖 君子無争,蓋以禮物身,以讓養德。 故曰:「吾觀於鄉,而知王道之易易也。」 即辨官、論才亦 其撰,使卿士大夫生而習之,爲六藝之一, 以禮讓,默消其凌競之心,而獨於「射」發 處、辭受之節,極之郊廟、朝享,每事節之 世間射名射利,互相角勝無已時,一似射 也君子」,似有争而實無争,微婉之詞也。」 知有争? 故曰射有似乎君子,所謂「其争 然朝市皆射圃也,而聖人以 必以「射」進,其意微矣。 其 素 其

射,賓射,燕射。天子、諸侯、卿大夫皆有升、揖讓而下、揖讓而飲也。射有三:大「揖讓而升下而飲」作一句讀,言揖讓而

地。 送爵。 者有慶,慶以地。 衆耦升射畢,司射命設豐於西楹之西,勝 轉當阼階,北面揖,然後升堂,南面當序而 邑宰、家臣。凡射中者,得與於祭,與祭多 邦國所貢之士,諸侯則擇其臣,大夫擇其 祭祀射,王將有郊廟之事,擇諸侯、群 不勝者先降。凡飲酒,賓主勸酬,必拜 右,不勝者至豐北面坐,取豐立飲,興,揖 不勝者升堂,三揖至階,勝者先升堂。 者之子弟洗觶酌酒,奠於豐上,勝者乃揖 射者各發四矢以較勝負,一揖而復位。俟 立於物以射,所謂耦進三揖而後升堂也。 東南隅,西向。射時耦同出,次西面揖,旋 各服其所宜服,袒決遂,而立堂下阼階之 故君子必習於射,射必有耦。 士無大射,而有賓射、燕射。 令不勝者自飲 不與祭多者有讓 而無送爵、勸酬之 大射爲 凡耦, ",削其 臣 與 以 少

是「下堂而飲」,又云「離去射位而飲」,皆位,射畢而飲,是三節事。或謂「下而飲」意,以是爲罰也。始射而升堂,既射而復

非也。

已矣。」後乎?」子曰:「起予者商也,始可與言《詩》兮,何謂也?」子曰:「繪事後素。」曰:「禮子夏問曰:「巧笑倩兮,美目盼兮,素以爲絢

進之禮樂,而憂世君子且并其禮而 道,一日而不可廢者。自晚周文敝,有 禮,本是先王教天下之善物。 覩,而禮教 人心之厚。 之,至以爲「忠信之薄,亂之首」,蓋亦 所厚,不若就 於文敝之禮不可以言禮,非盡去之無 禮後」之悟,而聖人亟與之,進老氏之見 亦 而聖人以爲與其棄禮 禮而 無 敝於天下矣。 識其 所 先。 故子夏 蓋 先後 綱紀 而 之數 返吾 以 有見 厭 返

265

「素以

爲絢」,本言素可以

加

絢

夏、殷,所損益可知也,詎曰杞、宋之徵其經制之備,則周禮之所監也。周因乎夫子能言夏、殷之禮者,欲言其禮意耳,若

子曰:「夏禮,吾能言之,杞不足徵也,殷

也

?

「可與言《詩》」,所謂真能轉法華者。

即是絢可知,而子夏始悟禮之爲後也。

後」,則必有爲之先者,然亦

何可得

而

廢

起見來。

夫子解之曰「繪事後素

三,則

非

素

徴矣。

曰

太素之質,隱然爲禮薄亂

首之思,從

世

而子夏以爲素即是絢,疑天下文章莫大乎

禮,吾能言之,宋不足徵也。

文獻不足故也,

子曰:「禘,自既灌 觀。 灌 禘禮九獻,天子一獻,后亞獻,用鬱鬯之酒 云乎? 不欲觀」,朱子謂「魯之君臣浸 尊卑,序昭穆。 孔子以 言宗國之失也。 無足觀」,宜 地降神。 曰 「既灌 魯禘非禮,自始至終皆不足 亦 而 兼有之。 往」,夫子微文也,不敢 而往 先儒謂「既 者,吾不欲觀之矣。」 魯祀躋僖 蓋大本 灌 以 而 差,其餘 懈 爲逆,故 往 散,故 一,始列

節目處有種種不堪著眼者,聖人固隱

而

足則吾能徵之矣。」 者深矣 亦無 將以救周禮之衰、挽周文之盛也。其所感 天下皆尊而信之而行之也。 夫子既能言二代之禮,而徒病其無徵 存,其後日以散失,七世至戴公,時大夫正 故不足徵。 害其可言也。 按《左傳》,杞,夏餘而 殷微子封於宋,先王之禮樂猶 必欲有徵者. 行二代之禮 何 即東夷 也? 欲 則

之於天下也,其如示諸斯乎!」指其掌。 或問「禘」之説。子曰:「不知也。 將上天下地、往古來今都就一掌裏托出 當自得之耳。 罔之惑而已。 之所知也。 天下也,其如示諸斯乎」,則禘固有天下者 魯禘不欲觀,非魯君臣之所知也,亦非 意義,遂足以知之,則有章縫之業在,或人 不敢知,故直以爲不知。「知其説者之於 人之所易知也。 非其人而欲知其説,祇成 若謂一臚列其事迹,講求其 指掌之示,直是覷得分明, 即吾夫子,蓋嘗學禮 知其説者 其 焉 或 憯 而

祭如在。 方是知禘大大學問 祭神如神在。子曰:「吾不與祭,

如不祭。」

兩「如」字正相應。古人祭祀,七日戒,三 「吾不與祭,如不祭」,則祭必如在 可知。

論語學案一

八佾第三

之至也。 日 在」云者,神之也。 齋,親 見所祭,非徒如之而 神之也者,誠之至、敬 曰 如

王孫賈問曰:「與其媚於奧,寧媚於竈,何謂 也?」子曰:「不然。 若起一狐媚之心以邀福,則即此一心已是 得罪於天了。 祭外神,所以昭崇報之義,非以邀福也。 然則畢竟無禱乎? 案,便犯天誅,雖邀福於神,亦無所用之。 數,自一動一静以往,少違天則,便成罪 矣。故曰:「丘之禱久矣。」 然人生得罪處,亦擢 獲罪於天,無所禱 曰:還禱於天,則解 也。」 髪難

《月令》五祀:户、竈、中霤、門、行。《白虎 行者,井間道。 通》又以行爲井。 禮,大夫五祀。 又《儀禮》所載,士亦行之。 所行也。」 八家同井,井有八道,八家 楊用修云:「井即行也

《易》曰:「觀乎天文,以察時變,觀乎人《易》曰:「觀乎天文,以察時變,觀乎人之撰也。文,以化成天下。」文也者,天人之撰也。文,以化成天下。」文也者,天人之撰也。文,以化成天下。」文也者,天人之撰也。就是是,亦何害於從周乎! 是、商代鳴其盛,至周而損益之。文教大人進退百王,若不恰恰於昭代之制者又何人進退百王,若不恰恰於昭代之制者又何人進退百王,若不恰恰於昭代之制者又何也。曰:周監二代矣,聖人雖有時而用夏、殷之禮,亦何害於從周乎! 意。其在學者,則由六藝之通而推之於六一次,成之於六德,以達於聖人之道,立萬世之儒,亦何害於從周乎! 之儒矩焉,則孔子之文是也。故曰:「文王既没,文不在兹乎!」

問即是禮」,聖人不應誇口如是。

在廟則禮然也,故曰「是禮也」。

子人大廟,每事問。或曰:「孰謂鄹人之子 知禮乎? 入大廟,每事問。」子聞之曰:「是 知禮乎? 入大廟,每事問。」子聞之曰:「是 一旦以章縫之賤而駿奔走 於清廟明堂之上,耳目之所經歷,不諱其 於清廟明堂之上,耳目之所經歷,不諱其 於清廟明堂之上,耳目之所經歷,不諱其 於清廟明堂之上,耳目之所經歷,不諱其 於清廟明堂之上,耳目之所經歷,不諱其

之廟飾也。」若然,則魯廟甚僭,非侯制也。 達鄉、反站、出尊、崇站、康圭、疏屏,天子 、大廟,天子明堂。庫門,天子專門。雉門, 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、刮楹、 大子應門。山節、藻棁、復廟、重檐、利楹、 大子應門。山節、藻棁、復廟、重檐、利楹、 大子應門。山節、藻棁、復廟、重檐、利楹、 大子應門。山節、藻棁、復廟、重檐、利楹、 大子應門。山節、藻棁、復廟、重檐、利楹、 大子應門。

若曰「吾

宮,蓋鄉學也,故云「鄉射」。

若庶人田獵

鄉射即大射、賓射、燕射,古者習射於澤

孔子之每事問,或有以哉。

臣,一時胥有儆乎! 是,一時胥有儆乎! 是,一時胥有儆乎! 是,一時胥有儆乎! 是,一時胥有儆乎!

主皮爲善,孔子所以惜而嘆之。 許師述云:「射有五善,不專主皮。然不中不可以言射。」《鄉射禮》亦云「不貫不中不可以言射。」《鄉射禮》亦云「不貫不之謂,非甚强有力者不能及。故曰:「射不主皮,爲力不同科,古之道也。」 周衰,禮不主皮,爲力不同科,古之道也。」 主皮爲善,孔子所以惜而嘆之。

之射,則主皮。

愛其羊,我愛其禮。」子貢欲去告朔之餼羊。子曰:「賜也! 爾

此。 親,亦以馭臣子也。魯自文公始不視朔, 隔,倘以之用世,則子貢便多詭激拂人情、 禮存也。然只此便見聖賢胸次如霄壤之 賢人之言觀聖人,始知聖真不可及也 匡救之術,批郤導窾,遊刃有餘地。 凡以 阻事機處,夫子則平情以應,自不乏挽回 王之政不復行於天下也,故私 不視朔則每月之政令何所稟承? 故諸侯每朔必告廟,一切刑賞陟黜,皆稟 宜,如《月令》所書,載在守府,傳之先世 古者天子頒正朔於邦國,每月之政皆有時 去羊存羊,蓋師弟子有感於時事之衰,先 王之法而布之,無敢奸焉。 去羊者有激於禮亡,而存羊者有幸於 非徒奉君 相寄慨如 諸侯無

氏之惡。故晉有六卿,齊有田氏,其所由以馭大夫,大夫無以馭陪臣,所以養成季

來

者漸矣

壞,一至於此。聖人身示之極,實以挽回實之當然,而非貪位固寵之爲也。有一毫道之當然,而非貪位固寵之爲也。有一毫不載,緣春秋之世,天下無君,人人相習爲不載,緣春秋之世,天下無君,人人相習爲不載,緣春秋之世,天下無君,人人相習爲子曰:「事君盡禮,人以爲諂也。」

色,而下交其臣,事君以忠,方能破身家君臣之道亦然。故君道以下濟爲光,臣道君臣之道亦然。故君道以下濟爲光,臣道君臣之分,等之天地。天地以泰交成化,安公問:「君使臣以禮,臣事君以忠。」

焉而陽者謂之樂,而樂之過則或失之淫;

見矣。而世道之泰同之,明良賡歌而後不多之私,而上交於君。此地天交泰之象也。

特禮之存諸中者。「禮」之爲物,以正君臣,以和上下,而「忠」上曰「事君盡禮」,此曰「使臣以禮」,故

子曰:「《關雎》樂而不淫,哀而不傷。」 禮,猶之乎「事」也,本之以真實無假之忱 雎》一章蓋言樂也。 《魯論》第三專記禮樂,示從周之義,則《關 則爲忠。 猶之乎「使」也,出之以恭敬退讓之節則爲 哀而不傷」,所謂洋洋盈耳也。 歌《雅》、《頌》者必以爲之亂。 雎》一章有正始之義,爲風化之所自出,故 詩歌被之管絃、奏之朝廟、以爲盛。 禮與忠,皆不失事使之實而 樂之有聲,古人皆以 「樂而 凡樂之舒 而《關 不淫,

周家八百年綱常,而語意含蓄不露

之傷。 樂之慘焉而陰者謂之哀,而哀之過則或失 寐反側之憂,琴瑟鐘鼓之樂,却被管絃 樂,宛然適得乎性情之正,而不失天地 謂「治世之音安以舒,亂世之音噍以殺,亡 其倫,亦可以當《關雎》之義乎? 善歌者任取一詩而歌之,抑揚高下,適得 也」。若只以聲響和平爲不淫不傷,則 和之氣,所以爲善也。哀、樂不過,本是 國之音哀以思」,使出於亡國之音,則雖歌 一摸寫出來,所謂 惟《關雎》之音,樂中有哀,哀 「聞其聲樂而 《記》所 知 中 其 中 中 凡 德 寤 有

基,是以《關雎》樂得淑女以配君子,憂在曰:「《周南》、《召南》,正始之道,王化之夫婦也。故用之鄉人焉,用之邦國焉。」又妃之德也,《風》之始也,所以風天下而正《論語述》云:「按《毛詩》云:『《關雎》,后

關

雖》,亦見哀思者

賢,不淫其色」等語,誠覺不妥。 《詩》,多不用《小序》。《小序》傳自子夏, 謂「窈窕淑女」,蓋指所求嬪妾而言。 詩。」由是觀之、《關雎》,后妃所作也。 充嬪御之職,而供祭祀賓客之事,故作是 云:『《關雎》,文王之妃大姒思得淑女,以 善之心,是《關雎》之義也。」《申公詩説》 進賢,不淫其色,哀窈窕,思賢才,而 於求賢内輔,絕無閨房燕暱之情,孔子所 賓客之事,而后妃皆資左右之助焉。 汲汲 且所云『參差荇菜』者,爲潔俎豆以供祭祀 其無可疑也。若《申公詩説》傳自漢初,文 【《關雎》,后妃之德,《風》之始]者,則確 成於毛公,不無附會增益。 稱「樂而不淫,哀而不傷」者也。 而憂,既得而樂,此其情性之正可以想見。 公似未之考,故以爲文王得聖女姒氏以爲 如云『憂在進 然首云 朱子釋 未得 無 所 傷 平

意。 衣食,求美人而進於王,即太姒求淑 情性之正矣。後楚莊王夫人樊共姬私 憂、琴瑟鐘鼓之樂在於文王,則尤不得 輾轉反側 太姒之配文王,何待宫人寤寐思之,至於 大邦有子。1大邦,莘國也。 子,即太姒也。 作之合,在洽之陽,在渭之涘。文王嘉 反側之憂,求而得之則宜有琴瑟鐘鼓之 妃之德宜配君子,求之不得則不能無 之配,宫中之人於其始至 而文王爲聖君,太姒爲聖配,當時所 愚觀《大明》之詩曰:「文王初載,天 而後得邪? 若謂寤 丽 作 是 寐反 詩 須側之 言 女之 寤 茈 捐 爲 寐 后

哀公問社於宰我。宰我對曰:「夏后氏以

爲《詩》首篇

,所關於風

(化不淺,而其旨久

湮,故不可以不論。」

非

楚莊與樊姬所可

同日

m

語也。

《關

雎》

以表正宫闈、不暱私寵,迥越尋常之上,又

之,曰:「成事不説,遂事不諫 松,殷人以柏,周人以 勢耳。 喜,而無拔去病根之意,則亦揚湯止沸之 標之說,治之於已病而不足,所謂成事之 者而次第行之,庶幾補救於萬一乎! 此而求所以自治之道,如夫子之所以告公 治標,緩則治本。 可説乎? 聖人論事,如良醫之治病,急則 所能救,直付之一慨而已。然則魯事竟不 之,蓋有感於魯事之日非,非區區言説之 反以「成事不説,遂事不諫,既往不咎」 責 本其意,所爲强公室、弱私門之道,宜於此 魯事於不競云耳。故借昭代之樹栗而推 哀公問社,蓋問有國家者所以立社之義, 而得之,亦可謂善於進言矣。子聞之,而 而宰予告之以三代之木,欲因事納規,維 使民戰栗之策,正治標之説,更於 專事標者,快一時之可 栗, 日 使 ,既往不咎。」 民 戦栗。 」子

之,其寄慨於魯事深矣! 之於未病而有餘,所謂人不足適,政不足 門,一正君而國定者也。況「戰栗」之説如 問,一正君而國定者也。況「戰栗」之説如 問,一正君而國定者也。況「戰栗」之説如 之,其裔慨於魯事深矣!

魯哀公四年六月,亳社災。亳社,殷社也。魯哀公四年六月,亳社災。亳社,股社也。故《左傳》云「間於兩社,爲公室輔」是也。故《左傳》云「間於兩社,爲公室輔」是也。故《左傳》云「間於兩社,爲公室輔」是也。

門,管氏亦樹塞門。邦君爲兩君之好,有反儉?」「然則管仲知禮乎?」曰:「邦君樹塞乎?」曰:「管氏有三歸,官事不攝,焉得子曰:「管仲之器小哉!」或曰:「管仲儉

知禮?」

站,管氏亦有反站。管氏而知禮,孰

不

小譏之,只爲仲心術不純,學未聞道,不免 不至? 盈則 以天地觀萬物則萬物又小,人於萬物之 地間唯道至大。以道視天地則天地爲小, 宙,實春秋二百年以來一人。夫子乃以器 管仲在當時,一 有 讓三杯酒,湯武征誅一局棋,其器亦 在道中只是一物。以一物受一器,唐虞揖 成萬物而不遺,以知道故也。 功名富貴 中,僅處其 在功名富貴上立脚,便占得地步小了。 也,則仲之爲器 也,其根柢也,伯而無當於王也,其作用 無,而況仲之爲器乎! 福 不儉、不知禮,皆從器小生來。 **偪則僭,犯上無等,充其類** 一,而可以參天地、贊化育,曲 **匡九合事業儘** 小可知矣。 假 器小則易盈 而無當於性 恢宏彪炳宇 ~,何所 不足 天 夫

或人言也。 供狀。而要之,其病根猶不在此,終難爲子就或人發問指點病痛,自足爲器小具一

寵,總見其臣妾之過盛也。 吃先以宫室言,不若以三歸爲内嬖,以佛官爲外下句相蒙。以三歸爲内嬖,以曰歸,又與應先以宫室言,不若以三歸爲内嬖,又與嬖,云「娶三歸之女」,未知孰是? 按:下嬖,云「娶三歸之女」,未知孰是? 按:下以说,一曰,以,三歸」爲內

排布置而爲之也。翕,非合也。蓋貞下起之撰,故樂聲音自然,通於天地,非有所安地氣象。蓋樂之理具於人心,人心即天地「翕如以下,具元亨利貞四氣之妙,分明天館師張宇侗嘗語余「樂其可知」一章,謂:

成,四氣備於樂而樂功成,一也。」其説甚 者,皦如之謂也。 也。 乃煩聖人奏技乎? 音響間 以之語太師,而曰「樂其可知也」。 善。蓋夫子就樂中看出許多大道理, 動故 春,縱之則始而亨矣。 不窮者,繹如之謂也。 事,收藏復命,復種來春發生之意,相 色,盡呈於兩 元,陽氣始物, 繼此則爲利"秋氣始肅,大小 按其節奏條 間 而尚多翕聚之意,於 而 繼此則爲貞:玄冬用 無所於雜者 理,則太師固已知之, 四氣運於天而 盛夏長養,形形色 純純 若僅就 如之謂 · 各 正 時爲 歲功 禪 丽

於喪乎? 天下之無道也久矣,天將以夫子不得見也。」從者見之。 出曰:「二三子何患儀封人請見,曰:「君子之至於斯也,吾未嘗

❶ 「多」,原脱,今據嘉慶本補。

賢矣哉! 賢矣哉! 賢矣哉! 賢矣哉! 賢矣哉! 賢矣哉! 「天將以夫子爲木鐸」,分明 「天將以夫子爲木鐸」,分明 「天將以夫子爲木鐸」,分明 「天將以夫子爲木鐸」,分明 「天將以夫子爲木鐸」,分明 以爲大也。● 此天意也。天不生仲尼, 一行教小影,看封人是何等眼孔, と仲尼一行教小影,看封人是何等眼孔, と神尼一行教小影,看封人是何等眼孔, 以爲太也。 大正之位。 一行教小影,看到人是何等眼孔, 是神尼一行教小影,看到人是何等眼孔, 是神尼一行教小影,看到人是何等眼孔,

夫子爲木鐸」,豈非言而爲教者與!爲政,在玄聖素王則言而爲教。「天將以廣,大抵皆以振文教,在帝王天子則行而鐸。」金鐸惟行軍司馬執之,而木鐸之用最按:鄭玄云:「文事奮木鐸,武事奮金按:鄭玄云:「文事奮木鐸,武事奮金

《武》,其盡美則同,於此而更求其美中之 《武》,即知其爲執競惟烈之武德,而 《韶》,即知其爲重華協帝之舜德 《大武》之舞,始而北出,再成而滅商,三成 敘,九敘惟歌,至於擊石拊石,百獸率舞, 之世,四方風動,六府三事孔修,九功惟 藴,其盡善則異。 之盛有不待言者。 襲取於聲容之際者,所以聞樂知德。 古人作樂,皆本精神心術之蘊寫出,非 召公右,六成復綴以崇天子,所謂總干山 無不覆載,其盡善處可以想見。《禮記》載 鳳凰來儀,其氣象雍容廣大,真如天地之 王之德亦於此可想見矣。按《書》: 唐虞 而南,四成而 南國是疆 蓋世運升降爲之,而帝 古樂莫盛於《韶》、 ,五成而分周公左 故聞 功業 聞 徒

「大」,原誤作「人」,今據四庫本、嘉慶本改。

論語學案一 八佾第三

美矣,未盡善也」。

子謂「《韶》,盡美矣,又盡善也」,謂「《武》,盡

於綴以待諸侯之至者,皆形著於聲容之立,發揚蹈厲,夾振駟伐,威盛中國,久立

子曰:「居上不寬,爲禮不敬,臨喪不哀,吾微示二聖人之優劣如此,其寄慨者深乎!

間,則未盡善處亦自可想見。聖人借樂以

何以觀之哉?」

以薄親,故聖人合而言之。齊俱壞,行禮者縱恣以決防,居喪者忘哀臨民,盡是苛急氣象。由此,紀綱風俗一王迹既息,聖人之教衰,居上者往往暴以

名責實學問,觚不觚,觚哉,觚哉!只是敬,纔言喪,便只是哀。 三者正是循直不能容一物了,如居上何? 纔言禮,便纔言居上,便無所不臨,有寬道。若不寬,

里仁第四

子曰:「里仁爲美。擇不處仁,焉得知?」

人之於仁,處之非難,而擇之難。下,又焉得爲智? 不智,所以不仁也。故有里也,苟不能擇而處之,寧智遜擇里之擇之,斯處之矣。乃人之於仁,不啻居之趮。,斯處之矣。乃人之於仁,不啻居之

樂。仁者安仁,知者利仁。」子曰:「不仁者,不可以久處約,不可以長處

子曰:「惟仁者能好人,能惡人。」持之時,已是一團私意也。

人人有好惡之性,而用之於人,或爽其則,人人有好惡之性,而用之於人,或爽其則, 甚則好其所惡、惡其所好者有之,則以好惡,惡以天下而不謂之能惡,必也仁者好,惡以天下而不謂之能惡,必也仁者好,惡以天下而不謂之能。兩人也,而並分其好惡可,一人也,而時轉其好惡亦可,如鑑之空,如衡之平,此非有見於惡亦可,如鑑之空,如衡之平,此非有見於惡亦可,如鑑之空,如衡之平,此非有見於惡亦可,如鑑之空,如衡之平,此非有見於惡亦可,如鑑之空,如衡之平,此非有見於惡亦可,如鑑之空,無惡也。」

直從命脈處討歸宿,歸宿在此,杜盡游移不禁魑魅出没。若一志仁時,發心既真,承當,惡根仍在,如爝火螢光,雖有微明,承當,惡根仍在,如爝火螢光,雖有微明,初機人雖時有爲善去惡之念,只不是覿體

矣 夫 ! 做。然過亦從惡根來。君子而不仁者有 時,如團沙爲黍,捉影求形,總無是處。 聖人路上人,進自不容已。 好仁、惡不仁,於爲仁之功思過半矣。 以後,到志仁地步,有多少功夫! 出入之路,更從何處容得惡念在? 太陽 惡與過不同。 志仁無惡,正是超凡入聖關。 又曰「欲仁仁至」,機何捷也! 學者省之。 纔罅隙,便有賊子窺伺在,嚴乎,嚴乎! 切長養成就,只是惡胞胎結局。 不違於三月之後。此中罅隙不容些子。 出,魑魅豈有晝 志仁以後,工夫愈細,即顔子不能 無惡之後,方有改過工夫可 一嘯之理? 若未過此關 學者由志道 過此關,是 志仁則

道得之,不去也。君子去仁,惡乎成名? 君之,不處也。貧與賤,是人之所惡也,不以其子曰:「富與貴,是人之所欲也,不以其道得子曰:「富與貴,是人之所欲也,不以其道得

子無終食之間違仁,造次必於是,顛沛必

楚。 子 ? 賤,此非有見於「精一」、「執中」之功者不 以道衡之。 心之微」。於此而能決不處不去之介,必 理與欲,又只就世緣漸染處勘此關 求仁之功,直從動念處勘理欲關頭。 雖顛沛,仁也。苟舍此而欲處以非道之富 飲水,樂也,極貧賤之途,雖造次,仁也, 乘之隙。 終身得力地。雖終食之頃,未始無去處 所惡之爲見,則去仁遠矣,又何以爲君 在於富貴,所去者惟在乎貧賤,而惟所 足以語斯。此所以爲仁也。若所處者惟 所欲尤甚於富貴,所惡尤甚於貧賤,是「道 欲富貴,惡貧賤,是「人心之危」, 然則君子之於仁,惟有貧賤一 使終食而爲貧賤之終食,則蔬食 以道與富貴,又不以道 途是 頭 其爲 與 交 欲 貧 而 清

> 也。 貴,有斷斷乎不可者。 問:「何以知終食亦説貧賤之終食?」 道與非道之辨十分清楚,而後謂之仁故 此章只是教人安貧賤而不易所守。 安仁,天下一人,不虚矣 説,何如?」曰:「存養」之功,亦即在取舍 之頃果在何地?「然則注有添「存養」之 沛,是患難交加,不特貧且賤 日,何等從容侈肆,那得有造次景界? 兩關者,欲即此以勘此心欲惡之幾,乘於 不處,即是於彼不去。 此心之仁,更無躲閃,更無方便,所稱 之辨上見,非有二也。 曰:富貴既不處,貧賤既不去,則此一食 造次,亦就貧賤説。 以爲能爲仁而後能 至是而君子所以鍊 必雙提富貴、貧賤 人豢養富 而已。 於此 貴之 中心 或 顛

者,道之籓籬。籓籬不固,其中未有能守

貞遇者,亦非也。陳白沙先生曰:「名節

者。」見道之言也。

力於仁者,真爲仁者也,則爲仁之力亦從 世,心體也。心體有仁、無不仁,更不須説 一,心體也。心體有仁、無不仁,更不須説 一,心體也。心體有仁、無不仁,更不須説

由學乎!」此即不使加身之説也。不使加 惡 ? 之力,於此爲好,即於彼爲惡。或曰:「聖 於斯,而以好仁、惡不仁爲未見於天下也 好其惡與人相近者幾希耳。故夫子有感 惡不仁乎? 則所好可知,即平旦之氣,其 宅,全體受障,何但加之而已。 失其體,而欲據之,業已渾身子是不仁窟 而不能不加也。 則不我加 可決矣。 全而 且反覆言之不置,云好仁、惡不仁,無並用 已好仁,無尚矣,何須更用不 而張子以爲「領惡以全好」何也?」曰:既 不仁,自有不使加身之理,宜於領好得惡, 人先言好而後言惡,所爲在仁則所惡自在 不得不決所惡之一力,惡之盡 惟仁而有不仁以 張子曰:「領惡以全好者,其必 矣,何用 人生自氣拘物蔽而後,心 力而力不足之有? 爲之偶 ,則好不易 使加 此可謂 身之

門未盡之意也。 曰「由學」云者,又以見工夫之不易,補聖之盡。有味乎,張子之言也,善言學者。

仁矣。」 子曰:「人之過也,各於其黨。 觀過,斯知

仁中無 知仁之過,不必説周公、孔子等項。凡君 觀類者能知之,亦惟真識仁者始知之也。 者,以其心無不仁故也。心無不仁, 之,而君子之過有不可與小人同類而共棄 子者,既是真心流露之地。 小人者,固爲本心缺陷之端;而其出 仁之無往而不在。學者求仁之功,自有真 過亦仁中之過,故觀過可以知仁。 仁。此其大較也。 過與仁,分明是兩路。出於過,則入於不 血路可入,不得以牝牡驪黄之見當之也。 過,而過未嘗不可以知仁,正以見 然過以類分,其間出於 誠於其 此惟善 則其 類觀 於君

> 「作「大用」。非過也。 一作「大用」。非過也。 相左,不得已而蹈不韙之迹,皆達權之理, 孔子,自是仁至義盡,有非常人之所爲過 孔子,自是仁至義盡,有非常人之所爲過 理決不損壞,反有因過而見者。若周公、 子存心制事,自不能無過,只是他一點天

子曰:「朝聞道,夕死可矣。」

道,一日死不得;纔一朝聞道,生無逋寒,恁地昏昏,終無所聞。無所聞,則此生察,恁地昏昏,終無所聞。無所聞,則此生寒,恁地昏昏,終無所聞。無所聞,則此生寒,恁地昏昏,終無所聞。無所聞,則此生寒,恁地昏昏,終無所聞。無所聞,則此生

❶ 「亦」,原脱,今據嘉慶本補。

知生,焉知死」,此朝聞夕死之説也。吾儒了生死,却就生時了過來。故曰「未可矣」。佛氏了生死,只就死上了過去,負,●至此而死,方是了生死,故曰「夕死

子曰:「士志於道,而恥惡衣惡食者,未足與不爲難。學者省之。

議也。」

此道不與物對。知道者、忘物、忘富貴貧

擾,更無進步可討,故曰「未足與議也」。則此心已爲物潰久矣。 脚根一差,終身擾上,即一惡衣惡食稍稍動情,不免有恥心,道一也。 士居恒志道,不必説到富貴貧賤賤,只是忘一衣食伎倆。 物無大小,其累

蓋亦立志之不篤故也。

以寒酸見嗤。 賢之。此中滋味,聖賢大討便宜在,幸無故子路衣敝緼袍則喜之,顔子簞瓢陋巷則盐。 過飽而已,纔有惡衣食之恥,已未足與議。 聖人論好學,必自不求温飽來。 豈惟不求

義之與比。」 子曰:「君子之於天下也,無適也,無莫也,

在吾心。精義者即心即天下,渾無内外應義無轍迹,即天下所宜然之理,而宰制則

● 「負」,原誤作「責」,今據四庫本改。

比。 變化 感之 義,孰爲可? 神者不足以 迹 然視義 無端,而 ,就心與天下一 似 我 語此。 孰爲否? 疏 不宰,非 而視天下轉親 若離却天下,以 體中心 成見不化, 卽 看出義之妙 非 %,信非 離 我 可 精 似 依 否 制 用 義

也。 之間 未嘗不自以 適莫者似義 而非義,義者化適莫 爲義,而不知其爲 而 適 莫 因

子曰:「君子懷德,小人懷土, 人懷惠。」 君子懷刑,小

之者也

德非 聖人每每並提君子小人,其立心制行皎若 所以上達、小人之所以下流有如 魄結脈處,各各有頭路可指,以見君子之 冰炭,而懷德、懷刑、懷土、懷 於 懷土者,一心只是照顧 匪 懸想,有日進崇高之意,而 彝 也 ,故懷刑,則檢身之功益 坐下,計其身 惠 又就 又 **.**是者。懷 時 其 恐其 以 密 神

> 之安, 此與君子正相反。 是占便宜 不計其心之安也; ,計其利之前,不計其害之後 惟懷德故 懷惠者, 像刑 ,懷土故 坐下只 也

懷惠,兩下用心,都勺水不漏

門。若防檢不及,便當一味没 德中脈路最清 安,便成墮落。 然則世之小人而號爲君子者,固不少也。 ,著不得便安一 於此,只得借 入懷惠窠臼。 用 箇 念。 纔欲便 防 檢法

子曰:「放於利而行,多怨。」

之何! 不難 爲天下僇。 放利多怨。 爲之,是亦不可以已乎 孟夫子又動以「本心」之説曰:「向 而不受,今爲宫室妻妾所識窮乏者得 殉 以七尺之軀,雖至死 然小人亦每每不顧蠅 多怨之至,親戚叛之,其究必 !!」爲小人者且奈 不悟。 頭之得, 於是 爲 我而 身死 TIII

子曰:「能以禮讓爲國乎? 何有? 不能以

與? 德,以制禮之本,凡有注厝,皆身自挹損, 趨承,大抵先人後己之心事。人主躬行讓 天下之亂,皆起於争。 故夫子有感而言之。 畔禮已甚矣。蓋春秋之末,禮文日盛,禮 文章不過爲塗飾耳目之具,天下何所稟式 舍讓而言禮,其人主實有争心,一切制度 野,紀綱犂而風俗成,治國之所以易也。 由是而禮教行焉,百官讓於朝,萬民讓於 視匹夫匹婦皆能勝予,不敢以崇高自恃。 相讓則有餘。故先王制禮以教之。其間 意已亡,人情復趨於囂争,遂流而爲戰國 進一退,一俯一仰,玉帛之交錯,拜跪之 人以爲禮之無當於治也,而不知其 人情相争則不足,

求爲可知也。」子曰:「不患無位,患所以立,不患莫己知,

論語學案

里仁第四

之乎? 味想望 若後世科舉習興,幹辦得八股停當,便一 爲 消煞處, 有位則必有所以立位者,有知己者則必有 畢竟做出好來。 陳克菴先生辭給事、御史,皆至泣下,後來 又安可以聖人此言責之? 而已矣。 念及此,則隱居求志之學可不深慮而早圖 可 知 也。 高官大禄,視天下事如兒戲傳舍 而顧急急乎有位之患,則亦不思 一作商量,便令人有汗顔自反處 聖人就世人一 此 非可以取 副熱眼 辦 於當 本朝賀醫閭 i 熱腸 日 .者也。 極難

曰:「夫子之道,忠恕而已矣。」「唯。」子出,門人問曰:「何謂也?」曾子子曰:「參乎! 吾道一以貫之。」曾子曰:

上看出此道,滿盤流露,一實萬分,盈天地也。聖人自任以爲吾道者,聖人從自己心一貫之道,即天地之道,非聖人所得而私

三九

間 殊,所謂「一以貫之」也。「一」本無體,就 渾 也。 之勞,方是聖學分量。 天地萬物之理打合一處,亦更無以我合彼 枯,便與圓滿,時時澄澈,處處流行,直將 索一一貫通,纔有壅淤,便與消融,纔 至不一中會得無二無雜之體,從此手提線 惑」者, 謬也。 恕」答之,而謂「曾子淺言之以解門人之 未「唯」,更作「何謂」之問,則夫子必以「忠 殊,所謂「忠恕」也。 聖人無心外之學也。此心本一貫萬分,無 爲一、恕爲貫者,亦謬也。蓋曾子於聖人 恕而已矣。」忠恕,是一貫真頭面。必以忠 有内外人己感應之迹,亦無精粗大小之 無内外人己感應之迹,亦無精粗大小之 萬事萬物各有條理, 求仁之旨,「忠恕」之説也。假令曾子 何也? 故曰:「夫子之道,忠 天下無心外之道, 此孔門求仁之旨 而其血 脈貫通處 看偏

發師門之藴也。思議妙道,只作布帛菽粟承當在,所謂善下,得心應手,將聖人無限幽深宏勝不可下,以身體之而實有得焉。一「唯」之

之」,非以一貫萬也。一以貫之,便還他天 貫,反屬安排。此蓋聖人就自己心上言, 於太極,周子《太極圖説》更發其藴。 六十四卦,六十四卦千變萬化無窮 陽,陰陽生四象,四象生八卦,八卦因 心 地人至妙之理,然不必作一貫解。 説是 地自然本色,故曰:「天地無心而成化,聖 無 貫之宗,本之大《易》。 有心而 死 、地則曰貫,無所不貫則曰「一以貫 無爲。」 其 (日太) 極 而 此天 生陰 復返 而

所謂「形而下者謂之器」,器者忠恕是也。合道之妙,故夫子就「忠恕」上指出道體,曾子平日只在「忠恕」上做功夫,未有冥心

己。 力俱墮, 旦顯 曾子一聞斯言,如寐者之得呼,見得平日 頭换 所用忠恕之功,只在 依舊是自家屋裹住。 作進步,便得水窮山 曾子質魯,其爲學也守約。 貫」者,自門人分上,固下學之津梁,自聖 人分上,亦上達之照影一作「筌罤」。 唯」前之「忠恕」矣。必以「忠恕」解「一 他 一「唯」之下,正好用工夫,便不必 面。要之,「唯」後之「忠恕」,不是 在 一切語言無可承當,直曰「唯」而 無 盡 藏,如此淵淵浩浩,不覺 盡 有思有爲上湊泊, ,别有天地非人間, 一心一路一力 也。 改 رار زار

《大學》一書在,可謂深切而著明矣。曾子以「忠恕」解「一貫」,若更未達,則有

經眼目,將骨髓都透盡理會,他自有獨解喻義、喻利,喻猶曉也。如牙人辨百貨,一子曰:「君子喻於義,小人喻於利。」

此可以知君子小人之喻。 處,比他人分外看得清,須是平日經識多。

者。至朱子晚年,又與人書曰:「世間 敬夫曰:「無所爲而爲之謂義,有所爲而爲 混義利一途之學。夫惟有混之一途,而後 生之言觀之,乃知世間有以利爲義之學,有 人亦不索性,亦可謂誤用其心矣。」合二先 曲,費盡心機,卒不可得爲君子,而其爲小 年一種議論,乃欲周旋於二者之間,回互委 義者必爲君子,喻於利者必爲小人。而 中學者隱微深錮之病,一時聞之,人有 於利,緣其志之所向如是。故朱子以爲切 底言科舉之習,任宦之途,名雖爲義 象山先生至白鹿洞講「喻義喻利」一章,大 之謂利。」尚可容混且假否? 有假之一途,然要之不可混、不可假也。張 ;而實喻 |喻於 流涕

《易》曰:「利者義之和。」子思子曰:「仁

衰世之意也。 養太不可混。聖人特爲表其辨如此,亦為有義,小人只看得有利,義利兩途,遂若所自起。義利本非二途,但就中君子只見,以利之。」道理何嘗不是,此周旋之説

善者而從之,其不善者而改之。 他,自不容已。若遇平等人時,亦須擇其時時有激發,方是精神打成一片,日移月賢、不賢,兩等人,隨吾所見,時時有觀模,子曰:「見賢思齊焉,見不賢而内自省也。」

則亦不必鑑諸人而自遠於不賢。省,不徒省其所有,直省其所本無者安在,齊者何在,則不必取諸人而自賢。内自思齊,不徒齊其人而已,直思我之所以可

子曰:「事父母幾諫。見志不從,又敬不違,

幾之爲言微也。下氣怡色柔聲焉,微矣,

勞而不怨。」

若乎? 此心稍與 於無 乎微矣,然不能必之親也。從違之端,於 抑 無形無聲上,皆所爲幾諫之實也 有不是處即是怨。不違不怨,其用心只在 之一悟,其爲幾諫也益進矣,親心庶其允 於事爲之著,多方營救,不勝其勞,用其力 爲幾諫如故也。 我,而我之精誠專一未嘗一息違乎親,其 志取之。苟有見焉,弗敢安也。 聲色而默喻親於道,使父母安之若素,微 猶 有倫 可用,而其心專一,其氣轉和,終冀親 也。 視於無形,聽 又不特見志已也,至於暴 親相牴即是違,稍見親 於 無 親雖違於 聲,不假

人所以事天地,皆是物也。學也。忠臣所以事君,孝子所以事親,仁幾諫之道,一言以蔽之,曰「敬」。敬者,聖

遠遊,大抵爲役役功名而設。如朝秦暮子曰:「父母在,不遠遊。遊必有方。」

而後君,孝子亦不急君而遺親,當其時道許友以死。」君、親雖並重,忠臣固不先親爲貧之仕,時亦有之。語云:「父母在,不名教之罪人也。遊必有方,出疆而載質,楚,所至求合,甘以其親遺萬里之憂者,亦

則以懼。」 子曰:「父母之年不可不知也,一則以喜,一

則然也。

不用其極者矣。 不用其極者矣。 無一刻可以自遺、而無方之養、自有無所 交并、自不容已。兩念縈迴於方寸、真有 能必之天者。崦嵫之景、難得易失、喜懼

易者日易,難者日難,心口相復,往往尋丈出而躬隨之,已有不逮之勢矣。積而至於天下之道,宣之於口易,措之於躬難,故言子曰:「古者言之不出,恥躬之不逮也。」

者,蓋亦嗛嗛矣,故特借以儆學者云。 其用心如此,如《典》、《謨》所載帝王垂訓大賢,其文采不盡傳於後世,故追想而思责,卒稱慥慥之學也。 夫子見得古人大聖人爲之赮赧焉,不敢一出諸口,而惟躬之之言而尺寸不可償,豈不可恥之甚! 古

言中看出有言來,但其所以用恥者異耳。中看出無言來,今人躬行之道亡,轉從無何獨不然? 古人躬行之心重,特從有言「古者言之不出,恥躬之不逮也」,今之人

子曰:「以約失之者鮮矣。」

少,故鮮失。得來。操存之心,天理分上多,人欲分上約就事上説,而本之在心。約之心從操存

子曰:「君子欲訥於言而敏於行。」

神在行上。若力行不前,因循阻喪,終成言語説不出口,大段是好事,正欲留此精

爲己之學然也。 矯輕儆惰,機若相因而心惟一致。 蓋君子 暴棄,雖有欲訥之心,亦無所用之。 兩者

子曰:「德不孤,必有鄰。」

保在前,直諒在後,不免當面錯過,而猥欲 言,謂不可孤而自足也。「必有鄰」者,轉 其於德必無幾矣。 以獨學無偶之身,自托於知希我貴之說, 有之所以不孤也。使我而不有之,則雖師 義。使我無善下之心,則亦不得而有之, 之右之,善相長,過相規,即出入守望之 友之功自不容已矣。鄰之爲言,親也。 就不孤而言。 不孤不待言。言「不孤」者,蓋自學者修德 德本人之同得,相求相應,自是常理,其爲 既不能孤而自足,則親師 左 取

疏矣。」 子游曰:「事君數,斯辱矣,朋友數,斯

> 《易》言:「初筮告,再三瀆,瀆則不告。」凡 也。 往往而是也。苟反而思之,行有不得,皆 見辱,我自取辱也,數而見疏,我自取疏 也。大臣格心,良朋之道亦然。若取信於 反求諸己,其於臣道友道,思過半矣。 言,其爲誠意已薄矣,況至於數乎! 臣朋友之間,勢孤而情攜,未有能得之者 數數之病,皆起於不誠。以不誠之心 數而見辱見疏,而猶歸過於君朋者

公冶長第五

妻之。 道,不廢,邦無道,免於刑戮。」以其兄之子 其罪也。」以其子妻之。 子謂公冶長:「可妻也。 子謂 雖在縲絏之中,非 南 容"「邦有

門人記二賢之見取於聖人,一則謂其縲絏

賢乎? 耳。 牝牡 之可 皆有不可得而知者,聖人未嘗容私於其 爲肺腑 驪黄之外者。 原,一則謂 使不幸而遭公冶之詿誤,其將以 之戚,則所謂時之後先、年之長短 二賢之品自有優劣,而夫子 刑戮之可免,總之鑑 免於刑戮,亦論 並引 其 人於 是 貶

謝上蔡謂:夫子擇壻,後人以爲非。 分意思,便戾人情。「可妻也」三字,何等 平實處,於此增一分意思,便違天理,減一 是遠人以爲道也。 公冶長可妻,非擇壻而何? 妥! 此事正是孔門真學問 聖人不擇壻 子謂

間

也。

之有人歟?

子謂子賤:「君子哉若人! 魯無君子者,斯

取斯?

輕

子賤之爲君子也,魯衆君子力也。 子之力能 與之,而子賤實能取之也 非衆 君 雖

> 然,魯固有大君子焉,尼山振鐸三千,七十 之品也。夫子之美子賤也,蓋亦私幸及門 取文學,皆有聖人之一體,以鳴斯道之盛 恣取。 或取德行,或取言語,或取 子之彦萃一堂而講求,如江 而子賤亦其裒然者歟? 顔淵之亞,德行 河飲腹 政 ~,聽其 事,或

方有益 按: 宓子賤治單父, 冠蓋迎之者交接 抵親師取友是學問第一義,但須虚心善下 此,則其平日力學而孜孜於師友可知。 之而稟度焉,皆教不齊以道。 友事十二人,又有賢於不齊者五人,師事 老,賢而與之共治,父事三人,兄事五人, 之所謂陽鱎者至矣。」於是至單父,語其耆 道。子賤曰:「車驅之,車驅之。 夫陽書 子貢悦不若己,子夏離群索居,其 孔門若無若虚而 外,僅見子賤。 夫 爲 治 如 成就不 於

逮也。

曰:「君子哉若人!」 时,何得何亡?」子賤曰:「自來仕者無所 住,何得何亡?」子賤曰:「自來仕者無所 住,何得何亡?」子賤曰:「自來仕者無所 世,是學益明也,俸禄所供,被及親戚,是 之,是學益明也,俸禄所供,被及親戚,是 之,是學益明也,俸禄所供,被及親戚,是 之,是學益明也,人, 於,可得何亡?」子賤曰:「自來仕者無所 世,何得何亡?」子賤曰:「自來仕者無所

曰"「何器也?」曰"「瑚璉也。」子貢問曰"「賜也何如?」子曰"「女器也。」

越人群,爲斯道中之美器耳。 越人群,爲斯道中之美器耳。 越人群,爲斯道中之美器耳。 越人群,爲斯道中之美器耳。 越人群,爲斯道中之美器耳。 越人群,爲斯道中之美器耳。 越人群,爲斯道中之美器耳。

用佞?」響人以口給,屢憎於人。不知其仁,焉數曰:「雍也,仁而不佞。」子曰:「焉用佞?

之難言也 有得於斯,其於仁猶未可知也。甚矣,仁 人。」雍雖不敏,請從事於斯語矣。 取之則幾矣。他日語仲弓曰:「出門如見 不佞也。 始曰「不知其仁」,正欲其從事於仁而喜其 粗,故夫子深斥佞之無所用,以爲善雍,而 仁最清。 舌是佞。 心一耳,内葆之即是仁,外洩之便給之口 大賓,使民如承大祭,己所不欲,弗施 然欲求仁者,當自不佞而人,近 佞與仁正分道而馳者。 而謂不佞之雍即仁,而勘仁轉 使雍果 不 ·佞勘

情窮而佞人之口不窮,終被佞人使唤不悛,窮一説,又轉一説以蓋之。憎者之「屢憎於人」,正見其禦人情狀處。屢憎屢

去也。

子使漆雕開仕。對曰:「吾斯之未能信。」

子説。

信,如握左券。 堯舜君民之業實可見之行,而鑿鑿有以自 莘野而樂堯舜之道,及膺三聘而憣然,則 明之理。 仕、學只是一理。 之見矣。 恍有 悦其終得與於斯而幾於信也。「斯」指此 仕學爲一原者不足以語此,故夫子悦之, 其所學,爲開之求信於斯者素也。而 只嘗試漫爲耳。子使漆雕開仕,亦借以証 有諸己故 理 以未信對,此非真有見於道體之無窮 而 言,即指仕之理而言。若駕空摸索, 物焉,以爲求信之地,則鄰於佛老 明得盡者,措之於行 也。 惟求信,故知 有諸己之謂信。 然學未至此地,一旦當官, 仕所行之理,即學問所 未信,亦惟有真信 而不疑,實 伊尹 耕 開 而 果 於 通

餘,即晤言一室非不足。此孔門不怨不不必在斯。真能信者,合天地民物非有者而後能有其未信。總之,信不離斯,亦

尤、下學上達之宗也。

字言,自有根據。或以古人之學由己以及茶飯,正不必如此解「斯」字。即照上「仕」謂:此猶説得太鑿。古人看道理如家常謂:此猶説得太鑿。古人看道理如家常歷子静曰:「古人看道,如家常茶飯,故曰程子曰:「古人見道分明,故其言如此。」

四七

斯」之「斯」亦通。 未之能信,而敢言仕爲」,則「斯」字作「示人,自近以及遠,若曰「吾於目前至近者且

無所取材。」與?」子路聞之喜。子曰:「由也好勇過我,與?」子路聞之喜。子曰:「由也好勇過我,子曰:「道不行,乘桴浮於海,從我者其由

倉卒間不免胡亂下手耳。

於此! 好勇無 浮海 無所 言。若曰「從我之由,所惜此耳」,意猶爲 進地可商。故夫子復示之曰「好勇過我, 所學之足以忘夷險、一得喪耳。只此便有 子路生情,有成就後學、傳道來禩之意,渾 夫子本爲道不行發嘆,被子路一喜,轉向 故子路便以一喜承當? 乘桴浮於海」,當日發言有無限酸楚,何 者 取 難 裁,自是子路平生岸略,不以一喜 裁」,即「是道也何足以臧」之意。 子路之喜,蓋喜其見與於夫子,謂 同伴也,而所以 痴人説夢,何 進子路者至矣。 至

悝之死? 正爲見道不明,失却取裁一節,看此氣象,可爲卓立千仞,何故後來有孔悦,至許從浮海則喜,始終只是一轍。 人子路聞公山佛肸之召則不喜,見南子則不是天心無已,絶處逢生。

帶立於朝,可使與賓客言也。 知其仁也。」「赤也何如?」子曰:「赤也,束 也,千室之邑,百乘之家,可使爲之宰也。 也。不知其仁也。」「求也何如?」子曰: 又問。子曰:「由也,千乘之國,可使治其賦 孟武伯問:「子路仁乎?」子曰:「不知 月之至,此心在忽操忽舍之間,此理在若 分量,即夫子猶以爲歉,而況諸弟子乎? 孔門以求仁爲學,特開千古道場。 不許其仁。 故若由、若求、若赤 蓋諸子未嘗不從事於仁,而日 ,其才皆有以自見 不知其仁也。」 然極其 也。」 而 「求 終

者,可與知仁矣。也」。所長在此,所短即在此也。知乎此就其所長而許之,又終之曰「不知其仁就其所長而許之,又終之曰「不知其仁意自是渾融,及又問所以不知之故,則姑存若亡之界,終不可得而知也。「不知」語

子謂 也何 以 聖門論 知二。」子曰:「弗如也。 傲然於回 ?敢望回? 子貢曰: **三聰明**. 者 「女與回也孰愈?」對 知解,回不及賜遠甚。 回也 正或 聞 在 此。 以知十,賜 吾與女弗如也。」 無不 -自知 曰 : 疑賜 也 聞 借借 「賜 所

謂也。 者,曰「 學問 以 景界,賜有廢然而返矣。言「弗如」而得所 回 則辜負夫子一問矣。 退托,甘以地步讓人,爲自知而自屈之意, 方,故夫子與之。 到此了不足恃,惟有向上一機在,「如 不在彼者。 億見愈多而愈障,始知君子之學有在此而 體,一察之明在億見。性體愈約 全體之照,賜得 而一與二,即彼此之謂,皆借喻也。 之而深與之。 地如能 弗如之實,言「弗如」而 鑄 無可程量,即 賜,意念深矣。 「何敢望回」,驚避之辭,不敢程 及證於知二、知十之間,而賜之見 望回而 就此求其造詣,平日得手學問 一與十,此理終始之别名: 趨矣,故夫子亦以「弗如」實 一察之明。 若只就多寡程 所聞 乃賜 以 叩 又得 則 全體之照在性 所知,而 有 所以 爽 吅 量,姑自 然 愈該 兩人 如之 量之 回 自 得 失

四九

亟首肯。又黄誠甫問此章於陽明子。陽 平吴生在坐,遽曰:「爲是尚嫌少在。」先生 宰白著了夫子氣力,故夫子曰「弗如」也。」時 其言按:象山先生曰:「知二知十之對,又是 於人

夫,顔子在心地上用工夫,故夫子問以啓明子曰:「子貢多學而識,在聞見上用工亟首肯。 又黄誠甫問此章於陽明子。陽

嘆息之,非許之也。」此皆以二先生所學過之。 而子貢所對,又只在知見上,故聖人

交,则多是多公司,更是基公真之,可分不如心性,多不如寡,故云云。若以多寡疑聖賢如此。 其實子貢當時已悟及聞見

也寡者又多,多者反寡,當必自有説。聞較,則多莫多於子貢,寡莫寡於顔子,而今

信,雖不離自己窠臼,已能超然進一解矣。就知見言。子貢略開眼孔,恍惚間似疑似所以聞於夫子之教,言知從聞得,亦不專

牆不可杇也。於予與何誅?」子曰:「始吾宰予晝寢。子曰:「朽木不可雕也,糞土之

其言而觀其行。於予與改是。」 於人也,聽其言而信其行, 今吾於人也

平日都以語言抵當過,就其説得分曉處,宰予晝寢,便是行不逮言本色。予之學,

繼,正如朽木而施雕鏤、糞土之牆而繪畫一似猛作進步人。 而徐按之,有索然不可

上之嗇可亏也, 弄污其易亏可易制也。二然。朽木可雕也, 吾病易雕而易朽也, 糞

雕、不可杇也,故下文有聽言觀行之説,而語正寫出多言病道照影,非果以爲不可土之牆可杇也,吾病其易杇而易剥也。二

於予改是者,所以儆予者至矣。

名理,一似刻脂鏤冰,無有是處。 宰我能言,猶不至朽木之雕。若後世專談

子曰:「吾未見剛者。」或對曰:「申棖。」子

曰:「棖也慾,焉得剛?」

人得之爲天德,見所性之純一貞信。性中天體純陽而至健,《大易》首以剛字贊之。

受障,一 決! 只有仁、義、禮、 之好,不使加身之惡、自訟之改,何等剛 過 神,夫子所謂剛者是也。子嘗曰「我 之超然物表,而落在氣質,常爲學問 體,又試之於慾而見剛之用。「棖也慾」, 寄思不置也。 非另有一項强忍不屈者,尊之爲絶德,而 好仁者、惡不仁者」,又曰「我未見能 矯自好,只一點私意放不下,須知本體全 故曰「棖也慾,焉得剛」。 心爲慾膩,何故借此 剛無物可指,不是慾之反。若不剛在有慾 是剛」,又説「棖也慾,則不能剛」,皆非。 而内自訟者」,即「未見剛」之説。 ,便認「剛」字作「勇」字。 夫子「未見剛」,即是未見此等人耳, 似鉛 刀手段矣。 剛不可見,離慾而見剛之 智,無 一割,●這是不剛處 所 爲 舊解「棖是慾,不 外貌許多强忍矯 剛。 顔子深潛純 剛 即 未見 之用 性 無尚 見 其 體

> 粹, 剛」字不在氣魄上論,或人不舉仲由 申棖、非病不識剛、病不識棖。甚矣、慾 是 無 血 性 男子, 然 其 克 處 直 恁 而 剛 鑍

之難勘

也

鉛。 剛 也。 割 他不剛。 故? 則此章之旨燎然矣。棖因慾,故知 聖人思剛要何用? 之後,益增頑鈍 在,只無學問以淬厲之,便成頑鈍,於有慾 如利刃 物,直是鉛刀。 依舊是認勇爲 有慾者不剛,真如金之和鉛 這不剛之病又從何來? ,遇物便砍,無堅不破。 可知。 或曰:「剛 剛見解。」曰: 與棖之有慾而不克何 喻 金,慾 今試問 而 若不 剛 必 體 能 本

加諸人。」子曰:「賜也,非爾所及也。」子貢曰:「我不欲人之加諸我也,吾亦欲無

● 「借此」上,四庫本有「不」字,義較長。

其欲惡之智往往用全副精神,纔用到 暗於人也,正爲人情愛護自己無所不至 之間,往往而是。所以然者,非明於己而 論:我之不欲於人,亦 惡可以合看? 試將不可加一事提衡 上,便一步推不去,豈知 奈何彼此相加,竟不能視人猶己? 猶 人之不欲於我 日 人分 用 而

故耳。 上,即 脈最親切者不能作一 與自己有礙,勢不得不拒人以成己 此非平日克己功深、認得「我」字血 體親,則「不欲無加

之言性與天道,不可得而聞

也。

及」,蓋欲其切己反觀,破除坐下病痛爲 之説談 義,非可漫説强恕平情之學也。 何容易! 故夫子以爲「非 若只虚 爾 第 所

擬一平等之觀,以己心度人心,有甚 楔子打不過,在賜正好於此加功,故夫 而 當境,便成慣慣 此其中必有一 |難事 一喫緊

關

俄

子貢曰:「夫子之文章,可得而 貢一日即勦襲其説,漫然承當,所謂 此置力。子曰「己所不欲、弗施於人」、子 子 善學矣。「非爾所及」,正使其 葫蘆,全未有發明夫子之藴 日,又告以「一言可行曰恕」,故子貢遂於 立立人,欲達達人」,而要之於强 子貢嘗以「博施濟衆」爲仁,夫子告以「欲 抑 而 進之, 非 謂 恕可 及、仁不 處,亦可 聞 可 理舊 也,夫子 及 恕。他 也 案。 謂不 依樣

性,無言非天道,歷歷在人耳邊,而學者終 道之本然,而天道即其自然者也。 天命流行,物與無妄,天之道 教洙泗,無 小,無往 用、動静,以至綱常倫理之大,搜渤 以爲性。天不離人,性不離形也。 加 非 非 性 闡 則 明性天之藴。 無往 而 非 也。 天道 蓋 無言: 推之日 夫子設 人 瓦 礫之 得之 性者 非

者何也? 以夫子無言非性,無言非天道, 下矣。有當面錯過者矣。其云「文章可得而聞」 得聞之不可得而聞,滯於言而不得其所以言,則 夫子言

中未始不可聞,始知夫子之以言教也,而一夫子言耳,聞之中有不可得聞,不聞之而聞,夫子之所以言不可得而聞也」云耳。而聞,夫子之所以言不可得而聞也」云耳。可言之耳。子子言耳,聞之中,我然燦然,文而且章,則夫子之言皆性天發見流行之妙,如四時則

之言性與天道,不可得而聞」,正可互相「子罕言利與命與仁」,而子貢則曰「夫子

乃其以無言教也。

發明。

顯處。合之,見聖道之妙。 之言性與天道,不可得而聞」,是語而不能焉,天何言哉!」是默而不能藏處。「夫子子曰:「天何言哉! 四時行焉,百物生

得聞之,而且發揮之,其餘諸人皆死言夫子言性與天道,惟子貢得聞之,惟顏子

子路有聞,未之能行,唯恐有聞

萬上見,顔子在一上見。」聞,顔子之學在心,故語之不惰。 子路在真西山曰:「子路之學在事,故惟恐有

爲文。要之,文子亦學其所學,問其所問,取,猶然遠於俗吏之不學無術者,故可以刊:「敏而好學,不恥下問,是以謂之文也。」曰:「敏而好學,不恥下問,是以謂之文也。」子貢問曰:「孔文子何以謂之文也?」子

拘拘 法》: 文子始。 文。」並無以 惠愛人曰文,愍民惠禮 丽 有合於謚 嘗 經 知 天 夫子亦就其所長而稱之,非謂其 所 緯 「勤學好問」爲「文」者,有之自 謂 典 地 學 也 日 問之道 文,道德 曰 文,錫 者 博厚 也。 民 日 按: 爵 文, 位 慈 謚

· 青子之道,即留賢大學之道。 道無所下其事上也敬,其養民也惠,其使民也義。」子謂子産,「有君子之道四焉:其行己也恭,

實未 是之間,概有當於四者云耳。 子之惠 敬,而實未盡君子之敬,其養民也,有君 然,何也? 君子之道,即聖賢大學之道。 有君子之義,而實未盡君子之義。 曰「有君子之道四」,若千百中僅舉其一二 ,自「行己」以往,事上、使民,其大端 盡君子之恭,其事 而 實 子産之行己,有君子之恭,而 未盡 君子之惠; 上也,有 聖人不没人 其 道 (使民 君子 模倣 無 所 也。 也 之 不 似

> 如取我 舉 善 節以一惠,蓋舉其重者而言之。 以防民之侈、節民之欲者,皆有章程條教 休,有許多小心處在,養民惠,子産 縫闕失,外戢四鄰,内捍强宗,貽 事定公、獻公、申公三朝,皆庸主,動 歸反站侈然自放者異矣; 是使民之義也。 而稱之。 ,於春秋賢大夫,必以子産爲巨 田疇 行己恭,謂動 而伍之,取我衣冠 夫子他日又曰「惠 有 事 法度 上 而 敬 了較之三 一擘,故 即即 褚之,所 鄭國之 人也」, 爲政 能 其 彌 歷

夫子稱之。 生矣。平仲久而能敬,信爲交道之善,故交友親則易狎,狎則侮,而攜貳之隙從之子曰:「晏平仲善與人交,久而敬之。」

其

智者不惑以鬼神,謂其見理明而趨避決,

數任術,私智揣摩,正所謂大智之賊耳。不假於鬼謀之事也。文仲以智稱,不過挾

即居蔡一事可知也。

又曰 子張問曰:「令尹子文三仕爲令尹,無 得仁?」 則曰『猶吾大夫崔子也』,違之。 君,陳文子有馬十乘,棄而違之。 矣乎?」曰:「未知,焉得仁?」「崔子弒 色, 三已之,無愠色。舊令尹之政,必以 曰:「清矣。」曰:「仁矣乎?」曰:「未知,焉 新令尹。● 「猶吾大夫崔子也」,違之。 何如?」子曰:「忠矣。」曰:「仁 至於他邦, 之一邦,則 何如?」子 齊 告

何也? 微、箕之忠也,而曰「殷有三仁繼之曰「焉得仁」,若深有不滿於二子者,至子文之忠,文子之清,亦曰「未知」,而又下,概曰不知其仁,尚未直説他不仁處。甚矣,仁之難言也。夫子自由、求諸子而甚矣,仁之難言也。夫子自由、求諸子而

子之於齊,既失正君討賊之義,又不數歲 乎二子之忠清,獨不得爲仁? 焉」,夷、齊之清,而曰「求仁而得仁」,何居 忠與清則事之見於外者。以仁者之心而 清畢竟何别? 曰:仁一有「及」字。 故夫子一言斷之爲不仁也。 深於謀身,而所由終與三仁、夷、齊異矣, 「隱有虧損」。 義者,則其於天理人心已隱隱受虧,一作 事,須提起大綱領。二子皆不明於君臣之 而反於齊。」數語實二子鐵案。凡論 云:「子文相楚,無非僭王猾夏之事 迹其所爲,未嘗不忠於所事 然則仁與忠 朱子外注 心德,而 了; 文

「新」,原誤作「親」,今據四庫本、嘉慶本改。

苟無愧於本心,則一言之忠仁也,九族之

事君則爲忠,以仁者之心而淑身則爲清!

忠亦仁也。

辭一簞之清仁也,辭千駟之清

0

也。此可以識仁矣。 也。此可以識仁矣。 也。若極言心德之全,則舉天下之道德事 一、夷、齊之爲仁,亦就其仁仁之,而子 一、夷、齊之爲仁,亦就其仁仁之,而子 一、夷、齊之爲仁,亦就其仁仁之,而子 以皆不足爲有無,而況忠清一節乎! 故 也。若極言心德之全,則舉天下之道德事 也。此可以識仁矣。

而正之,非實是一番再番之謂。此文子之意也。曰「再,斯可矣」,婉其辭勢必展轉計較,終以遂其自私一念而已。人心先横著私意,則遇事茫然,愈思愈亂,

惟一味朴忠,抱王臣蹇蹇之節者,庶幾能但無道之日,數窮時亟,智有時而不可用,人臣謀國之智,不論有道無道,皆所不廢。其知可及也,其愚不可及也。」

純智者不足以當之。 以愚濟者矣。有道之智,智以才顯, 之。死而生之,危而安之,則天下事真 不有行者,誰扞牧圉? 用昭乞盟於爾大 皆降心 君臣不協,以及此憂也。 甯武子與衛人盟於宛濮,曰:「天禍衛國, 奉公子叔武以受盟。或訴元 伐衛而文公薨,子成公鄭忽奔楚,使元咺 公子出亡,過衛,衛文公不禮焉。 既得國 與愚字無當。今考武子在當時,晉文公以 無道之日,雖不廢沈晦,然仍不失爲智巧, 及也。或以沈晦免患,似非武子本色,處 辦,而無道之愚,非才識兩全、有天下之 之愚,智以節晦。故有道之智,一中才能 曰:「立叔武矣。」其子角從公,公使殺之。 咺不廢命,奉叔武以守。已晉人復衛侯, 相從也。不有居者,誰守社稷? 此甯武子所以不可 今天誘其衷,使 咺於衛侯 無道

不貳。 訟,甯武子爲輔,鍼莊子爲坐,訟不勝,刖 枕之股而哭之。 髮走出 神先君,是糾是 居者無懼其罪,有渝此盟,以相及也。 神,以答天心。 使醫衍鴆衛侯,甯俞貨醫,使薄其鴆,得不 京師,置諸深室。 鍼莊子,爲甯子忠而免之。 而終有衛國,武子之力也。 魯僖公爲之請,乃釋衛侯。 ,前驅射而殺之。 衛侯人,叔武方沐,聞君至,喜,捉 既盟之後,行者無保其力, 殛。」 元咺奔晉。 **甯俞職納橐饘焉**。 國人 公知其無罪也, 、聞此盟也,而 執衛侯,歸 觀此,大都以 衛侯與元 衛侯 晉人 角 明 出 於 咟 後 後。 里。 萬古餘情

子在陳,曰:「歸與! 狂簡,斐然成章,不知所以裁之。」 斯道之任,斷 故「中行」之下首推 非庸 庸瑣 歸與! 細 「狂簡」,就他志意 一流人所 吾黨之小子 可 幾

死。

樸

愚濟事,未見所爲沉晦處。

等,故斐然成章,絶非羊質虎皮、絲枲兼奏 轉切,慮之也切,故裁成之也亦不敢自 規,則將來異端曲學之害有不可勝言者。 裁,此箇病痛亦非小可,始於毫釐,終於千 者比。第不免有過中失正之病,不 高、向道之篤、服善之勤,真能高視人家 高遠略於事爲處,想其居心之正、制行之 此又夫子所深慮也。 使一任其狂簡之質而不納於中正之 聖人曲爲吾道計如此,「歸與」一歎 望之也殷,故慮之也 · 知 所

子曰: 知,使先覺覺後覺者,夫子也 由於不學,學所以求知也。 脚何地,雖説堯説舜,總無是處。 蔽,實藏不顯,千聖之印合無門,一 狂簡病痛,只坐一不知。不知,則本心受 「伯夷、叔齊不念舊惡,怨是用 使先知覺後 然不 生之立 知

五七

怨者。 我以私 好善而 及諸 有 之禍、怨毒之於人甚矣哉 者能好人,能惡人。」後世如東漢顧、厨、俊 故借夷、齊以示訓云。 他日又曰:「唯仁 雖鑑別之嚴,總屬無心之陶鑄,何多怨之 亦不媿夷、齊者也。 欽其志,亦可哀已。 側,上不愧皇天,下不愧夷、齊。」誦其言 悟更以爲黨。 曰:「吾欲使善善同其清,惡惡同其濁,不 而復惡之,好惡不係於我,新舊惟其所值, 身之私 ! 私未化,不能如鑑之照物,妍媸隨形,則 君疾仇常侍,●譏訕朝政,卒成鉤黨 夫子恐人以孑孑之義爲樹怨之媒 「感,人 .惡惡,本天下同善之情。 如夷、齊之不念舊惡,俄而好之,俄 愠而廢天下之公義,如滂等者 /情 身死之後,願埋滂於首陽 亦以私應,未有不府之爲 雖然,君子終不敢以 <u>`!</u> 而范滂之言 然其中苟

> 之理也。」 清之量,便有餘量出來如許之大。 量,只是清到十分,是盡 程子曰: 「此清者之量。 得分量處。 清中 未 嘗 此 自然 有 盡 得 得

五八

鄰而與之。」 子曰:「孰謂微生高直? 或乞醯焉,乞諸其

恥之。」 恥之。 子曰:「巧言、令色、足恭,左丘明恥之,丘亦 正之。 勘其隱衷,有多少私意在? 便成箇忠臣孝子。 乞醯一事,假令移之君父身上,如此 文「巧言、令色、足恭,匿怨友人」帳本。 匿怨而友其人,左丘明恥之,丘亦 其事甚微,而害心術甚大,便是下 今不免在情面上用了 故夫子指而 委曲

人心惟一 點真心不壞,則人品竪立多有其

302

侍」,原誤作「待」,今據嘉慶本改。

言。 伎倆。 盡。 恭」未必便是脅肩諂笑,病於夏畦,只争一 口 及此乎? 聖人蓋自勉以儆世云耳。 者,言恥其事而不敢爲,非恥其人之謂也。 察、盡化其隱庇回互之見者不能破除淨 令胸中都是恩怨念頭, 匿友情面正用 巧言令色也者,必其能爲匿怨之友者。 巧 心又壞矣。兩項事總是一項。人其能 發,只其中毫有不化,不能明白其端而 如匿怨之友,未必便是包藏禍心,待時而 分表暴之意,稍不如其所有而真心壞矣。 基。機械變詐之事,如鬼如蜮,無所不可 而其端往往起於甚微。 動容貌,尋常儕俗之與,便是打不過, 故丘明以爲恥,而丘亦恥之。 恥之 此等氣習,非學人立誠之至、隨 第一則就持己上言,一則就處 談何容易,儘有守己一生,纔啓 故「巧言、令色、足 或日 聖賢猶恥 事 人上 巧令 · 省 爲 真

言,是以不言餂之也,是皆穿窬之類也。」可以言而言,是以言餂之也,可以言而不儘儘礙明眼人,故子輿氏覷破,曰:「士未

聲可知。

学以手容與足容並言,則「足」字不當從去足恭,乃足容盤辟爲恭者。《大戴禮》,曾此正夫子之所恥也。●

信之,少者懷之。」曰:「惡者安之,朋友曰:「願聞子之志。」子曰:「老者安之,朋友憾。」顔淵曰:「願無伐善,無施勞。」子路曰:「願車馬,衣輕裘,與朋友共。敝之而無顏淵、季路侍。子曰:「盍各言爾志?」子路

今日事。今日所志,便是他日所事。聖賢知爾之問,是商他日事,言志之問,是商

字,今據四庫本改正。

或得 之意 只就 是洙泗家風 周施 ,上天下地,往古來今,盡在此間。 ,隨大小廣狹即以自見。 眼 一體,或具 前 道 理 體 即 身証 而微,而斟酌於元氣之 學問 丽 如人一 萬物 身, 此 體

伐? 者安之,朋友信之,少者懷之」,因人情所 世,雖堯舜事業,真是一點浮雲。然猶 推之,見得宇宙事皆吾分内事,何 之心,故顔子進一解,就此朋友共敝之念 我之殊。 吝想,便將此身放在天地間了,不見有 輕裘,共敝無憾,舉人情極難割處不作係 物胞與未嘗不知,此理當煩推致耳。 然諾不渝,精神多映徹在朋友身上,於民 子路何故在朋友上起見? 子路勇於義, 有善勞之可言也,故夫子又進一解,曰「老 何勞可施? 第不免沾沾自喜,有挾之以施伐 無伐無施,則善勞在 善 車馬 知 可 彼

必問所爲懷而懷在。安、信、懷願欲在天 在,吾有懷之之心,世即有懷之之象,不 之象,不必問所爲安而安在,吾有信之之 待而心無待,吾有安之之心,世即有安之 力,則我不言勞。此天地之道也。 善, 合天下所同然, 而動吾不容已之愿 與天地萬物略無絲毫間 見有功能之迹、推致之煩,方見聖人之心 下,聖人以天下之願欲爲願欲 心,世即有信之之象,不必問所爲信而信 此便是學不厭,只此便是教不倦。 志,各不相謀,而實有互相印証之意。 同 亦云「老安少懷,即是時行物生之教」云。 「舞雩三三兩兩,正在勿忘勿助之間」,吾 「老者安之」數語,志與事一齊俱到,事有 然, 而 與 天下以 各得之分, 隔 加 則 自得,不 後儒云 我 聖賢言 不 只

子曰:「已矣乎! 吾未見能見其過而内自

昔人云:「見過非難,訟過爲難。」予謂反 多是含糊過去,昏昏藏頭躲尾,不肯自見, 以爲受訟一作「質對」。之地? 今人有過, 分明」。 是。譬如訟者,必兩造分明具狀,一作「左驗 過也人皆見之,故更也人皆仰之。 塗得自己耳目,而人已昭乎揭日月,而行 所以終無改圖。 打 不力,故又須内自訟。 過即知,一些子便看作天來大,若與天下 與君子異,而改亦與君子異。見過者,有 過未嘗不可見,而實無自見之心,故其見 亦何益之有? 君子之過也,如日月之食。 共見然。 既見後,勢不得不改,第恐改 勘,直 ,從何造端,從何成 方能聽理。 了解到底,如死者之求生,如斷者之 掩目捕鼠,掩耳盜鈴,只 各各舉隱匿本情,亦何 就,從何結果,一 試問此過從何來 小人之 圖

求續,而遷改之圖自有無所不至者矣。如求續,而遷改之圖自有無所不至者矣。如求強,而遷改之圖自有無所不至者矣。如求於。然忽忽無長進,只是未曾打破此關,故此一番兩番,一作「親見己之天君」。真能脱胎此一番兩番,一作「親見己之天君」。真能脱胎式續,而遷改之圖自有無所不至者矣。如求續,而遷改之圖自有無所不至者矣。如

丘之好學也。」子曰:「十室之邑,必有忠信如丘者焉,不如子曰:「十室之邑,必有忠信如丘者焉,不如

一副精神,真是前無千古,後無萬古。至天德,而其心未敢以爲足,没身乃已。此拾級而前,進一步又有一步,馴至於上達拾級而前,進一步又有一步,馴至於上達

❶ 「人」下,原衍「有」字,今據四庫本删。

六

己以勉人,見得生質之美,不甚相遠,亦學 發心既真,自有欲罷不能之味,久之而不 發心既真,自有欲罷不能之味,久之而不 脈不倦,即爲至誠之無息矣。其究竟以完 此忠信之質而已。 此忠信之質而已。

與不學異耳。

弓德性簡質,具有狂者之概。

他日「見

賓

而已矣。人心纔肆便疎濶,敬則嚴密。仲

承祭」之教,正裁以居敬法也。 「雍雖

不

論語學案二

雍也第六

知所以裁之。」裁之如何? 亦曰學以居敬子嘗曰:「吾黨之小子狂簡,斐然成章,不以臨其民,不亦可乎? 居簡而行簡,無乃大以臨其民,不亦可乎? 居簡而行簡,無乃大子曰:「雍也可使南面。」仲弓問子桑伯子,子曰:「雍也可使南面。」仲弓問子桑伯子,

爲萬世無弊之語。學者詳之。 爲萬世無弊之語。學者詳之。 爲萬世無弊之語。學者詳之。 爲萬世無弊之語。學者詳之,則居與行皆簡矣,不特其所居非,并其 以治天下。生心害政,莫此爲甚,故聖賢 以治天下。生心害政,莫此爲甚,故聖賢 以禮,并行處是敬」,更不道一「簡」字,尤 以禮,并行處是敬」,更不道一「簡」字,尤 以禮,并行處是敬」,更不道一「簡」字,尤

顔回者好學,不遷怒,不貳過,不幸短命死哀公問:「弟子孰爲好學?」孔子對曰:「有

六四

矣。今也則亡,未聞好學者也。」

懲忿得其大者。 凡怒緣感生,而隨 力,誠 理,若有一定之域。 矣。七情之蔽,惟怒易乘,故顔子之學 學莫要於治 説 剥换,一日而 徵其常心,以過徵其暫時,時時保任,時時 不知,知之未嘗復行也,何貳之有? 渾然完復時,幾於無過矣。 可怒之理而已,何遷之有? 血 制法可施,惟顔子學以克己,直能克 出人之倪,即動些子亦是遷。 各中其節。 獨步精神,故夫子嘆之。 氣之私 改過,人人 有非 ,而毫不 他 心有不存,而七情先受其 心 理會得,只不遷不貳,是顔子 超凡證聖無難。 人 所 心之體發而爲喜怒哀樂 敢 妄溢。其發也,適還 然試就天理分數 望者。 苟有過,未 尋常説懲忿, 只此是心 此際更無 此其好學之 感 以 以怒 去 嘗 此 蔽 其 體 强 觀

之是善發聖人之蘊。

之是善發聖人之蘊。

之是善發聖人之蘊。

之是善發聖人之蘊。

之是善發聖人之蘊。

之是善發聖人之蘊。

之是善發聖人之蘊。

之是善發聖人之蘊。

久有得力時,正不得妄希高遠而以絶學窺克己最難。學者且就當境痛加懲創去,久薛文清公二十年治一「怒」字不盡,以是知

分明是「貳」了。問「貳過」。曰:「過而不改,是謂過矣。」聖賢也。

鄧定宇曰:「此非閔、憲以 性之功最真切處。若謂顏子必先有復 過,故就過時求一法,曰「不貳」。 心本常止而不能不動以怒,故就怒時 心常止,故不遷,心常一,故不貳。」 法, 曰「不遷」, 心本常 而不能 下學 問。 此正 不二於 愚 求 顔子 復 止

求之虚 之本旨也 之學都 而 遇怒能不遷,遇過能不貳 之功,先得此心之止與一者以立本, 心 不遷者又一心也, 也,將孔門一切懲忿窒慾、遷善改 無寂 無用 處,而所謂復性之功者,不幾 滅之歸乎? 一者一心而不貳 恐非孔、顔好學 ,則是止者 者 而 過 又 後

勘: 禄之内,其不 二子之取與,不必聖人裁定,只就二子互 , 方見赤之過 則過侈於常施之外,一則矯 可 於 同 取 年 如如 而 語 飲 明 盜 矣。 泉 般; 自 解於常 思 而

天然道義之衡,可以互證,便可以獨證。般。兩者比長絜短,而中道見矣。只此是求而觀,方見思之過於辭,必蚓而後可一

二子都只爲私見遮住,所以憒憒

象也。因物付物而又曲致陶鑄之權,分明天地氣操,則有與鄰里鄉黨之義。於此,見聖人就請者通情,則有與釜庾之義,就辭者全

知者。 按:如 門人陳敬伯質余曰:「九百之粟,疑亦羨 質言將「毋」字連下句讀,語意更婉,從之。 宰禄,不必定數九百矣。 於常禄之外,故原憲辭之。不然,只合云 應,且以憲之賢 此 看則 通章意旨更長,表之以俟 而 活 矯 情 至於此乎?」愚 九百 與 釜 | 庾類

山川其舍諸?」子謂仲弓曰:「犂牛之子騂且角,雖欲弗用,

善。 朱子 之矣。人其可以生稟自棄哉? 困勉可一 當身分内爲之則是,雖天亦不得而限之。 俗,而不可安於自棄也。聖賢豪傑只在人 此疑夫子策勵仲弓之意,言人當自奮於流 仲弓初見夫子,而夫子策之以 喻於變化氣質者如此,非以質美言也。 至,則氣稟之駁者幡然一變而 也,下愚可移也,亦曰學焉而已矣。 犂牛之子,生而賤者也,騂而且 不希聖希賢,吾不信也。 此章還作 曰:「聖人必不肯對人子說人父不 用人不以 世 「騂且角」,蓋取 類看 此 角 近道,雖 [。] 愚 (,山川 學之 謂 用 疑 曰

相 按:《玉篇》:「犂字雜文,又耕具。」今作 耕具」解,與下文「山川用之」之意更 應。

子曰:「回 月至焉而已矣。」 也,其心三月不違仁。 其餘則日

> 乎? 故學非以求仁也,以求心也。 子之心已不可得而見矣,仁更何處討 學荒矣,雖有能存焉者寡矣。然何言乎 仁,學固所以求仁也。 顏子「不遷怒,不貳過」,分明逗出「其心三 視諸子之仁,不是影響摸索,實實就 此心常存即常仁也,學之所以純也。 月不違仁」消息。 是何處印來。吾儕莫作文字看過 查檢得是離是合,并時節因緣不差些子 「心不違仁」? 仁,人心也。 顔子時時學,便時時是 或作或輟焉 心存而仁存 而學, 若諸 心上 聖人 歸宿

塵埃。 是融然冰釋 「其心三月不違仁」,有執玉捧盈氣象,恰 先儒嘗言:心是鏡,仁是鏡之明,私 塵去則鏡明,故克己復禮以爲仁。 ·· 時。 欲是

涂鏡 至,方知得日至。 源 曰 : 「學者須 知得日至,方知得月至。 知 時 至 仁。 知 得 時

六六

知得 日月至,方知得三月不違。」

月 諸子得 漸 禪。 盈 日 夫子得歲法,其一元之常運乎! 而食回,得時法,寒暑之氣,以積 法,日一中而昃進焉,得月法

而

季康子問,「仲由可使從政也與?」子曰 有?」曰:「求也可使從政也與?」曰:「求 從政也與?」曰: 「由也果,於從政乎何有?」曰:「賜也可使 「賜也達,於從 政乎 何 :

焉,達其材,斐然成章矣。 之九官,其夔龍之彦也與! 藝,居然經世之具,故皆可使之從政。方 三子嘗服聖人之教,各就其質之所近而 曰果、 曰達、 曰 學 也藝,於從政乎何有?」

子路勇者也,遇事輒斷,亦斷於理也。子 機警,事事安頓得有理,如曲技之迭奏然, **貢穎悟,尤能燭事之變於無形。** 曰 子路才氣極大,視求則已疎,視 冉子周詳

> 賜則已戆。 賜見事早,求見事審,要之各

有長 處

辭焉。 季氏使閔子騫爲費宰。閔子騫曰:「善爲我 如有復我者,則吾必在汶上矣。」

當時 計,聞者能不心折? 而又先之以善辭,則 聖賢見道分明,出處之際,斬然自斷,不作 彀中,帖帖聽命矣。汶上之托,直是不再 一毫遲回前却之想,觀閔子辭費宰可見。 纔却 顧 ,便費許多商量,不覺入季氏

哉 ? 子有焉。夫閔子亦幸而處季氏耳! 使其 志也。子曰:「篤信好學,守死善道。」閔 處人有禮,不至拂人以取禍,所以得行 也,是亦不可以已乎? 不幸而爲蔡邕,當董卓之召,其肯以 噫 ! 邕亦可哀也。 若龜山之于京 死 劫 其

閔子至性過人,聞道 而丰度凝遠過之,意其造道 甚早,其剛 精 毅似曾子, 則未

逮也。

説,向人分上最分明,及到仕衛輒時,便茫 試之心,苟有用我者,亦遘會而往矣,奚暇 可止,不受人羇勒,中是甚次第! 念一齊斬斷,到臨境時,只隨緣分付,可仕 此道大行不加,窮居不損,將富貴功名之 日有孜孜,必要於至道而後已。合下見得 曾、閔之徒,其得聞聖人之教而被服之也, 更不曾用得踐履之功,所以當境輒憒憒。 然無用處。可見平日只是將道理講貫過, 擇出處之正哉? 遇一加,此心熾然而動,而又挾以翹然自 日信道不篤,未免雜一點慕外之心,及感 畫,張學干禄,由以人民社稷爲學矣。平 不學之分也。諸子於學荒矣:賜願息,求 數人,而竟以此分優劣,何也?」曰:此學 問:「孔門不仕大夫之家者,僅閔子、曾子 如子路「不善不人」之 且也當

斯疾也!!

道哉! 進于道也,豈區區沮、溺、丈人之流可同日 之奔走乎? 故吾於費宰之辭而知閔子之 仕而仕,猶不免懷未信之歉,而況於權門

命矣夫! 斯人也而有斯疾也,斯人也而有伯牛有疾,子問之,自牖執其手,曰:「亡之,者也,由、求之徒,隨世者也。 持世者也,曾點,超世者也,原思,矯世孔子,陶世者也,颜子,用世者也,閔子,

陳白沙曰:「古之人處貧賤有道,處病有

世與? 也與? 也與? 也與? 也與? 也與?

「來」字原從「貧」字勘出,故曰「貧而樂」、

便是道,不必樂道

學問須自識病痛,方有鞭策處。吾輩明明曰:「力不足者,中道而廢。今女畫。」冉求曰:「非不説子之道,力不足也。」子

學問須自識病痛,方有鞭策處。吾輩明明學問須自識病痛,方有鞭策處。吾輩明明學問須自識病病,於無長進,却要卸罪於力,若

足一步,安問力足不足? 故曰:「力不足民安便生讚嘆。此身仍在門裹坐,未曾試了一毛? 如人原無志上長安,只見人上道,言他人之言,行他人之行,曾何關涉自道,言他人之言,行他人之行,曾何關涉自此人之形,皆一人之

是 者 切,所以欲罷不能,以冉求對症公案。 我以文,約我以禮。」顏子只認得一「我」親 道上人,不 **;** 中 唤醒女,使之反女而求,女悦女道 道 而 ·患不 廢。 今女畫。」曰「女畫」者 到 長安也。 顔淵 □:「博 一,便是 直

不足。「中道而廢」是力不足,「今女畫」是志

子謂子夏曰:「女爲君子儒,無爲小人儒。」 疏附 學以持世教之謂儒,蓋素王之業也。 者,僞儒也。 統遂稟於一矣。然儒一也,而有君子、小 春秋,孔氏其宗與? 小人矣。此學術誠僞之辨也。 小人。以小人之心盜君子之學,并其儒 人之不同。 後先,以共鳴儒學之盛,萬古斯文之 君子儒者,真儒 儒無不君子,而不能 而七十子之徒 也,小人儒 夫君子、小 不 倡於 , 爲 之 盜 而 於

門 子 侈心與? 夫子豫窺其微也,故以是儆之。 疑汝於夫子,爾罪一也。」無乃實不至而 老,而曾子笑之,曰:「吾與汝事夫子於洙 紛華靡麗 淺,故聖人嚴之,曰「女爲 傳子夏之學耳。 害。」此語最刻、蓋譏朱子也。 陸 泗之上,退而老於西河之濱,使西河之民 人儒」。卜子夏入聞夫子之道 可,謂朱子傳子夏血 畫足以自信,其節目足以自安。」謂朱 曰:「揣量摹寫之工,依倣假借之似,其條 的 象 切規模謹嚴,亦只守得一僞字。他 便可作小人 血 Щ 脈,孟子的 曰:「子 而悦,其神岐矣。 夏之學傳之後世,尤有 然謂朱子傳子 藏身窟 眼 孔 脈則不可。 ? 君子 此 落根 箇 ,儒,無 其 譏 而 ,夏規 朱子是孔 釀 悦 不清,即 禍 一出見 朱子 模 子實 日既 爲 胎

子游爲武城宰。子曰:「女得人焉爾乎?」

人易辨也,而同冒之以儒則難辨。

然則

儒

嘗至於偃之室也。」曰:「有澹臺滅明者,行不由徑。 非公事,未

矣。將斯道之傳,亦尚有賴乎?爲又如此。得若人以端士習、表世風,可一言一動皆有成法,而其大節凜然有所不一言一動皆有成法,而其大節凜然有所不澹臺滅明,狷士也。即二事而觀,則知其

賓問 獨居陋 太湖。 洪武末,蘇州知府姚善躬下士。隱者王賓 月朔望必延致學宫,講經書訓 見,不可得。會俞貞木以明經見重於善, 不可見者耶?」有錢芹,自守甚高,善初 及賓報謁,望門再拜而返。 非公事,不敢人」。又將候韓奕,奕避 菜於貞木,誤致芹所,芹受之。 吏覺其 爲 善歎曰:「韓先生所謂名可聞 巷,善躬往候見,舍車步入叩門。 誰,對曰:「姚善。」乃開門 貞木曰:「錢先生不苟 善自邀 士。 一月, 還 延 而 ·),辭 語 願 面

> 取予,今受不辭,必仰府公之賢耳。」善喜 訝,欲往候,使人先道意。 賢下士若姚公者,真空谷之足音也 善,竟不交言而去。視之,則皆戰守制勝 者。」善益竦然,請問之。 義。芹曰:「此士子之業,今事有急於此 庭。若明公宏下士之風,請俟月朔,胥會 後善竟以勤王死節。 之策也。善心嘉之。 於學宮。」善如期至,迎芹坐上坐,延質經 「芹誠幸見公。然芹,民也,禮不可往見於 時靖難兵已南狥矣。 愚按:三代而後,尊 芹但出一簡授 芹對使者 日

馬,曰:「非敢後也,馬不進也。」」子曰:「孟之反不伐,奔而殿。將入門,策其

曰:「馬不進也。」夫子特表其心之不伐,從之,孟之側後入以爲殿,抽矢策其馬,求帥左師,及齊師,戰於郊。右師奔,齊人《左傳》:齊師伐我。孟孺子洩帥右師,冉

以

爲

居功者勸云。

此,又須要人知其不伐。」程先生笑曰: 謝上蔡舉孟之反事,或曰:「今人亦能有 心之難化如此! 故君子不可以不學也。 言,其終不能遣諸胸中,是吾褊也。」 蓋褊 曰:「吾始懲鄧艾之事,懼禍及身,不得無 於王渾,不勝忿憤。或説以居功未善,濬 鮮不攘臂起者。晉滅吴,王濬功多而見枉 士君子苟無禮義以養其心,於功名之際, 心輾轉閃换,只是一團矜氣。 ·直如此巧?」此所謂巧於伐者。 可見人

免於今之世矣!」 子曰:「不有祝鮀之佞,而有宋朝之美,難乎

此人心之變也。人人習爲二人之態 不知怪,非徒好諛悦色而已。 有世教之責 一而恬

問"「祝鮀之佞,宋朝之美,於世何當?」

者, 盍思所以挽回之。

面孔不能濟,所以人人習之。 曰 只爲争名射利 非此 副 由其道,便 乖 口 角、 熱

予嘗問朱文懿公何如人? 做到弑父與君了。

「亦甘美。」正是此「美」字。 劉静之曰:

子曰:「誰能出不由户? 何莫由斯道也?」 也。曷不醒於由户之能乎? 言人不能不由道而卒莫之由,是重可怪

之勞,故曰「由」。要其至,如舜之由仁義 人原在道中生活,只是一物,無以此合彼 行者是,若依門傍户,猶之乎背而馳也。

子曰:「質勝文則野,文勝質則史。 文質彬

上士。

「由道」之歎,非徒激發下愚,亦以指點

彬,然後君子。」

言,便是勝,便落小成。 文與質,華實之稱也。 德器若彬彬,直是 纔有華實分數可

渾然無迹,適得乎禮樂之中矣,故曰「君

子」。蓋就其學之所至而言也。

判到生死關,更不必説。聖狂人禽之辨, 理,更無有罔而生者,曰幸免,亦危矣哉。善,猶在枝葉上論。今直舉人生而歸之善,猶在枝葉上論。今直舉人生而歸之子曰:「人之生也直,罔之生也幸而免。」

學問是救命靈符。

只初念是直處。

令人愴然。

好之至,斯樂之矣。知道之在我也而學君子之學,知啓其端。知之至,斯好之矣。

而自謂已至,豈知進一格復有一格乎?序也。學不進,只是自足。纔一試於道,之,而求必得之,得之斯樂矣。此進學之

終身難滿知量,當下亦有樂機。只好之一指點不如處,正催人進步也。

子曰:「中人以上,可以語上也,中人以下,關,是徹始徹終精神。

不可以語上也。」

形而上者謂之道。道不可言,其可言者皆形而上者謂之道。道不可言,其可言者皆形方者也。雖形下者也。雖形成之教莫非下,亦莫非上也,顧學中,故聖人之教莫非下,亦莫非上也,顧學中,故聖人之惑矣,故不可語上也。是以君以啓門人之惑矣,故不可語上也。是以君子之設教也,不執方而治,不凌節而施,時之之。雖形下者,而形上者即在其子之設教也,不執方而治,不凌節而施,時達其所已能,而不强其所未至。

子曰「下 命之語,亦只是注脚。 可以語上」,亦非 ·學而 上 達」, 執 直 上 是語 以 語 下不 也,如神化性 語 上。 日

獲,可謂仁矣。」 之,可謂知矣。」問仁。曰:「仁者先難而後 樊遲問知。子曰:「務民之義,敬鬼神而遠

上徹下法也。 上徹下法也。 上徹下法也。 上徹下法也。 一人只是一心,只無二無雜便是道。第一是 上徹下法也。

静,知者樂,仁者壽。」子曰:「知者樂水,仁者樂山,知者動,仁者

互發之機有如此者。樂水樂山,其機正在此知仁合一之學。學至於成德,而其交養

勿忘 還吾心之靜矣。 俯察,見得盈天地間只此陰陽之理即是 合一,一無「一」字。從造化取 凶,先天而天弗違,後天而奉天時。」嗚呼, 月合其明,與四時合其序,與鬼神合其吉 地之神也。 天地之化也,於静則得其壽者徵,静存天 道於動,適還吾心之動矣,證道於静 動,故樂水,仁者證道於静,故樂山。 而無間者,況山水之大乎! 心之撰,偏觸偏靈,全觸全靈,有亹 一,故曰:「大人者,與天地合其德,與 勿助間 學至於此,方與造化合而 蓋 證 於動則得其樂者徵 學於 造化 也。 則,蓋當仰觀 知者證道於 君子 動 之學 訢 日 爲 適 證 吾

至命,窮理盡性以至於命。樂水樂山是窮理事,動静是盡性,樂壽是至矣!非知道者,孰能知之!

此聖人上達微言,當是學易

後

方得

此

機 軸

則嘗樂。 樂水樂山,樂即是樂,動亦樂,静亦樂,壽 欲尋孔、顔之樂者知之。

子曰:「齊一變至於魯,魯一變至於道。」 曰 : 因之,則太公之齊已須一變方至道,況後 弱。」二公開國規模各異,而逆料後世衰 昔太公治齊,曰:「尊賢而尚功。」周公 次第如此 夫子借二國志更化之思,實自證經濟下手 壞,亦非一變不能至道,但視齊差易耳。 蓋至道之難也。魯之弱也滋甚,積衰而 世乎? 積强而霸,積霸而亂矣。變齊者, 曰:「後世必有篡弒之禍。」周公治魯, 變今日之齊以至魯,再變而後至於道, 親親 而尊賢。」太公曰:「後世 必 亂

魯之壞也,其始於隱、桓之際乎? 所變者政也,而俗因之。

> 立,迄於三家專政,迫昭公於乾侯,君臣 兄自立,春秋第一大變也。後公子遂擅弒 見逐,定公即位而不討賊,父子滅矣。 矣。桓公見弒,莊公即位而不討賊,昭公 桓 滅

於是三綱之道盡矣。 夫人姜氏如齊,昭公娶吴孟,夫婦滅矣。 其君設兩觀、陳大

輅,其臣八佾舞於庭,旅太山,歌《雍》 徹,其宰據大都,執國政,盜寶弓,名分僭 亂極矣。 他如躋僖公而昭穆紊,初税畝而

助法廢,作丘甲城中城而武備弛,苗蒐之

忒,紀綱法度蕩然盡矣。 不時而軍政壞,烝嘗之不經而祀典瀆,觀 魚築鹿而政事荒,納郜鼎逐歸 國之喪也,何日之有? 此聖人所 配配 周禮在官 父而刑賞

以志變魯與?

末矣。

子曰:「觚 不觚 ,觚哉 觚哉!」

大約指禮教。 言知和 而不知禮,是破 觚 而

桓公弑

圓 也,故聖人歎之。

楊升菴云:「古者獻以 文》所謂鄉飲酒之爵也。《博古圖》載 爵 而 酬以觚、《説 其 制

云"「觚口容一爵,足容二爵。」《韓詩 外

之觚,削木爲之,或六面,或八面 傳》所謂「三升曰觚」是也。後世以木簡 ·; 面 可 謂 書

以爲簡牘。 爾」是也。孔子所歎之觚,則酒器,非木簡 陸士衡《文賦》云「操觚 圃 率

也。 以後,孔子未嘗見之也。 何以知其然? 以觚爲簡,起於秦、漢 然則孔子何以歎

也? 上圓象天,下方象地,且又取其置頓之安 曰:古人制器必尚象,以一觚言之,

穩焉。 徒取其利於工之易制而不知失其象,便於 春秋之世,蓋已有破觚爲圓者矣,

酬之際見 人之易持而不計其頓之危也。 不師先王也。 而歎之,其事雖小,而輕變古制 有秦人開阡陌、廢井田、焚 孔子於獻

詩書、尚律法之漸矣,與《春秋》「大復古而

譏變法]同一旨與?]

從之也?」子曰:「何爲其然也? 宰我問曰:「仁者,雖告之曰「井有仁焉」,其 君子可逝

也,不可陷也,可欺也,不可罔也。」

不失其身而爲天下者有之矣,未聞 物之身,而後可以位天地、育萬物 知終無可陷之理也,何也? 爲非徒無 而救之,宜亦有是理,然若可受欺者,而 有人焉」之境,雖若是足以動仁人之心,往 也,其事陷也,而其理則罔也。懸之以「井 爲人者也。失身以爲人,是從井救人之説 而反害之也。故君子必尊其身爲天 以 失身以 成其 地 益

借 證之如此。

往往而是,況推之天下之大乎? 故聖腎

仁。好仁不好學,其蔽也愚。

即日用

之間

仲由之醢也、龜山之出也、皆從井救人之

往,分明是可逝不可陷。宰我發問,恐是類也。聞公山佛肸之召而欲往,而卒不

百:「君子專學!! 商夫子出處事。

畔矣夫!」 子曰:「君子博學於文,約之以禮,亦可以弗

約 也。 此孔門教人定本也。君子之學,將以求道 博而 即 造其理者精,故曰「禮」。 禮即文之體,博 賾,故曰「文」,繼焉歸宿於身心之近,而 博 切聰明意見,皆足畔道。只格此二關,有 初 陽明先生曰:「博文是約禮工夫,約禮 始有卒,有倫有要,是入道之正路 事 無先 文主意。」愚按: 人門,只可就文上著力,未便是禮。 即 始焉借途於耳目之廣,而履其事 不約,俗學也,約而不博,異端也。 理,即 後,即 理即 所博 博約 心,道在是矣。 而約之也。 固 是 一事,但學者 博約合一, 學者一 者 是

《儿童》。 追循習之久,方有天則可歸,方「祗是博」。 追循習之久,方有天則可歸,方

多聞,擇其善者而從之,多見而識之,便是是約。 迨即博即約,則一貫矣。

否者,天厭之! 天厭之!」子見南子,子路不説。夫子矢之曰:「予所

博約的樣子。

無 聖道猶天,然若囿於耳目之近,執一説、傍 論子路慣慣,恐天下後世亦無有知之者。 旁行而不流,是聖道妙處。 君,禮也。子未嘗仕衛,亦是冤枉。 道 也? 爲「不悦」解嘲合如此。若説我是 道,故聖人直舉天相示而已。 厭之!!」此肺腑語也。 之知而姑自疑其行,若深見絶 ,便不是道。 理而求聖人者,皆非也。 一説可傍,而卒不自晦其道分明是天 「予所否者,天厭之! 聖人見子路不悦 如謂仕 南子之見,莫 然 於天 且 |而見小 不 者 畢竟 ·要天 天 何

七七

先天者也。 爲事起念者。嗚呼,此聖人後天之學合於若疾雷驚耳,將平日罪過懺悔一番,不止

子曰:「中庸之爲德也,其至矣乎!是「與其潔也」教法。

民

鮮

久矣。」

斯哉? 「中」始於唐虞。以「中」合「庸」,自夫子發 者已非一日矣,非在責此蚩蚩之民也。 之,故「民鮮久矣」,非徒責此蚩蚩之民也。 之,故「民鮮久矣」,非徒責此蚩蚩之民也。 之,故「民鮮久矣」,非徒責此蚩蚩之民也。 有 章、舜、禹、湯、文、武而後,斯道之不傳 自堯、舜、禹、湯、文、武而後,斯道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後,明道之不傳 自堯、舜、禹、湯、文、武而後知中不淪於幻虚,不 之,故「民鮮人矣」,非吾夫子,其孰與於 其一日矣,非吾夫子,其孰與於

可謂仁乎?」子曰:「何事於仁,必也聖乎!子貢曰:「如有博施於民而能濟衆,何如?

欲達 堯舜其猶病諸! 矣。 病也。 取譬者是。一作「不越此心而取譬」。 即 自己發心時是何願欲,而此欲已通之人, 猶病之者勢也。聖人之所病,正仁人之所 也。博施濟衆,未嘗非仁者之事,而堯舜 仁道至大,學者苦無下手法,今乃不越此 欲達而達人」矣,故曰「可謂仁之方也已」。 心一齊勘破,果能「己欲立而立人」矣,「己 者,良心以一提而醒,隨 此心而自喻之,非以己譬人云也。自喻之 且有必通之人而後快者,願 子貢求仁於事,而不本之心,亦立匱之術 「仁」。此仁,體也。「能近取譬」者,近取 如 而達人。能近取譬,可謂仁之方也已。」 此己盎然與人同體,即與人同欲,就 是,如 若仁者之心,則反之一己而 一元初轉,萬象皆春,故曰 夫仁者,己欲立而立人,己 醒隨徹,己心、人 欲如是,功行 果是至易 裕如

區博施,藐乎小矣。此吾夫子之仁也。宥,匹夫可以擬皇王,日用足以掩勳華,區金匕也。得仁之方,則造化在手,宇宙在至簡、至神至妙之術,故曰「方」,即醫家千

之别。恕,故是仁之方。而仁,其體也,初非安勉恕,故是仁之方。而仁,其體也,初非安勉能近取譬,未嘗不是恕,但即心言仁便是

身上先害麻木,即有人告以各各痛癢,彼心仍不從人生,正立達論仁之意。若自己時,因在己原覺得痛,故覺得人亦痛。此問:「此與乍見入井時何别?」曰:乍見

述而第七

必不信。

子曰:「默而識之,學而不厭,誨人不倦,何莫尊於《春秋》。古今作者,二人而已。斯文之鼻祖,莫大於羲易,持世之功業,

地,所謂躬行君子也,故云「默識」。識如此道身有之,則不言而信,以歸於慥慥之

有於我哉?」

八〇

有 ? 者,身試之而後知不足,愈進而 漏,徹首徹尾,以此學即以此教,何厭倦之 亦終歸之無窮而已矣。 一語,正默識、學、誨之證也 ', 謂 此聖人之全學也,而曰「何有於我」 信諸 心 也。 默 識 之學,精 然則「何有於我」 愈不足也 神 毫 不 滲

不善不能改,是吾憂也。」子曰:「德之不修,學之不講,聞義不能徙,

意,益深切矣。夫子既不有是三者之學,此即承上章之意而反言之,其憂勤惕勵之

周公。」
周公。」
周公。」
周公。」
明·無愧色也。學者莫只作氣象摸擬。
如」,無愧色也。學者莫只作氣象摸擬。
之時。曰「申申如」,無愧容也,曰「夭夭

問: 也。 將再鼓生平以一當盛年之志而已乎? 荒矣乎? 其志不足以帥氣乎? 今而後, 衰也」,矍然有老大之傷焉。 寐之間無復感通會晤之兆,亦年運之嘗 旦 乎 親 而 曰 曰 人垂老一加鞭,方是百尺竿頭,更進一步。 曰「行百里者半九十」,言末路之難也。 無逸待旦的周公,不必見相武攝成的 只看夢見時光景若何。 氣則衰矣。 "道統自周而及孔,則周公其禰也,故 而問焉。 ? 人「歸根復命」消息也。不曰吾衰之甚 而易感。 「不夢周公,還是道不行之兆否?」 「然則何以不曰夢見堯、舜、湯、文?」 夫子不覺有感於斯,而歎曰「甚矣,吾 意者興歌梁木,其不遠乎? 「然則今何以 蓋 氣衰而志不足以動之,故夢 用志如此其 勤 不夢?」曰:此 夢時,多只見 也。 若曰吾學其 及其老, 或曰: 聖 語 周

行我是東。」何如?」曰:非也。孔子終身思嘗在夢魂中。如今已是心相識,爾是西「張子韶咏此章云:「向也於公隔一重,尋

醒,亦終身夢。

可見。
兩言,非孔子不足以盡之。觀此章及上章寐,兩無所愧,然後可以言學。」愚謂:此象山語門人曰:「晝觀諸妻子,夜卜諸夢

子曰:「志於道,據於德,依於仁,游於藝。」 則進學有其基矣。 其功必始於辨志。 其所得力於六藝之途者深乎? 物也,然非偏内而遺外者也。 安之,故繼曰「依仁」。德之體即仁,非二 故繼曰「據德」。 以身據之,又不可不以心 四者之學,只是一時事。 游藝」合焉。蓋「藝」非道也,而其理即道 志之者,欲其得之也 纔辨志,便以 學要於求仁,而 志道之後, 道 故終以 爲的,

之所

計,十有三年,學樂,誦《詩》,舞《勺》,成 則》:「生六年,教之數與方名,七年,男 進,自不容已矣。 童舞《象》,學射御,二十而冠,始學禮,可 數日,●十年,出就外傅,居宿於外,學書 席飲食必後長者,始教之讓,九年,教之 藝,謂禮、樂、射、御、書、數六藝。 學無方,孫友視志。」然則游藝之學,古人 教,内而不出,三十而有室,始理男事,博 以衣裘帛,舞《大夏》,惇行孝弟,博學不 女不同席,不共食,八年,出入門户及即 生而習之矣。 按:《内

游之則曰藝,溺之則曰多能,曰鄙事。

子曰:「自行束脩以上,吾未當無 不聞往教,苟以是心至斯受之耳。 非也。聖人不責人以苛禮,而禮聞 嘗無誨」,何等藹然懇至! 束脩還是執贄,言有作「修淑」之義解者, 誨 焉。」 來學, 曰「未

子曰:「不憤不啓,不悱不發,舉一隅不以三 隅反,則不復也。」

發之際,又姑引其端而不竟其説,以 非謂人有不憤者則不必啓云也 循善誘也,如攜小兒步然,一步一引,一引 窮,而學者憤悱之機劃然解矣。 自悟而反也,而後再告之。 言而未能。 啓而發之,迎機之教也。 且啓 憤悱只就一人見。心求通而未得,故口 放,指日成行。 蓋夫子自言教法如 教學相引 此所謂 於無 俟其 此 欲 循

⁰ 「日」,原誤作「目」,今據《禮記》通行本改。

會憤時,還使他憤在。息,令人生意勃然,方是一體命脈。若不聖人精神透入在學者身上,一一轉動他消

哭,則不歌。 子食於有喪者之側,未嘗飽也。子於是日

盛德之至也。聖人處凶禮,而率性之則自然如此,所謂

《曲禮》:「哭日不歌。」

與也。必也臨事而懼,好謀而成者也。」與?」子曰:「暴虎馮河,死而無悔者,吾不爾有是夫!」子路曰:「子行,三軍則誰子謂顏淵曰:「用之則行,舍之則藏,惟我與

難藏耳」,而乘化無心之意自見於言外。行舍藏之論,若曰「用之則行矣,舍之斯不終於藏矣,而終不忘大行之心也。故發用吾其爲東周乎!」然明王不作,世莫宗予,夫子遐志三代之英,嘗曰:「如有用我者,

語王道 者可與幾 顏子可與語 分之藴,畢竟有欠缺處,況子路以下乎! 徒,雖可仕可止,卓然聖賢成法,而發揮性 孔門惟顔子亞聖足以語此,其他冉、閔之 爲萬世倡絶學,故曰「藏」。此性分之藴也。 用之則爲天下開太平,故曰「行」,,舍之則 路暴虎馮河之勇者,則王霸之辨也 之持重,何忝聖人所與? 是孔、顔學問。 不落事局中取辦功名,但就事論才,只此 亦可隨試而輒效矣。 學問,以之行師,因得稱元老,而於天下事 也。此天下之真才也。有真才者必辨真 本之以敬慎之心,而審時觀變動有 之。即三軍之任,不廢器使,而要 也。 也。 用行之道,文事武備,以 此 「臨事而懼,好謀 者,心不 後世如充國之老成,亞夫 孔、顔學稱龍德,終 ·違仁,有天 而反不敢望子 而 非 德 成 成 者」, 徒 時措 便 勇 績 可

八

士,五人爲伍,伍各有長。 世,五人爲面,陈即皆下大夫,百人爲卒,卒 百人爲旅,旅即皆下大夫,百人爲卒,卒 即,二千五百人爲師,師即皆中大夫,五 國三軍,萬有二千五百人爲軍,軍皆命 國三軍,萬有二千五百人爲軍,軍皆命

初乎? 其道心之終乎? 子路結纓,其悔心之世以易簣結纓並言。予嘗曰:曾子易簣,

不下,所以明知明犯,終身擾擾。 夫子爲富不可求,盡人而知之。 正患此貪求心割之。如不可求,從吾所好。」

在吾而不在人者是。 割貪心也。問:「所好是甚物?」曰:只人指出所好來,是顯他自家無盡藏,與之不下,所以明知明犯,終身擾擾。夫子爲不可求,盡人而知之。正患此貪求心割

子之所慎:齊、戰、疾。

他道也。

他道也。

他道也。

他道也。

他道也。

他道也。

爲樂之至於斯也。」 子在齊,聞《韶》,三月不知肉味。 曰:「不圖三者臨事而懼易,先事而慎難。

聞《韶》而三月忘味,非徒習其聲容器數聞《韶》而三月忘味,非徒習其聲容器數聞《韶》而三月忘味,非徒習其聲容器數

數,得其數,知其人。其於文王也,見其蘇氏軾曰:「孔子之於樂,習其音,知其

三月不知肉味。」 黯而黑,頎然而長,其於舜也可知。 是以

謂「三月不知肉味」正是學,不必更贅按:《史記》「三月」上有「學之」二字。愚

「學」字。

再有曰:「夫子爲衛君乎?」子貢曰:「諾。 再有曰:「夫子爲衛君乎?」子貢曰:「諸。 一問代,又何怨!」出曰:「夫子不爲也。」 一時代,又何怨!」出曰:「夫子不爲也。」 一時代,又何怨!」出曰:「夫子不爲也。」 一時, 想諸公。蒯聵奔宋。既而靈公遊於子覺, 愬諸公。蒯聵奔宋。既而靈公遊於了無子, 濟強。 公曰:「永仁,不一一一一一,一,其一,其不是以辱社稷, 君其改圖。君夫人在堂, 三揖在下, 三揖卿、大夫、士。君命祗人在堂, 三揖在下, 三揖卿、大夫、士。君命祗人也。」

乎 ! 居之。衛石曼姑與齊國夏帥師圍戚。其 子輒在。」乃立輒。晉趙鞅納衛太子於戚 太子,君命也。」對曰:「郢也異他子,君没 罪黨惡也。黨惡者蒙首誅,而況身爲逆者 帥師圍戚。」主兵者衛也,而首序齊人,首 後蒯聵自戚歸於衛,衛侯輒來奔。 衛輒之 於郢之手,若有之,郢必聞之。 且亡人之 先君之命而爲之矣。然則輒之惡其在不 事論,則衛國不可一日而無君,人猶得援 罪,若曰:「是可忍也,孰不可忍?」如以 稱兵也、《春秋》書曰:「齊國夏、衛石曼姑 罪之法,無非表天理而植人心,以垂示萬 仁乎? 故曰「夫子不爲也」。蓋《春秋》討 世,非區區成敗利鈍之爲見也。 仁與不仁而已矣,不爲夷、齊,而爲衛輒。 「衛輒何得與夷、齊較是非?」曰:道二, 則《春秋》之誅衛輒 而定其叛父之 或曰:

國以釀亂,廢先君之統,亂矣,焉得仁!於難處,寧以身定國耳。知不出此,而讓者。即亡人之子可以得國而父子之間終郢也承先君之命而自立,可以無憾於兄弟或曰:「公子郢之固辭而不立,有夷、齊之或曰:「公子郢之固辭而不立,有夷、齊之

其中矣。不義而富且貴,於我如浮雲。」子曰:「飯疏食,飲水,曲肱而枕之,樂亦在

《春秋》之於季札也亦然。

是樂中滋味覷破時作此眼界,曰不義云。此等氣象,分明浩浩無邊。浮雲富貴,正地而見,故曰「樂天」。此樂不必在疏水曲地而見,故曰「樂天」。此樂不必在疏水曲於物,則常樂矣。聖心之天不可見,就樂別損,所謂樂亦在其中也」語。以天爲體而不繫聖人日用動静莫非天理。一有「不以疏水曲版

疏水曲肱一段風光,自是眼前事,如曾點而不在,非天也。請以是尋在中之樂。《詩》云:「維天之命,於穆不已。」謂有時矣。富貴是浮雲,則知聖心果有天在。也。待揀擇得義中富貴來,早被浮雲罣住也。

八六

務,金革百萬之衆,疏水曲肱,樂在其中。樂矣,何樂之有? 明道先生曰:「百官萬乘暮春之意然。 若作貧字看,早是貧中尋

憂上勘出,正是工夫得力時。以夫子之樂問:「顏子之樂如何?」曰: 顏子之樂,從

許師述曰:前孔子自序曰「五十而知天

若只在疏水曲肱中看富貴,●即屬不義

萬變皆在人,其實無一

事。

《儒林傳》稱:「孔子晚而好《易》,讀之,韋 夫易道廣大精深矣,孔子一見伏羲之卦 命」,而此言「加我數年,五十以學《易》」, 自 心之境,謂非學《易》之功不可也。嗟嗟 羲、文千古而一轍,則聖人之心猶一息不 奥、盡性命之理、與天地相似而不違,與 過」者,微婉之辭也。學未至於窮天人之 欲假歲月究心焉。其曰「學《易》可以無大 畫、文王之彖象,知其理不可容易了竟,故 筮易得旅,請益於商瞿氏,歎天命之終窮, 編三絶,而爲之傳。」《乾鑿度》謂:「孔子 志於將來,汲汲皇皇之心形於言表矣。 分明是五十之前方學《易》而未竟,而期畢 天命以後,必益純粹精融,漸入於耳順、從 能以自安。夫聖人雖無大過可言,而其知 而後息志停軌,五十究《易》,作《十翼》。」 孔子贊《易》,而易道大明於天下後世

窺尼聖之一班者,幾人哉!矣。數千載之下,其有真知學《易》之志,

天,而聖人之心不容以自恕也。 合之於貌言視聽之則,苟其有一之不動乎 之。於焉先時而戒懼,默察此心之幾,而 人有所不盡 不能不麗於二五者,推行變化之間,雖聖 也。聖人之學《易》也,全體太極之藴,而 迅,其益無方。此後天之用合於先天者 夫《易》之道,天道也。天之命於穆不已, 「風雷益。君子以見善則遷,有過則改。」 於益而思過半矣。夫子繫益之象,曰: 矣。而間嘗爲之申補其意,曰:吾夫子之 不易言。聊舉師説以明之,亦已窺其大概 愚按:易道難言,吾夫子學《易》之心精尤 二氣五行莫窺其朕。渾然一天道矣,即其 而其妙萬物而爲神者疾乎風雷,風雷交 乘,而神龍之德趨於亢者有 皇皇焉乘

八八

化 也 夫聖人生而學《易》矣,必云「五十」者,真 生觀象玩辭、觀變玩占之精神盡在是矣。 以學《易》,可以無大過矣。」嗚呼,文王一 自述其學《易》之志,曰:「加我數年,五十 其要無咎。」此之謂易之道也。 斷之,皆此物此志也。故曰:「懼以終始, 之,變通以趨之,繫辭以告之,定之以占以 聖人於是悟易道矣。《易》六十四卦,三百 之在我者,奉之以時而不悖,則天人合矣。 改。」夫惟「見善則遷,有過則改」,而 將至也。 庶幾於老 見遷善改過之學無窮,而姑寬之以歲月, 八十四爻,無非遷善改過之書,立象以示] [風 **,**僅焉「無大過」而已,則學亦何時 於日新者,憤忘食,樂忘憂,而不知老之 雷益,君子以見善則遷,有過 雖風雷之迅,不疾乎此矣。 而 後得之,猶不敢以無過自 而至此 而已 後天 故 期 遂 則

聖。 乎? 必懲忿窒慾、遷善改過而後至。」 易道爲天下裂矣。善乎周元公推明「太 來面目,於是遷善改過之學爲世大禁,而 虚無而更空之,大要在善惡雙泯而直達本 後世《易》、《老》並稱,浸淫而爲佛爲禪,本 思無爲爲宗,并無名教通乎老氏之玄,故 不明,學者多言先天之學而遺後天,以無 以爲柄,先天弗違,後天奉天時而 四時合序而不以爲順,與鬼神合吉凶而 而不以爲大,與日月合明而不以爲昭,與 知來、知以藏往者乎! 人之善學《易》也,吉凶與民同患,而神以 不能徙,不善不能改,是吾憂也。」甚矣,聖 極」之説也,曰:「君子乾乾,不息乎誠,然 嗚呼! 故曰: . 此聖人所以爲至也。 「德之不修,學之不 是故與天地合德 . 講 自易道 不以 聞 爲

子所雅言:《詩》、《書》、《執禮》,皆雅言也。

《執禮》,禮之可執者,疑當時《禮經》之篇

《書》。則雅言之教,先王已先之矣。

樂以造士。春秋教以禮樂,冬夏教以《詩》

之教,學正崇四術,立四教,順先王詩書禮

名,即《曲禮》、《内則》之類是也。

而其他若擬之爲天、爲日月、爲賢於堯舜如顔子,高堅前後之見猶然自墮於望洋,路亦無以舉似諸梁。又不惟子路也,亞聖夫子之爲人,非惟沈諸梁不得而知,即子

子也。 噫 ! 道者而通以諸子之見,未爲不足以知夫 越堯舜而不自以爲聖者乎? 得夫子之自 此足以盡夫子爲人而更無事於遠求也。 身而已矣。故不知老之將至云爾者,謂只 憂,且樂於斯道之中而更無止法,亦終其 但知有憤,故忘食, 焉游焉,徐而聽其自至焉,則樂矣。 得也,何憤如之而又不敢以欲速乘也,優 中,充充然如有窮也,皇皇然如有求 以加於人哉! 竭一生之力,萃之人道之 也,則亦不善學聖人之過也。 夫聖人亦何 非聖人果難知也,擬其外廓而 益遐遠矣。曾有爲夫子揭真面目者乎? **殆如天之運乎?** 樂亦仍歸於憤,故忘 如日之升乎? 不得 !其心精 憤則 而 度 弗

天道怒生之機。發憤,是聖人困勉學問,得力在「發」字,即

1 1 1

汗下。即如「七十而從心所欲,不踰矩」,愈解愈疑,時時轉换,費盡苦心,不覺通身同。小憤是疑處索解,大憤是解處轉疑,問:「憤是心求通而未得否?」曰:憤不

憤、樂相禪、須知心體如此。

知他費盡苦心在。

忘處是天理流行處。

幸而得之,坐以待旦。孔子何獨不然!四事,其有不合者,仰而思之,夜以繼日,舜、夢寐文周精神也。周公思兼三王以施觀聖人好古敏求,則其發憤處正是羹牆堯

可矣,雖謂堯、舜、禹、湯、文、武舉非生知之實,則古人其印證矣。雖謂聖人非生知所性渾然,而亦必待學而後有以滿其分量生而知之者,知其性也。聖人純於天道,

《書》以尚友古人耳。好古,便不廢誦《詩》讀《書》,但借《詩》、

子不語:怪、力、亂、神。

聖人之道,中庸而已。舍中庸而求之於奇整人之道,中庸而已。舍中庸而求之於充。記者於那慝者,亂也,求之於玄虚者,神也。於那慝者,亂也,求之於玄虚者,神也。

説,亂之屬也,佛、老之説,神之屬也。管、商、申、韓之説,力之屬也,楊、墨之後世如鄒衍、公孫龍之説,皆怪之屬也,

從之,其不善者而改之。」

日: 下公文者E及前まで)。 從善,改不善,孰啓而孰翼之乎? 君子學苟自勵,即三人同行,儼然師保之詔矣。 此亦言遷善改過之學當隨在而自勵也。

之不善。何等真切! 人善,就看作我之善,人不善,就看作我

吾無行而不與二三子者,是丘也。」子曰:「二三子以我爲隱乎? 吾無隱乎爾。天之生人,德一也,但聖人有以全之耳。

裕矣,在學者認取何如耳。 聖人直身體其撰,而輸之二三子之身有餘道在日用動静語默之間,森然不隔宇宙,則疑聖道有隱,然不知道亦無容隱也。此二三子以言語求聖人,而終無以見道也,

生意,豈能透入枯木死灰裹!這一點生意又逢著有生處方透入。如春點生意通與人在皮肉一作「形膚」。之外。無行不與,正是一點生意。聖人分明有一

遮迷。」 先生曰:「個個人心有仲尼,自將聞見苦若覷見丘時,方知丘亦只是吾一般。陽明

聖人之教,僅博約者二,而析之則有四。子以四教:文、行、忠、信。.

論語學案二 述而第七

即不言微服事可也

博, 也。 理,是文,因而身踐之晨昏食息之間,是 教 形骸之障而已,非禮也,故約之途精矣哉 信,而善約者復妙於善推,乃所以爲約禮 之行,自行而約之心,曰忠,曰信。以忠 四者立教,令人一毫走作不得,似只成得 心實致之親而不隔,是信,則孝成矣。 行,反而得吾愛親之心,是忠, 此愛親之 四者合而入道之方備矣。此之謂善教。 便,誤矣。 有四,而學之則一。 拘儒。然聖人只合此教,後人妄開方 令僅守其一膜之心而無以及物,則亦 而 已矣,約之途精矣哉 如事 7親而 自 窮孝之 文 而 合 約

而爲泰,難乎有恒矣!」見有恒者斯可矣。亡而爲有,虚而爲盈,約斯可矣。」子曰:「善人,吾不得而見之矣,得好曰:「聖人,吾不得而見之矣,得見君子者

矣」。 聖之心而不二,則漸進於善人矣,漸進於 有恒,其本也。 泉混混,不舍晝夜,盈科而後進是也。 因有本而以漸達也。 而 非 君子、聖人之地,以爲學主頓法,而不知適 之溝澮之盈,倏而盈,倏而 者是,本非聖人也,而欲襲爲聖人,即「約 非君子也,而欲襲爲君子,即「虚而爲 也,而欲襲 三句,分明畫出一個僞學情狀。本無善 以自賊其本心之德而已,故曰「難乎有恒 爲盈,約而爲泰」,一路浮誇,欲立蹬善人、 君子矣,漸進於聖人矣。「亡而爲有,虚 而爲泰」者是。 遞及於君子、善人、有恒者。聖人之學, 聖人無以傳聖人之道,故夫子首思聖人 然則凡頓學,皆僞學也。亡、虚、泰 爲善,即「亡而爲有」者是,本 正是不能守其常心處。譬 有恒者常心也, 當守其作 惟有本,故漸達。 涸,亦立待之 盈 夫

勢也。

無惡,非學乎?曰:「善人以學言,何也?」曰:志於仁而堅人、君子、善人以學言,有恒以心言。或

千里不悟也。 襲譽望,非神化不談,非性命不學,非一日難乎其有恒:凡做作語言,鋪張舉止,收

子釣而不綱,弋不射宿。

聞,擇其善者而從之,多見而識之,知之子曰:「蓋有不知而作之者,我無是也。多行,而鳥獸、草木、昆蟲、魚鼈咸若其性矣。人萬物一體之仁有如此者。使聖人之道門人偶得於睹記而集此二事之小,以窺聖門

病也。

世謂 明 知 m 非 聞見之知與德性之知有二,予謂 聞 性 見啓焉,亦性 乎? 睿知之體,不能不竅 聞 見 也。 效性 於聰 而 聰明 動

次也。」

此聖人盡性之實功,而卒免於不知而作之 得之於學,姑遜於天,以見天非人不盡也 之,多見而識之」是也。曰「知之次也」者, 聰明之盡,則夫子「多聞,擇其善者而從 耳。」天聰、天明,耳辨聞、目辨見是也。天 明,不成其爲人。聖而天聰明,其盡 空,而禪學之談柄也。 聰以求睿知,并其睿知而稿矣。 者,學也。今必以聞見爲外,而 張子曰:「非 是隳 欲隳體黜 芜 性 聰 於 者

嘗不是? 彼第所聞所見者異耳。正是,正是。禪門聞喝吃棒,見佛回頭,何行以外皆是。子厚驢鳴,●茂叔窗前草,聞屬聲,凡前言以外皆是,見屬行,凡往

多聞,則善惡並投,故須擇,多見,則不賢

「子厚」,原誤作「子原」,今據四庫本改。

0

不知而作,其亍也。孔児重躬亍而先致思亦在内省之資,故心識之而已。識音志。

者,知到然後行也。陽明子言「良知」,而不知而作,冥行也。孔門重躬行而先致知

曰「行到然後知」,見「知行合一」之學。

進,與其潔也,不保其往也。」 其進也,不與其退也,唯何甚! 人潔己以互鄉難與言。 童子見,門人惑。子曰:「與

童子可見,只就見在拈道理,看渾然天心

無我。

不善終錮此童子也。聖人特不保既往耳。以已甚阻人之進乎? 不與其退,言不以於善,於轉汙爲潔之機深致意焉,又何忍下萬世之學,互鄉之見,正欲使天下同歸夫子以身爲天下萬世之身,即以其學爲天

仲尼「不爲已甚」本諸此。 乃知「不爲已

爲順

若既

退之後,直殷殷望之矣。

從本文

甚」即聖人之仁也。

甫非童子也。不聞夫子誅少正卯乎? 且問"「周元公何以不見王介甫?」曰"介

不聞程子見介甫而終得之於介甫也?

欲仁仁至,一陽來復之幾也。只旦晝心一子曰:「仁遠乎哉? 我欲仁,斯仁至矣。」

是仁,已不是仁矣。然則何以能自復而轉便是仁,覺得不仁,便是仁至時,纔覺得

長也,則進於乾矣。曰:何事? 曰:開乾? 曰:必有事焉而勿正,心勿忘,勿助

除積習。

如手欲恭便恭,口欲重便重,事親欲孝便

人終日欲仁仁至,却只坐在暗中,故聖人孝,事長欲弟便弟,此欲仁仁至之實也。

醒之。

且莫求仁,回

頭

識我。

陳司敗問"「昭公知禮乎?」孔子曰"「知

以告。 之吴孟子。 禮。」孔子退 子不黨,君子亦黨乎? 子曰:「丘也幸! 君而知禮,孰不知禮?」巫馬 一, 揖 巫 馬 期 而進之, 君取於吳爲同姓 苟有過,人必 E E 吾 聞 謂 期 君

知之。」 禮 禮 論 問者觀之,委是黨矣。 證 及司敗一言,正觸著平日遷善改過學問 君諱過之心,只是忠愛所發,自然 是平實道理。 昭公知禮之對,臣子之誼委合如此。 П 不覺忻然受領,亦不是含糊受過,借以 意,便是我輩人心事。 ,故幸之深。 護之情。 對爲過。 若然,亦是我輩人心事。 司敗之讓既是,則夫子自當引過。 看聖人終始,只一箇至 若下一辨語,露出諱君之 蓋指平日説來,而舉 自是切己痛 聖人初然亦實無爲 司敗之讓,恰是 癢,並 亦不專 誠 無 如 然自 諸 掐 此 此 明 隨 知 正 般

> 觀之口 以 處 我輩 員 滿 不可以得聖人之道,後人旁觀之眼 心 無 事窺聖人,何啻千里 纖毫 夾帶,便處 處是道 司敗旁 理。 今

尤不可以得聖人之心。

最宜理會,學者便當長一格。猶有不知之過,至爲人所知,益奇。此意九分。説聖人有過,已是騃人之説。聖人分,聖人之過,人知處得一分,已知處得常人之過,人知處得九分,己知處得一

兄弟敗,猶然伯鯀之試耳。 之過,不亦宜乎? 周公處宗社之幾,而以問:「夫子視周公之過,何如?」曰:孔子

子與人歌而善,必使反之而後和之。 許師述 天地 《記》曰:「夫歌者直己而陳 焉 故歌者上如抗,下如隊 應焉,四時和焉,星辰 曰:《書》曰: 「詩言志 曲 理焉,萬 德 也,動 , 歌 如 (折,止 永 物育 己 如 而

履而歌。興於詩者,其必習於詩可知。歌詠恒有之。子於是日哭則不歌,曾子曳歌之義大矣,深矣! 古之君子琴瑟在御,槁木,倨中矩,句中鉤,纍纍乎端如貫珠。」

子曰:「文莫吾猶人也。躬行君子,則吾未夫子與歌一事,可見老安少懷,如斯而已。之鬱之病,則聖人之元氣有以嘘之也。觀聖人一體萬物,要在天下各盡其情,而無

之有得。」

言博而惓惓於反躬之難如此,則世之徒博況學者乎! 夫博約雖一事,然聖人猶易化,上下與天地同流,雖聖人猶引以爲歉,而措諸躬,即身是道也。行得盡,渣滓便德,斯稱躬行君子。「躬行」云者,心得之博文爲入道之門,然必反身力踐而要於成

「文」者,道之華也。聖人於文無不學,故

子,有贊嘆而無疑問,真知夫子實踐此二

而不約者,蓋亦多矣。

而歸實,則躬行君子之道矣。曰「文莫猶人」,非言語文辭之謂也。 斂華

曰:「正唯弟子不能學也。」
厭,誨人不倦,則可謂云爾已矣。」公西華子曰:「若聖與仁,則吾豈敢? 抑爲之不曰未之有得,則不敢不勉可知。

我」,而至此又身任之而 期明日也。若自以爲不厭,則厭矣,自以 爾,故曰「抑」。 自諉其難也。 事此二語,而恒覺分量之難盡,又終不敢 夫子方自謂「學而不厭,誨人不倦,何有於 苦心,至此幾欲嘔矣。公西華智足以知夫 厭倦之實而其心終未敢以爲是也。 爲不倦,則倦矣。 曰: 夫子未嘗任也。 黽勉從之,或庶幾 抑云者,疑之也,猶以今日 何有於我,正其深 夫子一生學問實從 不辭,何 萬一云 於無 也

曰「云爾」,猶云極口道盡,不過如此,猶是不得也。 夫學固以求仁也,而極於聖也。語,而仁聖之學正不外是,雖欲辭其名而

口舌承當者。

證處。惟其智盡,所以仁至。此孔孟之學相印惟其智盡,所以仁至。此孔孟之學相印孔子以仁合聖,孟子以智之事合聖之事,

人也。 真面,非必學此仁聖之理而更以之誨只學而不厭,而通於誨人不倦,正是仁之

只是發心真,自歇手不住。來?」其言引而不發。愚竊窺聖人之學,先師謂:「不厭不倦一副精神却從何處得

過。」未達。曰:「時乘六龍以御天也。」更有喫緊工夫,視諸子反下,曰:「遷善改爲仁如何?」曰:聖人於諸子法都用得著,問:「諸子問爲仁,聖人一一有條答。聖人問:「諸子問爲仁,聖人一一有條答。聖人

曰:「丘之禱久矣。」曰:「有之。誄曰:「禱爾於上下神祗。」」子子疾病,子路請禱。子曰:「有諸?」子路對

夫子折之立命之學如此。 夫子折之立命之學如此。 夫子折之立命之學如此。 實事,非姑漫言以解子路之惑也。若謂素 實事,非姑漫言以解子路之惑也。若謂素 實事,非姑漫言以解子路之惑也。若謂素 便煩子路請禱矣。蓋子路起念於禍福,而 便煩子路請禱矣。蓋子路起念於過福,而 是實理

禱時,正是夫子躬禱時。《禮》曰:「疾者齋,養者皆齋。」當子路請

子曰:「奢則不孫,儉則固。與其不孫趙清獻晝有所爲,夜必焚香以告於帝。

也

有等威,所以防民之僭也。故貴可同賤,先王制禮,宫室、衣服、器皿、飲食之類,皆寧固。」

論語學案二 述而第七

賤 六。天子之席五重,諸侯三重,大夫再重 分之内,則固陋而已,固可飾也。是故管 然,稍溢於分,即是犯上。或以大夫僭諸 侯九,上大夫七,下大夫五之類。 等威秩 衣纁裳。天子之冕朱緑藻,十有二旒,諸 翣。天子之堂九尺,諸侯七尺,大夫五尺, 天子崩,七月而葬,五重八翣。 諸侯五月 十有六,諸侯十有二,上大夫八,下大夫 五,大夫三,士一。 天子之豆二十六,諸公 先王文勝之後,人情日導於濫觴,而一切 也。春秋僭亂相仍,其禍盡從奢上來。蓋 豚肩不掩豆,一狐裘三十年者之難爲下 仲三歸反站,賢大夫也而難爲上,寧晏子 侯,或以諸侯僭天子,不可訓矣。 士三尺。天子龍衮,諸侯黼,大夫黻,士玄 而葬,三重六翣。大夫三月而葬,再重 不 可擬 貴 如《禮》:天子七廟, 若儉於 諸 侯

> 世乎! 娼優后飾,彼恭儉之朝且然,而況於後訓之。賈誼流涕漢事,有慨於屋壁帝服,典章文物皆爲亂臣賊子僭擬之階,故夫子

子温而厲,威而不猛,恭而安。 天地是這樣,萬物是這樣,人心也這樣。子曰:「君子坦蕩蕩,小人長戚戚。」

要人全副氣象得之切磋琢磨之後,渾然圭 壁,不露些子端倪。雖文章也,而即性道 壁,不露些子端倪。雖文章也,而即性道 壁,不露些子端倪。雖文章也,而即性道 壁,不露些子端倪。雖文章也,而即性道 一百知學不成有多少病在。」愚按:伯淳於 一二年尚除箇喜獵心不去,只此是一病 一一年尚除箇喜獵心不去,只此是一病 除,百病除。

子曰: 下讓,民無得而稱焉。」 「泰伯,其可謂至德也已矣! 三以天

端而 聖人於商、周之際扶萬世君臣之防,既 也。 伯之德,當商周盛衰之際,固已浸浸 及之自,則泰伯之德實與文王並隆。 有二事商之德矣,又追論其始,遡周家 天下之勢,不於其身,必於其子孫,自 無可奈何,只得聽時勢所轉,時當湯 而早決其無可等待之機,此真能讓天下者 不合做征 逃,而商之天下直已身讓之矣。聖人見 若先 [知末,逆知其一有「將然」字。 必至之勢 故曰「三讓」。今人凡事 .誅事,時當堯、舜,不合做揖 著做,直可由得 自己,雖造化 到 臨 局 以 荆 有 處亦 世 讓 得 泰 表 蠻

廢也。 者也。一「故曰先天」下作「若到形勢已成,雖聖者不 奉天時。」天且弗違,而況於 任其斡旋,故曰:「先天而天弗違,後天而 下,而托之荆蠻以志讓,其事 觀兵,一有「孟津」字。諸侯不期而會者八百 舜之子於陽城,而天下之民歸之。如武王 能不隨時而轉」。 鬼神乎? 賢 非乎?」曰:「泰伯知季歷父子有聖德,可 乎?」曰:「泰伯善繼太王之志,與 天下者也。或曰:「逆知數世之必 欲讓天下,其可得乎? 亦文王舍伯邑考而立武王之心也。天與 以光后稷之烈,故讓賢而去,非太王之所 義,所以全人倫也。」「然則太王廢嫡立少, 則 與賢也。」「然則太王志翦商乎?」 若夫太王之不能不屬意於季歷也 泰伯之讓,真天地鬼神之所避 如舜避堯之子於河南,禹避 如泰伯者,真能 人乎? 不幾於誕 伯夷同 有天 況於 讓

論語學案二

泰伯第八

之,非謂太王志於翦商也。」「然則泰 授受之間,故謂 曰 後 人 見 周 家 翦 王 商始於太王 業實定於 一,而 太王 詩 伯 季 讓 歌 歷

當也 節,其 文武 未嘗歸 有二之勢不同,後人亦見得季歷之後,至 商、周興衰,決 然則泰伯與文王孰賢?」曰:「文王 文王終有取天下之勢,而堅讓天下之 而有天下,與泰伯全不相及,是天命 事難,泰伯始有取天下之兆,而堅 泰伯也,安得讓 只讓天下一節,都做得恰好 在 四世之後,與文王三分 ? 故無由稱之。」 一何可 到 至

無禮則亂,直而無禮則絞。君子篤於親,則子曰:「恭而無禮則勞,慎而無禮則葸,勇而

讓天下之心,其情深。」

民興於仁,故舊不遺,則民不偷。」

之節文」是也。凡人勞擾周章、用妄用訐調劑乎節文之間者。朱子曰「禮者,天理禮者,理也。所行當乎理而後無弊,非徒

而安。恭。大勇若怯,大直若詘,大慎若發機,恭勇,怯似慎,巧亦似慎,愚似恭,諂亦似凡淺似直,訐亦似直,戆似勇,不遜亦似

至德?」「然則『民無得

丽

稱』者何也?」

天下而假手於弟若姪,悖亂甚矣,烏乎

稱

處,都是私意。

天下於周乎?」曰:「若然,則泰伯挈商之

凡人於故舊易遺,不遺者厚之至也 氣象,無殘刻澆漓之意。 故舊乎? 親,推其餘,「民吾同胞,物吾 君子化天下,只有是仁。仁道莫先於 天下化之,自是釀 此盛世之化也。 成 與 春 也, 温 長 Щ 養 況 親

而今而後,吾知免夫! 小子!」《詩》云:『戰戰兢兢,如臨深淵,如履薄冰。』曾子有疾,召門弟子曰:「啓予足,啓予手。

一寸,得一寸。曾子學問最樸實,到底無跌瞌破綻。他行

處用。」程子曰:「道著用,便不是。」予程子病革,門人或曰:「先生之學正要此

將死,其鳴也哀,人之將死,其言也善。君曾子有疾,孟敬子問之。曾子言曰:「鳥之

曰:「道著不用,亦不是。」

顔色,斯近信矣,出辭氣,斯遠鄙倍矣。 籩子所貴乎道者三:動容貌,斯遠暴慢矣,正

豆之事,則有司存。」

與人爲善之意何如哉!意不能動人,故先言之,以啓人之聽。 其曾子自善其將死之言,恐以病革顛錯,誠

道者,聖賢大學之道。本之爲格致誠正, 就之爲修齊治平是也。事,只是瑣碎細 出之爲修齊治平是也。事,只是瑣碎細 出之爲修齊治平是也。事,只是瑣碎細 所以是此意。 其本而逐末 亦只是此意。 其本而逐末

必有見於當官之法與治家之政。」旨哉,威儀之際與動容之間,若是真學問文章,蔡虚齋曰:「若是真道德性命,必有見於

0=

言乎!

曾子學問都就軀殼上討論,最有循持。

則一,二則二。

斯矣。」無,實若虚,犯而不校,昔者吾友嘗從事於無,實若虚,犯而不校,昔者吾友嘗從事於曾子曰:「以能問於不能,以多問於寡,有若

有灌輸處。以能問不能,以多問寡,真不益,只是抹殺能不能、多寡之相,便覺精意聖人與途人言,亦自有一種發明處恁地有

从之多益我之寡,以人之師也。 人之多益我之寡,以人之師也。 大,何所不容受? 何所不巽入? 雖犯而 不校者。就而想之,居然深潛純粹體段, 天下歸仁工夫,非顏子孰與於斯乎! 天下歸仁工夫,非顏子孰與於斯乎! 不仁也,必無禮也,我必不忠。」故常人,聖 不仁也,必無禮也,我必不忠。」故常人,聖 人之師也,不善人,善人之師也。

虚,所存者神,犯而不校,所過者化。以能問於不能,以多問於寡,有若無,實若

得恁工夫?」上蔡曰:「近來也只去得一謝上蔡别伊川先生久,先生曰:「賢向做

命,臨大節而不可奪也。君子人與? 君子曾子曰:「可以託六尺之孤,可以寄百里之矜字。」先生曰:「可謂切問近思矣。」

節而 著,是吾人大節關係處。 任是也。 託孤寄命,不是等閒事。 此出。 便是。 非君子其人不能矣。託孤寄命,必是臨大 如文信公、方遜志是也。 德勝者又未必濟天下事,徒以身狥而已, 倖之計,此心未必對天地、質鬼神,到緊關 斡旋方克有濟。 是大擔當,是爲大學術、大經綸,故君子非 濟天下之本也。 「立得三字。定,只是不從身家名位上起念 一著便差,直是賣國家、叛君父而不恤, 不可奪者。 誠極則精,精極則變,一 誠中之識見是大識見,誠中之擔 凡可奪處,皆是此等作祟也。 當此等事任,生死利害動 但可託可寄處,亦有許多 古人濟大事全靠脚根一有 而大節不奪者,乃其所以 才勝者多行 必也才、誠兩合, 如伊尹、周公之 切作用皆從 輒踏 險 一作 當 僥

> 遠乎! 曾子曰:「士不可以不弘毅,任重而道遠。 仁以爲己任,不亦重乎! 次,霍子孟、韓魏公、郭汾陽差足當萬一。 有才之難 霍光出入殿廷有常度,不失尺寸,金日 事。大節不奪,是託孤寄命的心腸。 其氣一直貫下。 雖聖人無下手處,安論才不濟? 幼主投崖山 君子計是非,不計成敗。 如陸秀夫抱趙氏 只目不忤視: 漢武即屬以少主,知人哉。 「臨大節而不可奪也」,是就上抽出言之, ,伊、周而後,諸葛武侯其庶幾乎 而 ,何嘗不是託孤寄命? 誠之難。 託孤寄命,是大節不奪之 古人辦 死而後已,不亦 此,亦鮮 到此 磾 其 其

> > 347

仁之真力量也。任仁者,真須用全副精如捧盈,舉之如不勝,而後能勝也。此任仁也難説「重」。聖賢却重視之,如執玉,

0=

學案

前功盡 此便是「弘」。造次必於是,顛沛必於是 神 功也。「仁以爲己任,不亦重乎! 便是「毅」。 不得 弘毅是性之良知良能恢張幹濟處。仁體 然則弘毅與仁二乎一乎? 是人則有是仁,推諉不得,歇住不得,故 道遠」,不是爲仁者獨如此。仁者人也,有 已,不亦遠乎!」乃所以爲弘毅也,「任 仁不越几席之微,而天地萬物囿焉。 之爲智亦然。 自是弘毅,二而 不可 , 肢 ,便遺却一邊。 小小承當,如清、任、和等,纔舉得 以不弘毅」。 體髮膚,合下承當,無絲毫缺 廢,終無所任矣。弘毅者,爲仁之 真能弘者,取道必遠 如發育峻極三千、三百,大 也,即本體爲工夫 仁者見之爲仁,智者見 弘毅正 所以任仁者。 曰:仁是性, 不遠 死而 也。 漏 學者 處 後 則 重

> 而近。 道中庸,温故 性 精 求,故約 神也。 丽 道問學,致 而易操,求 然君子不從大處求,只從微 而知新,敦厚以崇禮,此全副 廣大 丽 而盡精微,極 即 至,重而輕,遠 高 明而 處

〇四

仁也。」程子曰:「學者須先識仁,義、禮、智、信皆程子曰:「學者須先識仁,義、禮、智、信皆「死而後已」,死亦未已,堯舜其心至今在。

冬,而化功畢矣。興也者,始而亨者也,立天地之化,生於春,長於夏,斂於秋,成於子曰:「興於詩,立於禮,成於樂。」

且成者,性情也。

人心所自立也,《樂》以窮神達化,教主範情約性,教主「立」,故人得之以立,立以人得之以興,興以人心所自興也,《禮》以之方也。《詩》以勸善懲惡,教主「興」,故之經之教,皆以闡人心之藴而示人以爲學

莫載,小莫破,都是此中孕出。 君子尊德

先後之不同如此。君子亦循序以造之而焉,而所得有淺深,故所資於六經者,若有《詩》、《禮》、《樂》之教,君子無日不從事「成」,故人得之以成,成以人心所自成也。

敏求」,此之謂也。

《詩》只是「思無邪」、《禮》,立於敬也,成於《樂》,成於和也。
《禮》,立於敬也,成於《樂》,成於和也。
《禮》,立於敬也,成於《樂》,成於和也。
《禮》,立於敬也,成於《樂》,成於和也。
已矣。

「由仁義行,非行仁義也」,天德也。「民可而怨,利之而庸,遷善而知其自,則陋矣。順帝之則,何知之有? 此王道也。若殺之順帝之則,何知之有? 此王道也。若殺之百姓日用而不知,固也。然君子之化民也,子曰:「民可使由之,不可使知之。」

· 「:「子」「「「」」。 、「」、 「」、 「」、 使由之,不可使知之」,王道也。

甚,亂也。」 子曰:「好勇疾貧,亂也。人而不仁,疾之已

此等奸人必爲亂首。 狼戾之性,而疾貧者又不安於貧賤之常, 好勇疾貧,小人之亂也。人而不仁,疾之 特此也,如宋人攻安石,卒遺紹聖之禍, 惡侂胄而靳節鉞之賞,終以至亂是也。不 可也。若疾之已甚,則小人至於無可容而 可除則除之,力不能除,則優容而化導之, 不得,終殺趙汝愚以亂宋。 已甚,君子所以致亂 且得有辭於我,必反受其斃矣。 禍敗之幾,往往然矣,戒之哉! 唐人攻宦官,卒有甘露之變。 自古以來 也。 如韓侂胄望節鉞而 好勇者,天付以 人而不仁,力 即趙汝愚

不足觀也已。」 子曰:「如有周公之才之美,使驕且吝,其餘

一〇五

才者,性之作用 也。 或仁之而 爲惻隱 或

義之而爲羞惡,或禮之而 爲辭 讓,或智之

之私賊焉,則豈才之故也哉? .而 爲是非,皆是也。 才未 嘗 不 美,而 亦失其 驕 美 吝

而已矣。知有才便驕,自擅其 (才,而 不 能

僞學。

者。 器小情狀,所爲小有才,未聞君子之大道 舍己從人,便吝。二者同體 到此便須學問。人不學,未聞道,則 而 互發,總是

乎? 適足以濟其驕吝而已。驕吝反作主 凡人矜誇,鄙吝之氣無日不生,況挾美才

有才鮮不至於驕且吝者。

恥

也。」

張 **,**才都是驕吝中餘剩物。

子曰:「三年學,不至於穀,不易得也。」 學而 利禄之溺人久矣,於是有干禄之學。 志 不至於穀,則其學純矣,豈易得哉? 也,雖遯世不見知而不悔,惟聖者能 無 非 穀也,況三年乎? 三年學 當其 而 充斯 心

> 之乎 1

餘。 則終身向往而不足,至穀則 學以至於聖人之道也,非穀之謂也。 此學中開不得絲毫實漏,纔漏 一念馳 鶩 便是 至道 而 有

道,貧且賤焉,恥也,邦無道,富且 邦不居。天下有道則見,無 子曰:「篤信好學,守死善道。

道

一則隱。

貴馬

危邦不

入,亂

得及,更不作含糊牽制想,方是「篤信」,可 我之所以靈於萬物者是何體段 場,須直下發箇皈依心,思天之所以與我 間第一等人,第一件事,不是胡亂摸 之,信之篤也。 不可蹈而信之,知飢渴之與於飲食 君子之於道也,真知而信之難。 以希賢、賢之所以希聖是何工夫,於此信 人生開 頭露 面,要 ,思士之所 知水火之 做 索 而信 天 地

以

燭危

無

學至此,其成矣。

之至也。

雖守之也,非化之也。

之」是也。

有弗學,學之弗能,弗措也

落方所,直是自心自信、一日千里者。

頭

《説箇「篤信」,是信甚物?

謂志於道矣。

此作聖第

義也。

聖人

無

子

有

理

碌

跌不得。 學者勗之。

若孔、顔用行舍藏時,又有佳境在,非君子 有道則見,無道則隱,到守死處已不會錯 善道,不能也。 生熟安勉之别也。

子曰:「不在其位,不謀其政。」

分也。 於職之内而不侵越於職之外,所以明守 位,凡局於上下皆是。君子居官,只盡心

吾從大夫之後,不敢不告。」猶然明箇分 陳恒弑其君。孔子沐浴而請討,曰:「以 守,況其他乎?

子曰:「師摯之始,《關雎》之亂,洋洋乎盈

明之會乎? 惜乎不及睹師摯之終也。 雎》之亂以往,洋洋乎其盈耳也。其大道 得而古樂明。凡作之郊廟朝廷者,自《關 夫子自衛反魯之後,適師摯在官之始,官守 晦

> 如也,以成。 始作、翕如也、從之、純如也、皦如也、繹 樂之以《關雎》亂也,其以風化終乎? 洋洋乎盈耳哉

子曰:「狂而不直,侗而不愿,悾悾而不信, 吾不知之矣。」

漓,此聖人所不解,人心之變可勝窮乎? 者必愿,悾悾者必信,自習染勝而三者并 質之性終不錮其義理之性。狂者必直,侗 人之氣質,不失之高明,則失之卑暗,而氣

子曰:「學如不及,猶恐失之。」

「學如不及,猶恐失之」,直是一念萬年,一

日千里。

聖賢直忙了一生,優游何濟。 「學如不及,猶恐失之」,與「勿忘勿助」同

步驟。

此道在我,得之難,失之易。君子學以至 既向前去,仍作退後見,何所不至!

「學如不及」,有登先之勢,「猶恐失之」,之,必失之。此君子所以自强不息也與!此看作前一重公案,望望而趨如不及,然比看作前一重公案,望望而趨如不及,然此看作前一重公案,望望而趨如不及,然此,時時淬勵,進一級復距一級,將此道終道,不得玩愒承當,須用全副精神打并一

不及便是失,不進便是退。 有殿後之勢。總是一條精力。

子曰:「巍巍乎! 舜、禹之有天下也,而不

與焉。」

其胸中,故心普而天下冒,心運而天下轉,聖人之心,洞乎無物,視天下之大,何足攖

與之有? 此心體也,即性分也。

將天下入在二聖心中,湛然不堪些子,何

巍巍乎」,言其道之至極而無以加也。聖

而獨存,亘萬古而立極也。 人心之盈歉見矣。一有所動,便是内不人心之盈歉見矣。一有所動,便是内不性分圓滿光潔、無絲毫牽累處,視天下之性分圓滿光潔、無絲毫牽累處,視天下之性分圓滿光潔、無絲毫牽累處,視天下之人。與天下之,與大應,與一人之道不可見,但投之以勢分之得失,而人之道不可見,但投之以勢分之得失,而

中,了不關涉,如一點浮雲過太虚。如説聖人之心,只是凝然不動,將天下置在胸

我大而天下小,便有區别相

下關。

閒看,打過得簞食豆羹關,便打過得天天下一物也,聖人視外物無大小,都作等

面目也。心,廓然而大公,物來而順應,此「不與」真當是時有是事,當是事有是理。聖人之

一〇九

子曰 天爲大,唯堯則之。 蕩蕩乎民無能名焉 巍巍乎其有成功也 《易》曰:「乾始能以美利利天下,不言所 若是者何也? 聖人立道之極,冥然色臭之表,繫萬民之 古今立君道之極者,莫如堯。 不窮,欲名聖之所以生、所以化不可得也。 惟聖不顯而萬民之命托焉,故生生化化而 不窮,欲名天之所以生、所以化不可得也 惟天於穆而萬物之命托焉,故生生化化而 元命,所爲神也者,妙萬物而爲言者也 道也。堯道則天,故其爲君也大矣哉! 玄遠莫測,只是普物無私,因物付物,而我 成,何名之有? 天而無爲,不見而章,不動 :「大哉,堯之爲君也! 其功,萬物 天普萬物而無心,聖人同 此天道也。 莫 焕乎其有文章 知 其 所 自 而變,無 巍 無能名,不是 君道,一天 巍乎 7,故無 爲 名。 唯

利,大矣哉!」惟聖亦然。惟無名故大,故利,大矣哉!」惟聖亦然。惟無名故大,故利,大矣哉!」惟聖亦然。惟無名故大,故

堯際中天之會,宇宙一新,光被四表,格於 「大」。成功,成生物之功也,在天曰歲功。 「大」。成功,成生物之功也,在天曰歲功。 了章,成功之象也,在天爲日月星辰、風雨 文章,成功之象也,在天爲日月星辰、風雨 其有文章」,正所爲「民無能名」也。

一十人。」孔子曰:「才難,不其然乎? 唐、虞舜有臣五人而天下治。 武王曰:「予有亂臣

想像贊揚之詞

上下,但見其巍然、焕然而已。

二句俱是

德也已矣。」 之際,於斯爲盛。有婦人焉,九人而已,三分 天下有其二,以服事殷。周之德,其可謂至

盛,盡於此矣。夫子於此而有感焉,曰「才 著,以有周之興而僅以十亂 難,不其然乎」,以唐、虞之際而僅以五 爲疏附,或爲後先焉。上下古今人才之 商、周之際,征誅而得天下,十亂之臣,或 唐、虞之際,揖讓而有天下,五臣佐命焉。 周之德乎? 夫德莫大乎君臣之義,文王 雖然,我周之才視唐、虞之際遜矣,必也遡 於婦人也,況夏、殷以降乎? 才難信已! 不繼揖讓之德而再見也哉? 三分天下有其二,天下之勢浸歸於周矣, 而文王彌靖其事殷之節,萬古之臣極立 開闢以來,君極唯堯,子極唯舜,臣極唯 周之德,其可爲至矣。 以德若此,豈 稱,且復借才 人

> 子曰:「禹,吾無間然矣。 菲飲食,而致孝乎 心,即商紂未亡之命,所爲「先天而弗違」 問:「文王之時,還是天命未絶於紂否?」 文王,師極唯孔子。 者。「武王何如?」曰:後天而奉天時。 曰:聖人之心,即是天命。 文王事

般之

德乎? 以澄神,撙節以先天下,而敢以 者,全體流行,渾然至善,無可間隙也。 地平天成,萬世而 惓惓乎天地神人之寄,無一念之不兢焉 其力。鬼神之孝,黻冕之美,溝洫之盡力, 念,絕不以天下之大加乎一身,方且 飲食,惡衣服,卑宫室,聖人絶不從形骸 德衰之譏起焉,故夫子特表而出之。 至於其所以治天下,則無所不用 下,追禹之烈矣。 驕侈滅 然而 恬 淡 起 菲

盡力乎溝洫。禹,吾無間然矣。」

鬼神、惡衣服、而致美乎黻冕、卑宫室、而

流出來,絕無痕迹,絕無轉換,此是天理周此處血脈,却從菲飲食、惡衣服、卑宮室中

流、渾然至善處,故曰「無間」。

渾成無迹。三「而」字可玩。 到圓滿,仍有合縫在。觀大禹之心,直是尋常之心,於此圓滿,於彼即欠缺,即把捉

言利也。

極,可奪天工,其在天人之間乎! 堯其天乎! 舜其協帝乎! 禹其人巧之

天乎!」

子罕第九

が削之學,習し所で言。 冷寒二,見子罕言利與命與仁。

絶,善惡雙泯」,曷不曰聖人罕言命與仁?學不慮」,是言仁也。朱子闢子静「心行路説「無聲無臭」,此是言命也。又喜説「不輕言之,恐滋人玄遠之惑也。今人動喜功利之學,聖人所不言。命與仁,聖人亦

學者,先勘性命而終近於利。 古人之學,先拔利根而終達於性命。 今之

「天何言哉,四時行焉,百物生焉」,是未嘗子雅言求仁之功,而未嘗直指仁體。又曰

「不怨天,不尤人,下學而上達。知我者其三者罕言,即是孔子一生學問。子曰:

乎? 執射乎? 吾執御矣。」名。」子聞之,謂門弟子曰:「吾何執? 執御達巷黨人曰:「大哉孔子! 博學而無所成

返而 子曰:「久矣夫! 博哉? 子聞之,若爽然自失者,乃謂 執御乎? 之,不足以知聖矣。夫聖人之學亦何事於 達巷黨人慕夫子之大,而以博學無名者當 之約 乎? 執射乎? 約則 予之不善學也。 可執 吾執御矣。 也。 吾何 所執] 予將 執 門弟 彌 ?

姑以 既不欲以 之,又何以 自得之耳。 不博,而一以貫之,乃所以反約也。 下,所守彌 執御名,以見反約之有地,欲人思 博自居,又不遽以 博 約 而易操。 而大爲哉?」聖人之學未 予雖成名於御 貫自道 聖人 而 嘗 而 而 甘

輝光。御」,是從至卑下處著精神,恁地篤實鐵之念,天理便陡然而忘。聖人言「執學以持循此心之天理而已,只萌一泛濫高聖人執御,正是下學上達,非姑自謙。蓋

古人之學,於禮、樂、射、御、書、數無所不

學,非是漫然。

從下。」 今拜乎上,泰也。雖違衆,吾拜下,禮也。今拜乎上,泰也。雖違衆,吾子曰:「麻冕,禮也。今也純,儉。吾從衆。

禮之大者在綱常名教,其小者在制度文

爲。 聖人挽回春秋氣化 聖人就禮之變處指點人心善反之機,先從 道隨之。春秋之時,臣弑其君者有之,子 人心之變,侈則必泰,其病授之風俗而 違之際,而所以教天下萬世者至矣。 者,泰不可從也」。 禮 也。 勝而靡矣。 奢處救得 弑其父者有之,其病皆從奢侈中來,故曰 長,故拜上不可從也。一作「故禮之在於朝廷 知也。」夫損益之禮,與 「奢則不孫」。 一本有「弑父與君,皆由此作」句。 ,萬古不易。 一作「故禮之在所損益者,儉可從也」。 子曰:「三代之禮 一半,却從不孫處横絕末流,此 救文之敝莫若忠,故儉可 聖人一有「斟酌」字。 失則僭,僭則亂,漸 大作用也 相 時宜之。 因,而 於時俗從 肵 周衰,文 損 綱常之 不 益 從 世 미 可

變,拜於堂上。可見上替則下陵。 夷王之時,王始下堂而見諸侯。其後一

子 絶 毋意 乎? 苦樂認作在我,一覺便應釋然,此一意之 認賊作子,成爲我矣。 意,已而執意不化,必然如此,而輾轉一意 變幻也。 如堅壘之莫破,則固矣。 與太虚 來,渣滓渾化,天理周流,何四者之累哉 者便循環而起。 四 ,毋必, 人乎? 以爲真,如人入夢境,種 毋意,毋必 同 聖人之心,從江漢秋 體 不惹 毋固,毋 一,毋 纖毫物累。 始焉無中生有,忽起 我,此心 固 一,毋我 返而勘之,果我 究也以 體 纔有物累 陽洗 也。 客爲主, 暴過 人心

凶

也

聖人絶四,知幾其神乎! 有諸己者然,故曰「固」。 滅,便爲燎原 而 滿腔之中盡被貯滿 • 涓涓 不 絶,終 無 餘仗處。 君子誠其意,不 成江 河 星 星不

遠之復 也。 小人 有我 而 罔 覺, 迷 復之

人欲之機,自淺而深,由微而著。 四者有一端,則人心死。

子絶四 子絶四,聖人之心置在何處? ,其夫子之仁乎! 曰:

絶

四

問: 之外更無心。 意、必、固、我與聲、色、貨、利有 :淺深

問: 否 ? 也。 自起滅,只奠起揀擇心,正陽明子所謂「又 只是欲善惡 楊慈湖「不起意」如何? 慈湖 説 雙 無 泯 意 ,絶去好意 正 是硬捉 見,正 住,安得 曰:是亦意 要 與 毋 他 ?

轉成爲必、固、我,此是夢中做夢

意、必、固、我,其人心之危乎?

如聲色貨

利之念纔

一動,其勢有必

~然者,

由是

如火之始燃、泉之始達,不可禦也。

於渾然無物之中

而生一意,又於倏起之意

曰:看他

四者之心從何處起

四者不分是理是欲

,總是氣拘物蔽

天將以啓後死者乎?

使天喪斯文,則後

落無聲無臭見解」是也。學者只從「慎獨」

人,斯得。

息,不使不仁者加乎其身。一曰「四者有一端不曰「無」而曰「毋」,何如? 曰:生生不

則心死,吾於絕四見聖心之仁」。

天之未喪斯文也,匡人其如予何?」天之將喪斯文也,後死者不得與於斯文也,子畏於匡,曰:「文王既没,文不在兹乎?

兹乎」,所謂「文武之道、未墜於地。在人,裔而孔子其嫡也,故曰「文王既没,文不在其鼻祖而文王其禰也。後死者,皆文王之孔子之道,由文王而後遡於堯舜,是堯舜

如曰「文不在我乎」,則小矣。斯文在兹,無乎不合,乃見聖人之大,分明天地氣象,夫文,非孔子之所得而私也。不以爲私而賢者識其大者,不賢者識其小者」是也。

死之托非予而誰? 匡人其奈之何! 君死者不與於斯文矣。苟其未喪斯文也,後

子亦可以自信矣。

乎發育萬物,峻極于天,「禮儀三百,威儀道之可見者謂之「文」,故曰「在兹」。 洋洋

三千」皆是也。

「後死」是文王以後,極之萬世而下皆是。是我不與,與天何涉?

前未喪者。 聖人胸襟大,●直欲繼往開來,不只圖目

令匡人無權。 非謂匡人不能害我,聖人只自信以天,便

❶ 「大」,原作「太」,今據四庫本改。

六

一息。 夫子其天乎? 通天下爲一體,聯萬古爲

牢曰:「子云:『吾不試,故藝。』」賤,故多能鄙事。君子多乎哉? 不多也。」也。」子聞之,曰:「太宰知我乎? 吾少也能也?」子貢曰:「固天縱之將聖,又多能太宰問於子貢曰:「夫子聖者與? 何其多

不多者,一而已矣。有一在,便是多多種設,更爲粗惡,故聖人直鄙之而已。者多,則道亦藝,所守者約,則藝亦道。前章病在博,此章病在多,其旨一也。前章病在博,此章病在多,其旨一也。前章病在博,此章病在多,其旨一也。,更爲粗惡,故聖人直鄙之而已。然則執御非鄙事乎? 曰:所驚執御自鳴,言不貴博也,多能鄙事,言不執御自鳴,言不貴博也,多能鄙事,言不

子曰:「吾有知乎哉? 無知也。有鄙夫問 於我,空空如也,我叩其兩端而竭焉。」 之」,又曰「多識前言往行,以畜其德 聖人 分天理。 見多不足病也,徒多爲病耳。陽明子曰: 生得力處,殊覺索然無味,故曰「鄙事」。 人之心,虚而已矣。生一分知識,便窒 心,更無餘事者,非聖人「不多」之旨矣。 子曰「多聞,擇其善者而從之,多見而 此心有所持循而不放。 博學者,學此者也。」 墮體 (初學) 時恁 地 埋 頭 得兔忘筌,回視平 事 事 黜聽,直信 經 歷 過 來,使

也」,亦何知之有哉? 鄙夫無知而兩端自一似無知者,故云「有鄙夫問於我,空空如就中查檢,欲尋一聰明知解之端而不得,何曾益得分毫? 適還得夫婦之愚而已。聖人嘗從事於求知之功矣,及其知之也,

子。「上天之載,無聲無臭」,至矣。

不知反約,如温公念「中」字,亦是多。

夫,聖人亦何知之有? 空空之問,兩端之躍,含知於虚。聖人以鄙夫之知還之鄙

竭,此聖人與人渾成一體,遞來遞往,無纖

毫隔壅處,却都從無知中孕出。

天命流行,物與无妄,聖非有餘,凡非

不足。

本則有末,有精則有粗,纔有過便有不及。纔拈一物,便有兩端。如有是則有非,有

兩端之道,陰陽

而已

聖人無知,因物付物,此天地之所以爲於兩端,兩端出於空空」。物物各具一太極也。空空孕出兩端,兩端孕出萬象,一作「萬象出

大也。

道,而致嘆於春秋氣數之阨也。山,天人感應如此。聖人身不行羲、文之山,天人感應如此。聖人身不行羲、文之好羲氏作則河出圖,文王興則鳳鳥鳴於岐子曰:「鳳鳥不至,河不出圖,吾已矣夫!」

之天道。 久矣夫道之不行也! 一徵之夢寐,再徵

作,過之必趨。 子見齊衰者、冕衣裳者與瞽者,見之,雖少必

之在前,忽焉在後。 顏淵喟然歎曰:「仰之彌高,鑽之彌堅,瞻 有所立。卓爾,雖欲從之,末由也已。」 我以文,約我以禮,欲罷不能。 陸子曰:「墟墓興哀宗 時出之,常人則從埋没中感動,故是不同。 必作,過之必趨,亦適得乎常心而已。 可哀而哀,遇可敬而敬,遇可矜而矜,雖 磨心。」子見齊衰者、冕衣裳者與瞽者,遇 人只是全體周流,隨感而發,溥博淵泉 夫子循循然善誘人,博 廟欽,斯人千古不 既竭吾才,如 聖 而 少

過,謂文既足以溺心,而禮亦不免於執著,得力來,便當一日千里。後人欲一齊放顏子之學,纔發軔便詣極,只爲從文禮處

一八

空寂,放者入於猖狂,佛老之教行而聖道絶意去智,專用力於末由之境,微者墮於

裂矣。

從事之力。後人對將「末由」處硬欲致其後人竇漏。後人却將「末由」處硬欲致其欲從末由,被顏子指點此機括出來,便開

處,便是惡。家臣之舉,理不合如此,非欺賢人之學,只是擇善不精,纔動便有過當

信 天而 欺? 欺天乎? 且予與其死於臣之手也 罪,而夫子身受之罪也。 安、於理得矣。「且予縱不得大葬,予死於 由以爲臣則詐矣,還其爲二三子,而於心 無寧死於二三子之手乎?」一二三子也 欺天之罪意 道路乎」,以見家臣之不必具也,皆所以 於理 何? 也。 天者,理而已矣。 「 無 臣 丽 爲 有臣」,此非由之 故曰:「吾誰 欺天者,謂不

賈而沽諸?」子曰:「沽之哉! 沽之哉! 子貢曰:「有美玉於斯、輼匵而藏諸? 求善

我待賈者也。」

已。沽之心愈切,則待賈之念愈殷,待賈又不得漫出,時至則行,聖人亦不失時而美矣。聖人直欲以道易天下,不得終藏,而沽,用世心太熱,究竟必枉道狥人,失其聖賢用世之心同,而用世之權則異。求賈

乃所以沽也。

下之心。 之待。曰「待」,正見夫子未嘗有頃刻忘天沽意答之,但言外見得子貢之求不若夫子子貢設藏與沽二條以質夫子,而夫子只以

「君子居之,何陋之有?」子欲居九夷。或曰:「陋,如之何?」子曰:

各得其所。」

各得其所。」

各得其所。」

各得其所。」

各得其所。」

一以抑子路之勇,一以廣或人之陋。

一以抑子路之勇,一以廣或人之陋。

一問之有」,亦權論耳。聞浮

天下無邦,聖人九夷之居,蓋有激之心也。

身留文武之道,傳之萬世,故自衛反魯之流於散亂久矣。聖人之道不行,而思欲以陵夷,禮樂大壞,遺籍雖在而守府無人,日禮樂是治天下大經大法。春秋之時,周道

論語學案二

子罕第九

病在世道,聖人身任正樂之責,使文武之德、治神人、和上下之意泯矣。失在樂章,朝廷之禮壞而治化塞矣,先王所以正心修後,惓惓正樂焉。《雅》、《頌》失所,則郊廟

亂也。言《雅》、《頌》則《國風》在其中,《關雎》其

道焕然復明於世,厥功偉矣。

不勉,不爲酒困,何有於我哉?」
君子之道,常道也。即之甚易,體之實難。
即如「出事公卿,入事父兄,喪事不敢不助如「出事公卿,入事父兄,喪事不敢不 學分量不易承當,精心密勘,遺漏實多,雖 聖人亦歉然不敢自信焉。「何有於我哉」, 聖人亦歉然不敢自信焉。「何有於我哉」, 此實落語也。學者儆之。

《詩》云:「維天之命,於穆不已。」又曰:子在川上曰:「逝者如斯夫,不舍晝夜。」

一 九

:

體血 其撰更真,令人目擊而會心,故夫子嘆之。 陽之謂道」,萬化推遷皆是也。 閣闢於其間,此逝者機也。 故曰「一陰一 其道之體乎? 有新之機 而不息,則生生不窮。 文王之德之純 逝者如斯」,天命流行也。天地之化,運 脈日日充長。於此,見人心中真有故 道不可見,乘氣機而流行, ,純亦不已。」 如人元氣運,則 然則 川上之機, 無 息者 肢

子曰:「吾未見好德如好色者也。」 《大學》言誠意,曰:「如好好色。」此好德 往往不能「如好好色」者何哉? 人亦反而 之誠也,非由外爍我也,我固有之也。 然

爲聲色貨利之逐耳。聖人蓋欲致醒於消 長之際云。 民之秉彝,好是懿德。其未有至者,亦只 求之。

子 譬如平地,雖覆一簣,進,吾往也。」 造。 曰 是我爲,不爲是我不爲,此非他人可得 吾人學問希聖達天,有無限階級,儘由人 與焉者。雖未成一簣,末路無幾,若吾欲 是,亦終於無成也。 已。吾可往而卒不往,初路猶是,末路猶 基,立進穹窿,何難之有? 止則止矣。 譬如爲山乎,山至高,然爲之即是,爲 譬 如 爲 假令杜一止心,則雖一 Щ 未 成 簣, 止 亦吾自往而 一,吾 止 簣之 也 而

鍵,人心亦神矣哉! 爲山平地,懸絶天淵, 念進止,立轉關

子曰:「語之而不惰者,其回 得,何其神也 原有全體不息之心,纔經指點,天機迅發, 體道之勇,莫如顔子。 如蟄蟲發於春雷,草木滋於時 語下承當,無等待,無湊 未 也與 語 時生意洋洋, _! 雨,停滯不

者,賊其苗者也。

合,顏子於聖人之道相爲一體,并授受之

迹亦化矣。

子謂顏淵曰:「惜乎! 吾見其進也,未見其

也。」

道本無窮,故學無止法。「吾見其進也」, 日進無疆,●竭才以赴而不已也。「未見

其止」,即進也。聖人獨窺顔子心法,故勘

的如此,不作窺測見。 惜之者,顔子没而

此學亡也。

學之不厭,與請事不惰、欲罷不能同一脈

絡。顔子真是夫子後身,後來罕儷

子曰:「苗而不秀者有矣夫! 秀而不實者

有矣夫!!」

甚矣,學貴有成也。 也。苗未嘗不能秀且實也,有以不秀且實 實,無爲貴學矣。「有矣夫」者,未定之辭 如苗而不秀,秀而不

> 子曰:「後生可畏,焉知來者之不如今也? 四十、五十而無聞焉,斯亦不足畏也已。」

君子終身造詣,皆是後生中發軔。從此自 棄,永無長進之機,必墮落人後者,故曰:

「少壯不努力,老大徒傷悲。」

也? 四十、五十而無聞焉,將來 陶侃曰:「大禹聖人,猶惜寸陰,至於吾 齪,如此賤亦甚矣,何畏之有 後生可畏」,焉知來者不如今日之可畏 卑瑣龌

人,當惜分陰。」

巽與之言,能無説乎? 子曰:「法語之言,能無從乎? 改之爲貴。 繹之爲貴。 説而不

繹,從而不改,吾末如之何也已矣。」

關一著,人須自力。不然,君子亦無如之 君子與人爲善之道,只做得六七分,到緊

疆」,原誤作「彊」,今據嘉慶本改。

何者。

用之,將如彼何哉? 不改,是爲下愚不移者,雖法語、異言無所從之實,繹者悦之至也。 悦而不繹,從而與之言,不得不悦,悦即繹之機也。 改者與之言,不得不從,從即改之機也。 巽

之理。 也言者,道主法而權主巽,有並行不悖

·屈,皆此志也。故曰志立而學半。 志,氣之帥也。氣之剛大,塞天地,配道 義,皆志爲之。今人只無志者多,恁地鶻 義,皆志爲之。今人只無志者多,恁地鶻 子曰:「三軍可奪帥也,匹夫不可奪志也。」

其由也與?「不忮不求,何用不臧?」」子路子曰:「衣敝緼袍,與衣狐貉者立而不恥者,聖人纔志於學,便貫到從心所欲,不踰矩。

人有言:學問一事開大眼孔,豎立一硬脊終身誦之。子曰:「是道也,何足以臧?」

便打得生死關。

梁,只爲富貴貧賤打不破。

打得義利關,

不臧」。 **緼袍,與簞瓢陋巷同一胸次,非徒勉强矜** 學莫先於内外之辨。 持之力,直破忮求之根矣。 非有超天下之識力不能。 中,亦非 爲樂之道有守而後可以達化,故曰「何用 子路終身據於德也,孔、顔之樂依於仁也。 便渾化,上下與天地同流,樂亦在其中矣。 其斯之謂與?」可與言臧矣。 子貢曰:「《詩》云「如切如磋,如琢如磨」, 此也,即夫子從心,顏子卓爾,纔欲安頓其 地用功,更無求進之機,何臧之有? 不特 若終身誦之,只是就平日得力之 - 臧矣。 故君子之學日新而不已。 見内重則見外輕,此 子路不恥衣敝 融得 盡 **渣滓**

皆半塗而廢也。

「歲寒,然後知松柏之後彫也」,當是時,松子曰:「歲寒,然後知松柏之後彫也。」

柏重於世矣。

物固有窮而見節如此者。

松柏之性,陽春如此,歲寒如此,聖人爲世節,非君子之心也。時遭其窮,不得不然。賢人君子處亂世而見,則道益貞,後彫見

之肉眼者醒耳。

體道之實功也。知、仁、勇,皆進學之力,不惑、不憂、不懼,

勇,大勇也。 曰勇,自强不屈之謂也,故不懼。不懼之不憂之仁,至仁也。就知精仁熟處擔當則驗處融洽則曰仁,誠身之謂也,故不憂。謂也,故不感。不惑之知,真知也。就體爲學之功,就覺察處入門,則曰知,擇善之

不能。懼,然後於道有得。此非知、仁、勇之學擬惑者到此不疑惑,平時憂懼者到此不憂學問居恒無所驗,惟臨是非、遇利害,平時

成終者也。知及仁守之謂。勇者,聖學之所以成始而三者工夫一齊並進。然知、仁有次第,即

即是知,知、仁之全體不息處即是勇。知之真切篤實處即是仁,仁之靈覺明瑩處

未可與立,可與立,未可與權。」子曰:「可與共學,未可與適道,可與適道,

顏氏之子,可與權。可與適道矣。冉、閔、由、賜之徒,可與立。三千之從遊,可與共學乎? 七十子之彦,

學焉而有得,則適道之階也。若得力方在學焉而有得,則適於道矣。日用動静有所持循,此心日由於天理之中而無昏惰放逸學焉而有得,則適於道矣。日用動静有所其固,卓立於斯道之中而不二,學至是定其固,卓立於斯道之中而不二,學至是定其固,卓立於斯道之中而不二,學至是定其。過此以往,未之或知也,其惟權乎!君子之於道也,盈科而後進,所爲「必有事君子之教人也,必因其材而篤焉。可與共學,則與之以舊無「以」字。爲學之方,令其都代之子,可與權。

學中 權乎? 與立。可與立,則舊無「與立則」三字。與之以 路,令其適道而有至,則立之基也。 卓立之歸,令其立焉而能遷,則達權之漸 力方在道中,而遽與言立 未可與適道。 道者,近管於吾心,而散見於事物之間。 逆施之也哉! 豈所爲循循之教非乎? 然其序有階而進有漸,君子亦豈能强聒而 矣,故未可與權。 也。若得力方在立中而遽與言權 耳聽、目視、手持、足行,無非是物,其當然 而不易者,即其自然而然者也。 其物之有 丽 遽 適道而學半,達權則成矣。 與舊有「之」字。 可與適道,則與之以適從之 夫學不要於權,未至也 言道, ,則倚矣,故未可 則惑矣,故 ,●則膠 。若得

● 「力」,原誤作「立」,今據四庫本改。

權者,道之體也。 道體千變萬化,而不離

唐棣之華,偏其反而。豈不爾思?

室是遠

「立」之恰好處便是權。

言人道之微也。權居無事,因物付物而 乎中,非權而何?《易》曰:「巽以行權。」 子謂「權之與經,亦須有辨」,亦非也。 天 以爲變也。漢儒「反經合道」之説誠非,朱 諸事主變,理即事,事即理。 其常也,乃所 下之至動而不可離也。權之理主常,而準 之,道也。 禮儀三百,威儀三千,皆經也。 謂權非反經而言也。然則經何辨乎? 也」,正是道理合當如此,乃所爲經也,故 重準焉,言天下之至静而不可測也,言天 神而明之,妙用出焉,權也。二而一者也。 曰: 經者權之體,權者經之用。合而言 下有二道乎?「嫂溺,援之以手者,權 不患其不一,所難者分之殊耳。」 金仁山曰:「吾儒之道,理一而分殊。 理 輕

《詩》,可以言學矣。 聖人之説《詩》,亦意在言外。

而。」子曰:「未之思也。夫何遠之有?」

點,頓令生意躍躍。風人之旨,意在言外。 腐爲神奇。斯道散殊耳目之表,一經指 棣》之詩而反不遠之道,皆得意忘言,化朽 聖人聞《滄浪》之歌而啓自取之機,觸《棠

悟風人之旨,可以言道矣,悟聖人之説 月,不容擬議,恰證無上妙道。

如鏡花水

鄉 黨 第 十

宗廟朝廷,便便言,唯謹爾 孔子於鄉黨,恂恂如也,似不能言者。其在

《鄉黨》一章,乃是仁體周流、一滴不漏處。

章,其孔子一部《曲禮》乎! 優優大哉,禮儀三百,威儀三千。《鄉黨》

三五

二二六

孔 便便,辯而有倫也,惟謹之狀也 矣,其在宗廟朝廷而忠愛之道著矣。 恂,遜實之貌。 在宗廟朝 子於鄉 、黨則 廷。 孔子於鄉 道 似不能言者,恂恂之狀也。 在 鄉黨,在 黨而孝弟之道 宗 廟 朝 廷 則 恂 著 道

第 方,俱在此起脚,故以冠篇。」 方應乾曰:「道始家庭,達於鄉黨,是做人 一 步。 他日立朝 爾,交鄰國,至轍環 四

誾

朝與下大夫言,侃侃如也,與上大夫言,誾 咫尺,直無行足處,與與如也,敬而安也。 孔子之在朝也,有時與下大夫言,則侃 如 聖人竭一心以致主,在諫諍敷陳之外,但 不諂也。 上大夫言,則誾誾 如也,意盡 有敬可象而已。 也。 君在 臨之以君臣,則踧踖如也,天威 而詞直,下交不瀆也,有時 ,踧踖如也,與與如 其作用張弛則流露於朝 如也,禮恭而 也 氣舒,上交 與 侃

> 言 心,必有意見之病。 主攻擊,不勝不休,持論愈堅而藩籬愈固 之。」安石愧服,蓋有孔氏遺矩焉。 大夫各爲朋黨,小人既陰賊以傾君子,而 準,動而化,其道蓋出於此。 列 吾黨激成之。」總之,士大夫不能以體國爲 適以成安石之拗耳。 脈從此斲矣。宋熙寧之禍,程伯子與安石 尤,全無感動人處,於是賢不肖相 君子又凌厲恃氣,矯枉 濟濟之間 「天下事非一家私 '; 精 神 貫 徹 故曰:「新 過 協 議,願平 正,動 恭 衰世之習,士 和 以 衷, 法之禍 意 其他概 口舌招 加 以 推 而 國

君召使擯,色勃如也,足躩 賓退必復命,曰:「賓不顧矣。」 左右手。 衣前後,襜 如 也 如 也。 趨 進 揖所與立, 翼 如

所與立」者,揖同擯也,揖左人則左其手, ·君召使擯」,爲擯以主鄰國 來 聘 也

賓命於主也。或左或右之間,而衣之前後欲傳主命於賓也,揖右人則右其手,欲傳

襜如,言曲折中度,非身不動也。

如也,復其位,踧踖如也。
出,降一等,逞顔色,恰恰如也。没階,趨,異足者。攝齊升堂,鞠躬如也,屏氣似不息者。及者。過位,色勃如也,足躩如也,其言似不人公門,鞠躬如也,如不容。立不中門,行不

謝,絕無痕迹。 一有踧踖也。聖人慘舒之氣,如四時之代 之候,故出降一等而舒矣。此聖心之變 生之候,故出降一等而舒矣。此聖心之變 也。恰恰如者,亦適得吾常敬之體也。 中有踧踖也。聖人慘舒之氣,如四時之代 中有踧踖也。聖人慘舒之氣,如四時之代 中有踧踖也。聖人慘舒之氣,如四時之代 中有踧踖也。聖人慘舒之氣,如四時之代

勃如戰色,足蹜蹜,如有循。享禮,有容色。執圭,鞠躬如也,如不勝。上如揖,下如授,

私觀,愉愉如也。

舒之以悃款之誠,務暢兩國之權,故其道承君之命,主於敬,而致君命於鄰,則又當

主於和。

弛也。 神變化,總是無敢慢中來,非始敬而終享禮則聘禮成矣,私觀則聘禮終矣。其精聖人執圭聘問,君命在躬,其敬自不容已。

弔。吉月,必朝服而朝。 老,養不,狐裘。褻裘長,短右袂。必有寢 衣,長一身有半。狐貉之厚以居。去喪,無 衣,長一身有半。狐貉之厚以居。去喪,無 不佩。非帷裳,必殺之。羔裘,素衣,麑 用,必嗣服而朝。

敗,不食。色惡,不食。臭惡,不食。失飪,食不厭精,膾不厭細。食饐而餲,魚餒而肉

齊,必有明衣,布。齊必變食,居必遷坐。

醬,不食。肉雖多,不使勝食氣。惟酒無量,不食。不時,不食。割不正,不食。不得其

日不食之矣。食不語,寢不言。雖疏食菜食。祭於公,不宿肉。祭肉不出三日,出三不及亂。沽酒市脯,不食。不撤薑食,不多

羹,瓜祭,必齊如也。

者不及也,賢者過之,不肖者不及也。他人喫飯從脊梁過。」彼所爲智者過之,愚味也。」程子曰:「予兄弟喫飯從喉裏過,同其日用,故曰:「人莫不飲食也,鮮能知同其日用,故曰:「人莫不飲食也,鮮能知思人衣服之節,飲食之節,只與常人同。

席不正,不坐。

鄉人飲酒,杖者出,斯出矣。鄉人儺,朝服而

立於阼階。

觀於鄉飲酒之禮而孝弟之道達於下矣,觀孔子曰:「吾觀於鄉而知王道之易易也,

問人於他邦,再拜而送之。康子饋藥,拜而於鄉人儺之禮而忠敬之道達於下矣。」

苟如此。未達不嘗藥,示無所欺也。交道貴敬。聖人拜送、拜受,一於禮受之,曰:「丘未達,不敢嘗。」

而不

廄焚。子退朝,曰:「傷人乎?」不問馬。

問馬也。如曰「傷人乎? 否。問馬」,則聖人愛人之心勝,故於廄焚而問之,不暇

問及之,正足想見其愛人迫切之情,後雖聖人終不問馬乎? 曰:一時倥傯不暇處聖人似有分别處,亦猶夫人情而已。然則

問馬,不害其爲不問也。

飯。疾,君視之,東首,加朝服,拖紳。君命之。君賜生,必畜之。侍食於君,君祭,先君賜食,必正席先嘗之。君賜腥,必熟而薦

召,不俟駕行矣。

聖人飲食起居,於事君獨至焉,亦禮當然

也。曰「東首」,則遷南牖可知。

朋友死,無所歸,曰:「於我殯。」朋友之饋,

雖車馬,非祭肉,不拜。

至。死而殯,必拜祭肉,情至義盡也。聖人處朋友,道義之愛,骨肉之情,無所不

寢不尸,居不容。

必變色而作。迅雷風烈,必變。

「中有生,仍是勿忘勿助機緘,所爲通乎書中有生,仍是勿忘勿助機緘,所爲通乎書中有生,仍是勿忘勿助機緘,所爲通乎書學者每言睡時做主張。聖人寢而不尸,息

先生危坐自若。人問之,曰:「心存誠敬程子濟舟而遇颶風,舟幾覆,同舟者皆懼,聖人升車有容,只是心存誠敬,自無所忽。非

升車,必正立執綏。 車中不内顧,不疾言,不

耳。」程子未必忘戒心,遇患而儆,亦道也。 耳。」程子未必忘戒心,遇患而儆,亦道也。 以外車,則正立執綏,豈忘價敗乎! 型人入道,時而已矣。翔而後集,於止,知 聖人之道,時而已矣。翔而後集,於止,知 聖人之道,時而已矣。翔而後集,於止,知 聖人之道,時而已矣。翔而後集,於止,知 以乎? 此聖人所以有「時哉」之歎也。三 以呼作,作以時也。《易》曰:「山梁雌雉,時 以呼作,作以時也。《易》曰:「山梁雌雉,時 以呼,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此 其時,其道光明。」吾夫子以之。弟子記此

論語學案三

先進第十一

子曰:「先進於禮樂,野人也,後進於禮樂, 君子也。如用之,則吾從先進。」

輩風味,大率以樸勝,其後乃漸入於煩縟。 文質彬彬,然後君子。 禮云樂云其文也。文勝則史,質勝則野, 禮樂,君子用之以養德也,故忠信其質,而 心愈喪,用之適爲賊性蕩情之資而已。 用禮樂而實與之背馳也。 禮,與其奢也,寧儉」,謂其近於本也。 雖然,世人無日不 緣飾愈多而 先 本

> 之,則吾從先進。」 尚之弊久矣,聖人有憂之,故曰:「如用 禮樂,野人也,後進於禮樂,君子也。」習 蓋人心遞降而習尚隨之,故曰:「先進於

何?」曰:制禮樂者,立隆爲極,萬 之意,自後進看,非野而何? 加,行禮樂者,國初士大夫氣習還多悃嗇 或曰:「周文郁郁矣,先進禮樂猶以爲野 # 弗 可

子夏。」 子曰:「從我於陳、蔡者,皆不及門也。 我、子貢,政事,冉有、季路,文學,子游、 行,顔淵、閔子騫、冉伯牛、仲弓,言語,宰

諸弟子者,豈徒以聚散之迹乎? 蓋重爲 斯道惜也。弟子因夫子之言而記相從諸 不無追感於斯。及門之憾,所不能忘情於 陳、蔡之厄,吾道之不幸也。 時異事移,而

德

不説。」 夫子 ·曾曰: 助於師 「吾得回 也。 曰「無助」者何? 而門人益 親 。」甚矣, 此道人 所

> 之實也 諸人。 淵則於斯道獨窺其全,精粗本末,●一以 長。 貫之,雖欲就渾淪中剖出 也」,即二子之長,豈無助於夫子者? 善爲説辭,而夫子曰「我於辭命則不 數。賢人之道,就其質之所近,必有所獨 聖人之道,渾然全體,不見其有盈歉之分 人具足,本無假於挹注之煩,善學者得 有所不能,故曰「無助」。 心,悦其在我而已。 而忘言,無不悦也。所説非言也。 纔有所長,便見所是。 辯難既精,聰明盡黜,何助之有? 悦之機,我不得而 無所不悦,無助 一端觸發,夫子 如宰我、子 能悦 能 貢 意 喻

聖

見

遭

明知 聖道不落言詮。二三子以言求道 解窺見迹象之粗。 就其所見,亦足發 徒 以 聰

0 粗」,原誤作「神」,今據四庫本改。

論語學案三 先進第十

三

此。 教哉 悦之機,我不得而喻諸人,不違如愚,何助 學者得意而忘言,全體亹 明夫子之藴,不 分合,的脈的傳,諸子罕儷,故相喻之深如 誠知回之無助也,即聖人亦豈以言 孔、顔授受,直是心心 可 調無 助 也 一臺,無不 抑 相印 末 也 一,絶無 悦 也。 善

子曰:「孝哉,閔子騫! 弟之言。」 人不間於其父母昆

以與此? 故人言易孚而惟無間於父母 遭人倫之變,而不失其常,非 古今論孝者,自大舜而下,稱閔子焉。 弟之言,斯爲難。此閔子所以稱孝也。 至誠能動 一,何 皆 昆

南容三復《白圭》,孔子以其兄之子妻之。 神便收斂,天理存 放言不檢,自是學者大病。只能謹言,精 三復《白圭》之詩,平生得力之地盡在於 矣。 南容學問 近裏 , 故

> 此,庶幾 慥 慥 君 子 與 ? 故 夫子 以其 兄 之

季康子問:「弟子孰爲好學?」孔子對 子妻之。

則亡。」 「有顔 回 者好學,不幸短 命死 今也 日

顔子好學,非夫子不能窺見。 顔子没而此

學亡,須知所學者何 事

顏子專用力於内求,故後儒亟稱之,却 一段苦心在,此其所以 幾 於聖也。

點、漆雕開,只見得大 意。

槨,吾不徒行以爲之槨,以吾從大夫之後,不 顔淵死,顔路請子之車以爲 「才不才,亦各言其子也。 鯉也死,有棺而 之槨。 子 曰 無

喪予!」 顔 可徒行也。」 淵 死。 子 曰:

噫!

天

喪

予 !

天

顔淵 死, 子哭之慟。 從者曰: 「子慟矣。

若

曾

費

得視猶子也。非我也,夫二三子也。」人厚葬之。子曰:「回也視予猶父也,予不顏淵死,門人欲厚葬之。子曰:「不可。」門曰:「有慟乎? 非夫人之爲慟而誰爲!」曰:「有慟乎? 非夫人之爲慟而誰爲!」

可見。 徒行也」,亦權論耳。觀門人厚葬一章行不可徒行? 曰「以吾從大夫之後,不可顏淵死,家貧不必厚葬,便是道,安論可徒顏淵死,家貧不必厚葬,便是道,安論可徒

餘情。 矣。顔子之死,惜哉! 夫人一慟,萬古矣。頗子之死,惜哉! 夫人一慟,萬古夫子晚年不得曾子,則學亦不傳於後世

鬼?」「敢問死。」曰:「未知生,焉知死?」季路問事鬼神。子曰:「未能事人,●焉能事

有體於明者,則有體於幽者,是鬼神之説者,則有未始有生也者,是生死之説也。則能盡人之性,所以「事人」也。有生也天地之性人爲貴,所以生也。能盡其性,

微矣! 觉矣! 他。問事鬼神者,事吾心之鬼神也。子曰也。問事鬼神者,事吾心之鬼神也。子曰「未知知」,盡性以至命也。幽明、死生生,焉知死」,盡性以至命也。幽明、死生生,焉知死」,盡性以至命也。幽明、死生故,焉能事鬼」,即人以達天也。故夫子兩以儆子路,焉能事鬼」,即人以達天也。故夫子兩以儆子路,事吾心之鬼神也。子曰也。問事鬼神者,事吾心之鬼神也。子曰

人。故曰:「下學而上達。」 人可以盡鬼,而溺於鬼之故者反至於遠 可以該死,而溺於死之説者反至於遠生, 更支離見,故聖人就從一處指點之。蓋生 人鬼、死生只是一箇。纔問死與鬼神,便

有、子貢、侃侃如也。子樂。「若由也,不得閔子侍側、誾誾如也,子路,行行如也,冉

❶ 「人」,原誤作「神」,今據四庫本及《論語》通行本改。

其死然。」

中 中行、狂狷之别也。 爲小人。 者,陽德藹動之意,春生氣象也。 者乎? 夫子所以裁子路者,意亦至矣。 之。「若由也,不得其死然」,太剛則折,取 凡鍾陽明之氣,必爲君子,鍾陰暗之氣 貢,夏長也。 子路并秋殺盡見。 「然則 問:「誾誾和悦,莫近柔媚否?」曰:和樂 死而不得,則死也惑矣。豈所爲聞道而 禍之道也。 行行,强而厲:皆載道之器也,故夫子樂 冉有、子貢之侃 但陽明中有蘊藉發露之不同,則 不得其死,非謂死之可惜也, 侃,爽而直,子路 閔子之誾誾,剛 冉有、子 ", 必 侃 死 之 而

不凡。 侃較勝行行在?」曰:行行氣魄大,乘載

何必改作!」子曰:「夫人不言,言必有中。」 魯人爲長府,閔子騫曰:「仍舊貫,如之何?

> 藥必中病,方是國手。 其言中矣。 言,豈漫無當哉 公作丘賦,損下益上,邦本撥矣。 閔子之 魯人爲長府,意在聚斂也,故閔子諷止之, 論事易,中理 魯自宣公稅畝,文 難。 如治 i病者,

子路。子曰:「由也升堂矣,未入於室也。」 子曰:「由之瑟,奚爲於丘之門?」門人不敬 此而進,則致廣大而 善不精,履仁未熟,於道猶未至耳。 然,由之學固已卓然見其大矣! 化止於是乎? 故夫子聞而儆之也。 之氣勝於中和,曾是遊聖人之門而成就變 聞其樂而知其德。 由之德著於瑟矣,暴厲 盡精微,極高明而道 惜也 使 雖 由 擇

學莫先於變化氣質。氣質甚害事 至於渣滓渾化,天理周流,便是究竟工夫。 拘,便物蔽。 學者須從軀殼上極 力消融 ,纔氣

中庸,粹然成德之君子矣。

過

不及只是不善學,過之見多起於近名,

或問:「氣質害事,還須涵養否?」曰:能

克己,方是真涵養。

乃所以變化氣質也。要之,果能變化氣儒謂學莫先於變化氣質,何如?」曰:學本治病之方,非徒就標處挽回者。「然先夫子裁子路之勇而但教之以進學,便是探

質,則學亦無餘事。

過,商也不及。」曰:「然則師愈與?」子曰:子貢問:「師與商也孰賢?」子曰:「師也

過猶不及。」

則其未至於道均矣,故曰「過猶不及」。 步,有歉焉不勝之意,而無弘毅之養者也。 新奇而忽尋常之理是也,不及者,繩趨尺 好高,●或希心神化而遺下學之功,或起見 問亦如之:師近狂,商近狷也。過者,務外 問亦如之:師近狂,商近狷也。過者,務外

不及之見多起於自足。

路氣魄實,子張稍浮。「然則 問:「子張之過,近子路兼人否?」曰: 夫子告以能行五者於天下,問政,則告之 如?」曰:點神清,子張稍濁。子張問仁, 不弘、尊賢容衆處,其所見實有過人者,非 見,反能病道。 者。想子張氣局固不凡,但騁其 以無倦與忠:尊美屏惡,皆天德王道之大 裁之與? 聞,抑其早年未定之見,而其後乃知所以 復向者堂堂風味。 夫干禄之學,邦家之 至於論士見危授命、執 與曾點 高遠之 子 何 德

矣"賢者過之,不肖者不及也。人莫不飲之,愚者不及也。道之不明也,我知之子曰:「道之不行也,我知之矣"知者過

● 「好」,原誤作「自」,今據四庫本改。

三五

子張 過也,寧不及。 里,以見學術之不可 不肖,然自聖人視之,則亦愚不肖矣。 徹,的是下學上達之矩,庶幾中矣。 來朱子較勝陸子。 毅過之,陸子之學似子張而直截過之,看 正之準,雖同冶共鑄,而微分跬步,頓殊 術,故於及門之彦兩相衡量,以示大中至 見地儘高,只無下稍,其言曰「予於踐履未 能 也 爲賢知 一」,便是虚見,此其供狀也 能 知味也。」子夏不及,不可謂 何疑? 後世朱子之學似子夏而 朱子學問篤實,晚年更 不慎 聖人欲訂定 也。 雖然,與 萬 陸子 世 學 若 其 千 弘 愚

可也!」子曰:「非吾徒也。小子鳴鼓而攻之子曰:「非吾徒也。小子鳴鼓而攻之季氏富於周公,而求也爲之聚斂而附益之。

爲得罪名教不小,故夫子鳴鼓而攻之。冉有臣季氏,而不能匡救其惡。「聚斂」之

柴也愚,參也魯,師也辟,由也喭。」

而參其最著云。信,雖嗐必精。厥後四子均荷聖道之寄,信,雖嗐必精。厥後四子均荷聖道之寄,之功,學則雖愚必明,雖魯必敏,雖辟必一格矣。然而氣質之偏均不無藉於學問四子皆聖門之選也,游、夏、求、予之倫降四子皆聖門之選也,游、夏、求、予之倫降

甚力而· 進學之力不可誣矣。 然學而不已,則愚 者規模已成,但未經鑪錘,升堂未入於室。 制乎外而 而解悟不足,於道在離合之間; 四子氣質,亦就學問上見:愚者躬行有 游、夏、求、予可及。 而喭可文也。 奏功甚難,於學在困勉之候,辟者 中或不根,神情 厥後曾氏之子獨得其傳,則 可破,魯可化 其三子皆有造就,非 微有渗漏; 辟 魯者擔 可實, 喭 荷 餘

殖焉,億則屢中。」 子曰:「回也其庶乎,屢空。 賜不受命而貨

甚焉? 也。 爾哉 此。 動 不灼知無諂無驕之學哉? 而此中不免有 利關淺? 不去之心而已。● 仁豈遠乎哉 回 見,而窮理盡性以至命,亦何「貨殖」云 中」,聰明眩 而貨殖焉」,言不受義理之命也。「億則屢 較之私,不啻世俗徵貴徵賤之謀,可鄙 〈聖域,進於道矣。「屢空」則進道之真 無 ,視回心體便覺俗,直貨殖而已,往來計 君子不違仁,只是富貴貧賤存得不 此所爲「不受命」也。 氣質之病,而好學不惰,純粹精 彼其於道中距矣,故曰「賜不受命 只安勉分淺深耳。 而默識疎,道心逗漏 倘泯 如子貢 其億· 處 誰言義 正 微,優 中 見), 豈 之 孰 境 於

病,如拌一餓死,更有甚計較? 然則聖學此計較,便是貨殖。然則魯齋治生之言亦吳康齋夜半思處貧之策,至日中始決。如

有死 法門。 其謝 릲 人於辭受取予一斷以義,無一毫擬議方便 也可 古今處君臣之義皆然。 地乎? 如其道,則舜受堯之天下不以 食,倘終不謝,便終當一死。 曰 : 義不 食粟,則 其嗟 亦 也可 有 死 聖 爲 加

於室。」子張問善人之道。子曰:「不踐迹,亦不入

泰;

如其非道,則一介不以取諸人。

善之道概乎未之有聞也。善之至,便是盡學誤矣。天下豈有不學而可與言善者學誤矣。天下豈有不學而可與言善者哉? 謂之曰「善人」,則實有爲善去惡之哉? 謂之曰「善人」,則實有爲善去惡之哉。 謂之曰「善人」,則實有爲善去惡之哉。 無

❶ 「存得不處不去」,原誤作「得不去不處」,今據四庫本改。

性

至

達於

聖

人,

乃

爲究竟地

故曰

亦

聞斯行諸」,子曰「聞斯行之」。 赤也

三人

)惑,敢

問。」子曰:「求也退,故進之,由也兼人,故

不入於室」。無他,亦學焉而已。

善人大段有質地,只是粗。

退之。」

則善人且未能得門而人也,何遽云未入於等高邃。 若説天資暗合,不必摹仿陳迹,如言善人超然自得,●不落筌蹄,則無此

室乎?

此章言善人是兼信人,而言人室是美大以

子曰:「論篤是與,君子者乎? 色莊

者乎?」

以信君子,故曰有言者不必有德。浮夸之論,固非君子,即篤實之論,亦不足

如之 問 諸 子路問:「聞 「聞斯行諸」,子曰「有父兄在」,求也問 ?」子曰:「聞斯行之。」公西華 何其 聞 斯 斯行諸?」子曰:「有父兄在 行之?」冉有問:「聞 一日:「 斯 由 行 也

> 聞斯行之,爲學自當如 聖人造就二賢,具見化工之妙。 者,欲其且事從容,弗遽作向前想也。「求 下食貪多,便嚼不化,胡亂 畏,只是粗,兼人處全是氣 窺,纔著小心便有湊泊 稟承者。然道體大段易見得,只是微 有父兄在,只是不敢徑直行將去,若 也退,故進之」,猛著一鞭,令人住足不得。 此,何與父 處。 (魄用 嚥下。「退之」 子路· 事 力 兄 有 如人 行 處 事 口 難 所 ?

而言。 一對,但彼是造道已成言,此以進學之力師與商是過不及一對,由與求亦是過不及

^{● 「}人」,原脱,今據四庫本補。

矣。」曰:「子在,回何敢死?」子畏於匡,顏淵後。子曰:「吾以女爲死

曰「子在,回何敢死」,則依歸之情亦手足,故曰「吾以女爲死矣」,慰喜之情也。子畏於匡,顔淵後,一時師弟情深,相倚如

子,正其樂天知命處。 頭子不死不足奇,只是以生死之權聽之夫 之未喪斯文也,匡人其如予何!」 之未喪斯文也,匡人其如予何!」 問:「顏子果知夫子不與匡人之難否?」

曰:「弑父與君,亦不從也。」也,可謂具臣矣。」曰:「然則從之者與?」子謂大臣者,以道事君,不可則止。今由與求曰:「吾以子爲異之問,曾由與求之問! 所季子然問:「仲由、冉求可謂大臣與?」子季子然問:「仲由、冉求可謂大臣與?」子夫子以斯文爲天,顏子以夫子爲天。

弑逆,亦卓然節概,然見道未明,只從季氏可則止」,始終進退,一道而已。二子不從盡臣道,如責難於君,陳善閉邪,皆是「不也。大臣以學術正君心,周公其選已。臣尸位者。然以言乎大臣之道,則亦未有聞由、求以從政之才見稱於夫子,蓋非碌碌由、求以從政之才見稱於夫子

臣之謂也。俗,如我輩只修政立事而已」,亦大臣、具章楓山先生稱「羅一峰先生可謂正君善

便錯,安論所事!

焉。 乎舞雩,詠 既 傷乎? 作。 焉。」「點,爾 子。」「赤,爾何如?」對曰:「非 之,比及三年,可使足民。如其禮樂,以俟君 如?」對曰:「方六七十,如五六十,求也 有勇,且 吾一日長乎爾,毋吾以也。 子路、曾皙、冉有、公西華侍坐。 旅,因之以饑饉,由也爲之,比及三年, 曰:「千乘之國,攝乎大國之間,加之以 也」,如或知 成,冠者五六人,童子六七人,浴乎沂,風 其 終 宗廟之事,如會同,端章甫,願 П 有 對曰:「異 [給以 難 亦各言其志也。」曰:「莫春者,春服 知方也。」夫子 顯 而歸。」夫子喟然數曰:「吾與點 爾, 斥子 求伸,其言近理,終暗於大道 何如?」鼓瑟希,鏗爾,舍瑟 乎三子者之撰。]子曰:「何 則何以哉?」子路率爾 路者 ·,故但 哂之。 居則曰『不吾知 闢之爲佞 日 能 「求,爾 子曰:「以 之,願 爲 口 小相 可使 而 也。 學 爲 何 師 對 謂 而

禮,其言不讓,是故哂之。」「唯求 與?」「安見方六七十,如五六十,而非 矣。」曰:「夫子 侯而何? 者?」「唯赤則非邦也與?」「宗廟會同,非諸 者之言何如?」子 也。」三子者出,曾晳後。 宗也。 事,宇宙内事皆吾分内事,此洙泗 聖人之志,以老安少懷爲極致。事即宇 我何以人之知不知爲哉? 全,素位而行,浮雲富貴,莫春 脱,志趣超遠,舍瑟 故由之有勇知方,求之足民,赤之禮樂,其 我,執此以往矣。 施爲氣象不凡矣。 群居講求,莫非用世之道,如有用 赤也爲之小,孰能爲之大?」 ,何哂 曰:「亦 如不我用,守此以藏矣。 由 曾點,狂者也 一對,悠然獨見性分之 也?」曰:「爲 曾 各 晳 吾有吾時,吾 言 日 即景,若曰 : 「夫三子 其 則 一, 胸 志 學術之 非 或 也 次灑 邦 邦 已 宙 也 也 以

夫子

初發

問

商

箇

一作「権

用世之業,

也。 有吾地,吾有吾群,吾有吾樂而已。 則違之」之志也,故夫子喟然歎曰「吾 其言不讓,未聞道也,安論二子乎? 得已哉! 如夫子惓惓用世之心何? 喟然之歎,豈 點也見及此,進於道矣,能無與乎? 意 子既與點之見道,而又終與三子之爲邦, 子而知所以爲國,則夫子不必與點矣。夫 夫子一則曰「爲國」, 點即景容與,便是爲國以禮手段。 少哉?」嗚呼,此夫子之志也 如或知爾,曾點不難爲三子,即三子豈可 諸侯」,惓惓用世之心見乎辭矣。 蓋 曰 子不云乎「用之則行,舍之則藏」? 「不吾知 及曾點請間辨三子之異同,而 也 一則曰「爲邦」,又曰 , 則 亦爲曾點而 蓋 雖然, 然其 斯三 與 一憂 己。 點

要、稷、契之儔也。 三子皆以聖賢之學術奏拯溺亨屯之略、欲三子皆以聖賢之學術奏拯溺亨屯之略、欲三子皆以聖賢之學術奏拯溺亨屯之略、欲三子皆以聖賢之學術奏拯溺亨屯之略、欲

顔淵第十二

顏淵問仁。子曰:「克己復禮爲仁。 一日克

四二

曰:「回雖不敏,請事斯語矣。」勿視,非禮勿聽,非禮勿言,非禮勿動。」顏淵哉?」●顏淵曰:「請問其目。」子曰:「非禮己復禮,天下歸仁焉。爲仁由己,而由人乎己復禮,天下歸仁焉。爲仁由己,而由人乎

也。仁不可見,而禮有體。 拘蔽處識是己。蓋天理、人欲之别名也。 者也。就其井然不淆處識是禮,就其雜然 仁,性之德也。 仁,焉謂不足以盡仁乎? 然則爲仁之功 是,則能盡其性矣,仁矣。夫仁是己之仁, 氣拘物蔽之障,而復還先天繼善之良。 於己矣,不可奸也。「克己復禮」者,撤 長也,禮者嘉之會也,禮即仁之始而亨者 人生有己則有仁,有仁則有禮。 仁者善之 而天下其量也。 日之力而已,曾别有等待,别有推諉乎 可識矣。吾克吾己,吾復吾禮,吾致吾 禮,仁之辨也,辨其遠於己 誠一日克復而天下歸吾 禮有體,則別 如 盡

> 矣。 哉 ? 己所逃匿處最難搜檢,没於東而生於西, 妄矣。必此心時時涵養,時時省察,斷然 於己私之謂也。 言、動者,心存於視、聽、言、動之時而不動 問其目而以非禮勿視、聽、言、動告之,直 無躲閃,方得渠魁、脅從一齊就縛。 若無有克處。 如追趕盜賊,四路兜拏,更 日,自棄千古,亦終與於不仁而已矣。然 克復者也。禮只是一禮,己只是一己,若 這點心不存,則視、聽、言、動到處受病,皆 用全體精神一克盡克矣。非禮勿視、聽、 言視思明、聽思聰、言思忠、動思敬,猶近 不使非禮者加 到此,克無剩法,復無遺體,此爲一 夫以由己之事而己自諉之,偷安一 乎其身,而天理 視、聽、言、動,一心也。 於此周 故請 日 流

[┃] ❶ 「人」,原誤作「仁」,今據四庫本及《論語》通行本改。

者體之。 聖人之教多矣。此孔門授受第一義也,學 復行是也。至於其心三月不違,而所得於 云何? 是知所以用力矣,故「請事」云云。 本體矣。此「爲仁」者真條目也。 楚,隨吾心發見之端而致力焉,便是 支離, 挐這己 會海,萬象歸宗,精微直截,洞然證此心 曰: 有不善未嘗不知,知之未嘗 禮 與 八非禮 兩 行分途判得 「請事」 顔子於 千 之 流 清

要歸。 指夫禮 提 器,此萬世儒學之極規也。 此章論「仁」是學問全局。 既就形體中直 立,其要歸於克復而爲仁,是虞廷之訓 仁著聖仁之功化,又從一日由己決反約之 視、聽、言、動而後天之用彰。 禮以遡性命之體,而合之於睹聞、顯 高之不墮於玄虚,卑之不溺於 而先天之體睹,又就 分己禮 本體 既從天下歸 中 而 臚 也。 對 形 列

之旨,而六經無餘蘊矣。修身爲本,是《大學》之道也。學者明克復復爲綱領,終分視、聽、言、動爲四目,壹是見、發必中節,是《中庸》之教也。首拈克

生生而不窮,非元乎? 物物而有則,非或問:「仁是善之長,禮是嘉之會?」曰:

亨乎?

視,口 問:「仁是如何名狀?」曰: 先儒 者,人也」。 所以爲人也。 爲天也。 何?《易》曰「乾元統天」,蓋曰天之所以 言,尚遺却静中體段,故不若孟子曰「仁 或言覺,或言生,或言愛,亦僅舉其 何以能言,四肢何以能 孟子曰「仁者,人也」,蓋曰人之 試觀 人耳何以能聽,目何 動 野, 非 仁 或言公, 動機 以 能 而

物皆生於仁,本是一體,故人合下生來便天地以生物爲心,人也萬物資生,人與萬

也。 民。 以 天地萬物爲 便是仁,故曰「仁,人心也」,又曰「仁者,人 生物爲心,本來的心便是仁,本來的人 愛,便是親 由仁民而推之,便能愛物。 體。 親。 由親親 天地以生物爲心,人亦 而推之,便能 故仁者以

問:「己如何克將去?」曰: 是仁之别也,故言仁不言禮,不精 仁只是渾然生意,不落善惡區别見。 只是不從己 禮 乃

聖人言「克己復禮」,後儒多言「復禮克

起見便是克,故即克即復

還他聰,言則還他物,動則還他恒 禮者,敬而已矣。 便是視則還他明,聽 則

問:「夫子告顏子,曷不曰 睹 信?」曰:顯微無間,然勘至視、聽、言、動 ,恐懼乎其 所不 聞,不動而 戒慎乎其 敬,不言 所 而 不

也。

非先

處 更須 一則 一,二則二。

問: 「四勿只是一勿否?」曰: 然。

問: [: 早是非禮勿聽也,聽時可知矣,當其未接 然不起,吾返吾視,早是非禮勿視也,視 静時如何工夫?」曰:當未視時,此心瑩 此心常存,動 時可知矣,當其未交於動,則吾守之以 於言,則亦守之以默,早是非禮勿言也,言 可知矣,當其耳不接乎聲,則吾却吾聽, 静,早是非禮勿動也,動時可知矣。 非禮勿視、聽、言、動,是動 亦定,静亦定,孰爲涵 而省察。 總是 養?

孰爲省察?

問:「克己力量如何?」曰:未嘗致纖毫

之力。

問:「克,勝也,是以仁勝不仁否?」曰: 有箇仁去勝不仁,只勝不仁處便是仁 曰:「畢竟有主人翁可勝盜賊?」

亦無盜賊可逐。能逐盜賊,便是主人,不物欲,所爲認賊作主也。若主人常在,則此克己正當時也。若先據箇主人在,便是爲仁者,正就此處銷鎔,還他箇湛然本體,一物,纔有物,不論善惡是非都是不仁。曰:此頭上安頭之見也。仁體湛然不容曰:此頭上安頭之見也。仁體湛然不容

在家無怨。」仲弓曰:「雍雖不敏,請事斯承大祭。己所不欲,勿施於人。在邦無怨,仲弓問仁。子曰:「出門如見大賓,使民如

必另尋主人。

仁氣象也,故曰仁。「請事斯語」,蓋仲弓純矣。「在邦無怨,在家無怨」,亦天下歸推之於萬物,能近取譬者也,如是則心體所不欲,勿施於人」,則就出門使民此心而常存,不以一出門、一使民而有間也。「己「出門如見大賓,使民如承大祭」,言此心

而深契之,不覺其承當之力也。平日已用力於居敬之學,至此聞夫子之言

克復,天道,敬恕,人道也。問:「克己乾道,敬恕坤道,何如?」曰:

克,故設此方便法,如顏子直曰克之而已, 如?」曰:只見克己尚艱難,勿視、聽、言、 如。不知敬恕正是克己工夫,爲己不易 也。不知敬恕正是克己工夫,爲己不易 也。不知敬恕正是克己工夫,爲己不易 也。不知敬恕正是克己工夫,爲己不易 也。不知敬恕正是克己工夫,爲己不易 也。不知敬恕正是克己工夫,爲己不易 也。不知敬恕正是克己工夫,爲己不易

中道,則復之至矣。承大祭」,來復之端也。無適不然而從容禮者,敬而已矣。「出門如見大賓,使民如

此,而「主敬」其本也。「己所不欲,勿施於人」,體仁之要莫切於

司馬牛問仁。子曰:「仁者其言也訒。」曰:

「其言也訒,斯謂之仁矣乎?」子曰:「爲之

難,言之,得無訒乎?」

者先難,又曰「爲之難」,總是一箇兢業言,論仁是也。如「居處恭,執事敬,與人之心矣。牛但求仁於言,而宜其見少也,之心矣。牛但求仁於言,而宜其見少也,之心矣。牛但求仁於言,而宜其見少也,二理也。「仁者其言也訒」,則訒言爲仁人也, 一種也。「仁者其言也訒」,則訒言爲仁人之心矣。件但求仁於言,而宜其見少也, 一種也。「仁者其言也訒」,則訒言爲仁人之心矣。件但求仁於言,而宜其見少也, 一種也。「仁者其言也訒」,則訒言爲仁人。而心之存者訒言之,故口

「内省不疚,夫何憂何懼?」曰:「不憂不懼,斯謂之君子矣乎?」子曰:司馬牛問君子。子曰:「君子不憂不懼。」精神。

「君子不憂不懼」,語自有含蓄,故復本之

改過之道耳。 心也。誠能就所疚而善反之,亦庶幾遷善人之心易動,只是自信不過,此亦羞惡之内省以要其至,則成德之學在於是矣。小

也。君子何患乎無兄弟也?」敬而無失,與人恭而有禮,四海之内,皆兄弟曰:「商聞之矣,死生有命,富貴在天。君子司馬牛憂曰:「人皆有兄弟,我獨亡。」子夏

也。「四海之内皆兄弟」,亦自信其心耳。道之在我者當如是,非假之以爲涉世之資在自修。「敬而無失,與人恭而有禮」,言牛有同氣之變,而子夏廣其所見,其道只

不行焉,可謂遠也已矣。」行焉,可謂明也已矣。浸潤之譖,膚受之愬,子張問明。子曰:「浸潤之譖,膚受之愬,不雖然,如舜化象傲,君子不謂命矣。

明生於誠。學者纔不誠,便昏濁易動。

澄然無滓在,故曰「可謂明也已矣」。明則「浸潤之譖,膚受之愬,不行焉」,須知此心

照之有餘,非遠而何? 夫君子之明,固不無乎不明,雖舉天下之大,萬物之衆,皆坐

以不墜也與!

二者何先?」曰:「去食。自古皆有死,民無曰:「去兵。」子貢曰:「必不得已而去,於斯子貢曰:「必不得已而去,於斯三者何先?」子貢問政。子曰:「足食,足兵,民信之矣。」必求之遠也,求其所以明而已矣。

信不立。」

是以君子居恒,固嘗以信爲兵食之本,而、、隱然有國存與存、國亡與亡之勢焉。因而去兵,見教養之具,隱然有禦侮之威已而去兵,見教養之具,隱然有禦侮之威已而去兵,見教養之具,隱然有禦侮之威已而去兵,見教養之具,隱然有禦侮之威已而去兵,見教養之具,隱然有禦侮之威之,以為民,而先王治天下之道不外是矣。

心不可不立,此天理之所以常存而世道所死,民無信不立」,見國可滅,君可亡,而民遇變,尤以信爲生民之道也。「自古皆有

羊之鞟。」
舌。文猶質也,質猶文也。虎豹之鞟,猶犬貢曰:「惜乎! 夫子之説君子也。駟不及棘子成曰:「君子質而已矣,何以文爲?」子

也,孝、弟、忠、信,質也,而其所當然之理文也。」陰陽,質也,而陰陽之變化則文可合看不可相離,故曰:「文猶質也,質猶文質同體而異情。質必有文,文乃見質,

四八

冬温 中禮 便須 則 文,乃君子之文,而即君子之質,君子豹變 子謀也。蓋子成所爲文,乃小人之文,而 質,子貢欲合質以存君子之文,無非爲君 則爲真小人,故子成欲去文以存君子之 不可一日無君子,文勝則爲僞君子,文亡 得。人知文去而質顯,不知文亡而質與俱 非君子之文,羊質虎皮者是。子貢所爲 虎豹之鞟同於犬羊,則質不可見矣。 亡也,故曰:「虎豹之鞟,猶犬羊之鞟。」以 者是。得子成之論可以救世,●得子貢之 文也 犯顔授 則文也。 丽 夏凊,舍此便做孝不得,纔説 視、)命,鞠躬盡禮,舍此便成忠不 聽、言、動,質 纔説孝,便須昏定而 也 一,而 動容周旋 晨 世道 忠,

曰:道一而已矣,文質其撰也,畢竟是對問:「文質還是表裏之體,是對待之體?」

論可以明道

孰與不足? 百姓不足,君孰與足?」不足,如之何其徹也?」對曰:「百姓足,君何?」有若對曰:「盍徹乎?」曰:「二,吾猶哀公問於有若,曰:「年饑,用不足,如之

富尊榮之業在是矣。魯饑,所患者不在用小民無昏阽之虞,而大君作父母之戴,安救荒莫如節用。節用則薄賦斂,薄賦斂則

德也。 子張問崇德辨惑。子曰:「主忠信,徙義,崇 生,又欲其 度,而· 固不外足民矣。 足」,則君民宛然有一體之情,而足國之道 行徹法以甦之,未暇計及於足國也。 百姓足,君孰與不足,百姓不足,君 愛之欲其生,惡之欲其死。 在民生矣。 死,是惑也。 此爲萬世荒政之龜鑑也。 有若慮切民隱,故 誠不以富,亦 既欲 至 亟 其 祇 與 勸

獲醒,便覺本體昭著,從此漸加培養,漸加要焉從情識用事時一勘即破。如大夢之有,而不能不受蔽於有生之情識,則辨惑,目新之謂盛德,故曰「崇德也」。夫德本固信」,有其本矣,「徙義」則日新而不窮。忠信,德之本也,義,德之制也。「主忠忠信,德之本也,義,德之制也。「主忠忠信,德之本也,義,德之制也。「主忠忠信,德之本也,義

問:「《易》曰「忠信所以進德也」,此復云

省察,而天理造其極至矣。

足以爲日用云爲之本,由是隨事精察而力窮境界。我這主一之心既葆得此理完固,只是一心,而心所散見處便是義,便有無曰:「敬以直内,義以方外。」
曰:「敬以直内,義以方外。」
曰:《楊》「進德」對「修業」而是以爲日用云爲之本,由是隨事精察而力

也,「崇德」得力處在此。 也,「崇德」得力處在此。 此「道問學」之功飲食,大而察之綱常倫理,無不得其泛應行之,日新又新,轉徙無端,小而證之日用足以爲日用云爲之本,由是隨事精察而力。 以爲日用云爲之本,由是隨事精察而力。 以爲日用云爲之本,由是隨事精察而力。 以爲日,一一戶間,原何是第一位有無

食諸?」
君,臣不臣,父不父,子不子,雖有粟,吾得而臣,父父,子子。」公曰:「善哉! 信如君不臣,父父,子子。」公曰:「善哉! 信如君不齊景公問政於孔子。 孔子對曰:「君君,臣

盡臣道,父盡父道,子盡子道,而政無餘瘟政有大綱,君臣父子是也。君盡君道,臣

雖然,君仁則臣忠,父慈則子孝,故

曰:正心以正朝廷,正朝廷以正百官,正

百官以正萬民,遠近莫敢不一於正,而 有邪氣奸於其間者。此「正」之説也。 無

九經三重一有「皆」字。從此出。 ·君君,臣臣,父父,子子」,含蓄無限道理,

子曰:「片言可以折獄者,其由也與?」子路

無宿諾。

子路果斷之才,優於從政。 而片言之下,幾無遁情矣。 記者申之曰 雖折獄之難,

其忠信之所感孚者固然也。 「子路無宿諾」,則豈立辦於剸割之利哉? 想其誠 心質

行,可質神明,能令狡僞者獻其誠,傾 輸其敬,雖未至於無言靡争之化,亦幾有

子曰:「聽訟,吾猶人也。 雖然「聽訟」末也,必也以德化民,使民無 刑清訟簡之風焉 必也使無訟乎!」

> 訟乎,則非聲色之可與幾也。 動而敬,不言而信,彼徒取信於然諾之間 是以君子不

子張問政。子曰:「居之無倦,行之以忠。」 陋矣!

倦心以爲萬事萬化之本,而行特舉而措 實政也。夫政未有不本於所居者,故先黜 「居之無倦」,有純心也。 「行之以忠」,有

子曰:「君子成人之美,不成人之惡。小人 之,政在是矣。

反是。」

君子恥獨爲君子,故成人之美,不成人之 也。噫! 性與人殊哉? 不如是,不足以自濟其惡 惡。小人恥獨爲小人,故反是。 人而世道俱受其禍矣。 芝蘭難植,棘荆易栽,自世有小 夫小 入豈

險者

也。子帥以正,孰敢不正!」 季康子問政於孔子。 孔子對曰:「政者,正

之有本,爲人上者亦以身帥之而已。 政者,正也。凡紀綱法度皆是此理,只行

季康子患盜,問於孔子。孔子對曰:「苟子

國貧則多盜,上黷貨也。上黷貨則廉恥不之不欲,雖賞之不竊。」

財盡,盜賊横行,官司知而不問,苟飽私手,每一供應,剜心吸髓,動輒破家,民窮惡、民不堪命乎? 盜賊公行,固其所也。脈、民不堪命乎? 盜賊公行,固其所也。脈、民不堪命乎? 盜賊公行,固其所也。脈、民不堪命乎? 盜賊公行,固其所也。國貧則多盜,上黷貨也。上黷貨則廉恥不國貧則多盜,上黷貨也。上黷貨則廉恥不

子欲善而民善矣。君子之德風,小人之德道,何如?」孔子對曰:「子爲政,焉用殺?季康子問政於孔子,曰:「如殺無道以就有

日,真大亂之道也。

橐,舍傳而去,後復如之。

地方事日弊一

草。草上之風,必偃。」

從上之好也。●人主亦慎其所以風夫用殺者,其所令反其所好而民不從,不行草偃之機焉,視刑殺之所制爲何如哉?民也,子欲善而民善矣。呼吸一氣,有風民也,子欲善而民善矣。呼吸一氣,有風

之者!

達在行,聞在名。聞可以徵達而亦可以假了何哉,爾所謂達者?」子張對曰:「在邦必聞,在家必聞。」子曰:「是聞也者,色取仁人,在邦必達,在家必達。夫聞也者,色取仁」,在家必聞。」子曰:「是聞也,非達也。夫別, 爾所謂達者?」子張對曰:「在邦必子張問:「士何如,斯可謂之達矣?」子曰:

● 「不」,原缺,今據四庫本補。

,故子張以聞爲達。子張未必 以虚 譽爲

達 聞,但既謂之聞,則僞君子可託 以文奸 而

其 病 有不可勝言者,與真修達士天壤 不 侔

矣 ! 故夫子既表達者之心,而又借 聞 以

發僞學盜名之情狀,爲萬世學者垂法戒 也,嚴矣哉 達者之心質,有其直 而 又隨

焉,然且不敢自以爲是也:「察言觀色」, 事制宜,於凡天理當然之則有深嗜而 篤好

以證人之應違,「慮以下人」,以啓人 之樂

之所感孚者固已遠矣。「在邦必達,在家 其深心密詣,全是闇然工夫,而實德

必達」,自我達之也。 而取矣,又傲然自是,「居之不疑」,則與觀 色取仁」則不質直矣,而且「行違」則義襲 聞者之心則不然:

不必 察下人之心異矣。 亦安往而不得哉? 問所行之通塞,而借 此其一生誇詐之氣,固 邦家必聞,亦可恥矣。 以 獵 隆隆之譽,

> 達而不免托岐於聞,毫釐之差,辨以千里。 達一 聞,情狀較然。 學者未嘗不有志於

審之,審之!

「質」者,樸實之謂,而「直」其理也,「好義

則事事皆天理矣。「色取仁而行違」者,矯

不疑」,則終無敗露處矣。 飾於外貌而 不情,事事傷天理也。 世多肉眼 「居之 1、被他

强 口厚顔,恁地朦朧過去也。

聞、達同是 一般。 但達者總是義,聞者總

是利,迹似而實違。

樊遲從遊於舞雩之下,曰:「敢問崇德、修 慝、辨惑?」子曰:「善哉問! 先事後得,非

崇德與? 朝之忿,忘其身以及其親,非惑與?」 攻其惡,無攻人之惡,非修慝與?

德與慝相爲存亡,惑則慝中之蔽也。 貴日崇而崇,苟自以爲得則不足崇矣,所 到此,可謂 拔本塞源之見,故曰善。 德者 查勘 善學者矣。 善學者矣。 善學者矣。 一朝之忿而辨之,亦可以得懲忿之功矣。辨惑者,從血氣上極力消融,而此心矣。辨惑者,從血氣上極力消融,而此心矣。辨惑者,從血氣上極力消融,而此心矣。辨惑者,從血氣上極力消融,而此心矣。辨惑者,從血氣上極力消融,而此心矣。辨惑者,從血氣上極力消融,而此心,可以有事焉,而勿正,心勿忘,勿助長謂「必有事焉,而勿正,心勿忘,勿助長謂「必有事焉,而勿正,心勿忘,勿助長

下,選於衆,舉伊尹,不仁者遠矣。」天下,選於衆,舉臯陶,不仁者遠矣。湯有天

仁者能愛人,能惡人,而其道總歸於愛。 世人,所以崇愛也。樊遲未達,疑知知人,所以崇愛也。樊遲未達,疑知之妨乎愛也,故曰「舉直錯諸枉,能使枉者之妨乎愛也,故曰「舉直錯諸枉,能使枉者之妨乎愛也,故曰「卑盡之之,不以帝王已事觀之? 舉皋陶、伊尹而不不以帝王已事觀之? 舉皋陶、伊尹而不不以帝王已事觀之? 舉皋陶、伊尹而不不以帝王已事觀之? 舉皋陶、伊尹而不不以帝王已事觀之? 舉皋陶、伊尹而不不以帝王已事觀之? 舉皋陶、伊尹而不不以帝王已事觀之。 整學遲猶未達,誤知知知人,所以崇愛也。樊遲未達,疑知知以知人,所以崇愛也。樊遲未達,疑知知知人,所以崇愛也。樊遲未達,疑知知知人,所以崇愛也。樊遲未達,疑知知知人,所以崇愛也。樊遲未達,疑知知知,其猶天道。

止,無自辱焉。」子貢問友。子曰:「忠告而善道之,不可則

「忠告而善道之」,大抵匡救如是,則宜見

一五四

所爲朋友之交。 自取辱乎? 不賣友,亦不自辱以傷友誼,可矣,不可則有止而已,何至强顔不入,徒

曾子曰:「君子以文會友,以友輔仁。」

見,無有實益,安所輔我者?
友其輔我者也。學不求仁而徒博文之爲完其德性,則文直所藉以爲爲仁之資,而習者不淺。而學問之道,乃在於求放心而習者不淺。而學問之道,乃在於求放心而文謂《詩》、《書》、六藝之文,所資於朋友講

此亦聖人博約之訓。

子路第十三

子路問政。子曰:「先之,勞之。」請益。

曰:「無倦。」

能以身視民、家視事者,誠以身視民、家視學不究乎萬物一體之原,則臨政出治未有

如是,政亦如是。 事,則有先之而已矣,勞之而已矣。君子 即是,政亦如是。然則先、勞之外又何益 然,而天下治矣。然則先、勞之外又何益 然,而天下治矣。然則先、勞之外又何益 然,而天下治矣。然則先、勞之外又何益 然,而天下治矣。然則先、勞之外,我倡導 以一心之精神運天下於聲色之外,我倡導 如是,政亦如是。

先、勞之精神,帝王之氣魄,大可虞者倦

而已。

倦」,則知先、勞之心,尤有本領,非襲取意先、勞爲政,子路固優爲之。 但要以「無

氣者,由可以益矣。

仲弓爲季氏宰,問政。子曰:「先有司,赦小

「舉爾所知。爾所不知,人其舍諸?」過,舉賢才。」曰:「焉知賢才而舉之?」曰:

體也。「舉賢才」,則輔理得人而政要舉爲政有體要。「先有司,赦小過」,寬大之

已治,而不知誰之爲此,王道也。
之化,物各付物,而已不勞焉。至於天下舍諸?」以天下之才,公天下之舉,如天地惠也,故曰:「舉爾所知。爾所不知,人其寒。 三者俱從廓然大公中流出,非私智小矣。 三者俱從廓然大公中流出,非私智小

甚事! 天下事纔著有心做,便不是。私意濟得

君子於其言,無所苟而已矣。」 是。故君子名之必可言也,言之必可行也。 是。故君子名之必可言也,言不順則事不成,事不成則禮樂不興,禮 不興則刑罰不中,刑罰不中則民無所措手順,言不順則事不成,事不成則禮樂不興,禮 是。故君子名之必可言也。名不正則言不足。故君子名之必可言也,言之必可行也。 若子於其所不知,蓋闕如也。 名不正則言不足。故君子名之必可言也,言为此,自也! 是。故君子名之必可言也,言之必可行也。 是。故君子名之必可言也,言之必可行也。 是。故君子名之必可言也,言之必可行也。 是。故君子名之必可言也,言之必可行也。

弊,國非其國矣。正名所係,大矣哉!故國家名分一不正,而禮、樂、刑、政舉受其

刑、政舉而措之矣。君子於稱名之際,其 君子名之必可言,言之必可行,而禮、樂、 適,政不與間,惓惓於父子 一本之良,感格 於衛政也。或問:「孔子正名,當如何?」 容苟焉而不加之意哉? 此孔子所以惓惓 命,是重之逆也。使蒯聵稍有人心,既反 之倫,彼一時也,輒父子之倫,此一時也。 立也。一有「況職之得罪,更有說乎」。 蒯聵父子 居?」曰:此專爲衛輒言,非爲蒯聵言當 曰:「均一叛父也,舍輒而蒯聵,於義何 之立也。一作「猶愈於輒之自立而拒父也」。 或 之位,蒯聵即安然受之而不辭,猶愈於輒 國人之觀聽,使輒憣然悔悟,迎父聵而 主心,而以天理民彝之不容泯滅者,轉移 曰:使衛君虚心委夫子以政,必當人不與 國而不自立,自然輒不得已而受之,而所 時移事異、舍見在之綱常而膠先君之死

以 請討。 臣子可得 乎?」曰:廢輒立公子郢,周天王義也,非 子俱一有「在」字。所廢,盍立公子郢 分肅矣。 邦不居」而已矣。 善,一作「終無悔禍之意」。 父、子子矣,何必郢賢? 事 默奪之權,不至爲霍、趙一有「廢立」字。 汝愚乎?」曰:以孔子處衛,必當有潛 衛事益不可爲,凜然斧鉞,故託之正名一言,而討賊之 定而輒之逆天理、害人心者終不可與 之心思,而孔子終不仕衛者,亦以 義著於萬世矣。」曰:「陳 ·如感格得輒父子,|有「回心」字。 處 ,既出於天子之義,則孔子固不能行之 父子者,克盡其道,庶幾人倫 曷不行於衛 曰:「使以夷、齊之義揆之,則 而議也。曰:「後世無霍光、 一本下云:「迨孔子之去志決而 輒 恒弑 則 乎?」曰: 亦「危邦不入、亂 然而 君,孔子 衛 雖 則已父 滅 沐 Ï 衛 有 爲 浴 事 而 國 待 之 爲 Ė 政 移 趙 正 父 名 廢 而

> 何 ? 賊之義著於萬世矣。 於與國矣。 凜然斧鉞,姑託之正名之一言,而討 且討]陳恒 而不可爲,其如出公

五六

夫如 樊遲請學稼,子曰:「吾不如老農。」請學爲 用稼?」 義則民莫敢不服,上好信則民莫敢不用情。 人哉,樊須也! 圃,曰:「吾不如老圃。」樊遲出。 子曰:「小 是,則四方之民襁負其子而至矣,焉 上好禮則民莫敢不敬,上好

謂義 以 學之道、修己治人之方,而世道所賴 有莫知其所以然者。夫如是者,謂果能禮 墜者也。大人之學,禮、義、信而已。 則有判矣。故士爲四民之首,尤專責以大 古四民之業皆不廢學,即道即藝,而大小 此明德,即 也,而其肅然整齊者謂禮,截然果斷者 , 肫然懇至者謂信, 皆性體之流露也。 以此親民,敬、服、用情之化 以不 道,

稼圃一身之圖,渺乎小矣。故曰「焉用之能事,初非有待於外而得之者,視區區血氣莫不尊親是也。此學問之極功,聖者道可四達而不悖矣。襁負之至,所爲凡有以作民敬,義以作民服,信以作民情,而王

從而效之,故夫子斥之。世不乏長沮、桀溺之輩,如遲者問稼圃,亦

稼」。

曰:禮、義、信,皆仁也。或問:「聖人言大人之道,曷不及仁?」

四方,不能專對,雖多,亦奚以爲!」子曰:「誦《詩》三百,授之以政,不達,使於

不從。」

亦奚當於用哉? 甚矣,章句之學非學政,不嫺於應對,則亦章句之學而已,雖多下國家,無由矣。誦《詩》三百而不達於已矣。無得於身心性命之間,而欲措之天窮經將以致用也,非其用之謂也,明體而

本,歌永言,故曰:「不學《詩》,無以言。」以盡其變,而民情土俗之變徵矣。正之以以盡其變,而民情土俗之變徵矣。正之以以盡其變,而民情土俗之變徵矣。正之以以盡其變,而民情土俗之變徵矣。正之以以之道彰矣。此所謂「達於政」也。詩言民之道彰矣。此所謂「達於政」也。詩言民之道彰矣。此所謂「達於政」也。詩言此所以優於專對也。

子曰:「其身正,不令而行,其身不正,雖令

妻子、對僮僕亦然。」 以至於庶人,壹是皆以修身爲本。」又曰:以至於庶人,壹是皆以修身爲本。」又曰:以至於庶人,壹是皆以修身爲本。」又曰:此責人主以身教也。《大學》曰:「自天子此責人主以身教也。《大學》曰:

五八

子曰:「魯、衛之政,兄弟也。」

雖然,即魯、衛而天下可知。「滔滔者,天何。夫子又曰「死病無良醫者」之謂也。於衛矣。喪亡無日,徒袖手旁觀而無如之於國也。聖人目擊魯事之日非,蓋已方軌聖人並歎魯、衛之衰亂,而惓惓之意尤在聖人並歎魯、衛之衰亂,而惓惓之意尤在

发1,少有,曰「苟完矣」,富有,曰「苟美矣」,少有,曰「苟完矣」,富有,曰「苟美子謂衛公子荆,「善居室。始有,曰「苟合

下皆是也」,其容已於周流之迹乎?

只爲此心别有在。

子適 日 曰:「既富矣,又何加焉?」曰:「教之。」 仇,而天下大亂矣。曰富,曰教,亦舉文武 孔子策衛,孟子策齊、梁,若合符節。三代 庶者,治亂之原也。 其政息。時主勉之。 無樂生之望,所謂人與之爲怨,家與之爲 教,而惟力任五刑以督奸宄,法愈煩 征厚斂以迫之,及其民窮盜起,又不務德 已。夫民日有飢寒之困,而上之人方且横 此須人主躬行心術中來,非徒科條約束而 而後,富强之術代有舉之者,教則罔聞焉。 之政而已。文武之政布在方策,其人亡則 愈亂,使天下重足而立,民有就 既既 衛 庶 冉 矣,又何加焉?」曰"「富之。」 有 僕。 子 曰 富而教,則王道成矣。 : 「庶 矣 哉 死之 心而 加 民

任教。 時主知富國而不知富民,知任刑而不知

有成。」

行,綏之斯來,動之斯和」,此實落語也。夫子之得邦家者,所謂「立之斯立,道之斯

聖人元氣一嘘,天下潛爲鼓舞。

三年之久而後治功成,巍巍乎其成功也,弛損益之宜而盡善焉。優游厭飫,需之以觀矣。其後綱舉目張,隨其次第底績、張誅亂政大夫少正卯,則弊政非人一舉而改聖人秉政,革故鼎新,不待崇朝。七日,而

立,道斯行,綏斯來,動斯和也。 期月、三年,度其事則然。 聖人之道,立斯 焕乎其有文章。

往,未之或知,則仁也。問:「三年而成,則仁乎?」曰:過此以

誠哉是言也!」 子曰:「善人爲邦百年,亦可以勝殘去殺矣。

論語學案三

子路第十三

言也。」王者之不作而思善人,亦中行、狂厥。 夫子目擊當時好殺濫刑之弊,而致思厥。 夫子目擊當時好殺濫刑之弊,而致思於善人之化,若有小券然,庶幾小康之治云於善人之治,以忠厚爲本,雖德教未純,而刑善人之治,以忠厚爲本,雖德教未純,而刑

子曰:「如有王者,必世而後仁。」

狷之意也。

淺深,非必世何以臻此。● 天地萬物生於後深,非必世何以臻此。● 天地萬物生於知,順帝之則」是也。王者久道之成,倘亦有仁聞,而天下各盡其性,所謂「不識不有仁聞,而天下各盡其性,所謂「不識不以天下爲一體矣,然而未仁也。仁則不徒以天下爲一體矣,然而未仁也。仁則不徒正者以聖人受命而王天下,其仁覆之德既

❶ 「臻」,原誤作「徵」,今據四庫本改。

世」,舉其概也,「期月、三年」,本孔子作 年,小國七年,其時如何?」曰:「百年、必 譬之疥癬之疾,於通體元氣何壅焉? 不能累堯舜之仁,殷頑不能累文武之仁, 仁不能化殷頑,意者未仁與?」曰:四凶 或問:「以堯舜之仁不能化四凶,文武之 以仁而已矣。此非歲月俄頃之化可知也 仁,成於仁,聖人全天地萬物之性,亦還之 道,便成治功,戰國之時,亂極矣,惟發政 政於天下」,其下手視孔子更神捷。蓋世 秋、戰國時如此云。 孟子「五年七年,必爲 用,「五年、七年」,本孟子作用:亦乘 或問:「期月、三年、百年、必世,大國 下手,非姑爲空言無當者。 春秋之時,人亡政息,只一變而復先王之 愈亂極則轉治愈易,所爲事半而功倍也。 施仁,是收拾天下張本。 聖賢俱從肯綮處 春 五.

冉子退朝。子曰:「何晏也?」對曰:「有從政,所以正人也。此爲爲大夫言。正其身,如正人何?」

其與聞之。」

政。」子曰:「其事也。

如有政,雖不吾以,吾

身而避矣。 矣。故夫子醒之曰:此非政 中,自以爲義,急國政而不之避也,亦愚 雖政亦事 季氏無君,將公朝之政視爲一家私 義乎? 不義乎? 也,不可使夫子聞也。以不可使夫子聞者 如政,則吾且與聞之矣。 而獨聞於冉子,則冉子周旋私室,果爲公 也。 冉子受季氏籠絡,墮其術 於此憣然亦可以決,引 非夫子不及聞 也,其事 事矣 也

下文問答,則非常時朝會者,謂之公朝亦冉子爲季氏家臣,則朝爲私朝亦可。但觀

乎一 不善而莫之違也,不幾乎一言而喪邦乎?」 違也。]如其善而莫之違也,不亦善乎? 人之言曰:「予無樂乎爲君,惟其言而莫予 諸?」孔子對曰:「言不可以若是 定公問"「一言而 曰:「言不可以若是其幾也。 人之言曰 ·爲君難,爲臣不易。」如知爲君之難也,不幾 指掌。 言:「詢於芻蕘。」人言其可忽乎? 邦,立醒昏庸,爲萬世人主龜鑑。 就人言略加詮釋,即令制治保邦之道示於 夫子論君道不一而足,獨告定公一言興 言而興邦乎?」曰:「一言而 可 以 興邦,有諸?」孔子對 其幾 喪 先 邦,有 聖人 民 也。 如 有

於爲君 他 則申之以善不善,可 知 難,敬也; 難 也,則 莫予違,肆 日 知 謂 難,於言莫予違也, 約 也。 而 盡 矣。 一念敬 此無 肆

論語學案三

子路第十三

葉公問政。子曰:「近者説,遠者來。」而興喪因之,雖一言亦贅已也。

《家語》:「葉公問政於夫子。 觀近悦 遠』。」愚按:《家語 離心,莫安其居,故曰『政在 有隨地灌輸之機,非事驩虞要結而已。 蓋王伯之辨也。 在悦近而來遠。」夫荆之地廣 而遠來,則知人主精神自近及遠 學者知之。 》所記與《魯論》不同 淪 子曰:『政 悦 都狹、民 近 丽 按

小 子夏爲莒父宰,問政。子曰:「無欲速,無見 利。 計功謀利之私,不免事求可,功求成,取必 見者 政者未論政,先論心,則孰 於旦夕 王道規模宏遠,蓋自純心中流 小兩念哉? 欲速則不達,見小利則大事不成。」 小則政之大者廢矣。 而無宏遠之規。 何也? 欲速則政不達矣,所 此 伯 故君子所過 有病於欲速見 術也。 Щ. 故爲 動 於

六二

化,所存者神,上下與天地同流,豈曰小補

之哉!

廣,用人太驟,皆欲速見小之病也。」蘇軾進神宗曰:「陛下求治太急,聽言太

欲速、見小,兩念相因。

程子曰:「有天德者,便可以語王道,其要

只在慎獨。」

父爲子隱,子爲父隱,直在其中矣。」而子證之。」孔子曰:「吾黨之直者異於是。葉公語孔子曰:「吾黨有直躬者,其父攘羊

醯焉,乞諸其鄰而與之。」又曰:「父子相而行也。」又曰:「孰謂微生高直? 或乞是。孔子曰:「斯民也,三代之所以直道直之理無定形,其發於本心而無違忤者

忠。雖之夷狄,不可棄也。」 樊遲問仁。子曰:「居處恭,執事敬,與人

棄,則險夷一致,此心純矣。以是求仁,庶皆心存理得之别名也。雖之夷狄而不可在居處時爲恭,執事時爲敬,與人時爲忠,仁體隨處周流,學者隨所感發而證此體:

幾乎!

非仁也,證父非直也,要於理之常而已。

其中」者,無直名,有直理也。故曰:從井

隱,直在其中矣。」此直之説也。

曰「直在

分殊,所以理一也。 聖人論仁四,「克己」

之目,「居 處恭」三言,皆是也

子貢問 「行己有恥,使於四方,不辱君命,可謂 曰:「何如 斯可謂之士矣?」子曰

黨稱弟焉。」曰:「敢問其次。」曰:「言必信, 矣。」曰:「敢問其次。」曰:「宗族稱孝焉,鄉 士:

矣。」曰:「今之從政者何如?」子曰:「噫! 行必果,硜硜然小人哉! 抑亦可以爲次

斗筲之人,何足算也

己之間,而其豎立之大者徵於使命。 士以學道,非富貴利達之謂也。士學在行 行己

則行己之道達於天下,雖堯舜其君民 有恥,則充類盡義,不媿衾影,不辱君命 可

之品,斯爲上矣。 矣。此其操修純備、經濟宏遠、有學 其次,則學而 未適於用 有 用

鄉 者,節不著於四方,而於宗族則稱其孝焉, 黨則稱其弟焉,亦庶幾醇行之君子已。

> 硜硜然小人哉! 未必斐然成章,簡點言行之間,不踰尺寸, 又其次,則學焉而未至道者,其行己之概 而立心不二,亦造道之

者之學,聖人之徒也。若今之從政,高 基也,何忝士乎! 三者之士品不同,皆儒

仲之仁、晏嬰之智、公叔文子之文、武子之 三者之品天壤不侔矣。若夫子産之惠、管

人於功名,卑者趨於利禄,斗筲之器也,視

也,可謂士乎? 故曰管仲之器小哉,況其 愚、令尹子文之忠、文子之清,姑取節焉可

弒父與君,可弗論矣。

陳白沙曰:「名節者,道之藩籬。 藩

籬 不

固,其中未有能守者。」

者進取,狷者有所不爲也。」

子曰:「不得中行而與之,必也狂狷乎!

狂

道者,中而已矣。君子之學,中行而已矣。

以中爲行者,本修道之教,而要其至,從容

思狂狷 則 中 之傳厥有攸賴矣。 爲者擴 其所學而進之,進取者反於平實,有所不 爲,其踐實矣,而覺悟似不足矣。 其見真矣,而 獨證聖域,進而 爲狷:特立 等,則爲 道 ,聖人也。 也。 而大之,則皆可進於中行,而 狂 .體驗似已忽矣。又下狂者, 於道之中,而介然有所不 遊神於規矩形 亦儒學之極則也。 取古人之學於旦暮者也。 夫子所以不得中行而 迹之外,而 二者就 下中 斯 道 行

人上長安道,怕有他徑,只索印步走,不肯弘。寧學聖人而未至,不屑以流俗溷。如身尚隔幾程也。狷者所守極峻,只是識不身經歷過。如人上長安便理會京師事務,狂者所見極高,合下便欲爲聖人,畢竟非

趁

騙 風

也

孔門顔、曾、閔、冉,庶幾中行。然曾、閔、

間乎。 也。 汝中,學王而失之者也。 成規模,子静獨信不疑,始終一説,始終一 學已美且大。 書》一作《識仁説》。 多地位高者事,則二子固 弄月以歸,有吾與點也之意。」伯子《定性 伯子,亦中行之士也。然程子謂「茂叔 依歸,則狂之進道捷於狷,當聖遠言湮之 者往往而是。如子思,可爲狷而中行矣, 冉 見有開合。 人,則已囿於狂矣。 亦由狂而 樿」,一有「客」字。 日,則狷之守道篤於狂。 孟子,可爲狂 亦 游、夏之徒,狷者也。狂者不易得,狷 是 邵康節、陸子静,狂者也。 由 進也。 [狷人。 楊敬仲,學陸而失之者也,王 而中行矣。 横渠子、南軒子,其狂狷之 又曰:「自見周茂叔 伊川子、朱子,狷者也,而 曾點、子張 陽明子,學陸者也,其 自朱子而後,師 要之,得聖人爲 宋儒如周子、程 、子路、狂者 康節自 吟風 窮

品諸端都從狂者化出,廢則一也。弊必行怪,其遵道而行,半途而廢,後世諸立而異同睹矣。狂者之弊必索隱,狷者之非異同之辨也。智愚、賢不肖,中庸之名非異同之辨也。智愚、賢不肖,中庸之名狂、狷、中行之辨也,蓋學術不至之辨也,

曰:「不占而已矣。」 巫醫。」善夫!」「不恒其德,或承之羞?」子子曰:「南人有言曰:「人而無恒,不可以作

足怪者。夫子誦辭間而歎之,曰「不占而者,疑之也。不期羞而羞至,理有固然,無羞。」言立德不恒,可羞孰甚焉。「或」之恒之九三爻辭曰:「不恒其德,或承之恒之九三爻辭曰:「不恒其德,或承之恒之九三爻辭曰:「不恒其德」也。人之學,皆由此而進之,所謂「恒其德」也。人。

「不占而已」者,其訓恒也夫,其訓復之本也,恒,德之固也。」惟復乃恒。曰思,其於恒也思過半矣。《易》曰:「復,德已矣」。試占此《易》辭,而憬然切遠辱之

其病則自頻復始。 此心之存亡言。德不恒,則立身皆敗矣,問:「不恒其德,與頻復何别?」頻復,以 也夫!

之道然也。和是與物無戾,同是與物無 門,同本於意,則以同異爲是非,乃私情 門,同本於意,則以同異爲是非,乃私情 門,可本於理,則以是非爲同異,即元氣之充 之黨比。和則不同,小人同而不和。」 之黨出。和則不同,小人同而不和。」 之黨出。和則不同,小人同而不和。」

周比,言君子、小人與人之情,和同,言君

異,迹若相似而實相反也

論語學案三 子路第十三

以周,惟同也,所以比。人之道,漫無可否,同而已矣。惟和也,所子、小人與人之道。發必中節,和也。小

惡之。」
「未可也。「鄉人と善者好之,其不善者「未可也。」「鄉人皆惡之,何如?」子曰:「未子貢問曰:「鄉人皆好之,何如?」子曰:

證,如金付烈焰中,更無躲閃。子,一見容於小人,則其品必僞。兩下合真品覩矣。凡人雖好修,倘一見疑於君可盡信也。惟以鄉人之善不善徵好惡,而鄉人好惡不足以盡人者,謂鄉人之好惡未

不足信也。 善者惡之,則惡不必衆矣。深見雷同之口則好不必衆矣,一鄉皆惡,不如鄉人之不以聲。 一鄉皆好,不如鄉人之善者好之,一鄉之好惡,起於一人。 隻犬吠形,群犬一鄉之好惡,起於一人。 隻犬吠形,群犬

二段俱從轉换處洞見心術之微。

説也"説之雖不以道,説也,及其使人也,不説也,及其使人也,器之。小人難事而易之,有二、君子易事而難説也"説之不以道,之善者好之,其不善者惡之。 天下皆好之,何如? 曰:未可也。天下天下皆好之,何如? 曰:未可也。天下

不説也,及其使人也,器之。小人難事而易說也。說之雖不以道,説也,及其使人也, 避家用人之柄歸於君子,而小人不與焉。 可家用人之柄歸於君子,而小人不與焉。 愛惜人才,以全善類。小人從身家上起念, 權要權勢利而已,又何人才足惜? 求備之 心,不過摧折善類,驅除異己爲得計耳,懷 一面不利有小人也! 要之,平恕之心每出於 而不利有小人也! 要之,平恕之心每出於 而不利有小人也! 要之,平恕之心每出於 而不利有小人也! 要之,平恕之心每出於 而不利有小人也! 要之,平恕之心每出於

道充而 泰,氣盈 一而驕。 君子小人氣象不同

如此。

子曰 剛 毅 木訥近仁。」

受其蔽而不可見。 蓋人性雖固有,而 之理,相去不遠也。 之性存焉,故近仁。 剛毅木訥,氣質之性也。 此爲近也 涉形氣,分明是仁體發揮處。仁不可見, 一乘於雜揉之氣,即性 惟剛毅木訥一些子不 言以後天之氣遡先天 於是葆之,是在學矣。 善反之,則天地

并粗揉之質都認作性 性。」可爲擴前聖所未發。 近。 千差萬差,只是不知有氣質之性,將那 ·道心惟微」,唯剛毅木訥彷彿情狀,故 張子曰:「有氣 質之性,有義 朱子曰: 「子静 理 之

知 剛 毅 (木納 近仁,則知爲仁之功矣。

論語學案三

子路第十三

剛毅 木訥 充得 盡 , 渣滓便渾化, 與天

地 同 流

剛之體常伸,毅之神常運,惟剛故毅。

木

天下萬物萬事,都包孕在仁中。

者凝然中實,訥者凜然外持,惟木故訥。

子路問曰:「何如斯可謂之士矣?」子曰: 切切偲偲,恰恰如也,可謂士矣。 朋友切切

偲偲,兄弟恰恰。」

411

有此? 何如? 怡」,則 也。 養,可坐 得其情狀 切切偲偲,恰恰如也」,性之德也,仁之體 仁體生生,貫徹於物我之間,於三 理一而 故曰「可謂士矣」。 而 焉。 知 也。 「朋友切切偲偲,兄 分殊矣,非學造精微,何 彼兼人而 行行者,視此 然則士之所 弟怡 者

迹 切切、偲偲、 可 窺。 朋 怡怡, 友兄 弟 而曰「如」,渾然元氣 隨 境 而 流 相 爲 表 無

六七

裹者。

曰:「以不教民戰,是謂棄之。」子曰:「善人教民七年,亦可以即戎矣。」子

戎哉! 其親,教以義則 善人之治,以教化爲本。 教以仁則民不遺 不 教 之教久,而 比間族黨之民,驅民 久,而上下之所感孚者深矣,豈有 而 而法制禁令天下,能 何! 之 民 古者寓兵於農,伍兩卒徒之衆,即 何以收親 而 使 民不後其君,至於七年之 之戰,民 無 而 上 戎,詎曰難之。 離 死長之效也? 心乎? 必二矣,非 非善 難於 然 即 棄 以

憲問第十四

憲問恥。子曰:「邦有道,穀,邦無道,穀,

恥也。」

輕。 切 開泰之猷,時危無拯溺之具,平生所學,一 恥、辱名教實甚。 行己有恥, 可恥之甚哉 以取世資爲,天地間 今不問有道無道而徒穀焉。 士品 也。 蓋 士君子當爲世 而 一朽蠹而已,豈不 惟 富貴 之士 世治 道 寄 捐 無 重 廉

宋吕夷簡謫范仲淹、余靖、尹 修并譴。蔡襄作《四賢一不肖》詩以恚之。 復知人間有羞恥 爲司諫,不能救。 只索庸庸便罷,一輩清謹人尤甚 千重不能。 士人涉世,欲無災無 人不能有爲,只是怕 事」。 歐陽修遺書若訥,謂「不 難 若訥怒,上之於朝。 坐 致公卿,非 、洙,時、 失富 高岩 面鎧 訥

力,於此不行焉,是簡制於念慮之末而未克、伐、怨、欲,其慝雖微,而潰決之勢甚

曰:「可以爲難矣,仁則吾不知也

克、伐、怨、欲

不行焉,

可

以

爲仁矣?」子

得其本心之體者然也,故夫子稱其難 而 未

知其仁。

復。原憲不行,則已成此四等證候,旋潰 顏子「有不善未嘗不知,知之未嘗復行 然人僞而已,於仁體何當? 旋制,終不能奏廓如之效,則不行之心猶 續之間,就仁中簡出不仁來,故爲不遠之 也」,亦不行也。 然顔子不善,只是一念絶

爲仁者不諱言克復也,惟慎獨而早圖之,

其庶幾矣。

·克己」是最初工夫,「不行」是最後工夫,

故曰:「知幾其神乎!」

曰「可以爲難矣」,由其所難而進之,則

易矣。

慮而後作。 曰「不行」,分明有容恕意 在。

知克、伐、怨、欲之非仁,則必困於心、衡於

己之累甚微,克、伐、怨、欲正若紅鑪片雪

與杯水車薪,其勢不同

克己爲仁,克、伐、怨、欲不行,非仁。 此心不動於克、伐、怨、欲,方是仁。

此内

外賓主之辨。

問:「常人之心,方克、伐、怨、欲諸惡未起 將虞廷「精一」處言,方見「不行」意粗 時,亦是仁體呈露否?」曰:人苟無 事心

近處看是仁義心。 曰:「平旦之氣如何?」曰: 須於好惡相 之功,則亦氣機之暫息而已,焉得仁? 學者察識乎此,而

自勝其人欲之私,則幾矣。

程明道先生十五六時好田獵,既見茂叔,

也? 但此心潛隱未發,一日萌動,復如初

則自謂已無此好矣。

' 茂叔曰:「何言之易

矣。」後十二年,復見獵者,不覺有喜心,乃

知果未也。 此心潛隱處,尚是不仁。

問: 「用力於制私,既不足以爲仁,則爲仁 不行心常做主,便是克己力量也。故曰雖者根器淺,不恁地,不得由此進之,扶得箇不知也」,欲其先難而後獲也。以建甚不不知也」,欲其先難而後獲也。以建甚不正克己工夫。子曰「可以爲難矣,仁則吾正克己工夫。子曰「可以爲難矣,仁則吾正克己工夫。子曰「可以爲難矣,仁則吾之功果安在乎?」曰:上焉克己是也,其之功果安在乎?」曰:上焉克己是也,其

處,於此分曉,更無作説處。「克復」、「克伐怨欲」二章,是學問大關鍵

愚必明,雖柔必强

陸子静曰:「彘雞終日營營,討箇甚麽?」破始得。於此不破,説甚學! 説甚士!而外,其居邪? 抑寄邪? 爲士者合下勘一人,只心溺於此,乃爲累耳。噫! 自一身士人立志不堅,一切外物動得。居不能累子曰:「士而懷居,不足以爲士矣。」

言孫。」 子曰:「邦有道,危言危行,邦無道,危行

不全。其斯以爲用世之準乎! 危,則战道殉人矣,安論有道無道哉? 至危,則以道殉人矣,安論有道無道哉? 至危,則以道殉人矣,安論有道無道哉? 至不全。其斯以貞操而措之天下者,行也。行不

劇秦美新,非孫也。

仁者必有勇,勇者不必有仁。」子曰:「有德者必有言,有言者不必有德。危行易,危言難;危言易,孫言難。

德,亂勇害仁,詎曰有無云哉? 甚矣,言於勇,則勇可矯也,能必有仁乎? 多言賊必於言,則言可飾也,能必有德乎? 取必所當爲而已:未嘗取必於言與勇也。取

與勇之不足貴也! 故君子務本。

哉若人!」答。南宫适出,子曰:「君子哉若人! 尚德答。南宫适出,子曰:「君子哉若人! 尚德不得其死。然禹、稷躬稼而有天下。」夫子不南宫适問於孔子,曰:「羿善射,奡盪舟,俱

以有志於道矣。學者誦羿、奡、禹、稷事,亦知有警策處,可

顏子夭,盜跖壽,正自肉眼看來。 孔、顔道

學者須高視萬古始覷破,不然白璧不可卿分晉,即身僅免於刑誅,後世有餘戮焉。在萬世,安在無土不王? 如田氏篡齊,六

而仁者也。」 子曰:「君子而不仁者有矣夫! 未有小人

爲,容容多後福,能不絀英雄漢子!

「學而不厭」。大過。」故曰「若聖與仁,則吾豈敢」,又曰子曰:「加我數年,五十以學《易》,可以無

小人之不仁,可以觀仁。門人曰:「盜必

論語學案三 憲問第十四

以夜乎?」曰:「然。」

子曰:「愛之,能勿勞乎? 忠焉,能勿

誨乎?」

亦求盡乎忠愛之實而已。 誨以爲忠,道若相成而理有固然者,君子忠於君,則己忠焉能勿誨乎? 勞以爲愛,親不愛其子,則己愛之能勿勞乎? 臣不

人子羽修飾之,東里子産潤色之。」子曰:「爲命:裨諶草創之,世叔討論之,行

國之成者子産也,集衆思,廣衆益,尤可以同寅協恭氣象,其有造於鄭多矣。當時秉鄭國一辭命而人效其長,要於共濟,宛然

爲相天下者法云。

伯氏駢邑三百,飯疏食,没齒無怨言。」「彼哉!彼哉!」問管仲。曰:「人也。奪或問子産。子曰:「惠人也。」問子西。曰:

王降而論伯,大夫則隨世以論品矣,非有

也。 者。仲真人傑也哉! 微而民生促矣。 矣。夫子此言,春秋人物之權衡乎 兩立者也,以視子産,加人一等,瞠乎後 言,而知仲之功真有以服天下後世之心 即桓公奪伯氏駢邑以與管仲,没齒 已。仲之尊周室,攘夷狄,以其君伯天下, 夫至春秋三百年來之權較,則管仲一人而 出於人理乎?「彼哉,彼哉」,惡之也。 若 念者,其猶存先王之遺愛乎? 功於世道者不足稱也。 楚有子西,則與聞僭王猾夏之惡者, 鄭有子産,庶幾以生民 以視子西,功罪不 春秋之時,王室日 故曰「惠人 無怨

子曰:「貧而無怨難,富而無驕易。」

就世情上較難易也。
者,故曰易。夫子蓋就學問中勘難易,非難。富而無驕,則猶可矜持於意見之間

夫乎?薛大夫,國小而政簡,且坐躓焉,況魯大時大夫,國小而政簡,且坐躓焉,況魯大人而不善用,與無人同,何以能國? 滕、夫子只就孟公綽權任使而魯政日闍矣,有

之不競也甚於衛矣。當其才則不喪。魯不能用一公綽,然則魯衛靈公無道,用仲叔圉、祝鮀、王孫賈,各

敗宋。 石爲翰林學士有餘,處輔弼不足,卒以房琯以將敗,黄霸以丞相損功名, 王安

之言,亦可以爲成人矣。」必然? 見利思義,見危授命,久要不忘平生樂,亦可以爲成人矣。」曰:「今之成人者何之不欲,卞莊子之勇,冉求之藝,文之以禮子路問成人。子曰:「若臧武仲之知,公綽

矣。 是也。 路有兼人之質而失之不學,故夫子曰「人 曾子之魯先讓冉求矣,焉得聞 質融,若即此文彼。 文而後爲成也。僅若武仲之知,非知也, 武仲諸人而文之以禮樂,亦可以爲成人 爲言和 世不乏材質之美者,苟不學,未聞道也 道不必兼成也,求其所以自成而已」。若 者而後文之,則顏子之沈潛先讓卞莊矣, 也,成人者盡性踐形、參天地 離氣質 道即當人之體是已。 才技不化而爲德性之累,故必要於禮樂之 蓋知、廉、勇、藝皆生質之美,而 兼長,非聖門之學也。 也。 而實不倚於氣質。 性之德也,合外内之道也,不 然則學以盡性之謂 禮之爲言節也 禮樂合德 而 如 道哉? 成位 必欲合四 一,樂之 乎中 而 偏 子 以 氣

公綽之廉,非仁也,卞莊之勇,非勇也,

兮,赫兮喧兮。」文之以禮樂,當如是也。 堂矣,未入於室也」,此兩者成人之别也 者,苟其忠信之德足以辨義利、決死生、 聞也,由 吾之所爲成人也。 久暫,則大本立,亦庶無忝於人道矣,而 冉求之藝, 詩》云:「如切如 亦要其至者而已。 非 道 也 磋,如琢如磨。 彼其於禮樂之道 烏 乎 成 子曰「由 ? 今之成 瑟兮倜 也 未 貞 升 有 非 人

笑,人不厭其笑,義然後取,人不厭其取。」過也。 夫子時然後言,人不厭其言,樂然後言、不笑、不取乎?」公明賈對曰:「以告者子問公叔文子於公明賈,曰:「信乎夫子不

特行不著、習不察耳。故曰:「終身由之之,可見百姓日用而不知,乃是精義妙道,道不遠人。公叔文子能由之,公明賈能道

子曰:「其然,豈其然乎?」

醒 至,雖聖人亦有所不能焉,故曰: 笑,義然後取,此亦斯民日用之理,而及其 而 自知其所以然,夫子就昏昏恁地中一提一 豈其然乎?」審疑之也。 ,使人反身而自得之也 不 知 其 道 者 衆 也 時 在文子固 然 後 言 「其然 樂 然而不

充之始得。 取? 但有至不至耳。學者但察識,擴而凡人何嘗不時然後言、樂然後笑、義然後

君,吾不信也。」 子曰:「臧武仲以防求爲後於魯,雖曰不要

不譎。」 子曰:「晉文公譎而不正,齊桓公正

而

會盟之大者,於齊則盟於首止,定太子以論,正譎辨焉。桓、文之事在征伐會盟。五伯莫盛於桓、文,皆假之也。而就事而

之義 諸侯: 則伐衛以致楚,而陰謀以取勝:並假攘夷 安王室 大者,於齊則伐楚,責包茅之不貢; 而 並 正 於晉則盟於踐土,●挾天子以 一譎分。 假 尊 王之義 故夫子大闡其微云。 丽 正 譎 分。 征 於晉 伐 令 之

五伯事

業如無源之水,一發驟涸。獨秦穆

不能 死,曰未仁乎?」子曰:「桓公九合諸侯,不 子路曰:「桓公殺公子糾,召忽死之,管仲不 其被髮左衽矣 侯,一匡天下,民到於今受其賜。 子貢曰:「管仲非仁者與? 以兵車,管仲之力也。如其仁! 自 經於溝瀆而莫之知也。」 死,又相之。」子曰:「管仲相桓公,霸諸 誓自根底流出,其規模當有天下。 ! 豈若匹夫匹婦之爲諒也, 桓公殺公子糾, 微管仲,吾 如其仁!」

子貢便看得寬了。子路只斷斷責他不死,子路責管仲不死,自是君子守身常法。如

先入,則叔亦相糾。 死,卒行其志耳。 殉義者,雖不可謂至忠,亦成就一是矣。 出 不落第二見,即死孔悝之兆也。 問孰爲兄、孰爲弟。桓公、子糾勢不相容, 先入。先入定禍亂,則當有齊國矣,不必 方發亂,三人奉兩公子,如拯 似,故兩分所事,惟召忽最正,可爲仲副 之至誼也。 貨,待時而發,以匡内難,亦臣子同心許國 奔也,三人固已逆知襄公之必亂而各居奇 有挾持,必欲以功名顯於天下,故隱忍不 但春秋時,終不可以無管仲一人。 仲固素 而鮑叔三人可相爲用。召忽一死,可盡周 奔,未定君臣之分,於此一死,是匹夫 小白先 當其與鮑叔奉公子而 入,則仲固 管、鮑素相知,才識 溺救焚 相桓,子糾 仲從子糾 一利於 出

● 「土」,原誤作「上」,今據四庫本改。

之諒。 始盡。 無仲也,自是痛癢 念管仲之功,至以爲 也。夫子生於衰周,目擊僭王猾夏之禍, 之。但三人皆非見得道理合當如此,不免 也。 哉 而身不能用,一腔熱 旋之義,可無憾於子糾矣,仲何爲 有詭遇獲禽之意。 區區召忽,又不過 身起見,故云。 鮑叔言於桓公以爲相,二人匡齊之志 請囚而入,心在桓公,猶其在 總之管仲之事,略其心而取其功可 孔子曰:「殷有三仁焉。」三人微似 相關。子路、子貢只從 血無 到今受賜,蓋傷 處 可灑,不覺追 而 今之 远 子 復 夫 糾 死

文。舍是無考。文子薦賢一事,直是虚心按:《謚法》:經天緯地曰文,勤學好問曰聞之曰:「可以爲文矣。」

無我,有古大臣之概,非不學無術者比矣。

而不喪?」孔子曰:「仲叔圉治賓客,祝鮀治 宗廟,王孫賈治軍旅。夫如是,奚其喪?」 子言衛靈公之無道也,康子曰:「夫如是,奚 有 ? 吴亡,種、蠡存而越霸 君頗無失德,只任奸臣柄國以亡。 愔之賢,委以國事,卒保首領。 齊文宣帝,荒淫狂悖甚於桀、紂,然能 以治外,文事武備皆得其人,國奚 非 家之要者,國之不亡非幸也。 賓客主鄰國之聘問者,宗廟以治内,軍旅 而展禽媿易名矣。 「可以爲文」者,深嘉之也。 一老歸而周熾,三仁去而殷墟,子胥死而 虚心克己、以身殉國者不能 主德雖昏而猶明於任人,得計安國 推賢讓能,千載盛事, 臧 愚觀 也 宋南 文仲文矣 故 後 ?喪之 日 渡諸 知楊 世若

其言不怍,精神一併外洩,安能有爲?子曰:「其言之不怍,則爲之也難。」

土

奚必計及言之不可復哉? 故君子恥其言不仆,只其言之不怍,定可以卜其難爲矣,以勝天下之重而不靡,可以至天下之遠而君子躬行實難,惟凝聚之極,方有全力,可

子曰:「古者言之不出、恥躬之不逮也。」

而過其行也。

言之不怍,無所恥也。

羞惡之心,正在此處用。

也。君曰「告夫三子」者!」之三子告,不可。子。」孔子曰:「以吾從大夫之後,不敢不告曰:「陳恒弑其君,請討之。」公曰:「告夫三陳成子弑簡公。孔子沐浴而朝,告於哀公

孔子曰:「以吾從大夫之後,不敢不告也。」孔子曰:「以吾從大夫之後,不敢不告也」。夫子既私吾從大夫之後,不敢不告也」。夫子既私吾從大夫之後,不敢不告也」。夫子既私吾從大夫之後,不敢不告也」。夫子既私吾從大夫之後,不敢不告也。」孔子曰:「以吾從大夫之後,不敢不告也。」

王之道以致主於堯舜,所爲三年之成、必有,用孔子以周、召之任,必將發明二帝三世矣。當是時,周僅得中主,上命魯爲方政教號令復出於一,而文、武之道復興於政教號令復出於一,而文、武之道復興於政教號令復出於一,而文、武之道復興於政教號令復出於一,而文、武之道復興於為號令。由是天子得以收諸侯之權,諸侯為諸侯。由是天子之言得行,則將義足以克

七八

以之下。 世之仁,直於吾夫子親見之矣。 惜乎,哀 世之仁,直於吾夫子親見之矣。 惜乎,哀

者,況以破强弱之惑乎? 斯實語也。 置、《左傳》:告哀公曰:「陳恒弑其君,問:「《左傳》:告哀公曰:「陳恒弑其君,是之言。如此,則以力不以義矣。然子之言。如此,則以力不以義矣。然子之言。如此,則以力不以義矣。然不之言。如此,則以力不以義矣。然不之言。如此,則以力不以義矣。然不之言。如此,則以力不以義矣。然不之言。如此,則以力不以義矣。然

至者。

也,而犯之。」饒雙峰曰:「今人自家好色、位。前章曰「忠焉,能勿誨者也,故曰:「勿欺也。前章曰「忠焉,能勿誨乎」,犯而欺焉也。前章曰「忠焉,能勿誨乎」,犯而欺焉忠思,未能是也。忠也而犯之,所以致吾忠

卓然社稷臣矣。但夫子告子路,必要其苟其由衷之性,●則雖不能正己正物,亦孟子曰:「畜君何尤? 畜君者,好君也。」坐視君之好色貨而不諫,豈人臣之誼哉! 思謂:理固微然,若因自己好色、好貨,便 好貨,却諫其君勿好色、好貨,皆是欺君。」

不一念之微,而達之機自不能已。此君子在一念之微,而達之機自不能已。此君子其下而達焉,則人欲是也。上下之分,只其下而達焉,則天理是也,小人就

者,學以成己也。學之道本如是也。若不古今之學一也,而學之用情則異。爲己子曰:「古之學者爲己,今之學者爲人。」

❶ 「性」,原誤作「信」,今據四庫本、嘉慶本改。

微,判古今學術之辨,其成就不啻天壤,學起念,是爲人也,學斯僞矣。爲己、爲人之求在己,而或以利,或以名,但從毀譽得喪

者慎之。

狽便過去。 格此一關,則後儒逗漏儘多,凡事不甚狼

近世如鄧文潔公晚年學問有得,其兄問

亦至矣。

及其既出,而贊歎如此。其開示學者之心

不善便算。」曰:「萬事萬念皆善都不算,只一事一念之,曰:「弟近日只査己過。」病革,謂子弟

雖然,天地之大也,人猶有所憾。用功方得。我輩幾時得到與天爲一處?自己通身都是病,直是千瘡百孔,須實實問:「欲寡過,如何未能?」曰:聖賢看得

此,直發一笑。引聖不自聖之意,作一段好話柄耳。

誰肯認自家不是處? 即駕言改過,亦援

曾子曰:「君子思不出其位。」

也。此即《艮卦·象辭》之意,聖門思誠之非天理之本,然欲指其纖毫滲溢而不可得是也。君子心有常運,隨其日用動静,莫是也。君子心有常運,隨其日用動静,莫無不思,而妙於無思,思得其職也,故謂之無不思,而妙於無思,思得其職也,故謂之

背,不獲其身,行其庭,不見其人。」蓋言艮止之義有如此者。而卦辭曰:「艮其曰:「兼山,艮。君子以思不出其位。」體訓,非必得之《易・象》也。按:《易・象》學固所雅言。故曾子發明簡要之旨以示學固所雅言。故曾子發明簡要之旨以示

思不出位,宇宙皆吾分内。

止

也。

根者,念之動。也,念也。炯然有覺者,思之體,倏然無也,念也。炯然有覺者,思之體,倏然無「思則得之,不思則不得也。」出位,非思問:「人有出位之思否?」曰:孟子曰:

人忠。君子思不出其位也。非禮勿視、聽、言、動、居處恭、執事敬、與

程子曰:「心要在腔子裹。」

不可過也。言過其行,可恥孰甚焉! 此君子先行其言而後從之,則行可過也,言子曰:「君子恥其言而過其行。」

君子所以不言而躬行也。

步,正是過處。 不必說十分話,只做九分爲過,只占先一

道也。」知者不感,勇者不懼。」子貢曰:「夫子自知者不惑,勇者不懼。」子貢曰:「夫子自子曰:「君子道者三,我無能焉:仁者不憂,

實也。 非上達天德者不足以語此,故夫子歉然曰 也,不懼之勇,勇之至也。於不憂、不惑 不憂之仁,仁之至也,不惑之知,知之至 要,曰仁、知、勇。而君子之道管於此矣。 也。而子貢曰「夫子自道也」,言仁、知、勇 敢自信者,非特謙辭也,此學而不厭之心 不懼中,見君子之心粹然天理,渣滓盡化 君子道者三,即君子所以成德也。 之道正非夫子不能全,此言乃所以自道其 我無能焉」。 猥云「無能」,聖不自聖云爾。 蓋實體諸己而其心 成德之 容有不 若子

子貢方人。子曰:「賜也賢乎哉? 夫我則

爾。故曰「夫我則不暇」。仍就方人之見其反觀自鏡,深自引媿,以爲進德之地云方人,非聖人之所暇也,烏得爲賢? 正欲

而提醒之,深於教矣。

子貢方人,須從師弟分上一勘,賢不賢

始得。

子曰:「不患人之不己知,患其不能也。」

而從事於爲己,非以所能邀知遇也。聖人聖人每從人不知處割俗學之肺腸,使之反

雅言之,其旨切矣。

固

也。」

子曰:「不逆詐,不億不信,抑亦先覺者,是

賢乎!」

先覺者,卓立於物情之表而隨感隨炤也。逆、億,非覺也。故不逆億而先覺者爲賢。

論語學案三

憲問第十四

里賢心體至誠,未嘗以詐與不信待人,但

物來坐炤,自無遁情耳。

問:「不逆億矣,容有不先覺者否?」曰

子産受欺於校人,舜受欺於象,正不失爲先覺非用察識之謂,只良知不蔽而已。如

先覺者。

如覺人詐,覺人不信,正是逆億處。 先覺

者,有覺而不用者也。

周子曰:「明不至則疑生,以疑爲明,何啻

千里?」此逆億之謂也。

無乃爲佞乎?」孔子曰:「非敢爲佞也,疾微生畝謂孔子曰:「丘何爲是栖栖者與?

和,其猶病諸。 既不敢爲佞,又病固,必也聖乎! 清任

爲,而況聖人乎? 惟聖人體道甚至,時行枉道求合,君子恥之。 此在賢者有所不

一八二

父兄之讎之謂。

然不直亦甚矣

7,故聖

一人因

有 ? 則 行 時 固 止 則 我 止 , 未 見 也。 嘗 有 聖 定之權 人 無 我, 何 何 固 固 之

流非佞,並行而不悖也。從一身起念則遯世爲貞,從天下起念則周樂行憂違,確乎其不可拔,非固乎? 曰:

或曰 子 Ė 以直報怨,以德報德。」 「驥 以 德 不 稱其力 報 怨 何 ,稱其德也。」 如?」子 Ē. 「何以

情,亦不匿情以市德。 之常,而不萌 天理之中伸人情之至。 理人情之至。 人之道也 以直報怨,以 直則忘怨不較,不枉法以 德報德」,自是 毫私意 德則無德不報 於其間,所以爲聖 兩者皆物 稱物平 來 施 順 '; 於 伸 天 應

或日

二以

德報怨」,

亦謂

小怨之可

捐者

「**,** 非

非

意之也。

即

心

即天,即獨

知即天知,以

推此意便須

知

明處當

,萬物各得

其

所

上達。知我者其天乎!」知子也?」子曰:「不怨天,不尤人,下學而子曰:「莫我知也夫!」子貢曰:「何爲其莫之以告或人,而至理亦不外是。

爲之問 平生所 聖人未嘗有求知之心。 屋 學達之矣。 造道彌真,自能 困勉,諱性 不厭之學,學而云下者,遜生安而起 不尤,此心正有用在。 坦然順應之而 不知聖心原不從知不知起念。上下天人, 漏 而 學無 也。 上 通 天 此其闇然爲己之學,真有 於帝 謂夫子之道必有可知者在乎, 可 加 見知 不拂,何怨尤之有? 尋向上去,日就月將 擇 命者。 紨 耳。 於射御、執 聖人一生精 莫知之歎,正 「知我者其天 此子貢所 ريّار 以 神合併 ,即所 不怨 功於 有何 自言 不媿 下

急於邀知者,吾不知其於知何如之病也。 也。 莫知而後見聖人之心真,則世人之急見人之終不我知也,此聖人所以爲聖人

聖人亦樂乎人之我知也哉?

學人事而達天理,訓上下亦通,但未見聖

是下學。聖人言未能何有,不一而足,爲學喫緊精神,如子臣弟友間是學,未能處

學只是遏人欲,存天理。

是艱苦刻厲,恁地埋頭去。

此者。 此者。 此者。 此者。

文 1:「賢者辟世,其次辟地,其次辟色,其子曰:「賢者辟世,其次辟地,其次辟色,其

子曰:「作者七人矣。」

賢者辟世:處亂世而長往,鴻飛冥冥。

機斯著矣。 不居,猶然跼蹐於世網之中。其次辟色, 其最高云。 明哲保身之誼,千載而下不可多得。 之清,亦不詭出處之正者。其清風高節、 之流,皆從事於辟世云云者,視聖人 時若沮、溺、丈人、晨門、荷蕡、太師摯諸人 深足爲世道之痛也。「七人」無所指。當 之曰「作者七人矣」,以見天地閉、賢人隱, 者,以言乎潔身之義則一也。 高。而君子所遇不同,容或有待時而後決 身之義,則三者遞而上之,不若辟世之爲 無不可,若失之固,而潔身辟亂以待天下 曰「作者七人矣」,推尊之意亦獨至矣。 其次則辟言,機斯晚矣。 其次則辟 地 危邦不入,亂邦 而下章復繼 夫子 論潔 無 可

人焉。

此

早見遠舉爲高、《易》所一有「以」字。譏「尾近聖人栖栖否?」曰:論隱之義,畢竟以或問:「辟世則果矣,辟地、辟色、辟言,猶

道幾不明於後世矣。

環,便忘却「無道則隱」一段公案,出處之

遯」一作「遯尾」。

也。

今但見聖人

周

流

著了。」 二著,一峰第三著。如我輩,又是第四、五章文懿公曰:「康齋出處第一著,白沙第

者與?」曰"「是知其不可而爲之曰"「自孔氏。」曰"「是知其不可而爲之子路宿於石門。晨門曰"「奚自?」子路

而猶望復焉。聖人直看得世道尚有可爲父母病,雖不可救,無不下藥之理,雖既死若當局而迷者,直是不忍分明。一如子視知其不可,旁觀者自明。聖人身寄世道,

春秋自逸民諸人外,其藏名遠舉,若丈人、

長沮、桀溺、楚狂、晨門、荷蕡、微生畝得七

爲知之者,正欲醒之也,可爲婉而諷矣。 可爲何哉? 而爲之,非漫爲是無益之行也。 晨門本譏聖人不知時而故以 其如終不

乎! 揭。」子曰:「果哉! 子擊磬於衛,有荷 有心哉,擊磬乎!」既而曰:「鄙哉,硜硜 莫己知也,斯已而已矣。深則厲,淺則 蕢而過孔氏之門者,曰: 末之難矣。」

也。 則揭」,與時卷舒,不亦善乎? 荷蕢方自 處一節猶其難,聖人直爲其難耳。聖人之 視甚圓,而不知聖人視荷蕢甚果也,故 已「莫己知」矣,亦可以已矣。 「深則厲,淺 「有心」之言,真知夫子之心事矣。 既而曰 鄙哉,硜硜乎」,言此心固而不化也。 果哉」,斷壞他忘世之見,正爲硜硜 淺深制宜,他看恰好在只了得自己出 解 既 日 嘲

難,以世爲一身而拯溺亨屯者是。 深則厲,淺則揭」,自是聖人家法,但荷蕡

> 子張曰:「《書》云「高宗諒陰,三年不言」,何 謂也?」子曰:「何必高宗? 古之人皆然。 看得固,聖人看得圓。 此聖賢之别 也。

君薨,百官總己以聽於冢宰三年。」

子曰:「上好禮,則民易使也。」 可 知 。 下也。天子有天下之責,故制爲冢宰聽政 父母之喪,達乎天子。上古聖人以孝治天 世喪禮隳壞,襄公以墨縗臨戎,則在天子 古人皆然,則此禮爲萬世不易之經矣。 之禮,使孝子之情伸於上而天下晏然。 故聖人垂訓,以示天下萬世云 觀

乖。 禮」,宅心於齋莊中正之體,而出身加民無 民之難使也久矣: 威劫之而愈叛,法籠之 體 非是物,故可以攝天下之精神 而愈畏,心存則百體自順,心放則 如身之使臂, 君子之於民也,亦猶是 臂之使指,故「民易使 也。 圃 「上好 百體 通 爲 皆

八六

也」,蓋言順也。

狡慢之情而歸於順,故「易使」。禮主於「上好禮」,只是毋不敬。敬則有以消天下

民,則民皆式於規矩而作其忠敬之心,故「上好禮」,能以禮讓爲國是也。以禮導教,而默寓於刑政之中者也。

「易使」。

亦莫敢不敬之意。

百姓,堯舜其猶病諸!」而已乎?」曰:「修己以安百姓。修己以安斯而已乎?」曰:「修己以安人。」曰:「如斯斯配乎?」曰:「修己以敬。」曰:「如斯子路問君子。子曰:「修己以敬。」曰:「如

> 身而 學,只是一敬。 非意之也。語君子至此,則存神過化,上 姓」。安人、安百姓,在修己中實有是事, 以修之者盡安之也,故曰「修己以安百 以安人」。無所以及百姓而百姓自安,即 虚動直,天地萬物咸歸在宥,無所以及人 臨 量,堯舜亦畢生做不了。❶ 下與天地同流,雖堯舜猶病之矣。 而人自安,即以修之者安之也,故曰「修己 而無失可也。 無斁亦保,湛然無復 誠 ,則己得其己矣。 然修無止法,修而安無 菲 己得其己,則静 幾之擾,至於反 學者但當敬修 堯舜之 限

心」,是敬修正當處。「小心翼翼,昭事上帝,上帝臨汝,無貳爾

修己以敬,正是尊德性而道問學。

■「亦畢生」,四庫本作「不必」。

敬字,方能入道」,幾於小人之無忌憚,而敬字,方能入道」,幾於小人之無忌憚,而謂「打破不免番案立説,使後人藉口。而謂「打破不免番案立説,使是矜持把捉,反爲道病。从注脚去,便是矜持把捉,反爲道病。人注脚去,便是矜持把捉,反爲道病。不免番案立説,使後人藉口。而谓「打破不免番案立説,使後人藉口。而谓「打破不免番案立説,使是所担,及爲道病。

焉,老而不死,是爲賊!」以杖叩其脛。原壤夷俟。子曰:「幼而不孫弟,長而無述

聖學晦矣

然則猶有故人之誼乎? 使老而知改,不教之辟。以杖叩其脛,若使之因而知改。此,故夫子歷舉其生平而痛斥之,以聲名原壤夷俟,示放達也。平生情狀盡露於

少。 屑之教誨焉。 之世未遠,始生老氏,爲惑世誣民之祖。 所惡於原壤者,爲其賊道也。 墨、申、韓、蘇、張之意時時出没其間。終 學佛,粗者拾翕張之機鋒以學禪,而楊、 氏之説文老氏之奸,精者竊道德之唾餘以 之學,以還其初旨。嗣後士大夫往往以 爲申、韓,三變而爲蘇、張,終變而爲 祖述,愈流愈遠,一變而爲楊、墨,再變而 至易至簡。由是天下學士靡然從風,轉相 當時一種好異之民起而應之,如原壤者不 宇宙世界,學道人只是此局 觀其行徑,大是詭怪不常,可喜可愕, 朝聞道,夕死可矣。 春秋去先王 佛氏 佛

非求益者也,欲速成者也。」曰:「吾見其居於位也,見其與先生並行也,闕黨童子將命,或問之曰:「益者與?」子

聖人無能益童子,但有損之而已。童子少

論語學案三 憲問第十四

里可矣。

里可矣。

里可矣。

里可矣。

衛靈公第十五

事,則嘗聞之矣。軍旅之事,未之學也。」明 衛靈公問陳於孔子。 日遂行。 孔子對曰:「俎豆 之

爲? 問:「衛靈問陳, 計較,便不成行矣。所謂進禮退義蓋 傷於悻悻乎?」曰:道不行矣,不去 聖人處此,直脱然無絲毫計 一語不合,明日遂行。 較。 何 無 如 纔

聖人仕止久速莫作死格局看,如謂此必當

論語學案四

衛靈公第十五

此,若有激而行便不是。

聖人不但言軍旅之未學,而先動之以 速、彼必當久,便是可不可之見。

俎豆

之禮,有許多委曲在。

在陳絕糧,從者病,莫能興。子路愠見,曰: 「君子亦有窮乎?」子曰:「君子固窮,小人

窮斯濫矣。」

子路嘗誦「不忮不求」之言,可謂 能 自信

分明被感遇動了。 矣。至此又信不過,看窮是分外事 平生得力當在何處? 一般

乃知其未聞道也。故下章有「知德」之歎。

子曰:「貧與賤,是人之所惡也,不以其道 得之,不去也。」此固窮之謂也。

遯世不見知而不悔,惟聖者能之。 信

矣 夫 !

君子處窮,若固有之,素位而行也,小人 窮斯濫矣,願乎外也。

八九

九()

貫之。」對曰:「然。非與?」曰:「非也。予一以對曰:「然。非與?」曰:「非也。予一以子曰:「賜也,女以予爲多學而識之者與?」

機也。 物討 言我之多學莫作「多」看了,只是一貫耳。 然。 貫之,非舍多學而識之外,别有一貫也。 學雖多,只是 學而本諸心,使弗忘也。 之。」此「多學而識之」之謂也。 子曰:「多聞,擇其善者而從之,多見 而 超於多者,故云只喝箇「一」不出來,非也。 者,學之歸也,貫者,學之融會自得之 _, 只 融。 歸宿也。 非與?」正疑得恰好。 是一理。 聖人之學自日用 一無體,即多 理。 聖人之學固是如此。 認得是 多學而識,只是一以 而在,貫無迹,即 一,方爲 動静所及 由多而識 道是多,又有 我 識者 隨 有 "; 就 但所 隨 處 而 理 識 事 所 識

> 學。 前 我以禮」。 者。是一乃從多處來,故曰 路,久之,須有水窮山盡時,所見 無持循處,不若且從「多學而識」自尋 後儒之學多教 示,必俟其學有得,方道破。 樣。 章直指道 聖門不如此。 聖門授受如印板,顔、曾、賜 體。 人理會箇「一」,便未 道 以子貢之穎悟,猶不 亦學 ',學即 「博我以文,約 若先道破,便 道 也。 無 非 必 來 輕 多

子曰:「由! 知德者鮮矣。」

證 之。知德者深造自得,全體 其他乎? 其閫奧不已者,雖力行 德性人所固有,但行不著,習不察,鮮 日 又曰:「由 ,何難之有? 夫子呼由而深歎其鮮能也。 誨女知之乎!」自知 如 由 猶 洞 或 然,有不 病之,況 能 他 自 究 知

知德者,知性中之德也。知其性,則知

一貫」之説本無二致,但此章直指學脈,

哉? 恭己正南面而已矣。」子曰:「無爲而治者,其舜也與! 夫何爲

虞掌 天授時、封山濬川、命德討罪,既代終於攝 君道以「無爲」爲至,古帝王之所同 任 帝之載,而天下大治。 四門,以來天下之賢。乃命禹爲司空平水 政二十八載之日,而及其格於文祖 稱舜者 教胄子,命龍納言出納惟允。九官奮 臯陶作士聽五 土,命后稷播時百穀,命契司徒敷五教,命 人,若泯其有爲之迹,故曰:「無爲 Ш ,舜躬聖人之德而紹堯致治,凡 澤,命伯夷秩宗典三禮,命夔典 刑,命垂共工若予工,命 舜勞於求賢 也。 而 一,首闢 而 逸於 庸 敬 獨 治 煕 益

> 者,其 四 所爲也。 爲哉? 時行、百物生,自莫知其所以 舜也與!」夫天下本無爲 但見其恭己正 敬德之至,穆然如天,運於上 南 面 丽 已矣, 也,舜亦 然者。 更無 此 何

無爲之象也,其斯以爲君道之極

乎

先務也。 敬 無爲之旨矣。君道無爲而無不爲,無爲者 化。」至欲絶聖棄智,復結繩而用之,則非 之教本於黄帝,其言曰:「我無 自古清淨無爲獨稱黄帝,時當然也。 作「頌」。 兢業業,而唯不得舜、禹、臯陶爲己憂,急 亦可乎? 老亡。故曰:「居敬而行簡,以臨其民,不 固知老氏之教不可以治天下也,故晉以黄 恭己正南 而已。 「無爲」者,乃不歸黄帝而歸之舜 治至於唐、虞無不爲矣。 敬則知要,知要則事理。 居簡 面 丽 而 已矣」,言君道 行簡 ,無乃太簡 盡 爲 於此也 乎 堯舜兢 丽 而誦 <u>.</u>! 老子 民自

語學案四 衛靈公第十五

九二

哉」,語意呼應,倒喝法也。 舍恭己外,絶無聲色可窺,故曰「夫何爲

於衡也。夫然後行。」子張書諸紳。 乎哉? 立則見其參於前也,在輿則見其倚之邦行矣。言不忠信,行不篤敬,雖州里行之那行矣。言不忠信,行所篤敬,雖蠻貊

能動者。故曰:「行有不得,反求諸己。」也。「夫然後行」,苟不如是則不誠,未有專則見其倚於衡」者,所以密其忠信之功忠信篤敬所以行也,「立則見其參於前,在篤敬,一而已矣。故在輿猶是,立亦猶是。此心此理,隨處發見,於言爲忠信,於行爲

立則見,在輿則見,是實有所見。我輩只之謂乎? 之謂乎。 及身而誠也,推之東西南北海而準,其此反身而誠也,推之東西南北海而準,其此 學者體認通塞之機,一絲未徹,自難假合。

矢。君子哉蘧伯玉 子曰:「直哉史魚! 舉,乃做上大人生活,從此一日千里者。 隔立與在輿一關,頓令爽然自失。 子張才高意廣,看學問事但等閒做過,只 恁地昏昏, 吾斯之未能信。」所見合當如 雖 食有 不知味 邦有道如矢,邦無道 邦有道則仕,邦無道 者 此 漆雕 書紳一 開 如如

玉之學而行史魚之志,其可矣。 「君子」。都從他心體表出來。學者學伯正,只是一理,更無係累鶻突處,故謂之止,只是一節,更無係累鶻突處,故謂之所,與一節,也可是一節,也是一節,因是一節,因此,近過學之純也。 「君子哉蘧伯

 則可卷而懷之。」

言而與之言,失言。知者不失人,亦不子曰:「可與言而不與之言,失人,不可與君,如史魚死而忠感其君,何必卷懷乎?

失言。」

有? 洪鐘之善鳴也,以其虚乎!能知語知默,物來順應,當境精明,何失之處,只是此心物蔽。 在知者虚而能覺,自學者纔默便失人,纔語便失言,一無恰好

處之道,則能盡死生之道。能盡語默之道,則能盡出處之道,能盡出

成仁。」子曰:「志士仁人,無求生以害仁,有殺身以子曰:「志士仁人,無求生以害仁,有殺身以

身殉之而已。 莫違,心已安而無累。君子之於仁,直以必遂其志,成德之人必成其仁,志一決而必遂其志,成德之人必成其仁,志一決而绝人看得清楚,就下一割? 惟有志之士一邊是求生以害仁,一邊是殺身以成仁,

也。

好仁者無以尚之,其殺身成仁之謂乎?只爲死得恰好,故謂之仁。

書幾年,尚不識箇「是」字。」

方遜志先生臨難,曉門人廖鏞曰:

「汝讀

之仁者。」

之仁者。」

其器。居是邦也,事其大夫之賢者,友其士子賈問爲仁。子曰:「工欲善其事,必先利

服周之冕,樂則《韶》舞。放鄭聲,遠佞人。顔淵問爲邦。子曰:「行夏之時,乘殷之輅,

九二

鄭聲淫,佞人殆。」

時。 應,以 焉。 矣。 首命羲氏正仲春,次命羲仲正仲夏,次命 歲。 和:「欽若昊天! 之宜,以左右民,莫大乎時。 王者繼天立極,財 和氏 農 風冰雪雨暘水旱之節,百穀草木稊秀之 其 孟季,而正四時之中,則建寅之法肇於是 夏時之善而 候,羽毛鱗 议 、四時之書有《夏小正》,視唐、虞益加 自夏受唐、虞之禪,其法因之不改。 若日星昏旦之次,分至啓閉之期,雷 允釐百工,庶績咸熙。」其定時之法: 歲三百六旬有六日,以閏月定四 正 時穫植耕斂作息之宜,靡不畢及。此 及王者因時行政、慶賞刑威之準 一仲秋,次命和 羸蠕 萬世帝王憲天出治之道無踰 動 曆象日月星辰,敬授人 成天 鳌 仲正仲冬。 興 地之道 陟 降 離 昔堯命 輔 舉仲以 隕 鳴 相 時 响 天 成 概 地 密 之

此矣。 之月也。 遺,而建統改歲則遞而更之,取以 誅得天下,其敬時授事固未嘗有外 斗前一度。 爲天駟。 死魄。」蓋十三年春正月二日也。 大會於孟津。」《武成》曰:「惟一月壬辰旁 子月也。 祖。」●是也。周以冬十一月爲歲首,則建 乙丑,伊 之耳目也。殷以冬十二月爲歲首,則 在析木箕七度。 曆傳》曰:「初發師,以殷十一月戊子,日 午,渡師於孟津。 此聖人行夏時之意 《泰誓》曰:「惟十一月壬午,春, 尹 《伊訓》曰:「惟元祀。 後三日爲周正月辛卯朔,合辰 明日壬辰,晨星始見。至戊 祠 於先王,奉 是夕也,月在房五度。 二月四日癸亥,至牧野, 也。 嗣 王 殷、 十有二 班固《律 衹 夏 周 新天下 見厥 建丑 正之 以 房 月 征

❶ 「嗣」,原誤作「辟」,今據四庫本及《尚書》通行本改。

改年始朝賀皆自十月朔。

德,秦代周德,從所不勝。方今水德之始, 記》:始皇推五德終始之傳,以爲周得火 令又安所出乎? 至秦,事不師古,但取更 謬以冬爲春、春爲夏? 審如是也,政教號 武王之聖,曾不能訪羲和萬古不易之序,而 徵:曰歲、月、日、時無易。曾以箕子之明, 月,三曰日,四曰星辰,五曰曆數,又八庶 月。殷人建丑,故殷十一月正周之十二月, 新厭勝之意,而以孟冬爲歲首。 建寅之月,則殷、周之時序固不能改乎夏 牽合以明周正建子之證也。而蔡沈注以爲 故越三日而爲周正月,則周以冬爲春矣。 月,於夏爲十月,殷爲十一月,周爲十二 夜陳,甲子昧爽而合。」按: 析木爲建亥之 然則秦固以冬十 則出於後儒 曰歲,二曰 按《史 時可知矣。然而《春秋》所書時令,往往有 也。知武王之時不必冬而春,則《春秋》之 舊,即「武王革命,惟十有三年春」以來之序 名哉? 然則「春王正月」之序,即魯史之 刑云爾。聖人承天心正王道之端,而反以 改之爲春王正月也。」若是則春夏秋冬之序 受命,改正朔,易服色。」而胡文定公曰: 秦則知殷、周二代矣。董仲舒曰:「《春秋》 不合者,則其義何居? 冬爲春,失任德之意,則又何取於《春秋》之 正其所爲,正王道之端,其大者在任德不任 王之所爲也。」其意曰:上承天之所爲而下 曰:「正次王,王次春,春者天之所爲,正者 **紊天道矣。而其發明「春王正月」之義,則** 在周不易而聖人乃易之,是以行夏時而先 月爲歲首,而非以冬十月爲 「《春秋》以夏時冠月謂周之冬正月,而聖人 春正月也。

矣。故箕子敘疇,四五紀:

所云「十三年春」,果何爲邪?

且 君道即天道也。治之而争奪息,道之而 王 以告顔子也。區區改正朔,其餘事也。 矣。故夫子嘗曰「吾得夏時焉」,而至此首 於盡利焉。萬世治天下之大經大法具是 授人時」之道,一本堯舜之遺而潤色之,要 古聖人之治,天下一時也,而法莫備於夏, 養遂,教之而 過文質二者。聖人通其變,使民不倦,神 夫世道循環之運,人心風俗升降之機,不 也, 服周之冕, 所以右文也。 而化之,使民宜之。 元氣而歸於必世之仁也,舍《韶》舞又奚則 以質,質勝則輔之以文,斟酌二代而趨於 由是治定功成而 者 |載在《夏小正》一書。其「欽若昊天,敬 中,並行不悖,所以推 憲 天 出治,莫大於時。 倫理明,皆時之所爲也。 樂作焉,尤所以鬯宇宙之 乘殷之輅,所以崇質 而準、動而 時者,天道 文勝則返之 化也。 上 生 若

> 哉 ? 天道。 也, 佞人殆, 覆人國也。放之! 遠之! 者,莫如鄭聲與佞人: 鄭聲淫,淫人心 然臻斯世於唐、虞之域矣。 百獸率舞,和之至也。 也。夫治亂之機危矣哉! 以二帝三王之 叢狐孽,非人主端本澄源、修身建極、徹 本, 聖人用世之道,首法天時以爲覆冒群生之 法治之而不足,以鄭聲佞人喪之而 月之明而迅雷霆之斷,鮮有不中其禍者 二端之害似是而非,其中人主之惑甚於神 惟 自古帝王未議 惟 協和 而又禮準其中,樂奏其和 至於法外之防,則所爲「敕天之命, 幾」也。君道 風動,萬古一時也。 經綸,先圖儆戒,有以也。 樂法《韶》舞, 一天道也,嗚呼 至於蠹政之大 鳳 ,無非本之 凰來儀, 有餘 而宛 Ħ

修六籍之儒宗,帝王遜其道術。 達則規四代之禮樂,帝王遜其事功, 故 日 窮則

「自生民以來,未有盛於孔子。」

己復禮,天下歸仁焉。」更論恁古和今! 四代禮樂不是勦一作「治」。襲,聖人只明得 所學何事? 曰:「克己復禮爲仁,一日克 在這裏。溥博淵泉,而時出之也。或問: 學問事,自於上天下地、往古來今都包孕

子曰:「人無遠慮,必有近憂。」

矣。人無遠慮,其如近憂何? 遠慮者,遠大之慮,非行險以僥倖,徒偷旦 小而尤悔之乘,大而禍敗之迫,庶幾其免 夕之安者。如是則慮慎以動,動罔不臧

《詩》云:「迨天之未陰雨,徹彼桑土,綢繆 燕雀處堂,噬臍何及也。 牖户。今此下民,或敢侮予!」可爲遠慮。 噫 !

論語學案四

衛靈公第十五

者也。」 子曰:「已矣乎! 吾未見好德如

好

色

好仁者。」 矣,無以尚之之謂也。故又曰:「我未見 此必有爲而重言之也。 如好好色,可爲 誠

賢而不與立也。」 子曰:「臧文仲其竊位者與? 知柳下惠之

子曰:「躬自厚而薄責於人,則遠怨矣。」 君子盡其在我而已矣。人有不及,可以情 節窺其大者。秉軸君子,念之也哉! 鼠,貞厲。」據非其有而唯恐失之,非竊位 之,患失之者,盜也。 人臣之不忠於君父也,譬諸小人,其猶穿 而何? 竊位之情形無窮,而獨於蔽賢 窬之盗也與? 其未得之,患得之,既得 《易》曰:「晉如 鼦

441

九七

此君子所以一體天下而無怨也與?

令中

恕,非意相干,可以理遣,何過督之有?

一九八

怨不生於人而生於我乎!庸》曰:「正己而不求於人,則無怨。」然則

子曰:「不曰「如之何,如之何」者,吾末如之

何也已矣。」

尋取。語曰:「鹵莽焉而耕,亦鹵莽焉而有,仍是騎驢覓驢。如何如何,只索自家何,如之何」」,雖人將如之何哉? 程子何,如之何」」,雖人將如之何哉? 程子可取貸於他人之力也明矣。「不曰「如之何」」,雖人將如之何哉? 程子可也,則不屬我之事矣。即欲倩人索如何也,則不屬我之事矣。「不曰「如之何」」,雖人將如之何哉? 程子可必人,如之何,如之何,非懸想也。自修自證,「如之何,如之何,如之何」,非懸想也。自修自證,

子曰:「群居終日,言不及義,好行小慧,難

穫,滅裂焉而耘,亦滅裂焉而穫。」

言不及義,將一切倫常日用都束之高閣,

矣哉!」

其出於人道之外也。
者。曰「難矣哉」,不言得失利害,而祇絕慣自然,世教人心俱受其病,有莫究其終却只習一等行險僥倖之事,自謂得計,習

群居講學,出禪入佛,慣用棒喝,正是聖人

之,信以成之。君子哉!」子曰:「君子義以爲質,禮以行之,孫以出攢眉事。

之至也。此君子之所以爲君子也,故曰:之至也,信則尤所以成始而成終者也,誠義也。義以爲質,道體立矣。而禮則所以也,不可之至也,孫則所以出之也,和,宜於理之謂義,日用動静皆是也,所爲君子之道不可見,而義其質也。義也者宜

『君子哉!」

子哉!」 就君子上見出義、禮、孫、信,故曰:「君

子曰:「君子病無能焉,不病人之不己

知也。」

子曰:「君子疾没世而名不稱焉。」

朽」者,其容已乎? 然則君子之學,既杜君子一念及此,而早夜皇皇,圖所爲「三不於没世無稱,平生碌碌,直與草木同腐耳。君子不病人不知己,既反求於所能矣。至

也,總欲了吾分內事而已。

生前之名心,而又激死後之名心,非得已

於人。」

「名」之一字,正須放在没世後覷破。

此方

是亭亭丈夫

子曰:「君子求諸己,小人求諸人。」

求諸己,小人求諸人」,則顯而易見者也。也而所學不同,其辨在隱微之際。「君子「古之學者爲己,今之學者爲人。」同一學

拙矣。

求諸己者,求則得之,求諸人者,心勞日

子曰:「君子矜而不争,群而不黨。」

乎?」子曰:「其恕乎! 己所不欲,勿施上子貢問曰:「有一言而可以終身行之者难也。矜而争,其失小,群而黨,其失大。油與人,不黨則非狥物矣。此君子持世之為者斬斬自持,不争則非絶物矣。群者油

達人」是也。「己所不欲,勿施於人」,恕之下相關。仁者,「己欲立而立人,己欲達而乎」,言舉斯心推諸彼而已矣。心體與天水終身之行於一言,可爲善學矣。「其恕

行之道哉!之,則全體大用無不由此出矣,非終身可端也,仁之方也。學者苟隨所在而擴充

之愛以爲仁,固恕也,如心之宜以爲義,如心爲恕,心合是這樣,還他這樣。如心「恕」之一言,終身可行,即忠恕一貫之旨。

1100

也。此易簡之道也。如心之别以爲智,亦恕如心之别以爲禮,如心之知以爲智,亦恕

實有是恕,即是忠。

而行也。」者,其有所試矣。斯民也,三代之所以直道者,其有所試矣。斯民也,三代之所以直道子曰:「吾之於人也,誰毀誰譽? 如有所譽

之。今亡矣夫!」子曰:「吾猶及史之闕文也,有馬者借人乘

然則周道其敝於文乎? 然則周道其敝於文乎?

張子曰:「史闕文,祝史闕文也。」或云「有馬者借人乘之」,正是史闕文也。

巧言似德而亂德,小不忍似謀而亂謀,進有言者不必有德。「巧言」者,工於言者他,彌近理而大亂真,喪德而似德,故亂乎也,彌近理而大亂真,喪德而似德,故亂乎之圖能無茫然亂乎?《易》曰:「利遠大之圖能無茫然亂乎?《易》曰:「利遠大之圖能無茫然亂乎?《易》曰:「利遠大之圖能無茫然亂乎?《易》曰:「利遠大之圖能無茫然亂乎?《易》曰:「利遠大之圖能無茫然亂乎?《易》曰:「利遠大之員,志治也。」亂大謀。」

有濟。」從含忍之忍,自與不忍語意不類。也,曷云「亂謀」?《書》曰:「必有忍乃克解,兩意不能相兼。且匹夫之勇,無謀者若匹夫之勇,是小不忍也。一語不可兩小不忍,如婦人之仁,謂小之乎不忍也。

德居業者知之!!

非至虚不能察。

子曰:「衆惡之,必察焉,衆好之,必察焉。」 衆好惡,不可不察,固也。曰必察之者,見 歌好惡乃定,即從衆可也,違衆亦可也,要 於吾心。以吾心之好惡,衡衆人之好惡, 而好惡乃定,即從衆可也,違衆亦可也,要 於其當而已矣。故唯聖人能致好致惡,亦 於其當而已矣。故唯聖人能致好致惡,亦 唯聖人能以衆好衆惡,衆好之,必察焉。」

焉,則善惡之情雖有遁焉者寡矣。雖然,惡亦僅得其概而已,不察故也。使能察衆人之情,或泛而不察,或私而不公,則好問:「衆人好惡,何故與聖人不同?」曰:

不立,故曰「大哉聖人之道」,又曰「待其人《中庸》曰:「率性之謂道。」離人則道之名子曰:「人能弘道,非道弘人。」●

▶ 「人」,原誤作「仁」,今據四庫本及《論語》通行本改。

也,謂人不必弘而聽道之弘者是誣道也。「非道弘人」。然則自謂不能者,是誣人自弘於道之中而非道操其弘也,故又曰而後行」,此「人能弘道」之説也。言人能

子曰:「過而不改,是謂過矣。」

矣。其不流而爲惡者幾希。過之有? 過而不改,不即改也,是謂過人心未有有過而不自覺者,旋覺旋改,何

益。不如學也。」子曰:「吾嘗終日不食,終夜不寢,以思,無

「下學而上達」也。此之爲學未嘗廢思,而之,好古而敏求之,進進不已則益矣,所爲矣,何益之有哉? 夫惟反而從事於學,乃矣,何益之有哉? 夫惟反而從事於學,乃以,好古而敏求之,進進不良以思,則思而荒誠若終日不食、終夜不寢以思,則思而荒以思,。然亦曰思者,聖功之本,即學中之能事。然亦曰

但曰「學而不厭」。而已矣。夫言學,則不言思可也,故聖人所由殆與忘廢寢食者異情,則亦止謂之學

整情忘食,終夜不寢,只爲有意見在,故入 難僻一路去。若反觀默識,自不應如此。 無益,助之長也。非徒無益,而又害之。 無益,助之長也。非徒無益,而又害之。 無益,助之長也。非徒無益,而又害之。 無益,助之長也。非徒無益,而又害之。 不會,樂以忘憂,妙在勿忘勿助間。 就們一路去。若反觀默識,自不應如此。 以聖人之善學也。終日不食,終夜不寢而 於明不食,終夜不寢,

一般在其中矣」,謀食有餘貧也,「學也,禄之學也。夫人亦知得失之辨乎?「耕也,君子謀道不謀食。道外無學,非富貴利達矣,學也,禄在其中矣。君子憂道不憂貧。」一分四十分四十分回,一分四十分回,<

興? 聖人慨世之學而干禄焉者,故惓惓謂將以道易貧也。「謀道不謀食」,殆謂是但憂道之不我得,而卒未嘗動念於貧也,禄,貧於道之謂貧。得道則失貧,故君子在其中矣」,謀道有餘禄也。富於道之謂

禮,未善也。」敬,知及之,仁能守之,莊以涖之,動之不以之,知及之,仁能守之,不莊以涖之,則民不之,知及之,仁能守之,不莊以涖之,則民不子曰:「知及之,仁不能守之,雖得之,必失

學乎?

致曉如此云。

盛,徒有中而忽乎外者,以語莊涖無由矣,之學也。「知及之」者,擇乎中庸是也。知及之及,非知也,把持之守,非仁也。知及之及,非知也,把持之守,非仁也。意想也,我以聽人意,一個人人,其不必能服膺弗失耳。非君子之學,知之真,守之固,大而化之,斯君子之學,知之真,守之固,大而化之,斯君子之學,知之真,守之固,大而化之,斯

後已,盛德大業,一以貫之,其斯以爲全認天理,本諸身,徵諸庶民,必要乎盡善而之學哉? 故君子從「仁守」以後,隨處體民自至於中,不可得也,則亦豈得爲盡善民自至於中,不可得也,則亦豈得爲盡善則亦無以作民敬矣。非存神過化、上下同則亦無以作民敬矣。非存神過化、上下同

則知仁是一物,理是一物,如何打合得?」是仁守。纔守得,便須顯微無間,體用一是仁守。纔守得,便須顯微無間,體用一定所守者,守此也。」程子曰:「仁也者,仁之所守者,守此也。」程子曰:「仁也者,仁之所守者,守此也。」程子曰:「仁也者,仍事?」又曰:「知之才,不知所及者,及此也,仁之所守者,守此也。」程子曰:「仁也者,所守者,不知所及者,及此也,仁之所守者,守此也。」程子曰:「仁也者,便是知,常常覺去,便知仁並進。纔有覺,便是知,常常覺去,便知仁並進。纔有覺,便是知,常常覺去,便知仁並進。纔有覺,便是知,常常覺去,便

下。 禮 也。 敬德在我猶有間隔 者 所爲聲色之於化民,末也,烏乎善? 敬 動猶「至誠動物」之動。 而已矣。 以 處,未能盡人物之性 此治身,即以 動不以禮 此 動 則 天

不可大受,而可小知也。」子曰:「君子不可小知,而可大受也, 小人

子曰:「民之於仁也,甚於水火。水火,吾見乎小,則入乎大。此君子小人之分也。霍,規規乎小已。出乎大,則入乎小,出從道德起經濟,則所受者大,從才技出揮

然以生生爲生,仁能死人乎? 故曰:「民固生於水火而有時而死,若蹈之而死者。則起死回生,莫仁若矣。以生爲生,則人不人,不人則不生。仁則生,雖死而生,然至切於民生乎,而仁尤甚,何也? 不仁則此甚醒人以仁也。仁者,人也。即水火雖此甚醒人以仁也。仁者,人也。即水火雖

之於仁也,甚於水火。」

蹈水火而死,言終身託於水火而死也

子曰:「當仁不讓於師。」

當仁不讓於師,只是極當仁之量,不聽人之門,未嘗以當仁之事遜於夫子。」旨哉!曰:「言學便以道爲事,言人便以聖爲志,曰:「言學便以道爲事,言人便以聖爲志,類淵曰:「舜何人也? 予何人也? 有爲

獨占地步也。

子曰:「君子貞而不諒。」

蹈而

死者矣,未見蹈仁而死者也。」

「貞而不諒」,其君子守道之至乎!常。諒則執一不通,爲有我之私而已。智,智者貞之藴也,故知是知非而不失其四時之貞也,言天道貞於終也。於人則爲

不徒曰任事而曰「敬其事」,一乃心也,何子曰:「事君,敬其事而後其食。」

之謂 乎

子曰:「有教無類。」

者。 答問者,有私淑艾者,又有不屑之教誨 有如時雨化之者,有成德者,有達材者,有 物之自取則然。天地無心也,聖教亦然。 殊,而天地生物之心初無揀擇,栽培傾覆 有教無類,分明天地氣象。 其無類也夫! 其辨類也夫! 善惡之類 也 雖

子曰:「道不同,不相爲謀。」 道一而已,一則無弗同。不同者,非我之 何哉? 異於彼而彼之有異於我也。 勝,若冰炭之不相爲用也。 伸其是,而異端且自執其迷,兩相角 起藩籬,吾儒與異端之名始立。吾儒方獨 辨,毋使以異爲同,相謀而蝕 雖然,爲吾道謀者,姑力持同異之 君子其如 大同之中,忽 猶庶幾乎 以 異端 求

> 韓愈曰:「孔子必能用墨子,墨子必 孔子。」此見不到 處,遺衣大顛,畢竟惑 能 用

其説

子曰:「辭達 而已矣。」

《易》曰:「修辭立其誠,所以居業也。」可

與達矣。

斯。」師冕出。子張問曰:「與師言之道 師冕見,及階,子曰: 與?」子曰:「然。 「席也。」皆坐,子告之曰:「某在斯,某在 子曰:「吾無行 生焉,天何言哉 也。」又曰:「天何言哉? 蔡監西場竹木,爲諸生講「子見齊衰者」及 爲獨窺其微矣。 看。」故子張問曰:「與師言之道與?」可 師冕見」章,曰:「一部《論語》只如 固相師之道也。」 !」此與師言意也。 而不與二三子者,是 只此是道,便只此是學。 「階也。」及席,子曰: 四時行焉,百物 謝 ff. 此 H

449

論語學案四

衛靈公第十五

語 學 案

一〇六

誤。 者化」。上「所見真」,亦添「者」字。 然,所見大。一作「夫子行道於天地萬物之間,所過 覆 道也」。言非有我之所得私也。 身,所見真, 子張實 曰「然」,而又申之曰:是道也,「固 ,地無私載,日月無私照,其一有「惟」字, 聖人之道 認得來,不是鑿 乎! 夫子求道於天地萬物之固 子張求道於夫子之 空疑問者,故夫子 一部《論語》, 天無 相 師 之 私

正合如此看

之道。 如一作「知」。此是道,便知不如此非道。 相師之道,便知子臣弟友一作「人倫日用」。 相師之道不是舊格子,聖人仍作舊格看。 知

季氏第十六

季氏將伐顓臾。 冉有、季路見於孔子,曰:

德以 焉用彼相矣? 伐爲?」冉有曰:「夫子欲之,吾二臣者皆不 憂不在顓臾,而在蕭牆之内也。」 無寡,安無傾。夫如是,故遠人不服,則修文 而患不均,不患貧而患不安。蓋均無貧,和 而必爲之辭。丘也聞:有國有家者,不患寡 孫憂。」孔子曰:「求! 夫顓臾,固而近於費。 龜玉毀於櫝中,是誰之過與?」冉有曰:「今 就列,不能者止。」危而不持,顛而不扶,則將 欲也。」孔子曰:「求! 周任有言曰:「陳力 主,且在邦域之中矣,是社稷之臣也。 不能守也,而謀動干戈於邦内。吾恐季孫之 夫子,遠人不服而不能來也,邦分崩離 乃爾是過與? 季氏將有事 來之。 既來之,則安之。今由與求也 於顓臾。」孔子曰: 且爾言過矣。虎兕出於柙, 夫顓臾,昔者先王以爲 今不取,後世必爲子 君子疾夫舍曰欲之, 求 何以 析而 東 無

稷之臣。季氏何以伐爲哉? 二子者獨不 賊,必先治其黨而後爲惡者孤 置季氏而先斥二子,始終一辭。春秋討 必誅。故夫子因二子之見而力誅之,又姑 季氏將伐 子孫憂」之説。 既曰欲之矣,又舍曰欲之 之惡,爾實成之,是誰之過與? 此也,爾實有匡救之責而莫之舉,則季氏 欲之也」,則如「陳力就列」之謂何? 能矢大義而折其邪心乎? **奥,固先王之封國也,而且附庸於魯,稱社** 矣。「丘也」以下,又發明利害以破子孫憂 疾之。摘發至此,如秦鏡照膽,邪謀畢見 無迴避處,於是辭窮而遁,遂有「後世必爲 之説,因坐二子誤國之罪,而討罪之義 餘藴矣。 而必爲之辭,支吾輾轉,欲蓋彌彰,故聖人 顓臾,是無魯也,亦無王 君十而臣 一,均也。 然且曰「夫子 均則和 直令冉求 也。 也,將則 不特 夫 17; 顓

> 則安。 大矣! 誤季氏者,二子也。故曰:「求! 牆之禍耳,可爲忠於所事哉? 均,而徒從曳其君以干戈之事,祇以 之相夫子也,以服遠則無德,以安内則不 内治既修,何患遠人之不服哉? 今由、求 證,如老吏入獄,一字不可平反。令聞者 感動,卒寢顓臾之伐。 聖人有功於宗國 義之不可伐,而又深切利害之情,愈駁愈 是過與?」是役也,聖人力攻二子,既聲大 均故無 貧,和 故無 寡,安 然則 (故無 無乃 始終 速 傾。 爾

不議。」
不議。」
不議。」
不表之,陪臣執國命,三世希不失矣。天下有道,則政不在大夫。天下有道,則庶人不失矣,陪臣執國命,三世希不失矣。天下不矣。院臣執國命,三世希不失矣。天下不道,則禮樂征伐自居子子不議。」

矣。 先王治天下,有五 也。 出,禮樂征伐亂於雜出,而清議自庶 春秋,而自諸侯出,又自大夫出,又自陪 統一宇内,故係子於天,謂之天子。 尤!」嗚呼,其唯聖人乎! 也,不識不力,人也。天乎? 可反。識其重,而亟反之可也。反之,力 天子。」此宇宙升降之大機也。 人,而天下復治。 無所歸則散,而庶人且將挈其權以歸之 天下勢而已矣。勢有輕重也,極重而 此極亂之徵也。 識不早也,力不易也。 故曰:「得乎丘民 禮、六樂、八征 權出於下則亂,亂 力而不競,天 周子 人也,何 九 降 İ 吅 人 伐 出 不 爲 而 臣 及 以

世、四世之及,修短異也。勢極重則必反,禄去公室,則政在「在」一作「逮」。大夫。五夫,四世矣。故夫三桓之子孫,微矣。」孔子曰:「禄之去公室,五世矣。政逮於大

故云。 陽貨專政,已執桓子,爲三桓浸微之漸,在今日乎? 理有固然,無足怪者。是時五世希不失矣。然則三桓子孫之微也,宜

而無聞見之實者,皆損友也。辟則不直,善柔則不諒,便佞謂口給禦人聞,三者皆益友也,即得其一而益矣。便直友最益人,其次莫若諒,又其次莫若多

遊,樂晏樂,損矣。」樂道人之善,樂多賢友,益矣。樂驕樂,樂佚孔子曰:「益者三樂,損者三樂。樂節禮樂,

者,好樂之情是也。或動焉以天,益之幾介已判然矣。其油然而生、飇然而莫制君子之學,察之性情隱微之地,而聖狂之

乎此而 也。 樂佚遊,樂晏樂」是也。三益者,發乎情, 流露於物我之間者,無念非上達也,故益。 也,「樂節禮樂,樂道人之善,樂多賢友」是 欲於將萌,則學問之功思過半矣。 縱敗禮,無念非下達也,故損。 學者深察 而驕,或氣偷而佚,或神溺而晏,欲敗度, 三損者,任其情之所發而不知簡,或氣盈 自滿假,津津然道人之善,且友人之賢,其 止乎理,履中蹈和,有自然之節焉,而又不 必慎其獨也。 其 動焉以人,損者之幾也,「樂驕樂, 致力焉,於以存天理之本然,遏人 故君子

三者所樂在此,則所憂在彼。

損矣。滿,樂不可極。」三益之謂與? 反是則《禮》曰:「敖不可長,欲不可縱,志不可

益者之樂,從憂勤惕厲中來,故與損者相

艮《學樂歌》曰:「學即樂,樂即學。」其損居。好樂無荒,良士瞿瞿。」三益有焉。王反。《蟋蟀》之詩曰:「無已太康,職思其

顏色而言,謂之瞽。」言,謂之躁,言及之而不言,謂之隱,未見孔子曰.「侍於君子有三愆.言未及之而

乎 ?

益乎?

君子慎諸

子之言,祇以水投石而已矣。失之默。三愆隨之,雖日侍君子,日奉君也。身處函丈而心不在焉,或失之語,或三愆,蓋儆學者洗心惕慮以爲受教之地

學問。數,遷善改過,從此處得力,便是喫要數,遷善改過,從此處得力,便是喫要纔一啓口,得三愆。推此多少般,不可勝

及之而不言,謂之隱,未見顏色而言,謂之言,失言,言未及之而言,謂之躁,言可與言而不與之言,失人,不可與言而與

之瞽:教學皆失也。諺云:「盲棋對

瞎著。」

鬭,及其老也,血氣既衰,戒之在得。」 戒之在色,及其壯也,血氣方剛,戒之在孔子曰:「君子有三戒:少之時血氣未定,

聖人之言。小人不知天命而不畏也,狎大君明追欲、消融血氣之累而已。血氣有盛存理遏欲、消融血氣之累而已。血氣有盛,而此心隨時而受役焉。少則中於色,未有已也,故君子戒之。防乎其防,求之不墮坑塹中,當是如何力量? 學者思之。和子曰:「君子有三畏:畏天命,畏大人,畏利之。」

人也。

也。君子知天命之在我,而敢弗畏乎?畏即敬之所發也。畏天命,畏其命我者無不畏者,君子之心法,三畏其大端也。

人,侮聖人之言。」

矣哉! 是大人,畏其型我者也,畏聖人之言,畏 是大人,畏其型我者也。畏刑人之动也。 是,一畏也。若小人安知有天命哉? 小
事其大夫之賢者,友其士之仁者,即畏大

性之知,則有生而完具之。從容中道,聖未嘗無知也。上焉者,其唯生知乎? 德其有不知者,物蔽之也,甚焉則困矣,然而人生而有知矣,自聖人以至於塗人,一也。

君子學之爲貴。 君子學之爲貴。 君子學之爲貴。 是以其次也。及其知之,一學而知也。學學知之學,「人一己百,人十學不知也。學學知之學,「人一己百,人十己一是也,是又其次也。及其知之,一之,一是也,是又其次也。雖困,可之知,「擇善固執」是也,故次也。雖困,可人也。其有不知者,可學而知也。學生知人也。其有不知者,可學而知也。學生知

難,見得思義。」思温,貌思恭,言思忠,事思敬,疑思問,忿思思温,貌思恭,言思忠,事思敬,疑思問,忿思孔子曰:「君子有九思:視思明,聽思聰,色

戒、三德舉其綱,九思盡其變矣。行鬼神也。吾道一貫,而三省、三畏、三終,而天下之能事畢矣。此所以成變化而終,而天下之能事畢矣。此所以成變化而道生於一,天之數也。天體圓,徑一而圍道生於一,天之數也。天體圓,徑一而圍

「九思」者,君子檢身克已之功,無所不至,

克己之全,三者進學之要。前六思實而可據,後三思虚而易忘。六者

分殊。」

<u>=</u>

見其人矣,吾聞 孔子曰: 以達其道: 思 ,終見得 見 善善 是學問 吾聞其語矣,未見其人也。」 如不 其 語 .路頭,徹首徹尾 及, 矣。 見不善如 隱居以求其志,行 探 之道 吾

行義 之大人不能與於斯矣。 有有 乃關世道隆污之運,聖人之所感深哉 皆聖人之所願見 求其志,行義以達其道。」非乎? 見不善如探湯。」非乎? 於修己而終於用世,乃潛見則異致。 好善惡惡之誠,即求志達道之藴也。 見之幸,固足寄斯道之輕重,而所未見, 施,堯舜君民直於吾身親見之,則非 命之間粹 達道 體 而 一,自伊 如 未 有 也。 其用者,繕修之密,身心性 が、周 也,而有見、有未 語有之:「見善如不及, 而後: 語有之: 若夫本窮養爲達 絶響矣。 「隱居 斯二者 有宋 見,所 學始 士固 命世 諸 以

儒

,差足當之。

然隱而未見,行而未成,以

《禮》,又聞君子之遠其子也。

語 能達 於王,茫茫萬古,可勝惜哉 孟既不遇,而蕭、曹、王、魏之倫終不能 達 也, 道 ,無當焉。 有其 · 時,無其道 然則 有其道 不不 能 無 達也。 其 八時,不 孔

其斯之謂與! 伯夷、叔齊餓於首陽之下,民到於今稱之。齊景公有馬千駟,死之日,民無德而稱焉。

《禮》,無以立。」鯉退而學《禮》。 《詩》乎?」對曰:『未也。』「不學《詩》,無以 陳亢 陳亢問 庭,曰:「學《禮》乎?」對 曰:「未也。 言。」鯉退而學《詩》。 之論。 齊景、夷、齊之論,即南宫适羿、奡、 退 於伯 圃 聖賢矯切世情如 喜 嘗獨 魚 日 曰:「子亦 一問 立, 他日又獨立 鯉 得 三: 趨 曰: 『未也。』 『不學 此 而 有 過 異 聞斯二者。」 庭,日 聞 聞 無鯉 《詩 乎? 趨 禹、 而 學 對 渦 稷

子所雅言,《詩》、《禮》之聞,豈自今之教,故若驚若慰以志喜,非實以聖人爲之教,故若驚若慰以志喜,非實以聖人爲之教,故若驚若慰以志喜,非實以聖人爲之教,故若驚若慰以志喜,非實以聖人爲之教,故若驚若慰以志喜,非實以聖人爲之教,故若驚若慰以志喜,非實以聖人爲己教,故若驚若慰以志喜,非實以聖人爲己教,故若驚若慰以志喜,非實以聖人爲己教,故若驚若慰以志喜,非實以聖人爲日乎?

而《禮》後。後來無人理會此教法,宜子禽《詩》方能開發性情爲進學之地,故《詩》先文而通其意。學問大段自《禮》人,然必學學《詩》者由歌詠而得其情,學《禮》者由節

擊節歎賞。

《麟趾》之思乎? 以解趾》之思乎? 以解趾》之思乎?

陽貨第十七

可謂仁乎?」曰:「不可。」「好從事而亟失「來! 予與爾言。」曰:「懷其實而迷其邦,時其亡也,而往拜之,遇諸塗。謂孔子曰:陽貨欲見孔子,孔子不見,歸孔子豚。孔子

不 時,可謂知乎?」曰:「不可。」「日月逝矣, 我與。」孔子曰:「諾。 孔子見陽貨與見師冕,同一化工一作「天德 吾將仕矣。」 歲

聖人處陽貨問答,皆是至誠中流出,絶無 流行」。之妙。

之矣,及云「日月逝矣,歲不我與」,分明打 矩方圓之至」。不仁、不知之説,既據理而答 矯飾避忌之情,自合所過者化。 一作「自是規 知天下之終不可仕? 動聖人心事,故直應聲而赴之曰「吾將仕 以自決其憂天憫人之懷而已。甚矣,貨之 當是時,寧復知貨之不可仕? 又寧 念日月之如斯,姑

子曰:「甚矣! 吾衰也。久矣! 吾不復

感時

念仕,祇增聖人太息而已。

言得我心也! 其如道之終不可行哉!

佛肸 夢見周公。」却被陽貨道破來。 召則欲往,公山弗擾召則欲往,陽貨

大習

若云佛肸、公山可往,此必不可仕,真是 下云「隨觸而見,不必實事可爲,亦不必後念相續」。 見則曰仕,皆是當下意,更没下梢。 方知聖人天地萬物一體 血 脈。 一作「之懷」, 知此,

説夢。 孔子不見,只是守道之心。

觀《孟子》證

「入不見諸侯」事可見。

子曰:「性相近也,習相遠也。」 字。 此孔門第一微言,爲萬世論性之宗。「性 千萬而無算,聖賢、庸愚判若天壤矣。此 任其所習而往,或相倍蓰,或相什百,或相 若一作「便」。 者? 一作「日相近」。但人生既有氣質,此性 以後氣質用事雜糅不齊之中,指點一有「出 相近」猶云相同,言性善也。聖人就有生 豈性之故也哉! 一作「有曰習相遠」句。 粹然之體,此無嗇,彼無豐,夫何間然 囿於氣質之中。 氣習用事,各

乎 ? 則遠者復歸於近,即習即性,性體著矣。 雖不能不岐於遠,然苟知其遠而亟反之, 處? 且所爲「近」,果善乎? 了,難説相近是一尺,相遠是尋丈。 些子不得。今説「習相遠」,亦只差些子便 之間,差之毫釐,謬以千里矣。此箇 量只是一箇。若是仿彿相違,便是利與善 故曰「夫道,一而已矣」。千萬人千萬世較 爲遠。」此「近」之説也。兩下只作一處看 此章性解紛紛,只是模一「近」字。 子言性只言近,孟子方言善、言一。 只爲 説惡則惡是一箇,如説無善無惡則近在何 惡便是天淵,豈有善惡總在一處者? 人面孔相像,畢竟種種不同,安得爲近? 執柯以伐柯,其則不遠。 睨而視之,猶以 善只是一箇,惡亦只是一箇,有善有 蓋孔夫子分明説性善也。 惡乎? 善惡渾 説者謂孔 語云: 如兩 争差 如

> 子曰:「惟上知與下愚不移。」 明,故謂孔子言性是氣質之性,孟子言性 質就習上看,不就性上看。 點義理者,非氣質即爲性也。清濁厚薄 是氣質,如何扯著性? 是義理一作「理義」。之性。 氣質之性、義理之性分析後,便令性學不 判别兩項分明若此。曰「相近」云者,就兩 是以習言性也。聖人正恐人混習於性,故 同,是氣質一定之分,爲習所從出者。 有善、有不善之説,至荀卿直曰「惡」,楊子 有無善、無不善,可以爲善、可以爲不善, 人尋性善相同也。後人「不相近」之説,始 曰「善惡混」,種種濫觴,極矣。 性是就 愚謂: 以氣質言性 氣質 氣質還他 (中指

也。中材之士,習於善則善,習於惡則惡。狂之路矣。然習固聽人所移,非一定之權此章承上文而言。「習相遠」,即盡天下聖

惡,皆不可移,則氣質若有囿之久矣。雖惟上知者生而習於善,下愚者生而習於

復有上知下愚,而謂上知、下愚皆不待習性只是一性,習只是一習,非「相近」之外然,習也,有性焉,君子不謂習也。愚按:

道則易使也。三子曰:「二三子! 偃之言是也聞諸夫子曰:「君子學道則愛人,小人學曰:「割雞焉用牛刀?」子游對曰:「昔者偃子之武城,聞弦歌之聲。 夫子莞爾而笑,也,如此則三品之説也。

也。

前言戲之耳。」

圍之中,而愛敬聯爲一體,和氣溢於兩間舉而措之道者也。君子小人皆在斯道範則愛人,小人學道則易使」,言武城之治,未喻其意者,爰述所聞而對曰「君子學道夫喻其意者,爰述所聞而對曰「君子學道武城有弦歌之風,教化達矣。 大道而小試武城有弦歌之風,教化達矣。 大道而小試

道之所該者廣,而禮樂其大端也。耳」,志喜也。若子游,可爲不負所學矣。理矣,非徒言之,實允蹈之。「前言戲之矣。曰「二三子! 偃之言是也」,達於治

吾其爲東周乎!」曰:「夫召我者,而豈徒哉? 如有用我者,曰:「夫召我者,而豈徒哉? 如有用我者,曰:「末之也已,何必公山氏之之也。」子公山弗擾以費畔,召,子欲往。子路不説,

門者。 費,是以陪臣執國命,而託於强公室、弱私 魯自季桓子據費,公室遂衰。 矣。 乃謂聖人實欲借以行道,則墮於子路之見 若赴焉,己不自知,而人亦不得 子路不説,正謂公山之往,必難行道也。 聖人不必計道之行不行,而先卜人之用不 用,故視公山一召若非徒然者。當時止因 聞召欲往者,一時感動之心若迫焉, 然亂臣賊子豈足與有爲? 而説 時公山 而 喻也。 畔 者

周乎! 是吾不爲,第卜諸用我者何如,又安知公 廢興,聖人真以爲分内事,爲是吾爲,不爲 用我 費事 山之召非其機也哉? 此聖人所以欣然欲 挽東周復於文、武、成、康之舊也。 蓋東周 矣,聖人豈一日忘東周之業? 爲之云者, 天下第無用我耳,如有用我者,吾其 耳,意者亦吾道大行之機乎? ,感動聖心,故漫作癡想,謂公山 周道之衰也,平王東遷,下陵上替 夫 今 庶能 爲 東

有功,惠則足以使人。」惠。恭則不侮,寬則得衆,信則人任焉,敏則下,爲仁矣。」請問之。曰:「恭,寬,信,敏,子張問仁於孔子。孔子曰:「能行五者於天子。也也。

心,而得行之之脈一作「物」。焉,一下有「日五也。有不行,則生者息矣。君子求仁於吾仁者,此心之生。理無不生也,則無不行

作民孚,非信,無以作民勞,非敏; 作民敬,非恭, 矣。五者在吾心,即其在天下者也。 者,五者何」六字。恭、寬、信、敏、惠是 五者於天下,實有是五者之分量,則心體 作民順,非惠。 心常運於天下,如川流之不息 無以 有一於此,非行也。 作民懷,非寬; ,則仁 也。 能行 無 無 無 體 此 以 以 得 以

下,是工夫。 行五者於天下,是本體,能行五者於天

得矣,仁矣。

欠缺,即及於天下,亦迹而不神矣。理。一作「心自心,理自理」。則於此圓滿,於彼若借五者爲推行之具,便須心是心,理是心能生,五者一齊俱到,故從行處見五者。

嘗復行也。知不行,則知行矣。」 張子曰:「顏子有不善未嘗不知,知之未

佛肸召,子欲往。子路曰:「昔者由也聞諸

哉? 焉能繫而不食?」
磷,不曰白乎? 涅而不緇。吾豈匏瓜也曰:「然。有是言也。不曰堅乎,磨而不也。」佛肸以中牟畔,子之往也,如之何?」子夫子曰:「親於其身爲不善者,君子不入

乎 ? 道也。 此者。 也哉? 當時欲往之心一作「不能自己之心」,誤。有如 止,與時乘而我不與焉,故曰:「吾豈 方將用天下而不爲天下用,尚何磨涅之病 不人,良恐其磷且緇耳。 能踰也。故曰:「然。有是言也。」言有是 不善不入,士君子守身之常法,雖聖 如是則安往而不自得哉? 雖然,亦恃我有以自信而已。不善 焉能 繫 而不食?」此聖人自狀出 若堅白自信者, 可行可 一匏瓜 入不

化機之自然,其要歸於不可磨涅而已。不聖人體道之至,動無轍迹,流行坎止,一乘

氏敗,陽貨脱甲,如公宫,取實玉大弓以

氏,叔仲不得志於魯,故五人因陽貨謀作 父與陽氏戰於南門之内,又戰於棘下。 陽貨劫公與武叔以伐孟氏。成宰公斂處 執季氏於蒲圃而殺之。季氏適出孟 叔孫氏、己更孟氏、遂執季桓子。 亂,欲去三桓,以季寤更季氏,以叔孫輒 擾皆不得志於季氏,叔孫輒無寵於叔 按:《春秋》定公八年,季寤、公鉏、公山 敲出究竟學問,非謂佛肸之召必可往也。 食? 易無體也。聖人就不善不入中,推 堅不磷,白不緇,神無方也,焉能繫而 心,無一切法。 人反求在我,超然物表,恁地 繫之道,即是堅白之道。 何可往也! 不曰「然。有是言」乎? 不善不人之道。 然則佛肸可往乎? 但子路拘滯在形迹中,聖 堅白之道,即是 活潑,無一切 壬辰,將 孫氏 曰: 陽 弗 更 孫 不

出,入於讙陽關,以叛。九年夏,陽貨歸寶 子及齊師復圍郈,侯犯出奔齊,乃致郈。 孔子相,齊人來,歸鄆、讙、龜陰田。 秋,叔 十年春,及齊平。夏,公會齊侯於夾谷。 後二年春,仲由爲季氏宰,將墮三都。於 正侯犯以郈叛,武叔、懿子圍郈,弗克。二 孫武叔憾公若藐,使爲郈宰,殺之郈。馬 玉大弓,奔齊,又奔宋,遂奔晉適趙氏 氏之宫,登武子之臺。費人攻之,弗克,人 是叔孫氏墮郈。季氏將墮費,公山不狃、 及公側。仲尼命申句須、樂頎下伐之,費 叔孫輒帥費人以襲魯。公與三子入於季 成,齊人必至於北門。且成,孟氏保障也。 遂墮費。將墮成,公斂處父謂孟孫:「墮 人北,國人三追之,敗諸姑蔑。二子奔齊, 冬十二月,公圍成,弗克。 無成,無孟氏也。子僞不知,我將不墮。」

又按"《史記・世家》"定公九年庚子,孔又按"《史記・世家》"定公九年庚子,孔子年五十一,公山不狃以費畔季氏,召,夫子你往而卒不行。定公以孔子爲中都宰,一年,四方則之,遂爲司空,又爲大司寇。一年,四方則之,遂爲司空,又爲大司寇。十月,相定公,會齊侯於夾谷,齊人歸魯侵地。十二年,使仲由爲季氏宰,墮三都,收期甲兵。孟氏不肯墮成,圍之,不克。十期國政三月,魯國大治。齊人歸李氏,孔子行。

二都,而終不墮一成,蓋亦事異勢殊也。 召而欲往。及孔子仕魯爲司寇,乃因三桓 召而欲往。及孔子仕魯爲司寇,乃因三桓 以墮三都。侯犯之叛,叛叔孫,非叛魯也。 以墮三都。侯犯之叛,叛叔孫,非叛魯也。 以墮三都。侯犯之叛,叛叔孫,非叛魯也。

也。 終不及墮成者何也? 始焉方欲往公山 往,必有待於司寇之用。 勢逆,其名不正,枉尺直尋,故夫子卒不 以墮費而還之公室,因以及於郈、成,但其 \equiv 我之路乎? 爲魯司寇矣,又何以召而欲往? 疑公山之叛即謂帥 權固不可預設也。後人未考經傳本末,或 魯,又因三桓以去陪臣,總之欲强公室耳。 於魯則期月也。 周之業爲之兆矣,始知聖言不我誣也。然 都之墮,正是欲往之心爲東周第 使孔子果赴公山之召,則固可借 乘釁蹈瑕而 師襲魯之日,則孔子既 既墮三都,而 動,既用事於 豈有用 一義 公山 東

學,其蔽也賊,好直不好學,其蔽也絞, 好也愚,好知不好學,其蔽也蕩,好信不好「未也。」「居! 吾語女。 好仁不好學,其蔽子曰:「由也,女聞六言六蔽矣乎?」對曰:

勇不好學,其蔽也亂,好剛不好學,其蔽

也

狂

程子曰:「大凡有題目事,易合。」然則仁、 爲六言,而六蔽隨之,謂其在假 勇而 矣,得此理於知而不蕩矣,得此理於信 求吾心之理而得之也,得此理於仁 矣。六言,一學也。學,一理 弊,以語聞道則未也。故君子學焉 性得於偶近,而用意持循容有過中失正之 知、信、直、勇、剛皆有題目事,故聖人題之 於道也幾矣 之有? 六蔽不生,即六言亦屬强名之,其 不賊矣,得此理於直而不絞矣,得此理於 一不亂矣,得此理於剛而不狂矣,何蔽 也。 合也。資 好學者 一而不愚 而已 而

五事。一事。一事。一事。一時、一時、<

之事君,多識於鳥獸草木之名。」興,可以觀,可以群,可以怨。邇之事父,遠呼曰:「小子! 何莫學夫《詩》?《詩》可以 |

之皆備,又安往而非興起之餘事哉? 故 獸草木之名,則窮物理之當然,而得吾心 皆反觀之地,無非得之於興者。多識於鳥 皆反觀之也。可群,可怨,事父,事君, 也。可群,可怨,事父,事君, 以傳《詩》第一義。而觀者因吾興之

也與?」人而不爲《周南》、《召南》,其猶正牆面而立人而不爲《周南》、《召南》、《召南》矣乎?

曰:「小子何莫學夫《詩》?」

曰:「自天子以至於庶人,壹是皆以修身下之道在是矣。此《大學》之教也。傳君子得之以修身,而教於家,則治國平天《詩》不可不學,而其要則二《南》盡之矣。

者亦若是而已矣。 以肅肅雍雍之德刑于寡妻、被於南國、裕以肅肅雍雍之德刑于寡妻、被於南國、裕以肅肅雍雍之德刑于寡妻、被於南國、裕以,有人。 君子求端於二《南》,而先王為不。」身不修則家不可得而齊,雖閨門之

云,鐘鼓云乎哉?」子曰:「禮云禮云,玉帛云乎哉? 樂云樂

在人思而得之。 常云乎哉? 樂云樂云,非鐘鼓云乎哉?以得禮樂之謂矣。雖然,禮云禮云,非玉鼓,而鐘鼓非樂也。因文而達其意,亦可鼓,而鐘鼓非樂也。因文而達其意,亦可

之盜也與?」 子曰:「色厲而内荏,譬諸小人,●其猶穿窬

● 「諸」,原誤作「之」,今據四庫本及《論語》通行本改。

也與? 狀如揭肺肝,覷破 色厲 不齒之。故君子作德,誠之謂貴。 人之尤乎! 内 其善匿 荏,方泰 比諸 丽 然 時 畏人知,一也。 小人 自 以 不值半錢,雖 中,其猶穿窬之盜 爲 君子 矣, 此等情 小 無 人亦 乃 小

子曰:「鄉原,德之賊也。」

得,必爲鄉愿。

盡厭 道而僞焉者。其託迹近於中庸,最足以當 風而靡,其害至於子弒父、臣弒君 之以爲便,小人託之以文奸,人心世教 爲愿人也,則亦題之爲「鄉愿」而已矣。曰 下後世。所爲一鄉皆稱愿人,無所往而 鄉人之好,而其閹然媚世之情,尤令賢 之蔽如此 德之賊」者,自有鄉愿之學術,而 鄉原」之名,自孔子始立。 ,故其謹愿之稱始於鄉人,終述於 也。 其爲德之賊爲何如哉? 蓋指學 蓋 而 流 聖人之 僞 有 俗 愚 學 所 從 趨 不 天

> 學之品 古來 學君子不得,必爲 入聖,繆巧無窮,只是鄉人伎倆 汙世中來,固是一作「不離」。 本色,雖出 無 此名 必曰「鄉愿」者,爲他起手從流 目, 自 聖人 色厲内荏, 學聖人不 題 破, 包盡 古 今僞 神 俗

不厲,内不荏,經幾多鍛鍊來方恰好。正 故中外兩般。 是竊盜有敗露時,鄉愿是盜狐白裘手也。 色厲内荏,正是鄉愿之流。 末句作「鄉原愈做,規模愈好,訖難窺其破綻」。 若「鄉愿」,是渾成 爲他· 未 一愿,外 熟 在

子曰:「鄙夫可 子曰:「道聽 然則 道聽塗説者,學事 雖有天理之存焉者寡矣,非自棄其德乎? 不勝其誇誕之情也。 畜德乃在默 而塗説,德之棄也。」 與事 而成之,不言而信者乎! 口耳,隨所聞 君也與哉? 此其精神漏 而 其未得之 洩 騰 説之, 無餘

已矣。」

所不至矣。」 也,患得之; 既得之,患失之。 苟患失之, 無

鄙夫只是鄉人之庸庸者,本無大破壞處

只富貴一念割不下,便當無所不至。 殊不知其爲必至之情也。 只是鄙夫,後來是大奸大惡,若出兩截人, 若謂鄙夫不可 初然

辭 而 曰 「與哉」,其旨嚴矣。

與事君,初然亦信不及。故聖人始自疑其

聖人窮奸邪之禍,而止以鄙夫概之,欲人 鄙夫正後世所謂「好人」便是,何必陋惡?

主辨奸於微 也

鄉原、鄙夫,皆是聖人題畫出其情狀,亦甚

不相遠。

子曰:「古之民有三疾,今也或是之亡也。 之矜也忿戾, 古之愚也直,今之愚也詐而 古之狂也肆,今之狂也蕩,古之矜也廉,今

> 惡利口之覆邦家者。」 子曰:「惡紫之奪朱也,惡鄭聲之亂雅樂也 偏 人 古人之疾而今或亡之哉? 今之人非無古 而天地之性未嘗不呈露於氣質之中,識其 廉, 愚則多木訥之意,故爲直。三疾, 古 任其質之所溺 人之疾也,而重壞於習染之私,知誘物化 或之,疑之也,欲人反而自叩其有亡也。 非 人蓋嘗因之以人道矣。今也狂流而蕩矣, 者次於中行,故爲肆; 已失其真。蓋疾猶是也而症已非矣。 詐矣,非直也。 肆也,矜流 而善反之,古之人所以盡性也,何至以 生不能 無 氣質之偏,已爲所性之累矣。 而忿戾矣,非 而不知反,回視最初 名存而真亡,故「或之」。 矜亦狷之流,故爲 ·廉也; 愚流而 面 狂

天下蓋有以邪而奸正者,若紫奪朱、鄭聲 亂雅樂是也。 此猶其小者。 國家摇亂,

是 覆亡之,猶反掌耳,可畏哉! 主之心爲其所中而不自覺,能令天下之大 紫奪朱、鄭聲之亂雅然。 三者之足惡,蓋亦鮮矣。 深惡而痛絶之也。惟仁者能惡人,其有知 人之情爲其所簧鼓 傾 陷 正 莫 如 利 而 口 不 其 自持,直舉人 極其禍,能 亂 正之勢, 是聖人 所以 令人 或 亦 而 猶

焉,百物生焉,天何言哉!」小子何述焉?」子曰:「天何言哉? 四時行子曰:「予欲無言。」子貢曰:「子如不言,則

> 天,復歸於無言,而非淪 卒歸 者述此而已。 有不言而言者矣,而猥欲以言述之,不幾 四 乎愈言而 原,顯微無間」者也。 時 於 百物,而 無言」 愈 海野! 然則道 非 而 滯 틴 於有 固 以 [有超於言者矣,又 至哉天乎 於無 無言之天,顯 以 : 所爲「體用 時行物 述道 生之 設

「體天地之化」,已剩一「體」字。」「非也。觀聖人則知天矣。」又曰:「言在。或曰:「觀天則知聖人矣。」程子曰:在。或曰:「觀天則知聖人矣。」程子曰:疾,以身證也。若言聖同天,更嫌比擬言,如此我云,非專爲立教説。「天何「予欲無言」,聖人分明一天矣。蓋學至於

證」。處。此聖人「知命」以後學「學」字一作「觀體拈

退而省其私,亦足以發。」周子曰:「「予此道惟顏子足以知之,故曰:「不違如愚。

不可見。發聖人之藴,教萬世無窮者,顔焉,天何言哉!」然則聖人之藴,微顔子殆欲無言」,「天何言哉? 四時行焉,百物生

之撰,故始終曰「天何言哉」。無言處正是道妙,四時行,百物生是無言

子也。聖同天,不亦深乎!」

蓋將學進於忘言,而以神道設教也。以有言之病道也,故慨然歎曰「欲無言」。子曰:「默而識之,何有於我?」聖人固自

母乎?」

取瑟而歌,使之聞之。孺悲欲見孔子,孔子辭以疾。將命者出户。

悲以不教,而平心和氣,不大聲色,其所以許師曰:「「取瑟而歌」一段氣象,雖拒孺

爲聖人與!」

穀既没,新穀既升,鑽燧改火,期可已矣。」子不爲禮,禮必壞,三年不爲樂,樂必崩。舊宰我問:「三年之喪,期已久矣。君子三年

喪,天下之通喪也。予也有三年之愛於其父子生三年,然後免於父母之懷。夫三年之財,聞樂不樂,居處不安,故不爲也。今女安甘,聞樂不樂,居處不安,故不爲也。今女安日,「食夫稻,衣夫錦,於女安乎?」曰:曰:「食夫稻,衣夫錦,於女安乎?」曰:

有所不安也。三年之喪,食旨不甘,聞樂以强世者也。求禮於玉帛周旋,求樂於鐘以强世者也。求禮於玉帛周旋,求樂於鐘。好齊,而是為一,而以寄追感之情而未能恝然變,人子蓋用以寄追感之情而未能恝然變,人子蓋用以寄追感之情而未能恝然一些。故聖人借予之身動予之心,而曰「食不。知要人借予之身動予之心,而曰「食不。知事人。求禮於玉帛周旋,求樂於鐘三年之喪,蓋體人子必至之心而爲之,非三年之喪,蓋體人子必至之心而爲之,非

乎 ? 也。 制禮 以竭罔極之報,其亦不仁之甚者矣! 親親,仁也。此不學而知、不慮而能之心 而欲其知所悔悟心而徐得其不安之實也。 不樂,居處不安,此亦仁人孝子必至之心 喪而見,夫子與之琴,和之而不和,彈之而 年之喪所以爲通喪也。然昔者子夏既除 書以手 相關處。 也有三年之愛於其父母乎」,直打到痛 也。「子生三年,然後免於父母之懷」,「予 和之而和,彈之而成聲,作而 而弗敢過也。」子張既除喪 不成聲,作而曰:「哀未忘也。 食稻衣錦,君子曰不仁而不可爲也,此三 予之不仁也,姑俟其既出而復責之, 而予獨安之,予獨爲之,予獨非人子 ,不敢不至焉。」夫禮,喪必三年。 足痿痺爲不仁,莫痿痺於此矣! 有三年之愛於其父母,而不思所 而見,與之琴, 曰 先王制禮 「先王 癢 賢

以明道者與?其食稻衣錦以爲安也。若宰予,抑亦屈己其食稻衣錦以爲安也。若宰予,抑亦屈己

有博弈者乎? 子曰:「飽食終日,無所用 者,曷不師智於博弈而通之? 心者矣。則是天下盡出博弈下也,●亦愚 雖賤而用心則已勤矣,爲之猶賢乎無所用 曰 人心不可無所用,無所用則昏昧放逸,惡 不肖之甚而已矣! 日長矣,況飽食終日,一 :「難矣哉! 爲之猶賢乎已。」 世不有博弈者乎?」博弈 然則君子之欲用其心 心,難矣哉 無 所 用 乎? 故 不

志於道也,如博弈之用其心,則幾矣。此博弈乎? 不專心致志則不得也。君子之泛用其心不可也,雜用其心不可也,其惟

❶ 「天」,原脱,今據四庫本補。

聖人所以醒人於博弈也與?

人心有全力,只是不肯用。用而不盡,與

不用同。

心」者,豈有所以爲乎? 事父母而竭其心無方所,用者亦無方所,而曰「無所用

力,事君而致其身。

程子曰:「某寫字時甚敬,只此便是學。」

可爲知所用心矣,推之無往不然。

爲上。君子有勇而無義,爲亂,小人有勇而子路曰:「君子尚勇乎?」子曰:「君子義以

無義,爲盜。」

也,盜則非勇也,然則「義以爲上」,其爲大義不存焉,則亦爲亂爲盜而已。亂則非勇曰「君子義以爲上」。使徒恃血氣之勇而非勇亦非義。聖人就勇之是處看是義,故縣到勇可不道。若見義不爲,義非我有,義者,勇之爲體也。義在是即勇在是,故

勇乎! 亂與盜,視真正英雄只在是非間。

學者辨之。

之别名也,非作亂爲盜之謂。人徒勇,必暴悍而不循分,故爲盜:皆惡君子徒勇,必縱恣而不循理,故爲亂,小

計以爲直者。」 平?」「惡徼以爲知者,惡不孫以爲勇者,惡無禮者,惡果敢而窒者。」曰:「賜也亦有惡惡稱人之惡者,惡居下流而訕上者,惡勇而子貢曰:「君子亦有惡乎?」子曰:「有惡:

於所爲稱人惡四者之惡不使得以加身矣。一破其假借之見,庶幾有拔去病根之意,必至之情也。惡惡,晰天理人欲之幾,而以至之情也。惡惡,晰天理人欲之幾,而真,且益肆其遂非長惡之習,蓋亦爲惡者德,何啻千里! 而析理不明,不免以似亂託之直乎? 不孫而託之勇乎? 以惡爲

不託於直,知、勇亦然。子賈之惡是申明上文,如凡下訕上者未有

此子貢之惡所以合於夫子也。

孫,遠之則怨。」 子曰:「唯女子與小人爲難養也。 近之則不

记券xxx。 反身正物之道。區區謀所以養之之術,鮮 女子小人難養,自古皆然。知此,便須得

矣。「年四十而見惡焉」,老大之悲乃在今君子十年而幼學,至四十而强仕,則其學成子曰:「年四十而見惡焉,其終也已。」

微子第十八

惜哉!

是以君子欲及時以勉學也。

日矣。

已矣乎,無可復爲也。

「其終也已」,

曰:「殷有三仁焉。」 微子去之,箕子爲之奴,比干諫而死。 孔子

仁,故聖人於三人,不曰忠而曰仁,所以表 之謂也。 此事親爲孝,以此事君即爲忠。 之,亦止謂之忠。 處,即道之至處,故曰「仁」。 是而已。一「而愛君」三句作「而心同」。心之盡 同,而愛君憂國之忱無纖芥可疑,各成 三人自靖自獻於先王,生死去就,行各不 稱孝之謂也,忠臣不必仁者,子文、荀 是孝子,即是忠臣。孝子不必仁者,宗族 仁可以該忠、孝、忠、孝未 忠之至也仁,一也。以 就其仁而 故仁人即 必 息 觀

之以奴,終諍之以死,無可復爲矣。 忠臣之極思也。 之誥》一篇可見,所爲同心報國也。 似商量熟慮,一作「極思共慮」。各就一 三人一節進一節做: 論,屈原之忠,忠而過。 「不忠」,而曰「未知,焉得仁」。蓋原 此,方見得三子之義凜然,方一作「色色」。 去。一下有「均之可以靖獻於先王」句。觀《微子 而國破君亡,亦可以自靖於先王矣。 無轉動。 處此際甚難,正是哭不得,笑不得,此策更 貞正志,又有一段委曲精誠出萬死一生, 合當死。去者非爲存宗祀,悟君之道始在 去。微子爲紂庶兄,分義當去。箕子艱 作「比干方效之以死、是末後極思底盡處」。 須知三子去合當去,奴合當奴,死 比干方纔撒一死,是臨了著數。 令尹子文忠矣,然不曰 始静之以去,繼静 觀過,斯知仁矣。 於此 若説 説至 件做 心之

不死,豈不有憾? 且聖賢生死在手,豈一而死,似未盡當時靖獻心事。 萬一俱死俱箕子偶然不撞著紂怒,故未死,比干不幸

作「何」。係於紂?

柳下惠爲士師,三黜。人曰:「子未可以去种下惠爲士師,三黜。人曰:「子未可以去好」曰:「直道而事人,何必去父母之邦?」 程道而事人,何必去父母之邦?」 程道而事人,何必去父母之邦?」 是禽亦然。惠不能枉道以求容,而姑棲遲 於父母之邦,猶有忠愛之意焉,然其如天於父母之邦,猶有忠愛之意焉,然其如天於父母之邦,猶有忠愛之意焉,然其如天此是油油不自失的面目,盎然想見其人。

季、孟之間待之。」曰:「吾老矣,不能用也。」齊景公待孔子,曰:「若季氏則吾不能,以

孔子行。

西不能,姑以季、孟之間待之乎?」又曰: 岳不能,姑以季、孟之間待之乎?」又曰: 是不能,姑以季、孟之間待之乎?」又曰: 是不能,如真,不能用也。」同是一時商量語,以行也。記者不載晏嬰之沮有由矣。此孔子所以行也。記者不載晏嬰沮孔子之事,而專以行也。記者不載好別,而且不能於用賢者,主道不斷之意者,開與一個人。記者不載晏嬰之沮有由矣。此孔子所以者出處,總誤一「待」字。「吾老矣,不能用也」,言但恐終不能用孔子也,亦自謙之

辭,非果不用也。

公。然定公已制於齊人,卒爲季桓子所悮既志事於齊人,又歸罪於季桓,若魯無定

大者也。 以女樂一事爲孔子行案,誠識聖人出處之不至,存委曲之情,而事實坐此,故記者直矣,聖人能行道乎? 聖人去魯,本以膰肉而不克自主。「三日不朝」,魯之爲魯可知

無可爲之兆,則進退之義可一言決耳! 失,如孟子所爲「王猶足用爲善」是也。總 至,然後念絶。一作「義無可留」。即出畫心事 曰尚有可爲,姑爲弗聞而安之。及膰 有可去,必俟膰肉,一作「猶然遷延於膰肉之至」。 旦有女樂之歸,一有「諫静匡救都無所施」句。義 不得已處。孔子方得志於攝相之日,而一 於去齊、衛則不然,固是去他國之道,亦尚 是夢寐東周心事割不 子去國之情不忍恝然,卒不欲暴其君父之 或問"「孔子去魯若何?」曰:此孔子最 般,孟子所爲「以微罪行」者,正以 · 断處。 一作「放不下」。 肉 示 不

長沮、桀溺耦而耕。孔子過之,使子路問津欲與之言。趨而辟之,不得與之言。烟而辟之,不得與之言。何德之衰? 往者不可諫,來者猶可追。已楚狂接輿歌而過孔子,曰:「鳳兮! 鳳兮!

易也。」

易也。」

易也。」

易也。」

多濟粹而裁

子子進之

是知津矣。」問於架溺。架溺曰:「爲孔與?」曰:「爲仲由。」曰:「是魯孔丘之士也,與?」曰:「是魯孔丘之徒與?」曰:「是魯孔丘之徒。」曰:「是魯孔丘與?」曰:「是魯孔丘之徒。」曰:「是魯孔丘與?」曰:「是魯孔丘之徒為之。與?」對曰:「然。」曰:「爲四神矣。」問於架溺。桀溺曰:「子爲后。夫子憮然曰:「鳥獸不可與同群,吾非為治之。」曰:「爲孔為心。」

子路從而後,遇丈人,以杖荷蓧。子路問

論語學案四

微子第十八

言有道而隱者也。夫子周流楚蔡之間,不下,欲與之言」,其屬意當最切。沮、溺多下,欲與之言」,其屬意當最切。沮、溺多下,欲與之言,其屬意當最切。沮、溺多下,欲與之言,其屬意當最切。沮、溺多下,欲與之言,其屬意當最切。沮、溺多三人言論風旨,大略一轍。而楚狂衰鳳之三人言論風旨,大略一轍。而楚狂衰鳳之

千載而 得 以孔子之聖貶數君子也。 而 吾道 遇 不可爲不遇矣。 下 時 主 仰 乃 其風 就 節,雖 塵 埃中物色數君子,使 夫春秋之世,固不 數君子之幸乎 ţ

知所言者何事?」,亦是鏡中看花,未原旨曰:「『欲與之言』,亦是鏡中看花,未

今日之滔滔,非丘與易之而誰與之易「與」應上「與」字、「丘」應上「誰」字。然則子反之曰:「天下有道,丘不與易也。」易之者? 謂世道至此必不可易也,故夫「而誰與易之」,言天下皆亂,誰可以化而

聖人憮然數語,是盡傾肝膈處。「辟人」謂避此適彼,屑屑於去就也。

義,尚矣」,使人人高不仕之節,此義不終未得聖人憂天憫人之情意。 蓋曰「君臣有子路憾丈人意,專就二子之見上來,故尚

矣。言中倫,行中慮,其斯 夷、叔齊與!」謂:「柳下惠、少連,降志辱身 惠、少連。 逸民:伯夷、 則異於是,無可無不可。」 「虞仲、夷逸,隱居放言,身中清,廢中權。 我 廢乎? 幼之節且不可廢,而況君臣之義哉! **仕爲行道計** 潔其身,而亂大倫」,若丈人之見亦惑矣。 周流税駕而不容已也,丈人獨何心哉 矣」,其如此義之不可廢何? 此君子所以 君子之仕也,正藉以行君臣之義也,非 子曰:「不降其志,不辱其 夫君臣之於長幼,孰輕孰重? 叔齊、虞仲、夷逸、朱張、柳 也。若「道之不行,已知之 圃 已矣。」謂: (身,伯 「欲 以

齊抗節於首陽,清而不晦,柳下、少連伸曰:「逸民者,天民之不遇乎時也。如夷、不繁情於泉石,翩然人寰之表者也。許師民以「逸」稱,蓋身隱而道超,不受世氛,亦

無

滯於器矣。惟聖人全體周流,神無方而易 言,而學不盡性,卒未融其有我之見,有所 之逸既如斯,則降志辱身非其真矣, 其在 黄者。於惠、連,曰「如斯而已」者,言二子 行外觀清權,所謂得其天機,遺其牝牡驪 圍之中。以下故就身志外觀言行,又就言 以身志爲綱,以夷、齊爲案,而數子皆在範 權,而獨行君子之概也。 隱居放言,有輕世肆志之意焉。 降且辱矣,而言行合道,卓乎操履之純矣。 光,尚矣。降志辱身者,心與迹判,若擬於 矣。」不降不辱者,心迹俱超道,與日月 道於三點,和 可即有所不可,心有所向而行局於隅、道 身者,此其所以爲逸也。然則數子皆以逸 夷逸、朱張,可知數子皆不降其志、不辱其 ,何可不可之有? 而不 流 皆越隱 總之,逸民之行, 所謂聖人之時者 君子一等 中清中 争 也。 也。 用 終自附於七人之後,其所感者深乎

内,此道之所以集大成也。 夷、齊範圍之内,而七子又在聖 也,其異於逸民者有如此。 聖人敘逸 然則 人範 數子固在 1 圍之 民 而

問:「伯夷聖之清,柳下惠聖之和,聖則大 此道中本無清、和相。 乎?」曰:如伯夷之清而後可爲聖之清 者,亦惟要其理之是而已,亦何病於中道 物,柳下惠與人之寬,而介且不易於三 觀之,迥然不相及而成其可不可之見矣。 如柳下惠之和而後可爲聖之和,即二子而 公,則亦未始非偏至之行,而所爲可不可 而化之矣。如伯夷惡惡之嚴,而量 倫,彝也,秩也。慮者,思之精,慮善以 事而得之。 凡言「中」者,皆從容中其道也 廢中權者,自放以爲高而適道之權 清、和之名,從氣質 三旦容 動

待,無往而非可不可之見矣。 成心,即有岐見,一彼一此,胸中若相 是假象,如鏡中花,隨感起滅。 如不屑就不屑去,豈得無成心在? 在 可 和、不可即在清,只各就清 不 可之病,非謂 可在 清、不 可 可不可,正 和 即 中見 在 纔有 和 出。 對 可

是「從心所欲,不踰矩」也。我有如此者。此聖人自名狀最真切處,只聖人未嘗謂七子皆有可不可,但言我之爲

因其不可而不可,所以能無可無不可。惟聖人方認得可不可最真。因其可而可,

聖人之至,無聲無臭,至矣。

德輶如毛,毛猶有倫」,尚

病

可不可

在。

陽、擊磬襄入於海。缺適秦,鼓方叔入於河,播鼗武人於漢,少師太師摯適齊,亞飯干適楚,三飯繚適蔡,四飯

太師諸人以賢者隱於樂工,已非其志矣,

得王道致治之要矣。

紀綱法度,舉而措

惜人才

也

四者皆自君子至仁中流出

機乎? 此。 亂之風,思欲舉其職而不可,不去何爲? 歌《雍》舞佾,禮樂廢墜久矣。諸賢目擊僭 況 虚,八士興而 意是役也,其在孔子去魯之後,故 魯事 蓋自是魯國虚無人矣。 日 非 ,其君舞《大夏》,設 周 熾,其世道消長之大 三仁去 兩觀 附記 ,其臣 而 殷 於

敘勳庸 其所以 魯?」曰:「親親 按"周公之封於魯也,太公問"「何以 國脈,藹然有一體充周而無間之氣象,此 也 稱 隆與? 敬大臣,重 而尚賢。」聖人以仁厚培 親親,睦 一股肱 九族 也,量 也, 任使, 眷舊, 治

周有八士:伯達、伯适、仲突、仲忽、叔夜、叔 夏、季隨、季騧。

狂、沮、溺之流,既長往而不返, 大師、少 至聖之栖栖,而宇宙升降之機決矣。楚 春秋而降,天地閉,賢人隱。諸君子觀 逸諸人,獨不能媲美八士乎? 才之用舍, 足係一代之興,則周能用之,周能有之也。 士者,思盛王也。夫八士之生,際周之盛, 師而下,又去國而罔顧,尚可爲邪? 記八 鐸者」乎? 係世道之隆汙,信矣! 不然,春秋大聖人而下,如沮、溺、丈人遺 而不能有大聖人者,曰「天將以夫子爲木 雖然,周能有八士 於

子張第十九

子張曰:「士見危致命,見得思義,祭思敬,

論語學案四

子張第十九

喪思哀,其可已矣。」

利關。 學問只有生死一關爲究竟地,尋常只有義 箇「見危致命」,便是究竟學問。 生死即義利之大者。子張劈頭説 而繼之以

也。喪、祭二端,又就民生切近之理,密證 有錯過義利關,而能判然於生死之分者 「見得思義」,正見其平時所致力處。 人未

遠人以爲道者。士之操修,於此窺其大 其躬行,以見其精神無不盡處,而卒未嘗

誠,只此數言可立萬世儒矩。 今必以爲出 矣,故曰「其可已矣」。子張晚年進學最

《子張》一篇,皆賢人之學所階以希聖希天 者。學者欲求觀於夫子之道,必自此人, 於子張而病之,亦未知爲學之要者矣。

於子夏之徒始。

焉能爲無?」 子張曰:「執德不弘,信道不篤,焉能爲有?

三五

之也。 弘; 則不篤。 弘 道 浮沈墮落,恒必由之,曰焉能爲有無,鄙 途,而支離之守、恍惚之見無當於學矣。 不極所性之全,而守一得以 ,信道者必貴篤,君子所以交致其功也 體 道不證在我之實,而恃虚 無 窮 若而人者,雖日從事 **而** 得之則爲德。 故執德者必 自封,則不 見以爲 於道德之 是, 貴

信不真處。 所執如此,所信亦如此。 一察自矜,正是執德不弘,信道不篤,兩者之病相爲表裏。

故 謂 必信必果,總爲 世有一項學問,儘 叩其中,不過循途守轍,未嘗實見得然,所 「執德不弘,信道不篤」也。 此正是半上 焉能 學 不得 爲 一種意 有,焉能爲 有踐履,只是拘於所執 翌人 見所纏 地 位 無。」此子張 猶 無 爲不學。 開 拓 處

自道。

何其拒人也?」 何其拒人也?」 人何所不容? 我之不賢與,人將拒我,如之 賢而容衆,嘉善而矜不能。我之大賢與,於 者拒之。」」子張曰:「異乎吾所聞:君子尊 者更之。」」子張曰:「明者與之,其不可 子夏之門人問交於子張。子張曰:「子夏云

賢以見「拒」之一字果無用處,故總承之曰 之訓是也。 觀之始得 上事,如下學者當以子夏爲正。 下之益,乃所以成大賢也。又合我之賢不 交之地,畛别分明 之量無窮盡,賢與愚、衆與不能 子夏論交,自是交道之常,如聖人嚴損 如之何其拒人也」。子張 但損益未嘗無辨,而 而付與各當,無往 所見是大賢以 ,皆君 學者合而 君子取 非 子 善 論 善 益

子夏言不可非。但庸衆之類,但存一拒人

索居之病,所以悵悵於投杖也與!之心,將視天下之可與者亦寡矣。此離群

子夏曰:「雖小道,必有可觀者焉。致遠恐

就,是以君子不爲也。」 一,而未嘗以小病大也。」 就,是以君子不爲也。君子學務其大,謂即大以該 一事一物之濟而已,何致遠之能? 是以 一事一物之濟而已,何致遠之能。 大者自 一事一物之濟而已,何致遠之能。 大者自 一事一物之濟而已,何致遠之能。 大者自 一事一物之濟而已,何致遠之能。 一事一物之濟而已, 一事一物之濟而已, 一事一物之濟而已, 一事一物之濟而已, 一事一物之濟而已, 一事一物之濟而已, 一事一物之濟而。

好學也已矣。」子夏曰:「日知其所亡,月無忘其所能,可謂

至積月之久而終不忘也。所謂「學如不日有知之,既知之則拳拳服膺而弗失之,君子之於道也,日進而無疆。其所亡者既

及,猶恐失之」者,此真能好學者矣。倘玩及,猶恐失之」者,此真能好學者矣。倘玩因目而知之,日日而有之。日日而知之,日日而知之,日日而有之。日日而知之,日日而知之,明是天德,可矣。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。即爲月之能,知其所亡,方得葆其所能。

體便槁。

能,一能也,而愈能愈熟。日知之知,一知也,而愈知愈明,月能之君子之學,心學也。知者知此,能者能此。問:「所知何事?」曰:須知所學何事。

中矣。」

章「學以致道」之意。

章「學以致道」之意。

章「學以致道」之意。

章「學以致道」之意。

章「學以致道」之意。

章「學以致道」之意。

章「學以致道」之意。

章「學以致道」之意。

既聖矣。必待熟而後仁也。學而不厭,則仁安矣,必待熟而後仁也。學而不厭,則仁安矣,學問工夫切近處,正是仁。非心存於此,

極處。

博學是博文工夫,篤志、切問、近思是約禮

工夫。

子夏曰:「百工居肆以成其事,君子學以致

其道。」

勿助長也」,所以致道也。所以成事也。「必有事焉而勿正,心勿忘,謂自得之也。百工居肆則必有事,必有事道不可强致,善學者莫之致而至之也,所

學也。 未有不學而致於道者。不致於道,非

子夏曰:「小人之過也必文。」

矣,便是同雲密布,掩盡陽光,此心陷溺之見是過也。「小人之過也必文」,則不可見君子之過,如日月之食,過也人皆見之,真

曰:一認錯,便無由濟惡。故計出於此。問:「何故不肯認錯?」文過時,已明知自家不是處,却不肯認錯,過不可文,而其遷就回護之心則文也。

子夏曰:「君子有三變:望之儼然,即之也

温,聽其言也厲。」

知其所以然,故曰「變」。若儼變爲温,温「望之儼然,即之也温,聽其言也厲」,皆莫君子有三變,神明而時出之,君子豹變也。

「信而後勞其民」,「信而後諫」,至誠而不厲己也。信而後諫,未信則以爲謗己也。」子夏曰:「君子信而後勞其民,未信則以爲

變爲厲,非變也。

過可

也。

諫主,果謗也。人各有心,其可愚乎?能動矣。夫不信以勞民,果厲也,不信以動者,未之有也。厲己、謗己,則不誠未有

也。子夏之言,蓋爲不能三年之喪而緦小効力於大者,則小者或出或人間,可弗論踰閑」者,守道之嚴,不踰尺寸也。人苟能大德如生死利害,關係綱常名教處。「不子夏曰:「大德不踰閑,小德出入可也。」

功之察者訓。

就偶未善,亦無害其爲忠,如屈原之忠而如申生之恭可也。忠的大段是,即語默去段是,即晨昏小節偶未善,亦無害其爲孝,小德,只就大德中細細推勘出,如孝的大

卒者,其惟聖人乎!」 區以别矣。君子之道,焉可誣也? 有始有 之道,孰先傳焉? 孰後倦焉? 譬諸草木, 何?」子夏聞之曰:「噫! 言游過矣。君子 之道,孰先傳焉? 孰後倦焉? 譬諸草木, 不者,其惟聖人乎!」

但以洒掃、應對、進退之節當之,非謂其善人,而本原性命之地容有未及者。故子游子夏篤信謹守,其教人多由規矩節目中竟子夏勝。要之,可相合而未可相非。師、商論交,畢竟子張勝。游、夏論教,畢

區别。 之 ? 末也,而 事於誣罔乎? 若夫會道器於一原,即 之方,不能無病,故子夏從而過之。子夏 論,亦學者所喫緊,但質之聖門循循善誘 皆疑辭,疑其逐末而遺本也。子游探本之 逐末而遺本也。故曰「抑」,曰「如之何」, 者,但欲子夏即末探本也。子夏之解,謂 子游亦見得洒掃、應對、進退便是形而 進退而進之,亦可馴至乎聖人之域矣。 之學,而無合下證聖之理,由洒掃、應對、 責之門人小子乎? 君子未嘗限人以聖人 即終,神而明之,則聖人而後能之,豈可 無成法,亦無成心,但生質不一,如草木之 意謂: 君子教人之道,執何者爲先 洒 執何者爲後而倦之? 或先或後,初 然君子之道,豈可强其所未至而 應 有本焉。 對、進 退 曰「無本」云者,正恐其 也。 洒 掃、 應對 進 而 退 上 概 始 從 傳

> 先一 此。 本末 俟其學將有得而後及之,若曾子以之示門 其躐等之心、玄遠之見而已,非誣而 中逐節磨鍊,使之收拾放心,變化氣質,用 之教,子夏之見是循循善誘處。 乎人,何嘗執有成法? 所謂成德達材、時 仁,性與天道不可得而聞,如一貫之呼,必 子夏所見,最得聖門教法。聖人罕言命 力之久,有涣然融會處,便是知本也。 人,便須道「忠恕而已矣」。 雨之化然也。合而觀之,子游之見即博約 齊説破本末,彼實未有承當處,徒重 固 自學知、困 是 體 勉以下,只可就事 然 須 聖 人 便 淺深上下各因 合 下 事 理 何? 會 與 物 到

道。慎獨工夫便做在此處。
洒掃、應對、進退,須是誠心中流出方是本末只一物,大小只一物,恁地剖析不得。

始終無定名,總是本末一致之意,然精粗

大小皆在其中。

捐了。有始有卒,正是無始無卒,并本末相盡

這一 法。 朱子譏子 這箇直截道理,聖人那裏教人步步做上 他纔見了便發顛狂,豈肯下來做? 之見,而子静不免以有始有卒之聖盡概門 教法如此。」愚按:朱子譏子静,分明子夏 去?」又朱子門人嘗過子静,且言師門教 而下學,與聖人下學上達都不相似。 人小子也。學者辨之。 子静爲誦「天尊地卑」一章,曰:「某 箇物事了,方下來做工夫,却是 静曰: 「他之説,却是使人先 然説 若 上 有 達 見

不以仕廢也,故「仕而優則學」。 仕亦不以仕學一理也,亦一事也。 通爲一事,則學子夏曰:「仕而優則學,學而優則仕。」

不相妨而相爲用,處爲真儒,出爲名世矣。魁騖之見,況學焉以干禄乎? 蓋學者兩者,皆純心之學也。當官而理學問,祇屬學妨也,故「學而優則仕」。其必優而後及

子游曰:「喪,致乎哀而止。」

無窮,而於禮可無憾矣。致乎哀者,自致其心也。止者,孝子之心子游病末世喪禮不情,故以致哀垂訓之。

可己,從事於闇然之學則仁矣。所謂如此為人所,以德行言曰「爲即此而反躬之病,正坐難能中。堂堂氣象,望而知其之病,正坐難能中。堂堂氣象,望而知其之病,正坐難能中。堂堂氣象,望而知其未仁矣。以德行言曰「爲難能」以氣象言未仁矣。以德行言曰「爲難能」,以氣象言,未仁」,曰「難與並爲仁」,執知其之病,正坐難能也,然而未仁。」

是病,便知不如此是藥也。此二賢忠告善

道處。

必也親喪乎!」曾子曰:「吾聞諸夫子:人未有自致者也,

則良心之在我者,亦可以擴而充之矣。之性於此盡呈,雖欲不致,不可得也。然之童,無不知愛其親者,及親之喪,則孩提之強,則不能致矣。「必也親喪乎」,孩提也。人皆有是心,然而奪於情識利害攻取也。人皆有是心,然而奪於情識利害攻取

能也。」 他可能也。其不改父之臣與父之政,是難曾子曰:「吾聞諸夫子: 孟莊子之孝也,其

處,故曰「難能」,非謂他事可能而此獨不與父政,可謂善繼志述事矣。此孝道之大自諸侯而大夫,一也。孟莊子之不改父臣此蓋爲有家者訓孝也。聖人以孝治天下,

可能也。

「上失其道,民散久矣。如得其情,則哀矜而孟氏使陽膚爲士師,問於曾子。曾子曰:

春秋之世,先王撫治天下之道,不復勿喜。」

也,而可以明察自喜乎? 哀矜勿喜者,豈問失。民散者,民心皆瓦解而不屬於上席、朱干玉舞,其臣歌《雍》舞佾,而教之之席、朱干玉舞,其臣歌《雍》舞佾,而教之之席、朱干玉舞,其臣歌《雍》舞佾,而教之之时,是正遗而民無固志矣。失道者,如作丘一之遺而民無固志矣。失道者,如作丘

以救世亂也。然則亂國煩刑,非重其散

乎? 秦、隋可鑒也。

君子惡居下流,天下之惡皆歸焉。」子貢曰:「紂之不善,不如是之甚也。是以

古今誅不善者,莫如商紂。紂之不善,宜古今誅不善者,莫如商紂。紂之不善,更自處於不善也,「是以君子惡居下流,天下自處於不善也,「是以君子惡居下流,天下自處於不善也,「是以君子惡居下流,天下自處於不善也,「是以君子惡居下流,天下

子貢曰:「君子之過也,如日月之食焉:過矣。後之視今,亦猶今之視昔也。悲夫!惡,未至爲紂之甚也。」則紂亦有可原者惡,未至爲紂之甚也。」則紂亦有可原者惡,未至爲紂之甚也。」則紂亦有可原者惡,未至爲紂之甚,而且自寬曰:「我之暴慈」者,欲人謹惡於微而杜下流之勢也。

也,人皆見之,更也,人皆仰之。」

期,君子隨過隨改,不遠之,復似之。 理之窮,不能無過,如天道陰陽有沴戾而 事光明磊落,絕無一毫掩蔽之情。 與仰,總以見君子改過之意,無不在 日月薄蝕者然。 睫間,若昭昭乎揭日月而行者。 同耳。 還明有待,而君子之改過無待,纔待則不 見後方更也。皆仰則復其初矣。日月之 流行處,非必以見且仰徵君子之改過也。 取於日月之食者,只言其有過必改之情 成改矣。即過,即見,即改,一時事。 君子之過,如日月之食」者何? 「過也,人皆見之」,便是改過下手處,非既 日月食而 後明,限 此正天理 君子心 偶值情 其 有 人眉 其見 刻

化。如周公使兄,孔子諱君,非過也。過出於無心,只是昏,一昏即覺,一覺即

二四三

焉。夫子焉不學? 而亦何常師之有?」大者,不賢者識其小者,莫不有文、武之道曰:「文、武之道未墜於地,在人。賢者識其衛公孫朝問於子貢,曰:「仲尼焉學?」子貢

野者是,師在是,何常之有? 雖謂能自得別之見,不足以盡道,而道未嘗不在是。神之見,不足以盡道,而道未嘗不在是。神之見,不足以盡道,而道未嘗不在是。神大非小,無小非大,無大無小非一貫矣。神學在是,師在是,何常之有? 雖謂能自滯於大聖人之道得統於文、武,固非區區滯於大聖人之道得統於文、武,固非區區滯於大

大小之原,正是文王之德之純。就此實一而學之,則聖人之學亦窮於識矣。 苟不知所學何事,頓令大小兼舉,如説一

叔

孫

武叔語大夫於朝,曰:「子貢賢於仲

末由也已,苟得其門而入,更無宗廟之美

證

是一貫處。

宜乎!」 電子服景伯以告子貢。夫子之云,不亦 是富。得其門者或寡矣。夫子之云,不亦 過數仞,不得其門而入,不見宗廟之美、百官 是文章。子服景伯以告子貢。子貢曰:「譬之宫

造道 當程 也。 宫牆之譬,總見賜之造道 坐井觀天。 者非但不見宗廟百官,并數仞之牆,亦是 之大而 使顯然有及肩、數仞之懸絕可見,便 量分明,望宫牆而小天下矣。 難測之意,非以 門喻外、宫喻中 淺 而 易窺,夫子 然則 璺

不知量

加

何

喻宗 寬裕温柔足以有容也,發强剛毅足以有執 惟天下至聖,爲能聰明睿知足以 也 ,齊莊中正足以有敬也,文理密察足以 廟之美、百官之富,所性分定故也。 有臨也,

叔 絶 尼不可毁也。 也, 仲尼, 日月也, 無得 孫 宗廟之美、百官之富,和一處看。 ,其何傷於日 有别也,可 武 叔毁仲尼。 謂美且富矣。 他人之賢者,丘陵也,猶 月乎? 子貢曰 多見其不 而踰焉。 「無以 知量也 人雖欲 爲也 可 , 仲 自 踰

語學案四

子張第十九

言不 傷 日月喻其至高,高 於日 知 量度淺深也。 月之明 也。 不 量,量度 可 不可踰 踰, 雖 也。 而欲踰之,非 欲自絶,終無 不 知量

之照臨如故,而人又烏容自絶爲乎? 之,自絶之而卒無傷於日月之明,則 所以爲大也。 無甚罪,終納之照臨之下而已。 見其不知量也。 日月無 私 照臨 ,日月未嘗絶 罪過儘重,自聖人看來亦 人而 此日月之 人 自 日 月 絶

489

爲不知,言不可不慎也。 子乎?」子貢曰:「君子一言以爲知,一言以 陳子禽謂子貢曰:「子爲恭也,仲尼豈 及也!」 和 謂立之斯立,道之斯行,綏之斯來,動之斯 猶天之不可階而 」, 其 生也榮,其死也哀。 升也。 夫子之得邦家者,所 夫子之不可及也, 如之何其 賢於

兀 五

可

「「維天之命,於穆不已」,蓋曰天之所以爲不既深乎! 善乎,子思子推言之也,曰:化,超然聲色之表,亦若是而已。聖同天,焉,百物生焉,天何言哉!」 夫子存神過而已。子不云乎:「天何言哉? 四時行夫子之不可及也。聖不可知之謂神,一天

賢於堯舜處。味「所謂」二字可見。點浮雲過太虚耳,被子貢等閒説過,便是子其堯舜乎? 曰:夫子觀堯舜事業,一事業,想見其配天之化有如此者。然則夫夫子之道,不必得邦家而見,只借得邦家

天也。」嗚呼至矣!

了得當下一念。聖人視三年、必世、千萬世,只了得當下一念,極之千萬世,亦只但事功有待而立達之心無待,極之三年必天下,有許多措置施爲,難得當下便了。「斯」字只是誠動於此,機通於彼。聖人治

世,只在片晌呼吸間。

言孔子「聖之時」,亦近之矣。 樂以忘憂,不知老之將至」云爾。如孟子處,不如其自鳴曰「其爲人也,發憤忘食,據之天,可謂至矣。然實未見得聖人親切子貢推尊夫子,一擬之宮牆,再擬之日月,

明,及爾出王,昊天曰旦,及爾游衍」天不可階,求天於吾心而階在。「昊天曰

堯日第二十

是也。

心 皇后 執其 堯曰:「咨! 禹。曰:「予小子履,敢用玄牡,敢昭告於皇 中。 朕躬有罪,無以萬方,萬方有罪,罪在 帝:有罪不敢 四海 爾舜! 困 窮,天禄永終。」舜亦 赦。 天之曆數在 帝臣不蔽,簡 爾 躬。 以 在 帝 命

食、喪、祭。寬則得衆,信則民任焉,敏則有世,舉逸民,天下之民歸心焉。所重: 民、法度,修廢官,四方之政行焉。興滅國,繼絶如仁人。百姓有過,在予一人。」謹權量,審朕躬。」周有大賚,善人是富。「雖有周親,不

聖外王,於斯爲至矣。終之以夫子之論政,又推本君子之學。 内第二十篇歷敘堯、舜、禹、湯、文、武之傳而

功,公則説。

《中庸》,遂權輿於此云。明之。孔子之道不外一「中」,後來子思作《論語》未嘗言「中」,而惟於二十篇之末以

命,爲萬世開道統,亦準諸此而已矣。聖中而已矣。聖人爲天地立心,爲生民立實不落方所,其在道體亦然。渾然至善,中」,其旨嚴矣。中之爲義,從方所得名而堯授舜,言「祈天永命」之道,而推本於「執

説工夫,其要歸於從容中道,所謂「誠者天 爲對越之本,如執圭之執。然又曰「允執」 中」也。中而曰執者,對天之曆數言,則中 人立天命人心之極,而修道以立教者,更 器,形而上者謂之道。」人心易溺,故惟 非淪於把捉,所謂「誠之者人之道也」,盡 微而心不墮有無,求執中之功於精一而執 執厥中。」求中於心而中非外物,求心於危 之道」也。 至舜以命禹,闡「執中」之旨 聖人憑空拈出「中」字,不説心,不説事,不 者,昭其信也。 無偏倚之私、過不及之弊,所爲「允執其 毫末,故曰:「心,一也。 形而下者謂之 心學大矣。然增十二字於四字之上,不加 人所以合天也。虞廷十六字有功於萬世 曰:「人心惟危,道心惟微,惟精惟一,允 危,道心難著,故惟微。 允執其中,中斯無失矣。 道、器原不相離

一四八

端,隱然有上畏天命、下憫人窮之意。只 按"朱子「中以事言」。 愚謂:離心無事, 也。「寬則得衆,信則民任,敏則有功,公 觀之,一理不具,非中也,一物不該,非中 此便是堯舜真血脈,便是執中無方。 武,亦一而已矣。《湯誥》、《周書》舉其大 以命禹,則禹以是傳之湯,湯以是傳之文、 妙,無往而非中矣。「事心」一段,一作「由精與一 之,則人心道心妙合無間,而心性流行之 心雜揉處正患不精,不精便不一,精而 析人心道心之幾,而一則以致其精也。兩 事心之功不盡,乃其要只在精與一。精以 始盡。所以更聖賢千言萬語,闡發無盡 危者合於微而危,微者合於危而微,兩物 則説」,其帝王一中之化乎! 而中之用全」。 一件,合人與道言心,而心之妙始見,其藴 此虞廷授受心法也。 觀舜亦 合而

命,何所不至乎? 其得統於堯舜「執中」無以萬方,萬方有罪,罪在朕躬」,顧諟明德」,故總承之曰「簡在帝心。朕躬有罪,浸既伐桀,告諸侯之詞「天討有罪,天命有一篇精神綰結,只一「亦」字。

之傳,以此

「百姓有過,在予一人」,則孟津之舉,凡以親,不如仁人。」固見仁人之無敵矣。曰首句又舉其伐紂誓師之詞曰:「雖有周宙皆春,爲周家第一大政,故首揭之意重。

乎? 大也。 時修 曰:「四方之政行焉。」興滅、繼絶、舉逸, 無官者,且未及《周官》分職之事,只是 之宜,「修廢官」,謂有官而無職、有職 者,以達於下也,「審法度」,謂損 望者,端在此矣。 正,翕然更始,如下所云,所以慰百姓之懸 爲百姓已耳,豈徒恃仁人之助以 何 其規爲政事之善而已。在堯、舜、禹、湯, 餘力然,方是天地之心,帝王之德,非徒以 而一人之德澤在天下矣。 重民三事,所以厚民生,正民德之本,至此 人心仰望莫切於此,故天下之民歸心焉。 一面反商政,救安天下,若拯溺救焚、不遑 曾 飾官常而已。 舉 及其克商之後,立政 於此見武王鼎革之際,一面除殘 事 來? 「謹權量」,先謹 凡此皆行政之本,故 此王道之所以 安民 利 撥 益 其 天 亂 沿 在 下 革 反 爲 而 官

「堯曰」一章,文不屬,事不符,零碎掇來,「堯曰」一章,文不屬,事不符,零碎掇來,「堯曰」一章,文不屬,事不符,零碎掇來,「堯曰」一章,文不屬,事不符,零碎掇來,

然人望 **貪**? 民之所利而利之,斯不亦惠而不費乎? 猛。」子張曰:「何謂惠而不費?」子曰:「因 費、勞而不怨、欲而不貪、泰而不驕,威而 張曰:「何謂五美?」子曰:「君子惠而 子曰:「尊五美,屏四惡,斯可以從政矣。」子 子張問於孔子曰:「何如 泰而不驕乎? 君子正其衣冠,尊其瞻視,儼 可勞而勞之,又誰 君子無衆寡、無小大、無敢慢、斯不 而畏之,斯不亦威而 怨? 欲仁而得仁,又焉 新可 不 以從政矣?」 猛乎?」子張 不 亦 不

之與人也,出納之吝,謂之有司。」虐,不戒視成謂之暴,慢令致期謂之賊,猶曰:「何謂四惡?」子曰:「不教而殺謂之

敢慢 已,所謂「欲仁得仁」、「欲而不貪」也。仁 萬物得所,絕不從驩虞起見。故首舉「不 則無一物之不體,無一事之不貫,便是「無 得勿恤,日轉 者以佚道使之,而默動其終事之情,何怨 費」之惠,至於「勞民」之政,最易斂怨。 純王之政。王道規模宏遠,如天覆地載 出於伯便是惡,一尊一屏方是純王之心, 美」者,後儒言王道如精金美玉是也。 逸豫病天下乎? 之有? 合之,見殺之不怨、利之不庸氣 夫子告子張問政,統帝王之道也。 曰「五 由是而窺王者之心,方淡然無營,失 蓋嚴密之極爲安舒,何至以 一元之生意於於穆之表 故「泰而不驕」。在心爲 、驕侈 而

猛。 成、慢令之期、有司之出納而已。總之從 其心不過欲罔民以就其功利之私 以惡歸之? 只是伯者先詐力而後仁義 是柔惡」,竊未然。四者總是不仁之惡,與 故曰「惡」。或言「上三政是剛惡,下一政 出納則爲有司。有一於此,皆治之賊也, 則爲虐,在作事則爲暴,在出令則爲賊,在 苛迫近小氣象,分明畫出一伯道: 在立教 貫。合之見王道之全矣。「四惡」總是 者過化存神之妙,雖平鋪 視,恭己之象也。 刑罰上起念便是暴,從期會上起念便是虐 上文相反。然伯者信賞罰,謹教令,如何 教犁然只是文具,誠是不教之殺、不戒之 無敢慢」,在貌即爲莊涖。 自政説到心,又自心説到貌,且見 德威惟畏,故「威 五事而 正衣冠,尊瞻 ,就他條 血 脈 丽 自

與賊,從出納上起念便是有司,故歸之伯

曰:「仲尼祖三皇,宗五帝,考三王,孫五萬世之太平,商確治道,莫備於此。邵子者。夫子承堯、舜、禹、湯、文、武之後,開

以立也,不知言,無以知人也。」子曰:「不知命,無以爲君子也,不知禮,無

伯,於此可見。」嗚呼,至矣!

品 憨乎? 哲,由己及物之道在其中矣。 有鑒别之 之介,故知命者又必約之以知禮而始真, 日强」是也。人心敬肆之端,即天命存亡 禮。敬則卓然,故曰「立」。《記》曰「莊敬 筦於人心則「敬」而已矣。 無不敬之謂 萬世之學則矣。 命,無以爲君子也。」可謂互相發明於天下 知而不愠,不亦君子乎?」又曰:「不知 而不悔,乃證上達天德之詣,故曰:「人不 時,進退存亡,不失其正,至於遯世不見知 「五十而知天命」,故能仕止久速,各適其 所以立命也。」知之則立之矣。孔子自言 夜之道而知」是也,又何利害窮通得喪之 由立而進之則幾矣。然君子之學,固 禮儀三百,威儀三千」,皆天所秩也。其 一己之言而不足與通之天下者,知人則 故曰:「夭壽不貳,修身以俟之, 禮,即是命之有常者。 非區 知

以成己而德造其成,其斯以爲君子乎!大端乎! 知言以知人而學窺其大,合人口致、通教學於一原也。而非知言,又胡口致、通教學於一原也。而非知言,又胡明,而後有曲成之仁,君子所以合明親於明,而後有曲成之仁,君子所以合明親於

論 語 説 義

〔清〕宋翔鳳 周鋒利 甘祥滿

> 校點 撰

	~ •		
			·

先進 顔淵	*************************************	論語說義五 七六	述而 泰伯 六四	論語説義四 六四	公冶長 雍也 四九	論語説義三 四九	八佾 里仁 一五	論語説義二 一五	學而 爲政	論語說義 · · · · · · · · · · · · · · · · · · ·	論語説義序 一				目録	
										表十	陽貨 微子 一一六	論語説義九 一一六	衛靈公 季氏 ······················· 一〇四	論語説義八 ○四	子路 憲問 九三	論語説義七 九三



藏國家圖書館。(二)清光緒十四年(一八八八)南

菁書院刻王先謙所輯《皇清經解續編》本。 兩個版

間(一八二一—一八六一)《浮溪精舍叢書》刻本,現

《論語説義》現存兩個版本:(一)清道光咸豐

校點説明

言(詳見《自序》),其論多引《春秋》公羊家之説。 等,是清代常州學派的代表人物之一。其學得乃舅 等,是清代常州學派的代表人物之一。其學得乃舅 法,微言大義。著有《論語説義》、《論語鄭注》、《周 易考異》、《大學古義説》、《小爾雅訓纂》、《過庭録》 等。《清史稿·儒林傳》有傳。所著《論語説義》十 卷,成書於道光二十年,意在綜覈古今,以發仲尼微 卷,成書於道光二十年,意在綜覈古今,以發仲尼微 卷,成書於道光二十年,意在綜覈古今,以發仲尼微 卷,成書於道光二十年,意在綜覈古今,以發仲尼微

編》本爲底本,以《浮溪精舍叢書》本(簡稱浮溪本)此次整理,即以《續修四庫全書》影印《皇清經解續異文,校者發現、《皇清經解續編》本校刻更精,所以本文字差異甚微。經仔細比較和研究兩個版本的

於此一律仍舊,個別重要處,酌情出校。原書引文,常有略引、意引、改引等種種情况

爲校本。

校點者 甘祥滿 周鋒利

Turk .			

論語説義序

《論語説》曰:「子夏六十四人共撰仲尼《論語説》曰:「子夏六十四人共撰仲尼、宗王之業備焉。自漢以來,諸家之説時治、素王之業備焉。自漢以來,諸家之説時治、素王之業備焉。自漢以來,諸家之説時之作,其文繁多,别録私説,題爲《説義》。细定作,其文繁多,别録私説,題爲《説義》。细定行,其文繁多,别録私説,題爲《説義》。细定行,其文繁多,别録私説,題爲《説義》。细定行,其文繁多,别録私説,題爲《説義》。细定行,其文繁多,别録私説,題爲《説義》。细言,恐并散佚,遂以此數萬言先付殺青。引展洲宋翔鳳。

:			
•			

長洲宋 翔鳳于庭著❶

朋自遠方來」也。

學而 爲政

道也。 也。 脩詩、書、禮、樂,弟子彌衆,至自遠方,莫不 大夫以下皆僭離於正道。 遠方來」、《經典釋文》云:「有,一作友。」與此同。 受業焉。」弟子至自遠方,即「有朋自遠方來」 云"「師弟子之道有三。《論語》曰『朋友自 友之道也。又曰「回也視予猶父也」,父子之 孟子》: 子濯孺子曰「其取友必端矣」,亦指 朋,即指弟子。故《白虎通·辟雝篇》 ·史記·孔子世家》: 定公五年,「魯自 以君臣之義教之,君臣之道也。」又 故孔子不仕,退而 朋

> 門之稱。此云相爲黨類而來受業,故曰「有 猶黨也,共爲黨類在師門也。」是朋爲同處師 友爲弟子。 亦云:「同處師門曰朋,同執一 大司徒鄭注:「同 師曰朋。」皇疏 志曰友。 朋

於《論語》,遂首言立學之義,曰:「學而 弟忠信不脩。孔子受命作《春秋》,其微言備 之,不亦説乎?」時習,即瞽宗上庠教 漢博士相傳之法。「人不知而不愠」,謂當 法。「有朋自遠方來」,謂有師有弟子,即秦 素王,則又何所愠於人。蓋人心之不失,綱 君臣皆不知孔子,而天自知孔子,使受命當 夫。」子貢曰:「何爲莫知子?」子曰:「不怨 維之不壞,皆繫於學。「喟然歎曰:『莫我知 先王既没,明堂之政湮,太學之教廢,孝 士之 時習 時

論語説義

[「]于庭著」,浮溪本作「記」。以下同,不再一一出校。

緒若一也。 以治人情,聖人設教以維世故,作君作師,統子,以素王當之,亦繼君子之號。 先王興學《禮運》記以禹、湯、文、武、成王、周公爲六君怨天尤人,愠也, 下學上達,君子之事。天,不尤人,下學而上達,知我者其天乎!」

弟二 始基也。 按,此即孝弟爲仁之本之義也。《説文解 脩,治也。 所禀受度也。]率,循也。 則知。《孝經説》曰:「性者,生之質。命,人 則仁,金神則 天命 謂性,率性之謂道,脩道之謂教。」鄭注 弟,則能 而慈舉之矣。 有子曰:「其爲人也孝弟。」孝弟,學之 ,謂天所命生人者也,是謂性 率其天性。《中庸》記曰:「天命之 《大學》一篇言孝、弟、慈,此言孝 治 義,火神則禮,水神則信,土神 ጢ 廣之,人 孝弟者,天性。 做效之,是日 循性行之,是謂 爲人 命。 曰 而孝 教。」 木神 道

> 字》: 堂。 化於邑者,其義盡之矣。《周書》曰:「勇 害上,不登於明堂。」既明孝弟之義,則 本,以仁釋道,而立太學以教於國,設庠序 行之爲道,見之於人是謂爲仁。 物。」是在 「一,惟初大始,道立於一,造分天地 而已矣,故曰「仁之本」也 者鮮,而 仁則舍孝弟又無 一,然合乎人己,通乎遠近,未有不由乎。爲 堯舜帥天下以仁,其實堯舜之道,孝弟 「本,木下 作 天爲 亂者絶,升於學者,皆可登 一爲本,在人性爲孝弟 日本,从 **灬由也。** 木, 故《論 在 語 仁雖五 下。 以以 化 孝 又曰 循循 一性之 於 弟 成 犯 明 則 解 H

制》所謂不率教者則「移郊」、「移遂」、「屏之令色以成其僞,大禹畏之,邱明恥之。《王言,象恭滔天是有令色。失仁之本,而巧言曰:「巧言令色,鮮矣仁。」静言庸違是有巧旦,其理則有,其事已絶,不忍斥言之,故

《孝經》,既明孝弟爲仁之本,乃率而循之,爲 資之法無絶,先王之道不湮,孝弟忠信 曾子以《孝經》專門名其家。 是孔子爲曾子陳孝道,而有《孝經》。《孝 後反而合之先王之道,則《孝經》之篇具。 皆仁之事,非巧言令色之所能託也。 義,皆太學之法、明堂之政所先務者,與忠信 遠方」者,此類是也。故與放鄭聲、遠佞人之 失於人之性情心術。曾氏之言,即孔子 經説》曰:「《春秋》屬商,《孝經》屬參。」則 人謀以忠,與朋友以信。既脩孝弟忠信,而 ·傳」爲「專」。所業既專,而習之又久,師 時習」之旨也 故《魯論》讀 曾子傳 不

同。《孟子》:「武王之伐殷也,革車三百两,子男二百五十乘。」按,此與包咸解《論語》義乘。 公侯封方百里、凡千乘,伯四百七十乘,《公羊》何休説曰:昭元年注。 「十井爲一

虎賁三千人。」此一乘有士十人也。 《王制》、《孟子》之書所言,制度罔不合一。 《魯論語》今文説也。今文家傳《春秋》、《論 大。君子如欲化民成俗,其必由學。言學而 數、然出車之地已侈大、亦如《周禮》之竄亂也。 十人,徒二十人也。按,此即《司馬法》所載車徒之 之曰「夏殷」。 中祕,謂是周公所作,凡他經之不合者,咸斷 語》爲得聖人之意。今文家者,博士之所傳, 者,則在所損。故《論語》言治國以千乘爲 法,盡大國之地所賦車徒之數止此,多於此 頌》:「公車千乘,公徒三萬。」此一乘并數士 自古文家得《周官》經於屋壁,西漢之末録之 自七十子之徒遞相授受,至漢時而不絶。 下悉舉之矣。按,包氏《論語章句》,其書爲 不可究之於治國,其學爲無本。《大學》言 平天下在治其國」,苟能道千乘之國,則天 其實《春秋》爲孔子所定,本 春秋之 《魯 如

五者,蓋五常之道,相須而備,而《易》爲之廣聽,知之術也,《春秋》以斷事,信之符也。《禮》以明體,明者著見,故無訓也,《書》以神,仁之表也,《詩》以正言,義之用也,三千一百二十三篇。六藝之文:《樂》以和三千一百二十三篇。六藝,一百三家,《漢書‧藝文志》:「凡六藝,一百三家,

先井田 既已乖離,博學者又不思多聞闕疑之義,而 猶五行之更用事焉。古之學者耕且養,三年 矣」,言與天地爲終始也。 日少而畜德多,三十而五經立也。 學者以耕養爲力行,以通藝爲餘事。 皆弟子之所當學也,學而後成德。是以古之 不見,終以自蔽。 童而守一藝,白首而後能言,安其所習,毀所 之文,至於二三萬言。後進彌以馳逐。 務碎義逃難,便辭巧説,破壞形體,說五 **憫學文之罣誤,三覆其詞,不可深慨乎?** 行以進德,於是學文,則脩詞立誠以居業,正 誼明道,不爲賤儒,非此末由。 「入則孝,出則弟,謹而信,汎愛衆,而親仁」, 故曰 一藝,存其大體,玩經文而已。 而後學校,使一世之人有孝弟忠信之 《易》不 此學者之大患也。」謹按 可 見, 至於五學有變改, 則 乾 《七略》之文 坤 或幾 後世經 是故用 王者必 故幼 (乎息 字 傳

也。 不能 窕,思賢才,而無傷善之心焉,是《關雎》之義 淑女以配君子,憂在進賢,不淫其色。 知敬學。」此言君子,謂作之師者。 道,嚴師爲難。師嚴然後道尊,道尊然後民 重則不威,學則不固。」《學記》曰:「凡學之 也。」此「賢賢易色」言夫婦之切證。 南》,正始之道,王化之基。 夫婦之倫也。《毛詩序》云:「《周南》、《召 尊師,則 固,久也。 三代之學,皆明人倫。「賢賢易色」,明 師 見韋昭注《晉語》,高誘注《魏策》。 無 威嚴,而學亦不能持久。 是以《關雎》樂得 「君子不 重,猶 哀窈 苟 尊

治天下也如此,民德歸厚之事也。天下和平,災害不生,禍亂不作,明王之以孝慎終之事也。「祭則鬼享之」,追遠之事也。述《孝經》一書,傳而習之。「生則親安之」,述《孝經》一書,傳而習之。「生則親安之」,會子曰:「慎終追遠,民德歸厚矣。」此

聖人能究學問之用也。夫子推五經六籍之夫子温、良、恭、儉、讓以得之。此以見

旨與。 教,以 求聞見。 通之於心,則其君臣亦以 觀 小戴所傳《經解》一篇,庶暢厥 國 加 知 其 政 教 心與,無俟周咨以 得 失 窮 神 觀 化

體爲政者也。若泛言父之教子,其道當没身 子 ? 苟失道 然必先君以正終,後君得有涼闇不言之義。 急隨俗化爲轉移,三年之後不能無所變易。 不改,難以三年爲限。惟人君治道,寬猛 三年無改也。 之道。」《傳》曰:「則 下,博士傳其説,曰:「子未三年,無改於父 十一卷者,出今文家,繋《閔公》篇於《莊公》 經》十二篇者,左氏之學,無博士所傳。《經》 一篇、《經》十一卷。公羊、穀梁二家。」《古 道,治也。「三年無改於父之道」,謂 緣孝子之心,則三年不忍當也。」見何休 而死 ,則爲誅君,其子已不當立 按、《七略》:「《春秋古經》十 曷爲於其封 内三年稱 一,何能 緩 繼

之法,而孝道以立。孰謂七十子喪而大義遂《春秋》通,明三年無改之道,以示繼體爲政本。此正晉人不知師法而妄分也。《論語》微言,與本。此正晉人不知師法而妄分也。《論語》微言,與

乖乎?

樂其先 移風 也。 禮。」學者脩其孝弟,而欲從事於六藝,則 者名其實,可知者用於虚。 情,而教之和。」和爲用,其聲音可知。 中。」中爲體,其節文可見。「六樂防萬 貴」,同則 不可樂也。 民親愛,莫善於孝。 相敬也。 (易俗,莫善於樂。安上治民,莫善於 樂者爲同,禮者爲異。「禮之用 六藝之文皆先王之道。《孝經》曰:「教 急也。 「小大由之,有所不行」,禮勝則 相親也。 中庸之德極於中和,亦言和之用 五五 一禮防 「先王之道斯爲美」, 教民禮順,莫善於弟。 萬民之僞,而 故有子但言禮 教之 和爲 可見 民之 則

和,不以禮節之,亦不可行也。」明雖事人,亦當合禮。」之,天下無難矣。《公羊》宣九年何休注曰:「「知和而勝則流也。學者能明乎禮之用,則舉而措也。「知和而和,不以禮節之,亦不可行」,樂也。「知和而和,不以禮節之,亦不可行」,樂

案,此樂道之切證。 所樂非窮達也,道得於此,則窮達一也。」謹大覽》曰:「古之得道者,窮亦樂、達亦樂。人覽》曰:「古之得道者,窮亦樂、達亦樂。人質》曰:「古之得道者,。《吕氏・慎為,成《史記・弟子傳》、《論語》皇

進退,至於鳴鼓之攻,市朝之肆,蓋唯恐失人人。」有不知人,道何所寄? 觀乎聖人誘掖害先後、奔奏、疏附、禦侮之材,封人所言「何告光後、奔奏、疏附、禦侮之材,封人所言「何失之宰予」。 設科以教,當知其人。《書》失之宰予」。 設科以教,當知其人。《書》人。」可不知人,道何所寄? 觀乎聖人誘掖人。」可不知人,道何所寄? 觀乎聖人為,

而無以興學化民也

注《爾雅》,當是緯書注。《春秋説》所謂中官大帝 禮疏》引鄭注云:「天皇北辰耀魄寶。」按,鄭不 帝王之爲政如此。 事順成。故天道,政之大也。」按、《大傳》言 夏、天文、地理、人道,所以爲政也,道正而萬 北極。」又曰:「政者,齊中也。 幾微,而所動者大,謂之琁機。 終于文祖。在璿璣玉衡,以齊七政。」鄭注: 在《尚書》爲旋機。《堯典》:「正月上日,受 其精北極星,含元出氣,流精生一也。 之後次《爲政》之篇,著明堂法天之義,亦微 則曰太學,爲政則曰明堂。《論語》於《學而》 而治,故所居曰明堂。明堂太學同處,教士 大傳》曰:「琁者,還也。機者,幾也。 其變 「文祖者,五府之大名,猶周之明堂。」《伏生 爾雅•釋天》:「北極謂之北辰。」《周 聖人南面 而聽,天下嚮明 謂春、秋、冬、 故琁機謂之 北極,

七

政。 得於人,内得於己也。王者上承天之所爲, 言之未絶也。 所極; 極,而 之筦也。 言之化,自然之治,以無爲爲之者也。 下以正其所爲,未有不以德爲本。 北辰不離於紫宫,而衆星循環,終古不忒,樞 出於明堂,而禮樂刑政四達不悖,德之符也。 官、二十八星之名,而皆筦於北辰。 四時、天地、人之政,而皆本於一德。 正,恭己南 琁機四游。 云:「欲知 官,天極星,其一 故曰「政者,正也」,「德者,得也」。 極 樞星常居 冬至 南 「居其所」者,謂北辰雖周四游之 北極 游 面 日加酉之時,西游所極,此 正北極樞旋機之中,正北,天之 派师極; ,自明其德,上法**琁機,**以 明堂之治,王中無爲,以 樞旋周 明者,太一常居也。」《周髀》 正中,即《天官》所云:「中 冬至夜半時 四 極 ,常以夏至 , 北 德者,不 雖有 爲政不 極 齊 守 雖有 夜半 北 北 外 至 七 五 極 游

默運。 中,正 惟《吕覽》、《周髀》言之。古人星象疏闊,天 游,而天樞不移。」按,《天官》不著天樞之名, 其 之象。《星經》曰:「旋機謂北極,玉衡謂斗九星也。」見《後 於中,所居獨尊,斡維斯繫,究之天樞,亦是 斗」之名。 漢・天文志》注。 知其微者。 非不動之謂也。 極、天樞本可包以北辰之名,正以運轉不 在紫宫,正無俟求之微渺,測之虛無也 所。』、昌氏 極之所游。」《論語》云: 故伏生以爲其變幾微,而所動者大, 自古明堂聽政,未有不法北 故《堯典》一篇,顯察琁機、玉衡 《春秋》三世屢見「大辰」、「北 有始覽》云: 至於聖人之經,必以其著者 極極 譬如 星 與 北 辰之 天 辰 俱 居

下 堂 欲,無邪之致,極之於思,如是爲絜矩之道, 州,風俗殊異,得失難齊,然王居明堂户牖之 之民間求詩,鄉移於邑,邑移於國,國以聞 男年六十四、女年五十無子者,官衣食之,使 内,守其至正 天下太平矣。 ()相從而歌,飢者歌其食,勞者歌其 而 公羊》何休説宣十五年。 故王者不出牖户,盡知天下所苦,不 知四方。」是則《詩》雖三百,人兼九 ,以德自明,中外遐邇,達志通 曰:「男女有所 事。 於

其本盡· 定民 於正 則上下皆以 法之學無忠厚之意,巧詐孰而 本也。先末而後本,則上下皆以術應。 志。 也。 有恥且格。 失,而民終於邪僻矣。 政與刑,治之末也。 自禹、湯、文、武、成王、周公之世 心通。 格訓 先慎乎德,而後辨上下、 Ę 言道民者當使 德與禮,治之 先本而後末, 廉恥亡,至於 故名 歸

正,其可不於道之、齊之者加之意乎?也。君子如欲化民成俗,使無邪心而一歸於先本者可以舉末,先末者未有不撓其本者正百官萬民。德禮既精,則政刑亦無弊。是而皆謹乎禮,故能正身以正朝廷,正朝廷以

安,無禮則危」也。故曰「人有禮則之變,未有不自居室始也。故曰「人有禮則明禮而後可以居室。不然,風俗之衰與人倫十曰壯,有室」。立也者,立於禮也。君子惟一五經立。《論語》「三十而立」、《曲禮》「三古者十五人大學,三年而通一藝,三十古者十五人大學,三年而通一藝,三十

讀至命之書,窮理盡性,知天命有終始。大十以學《易》,可以無大過矣。」蓋以知命之年之命,而託於學《易》,故曰:「假我數年,五天子受命於天,胥此命也。孔子知將受素王天子受命於天,胥此命也。孔子知將受素王,「天命」者,所受之命也。德有大小,則

孔子。 《春秋》治太平之世,亦在其時。《世家》言: 周乎!」然亦卒不行。」按,此言豐鎬之起,適 儻庶幾乎?」欲往。子路不説,止孔子。 用,曰:「蓋周文、武起豐鎬而王,今費雖小, 孔子年五十,「公山不狃以費畔季氏,使人召 發於五十之年,弟子記之,當有所受也。 子曰:「夫召我者豈徒哉? 子不仕,退而 世不絶,故可以無大過。《孔子世家》記「孔 頭 孔子循道彌久,温温無所試,莫能己 不 動 ,死象也 脩詩書禮樂」,在四十之後。 孔子應素王之運 如用我,其爲 孔 一, 百 東

六輔、二類之義,輕重詳略,遠近親疎,人事一按、《春秋》之作,備五始、三科、九旨、七等、求周史記,得百二十國寶書,九月《經》立。」獻,得端門之命,作《春秋》,使子夏等十四人獻,得端門之命,作《春秋》,使子夏等十四人獻,得端門之命,作《春秋》,使子夏等十四人《春秋説》云:「哀十四年春,西狩獲一九子生於襄二十二年,至哀十四年適七

與,即《大學》絜矩之道。《春秋》之致太平,《大學》篇言平天下有絜矩之道,苟能用矩,以心出矩,故取此數。」明堂取一至九之則自近及遠,合萬爲一,以矩印心,故能從則自近及遠,合萬爲一,以矩印心,故能從則。 「洪龜文,故取此數。」明堂取一至九之謂:「法龜文,故取此數。」明堂取一至九之,以心出矩,故能不踰矩」也。 矩者,數也。 遊堯舜之隆者,唯不踰矩」也。 矩者,數也。 遊堯舜之隆者,唯不踰矩」也。 矩者,數也。

桓三年人,至桓六年,中間無適齊之事。齊時人僉曰,齊侯之子,同於他人。」按,文姜以注:「莊公母文姜,淫於齊襄,疑非公之子。民。鄭注。桓六年九月丁卯,子同生。《穀梁氏。鄭注。桓六年九月丁卯,子同生。《穀梁氏。鄭注。桓六年九月丁卯,子同生。《穀梁氏。鄭注。桓六年九月丁卯,子同生。《穀梁氏。鄭注。桓六年九月丁卯,子同生。《穀梁氏》。

[「]盛德記」、「盛」疑爲「戴」之誤。

於齊。 年夏過魯,莊公以六年九月生,則亦非齊侯子也。 侯亦未至魯。桓五年夏,齊侯鄭伯如紀,范氏謂「過我 同固桓公之子,則「同非吾子」之言,乃夫人 皆莊公之母弟。]又曰:「季子殺母兄。」與 《公羊傳》云:「公子慶父、公子牙、公子友, 爲慶父之後,故不曰仲氏,而曰孟氏,若其先 氏之得安於魯,以孟獻子之賢也。 於魯。魯之有仲孫氏,以齊人脇之也。 季友於叔牙則殺而存其後於魯,慶父則絶之 也云爾。慶父欲得魯國,同乎莒人滅鄶,故 其是齊侯之子與? 譖公,非桓公意。 公子慶父者,莊公之母弟, 陳女,故亡在陳」。 人爲莊公異母兄弟者。《魯世家》云「季友母 「齊仲孫」,以爲魯非有仲孫,彼實齊之仲孫 然紀在齊東,不必過魯。 魯人世世惡之,其子公孫敖亦不能安 此蓋本《古文左氏》説。 故《經》於慶父則書曰 楊疏已疑之。使齊侯 魯人諱其 以明 仲孫 五

與?」是《公羊》先師未知齊仲孫之義,故爲「春秋」爲《春秋》,齊無仲孫,其諸吾仲孫《世家》所傳異。《公羊》引子女子曰:「以

疑辭也。

都,皆是也。 大夫皆當以禮裁制之,如孔子誅侏儒、墮三答之也。」《義疏》。謹案,爲政之道,諸侯、卿禮、衛瓘云:「三家僭侈,皆不以禮,故以禮生,事之以禮,死,葬之以禮,祭之以

書·杜周傳》杜欽對策,亦以此三言爲取人云:「考其所爲,觀其所由,察其所安。」《漢此指用人言。《大戴禮·文王官人篇》亦此指用人言,《大戴禮·文王官人篇》亦,與其所以,觀其所由,察其所安。謹案,

一也。他技,奇巧異端也。孔子曰:「攻乎他技。」何休注:「一介,猶一概。斷斷,猶專《公羊》文十二年傳:「惟一介斷斷焉無

之術。

天地 中而 異端 命也。 異。 也。 用中、《大學》之誠意。 後世 也。」是與此合。」按,斷斷,專 乎異端,即不能用中於民而有害於定命。 也。 而度之,斯無過不及而能用中,中則一,兩 能行之。」按,所謂執者,度之也。 云:「執其兩端,用其中於民。」鄭注云: 用中之道,然其爲過不及之説者,其奇足以 兩端,過與不及。 「斷斷,誠一之貌也。 之化 能經綸天下之大經,立天下之大本,知 異端即兩端。 此釋兩端 |楊墨之言,治國皆有過與不及,有害於 有所治而或過或不及,即謂之異端。 斯害也已。」、《疏》云: 是 育。 以 有 **夫焉有所倚**? 動作禮義威儀之則,以定命 而 用 用其中於民,賢與不 民受天地之中以生,所謂 中之謂也。 誠意而 他技,異端之技 一,即《中庸》之 「鄭注《大學》 能天下平,用 無 《中庸》記 執其 所倚則 兩端 ·肖皆 平 如 攻 則

> 權 過與不及則有輕重,必有兩端而後立其中, 中無權,猶執一也。」權者,能用之之謂 絶異端之技與! 恕,究之以「中庸」之德,斯能用其中於民 是以異端之技至戰國而 之道不明不行,則一世君臣上下易惑其説 動人之聽聞,其巧則有一時之近效。 權之,則執中者無可用,而異端之説 於《論語》言「一以貫之」之道,而明之以忠 立者尤貴乎可與權 故異端之熾,由執中無權者致之,是以 兩端之輕重,而後中可用。 《孟子》言:「子莫執中,執 也 益熾。 不知有兩端而 孔子知之,故 自聖人 。轉勝。 可與 也 而

述之意,惟求寡尤、寡悔而已。
二三子。素王、素臣昭然可知,當時聖賢作號令百世。儀封人知之,故以「何患於喪」告《春秋》之作,備闕疑、闕殆之義,應天制作,言寡尤,行寡悔,禄在其中矣。謹案,

弟,施於有政。」是亦爲政,奚其爲爲政?」包 政同。」《集解》。謹案,《論語》引經多作「于」, 兄弟也。施,行也。所行有政道,即是與爲 疏》、《經典釋文》本並作「孝于」,今本作「孝乎」。 友 于 兄 也,亦與包義合。 之有政,是亦爲政也」。 從而誤。《後漢書・郅惲傳》「雖不從政,施 《書》出 意,正以「施於有政」爲孔子語。 自東晉古文 曰:「孝于惟孝,美孝之辭。 友于兄弟,善於 施於有政」作「於」,是引申《書》意也。 子 ,始以此語作《書》辭,解《論語》者並 「《書》云:『孝于惟孝,漢石經及《義 注《論語》孔子之言 據包

著軏。衡圍一尺二寸八分,其直徑三分之因轅端著之。」因,就也。謂就輈衡之大小以案,此四寸謂小車之軏。鄭《論語》注:「軏,之鍵,則車不行,小者亡,則大者不成也。」《尸子》云:「文軒六駃,是騠同。無四寸

數,意大車任重,其鬲圍當倍於衡圍,輗又穿 車之輗。 之事而引三十石之任。二案,此言咫尺爲大 不如爲車輗者巧也,用咫尺之木,不費 四寸也。《韓子・外儲 同是咫尺者,誤。 出著之,故得有咫尺之度。 云穿,當是兩頭穿出。《考工》不詳鬲圍之 一,則中穿以受軏 鄭注《論語》:「輗,穿轅端著之。」 者不過 説》:「墨子曰:「吾 四寸,知軏 戴東原謂輗、軏 之脩 朝 亦

所記,三代改制,質文而所損益之,故大可知然,其禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損益可知也。周因於殷禮,所損於夏禮,所損益可知也。周因於殷禮,所損於夏禮,所損益可知也。周因於殷禮,所損於夏禮,所損益可知乎。」子曰:「殷因

矣。

孔子作《春秋》以

當新

王, 丽

不已盛哉

世之王,莫之能違也。」蓋以《春秋》繼周,而 之道,變易《春秋》之法乎? 損益之故遂定,雖百世而遠,孰能違離孔子 知其政,聞其樂而知其德,由百世之後,等百 損益之原,其道如 論語》答顔淵問爲邦,因四代之禮成制 一。子貢曰:「見其禮

《左氏文二年傳》云:「《周志》有之:「勇則 注:「明堂、祖廟,所以策功序德,故不義之 害上,不登於明堂。」死而不義,非勇也。」杜 則不登於明堂。」明堂所以明道,明道惟 非法之祭。《周書·大匡》云:「勇如害上, 民,雖降絀絶地,廟位祝牲猶列於郊,號宗於 爲,無勇也。」謹案,自三皇五帝、九皇六十四 士不得升。」是勇而不義,不可爲勇。 宗既立,三統損益昭明,而明堂郊廟無 子曰:「非其鬼而祭之,諂也。見義 《論語 . 法。 不

四

1,究於

謂三公二王後。大夫、士北面之臣,非專事

長洲宋翔鳳于庭著

八 佾 里仁

人也。 法八風、六律、四時也。 八風六律者,天氣 四佾,所以别尊卑。 化,萬民成其性命也。故《春秋公羊傳》曰: 也,助天地成萬物者也。亦猶樂所以順氣變 佾者,列也。以八人爲行列,●八八六十四 曰:「大夫、士琴瑟御。」八佾者,何謂也? 「天子八佾,諸公六佾,諸侯四佾。」《詩傳》 《白虎通·禮樂篇》:「天子八佾,諸侯 諸公六六爲行,諸侯四四爲行。諸公 樂者,陽也。 故以陰數,

> 説。 數。《左傳》始有卿大夫四、士二之説。 子民者也,故但琴瑟而已。」謹案,此今文家 矣。孝弟之至,通於神明,光於四海。」是宗 皆在廟中。 遂解爲六八、四八、二八,此古文家説,非也。 忍,謂之不仁,微言之所存,亦可思矣。 廟之法,見孝弟之至,而爲仁之本。 法、《八佾》一篇遂明宗廟之禮。 有於孝弟? 禮之本既蕩焉、泯焉,故謂之 三家之僭,無君臣父子之義,何有於敬? 春秋時皆言女樂二八,亦諸侯四 《學而》、《爲政》二篇既明太學明堂之 《孝經》曰:「宗廟致敬,鬼神著 日庭、

> 日堂、 如季氏 服虔 四之 何

桓宫桷。 莊廿三年秋,丹桓宫楹。 皆失禮宗廟之事。《穀梁傳》曰: 廿四年春,刻

0 ·人」,原誤作「八」,今據《白虎通》改。

論語説義二

Ħ

六

野。 衰,國 諸侯。 焉。」按,鄭君《詩·魯頌譜》曰:伯禽後,「政 《傳》曰:「僭天子,不可言也。」由於不忍,而 始 特牲》記曰:「諸侯不敢祖天子,大夫不 而 後有所不可。 王時,而遵伯禽之法,養四種之馬,牧於坰 廟,魯以周公之故立文王廟,三家見而 僭天子者,不仁之甚,而有所不忍言也。 於獻六羽、丹楹、刻桷皆譏,而八佾無文,以 已在所譏,况甚此者而忍言乎? 桷,斲之礱之。 天子之桷, 斲 也。」鄭注:「仲孫、叔孫、季孫氏皆立桓 何 刻桷,失禮尚小。 有於季氏? 尊賢禄士,脩泮宫,守禮教。 事多廢。 而公廟之設於私家,非 終春秋世,未見魯舞八佾者, 十九世至僖公,當周惠王、襄 大夫斲之。 之礱之, 則以季氏祀桓公也。 《春秋》之法,失之小者, 加密石焉。 士斲本。」按,丹 禮也,由 僖十六年 故《春秋》 諸侯 三桓 敢祖 《 郊 故 僭 公 之

> 母、 適而宗庶,則如小宗,死爲之大功九月。 九月,其母則小君也,爲其妻齊衰三月。 宗道也。 公命適昆弟爲之宗,●使之宗之,是公子之 者,公子之宗道也。」注云:「公子不得宗君 道也。《禮・大傳》曰:「公子有宗道。 之爲之也。 命於周,而作其頌。」蓋入春秋之世,至僖公 制,未徧 冬,會諸侯於淮上,謀 之公,爲其士大夫之庶者,宗其士大夫之適 之後,魯始多用天子之禮樂,則固季孫行 十年,新作 妻無服,公子唯己而 而 所宗者適,則如大宗,死爲之齊衰 南門,又脩姜嫄之廟,至於復 薨。 其季氏立桓公廟者,以公子之宗 周 人美其功,●季孫 東略,遂伐淮夷。 已,則無所宗,亦莫 行 父請 魯舊 僖二 無 其 父

0

[「]周」、《詩譜》作「國」。

❷ 「公」、《禮記注疏》作「君」。

宫,所以罪季氏而正魯國也。 氏 宮之在魯國即小,小失禮,猶在所譏,况以季 不忍言季氏之僭,而書「丹楹刻桷」,蓋謂桓 三家以正其名,非謂仲叔之俱僭也。 者以《雍》徹」,以季氏特三家之一家耳。 而季主其祭。 公廟,則其時可僭也。 國,不可以宗之,故以季氏爲宗,得因緣立桓 桓並爲大夫,將明宗道,而慶父、叔牙有罪於 未始立廟,其時 之宗。」按,公子友之世當無宗,亦莫之宗。 而 可僭八佾之舞乎? 知《春秋》之再書桓 故孔子專斥季氏,至云「三家 無可僭也。 蓋謂三桓之所同立, 至行父之世,三 《春秋》 舉

三月。文公亂聖人制,欲服喪三十六月,十一而不能也。」何氏説:「禮:作練主,當以十何譏爾? 不時也。其不時奈何? 欲久喪公主。」《傳》曰:「作僖公主,何以書? 譏。一《春秋》文二年二月經書:「丁丑,作僖

父子君臣之道,此恩義逆順各有所施也。」按 者,僖公以臣繼閔公,猶子繼父,故閔公於文 閔公上,失先後之義,故譏之。《傳》曰後祖 子,近取法《春秋》,惠公與莊公當同南 爾? 各當爲兄弟,顧有貴賤耳。 公,亦猶祖 上,隱、桓與閔、僖亦當同北面西上,繼 也。」何氏説:「升,謂西上。禮:昭穆指 祭奈何? 何? 大袷也。大袷者何? 合祭也。其合 大事於太廟,躋僖公。」《傳》曰:「大事者 日者,重失禮鬼神。」《經》又書:「八月丁卯, 九月作練主,又不能卒竟,故以二十五月也 在下。文公緣僖公於閔公爲庶兄,置僖公於 何? 升也。何言乎升僖公? 主皆升,合食於大祖。五年而再殷祭。 逆祀也。 也。 毁廟之主,陳於大祖,未毀廟之 其逆祀奈何? 自先君言之,隱、桓及閔、僖 自繼代言之,有 先禰而: 譏。 何譏 閔者 後 躋 面 父 者 西 祖

陳」。 也。 也。 尤重。 此,知 者,是無天而行也。」按,「文無天」之語,當是 亂。 爲氏。 祖,則安能有仁? 故君臣父子之法亂,皆不 天命之謂性,仁者性之始也。文公既無天無 卒。越廿四年,當文六年,經書「季孫行父如 猶在,大夫不敢僭,四裔不敢陵。 至文公之 隱、桓、莊、閔、僖爲所傳聞之世,見治起衰 生仲無佚,無佚生行父,公孫之子以王父字 仁之所由致也。《春秋》僖十六年,公子季友 七十子所傳,而穀梁子述之。天者,人之始 逆祀,則是無昭穆也。 祖者,亦人之始也。是以王者天大祖。 無祖,則 然僖公世當桓、文之霸,王政猶明,制度 是行父至,是乃當國也。《世本》季友 魯自文公始亂宗廟之法,其 故《春秋》備日以譏之。 魯有季氏,自行父始。《春秋》家以 無天也。故曰:文無天。無天 無昭穆,則是無 穀梁子 失禮 Ė: 鬼神 祖

> 繆惑亂而爲君,是之謂不仁。故曰:「人而 深没文公,是《春秋》之微言也 始,而起於文公之世。《論語》顯斥季氏,而 樂。所謂「禮樂征伐自大夫出」者,由季文子 文公言之也。季氏於是時出,而僭天子之禮 不仁,如禮何? 人而不仁,如樂何?」蓋爲 衰。文公敢薄先王之制,敢亂 姻之道失。又書「四不視朔」,而君臣之意 至《經》書「公子遂如齊納幣」。 世 一,霸 迹已微。 文公先壞 喪、 祭、宗 以喪祭,而昏 繼統之法,荒 廟之禮,

信,禮之本也。義理,禮之文也。無本不立,信,禮之本也。義理,禮之文也。無本不立,忠之之變,以救世運。是禮不可以空言治也。壞如魯君臣之事。是必知禮之本,則能通文壞如魯君臣之事。是必知禮之本,則能通文壞如魯君臣之事。是必知禮之本,則能通文忠,以致有流爲以下僭上。由於孝弟家主質,質之過,流爲貴賤無等。周

運 問,而孔子大而美之。林放,魯人。棘子成, 説,而子貢惜之以未求禮之本。今林放能 之文也。 列國人心風俗將思有所變易,聖人遂因乎世 衛大夫。 有從質之機,故棘子成有「君子質而已矣」之 春秋之時,僭竊相仍,學士有去文之意,民心 禮之本,而後主文、主質可以變通而無弊。 道存。喪去易而觀戚,則孝弟之心出。 之本,其本一也。禮去奢而觀儉,則忠信之 曰:「禮,其政之本與?」仁之本,禮之本,政 故曰:「一日克己復禮,天下歸仁焉。」又 仁、言孝弟、言忠信,而不言從質之故,以禮 無文不行。」不對質而言文,但謂禮之見於外者,非文質 ,如此而已矣。 因 而斟酌損益,以成春秋去文從質之禮。所 其 蓋忠信起於孝弟,孝弟爲仁之本。 勢而利導之,復脩教化以崇起之」 皆不在弟子之列,而意皆及此,此 然竟《論語》二十篇,皆言 斯爲

> 莫能外此也。 儉、言戚,以見孝弟忠信之實,主文、主質,皆之本固自有在,而非文質所能與也。 此言

類。《白虎通》云:「王者易姓而起,必升封 於泰山行旅上帝之禮,《書》:「蔡蒙旅平。」僞《傳 五嶽、四鎮、四瀆。」据此,知旅非常祭。 祈焉,禮不如祀之備也。 帝及四望。」鄭注:「旅,陳也。 山也。《大宗伯》又云:「國有大故,則旅上 稷、五祀、五嶽,以薤沈祭山林川澤」。 是祭 事,故特舉此旅。 蓋旅非常祭,欲依王者因名山升中於天之 内山川也。若季氏旅於泰山,則非祭泰山 云"「祭山曰旅。」此俗儒强説。亦八佾、《雍》徹之 川有不在封内者,則不祭也。」此謂諸侯祭對 曰:「天子有方望之事,無所不通。 泰山爲魯三望之一。《春秋公羊》説 如《大宗伯》「以 上帝,五帝。 陳其祭祀以 血 諸侯 祭祭社 四望, 季氏 Ш

泰

制應天,天下太平,功成對禪以告太平也。 山 何 報告之義 也。 始受命之日,改

《禮記》「因名山升中於天」,盧植注:「封泰 也。 所以必於泰山,何? 必於其上,何? 因高告高,順其類· 萬物之始,交代之處 也。

解字》云:「禪,祭天也。」禪與陳,古音同。 山,告太平,升中和之氣於天也。」許慎《説文 類,當即是旅,亦名禪也。 此皆升封告天之

事,即旅於泰山之事也。季氏專禮樂征伐, 妄謂太平之功可以自致,因而爲旅,幾於新

尼非之。 莽之受命,充其僭天子之量,又何所不至? 《東觀書》光武詔曰「昔小白欲封,夷吾難之。季氏欲旅,仲 春秋》之作,烏可已乎!《後漢·祭祀志》注引 蓋齊諸侯、季氏大夫,皆無事於泰山。今余末小

舊説 ,以旅泰山爲僭諸侯,則季氏方有僭天 冉有 曰:「女弗能 救 與?」謹案,如 子巡祭封禪,德薄而任重」云云,是以旅泰山爲封禪也。

故謂冉有之辭,如是之迫切也 八佾、《雍》徹同是僭天子,而旅尤非常之事。 子之罪,宜救。 而何有於此? 惟 旅 Ш 與

也。 順季氏奢僭之意爲升中於天乎? 乃謂泰山之神不如林放知禮之有本,而 曾謂泰山不如林放乎? 謹案,曾,猶

國人咸在。如公罔之裘、序點,皆非弟子。篇末亦 夫、士之射,而後記孔子射於矍相之圃,弟子 禮備具。《禮記・射義》言天子、諸侯、卿大 争,庶幾其於射乎。蓋行鄉射則揖讓升下之 禮,故云:「必也射乎!」言必欲知君子之無 身未執政,可以無争示國人者,惟行鄉射之 此君子之争也。 發,發而不中,不怨勝己者,反求諸己而已。 云其争也。 記孔子曰「君子無所争」數語,知發於此時, 孔子憫魯君臣奢僭,思以禮讓 君子者,謂求正諸己,己正而後 《射義》又云:「天子將祭, 爲國,而

者不得與於祭。」是射是宗廟之事也。澤,而後射於射宮。射中者得與於祭,不中必先習射於澤。澤者,所以擇士也。已射於

而知矣。

文獻不足故也,足則吾能徵之矣。謹文獻不足之故,未及筆削成書,以齊六經之文獻不足之故,未及筆削成書,以齊六經之於,祖子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以案,孔子雖觀《坤乾》之義、《夏時》之等,然以

周公知后稷、文王之功德宜配天配上帝,而祭也。」郊與明堂,祭之大者。故皆謂之禘。以配天,宗祀文王於明堂,以配上帝。是以以配天,则周公其人也。昔者周公郊祀后稷於配天,則周公其人也。昔者周公郊祀后稷

後舉郊與明堂之事。 祀周公以天子之禮樂。 堂之法、之事,亦指其掌也。《明堂位》曰: 周公之德,則知其説,其於天下若指掌之易。 龜文一至九之數,皆可以指掌求之,故言明 指諸掌,非謂郊射、當禘如指掌也。 明堂法 義,治國其如指諸掌而已乎!」明言治國 人皆可知其説也。此駮皇侃。故《中庸》、《仲 斯」者,言天下之服皆於禘見之,非謂天下之 亦明有天下而王者,方能舉禘祭也。 於天下也,其如示諸斯乎?」指其掌。」言有 禘之説,非僭竊之世所得聞也。 知禘,故朝諸侯於明堂,而天下大服。 天人合應,肇造典禮,傳於後嗣。 尼燕居》兩篇並言「明乎郊射之禮,褅嘗之 「成王以周公爲有勳勞於天下,命魯公世世 或問禘之説,子曰:「不知 孝弟之道,充周 是以魯君孟春乘大 也。 故《論語》: 知其説者之 惟 周 「示諸 四塞 是爲 如

 \equiv

位》稱 路,載 往 以 朔變,見《白虎通》。 氏説: 葆琛先生。 稷。」此感天生稷之事。 所謂「三王之郊,一用夏正」也。祀周公於大 禮祀周公於大廟。」據此,知魯郊用建寅月, 冬日,至魯舉禘禮,在季夏。」是建未四時不隨正 皇祖后稷。」謂祀帝於郊,配以 上帝是依,無災無害,彌月不遲。是生后 廟,但用禘禮,即以比明堂之祭。故《明堂 郊,配以后稷,天子之禮也。季夏六月,以禘 公止是宗廟之禘,非明堂配上帝之禮也。 云:「周公皇祖,亦其福女。」此但言周公,魯 廢闕。 周公之德之盛,故得郊禘。 魯大廟、天子明堂,實非明堂之禘也。 '弧韣,旂十有二旒,日月之章,祀帝於 閟宫》云:「赫赫姜嫄,其德不回。 《春秋》僖三十一年,夏四月,四卜 故不用鄭説。 「明堂即周禮圜丘,其祭在 又云:「皇皇后帝, 知又不同也。 僖公以 后稷也。 前,往 莊 又

> 雖絶地 世世有其位號。 德王,爲大皞後,爲周之先,郊與明堂之祭 皆感天而生,故能配天、配上帝。 也。周公審諦功德,知后稷始封,文王受命 廟,祀文王。當是相因而僭,至於王者禘其 公、群公之廟,而不及文王。《魯頌》亦無 氏説。《公羊》、《穀梁》兩家言:魯有周公、魯 之大祭,故亦名禘。 之功德,至是始郊,而卜之不從。 郊,不從,乃免牲,猶三望。 僖公欲尊明 祖之所自出,以其祖配之。 王之祀,記禮者皆不言。惟《左氏》言魯有周 以天子之禮僭於群廟,故孔子不欲觀。亦莊 不時,至宗廟五年一禘,以審諦昭穆。 廟 位祝 牲猶列於郊,號宗於代宗。 推之五 魯之禘祀既灌,而 帝九皇六十四氏, 祖所自出者,天 是後 帝嚳以木 郊多 先 往皆 宗 文 廟 祖

^{) 「}氏」,浮溪本作「民」。

.天下可運於掌。《春秋》託王於魯,以天下

知周公之禘之説,通孝弟之至於神明

也。

僖公復魯舊制,未徧而薨。

周,而作頌,適當文公之世,開君臣相 稷。」此據魯、親周、故殷、絀夏之説也。 故《祭法》言禘郊祖宗之制,及於五帝者,此 王者通三統,或絀滅其子孫,當不廢其宗祖。 七十子所傳之大義,故直明魯禘非禮。 語》爲微言,故與《春秋》之辭同。《禮運 然周人雖曰禘譽,亦惟郊與明堂大祭列 此則周公之衰,孔子傷之,故曰「不知 杞之郊也,禹也。宋之郊也,契也。 魯之郊禘,非禮也,周公其衰 「吾觀周道,幽、厲傷之,吾舍 故天子祭天地,諸侯祭社 魯之郊禘失禮,故《禮 莊氏以爲周人無禘譽之 季孫行父請命於 悟之 蓋 《論 ~>| 爲 是 自 也。 其僭,又烏能知禘之説。 舍魯何適? 循,無國不然。周公之禮樂則猶存於魯,故 之思周公也。春秋之世,諸侯、大夫僭竊 祭言也。駁包咸 祭,使攝者爲之,則指孔子自舉祭,不當以 祭,如不祭」也。 祭、内祭,其君若臣,不能精意以 僭而不知本,其餘祭必皆虚文而 欲觀」、「不知其説」以爲國諱。 魯君,内正其國,而正諸夏,見《春秋》之法 神、地示、人鬼,不可得而禮 烝、春社、秋省而遂大蜡,皆與於祭。 ·與於蜡賓」,即其一事。 孔子仕魯,凡郊禘以及夏礿、秋嘗、冬 然不知其本,問其君臣,且不 若謂i 孔子或出或病,不自親 魯郊禘非禮,以「不 孔子貶季氏,以 。故曰「吾不與 其大者既奢 無實。 通 昭明,天 《禮運》 凡外

天子之事守也。

魯何適矣!

運》:孔子曰:

祭,其説至審

也。

之,而不專立一祭。

及

知

也。

福 mi 福自至,自貴及賤,各有當祭。 祭祀之道,致其誠敬以事 鬼神。 本非求 遠近污

四

職,而 隆,分别無競。 私室,意在美備以格思,忘爲僭侈而獲 煩瀆,求施報 謁款於天神, 之私 於鬼神之際。 以至尊之儀,而羅舞於 以大夫之 罪。

者,亦專爲媚悦。 諸侯以下,相習成風,移乎士庶,限於 校論奧竈,俗諺流行,以致 一祀

祀」同時。 權臣諷諭大聖。《禮器》記「燔柴於奧」與「夏父弗忌逆 蓋在當時,上下神祇至於五祀報告

之禮,皆失本原。聖人不言,孰救其弊? 先

天意。 禍殃。 王之制雖立一祀,必本於天,妄議及之,已干 「獲罪於天」之説,至是乃發者,聖人 非彼愚人所得禱祈,况其大者,宜有

之心,悲乎舉世矣!

從 正月。《傳》曰:「王者孰謂? 文王之法度」。《公羊》文九年傳。 周。」謹案、《春秋》:王者「繼文王之體,守 子 曰:「周監於二代,郁 郁 隱元年春,王 乎文哉! 謂文王也。」 吾

> 周」。 《春秋》。魯,周公之後。周公成文武之德, 始也。」按此,知《春秋》雖據魯新周,然必託 者,法其生,不法其死。與後王共之,人道之 方陳受命制正月,故假以爲王法。 不言謚 王,周始受命之王。天之所命,故上繫天端 何 謂文王之法度也。自杞宋不足徵,乃據魯作 兹乎。」以是知「周監於二代,郁郁乎文哉」。 始於文王。故孔子曰:「文王既没,文不在 損益之也。 而制作明備。孔子從而損益之,故曰「吾從 <u>|</u>休説: 從周者,即監二代之義,謂將因周禮而 以 上 繁王 於春,知謂 文王 也。 文

漢縣。 襄十年,《左傳》杜注:「郰邑,魯縣東南莝城 聲。」鄒、郰並側鳩反。 邑,孔子之鄉。 鄹、《左傳》作郰。《説文》:「郰,魯下 古邾國,帝顓頊之後所封。 从邑,取聲。」又「鄒,魯縣,謂 《廣韻》鄒、郰二字通 从邑, 芻 用

梁紇邑而置

縣

`,是鄹、郰爲一地一名之證。

五五

山之名以氏縣也。」按此,知漢合邾婁國及叔

如林寶《姓纂》謂鄒姓爲郰人紇之後,則大謬

是也。」按、《春秋》邾國、公羊作「邾婁」。

婁合言爲「鄒」,《國語》作「騶」,見鄭語。

念孟

邾、

也。

子》作「鄒」。是鄒、邾、郰一名,亦一地

意,尋揖讓之風與?

子曰:「射不主皮,爲力不同科,古之道常,身揖讓之風與?

是以力役不均,兵趣。對,對法雖行,主皮爲急,五物之詢,勵存其趣,對法雖行,主皮爲急,五物之詢,勵存其趣,對法雖行,主皮爲急,五物之詢,勵存其處,對法雖行,主皮爲急,五物之尚,而無禮。上。此,徵發頻仍,老幼失所。是以力役不均,兵趣。故言宗廟祭祀而遂及之,其亦由無争之始。故言宗廟祭祀而遂及之,其亦由無争之始。故言宗廟祭祀而遂及之,其亦由無争之始。故言宗廟祭祀而遂及之,其亦由無争之。

《公羊春秋》襄十九年,「取邾婁田,自漷水。」

言乎以漷爲竟? 漷移也。」何注:「魯本與

傳》:「其言自漷水何?

以漷爲竟也。

何

朔? 自是公無疾不視朔也。然則曷爲不言稱。 自是公無疾不視朔也。何言乎公有疾不視月,公四不視朔。」《公羊傳》曰:「公曷爲四以臣事君之禮也。《春秋》文十六年,「夏五以臣事君之禮也。《春秋》文十六年,「夏五以臣事君之禮也。《春秋》文十六年,「夏五以臣事君之禮也。《春秋》文十六年,「夏五,子貢欲去告朔之儀羊。子曰:「賜也,

山在北。』《水經・泗水》注云:「漷水又經魯

縣,故邾國。曹姓二十九世,爲楚所滅。

嶧

謂嶧山

也。

邾文公之所遷,今城在鄒山

之

鄒山東南而西南流。《左傳》所

陽,依巖阻以墉固。

故邾婁之國,曹姓也,叔

梁紇之邑也。

孔子生於此,後乃縣之,因鄒

邾竟而有之。

《漢書

地理志》:「魯國

騶

按此,知魯置郰邑以與邾分其竟,故又得侵

邾婁以漷爲竟,漷移入邾婁,魯隨而有之。」

先告朔,謹之至也。 秋》,凡釋經之處皆竄入也。 不告朔爲非禮,此劉歆竄入,與兩家立異。左氏不傳《春 天子不以告朔,而喪事不數也。」《左傳》以閏月 也。」《穀梁傳》曰:「閏月者,附月之餘日也。 是月? 非常月也。猶者何? 曰:「不告月者何? 不告朔也。 六年,閏月不告月,猶朝於廟。《公羊傳》 侯,諸侯受乎禰廟,言禰廟與公羊家異。「禰」或當作 不可言也。」《穀梁傳》曰:「天子告朔於諸 公無疾不視朔? 〈已甚矣。」按,《穀梁》言「公不臣」者,文 每月朔,朝廟,使大夫南面奉天子命,君 而受之。 禮也。公四不視朔,公不臣也,以公爲 諸侯受十二月朔政於天子,藏于太祖 天無是月也。 按,此當是逸《禮》文。 有疾,猶可言也 閏月矣,何以謂之天 受於廟者,孝子歸美先 《公羊》何 比時使 通可以 曷爲不告 休注云: 無 有 疾 已 無 記》。 也。 示威於天下也。」按,有威可畏謂之威。 面

朔 ?

祖」。

北面

爾。無政而朝,故加「猶」。不言朔者,閏月 故無政。 王居門中,故云無常。 於朔者,感月始生而朝。」又云:「所在無常 在,朝朝暮夕,已死,不敢渫鬼神。 君,不敢自專也。 以不視朔爲重。常以朔者,始重也。」按此, 受朝政,乃朝,明王教尊也。 其注云:「不舉不朝廟者,禮,月終,于廟先 朔」者,即上文「使大夫南 無告朔禮也。」按,何氏言「比時使有司先 之禮也。《大戴禮 事,諸侯所以奉天子之命,而盡乎以臣事君 知告朔,一事也,朝廟,一事也,視朔,一事 而受之」之事,以文十六年何氏注知之。 「天子告朔於諸侯,率天道以敬行之,以 而皆可以告朔統之者,以告朔本天子之 虞戴德》曰:即《孔子三朝 言朝者,緣生以 面奉天子命,君北 朝者,因視朔政 朝廟,禮也,故 事死, 故事必

國。」注:「天子頒朔於諸侯,諸侯藏之祖

次序,授民時之事。]又云:「頒告朔于

齊,正之以閏,若今時作曆日矣。

注:

中數

曰 歲,

朔數

曰

年。

中、

朔大

小

定四

時

歲

且

更始」,未嘗言季秋爲歲終。

固周

明堂之法,非

秦制矣。

《周禮

春官

史》:「正歲年

以敘事,頒之于官府及都

下平。則告朔者,天子之事,所以制諸侯者。 於是歲終也。《月令》於季冬言「數將幾終, 四方諸侯極於天下, 建亥爲歲首, 季秋 一。嗯话 公制 廟。 大 故 邦 鄭 天 以 不 以 代,亦以孟春建寅,爲來歲朔 常不足,故大小不齊而正之以閨。 知中氣 「十有二月朔」。有朔有晦,知據月斷爲年。」 據月言年。《春秋》曰『元年,春,王正月』, 王共之,據日爲 年」者、《白虎通義》言:「歲者,以氣紀物,帝 天下諸侯。」」按,彼注云「中數 至朔,朝 以敬行之。 朔,似宜從朔數。 虎通》,説别見。 正,以夏數得天也。春夏秋冬不隨正朔變,亦見《白 以此知中數者,據日所在,以定十二月中氣 月》一篇,所謂 天無是月之義。 「頒,讀1 爲班 ,則寒暑正。凡經、傳言「歲」者,皆夏 于廟,告而受行之。 《春秋》亦書「閏月不告月」,以著 朔數據月 班,布 「敬授民時 歲。 此其説莫備於《周書 然周公制月令,當建子之 年者,仍也,年以紀事, 也。 晦 朔,日度常贏 ,巡守祭享,猶自 以十二月朔, 日,所謂 日 鄭司 歲,朔數 農云 告朔言 率天 ,月度 布告 ・周 道

注謂

百縣與諸侯互文。

必三月而

後畢達,以《檀弓》「三月天下服」知之。

以季秋行之,非如鄭説。

秦以

之月,「合諸侯制,百縣爲來歲受朔日」。

知告朔爲天子之事者,《禮記•月令》:

事天,諸侯盡臣禮以事天子,是以

國治

加

盡禮

使臣

以禮、皆謂之威、亦謂之威

儀

中侯》曰:

「天子臣放勳。」是天子

盡 臣

禮

焉」。 鄭謂 也。 散。」太史公厥協六經異傳,整齊百家言語,此言當是春秋 國大夫。 侯。 有道 書》曰:「三王之正若循環,窮則反本。 臣以禮」,當以告朔之禮始也。《史記 《玉藻》謂之「聽朔」。 受告朔之命,於是有朝廟以事其親,有 告朔諸侯之禮,每歲一行,必於諸侯之祖 季秋行,而期以仲冬畢達,得先以十二月行 傷之。」]謂不告朔則王政不行,而周道缺自 後儒者相傳之説,而述之爾。 面受,是爲告朔,若爲天子告之也。諸侯既 而每月之朔必先使大夫南面奉天子命,君北 幽厲之後,周室微,陪臣 故《禮運》:「孔子曰:「吾觀周道 **,則不失紀序,無道,則正朔不行於諸** 「以十二月朔,布告天下諸侯」者,蓋 則《明堂》、《月令》不 史不記時,君不告朔,故疇人子弟分 以使其臣。孔子所謂「君使 此天子不告朔之始 煩 執政、陪臣 言 而 解 矣。 幽幽 天下 • 曆 視 謂列 廟。 以 朔 先 厲 年。 禮 幽

《漢書·律曆志》並以《春秋》續共和以 愈。《春秋》不書「不告朔」,而書「不視 禮並廢。《左傳》襄廿九年有釋不朝正之文,亦劉氏所 周魯律》十四卷。《史記・十二諸侯年表》、 視朔,而孔子月朔必服以朝,是「我愛其禮 禮當愛矣。文公始不視朔,當是《春秋》先師 以見朝廟、視朔皆本告朔以行之,則告朔之 朝于廟」者,不告月,是也,猶朝于廟,非也 故諱逾深。 者,以不視朔比不告朔,則不告朔之惡尤大 而受,至文公四不視朔之後,而 故能行告朔之禮。其始猶以大夫奉天子命 云"「吉月,必朝服而朝。」皇侃云"「君雖不 所傳而《公羊》述之,非能虚造也。 |厲始。 ,遂有曆官。 所謂魯曆,即春秋之曆也。 又曰 其先於六年書「閏月不告月,猶 故《漢書 吾舍魯 • 藝文志》有《夏殷 何 適 矣。」 告朔朝 魯既有曆 《鄉黨》篇 謂 魯 爾之 前之 秉 朔

故以 道。 有司 而 朝廟於告朔,以大告朔之禮也。孔子思行王 也。」蓋魯君不視朔,則大夫有吉月不朝者, 告,音古篤反。《公羊釋文》告月之告無音,則不必改讀。 不忠。子家羈之所以諫昭公,亦猶此意也 政,故重告朔,欲使魯君以文公之不臣爲戒, 以羊祭,是朝廟。 又,古音告字多讀若梏,不以義改也。 不必逐,而魯君不必出也。案、《論語釋文》告朔之 文王三分天下有其二,以服事殷,是爲盡臣 盡臣禮以事天子,乃能使臣以禮,而臣 《春秋》法文王。 每月供羊牲,而君不 必朝言之,亦切證也。 而《論語》言告朔者,欲統 推《春秋》之義,則季氏 以祭,故曰 餼羊,生牲未 [餼羊。 殺 無

也。《春秋》定公十年,魯始用孔子。孔子先朝失其權,則憂放逐。由乎安上全下失其本智數相御。君一朝失其勢,則憂篡弒;臣一犯,不以禮接,將以孔子觀春秋君臣之際,不以禮接,將以

問」,宜在此時。 禮爲諂媚求福之用也。禮失其本,至於五 諂 問,事君盡禮也。 其理當矣。政由季氏,祭則魯君。入廟之 執事微細,每事 事,故廟中之事當問。 盡事君之禮,禮莫重於祭。「入大廟,每事 其本,安能知僭之非又由乎忠之失也。 昭公不自知其僭,又安能使臣以禮? 福,何僭矣哉?」此昭公所以 祖宗無往非媚,即無往非諂,亦謂「吾以 之不知,而有媚竈之説。充其説者,則禘郊 行政季孫,●三月不違,故齊人來歸運、讙 也。」謂盡禮爲事君之道,而當時之人但以 而問,勢必不能,位在司空, 時從邑宰爲 子曰:「事君盡禮,人以 有司. 如在,乘田 司 答子家羈 空,職 |委吏, 也 爲 求 祀

「政」,浮溪本作「乎」。按、《春秋》原文作「乎」。

0

臣以 禮,其效至捷。 龜 而在乎以禮相與。故昭公之逐季氏,亦失使 國。 不忠何以 君不忠所馴至哉? |君使臣以禮」者,天子盡臣禮以事天,諸侯 |臣禮以事天子,是皆事君盡禮,而後能使 陽虎 禮,故臣事君以忠。 田 ,非《春秋》之所取也。孔子對定公曰 盡 ?拘季孫,故陽虎亦一季氏也,非事 禮? 君臣之間,不必以權勢相馭 年, 如陽虎專季氏,季氏專魯 墮 邱, 忠者,禮之本 墮費。 事 君 也。 盡

「蓋者,疑辭。」鄭注《論語》云:「哀世夫婦不思之。無傷善之心,謂好逑也。」《正義》曰:云:「哀,蓋字之誤也,當爲衷。衷,謂中心才,而無傷善之心焉,是《關雎》之義也。」箋君子,憂在進賢,不淫其色。哀窈窕,思賢君子,憂在進賢,不淫其色。哀窈窕,思賢之道,王化之基。是以《關雎》樂得淑女以配人道,王化之基。是以《關雎》《召南》,正始《毛詩》篇義曰:「《周南》、《召南》,正始

答劉琰曰:「《論語注》人間行久,義或宜然 得此 《關雎》爲康王時詩。 樂王化之基,不能兼哀言之。故於《篇義》讀 之。按,鄭以毛義《關雎》爲文王后妃之詩 故不復定,以遺後説。」是鄭以爲疑,故兩解 哀爲衷,於《論語》哀字不改。讀者以魯詩説 「后夫人雞唱佩玉去君所,周康王后不然,故 十子之遺學,同出孔子。當文王之世,后 傳也,哀而不傷,魯學之所傳也。兩家皆七 説《關雎》者,有二義。 詩人歎而傷之。」臣瓚曰:「此魯詩也。」」是 得淑女」也。 有進賢之美,詩人以樂心感之,故鄭解謂「樂 佩玉晏鳴,《關雎》歎之。」注:「李奇曰 人,不爲减傷其愛。」仍不以衷爲義。 至康王之世, 珮玉晏鳴鐘鼓琴 《漢書 樂而 不淫,毛學之所 杜欽傳》曰: : 妃

^{● 「}一」,據《春秋》原文,當作「二」。

然後有君臣也。然後有父子,有父子,婦之道正。有夫婦,然後有父子,有父子,道。斯哀樂出性情之正,而止乎禮義,則夫主,化行江漢,無庸哀世夫婦也。詩無達詁,王,化行江漢,無庸哀世夫婦也。詩無達詁,謂「哀世夫婦不得此人」,此指康王。若文語之道正。有夫婦,然後有君臣也。

度、公羊》文二年傳「練主用栗」注:「夏后按、公羊》文二年經「作僖公主」,杜注:「主者,殷人以柏,周人以栗。」《正義》曰:「《論語》「家人以柏,周人以栗。」《正義》曰:「《論語》「家人以柏,周人以栗。」《正義》曰:「《論語》「家上,是於等我」云云,先儒舊解,或有以爲宗皆以爲社主。杜爲木主者,《古論》不行於皆以爲社主。杜爲木主者,《古論》不行於皆以爲社主。杜爲木主者,《古論》不行於即、包、周等並爲廟主,故杜所依用。」又以張、包、周等並爲廟主,故杜所依用。」又以張、包、周等並爲廟主,故杜所依用。」又以張、包、周等並爲廟主,故杜所依用。」又以張、包、周等並爲廟主,故杜所依用。」又以明本作主,云:

氏以松」云云。疏云:「《論語》鄭注云「謂 器》、《祭法正義》引《異義》:「《論語》哀公問 主,正以《古文論語》作問社故也」,《今文論 亳,宜柏也。周人以栗,周人都豐鎬,宜 松,夏后氏河東,宜松也。殷人以柏,殷 社按,社當作主。於宰我,宰我答:夏后氏 語》無社字,故何氏以爲廟主耳。」又按、《禮 議。 無夏后氏以松爲主之事。 以栗」。《周禮》説「虞主用桑,練主用栗」。 子之主繫心。夏后氏以松,殷人以柏,周人 在西,故以栗。今《春秋公羊》説「祭有主者,孝 陽城,居地中,故云大社爲松。殷亳稍東,故以柏。周豐鎬 唯梓,西社唯栗,北社唯槐。」按,此《書》逸篇文。 夏都潁川 也。」《白虎通》引《尚書》曰:「大社唯松,東社唯柏,南社 文家以爲廟主,如張、包、周説暨《白虎通》、《公羊》何 説《論 按,漢時《魯論》、《古論》同作問主,故今 語》所云,謂 社主 也。 謹案,從《周禮 鄭 無駮,從許 都 以 社

《古論》不行於世,則《公羊疏》謂古文作問 解》采孔説,遂妄改作問社。《左傳正義 (古)讀 (周禮))説之類。 主,文亦必從古讀 正五十事。 古文以 如《古論》本作問社,則鄭方解 為社 不得反作問 主。 正,鄭注《論語》有以《齊》、 如孔氏《論語注》,許、 主。 蓋何晏《集 》謂 鄭從

社,是約略言之而誤也

主也。 喪而 何譏 主。』《傳》曰:「作僖公主者何? 改十三月之練爲十五月。 也。」按,文公失喪禮三年之意,欲爲久喪,故 十九月 十三月。 用栗者,藏主也。作僖公主何以書? 爾 不 《公羊春秋》文二年:「丁丑,作僖公 能 ? 主者曷用? (作練主,又不能卒竟,故以十五月 文公亂聖人制,欲服 譏 也。」何氏日 不時 也。 虞主用桑,練主用栗。 : 一禮 : 其不時奈 蓋自是而魯之喪 作練主,當以 喪三十六月, 爲僖 何? 欲久 公作 譏。

也。 事 爲三十六月之服而後已也。 禮之意不明,而求所以隆於事親,則必 戚之意不盡,而鰓鰓以求禮節,則有父在爲 孔子以喪禮之失由於本之不立。三年之喪 戰栗者,使民之道,非謂民之戰栗 敬謹於宗廟,則於使民之際又惡能敬謹乎? 宰我陳用栗之義曰「使民戰栗」。 篡逐之禍遂行於數世,自文公以 文,乃共流乎僭妄。 之實不至,則戰栗之象不形。 母齊衰,期年之後,而食稻衣錦者矣。 法遂闕。 二十五月而畢。先王所以立中制節也,使哀 戰戰栗栗,日 不諫,既往不咎。」」成事,謂事之已熟也 夕之故矣。 文公之世,練瀆亂禮經,蔑棄前典,不能 沿至哀公之世,疑 「子聞之,曰:「 慎一日。」戰栗者,敬 君臣之惡已成於 此其 而 成 問 既 事 來,匪一 也。 主於宰我 徒 (故以 堯戒 木 謹 事 駮孔 - 説, 遂 積 使制 之謂 忠信 至於 乎 曰: 虚 朝 注

野。 栗,而魯在東方,不必同周人以栗。 宰我亦 以松、柏、栗分屬夏、殷、周。 主爲社主,則大司徒設其社稷之境,而樹之 以禮」之説也。恐時人不察,謂宰我但咎文 我「使民戰栗」之説,即孔子對定公「君使臣 之於微,知諫無益,故曰「遂事不諫」。 戰栗之意。昭公、哀公,其禍一轍。 孔子燭 説」。公患三桓之侈,三桓亦患公之妄,皆無 遂 田主,各以其野之所宜木,遂以名其社與其 所譏非爲當時,以救後世也。 使依孔、鄭訓 公作主之失禮,故孔子爲明之,見《春秋》之 其咎皆在於既往,此時但當明禮之本。 文公無君無天,以致政在大夫,陪臣執國命, 侯僭天子,大夫僭諸侯之事成,故曰「成事 公有尼父之痛,而身不容於魯矣。然皆始於 入事,謂· 當如逸《書》所云,一代備有五社 事之既 行 也。 謂既失禮宗廟,則諸 即謂周豐鎬 一不得 。 故宰 此哀 用

不得以戰栗之義告哀公矣。 孔子言禮之本曰:「與其奢 也,

爲道本。 禮樂之意。春秋當齊桓之世爲治起衰亂,裴 爲而治。 裔之功,然終不能宏先王之道,充禮樂之美, 得其本也」。管子以霸術佐齊,雖有尊周 者有德有位而作禮樂,所謂「有三重,以寡過 王之禮樂可行於今,遂貶霸術 至所見世 起亦世運之所限也。 回而不行,桓之德又不足以及此,故霸者之 蜀者,一也,本也。 亦言「抱蜀不言,而廟堂自脩」。 以致太平,此其器之小也。《管子·版法》篇 儉者,本之所在。能知本者,是謂知禮。 ·抱蜀者,祠器也。」祠器者,治器,齊人語也。 精之以德,行之以禮,舜之所以無 此治器之大也。 而 可致太平,於是明禮之本,使先 所謂「禮必本於大一」,一 孔子於《春秋》張三世 蓋管子固明道 以 明其器小。 其解曰: 甯 儉。」 攘

以有治器而不用也。

以有治器而不用也。

以有治器而不用也。非如王者之道,損益相因,循環
《憲問》篇言「如其仁」,猶「如禮何」、「如樂何」之意,亦不以
《憲問》篇言「如其仁」,猶「如禮何」、「如樂何」之意,亦不以
《憲問》篇言「如其仁」,猶「如禮何」、「如樂何」之意,亦不以
《憲問》篇言「如其仁」,猶「如禮何」、「如樂何」之意,其繼

> 市以爲取三姓女者,非也。 非》並以禄秩貧富言,《説苑》又言傷民。是 是婦,臺名。《管子》亦言:「請散棧臺之錢, 世之處,多謂之臺。聚斂即是不儉。若取三姓 女。婦人謂嫁曰歸」,當是《魯論語》家所傳。 好。婦人謂嫁曰歸」,當是《魯論語》家所傳。 一身在陪臣,而取三歸。」《戰國策·東周》篇:「齊桓 經家所不用。故班氏《漢書·地理志》亦云 「身在陪臣,而取三歸。」《戰國策·東周》篇:「齊桓 經家所不用。故班氏《漢書·地理志》亦云 「身在陪臣,而取三歸。」《戰國策·東周》篇:「齊桓 公宮中七市,女間七百,國人非之。管仲故爲三歸之家,以 於桓公非,自傷於民也。」按,此亦同《說苑》之言。鮑彪注 亦以爲取三姓女者,非也。

據此,知語魯大師者,即樂正,《雅》、頌》得所魯後,記孔子語魯大師:「樂其可知也。」」「吾韓人,記孔子語魯大師:「樂其可知也。始。」

仲故築三歸之臺,以自傷於民。」《晏子》、《韓

蘋》。

《燕禮》:

一大

師

告

於

樂

覃》、《卷耳》,《召南

•

樂以成。合樂,即鄉樂:《周南

(頌))各得其所」也。

故

日

纙

如。

此三節皆用《

笙奏閒代而作,相尋續

聲而知其義,故曰皦如。

備。」鄭注:「正歌者,升歌及笙各三終,閒 笙人,笙者,有聲亡辭,然其聲清别,可辨其 三終,合樂三終,爲一備。 備,亦成也。」鄭 鄉射禮注》曰:「不歌、不笙、不閒,志在射 即《樂記》所謂「審一以定和」也。 人門而金作,其象翕如,變動。 有此四節,而後合樂,則 鵲巢》、《采**蘩**》、《采 而不斷絶,語本皇侃。 繼以閒歌,謂人聲、 雅》,所謂《 樂闋後,有獻酢、 考《儀禮 • 關雎》、《葛 Œ 一,故曰 從,同縱, 曰: • Œ 大射 繼以 雅 歌 歌 純 已於「樂其可知」一 容其象,而於合樂但言以成者,以合樂之象 義者,非。 是合樂也。《大司樂》疏以《燕禮》云終、《尚書》云成 指鄉樂也。 不閒,不合鄉樂,則不告正歌備。 合鄉樂,則告正歌備。 謂之「正歌」,如《鄉射》不歌、不笙、不閒,而 知」及謂「然後樂正」者,並指鄉樂。 石絲竹而歌之。」據此,知孔子所謂「樂其 射、飲酒,此六篇,其風化之原也。 謂之鄉樂。用之房中,以及朝廷饗、燕、鄉 初,「刑于寡妻,至于兄弟,以御于家邦」,故 天下,乃宣《周南》、《召南》之化,本其德之 文王始居岐山之陽,躬行以成王業,至三分 風,鄉樂也,不 略於樂也。 《論語》於金奏至閒歌以翕如諸言形 必合鄉樂而後備一成,故知以成 不略合樂者、《周 可略其正也。 語先出之。 《大射》有歌、有笙 昔大王、王季、 南》、《召南》之 後言「師摯之 知 是以合金 《儀禮 正 歌

如。

緩之而後升歌

,重人聲,其聲純

謂

縱

緩之也。

旅酬

諸

節,而

後升歌,故曰從之。

儀》,納賓後,乃奏《肆夏》。

始作是金奏《頌》也。

車

而

始《關 鄉樂也至矣。 召南》,其猶 (雎》之亂,洋洋乎盈耳哉 子謂: 正牆 伯 魚曰:「人 面 而立也與?」則子之重 而 不 !」亦暢言合 爲《周 南

奏。 夫以 皆在,《周頌》以金奏,亦有聲無辭,故説者不 事之勞,則奏此樂焉。」按,《周禮 以鍾鑮播之,鼓磬應之,所謂 奏《肆夏》。」鄭注:「《肆夏》,樂章也,今亡。 以閒」,是兼笙奏、閒歌而言,以琴瑟升歌在 詠」,是謂升歌。 注引吕叔玉以《肆夏》爲《時邁》。 「人門而縣興」,「示易以敬也」。 夏擊鳴球、搏拊」,是猶金奏。 《周禮》凡王祭祀、燕饗,並有金奏,卿大 《燕禮》記曰:「若以樂納賓,則賓及庭 下不得有,故《儀禮》不具。 (儀禮 • 鄉射 「下管鼗鼓、合止柷敔、笙庸 》、《鄉飲》、《燕禮》皆無 金奏 卿大夫有王 鍾師》鄭 「琴、瑟以 蓋《九夏》 如《虞書》 也。 記 曰 金

> 亂也。 樂。 堂上,故以下别之。 須别也。 「不圖爲樂之至於斯」之歎,亦如美《關雎》之 虞時合樂以《簫韶》,故孔子聞《韶》,有 「鳥獸蹡跳、簫韶》九成」,是謂 若金奏獨在堂下, 故

象。 之家也。 武》曰「六成復綴,以崇」。九,陽數。 之閒,直坤,其民比屋可誅,積不善之家也。 貞。」貞者,正也,所以正不正者也。 樂亦以九成。六,陰數。《坤》:「用六,利永 乾》:「用九,見群龍无首,吉。」群龍,衆陽之 性無不全其善,此《韶》之所以盡善也。 不善之家,必有餘殃。」堯舜之時,直乾,積 六成。《易》曰:「積善之家,必有餘慶,積 六」有龍戰之象,文王與紂之事也。 《虞書》曰「《箾韶》九成」,《樂記》述《大 聖人相繼,有治無亂,堯舜之事 禪讓之際,天下比屋可封,民之恒 也 故樂以 故「上 **◎易•**],故其 商周

黄帝與神農氏戰於阪泉之野,以有天下,而作《歸藏》,首 猶有積不善者存焉,此不能無憾也。子曰: 其中,而暢於四支,發於事業,美之至也。 以正其所爲,所以教之善而化其質也。 元者所以長善者也。 王者上承天之所爲,下 其質,則王教不能化,無其王教,則質樸 性之質。質無教之時,何遽能善?」又曰: 又不順於爲政之道矣。且名者性之實,實者 曰:「今謂性已善,不幾於無教而如其自然, 去,此《武》之所以未盡善也。故言性善者, 性者,天質之樸也,善者,王教之化也。 善人教民,七年亦可以即戎矣。」即者,就 溺其心,若在塗炭,天下未甯,餘殃未 征誅之後,殷之餘 《春秋》五始,言 言性 董生書 美在 未善 不 無 而 皆止於至善,故當时而作也。《大武》之樂, 命,惟七年,制禮作樂,天下大治,武功乃成 也,成也。戎,武事也。昔周公誕保文武受 武功,既伐于崇,作邑于豐。」樂之風也。又 年,凡三十年,適當一世。 後四年而武王克殷,後七年而崩。 周公作於七年之後,其不善者必待教而歸於 之舞,后夔作於舜世。 之言與「吾衰」之歎,當並時而發也。《九韶》 武樂斯作,而由盡美以臻盡善。惟周公之治 武。武者,伐也。《詩》云:「文王受命,有此 書曰:「文王之時,民樂其 王者,必世而後仁。」蓋言文王之王也。 劉子政、鄭康成説。 征,三年而歸,攝政七年,營洛邑而致政。 善,此必世而後仁也。文王受命,九年而崩。 天下,斯可以當善人。故孔子有「吾不得見」 自文王受命稱王,至攝 舜之及身,天下之民 故孔子曰:「如有 興師征伐也,故 周公東 董生 政

能善。」此亦明救亂之義也。

者,爲救亂世言之也、《坤》之義也。

以繼治世言之也,《乾》之義也。

'坤》,後爲殷易,明征誅之義也。

三八

之於終,而名之以始,重本之義也。」言民所始樂者,《武》也云爾。 故凡樂者,作周德已治天下,●反本以爲樂,謂之《大武》,道,諸侯大亂,民樂文王之怒而詠歌之也。曰:『王赫斯怒,爰整其旅。』當是時,紂爲無曰:『王赫斯怒,爰整其旅。』當是時,紂爲無

理。觀於「里仁爲美」,而治太平有其象矣。格。父子、君臣、朋友之道,由是而能不失其於性,而使自擇之,則俗無不化,而人無不仁、知、禮、義皆仁性所固有,必一一反求之仁、知、禮、義皆仁性所固有,必一一反求之二,道案,上三篇既詳大學、明堂、宗廟之子曰:「里仁爲美。擇不處仁,焉得子曰:「里仁爲美」,而治太平有其象矣。

大,義者,宜也,尊賢爲大。親親之殺,尊賢人,从二。」《中庸》曰:「仁者,人也,親親爲曰:「仁,體愛也。」《説文》曰:「仁,親也,从曰:「體仁足以長人。」《墨子・經説》言》曰:「體仁足以長人。」《墨子・經説》

矣」。 務也。 利。 《說文》:「恕,仁也。」而後明人己之分,以有親親 之德爲仁,皆秉乎天性。學者皆欲復其性 急親賢者之爲務。堯舜之知而不徧物,急先 者無不知也,當務之爲急。 之人,以人意相存問之言。」《孟子》曰 也。 謂之仁者,故曰「中心安仁者,天下一人而已 之殺,由近及遠。仁之道無不通,仁之功亦 然日月至焉,其仁未可 之等,禮所生也。」注云:「人,讀爲 [相人偶. 不息。其藏乎身者恕 人心通,知「乾始能以美利利天下,不言所 能以美利 是以擇仁先求近乎知。知者利仁,深 不 堯舜之仁不徧愛人,急親賢也。」生生 言所利者,體 利天下者,利物足以和義也 ,則能安仁。 仁之元 知也。 仁者無不 也,安仁之事 必通之以恕 安仁乃可 愛也 「知知

❶ 「治」,浮溪本作「洽」。

也與! 而揚 知堯舜之知,而後見堯舜之仁。「舜其大知 達道,而先言知者,以知者或未及乎安行,而 利仁也。《中庸》以知、仁、勇三者爲天下之 功一。故知者之知人,而不仁者遠,以其能 閒違仁,造次、顛沛必於是,則知、仁合而 利仁之學也。 是知仁者、知者不能别以等差也。 仁合,而後爲大知。又觀乎知行成功之一, 仁者未有不先資乎知。其生而知之,即知也。 善、執其 舜好問,而好察邇言」,知也,「隱惡 [兩端用其中於民],仁也。 精其利仁之學,亦將無終食之 知、 故 成

通。《樂記》曰:「人生而静,天之性也,感二。人己之閒,先求之以好惡,則仁之道可與己,二人之象也。故於文:仁,从人,从達而達人。能近取譬,可謂仁之方也已。」人《雍也》篇曰:「夫仁者,己欲立而立人,己欲不可

形焉。 節之弊。欲誘於外,則不能反己,惡能推己 節,則是物至而人化物也。人化物也者,滅 於物而動,性之欲也。 拂人之性。」人有曹好曹惡,所謂「性之欲」, 惡。又曰:「好人之所惡,惡人之所好,是謂 民,天之民也。 惡曰:「民之所好,好之,民之所惡,惡之。」 爲人欲,遂判兩涂,馳之逾遠,其弊無窮。 發」也,欲生於性,所謂「發而皆中節」也。 以及人? 夫性本乎天,所謂「喜怒哀樂之未 躬,猶己也。 天理而窮人欲者也。」鄭注: 天理滅矣。夫物之感人無窮,而人之好惡無 好惡之節於内者也。 好惡所以不通,而仁道鮮也。 **迨形爲動静,而分爲内外,則性爲天理,而欲** 好惡無節於內,知誘於外,不能反躬 理,猶性也。」按,此究言好惡無 好惡合乎性,是爲民之所好 故有道有德足以長民 物至知知,然後好惡 故《大學》明好 「知,猶欲也。 此

三九

通,而 者亦惟能近取譬而已矣,此仁者之所能在人 得少之爲天下一人? 蓋民皆囿於好惡之 篇 表,而求民之好惡,則好惡無不通。 不形,而無所可畏。 内外相養,而反於無欲。反於無欲,則好惡 竟,故有好惡而不能以 己,而置法以民。」」夫既爲人之曹好曹惡,安 能放流之,此好人惡人之事也。 己之閒 仁者,天下一人而已矣。 曰:「子曰:「無欲而好仁者,無畏 親親、仁民、愛物之心極於天下。 能尊顯之, 渾敦窮奇滅乎天理者,吾 無欲、無畏,以定好惡之 自通。 是以君子議道自 惟以 《禮 静制 好惡既 表記 而惡不 然仁 動,

《易》虚乾元,以用大衍之數。《論語》明仁之元爲仁元,居四德之首,仁爲五性之初。謂本乾元以正性命者,宜有善而無惡也。乾謂本乾元以正性命者,宜有善而無惡也。」謹案,此子曰:「苟志於仁矣,無惡也。」謹案,此

推,四者順五行之序、性命之正也。 於季夏,亨,爲乾二五之坤。《文言》於《乾》 夏,屬火,利,爲和,義主秋,屬金,貞,爲榦 欲之誘,將流於惡,而不知所極。《易》曰: 情,人之陰氣,有欲者。」仁、義、禮、知、信爲 曰:「克己復禮爲仁。」克己者,知也,義也 九二言「庸言之信」,是亨之中有信。 事 之長,以體。 復初,復初即震初,同爲乾元也。 知五性皆統於仁,亦猶「帝出於震」。 乾初即 五性之正正六情,故曰 五性,喜、怒、哀、樂、好、惡爲六情。由於情 起。《説文》曰:「性,人之陽氣,性善者也 以示學者性命之正。蓋情性分涂 本,以求禮樂刑政之施。 乾元者,始而亨者也。 ; 知周乎萬事,主冬,屬水,信者土神,主 仁主春、屬木、亨、爲合、 | 性情。求乾元之義 利貞者,性情也。」以 至此 益 反覆 ,而善惡迭 乾元爲 《論語 由仁以 言仁, 禮主 善

信也。 而惡 之功也。 故其 無 所 復禮、禮也。 是知性者必志於仁,乃得其 善日長,其惡日消,至於能 舍。苟不志於仁者,又安能 由四者以歸於仁,復性 性 免於 性之 其 情

名? 沛必 失其 富貴 道制 此章則申言欲惡。欲惡者,心之大端也。以 俗之所繫。 以其道得之,不去也。 道 賤 得 、平生之守,所欲有以溺之也, 患一時之 於是。」謹案,此篇專論人之心術,爲 而 欲,則樂而不亂,以欲罔道,則惑 子曰: 有所惡,即由於有所欲,故必 貧賤,罔道之所由。 君子無終食之閒違仁,造次必於是,顛 之,不處也。 不安素位之行,所惡有以奪之也。 「富與貴是人之所欲也,不以 以上數章既明仁知好惡、善惡 貧與賤是人之所惡也, 君子去仁,惡乎成 樂一時之富貴,而 以道制欲 而 風 其 不 不

> 立 ? 願。 故必反之於道。 消所欲所惡之端,非安仁、利仁之極詣哉 顛沛不足以動其心。 於無終食之間違仁,其心與仁爲一,雖造次 能及此。君子重没世之名,故能自强不息,至 非富貴貧賤之所能與也。然必志於仁者,乃 常在於天下後世。 成仁者,雖更死生存亡之變,其行誼之感人 當明其不處、不去之故,以 道長,爲不以其道。 道長,小人道消,爲以其道。 蓋以欲罔道,則身已陷於欲,又何以 何以達? 其去仁也遠矣。是以古之 所謂道者,君子之道。 即於立人、達人之效,而 庶幾泯富貴貧賤之見 至不以其道之時,君子 存其立、達之素 君子道消

仁者 乎 仁者無以尚之,惡不仁者其爲仁矣,不使 ? 加乎其身。 子曰:「我未見 我未見力不足者。 有能 好仁者,惡不仁者。 日 蓋有之矣,我未之 用 其 力於仁矣 好 不

以尚之」,謂能好仁即無他行可以加於其上, 故孔子發「我未見好仁者,惡不仁者」之歎。 秋時,人人俱失其性,亂臣賊子接迹於當世, 也。天理未滅,斯有好仁、惡不仁之性。春 外,不能反躬,天理滅矣。天理者,性也,仁 遠,孔子成《春秋》而亂臣賊子懼。 是不仁者 事加乎爲仁者之身。如舜有天下而不 爲仁之實,故雖有不仁者,能不使以不仁之 不使不仁者加乎其身」。謂惡不仁者必其有 如安仁、利仁、强仁皆是好仁之事,非止謂見 求其人,期一遇好仁者或一遇惡不仁者。好 好仁與惡不仁宜是一人。然孔子就一世而 見也。」謹案,此章言人心之好惡,爲知誘 無以行其不仁,是謂能惡。此其好惡皆秉於 仁者而好之也。又云「惡不仁者,其爲仁矣, 仁之事,故孔注分爲兩人。又言「好仁者,無 仁者當見其好仁之事,惡不仁者當見其惡不 仁者 於 哉 ?

《易》曰:「君子終日乾乾,夕惕若厲。」考其 遠。仁以爲己任,不亦重乎? 者,謂之區蓋、《論語》所謂「蓋闕」。 矣,我未之見也」者,凡古之未見而 終身,則不能好仁將不可以終日。夫既 不足以爲仁,故知其或有之也。 欲,遂未見好仁者與惡不仁者,非其力之真 知其或有之? 不仁之人也。 云有者,言其或有之也。 不足者」。 「我欲仁,斯仁至矣」,必無力不足之事。故 用力於仁,則知「能近取譬,爲仁之方」,又知 亦遠乎?」觀此可知好仁者之用 性分之中,而不爲知誘 曰「有能 一日用其力於仁矣乎? 一日之事,而知其所以用力於仁者,可究之 曾子曰:「士不可以不宏毅,任 能一日用力於仁者,即指好 以我見當世之人惟誘 於外, 死而後已,不 豈 云「蓋 易 我未見力 力於仁。 存 見其人 謂 重 何以 於人 其説 仁惡 世宜 有之 日日 丽 道

術日離於仁,重言「我未之見」,視「未見好在蓋闕之例,故曰「蓋有之矣」。 傷一世之心有用力於仁者,以我未之見,則有之之説猶

仁」之語,其意益深切矣。

仁也。 也。 與過,人之所遭也。 者,或有悔者焉。」夫仁者,己之所盡也。 利仁,畏罪者强 仁同過,然後其仁可知也。仁者安仁,知者 異。」又曰:「與仁同功,其仁未可知也。 《禮・表記》曰:「子曰:「仁有三,與仁同功 見其功,不仁者見其過。 而異情。」」注云:「三,謂安仁也,利仁也,强 知人矣。」謹案,黨,類也。過者,猶咎悔也。 仁者見其過,不仁者見其功。是以君子或收 過者,人所辟也。在過之中,非其本 子曰:「人之過也,各於其黨。 利仁、强仁功雖與安仁者同,其情則 仁。」注云:「功者,人所貪 君子以其類進,則仁者 小人以其類進 觀過,斯 列則 功 與 情

> 稱,此利仁之極致。 小人之功,小人必陷君子以過。 牧、荀息之流、非皆求仁得仁者與? 朝,此强仁之成功。 在此。處過之際,能擇仁而 之節,斯見歲寒松柏之心。 限,則能性其情。於是刀鋸在前,鼎鑊在後, 仁、强仁乎? 故利仁、强仁必以安仁爲之程 而爲仁之心至死不變。《春秋》所載孔父、仇 在 爵禄可念,能引决於一 過 而 觀過 蹈,流奕世之美 悔,安得謂之利 以履霜堅冰 知 仁,其道

久,何庸朝夕以俟乎! 之意同。若事物當然之道,聖人之徒聞之宜之歎,與《禮·中庸記》言「道其不行、不明」之歎,與《禮·中庸記》言「道其不行、不明」為有道無道之道。《里仁》一篇專言人心風爲有道無道之道。《里仁》一篇專言人心風

足與議也。」謹案,「窮則獨善其身,達則兼善子曰:「士志於道,而恥惡衣惡食者,未

恥也 如爲 以 善其 天下 人心者,始於端士習, 俗之本,所以日離於道,而國不可治。 議道之任,必將 其平居深計遠謀,但爲空言以欺當世 此 ·, 即 見世之有道、無道,皆由乎議道之人也。 士者所恥在衣食之閒,其立心甚小,則 惡衣惡食之所充也。 身,即 此 以道善天下。 所志 誇張富强之事,不顧人心風 之道也 端士習者,始於識廉 有天下而 如是 凡 爲 士者 而 可 不與 與議 既 一, 迨 故正 以 道。 處 道

文》。 慕。 適、 義也 春秋 仁 以義治我。故義先於治我,則仁達於天下。 皆爲比校 制》有八月案比。 治也。《周禮》有大比、《春秋》屬辭比事、《漢 必無敵、無慕,而後能義之與比。 能正己者,皆不予爲義,以其意在敵與慕也 之功遂有間也。故《春秋》之法,凡正人而 之,當無損乎義。 與之。 其於天下之人,可者與之,不可 論於己,故曰與比。 有義之與我爲治又何暇乎敵與慕。 .義之法相因 無莫。 敵,謂有所惡而拒之,慕,謂 治起衰亂,則内中國而外諸夏,亦始於 積豪毛之善,絶纖芥之惡,是之謂密 董子又曰:「有爲而 而治。 適,依 ,而治有 義之與比,即 鄭 見《大司徒》注。 然存乎敵,存乎慕,於治我 本作敵。 比,亦訓爲「密」。 偏 用 得義者,謂之自 者 莫, 以 凡以比爲名 ,即不可 比者 義 依 有 治我也 以義校 鄭 所 1,所以 本《説 者拒 讀 向 作

分之於人己之治也。

故孟子但言義内,而不

待治。 得 ; 道,故反覆言仁。而仁必合乎義,猶治人者 以容衆。」按,董子言《春秋》之法治衰亂 謂之自好,人不好義者,謂之不自好。 必始於治己。 内,仁義之性無外内也。 之分,而著於逆順之處也。是故內治反理 求仁義之别,以紀人我之間,然後辨乎内外 往,義謂來,仁大遠,義大近。」又曰: 參之,義,我也,明矣。是義與仁殊: 具於性,用之以 太平,故分仁義爲外治、内治。 其實仁義皆 正身,據禮以勸福 有爲而 如知者利仁,利以和義,始於以 失義者,謂之自失。 如仁者安仁,則生知之聖 治則爲法。 外治推恩以 《論語》言治 仁義之法 廣 人好 施 「君子 義者, 以此 義治 已不 人之 有 寬制 而 外 以 謂 立

親,亦違義內之義。 思,亦違義內之義。 是子養外之說。又如《疏義》解爲天下之人有義者與之爲此,爲君子也。《墨子·經說》「義志以天下爲芬」,近以敵與慕皆外也,非内也,義之與比,内也,以敵與慕皆外也,非内也,義之與比,内也,

儉,當思《碩鼠》之傷矣。 一子曰:「放於利」。故有《葛屨》之而相報,由是而怨多也。凡人之儉嗇而不能而相報,由是而怨多也。凡人之儉嗇而不能而相報,由是而怨多也。凡人之儉嗇而不能。以於利則而於利也。放於利則志貪

則不僭,不僭則上下各安其分。故能守其讓,句。爲國乎何有」者,夫禮所以明讓,讓能以禮讓爲國,如禮何?」謹案,云「能以禮化以禮讓爲國乎? 何有? 不子曰:「能以禮讓爲國乎? 何有? 不

我,而後以仁治人,是之謂利仁。仁義之相

因爲法,五行之相代爲用,合之於天命之性,

先君。 如禮 以禮讓乃可爲國也。云「不能以禮讓,爲國 夫僭 禮何?」不仁者,即不能以禮讓者也。 讓,而國非其國。故上篇言:「人而不仁,如 以讓成其仁義。吴於是有君,有大夫,明能 秋》遂託 而爲一國,又何所見其難?「爲國乎何有」與後 者不可以不爲仁,尤不可以不比義,而後能 仁者反此。 子讓,其下皆讓」,此以己及人之一端也。不 之立人、達人皆以己而推。《左傳》稱「范宣 於從政乎何有」語 `吴子使札來聘」,亦美札之讓國。《傳》稱 君子以其不受爲義,以其不殺爲仁」,是札 諸侯 何」者,魯自文公失禮,爲逆祀,上誣 於是三桓專政,宣公篡立,不能以禮 始於隱,而成其賢,於襄廿九年 ,其禍相因,亦由己而推。 ,能行其仁,斯謂 故不以禮讓,則諸侯僭天子,大 氣相類。 隱公推 讓。 讓 以禮、 丽 立, 故爲國 仁者 以 書 春 其 讓

> 以 禮 讓 也。

所以立者,禮也。 而知其德,此可知之大者也 知,求爲可知也。」謹案,不學禮無 子曰:「不患無位,患所 見其禮 而 知 以立。 其政,聞其樂 以立,是 不患莫

己

也。 乾,故坤含光大,凝乾之元,此坤乾之義,歸 萬物。」故造文字,始一終亥。 乾之初爻爲 當其無,有車之用。埏埴以爲器,當其無,有 居也。大衍之數,虚一不用。 其一爲乾元。所謂「易有大極,是生兩儀」者 藏之法也。大衍之數五十,其用四十有九, 用之以通。 可指,故著之以北極之星,其一明者,大一常 云:「惟初太極,道立於一,造分天地,化成 一,乾象盈甲而藏於亥。 於天爲北辰,天之中至虚之地。 子曰:「參乎! 故《老子》曰:「三十輻 吾道一以貫之。」許慎 坤辟亥,坤下有伏 有不 共 用者,而 虚者不

器之用。鑿户牖以爲室,當其無,有室之用。 器之用。鑿户牖以爲室,當其無,有室之用。 以生,王侯得一以爲天下貞。」又曰:「道生 一,一生二,二生三,三生萬物。」三者,乾之 一,一生二,二生三,三生萬物。」三者,乾之 之説,通乎《易》,與《論語》「一以盈,萬物得一 以生,王侯得一以爲天下貞。」又曰:「道生 一,一生二,二生三,三生萬物。」三者,乾之 一,一生二,二生三,三生萬物。」三者,乾之 一,一生二,二生三,三生萬物。」三者,乾之 一,一生二,二生三,三生萬物。」三者,乾之 一,一生二,二生三,三生萬物。」三者,乾之 一,八生二,二生三,三生萬物。」三者,乾之 一,八生二,二生三,三生萬物。」 一,八世二,二生三,三生萬物。」 三爻。《老子》又曰:「道出,而用之又不 相發也。《老子》又曰:「道虚,而用之又不 相發也。《老子》又曰:「道虚,而用之又不 相發也。《老子》又曰:「道虚,而用之又不 相發也。《老子》又曰:「道虚,而用之又不 也。可謂之。 、以觀其復」,言一以貫之也。

人。極之天下之大,唯人己而已矣。故《論仁,从人从二。仁有二人之義,人與己爲二恕,仁也。俱本《説文》。主一,謂之敬。於文:恕,仁也。俱本《説文》。主一,謂之敬。於文:夫子之道,忠恕而已矣。忠,敬也,

於一,終於十也

《中庸》言中之用,中爲皇極。 人之謂也。乾爲敬,仁者,元也,乾元之道行 達人。」此人與己爲仁之義也。 語》曰:「夫仁者,己欲立而立人,己欲達 也。克己復禮,忠也,敬也。仁,恕也。「一 施於人。」由己以及人,賜之所以聞一知二 之者乎?」子曰"「其恕乎! 己所不欲,勿 於終始。故子貢曰:「有一言而可以終身行 本末之字,並從一,有一而後本末具,則貫之 貫之也。《大學》言「物有本末,事有終始」。 用者,貫之也。《春秋》之「始元終麟」,一以 以忠恕。有忠恕之實,而後能明一貫之旨。 貫之,囘之所以聞一知十也。天地之數,始 日克己復禮,天下歸仁焉」者,始終本末一以 能近取譬,二 極,即一也。 加

喻。喻者,曉然於心也。君子以義爲利,故義與利皆係於一己,而無與於人,故言

見利 夫冒大辱以生,其情無樂,故賢人不爲也 能成之、《春秋》不愛,齊頃公、逢丑父是也。 祭仲是也。前正而後有枉者,謂之邪道,雖 之中權,雖不能成,《春秋》善之,魯隱公、鄭 不能及也。董生書曰:「前枉而後義者,謂 利者,小人欲專於己,遂工於所自謀,不喻者 責於人,但求所以自盡,不喻者不能及也。 見危授命,乃見君子之喻義。義者,君子不 避、避之而已。及其不可避、君子視死如 生,苟爲利而已。」又曰:「天施之在人者,使 也者,正於天之爲人性命也。 故示之以義,曰:「國滅,君死之,正也。」正 面之位,而束縛爲虜也。 命,使行仁義 人疑焉。《春秋》以爲人之不知義而疑也, 思義。 恥者,不生於大辱。大辱莫甚於去南 惟其心之所喻,故能思義。 而羞可恥,非若鳥獸然: 苟爲 曾子曰:「辱若 天之爲 及其 人性 一,而 可

學,世子亦入學也。《里仁》篇明里鄰風 以狥利,是爲喻利,是爲以利爲利。利者,亦 疑,但見利之可欲,盡去其禮義廉恥之性,而 斯爲以義爲利,斯爲善喻。 生之際。 歸。」謂如頃公者也。」按,此見君子比義於死 施,邢氏以爲重出者,非也 繫。至此類言孝事,以著爲仁之本。言三年 矣。」謹案、《學而》篇明大學之法,「父在觀其 則所喻惟利,而終身不知義。求性命之正,則 君子之所喻也,惟知利以和義,則喻利而不必 改,則可要之没身矣。語雖若 無改於父之道,是概言人子事親能三 志」一節,是言繼體之君,以天子諸侯 有義即有利。 言利。義者,小人之所疑也,以疑義而貪利. 子曰:「三年無改於父之道,可謂孝 死而不避,義也。 自有小人之喻利,而義利分也。 死賢於生,利也。 小人不知 ,而義有兩 義,而 年無 皆視 俗所

《集

解》鄭玄曰「魯人」、●《正義》、《家語》

論語説義二

長洲宋翔鳳于庭著

公冶長 雍也

讇,高才也。」則佞亦是才能之稱。 故《論語》 昭、杜預並云:「佞,才也。」《説文》:「佞,巧 不佞。」成十六年《左傳》:「諸臣不佞。」韋 務實,不宜以才能先人也。 孔子稱「焉用佞」,又云「惡夫佞」者,謂人當 意中,●自以佞爲美,故當時自謙曰「不佞」。 佞乎」,謂無乃自以爲才乎? 在或人即微生 雍也仁而不佞」,謂仲弓無口才。 「無乃爲 小爾雅》:「佞,才也。」《魯語》:「寡君

(史記 • 弟子傳》:「漆雕開,字子開。」

論語説義三

作開。《論語》稱漆雕開者,是稱其字,猶南 表》作漆雕啟,啟當是其名,《史》避景帝諱 歲,習《尚書》,不樂仕。」按,《漢書・古今人 宮縚字子容,而稱南容也。 云:「蔡人,字子若,按,若當作启。 少孔子十一 「吾斯之未能信」,吾字疑启字之譌。 啟,古字作启。

漆雕启後。」按,《漢志》「後」字當衍,或解爲 志·儒家》:「《漆雕子》,十二篇,孔子弟子 所好之意,故子説之也。<< 漢書・藝文 民也。言吾於斯世未信吾道之可行,即從吾 開之後人,不特文理紀載不順,况《論衡 曰:「吾斯之未能信。」斯者,謂斯世、斯 · 本

四 九

[「]即」,浮溪本作「及」。

不再一一出校。 「玄」,原作「元」,避清聖祖玄燁諱,今回改。 以下同

流與。 載也 儒」, 雕開、公孫 性篇》云: ? 據此,則開 則 《韓非子 開之學非無所見,蓋亦子張之 「世子作《養書》一篇,密子賤 尼子之徒亦論情性,與世子 亦自著書、《七略》安得 顯學》篇有「漆雕 氏 反 相 之 漆 不 出

功 非謂才力所限。 發問以要其對。 最知顔子聞一知十,與孔子所許正同,故獨 子。《易》備一至十之數,惟顔氏得聞之。子 元 故能一日克己復禮,天下歸仁。 至於治太平。 爲元,以著大始,而欲正本然、張三世,以 、爲仁,於貞明既濟定,言太平之世,群聖相 ,孔子許以「天下歸仁」。 ,效至捷也。 孔門之有顔氏,以不違之體、篤好學之 顔子 故孔子繋《易》,獨著顔氏之 孔子救亂世,作《春秋》,謂 夫知十、知二言功效所及, 繼其後,太平之治已見, 弟子中惟子貢當 如《易》於乾

貢日在聖門, 《易》之既濟定。 以及人,然有或及、或不及,故自 所能至。顏子慕聖,庶幾夫既博文約禮,而 學《易》則曰「假我」,答問未嘗及至。 詩、書、禮、樂。 之。尋《論語》一書,孔子教人之法,亦惟言 被詩、書、禮、樂之教,故守其所聞者以發明 修其教於人,是爲文章。 以仁性合乎天命,是爲性與天道。 之文章,賜之所聞也。 所聞性與天道之言,賜不可得而 人,謂己與人而二,此知二之説也。 蓋囘之 方中央歸之,此知十之説也。子貢 四方中央爲十。 極,則詩、書、禮、樂皆歸乎《春秋》之治太平、 二,知其讓 類淵 傳詩、書、禮、樂,其 而《春秋》之義則曰「竊 也。 顔子告以天下歸仁,惟謂 然惟聖人能知之,非學者之 於文:一與一爲二,具 所謂一者,仁之性也 子貢憫一世之人不 (功亦 聞也。 以仁之道 謂 告以及 聞 究乎其 在 夫子 比, 推己 一知 四

氏之子固倜乎遠矣。 與女弗如」,若「由也,好勇過我」之意,而顔 弟子共聞文章,亦足以求仁之本。故曰「吾 常子共聞文章,亦足以求仁之本。故曰「吾 常子共聞文章,遂謂「吾與女俱弗如」者,以爲 又進以欲罷不能,知十之詣,有所獨造。孔

《易》、《春秋》,然子贛猶云『夫子之文章可得 《易》明天道,以通人事,故本隱以之顯。《春 秋》爲夫子之文章者,誤。文章自謂詩、書、禮、樂也。 書,故引子貢之言以實之。 類師古注以《易》、《春 矣」。」按,班氏以《易》、《春秋》爲性與天道之 削則削,子夏之徒不能贊一辭。」即不可得聞 人共者,弗獨有也。至於爲《春秋》,筆則筆, 子世家》又曰:「孔子在位聽訟,文辭有可與 戒慎不睹,恐懼不聞,性與天道之學也。《孔 人相與也。人皆有天命之性,不能率性,則 際,通之以性,故曰性與天道。所謂與者,天 秋》紀人事,以成天道,故推見至隱。 天人之 而聞,夫子之言性與天道不可得而聞已 所傳,有《禮運》、《中庸》諸篇,暢明旨趣,當 見之行事而託諸空言,則《春秋》斯作。後之 之謂。自顏淵死而有「天喪予」之歎,知不能 離道。聖人能率性,則合道。道者,天道。

者,即本乎性與天道,發爲詩、書,動爲禮、 時七十子者,宜莫不聞 即性與天道。合,猶與也 依乎中庸,遯世不見,知而不悔,自在君子。 文學之選者,皆脩夫子之文章者也。 樂,以正朝廷而成風俗。七十子中,在政事、 謂舉世之人不可得聞,非 者,在《論語》:宰我、子貢列言語之科,皆能 所謂仲尼微言,即性 發起聖情,互爲影響,二子之論,爲獨多也。 人共由,存其不可得聞者,以見統緒絶 窺斯旨,故願明其可得聞者,以陶淑一世,使 (淮南・精神))篇所謂「真人者,性合於道也」,言性合於道 與天道之言。 自謂不聞也。 所謂不可得聞者 求微言 子貢深 文章 續。

言性命及天道。而學者誤謂孔子之言自然一言性與天道不可得而聞也已矣」。謂孔子不稱子貢曰「夫子之文章可得而聞也,夫子之《漢書・外戚傳》注,師古曰:「《論語》

背爻象而任胸心?」《晉書·紀瞻傳》:「陛下性與天道 道,不可得而聞也」。」《管輅别傳》:「苟非性與天道 傳》:「臣伏自思維:以詔敕戰攻,每輒如意。 與天爲合,故曰自然與天道合。《後漢·馮異 與天道合,非唯失於文句,實乃大乖意旨。」 氏之解矣。 及,然猶説自然之旨。 以與爲及之説。 猶復役機神於史籍。」並以與爲合也。 决未嘗不有悔。國家獨見之明,久而益遠,乃知『性與天 按,如顔意,則漢以後學者以性爲自然之理, 至皇 一氏《義 自後遂一 疏》 何 平 始 變而 時以 以 叔 私心 同 與 亦 爲 顔 無 由 斷

可得而治。此篇皆明用人治國之法,然其人也。必如是之聞,而後可以兼仁、知之道,則國也。必如是之聞,而行之,乃可謂之得聞也。必如是之聞,而行之,乃可謂之得聞也。子路有政事之才,宜仕諸侯之國,故「未之能子路有政事之才,宜仕諸侯之國,故「未之能子」,以其必行也,「惟恐有聞」,其深信所聞

周矣。 必當就裁乎孔子,如後所稱孔文子、子産,若 而人使爲仲尼之徒,則列國之政用爲東

之微言與? 子之好學下問,則詩、書、禮、樂明,而可以爲 政治國。子貢以其謚發問,以見列國非無其 謹案,此明文章之用,由乎學問也。 人,皆當學於孔子,則有所就裁,此亦《春秋》 而好學,不恥下問,是以謂之文也。 如孔文

效。 者之愛人非爲泛愛,國家於是得進賢達能之 美,而後可仕於國。蓋有知者之知人,則仁 仁也,通古今,辨然不,知也。必有仁知之 大夫。 通古今,辨然不,謂之士。」 進賢達能 知也?」謹案、《傳》曰:「進賢達能,謂之卿 苟知賢而不能進,即不可爲知人,以知 子産在聖門,亦政事之科。 曰"「臧文仲居蔡,山節藻棁,何 如其

> 然非專小智之謂也。若有人相語,彼尚未有 也? 對曰:仁固大也,然則仲尼亦有所激 然則仲尼曰「未知焉得仁」乃高仁邪? 何謂 仁?」又案,徐幹《中論·智行》篇:「或曰: 伐宋,以百乘敗而喪其衆,不知如此,安得爲 衡·問孔篇》曰:「子文曾舉子玉代己位而 其知」,惟其不知而不仁,更無待言也。《論 易惑者,意多歧也。故觀人之術,先觀其知。 「未知,鄭音智,下同。」案,孔注兩知字皆讀如字。 論語》家説,與孔安國古文家説異。《釋文》: 其不仁者三,不知者三。《論語》但言「何如 臧文仲之竊位,由其知之早惑。《左氏傳》記 一智,安得乃知爲人乎?」謹案,此皆本《魯

高官。 之?」此據《魯論》,魯讀崔爲高。案,他國不 必皆如崔杼之弑君,當以高子爲是。 論衡·别通篇》云:「仕宦爲吏,亦得 將相長吏,猶吾大夫高子也,安能别 高國爲

五三

論語説義三

立人、達人之意遂窮。然忠清之質,是能以知,乃可使之治國。然仁、知詎易幾也。如,乃可使之治國。然仁、知詎易幾也。如,乃可使之治國。然仁、知詎易幾也。如如,乃可使之治國。然仁、知詎易幾也。如立人、達人之意遂窮。然仁、知詎易幾也。如如,乃可使之治國。然仁、知詎易幾也。如如,乃可使之治國。然仁、知詎易幾也。如如,乃可使之治國。然仁、知詎易幾也。如知,乃可使之治國。然仁、知詎易幾也。如知,乃可使之治國。然仁、知詎易幾也。如知,乃可使之治國。然仁、知詎易幾也。如知,乃可使之治國。然仁、知詎易幾也。如知,乃可使之治國。然仁、知詎易幾也。如

《左氏》所載,甯武子遭罹國患,盡忠竭

知,則皆治太平之人也。聖人之門,宜取乎二子之才,俾好學以近乎娶人我者也。通之以知,乃能以仁治人。故

道案:《左傳》載季文子出莒,太子僕使 去惡之道,又稱文子忠於公室。故鄭注《論 去惡之道,又稱文子忠於公室。故鄭注《論 去惡之道,又稱文子忠於公室。故鄭注《論 之篡立,立子忠而有賢行,其舉事寡過,不 心及三思」。左丘明好惡合乎聖人,取證其 之篡立,立子執政,其謂之何?」答曰:「僭 之篡立,或在君父。《春秋》猶爲之諱,行父 不能,正是其罪耳。然律以科條,情非首惡。 工之旅,又附益聚斂,而政事之科先列冉有, 立文,如季文子者,亦聖門之所采也。」 之文,如季文子者,亦聖門之所采也。」 竇之學烏能及於此乎? 賢之學烏能及於此乎?
伯所理也,桓、文、五伯之盛者,故舉之。其秋》以二始舉四時,記萬事之名。其事則五史,其義則某竊取之矣。」趙岐注曰:「《春之《春秋》,一也。其事則齊桓、晉文,其文則之《春秋》,一也。其事則齊桓、晉文、樸杌》,魯

文,史記之文也。孔子自謂「竊取之」,以爲太,史記之文也。孔子自謂「竊取之」,以爲太,史,自紀當時之事,成之書也。丘明爲魯太史,自紀當時之事,成於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與相同,於《左氏》。其人質直有恥,孔子引與別之」,以爲

己正南面而已矣。」仲弓論居敬行簡,與舜正百敬授,居敬之象也。又言:「受終于文祖,百敬授,居敬之象也。又言:「受終于文祖,在璿機玉衡,以齊七政。」亦言明堂之象、南田之法也。行簡者,無爲而治也。子曰:在璿機玉衡,以齊七政。」亦言明堂之象、南田者,明堂之象也。《堯典》言:「欽善南面者,明堂之象也。《堯典》言:「欽

簡。 也。 於四時天子之齊,大史先三日謁之,敬之至 非敬無以居,非大無以行,横被四表,格于上 南 恕。 謂衆星共之,一以貫之之學也。故亦謂之忠 德者,四時盛德之所在。居其所者,敬也,守 下,大之至也。 **闊之法,鈞** 紀所存,斯見之於禮。 居敬者,抱一之式,至正之守,斡維所繫,綱 曰:「禮之用,和爲貴。先王之道,斯爲美。」 有所不行,知和而和,不以禮節,亦不可行」。 「先王之道斯爲美」,言其行也。「小大由之, 一之學也。行簡以臨民者,不亦可乎? 面 中心爲忠,居敬之謂,能近取譬,行簡 之道 故曰:「爲政以德,譬如北辰,居其所。」 忠,敬也,恕,仁也。以仁治人,是能 然敬不可見,聖人於是立之以禮。 、陶醕風,沐浴醲化,斯形之於和。 敬者,肅也。《明堂》、《月令》 簡 者, 大也。 行簡者,寬大之治,疏 《釋詁》: 簡, 大也。」 所 故 行

後禮。 道而後德,失德而後仁,失仁而後義,失義 不言夫禮,於是乎大簡。 居簡 之首事,故言禮之書莫精《老子》。 以禮與道德仁義出於一原,而循其古始,宜 書之意,謂欲救道德仁義之失,要必明乎禮 宰,使南面者不能仕於家也。 弓發此言者,正以仁術素裕也。或人謂「雍 仲弓之言,而儒者之治國得其正矣。 周之徒,肆其議論,放棄典禮,貽悮來世。 流裔,但就失義後禮之文。如子桑伯子、莊 有厚薄亂治也。 騫、冉伯牛、仲弓於上中,上中爲仁人。 仁。蓋七十子中列德行之科者,皆全乎仁。 也仁而不佞」,孔子但言「焉用佞」,則已許其 全乎仁者,君道也。《漢書・古今人表》列顔淵、閔子 而 夫禮者,忠信之薄而亂之首。」推其作 行 "簡者是· 言忠信既薄,則禮爲治天下 也。 道家 老聃之書曰:「失 者 流 但 傷 如 宣言無 迨其支與 閔 伯牛者言 然惟仲 子 有

一篇明人君之道,故究以中庸之爲德,與立言卿大夫之事,故究之以忠信好學。《雍也》命,與顏淵之辭同。《論語》於《公冶長》一篇

人達人之説也。

《乾》初九來息《坤》,成《復》,陽生於微。 復。 《文言》曰:「元者,善之長也。」又曰:「體仁 子,乃可謂之好學也。《易·乾》初九爲元, 之情,易遷於喜怒,而怒尤甚。顔子粹道沖 常息,於剥坤復三月消息見其義。 履霜堅冰象,謂陽震出坤,潛龍勿用。陽氣 純陰之卦,含宏光大而凝乾元。故坤初六有 仁,不違仁者也,長人,以仁之道治一世者 震爲仁,爲諸侯,故體仁足以長人。」謹案,體 足以長人。」張編脩推虞義曰:「謂初息震, 子之遷善,動於幾微,而人不覺。常人輕躁 用,而確乎不拔,是爲不違仁。回之心,見天 也。乾初之陽上窮於剥,剥窮上反下而爲 力稍勝,見爲過中,改之既速,斯不貳過。 和,無怒可遷,得善服膺之象。 其過當亦意 曰「其殆庶幾」,許其能體復也。 學易如顔 剥爲九月,復爲十一月,中間十月。 乾元勿 故

於乙 日晨 也。 夏。 以 納甲法:月三日昏見於庚,明生於下,震象 元,而仁自存乎乾元也。 乾盈坤虚,陰消陽息,故 坤,於氣爲陰陽。五德之性禀於陰陽,性之仁如乾之 儀,兩儀生四象。」太極爲天之北辰,於人性 回 下弦見丙,魄盛於下,艮象也。二十九日人 五日盈於甲,明满,乾象也,是爲陽息。 爲仁,於易爲乾元。 至焉」者,離日,坎月。「易有太極,是生兩 行之科,如回比者,皆可使南面 日月藏於癸,合於壬,陰陽相通,坎、離象也。 Ĺ 能 一,明盡 八日上弦見丁,明盛於下,兑象也。 見於辛,魄生於下,異象也。 參天地。 日月之象,成乎坎離,爲乾坤二用。 體 復,故三月不違仁。 故復初有元吉之象。 ,坤象也,是爲陰消。 四象者,日月之行,成春秋 兩儀爲天地 仁體君道 者也。 元者, 晦 於易 二十三日 朔之間 「日月 一故德 乾元。 十七 爲乾 求 冬

> 巽辛,相得合金。日月會於壬癸,天壬,地 見。 道,而輒謂「不知其仁」者,以日月之至有盈 子之何患於喪也」。 精生一,此則孔子、顔淵用行舍藏如 坎離動。 乎日月」。 虚消息之變,異乎乾元之不可拔也 王,七十子皆奔走疏附,先後禦侮,知「二三 不亡也。坎離爲大用,故動。 癸,相得合水。戊、己、壬、癸皆坎離 至庚辛而震、巽象見。故震巽生乎秋,震庚 乾甲,坤乙,相得合木。至丙丁而艮、兑象 故月至甲乙,而乾、坤象見。 「日月相推而明生」。 故艮兑生乎夏,艮丙,兑丁,相得合火 以勿用,故静。 蓋北辰静,而日月動,乾元静,而 然其 又曰「縣象著明,莫大 静,故含元出氣,流 人皆有得乎仁之 故乾坤 故孔子爲 也,故 一,死 生乎春 而

邑,汶上在魯西北,鄰齊境。「必在汶上」,言則吾必在汶上矣。謹案,費在魯東南邊

託迹當遠也。

有,而自發難免之悲也。 能若朝之人所計及也,故深慨乎今世之所將不免有巧言令色之畏也。免於今世,固非之比也。「難乎免於今之世」者,謂賢人君子之比也。「難乎免於今之世」者,謂賢人君子之。

質,殷周之質,不勝其文。」」文質互言,明王 爲質家而立虞法,至運當改制,而知天之秝 者制度之所消息也。言「虞夏之質」者、謂舜 之文至矣!'」夫子曰:"「虞夏之文,不勝其 《論語》言「誰能出不由户」意同。莫由斯道, 復。而《表記》曰:「子曰:「虞夏之質,殷周 之末也。《春秋》家謂三代一質一文,以再而 可易者也,本也。文質者,順時而變者也,禮 武方,其禮亦然,其道一也。」是一者,禮之不 由之。或素或青,夏造殷因。周坐尸,韶侑 之道。《禮器》又曰:「三代之禮,一也,民共 謂當時無彬彬君子之道也。以反本脩古、不 儀三千。三百、三千,皆由誠也。」按,此與 今《禮》也。《禮》篇多亡,本數未聞,其中事 篇,其官有三百六十。曲,猶事也。 忘其初而言,謂之禮。 以小大之所共由,謂 一,謂誠也。經禮,謂《周禮》也。《周禮》六 事禮,謂

論語説義三

數在

禹,不 ·俟其 敝 而 相授受。 禹 雖當承主文 以 爲 易

之運 言「殷周之文」者,言殷之末世,質法已敝,人 但就輕重以爲制度,故亦得有虞之文也。 文,文家亦有質。 又言「虞夏之文,不勝其質」者,謂質家亦有 ,而質家之法意難廢,故虞得兼夏也。 夏之主文,即承虞之主質 其

於殷」,皆因勢利導之意。故曰「殷周之文」。又曰 家之法,因而利導之,《爲政》篇言「殷因於夏,周因 殷周之質,不勝其文」者,言殷周之際,正文

皆患其敝而勢趨於文,故文王之制度,用文

也。 民順 勝乎質之時也。 故曰:「禮,時爲大,順次之,體次之,宜 而易行。非質勝而改文,文勝而改質 君子之道,當因其勝者,則

次之,稱次之。」未有强其所不能,行其所不 可謂彬彬君子者與。

立《春秋》之制,使百世之下共由斯道,是則

欲也。

患其敝,而思其先王之禮,文之中有質,而不 知其所由,則有如子桑伯子欲去其文,孔子 要而論之,當其文之末流,人心已先 逝也,不可陷也,可欺也,不可罔也。」謹案 其從之也?」子曰:「何爲其然 宰我問曰:「仁者,雖告之曰井有仁焉 也? 君子可

史。 其質之末流,人心已先 質家之法,如殷之制度,可得由斯道矣。 心患文之敝而質勝,如論麻冕拜下之言,及 文,是以文質能相救也。孔子承 者,以消息其盛衰。文不能去質,質不能去 得由斯道矣。故主文、主質之始,實兼是一 義,陳其數,如祝史之事,故曰「文勝質 之禮:質之中有文,而不知其 虎豹、犬羊之鞟,其辭可見。因明質家之法 ·野人曰:「父母何算焉?」」此亦去文之極。 。因而爲之明文家之法,如周之制度,可 野, 故 曰 「質 勝 患其敝,而 文 則 野 所由,則失其 周末流,人 思 因爲之明 喪 其 服 先 傳》: 則

患其違仁,而勿虞其入井也。 思其違仁,而勿虞其入井也。 思其違仁,而勿虞其入井也。 故君子但而免,則仁人不知所以免者,於是設爲「井有仁焉」之問,恐爲仁者相從納於窞穽,仁之道所,以避難也。與此辭以發孔子之微言。夫滔滔天下,非人。 以此辭以發孔子之微言。夫滔滔天下,非人。 就此辭以發孔子之微言。夫滔滔天下,非人。 就此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。夫滔滔天下,非人 以此辭以發孔子之微言。 以此辭以致之生,斯幸

中也者,天下之大本也;和也者,天下之達中也者,天下之大本也;和也者,天下之達學之未發,謂之中,發而皆中節,謂之和。屬通論。」按鄭君之説,如《中庸》一篇所以發層通論。」按鄭君之説,如《中庸》一篇所以發以其紀中和之爲用也。庸,用也。孔子之孫以其紀中和之爲用也。庸,用也。孔子之孫以其紀中和之爲用也。庸,用也。孔子之孫以其紀中和之爲用也。庸,用也。孔子之孫以其紀中和之爲用也。庸,用也。孔子之孫以其紀中和之爲用也。庸,用也。孔子之孫以其紀中和之爲用也。

道也。致中和,天地位焉,萬物育焉。」按此 故曰:「中庸之爲德,其至矣乎!」至者,致 知中和爲性情之本始,所謂「民之秉彝,好是 懿德」。至極中和之用,爲天地位、萬物育。 云:「鮮,罕也。言中庸爲道至美,顧人罕能 也。《中庸》篇又曰:「君子中庸。」注云: 《説文》:「庸,用也。从用,从庚。庚,更事 性,故曰「用其中於民」。此明中庸之爲用。 不肖,若有恒性如舜之德,能使人人各遂其 爲人之恒性,所謂秉彝,彝,亦常也。民無賢 解庸爲用,而又言「庸常者,常恒也」,謂中和 其中於民,賢與不肖皆能行之也。」按,鄭既 以爲舜乎!」注云:「兩端,過與不及也。 用 久行。」又曰:「執其兩端,用其中於民,其斯 曰: 「中庸其至矣乎! 民鮮能久矣!」」注 「庸,常也。用中,爲常道也。」又曰:「子 也。」中庸之爲用,即「吾道一以貫之」。一,

中也, 至也。 此。 《春秋》之成,當致大平矣。故《雍也》一篇, 平,内諸夏而外夷狄,於所見世,見治大平, 是謂能久。然求張三世之法,於所傳聞世 首言居敬行簡,以明忠恕,而究之以中庸,皆 時,而通乎百世。「久矣」之歎,以時考之,知 下,是以謂之至德。孔子素王之德,否乎常 天下遠近小大若一。此仁之能近取譬,故曰 見治起衰亂,録内略外,於所聞世,見治升 曰「一以貫之」,明堯舜以來相傳之道,則 中庸之爲德」。 爲人君止於仁」。此南面之道,中庸之 一以貫之之微言。 《春秋》繼周而作,百世可知,久而無敝, 也 ¬, 猶 謂明五德之運,以明於天 用 南面而聽天下,不外乎 也。 孔子明己之道 日 則

仲弓,外及冉有、原憲諸人,至於澹臺滅明、《雍也》一篇,於顏淵、閔子騫、冉伯牛、

直」,君子也。「罔之生也幸而免」,小人也。 故,此夫子志在《春秋》之始也。「人之生也 難免,遂至莫由君子之道,故慨然於文質之 宋朝,則小人之反中庸。舉世而是,而君子 先王之道。我則弗畔於先王之道,知我、罪 皆博學於文,約之以禮。文,魯史之文。禮 書。見以可陷、可罔,則仁人將墜於井。 也。《春秋》刺譏褒諱挹損之文辭,不可以 久。「觚哉」之歎,言孔 得而幾然。而春秋之天下未易變也,齊一變 之分,君子、小人於是辨也。辨君子、小人, 知之者,中人以上也。 定九品之差,明中人 孟之反之流,其人皆有君子之性。 秋》仁義之法可無是患也。《春秋》十一篇, 觚不時成,以喻爲政而致太平非一日之積 而後可以極仁、知之功用,則治太平之道可 而至魯,魯一變而至道,温温無所試,循道 子削 觚 而志· 至 有所念。 一祝 爾

也已。」以究堯舜以來,中庸之德也。人,己欲達而達人。能近取譬,可謂仁之方天下,亦仁也。故曰:「夫仁者,己欲立而立民也。《春秋》之始元終麟,仁也。堯、舜帥己也。《春秋》之始元終麟,仁也。堯、舜帥我,聽之而已。道之當否,知我其天。中庸我,聽之而已。道之當否,知我其天。中庸

六四

論語説義四

長洲宋翔鳳于庭著

述而 泰伯

> 敗存亡禍福古今之道,然後知秉要執本,清 文志》曰:「道家者流,蓋出於史官。 曆紀成 謂「文章可得而聞」,而道德之意,則爲「性 之文悉相表裏。惟孔子言詩、書、禮、樂,所 德,齊之以禮」。 又言「無爲而治」。 五千言 政以德,譬如北辰居其所」。 又言「道之以 術」,則老子與孔子道同一原。《論語》言「爲 本」三語,即「居敬行簡」,故曰「人君南面之 所長也。及放者爲之,則欲絶去禮樂,●兼 合於堯之克讓,易之嗛嗛,一謙而四益,此其 虚以自守,卑弱以自持,此人君南面之術。 老子之學,出於黄帝,故曰黄老。 與天道不可得聞」。 去仁義,曰獨任清虚,可以爲治。」按「秉要執 弟子述之,不致有支流 《漢書 藝

[《]長短經》引《漢書》作「樂」。 「樂」,中華書局校點本《漢書》作「學」,唐《白孔六帖》、

作」也。又曰:「執古之道,以御今之有。能 所及也。其書二篇,屢稱聖人,即「述而不 即《論語》「脩己以安百姓」,非獨任清虚者之 家,其德乃餘,脩之於鄉,其德乃長,脩之 孫祭祀不輟。脩之於身,其德乃真,脩之於 祥之器,非君子之器。」即《論語》「軍旅之事 之教。」無爲而有事,不言而有教,非居敬而 即「居簡行簡」,仲弓亦言其弊,非老子之本 之失。老子之失,則有放者之「獨任清虚」, 於國,其德乃豐,脩之於天下,其德乃普。」 爲心。」又曰:「善建者不拔,善抱者不脱,子 未之學也」。又曰:「聖人無常心,以百姓心 也,誠爲敬,故抱一即居敬。又曰:「兵者不 何? 又曰:「聖人抱一爲天下式。」一者,誠 知古始,是謂道紀。」此「信而好古」也。又曰 象帝之先」。又曰「太上,下知有之」。 老子曰:「聖人處無爲之事,行不言 曰

意也。

《老子》,知述《黄帝書》也。谷以受水,坤爲 也。」按《老子》曰:「功成事遂,百姓皆謂 天地之根。縣縣若存,用之不勤。」其文皆見 曰:「谷神不死,是謂玄牝。玄牝之門,是謂 帝之説也。《列子・天瑞》篇引《黄帝書》 國」,此自然之證也。 故老子自然之説,皆黄 已。」「二十有八年,天下大治,幾若華胥氏之 國無師長,自然而已,其民無耆欲,自然而 也。又考《列子·黄帝篇》華胥氏之國:「其 爲「獨宏大道德」之義,其爲有熊無所取之 之尊,德之貴,夫莫之命而常自然。」此自然 申自然之義曰:「萬物莫不尊道而貴德。道 自然。」我者,蓋黄帝之辭而老子述之也。其 曰:「黄帝號曰自然,自然者,獨宏大道 氏,自然之字,他書皆作有熊,獨《白虎通義》 老子爲黄帝之學何證? 考黄帝號曰自然 「帝之先」,曰「太上」,此推乎古而益遠者也 我

語 説 義

六六

坤形 利牝馬之貞。」虞氏注曰:「陰極陽生,乾流 即古文坤字。 地,水之所流,故曰「谷神」。神之字从《 亨。」其言「終亥出子」,即不死之象。 又曰: 之元,終於坤亥,出乾初子,品物以亨,故元 爲牝、《周易》之義亦以坤牝乾。 本《歸藏》。 坤文作 貞。」以牝馬明乾坤之合。乾坤爲《易》之門, 縣縣若存,用之不勤。」皆坤凝乾元之象。 初爲道本,故曰:「乾元坤初,動則凝乾元, 故曰「玄牝之門」。 孔子贊易,亦多取於《歸藏》。《易》、《春秋》 黄帝之説《歸藏》之説也。 爲微言所存,故皆從竊取之義。 「坤爲牝,震爲馬,初動得正,故曰利牝馬之 藏》首坤,可於是推之。 ,即谷神之象。」又曰:「坤含光大,凝乾 黄帝: 天地之根者,乾初也。乾 巛,可以明谷神坤也。 始造文字,始一終亥,皆 又觀十翼之文,則 '知老子所述,皆 竊比猶言竊 「坤,元亨, 坤 巛

殷禮也。宋不足徵,求於柱下,得之老彭,問 《春秋》爲禮義之大宗,而得之以述而 禮老聃。 義,所謂「竊取之」者也。《春秋》去文從質 取 老聃而折其中,不徒《曾子問》之所記也。 七十子之記,皆爲殷禮,合乎《春秋》,蓋問 「其文則史」者也,天地陰陽之故,及筆削之 者,以老子雖生周代,而所傳之學則《歸 且尊周史也。至《三朝記》稱商老彭,不言周 信而好古,竊比之義可謂遠矣。又《論語》不 亦謂是兩人也 柏。」又云:「至於彭老,猶是人耳。」按:言老彭,又言彭老, 之學,故歸之於商,尤「信而好古」之明徵也。 曰「彭老」而曰「老彭」者,以老子有親炙之義 《抱朴子・對俗篇》云:「人中之有老彭,猶木中之有松 也。 《周易》、《魯春秋》皆史官 《春秋》之禮,皆殷禮也。 所 小戴所録 藏 不作 所 故 平

昔者孔子耳順不踰,天縱將聖,年有壯

宋又不足徵,此《春秋》之作所不能已與?問吾今日也。久者,謂自幽厲傷之至今日而甚。如魯之郊禘非禮,其精神已不能與周公已久也。孔子謂周道之衰,當吾之世而益思周公而無夢,「甚矣,吾衰也久矣」。吾者,老之異,志無衰盛之分,惟感周道之既衰,則

自脩也。」

子摯,與鄭説正合。然「東帶脩飾」之訓出孔西以上也。」又《禮記・曲禮》正義云:「童子五以上也。」又《禮記・曲禮》正義云:「童子五以上也。」又《禮記・曲禮》正義云:「童子五以上也。」又《禮記・曲禮》正義云:「童子本。 故《論語》「自行東脩以上,吾未嘗無也。故《論語》「自行東脩以上,吾未嘗無也。故《論語》「自行東脩以上,吾未嘗無也。故《論語》「自行東脩以上,吾未嘗無本。 故《論語》「自行東脩以上,吾未嘗無不養,與鄭説正合。然「東帶脩飾」之訓出孔

海」之證。又《左傳》杜注亦云:「束脩,取其使將命,互鄉童子則與其潔己」,皆「未嘗無羔取善群,雁取候時也。夫子於闕黨童子則勝帶,而以束脩爲摯,正取束帶脩飾意,亦猶氏《論語注》,見《書·秦誓》正義,「蓋童子初

六八

聖人之學也; 復初之不遠。 功可以合聖。 攸往」,「用之則 舍之則藏,惟吾與爾有是夫?」《復》之「利有 也,賢人之學也。 ·舍之則藏」也。 於乾 於 行」也,乾初之「潛龍 復之消息可以通乾,賢之成 復 子謂顔淵曰:「用之則行 明性善之理,此天道 初 著 復性之功,此 勿用」, 人事 也

其 時 也。 則禄愈厚 富。」三代以上未有不 五 其職與執鞭之士相類,鄭君所謂 好」爲古人之道,古人之道即詩書禮樂。 可求」爲 士之職,故鄭君以爲賤職。 年,陽虎囚季桓子。 《周禮》:「條狼氏掌執 謹 可仕,則出而求禄。孔子爲委吏、乘田 案:《周 時不可仕。 ,求富即干禄也。 禮 《孔子世家》言:「定公 太 仕而能富者,故官 季氏亦僭於公室,陪 宰 × 「富 鞭以趨辟。」此下 孔君以「從吾所 「 禄, 而可求」, 「於道可求 以 馭 [愈尊 示 其 謂

> 道 臣 曰 : 處之際,故 求」,脩詩書禮樂爲「從吾所好」。 至自遠方,莫不受業焉。」此孔子不仕謂 ,故孔子不仕,退而脩詩書禮樂,弟子 執國政,是以 「執鞭,君之御士,亦有禄位於朝也 以兩吾字明之。 魯自大夫以下皆僭離 《義 孔子自述出 疏》引 彌衆 不可 於正 袁

師。 必合樂乃得言樂也 亦以合樂用之,故曰「不圖爲樂之至於斯」, 故曰「簫《韶》九成」。説具第二篇。 樂則歌《周南》、《召南》,而工告樂備 樂言以成者,指此虞時合樂用簫《韶 《儀禮》以《周南》、《召南》爲正樂,故合 齊之《韶》樂 ,語魯太

怨,惟其怨則君臣父子之難交作,而 之遷蒯聵 兄弟之道俱得,是謂「求仁而得仁」。 而逃之齊,無怨也。 夫伯夷之不立,夷無怨也。 ,則蒯聵怨矣。 惟其無怨 使輒避位 叔齊亦 則 君 而 國 若靈公 臣 輒 不立 父子 不可 亦必

也。 信其信也。於《論語》明不爲之義,仁其仁 爲,故曰「夫子不爲」。 足以辨言矣。」詁者,古言。《詩》、《書》、《禮》 流俗者,而孔子皆以雅言陳之,故曰「執禮,皆 固必以雅言。 以雅言爲斷。蓋《詩》、《書》爲古人之言與事, 義,假借,則《詩》、《書》、《禮》可筆之書,而一 可習其讀,轉注,則《詩》、《書》、《禮》可陳其 而易曉,諧聲、轉注、假借,文字之施用,萬變 書之次,指事、象形、會意,文字之本體,明著 也。此《爾雅》出於周公、孔子之明徵也。六 言》、《釋訓》三篇,其餘皆由是推之,所謂雅言 皆有古言。《爾雅》二十篇,首以《釋詁》、《釋 亂世。◐《大戴禮記》曰:「《爾雅》以觀於古, 不可爲而出於一死也。於《春秋》許輒得立 而不窮者也。故有諧聲,則《詩》、《書》、《禮》 惟能仁其仁,斯可以爲《春秋》,可以救 若《禮》則行於當時,宜可通乎 如子路之死,亦知衛

天道,不可得聞,故《爾雅》亦不釋也。聞,故必以雅言明之。若《易》、《春秋》則性與雅言也」。是三者爲夫子之文章,弟子所共

^{● 「}可」上,浮溪本有「斯」字。「世」下,浮溪本有「也夫」二

之所載 形訓故、文字之原、雅言之所在也。 既通其 之書,不可得聞者也。是《爾雅》一書,爲聲 月、地名、氏族,皆雅言所未釋。 此性與天道 謂文章得聞者也。至《易》之卦名、《春秋》歲 就詩、書、禮之言,而通之以《爾雅》之義,所 梁文所補,張揖論之詳矣。本《釋文·序録》。 執禮相爲表裹。文,文章,行,德行,詩、書 本末。《論語》屢言文、行、忠、信,與詩、書、 所以言,當明其所以教,則文、行、忠、信備其 謂之教也。精其業者即以求乎天人相與之 忠、信,而後詩書禮樂浹於人之性,而後可以 際,則以可得聞者及乎不可得聞者,此文、 後齊魯間,孟子、荀卿之書,皆言《詩》、《書》、 書、執禮。 乎六藝,而傳聖人之教於當世,則惟在詩、 行、忠、信之所充也。故七十子之徒皆身通 也。 故孔子之教即三代立學之教,其 忠信、禮之本也。必出文、行、 此

574

公傳儒林,亦先言《詩》、《書》、《禮》三家,而 言《春秋》,明孔子之統緒,不舉其文,知不以教也。 太史 言不及樂者,以禮樂之情同,且樂備聲音節 聞之數,其立博士以教弟子則自漢始。其雅 後及《易》、《春秋》,以二書於當時在不可得 奏,不徒正言也 、禮》、《樂》,而不爲《易》、《春秋》之教。

善人,名異而實同。以其具於本體 盈,約而爲泰,難乎有恒矣。」謹案: 聖人與 矣,得見有恒者斯可矣。無而爲有,虚 子者斯可矣。」子曰:「善人吾不得而見之 聖之始基,有恒謂善人之終事。● 言,則謂之善人,謂以善及人也。 謂之聖人,謂其人獨聖也,以其施於一世而 子曰:「聖人吾不得而見之矣,得見君 非君子無 君子爲作 而言,則 而爲

⁰ 「謂」,浮溪本作「爲」。

德盛

而

後世

舜 曰 道

闇

然

而

日

亦要以有恒

《易》曰:「天行健,君子以自强不息。」乾爲 邦百年,而勝殘去殺。 歸其有極,然必教民七年,而可以即戎,爲 天爲君,而象取君子者,亦以君子、聖人非二 可見,故必得之於有恒。 六十四卦有恒之體 繼周而受命,亦自盡君子之事而已。 君子以立不易方。」知有恒與君子非二 文王作爻詞,亦惟見 善人者,所謂止於至善,會其有 吁咈,皋陶歌叢脞。 稱聖,移時歷世而海内 而已矣。《中庸》記言「君子之 章」,非有恒之象哉? 而 上無明天子、下無賢方伯之 恒無以成其善。 盡善之治莫臻,夫子所言 非旦夕之效而目前之 而無善之名,以 《易》曰:「雷 而孔子曰「吾不 君子而 時至春秋, 向善,故 不 是功 君子 見聖 極。 風, 成 苟不固聰明聖知達天德者,其孰能知之?」 難乎有恒者」,又聖人所深戒也。 得見」,其意若一。若「具曰予聖」,而其事已 聖知而 化育中立而不倚,由新民而止至善也。 至 曰:「唯天下至誠,爲能經綸天下之大經,立 善,則所謂「無而爲有,虚 無 語》兩加「子曰」。 天下之大本,知天地之化育。 夫焉有所倚? 而 人即就樂正子所具體象言之,與《論語》稍異 基也,以善爲始基,而五者以推其極。 人表裹名實之分,非有同異等差之别,故《論 「信人」,又以爲「二之中、四之下」者,下言其 誠者,至善也。 也。 實同 子 心也。 達天德者,聖人也。 文無者,猶俗言文不也。 文不吾猶人 曰:「文莫吾猶人也。」何注曰:「莫, 信人即是有恒 孟子稱樂正子爲「善人」、 有天下之大經大本,而知 而 爲盈,約 此以知聖人、善

恒。

體

也。

體也。

以入於聖,非有

三王之聖

一已遠,

不得見」者,即

《中庸》記

而

爲泰,

聰 明

此善

言,耒聲。」此《論語》所引自有一書名《讄》,纍省聲。」重文讝或不省。又「誄,謚也。从語》云:『《讄》曰:禱尔于上下神祇。』从言,《説文》:「讄,禱也。累功德以求福。《論《誄》曰:「禱爾于上下神祇。」謹案:

《書》「例,知出古《禮經》也。與誄異訓,然經典不《書》「例,知出古《禮經》也。與誄異訓,然經典不妨假借用之,故《周禮》「大祝作六辭,其六曰妨假借用之,故《周禮》「大祝作六辭,其六曰妨明。」「生人有疾亦累列其德而爲辭,●故引疏曰:「生人有疾亦累列其德而爲辭,●故引亦曰:「生人有疾亦累列其德而爲辭,●故引神示」注引:「讄曰:「禱爾于上下神祇。」」是知誄讄通也。

●「累」,阮刻《周禮注疏》作「誄」,則當於其下讀斷。沈 案:「六尺之孤」謂幼君,「百里之命」謂黎民 曰:「君爲民命,爲君不能順民意,故誅之 三:「君爲民命,爲君不能順民意,故誅之

同此説。 廷芳《十三經注疏正字》疑「誄」當作「累」,宋翔鳳或認足累」,阮刻《周禮注疏》作「誄」,則當於其下讀斷。沈

言「子孫黎民」也。 言「子孫黎民」也。 言「子孫黎民」也。 言「子孫黎民」也。 言「子孫黎民」也。 言「子孫黎民」也。 言「子孫黎民」也。 是國君爲 之民命。 今君亡子幼,民命 民命所繫,故謂之民命。 今君亡子幼,民命 是國君爲

言「舜、禹之有天下」,正指禪讓而言也。以爲漢魏人言舜、禹者惟見於此,則《論語》曰:「舜、禹之事,吾知之矣。」」元和顧千里引、魏氏春秋》曰:「帝升壇禮畢,顧謂群臣引、魏氏春秋》曰:「帝升壇禮畢,顧謂群臣

昊天,曆象日月星辰,敬授人時。」欽若者,則焉!」此言堯爲君之德也。《書》曰:「欽若唯天爲大,唯堯則之。蕩蕩乎,民無能名唯天爲大,唯堯則之。蕩蕩乎,民無能名子曰:「大哉,堯之爲君也! 巍巍乎!

謚。 也。 「巍巍乎其有成功也,焕乎其有文章」,此言 治。其治天下之迹幾於不可見,故民無能名 四方星之中,知民之緩急,不出户牖 天也。敬授人時者,民事也。天子南 也。文章者,星辰之文、日月之章也。至堯 之宿明,則天之文章皆堯之文章也。故堯猶 有定時成歲之政,而天之成功即堯之成功 則天之驗也。天不言而四時行,歲功成。 嶤嶤至高之貌,同乎天也。 而數法日月星辰,於是而永短之度見,鳥 名者,號謚之通稱。 雖曰上世質直,即「民無能名」之説也。 生而名堯,没以爲 而天下 面 而 堯 視

也。」此言后妃佐文王之事,至武王時,以佐夫志,而無險詖私謁之心,朝夕思念,至於憂勤子,求賢審官,知臣下之勤勞。内有進賢之義曰:「《卷耳》,后妃之志也。又當輔佐君義曰:「《卷耳》,后妃之志也。译案:《毛詩》篇

文説不同,當同是古文説也。 本,與至書稱成王二十即天子位,亦與今 生。《周書·度邑》曰:「自發未生,于今六十 也。《周書·度邑》曰:「自發未生,于今六十 也。《周書·度邑》曰:「自發未生,于今六十 年。《周本紀》同。自武王未生至克殷僅六十 年,則年五十餘耳。《周書》古文,《史記》多古 文説,故與今文家不同。揆之事理,古文説 是。馬、鄭説《論語》亦古文,故於十亂並數文 母。又賈生書稱成王二十即天子位,亦與今 文説不同,當同是古文説也。

三讓,知天命之在周也。文王之服事,知殷一之,故於《泰伯》一篇往復以明其理。泰伯之焉,必以己私妄加校量。德衰之説,孔子知賢,禹之傳子,聖人之心,其道如一。愚者昧所可避,天命不予,無所可幸也。堯舜之傳所可避,天命不予,無所可幸也。堯舜之傳

菲、曰惡、曰卑,先以此三者示不與之意,以 也。古人之象五色作服,舜之申禹 典》之所載也。决九川、濬畎澮,禹之昌言 故孔子既明不與之意,又申無間之旨。 堯之天下,禹受舜之天下,皆知天之所 讓天下者自堯、舜,至泰伯而三矣,故曰「唐 祖、上帝、六宗、山 予天下若與舜異,陋儒之私議由是而興也。 於己無與也。 所以無間於禹者,以有天下而不與 伯之讓周,故言周以見至德之遠也 下以成至德,人皆稱文王之事殷,而莫 德也已矣」。 不言文王言周者,自泰伯 虞之際,於斯爲盛」。又曰「周之德其可謂 征伐爲二法,不知周之天下亦始於讓也。 於己無與也。 命之未訖 也。 舜、禹之受天下同,而 論帝王者皆以舜禹授受、武 曆數之所在,統紀之所存, 川、群神、祖 禰之祭、養 也。 也。 Щ 夫文 舜受 命 孔 /稱泰 [讓天 所以 而

道,故反覆言之如此也。 爲萬世有天下者法。曰致孝、曰致美、曰盡爲萬世有天下者法。曰致孝、曰致美、曰盡爲萬世有天下者法。曰致孝、曰致美、曰盡爲萬世有天下,未嘗一日肆於民上,安得有所非議一極侈,則廢興之際,是非之説紛焉。唯知而極侈,則廢興之際,是非之説紛焉。唯知而極侈,則廢興之際,是非之説紛焉。唯知高之無閒,乃知不與有天下之前。而極侈,則廢興之際,是非之説紛焉。唯知高之無閒,乃知不與有天下之實與舜無二道,故反覆言之如此也。

論語説義五

長洲宋翔鳳于庭著

子罕 鄉黨

位。 德成,而貞固之事定,故曰:「乾元者,始而 荀氏説:「陰陽相和,各得其宜,然後利矣。」 往 美利利天下」也。子曰:「君子之於天下也 性可以率,可以無終日之間違仁,故曰「能以 五德五行之始。 有利以保合太和,則天命之 必求之利與命與仁也。與命者,率性也。 天下,不言所利,大矣哉。」必利物和義而後 何也?《易·文言》曰:「利者,義之和也。」 道咸備。弟子撰微言則曰「利與命與仁」者 也。《春秋》本乎天以陳王道,故終之以公即 利貞爲仁元義利禮亨知貞,而乾爲信。 仁者,利仁也。天命之性備五德五行,仁則 見萬世之性,正萬物之情,故欲求性與天道, 亨者也。利貞者,性情也。 乾始能以美利利 相和猶言與也。 也。 《易》言君德之體天行,故始之以乾而天 正 月以當貞; 惟利物足以和義,則元亨之 貞 Ē, 也。 《易》以元 乾,君 與

故。 哉!」天何言即不言所利也。 言也。 得性之故,求命之故、仁之故而後得天道之 吾之微言皆性與天道。然必求利之故而後 利與命與仁之中矣。 能以美利利天下也。 性之所以率也。 何言哉! 仁治人。其所謂義即所謂利也。子曰:「天 比者,與命與仁也。始於以義治我,乃能以 無適也,無莫也,義之與比。」無敵、無慕故罕 孔子存微言之教以爲百世之師者,備於 義,性也,利,義之用也。 四時行焉,百物生焉,天何言 百物生焉,人之所長養也, 再言「天何言哉」者,見 四時行焉者, 也。 與

等,故就其身體之事,擇乎六藝之中。射、御弟子性質未明,驟聽此理,轉滋疑惑,不使躐與天道不可得聞,受命之故存乎微言,恐門黨人先知受命,獨發此言,一人而已。然性黨人宪知受命,獨發此言,一人而已。然性

之權衡也。 弟子者,不使同乎達巷黨人也。此聖人設教去。此文章之教日用而不知者也。别舉門二者,御尤切身,舉而示之,以合禮樂斯須不

之。 以人心風俗,其機可乘也。麻冕之制:凡冕 《禮器》記曰:「禮有以文爲貴者。天子之 子受命作《春秋》,制去周之文,從商之質,亦 者順乎人情,即以所不變革者維乎世運。 分,故曰冕。績麻三十升布爲之,故曰麻冕。 制狹小,纔足容髮。《士冠禮》記曰:「始冠, 「今也純」者,鄭君讀純爲緇,是爲緇布冠,其 夏殷制。按:《周禮》家法不同《論語》,今故以《禮器》説 大夫五,士三]。]鄭君据《周禮·司服》士皮弁,以此爲 冕,朱绿藻,十有二旒,諸侯九,上大夫七,下 以木爲之,長尺六寸,廣八寸,低前一寸三 此服周之冕以别尊卑,故曰「禮 立一王之法,成一代之禮,必以 也。 5所損益 孔

七八

靡。 常,言侈靡也。 都人士,臺笠緇撮。」傳云:「緇撮,緇布冠。」 德歸壹。傷今不復見古人也。」其詩云:「彼 長民,衣服不貳,從容有常,以齊其民,則民 者」,鄭並云《魯》讀弁爲冕。今從《古》。《毛詩》篇義 緇布 古明王之時,儉且節也。」箋《詩》以緇撮爲儉,可證 箋云:「都人之士以臺皮爲笠,緇 冕聲相近,制亦大同。《論語》「見冕者」,又「冕衣裳 皮弁、爵弁、元冠,遂不更著緇布冠矣。 聞,太古質,無飾。 鄭注:「太古,唐虞以上。 云:「《都人士》,周人刺衣服無常也。 冠而敝之,●言不復更著,謂當時禮服 也,孔子曰:吾未之聞也,冠而敝之可 (論語》讀純爲緇,定爲緇布冠矣。 故詩人思「臺笠緇撮」之風。 之冠也。 太古冠 《大東》「西人之子,粲粲衣服」,即謂 重古始冠,冠其齊冠。」按 布, 東遷以前,衣服 齊 緌,纓 則 緇之。 自後人心 飾。 布爲冠。 古者 也。」 心自有 未之 其 無 緌 侈

俗,則無不從其殺,駸駸乎去拜下之禮 也。臣之於君,有拜於堂下者,臣禮之正 獸,故上下之等、尊卑之分,不可一 順也。 冠。其侈也,文之弊也,有過乎禮 防 卒爵不再降,又禮之殺者也。 儉也,質之機也,可推而 厭 有其隆殺,而君臣之義益明。 客禮,禮之殺也。 有拜於堂下,君辭之而升成拜者,此君待以 邑之士失則近於野人,野人而無教則近乎禽 而不遠於道者,聖人亦因勢利導而已矣。 吾從衆之言,而後知聖人之立制皆禮之所 而 壞,教化不立,尊卑上下,其數遂淆。 求儉,故長民者舍弁冕 夫政教文質所以云捄也,故事或變古 有不 降 進乎禮也。 而 而 拜 服 有其 於堂上者,以 若充從儉之 緇 日而 者 布 正變,即 學者聞 無 也 不明 飾 也。 都 弑 隄 其 之

0

[「]按」,原誤作「接」,據浮溪本改。

《易》、《春秋》之微言具矣。 首章言四德之在利,此章言五始之在王, 文王既没,文不在兹乎? 謹案:此篇

案:此顏子歎聖人微言,弟子不易知也。孔才,如有所立卓爾,雖欲從之,末由也已。」謹人,博我以文,約我以禮,欲罷不能。既竭吾堅,瞻之在前,忽焉在後。夫子循循然善誘軽,赠之在前,忽焉在後。夫子循循然善誘

子稱之曰「殆庶」,則顔氏之子或可鑽仰,知 前在後也。惟習聖既久,斯能及乎恍忽之境 其高堅而後能言高堅也,存於瞻望而後有在 所謂彌高、彌堅者也。文章可得而聞者,所 章也。聖人初無高堅、前後之象,弟子皆在 謂循循善誘人者也。《詩》、《書》、執禮皆文 《詩》也;素以爲絢,子夏因《詩》以悟禮也。 博文約禮之中。如切磋琢磨,子貢因禮以 而深其歎美之情。 約禮與衆人同,而欲罷不能與衆人異。從不 以此及彼,故曰聞一知二。顏子所傳,博文 之所在。 卓絶也。 幾。 約禮者言之也。 立,當有其所由,而云「從之末由」者,爲博文 可窮盡、不可形象以見聖功之全體,知微言 道之以儒術,脩之以禮儀,庸德之信,庸 如有所立,立言也。 此聞一知十之所至也。既見其 蓋慕學者既多,而希聖者無 故性與天道不可得聞者, 卓爾謂微言之

者也,故曰微言也。 天下,明萬古,固自有所立,而非人人能從事乎? 曰「勞而少功」,其約禮者乎? 聖人治言之謹,故譏儒者曰「博而寡要」,其博文者言之謹,故譏儒者曰「博而寡要」,其博文者

《雅》詩,雅者,正也。雜以變風、變雅,是謂 《雅》、《頌》得所,就《風》、《雅》、《頌》言之也。 句。 經孔子正定,故有此弊。《投壺》以《風》爲 於鄉樂,所以不正。《投壺》非 賓入門左。」注云:「内賓位也。衆介隨入, 禮》:「公皮弁,迎賓于大門内。大夫納賓, 變,則擯事甚難,故此章 爲擯之禮矣。春秋時朝聘無常,其禮因時制 按:上章自「君召使擯」至「賓退復命」已,具 息者。出,降一等,逞顏色,怡怡如也,没階。 似不足者。攝齊升堂,鞠躬如也,屏氣似不 行不履闕。過位,色勃如也,足躩如也,其言 不正,非《雅》、《頌》之雅。 上,上擯進相君。」按彼注言「擯入門而右」, 北面西上少退。擯者亦入門而右,北 超進,翼如也。復其位,跟踖如也。 入公門,鞠躬如也,如不容。立不中門, 重記之也。《聘 則孔子言樂正 禮之正 一經,未 面東 謹

門、每曲揖。」注云:「凡君與賓入門,賓必後 即《論語》「人公門」,公門指大門也。 又云:「公再拜。賓辟,不答拜。 之迹,亦敬也。」按《論語》「立不中門」指此。 並由之,敬也。 中門,不履 闑,大夫中棖與闑之閒,士介拂棖。 賓入不 或右,相去如初。 君,介及擯者隨之,並而雁行。 左。 禮》又云:「及廟門,公揖入,立于中庭。 無庸立不中門也,知此門當是廟門矣。 公迎賓不出大門,則入公門時無尊者之迹, 襲,執圭。 接立西塾。•几筵既設,擯者出請命。 按擯者入門右,故鄭注「過位」云:「謂入門 「入門將曲,揖,既曲北面,又揖,當碑揖。」 介皆入門左,北面西上。三揖。」注云: 擯者入告,出辭玉。 閾。」門中,門之正也。 不敢與君 介與擯者雁行,卑不踰尊者 《玉藻》曰:「君入門, 既入,則或左 納賓,賓入門 公揖人,每 《聘禮 介拂 《聘 賓

右,北面君揖之位也。」當公人,立中庭,賓立 画。 西,君揖位尚 《聘禮》擯者不升至堂上、《論語》「攝齊升堂 者以公宜親受賓命,不用擯相也。」按此 言,故曰「其言似不足者」。《聘禮》又云: 外之語。《孔子世家》夾谷之會,「孔子趨 謂堂階。 進,歷階而登,不盡一等」。 見雖因時制變而終不能越上下之禮也。下 之事。而不更言堂上之容,知未至堂上,以 有此,故記此一節。 ·過位」之時。又有請命辭玉之事,擯者乃有 至於階,三讓。公升二等,賓升西楹 云「出降一等,逞顔色,恰恰如也,没階」,當 擯者退中庭。」注云:「向公所立處,退 春秋時列國多事,朝聘盟會不無意 虚,而擯者出入其閒 文言「攝齊」,正言堂階 則《聘禮》亦容 ,即《論語 西,東 知 或 而

❶ 「接立」、《儀禮・聘禮》作「立接」。

則又降一等,由是而至階下也。《聘禮》又 讀 所見本已如此,知非衍誤。 陸氏疑没階不當又趨進,故以 逞顏色,恰恰如也。 没階、趨進,翼如也。」亦有進字,康成 云:「孔子之升堂,鞠躬如也,屏氣似不息者。出降一等, 即《論語》「趨進」一事。 爲誤,其實非也。 人。至此,擯者單進,故有趨,《論語音義》本無 云:「進阼階西,釋辭於賓,相公拜也。」按此 受玉于中堂與東楹之閒。擯者退,負東塾而 者,所以防禮之變也。上章言「賓退必復 語》「復其 立。」注云:「反其等位,無事。」按此 云:「公當楣再拜。賓三退,負序。公側襲, 進」字,云「一本作「没階趨進」,誤也」。按《聘禮》記注 没 同事,惟 「賓致命。公左還,北 階絶 句。 位」一節 擯者有此 蓋擯者升堂,則不盡一等,兹 與《論語》上文記「趨進,翼如 也。 以上皆相公,隨公而 使擯 一節也。《聘禮》又 鄉。 擯者進。」注 事 而 兩 即《 記 之 論

也。此言升堂異《聘禮》,則當時事勢有 迹,過位亦不當有言。 記孔子常朝之事,常朝則門不能有尊者之 終變也。後之説《論語》者以「人公門」以 已者,而以不盡一等明之,以明雖變而 命」,則當時有不復命者,聖人示之以 焉,再三舉足,又趨。 争承,下如送,君還而後退。下階,發氣怡 禮》記有「孔子之升堂」云云,亦引爲旁證,非 進」一節亦賓所無,以爲記聘非矣。 按賓升堂時方執玉,手不能下摳衣。 語》「人公門」之文合之,亦是爲賓出 「賓入門,皇,升堂,讓,將授,志趨。 竟以爲孔子爲賓出聘事也。 或又據《聘禮》記云: 及門,正焉。」以《論 鄭注《聘 不可 又「趨 一聘事 授如 不能 不容

長洲宋翔鳳于庭著

先進 顔淵

樂,而中多者得與於祭。古者賜爵禄於太 之位乃作禮樂,而其時士大夫皆禮樂不斯須 《王制》所記皆殷法也。 先進、後進,皆以禮樂言。《王制》諸侯之大 廟,凡與於祭者皆民材也,故《論語》言仕之 去身,故試士射宫,必其容體比禮,其節 於禮樂,野人也。」春秋時諸侯卿大夫皆世爵 進爲卿大夫,自野升朝之人也,故曰:「先進 夫不世爵禄,又云「爵人於朝,與士共之」。 禮樂者,治身治民之具也。聖人在天子 凡士民有德者皆登 比

> 禄,生而富貴,以爲民上,是謂之君子。 子也。」謂後世仕進,皆卿大夫之世居在 子、野人以貴賤言,故曰:「後進於禮樂,君 所爲作也。 門而失其所,斯爲天地閉、賢人隱,《春秋》之 行、言語、政事、文學之倫,而皆不及仕進之 禮。後舉四科諸賢,以見世爵之代。若德 卿,去周之文,從商之質,故用人之法亦從殷 邑,而僻在田野者俱無由進。《春秋》譏世

《集解》鄭曰:「言弟子從我而戹於陳、蔡者, 門,是開其未開者,謂多設取士之科,以廣致 開仕路、引賢人也。《論語》:「從我於陳、蔡 四門」、《正義》曰:「闢訓開,開四方之門,謂 皆不及仕進之門而失其所。』《書・舜典》「闢 仕路。以堯、舜之聖,求賢久矣,今更言開 者,皆不及門也。」門者行之所由,故以門言 子曰:「從我於陳蔡者,皆不及門也。」

論語説義六

八四

衆賢也。」謹案: 此説與鄭義合。

之義。 不厭 微,得百里之地而君之,皆足以朝諸侯、有天 爲邦,雍也可使南面,閔子騫辭費宰,伯牛事 聖人微言,述而語之,以垂百世,作之師者 十篇,於宰我則有晝寢、問主三年之喪之類, 以知聖人。」謂知聖人之微言。故《論語》二 使四方之謂。 駁邢疏。 故孟子又述子貢言 「學 所謂「言辭命教」,正以微言垂教,非爲行人 人各有能,我於言辭命教,則不能如二子。」 子曰:「我於辭命,則不能也。」」趙注:「言 下者也。 少見,而孔子惜之,與顏淵同辭,所謂具 學,通六藝,備九能,爲學士者也。 也。 政事,食貨、賓師之事,任有司者也。 ,智也,教不倦,仁也」,即申言辭命教 德行,脩德行仁,作之君者也。 孟子又曰:「宰我、子貢、有若,智足 孟子曰:「「宰我、子貢善爲説辭。」 故顔淵 言語,傳 體 文 問 而

> 人。則俗儒所疑爲非常異誼、可怪之論者 也。 得也。故德行與政事,相爲表裏者也,若有 言。 公之於天下後世,而微言存乎其閒,以待其 則夫子之言性與天道雖不可得聞,而不終絕 固其宜也 以文學爲科者,欲以《禮》、《樂》、《詩》、《書》 語與文學,相爲表裏者也。問夫子之文章 文學,必溺一世於詖淫邪遁而後已也。 舉天下爲府史胥徒而後已也。釋言語而求 佐其君以治其民者也。 君其國、子其民者也, 政事之不備, 未有能 君則必有卿、大夫、士。德行之不脩,未有能 子貢則有餼羊、問 如子游、子夏之徒,無不聞性與天道,而 而習其讀者轉疑二子,則知言之人未易 衛君之類,皆明聖人之微 釋德行而言政事,必 故言

「侃,剛直也。从们。们,古文信,從川,取其子路,行行如也。謹案:《説文解字》:

變天地之位,正陰陽之序,直行其道而不忘以,逆節也,故鳴鼓而攻之,朱絲而脅之,爲卑勝尊也。日食亦然。皆下犯上,以賤傷卑勝尊也。日食亦然。皆下犯上,以賤傷壓卑也,固其義也。雖大甚,拜請之而已,無壓卑也,因其義也。雖大甚,拜請之而已,無壓卑也,因其義也。雖大甚,拜請之而已,無壓卑也,因其義也。雖大甚,拜請之而已,無壓卑也,故鳴鼓而攻之可也。謹案:《春秋繁

秋》譏世卿之法,亦由是而益明矣。世卿專政,禄去公室,攘奪克剥而有用田賦世卿專政,禄去公室,攘奪克剥而有用田賦世卿專政,禄去公室,攘奪克剥而有用田賦其難,義之至也。」按董生之言,知魯有季氏

與

け時

轉 貲 逐 (貨。) 裴駰注云: 時 也。」徐 廣 引「廢舉」作 「廢舉」 謂停貯 厥 居 也 其制 無病 辭

則 字並通假,此貨殖之事也。 《漢書》作「發貯」。 於衛,廢著鬻財於曹、魯之閒。」按「廢著」, 與 計然所謂「知鬭則脩備,時用則知物,二者形 又《貨殖傳》云:「子贛既學於仲尼,退 待 萬貨 謂 之情可 得 而 廢舉、廢居、廢著、發貯, 觀 ᆫ 故歲 億則屢中者,即 在 金,穰; 而 仕

能爲貨殖之事也。 三王以後,封建、井田、學 水,毁,木,饑,火,旱」。 此皆屢中之法,故

事,以命曰「素封」。太史公曰:「善者因之, 卿大夫不能舉其職,而子貢之倫興貨殖之 校之法壞,而孔子成《春秋》以當素王。 者與之争。」蓋輓近之從政者,皆與之争者 其次利道之,其次教誨之,其次整齊之,最下 諸 侯

也。

貨殖之事與季氏聚斂不可同年而語,故於賜

而命曰「素封」者,皆因勢利道者也。

則

税過度則井田壞。 田之分, 流 取而兼存之矣。 子商権以救後世。 ,極則秦之變制,聖人已早見其然,故與 尚存。 也。 夫百畝。 答 曰: 或問 封建井田 封建之初,大國 如顔淵、子貢之行,宜 開阡陌、并諸 侯國 逾制則封建壞 壞於秦,而 侯 百 ()亦乘 里 春 秋 並 弟 其 井 則

「子然公順多略。」 按此知季子 文選注》四十七引《論 語 摘 ,然亦 輔 象》曰 弟

之一。

《曲禮》:「笑不至矧。」鄭注:「齒本曰矧,大 笑不壞顔曰弞。 笑則見。」《音義》:「矧,本又作哂。」《説文》: 曰: 至矧爲度,過此則壞顔且失容,故曰「笑不壞 「哂」字,作「弞」爲正,「矧」是叚藉。 「齒本曰哂,大笑口 夫子哂之。 馬曰:「哂,笑也。」《義 从欠,引省聲。」《說文》無 [開則 哂見。」按此 凡笑以 小, 疏 本

秋左 饋」,詠歌饋祭也,歌詠而祭也。説《論》之 從水中出也。風,歌也。按,風讀爲諷。 雩祭於沂水之上。暮者,晚也,春謂四月也。 舞雩,詠而歸。」孔子曰:「吾與點也。」魯設 成,冠者五六人,童子六七人,浴乎沂,風乎 身? 由此言之,涉水不浴,雩祭審矣。《春 之四月,正歲二月也,尚寒,安得浴而風 家,以爲浴者,浴沂水中也,風,乾身也。 雩祭樂人也。 『浴乎沂』,涉沂水也,象龍之 華言禮,曾晳言樂,《論衡 ·春服既成」,謂四月之服成也。 冠者、童子, 龍見而雩。」啟蟄、龍見,皆二月也。 曾皙對孔子言其志曰:『暮春者,春服 氏傳》曰:『啟蟄而雩。」文異。 如其禮樂,以俟君子。 謹案:下文公西 明零篇》 又 春二月 一詠 日 Ĕ 周 乾 既 而

雩,秋八月亦雩。 也。 作,故孔子獨與點相契。 風舞詠饋,樂和民 者之僎,禮節民心也。點之志,由鼓瑟以至 浴沂,言祓濯於沂水,而後行雩祭。 暮,已將四月,故云「春服既成」,言時已暖 則夏正郊天而非雩。《論語》「暮春」,春盡爲 傳》「龍見而雩」,杜注以爲「建巳」。若啟蟄, 龍昏見東方,在正歲四月,始舉雩祭,故《左 徒雩也。」按,王仲任説《論語》此條最當。 點之言,欲以雩祭調和陰陽,故與之也。」又 之祀,歲雩祭也。 論》最盛也。其以雩在正歲二月,則非。 今靈星,秋之雩也。 云「説《論》之家」,當指《魯論》,當時今文《魯 曰:「樊遲從遊,感雩而問,刺魯不能從德 然建巳之月,亦不可浴水中而風乾身。 ?聲也。 孔子曰:「吾與點也。」善 春祈穀 春雩廢,秋雩在,故靈 樂由中出,禮自外 雨,秋祈穀 唯樂不 可以爲僞 蓋三子 其 當

何以 子問意反矣。《公羊》桓五年經,「秋大雩。」 所説,則點有遺世之意,不特異三子,并與孔 故曾皙託 也。 者,春服既成」,明魯人正雩,故其數少,復不 注:「使童男女各八人,舞而呼雩,故謂之 者,蓋是天子雩也。 是以《司巫》職云「若大旱,則帥巫而舞雩」是 者,皆爲旱甚而作,故其數多,又兼男女矣, 言男女。今此書見於經,非正雩也。 五六人,童子六七人」與此異者,彼言「暮春 成,童子六七人,冠者五六人」,兼有此等。」 直有男巫、女巫。 上。」《周禮·司巫》疏云:「若四月正雩,非 禮記・月令・仲夏》:「大雩帝,用盛樂。」 《春秋》説云「冠者七八人,童子八九人」 哉 不地者,常地也。」疏云:「《論語》「冠者 ?」何以,言何以 志於此。 按《論語》曾晳云『春服 孔子問:「如或知爾 常地,謂在魯城南沂水 爲治。 若以《魯論 凡脩雩 則 既

> 注: 明《論語》「舞雩詠饋」爲雩祭,故具録之。 又曰:「天子雩上帝,諸侯以下雩上公。」正 柷敔,皆作曰盛樂,凡他雩用歌舞 之旁,雩五精之帝,配 義曰:「鄭義則非唯歌舞,●兼有餘樂,故《論 語》云「舞雩詠而歸」是也。」按以上三事 「雩,吁嗟求雨之祭也。 以先 帝也。 零帝 自 而已。」注 爲 鞀 壇 鞞 南 了, 皆 至 郊

靈星祠。」張晏曰:「龍星左角曰天田,則農為書,就與靈聲之轉。經傳無靈星之祭。為古曰:「靈星之尸也。」」《論衡》以靈星爲為也。《毛詩篇義》曰:「《絲衣》,釋賓尸也。」。《書詩篇義》曰:「《絲衣》,釋賓尸也。 《漢書・郊祀志》:「高祖詔御史,令天下立為。《書・郊祀志》:「高祖詔御史,令天下立為。《書詩篇義》曰:「《絲衣》,釋賓尸也。以為者,與靈星之學。以為者,與靈星河。」張晏曰:「衛」如字。鄭本作為,以為為為。《釋文》:「歸」如字。鄭本作

❶「鄭義」,阮本《禮記注疏》作「正雩」。

祥也。 兕觥其觩,旨酒斯柔。」皆饋酒食之事。 雩」,確然無疑。雩祭有壇。蔡邕《獨斷》: 非禮正。 晏以爲農祥晨見而祭,王充以爲二月祭,並 雨、祈穀 水旱也,於禮舊文曰雩。 子之説,當是《詩》古文家舊説也。 高皇帝四年,韶天下祭靈星。 「自堂徂基。」又云:「自羊徂牛,鼐鼎及鼒, 土基三尺,土階三等曰壇。」故《絲衣》云: 壇謂築土起壇。」何休《公羊》莊三年傳注: 重穀也。 晨見而祭之。」《論衡·祭意篇》曰: 實也。 要之,靈星之祭即《左傳》「龍見而 春以二月,秋以八月。」按張 春求雨,秋求實,●一歲 **零之禮,爲民祈穀** 靈星之祭,祭 則高 再

爲本。身者,己之身也。家、國、天下,由己之道也。自天子以至於庶人,壹是皆以脩身仁焉。爲仁由己,而由人乎哉? 此言君人在焉。爲仁由己,而由人乎哉? 此言君人

肩。 事也。克,肩也。本《説文》。 以及也。誠意、正心,爲脩身之事,即克己之 旋至而立有效。誠意之極,是謂致知。 以脩身。故驗之於一日,而脩齊治平之化可 安人,天下歸仁也。求仁義之别,則 以正身,據禮以勸福,外治推恩以 内外之分,而著乎逆順之處。 是故内治反禮 禮四達,而不悖其事固 也。聖人抱蜀不言,而廟堂既脩大,明堂之 日克己復禮,天下歸仁焉」,致知、格物之事 身以至於天下平,是謂物格。 之由己。不知爲仁之由己,則堯舜其猶病 制以容衆。」故以義正我,克己復禮 ·君子求仁義之别,以紀人我之閒,然後辨乎 君人者以一己勝天下之任,則必反諸禮 |可驗 能 也。 格,來也。 勝其任之謂 董子 也, 廣施,寬 知 爲仁 以仁 巨

❶ 「雨秋求」,此三字原脱,據《論衡》補。

論語説義

法相因也。 禮緣義起,而仁義之禮勿動」,皆以義治我,禮緣義起,而仁義之諸。故「非禮勿視,非禮勿聽,非禮勿言,非

譙縣 仕衛 是殷都,故子孫在 稱棘子,故其後以 按棘與鬲通。《史記・楚世家》「三翮六翼」, 楚皆有棘。 墨子・耕柱》篇作「三棘六異」。 紂之時,内有微、箕二子,外有膠鬲、棘子。」 者。」翔 東北棘亭。 鄧名世《姓氏辨證書》云:「棘,春秋齊、 齊邑在西安縣東戟里亭,楚邑在 鳳按:《鹽鐵論 然則子成之先,必齊或楚人 衛也 棘子爲氏。 相制》篇云: 膠鬲在 蓋膠鬲亦 一般,衛

刑」《音義》:「折,馬、鄭、王皆音悊,智也。」制,今從《古》。」謹按:《書•吕刑》「折民惟《釋文》:「鄭云:片,半也。」「《魯》讀折爲子曰:「片言可以折獄者,其由也與?」

古也。《説文》:「哲,知也。从口,折聲。重文悊。《説文》:「哲,知也。从口,折聲。重文悊。

九()

惟子路爾。 爲一人獨言,未有與對之人。 道其長,妄稱彼短。 片言即單辭也。子路行直聞於天下,不肎自 美子路云:「片言可以折獄者,其由也與?」 彼,搆辭誣人,單辭獨難聽,故言之也。 疏》所載孫綽説同,蓋六朝人相沿舊説 《吕刑》:「明清于單 凡人少 能然也。」謹 得其單辭 ·辭。」正 訟者多直 即可 案 義 : 斷 此與《義 獄者 孔子 己曲 單 辭

齊,次于陽州」。時昭公又雩,聚衆以逐季季辛,又雩」之後,即書「九月己亥,公孫于《春秋》昭廿五年書「秋七月上辛,大雩。

之以「知人」。

<u></u>

以

「愛人」。

昭公之禍,因思君人之道

惡當始君身。己不能盡臣禮以事天子,而欲 國,必正心以正朝廷,正朝廷以正百官,正百 之事,非一朝一夕之故。人君欲大有 哀公將踵禍於後,故聖賢爲之怵惕也。 快,則庸人猶知其惑。而昭公既失之於先, 務崇德、脩慝,徒逞一朝之忿,以逐去季氏爲 官以正萬民,亦非旦夕之所能爲也。 責其臣以事君之禮,豈脩慝之道乎? 事,究其所因,遂有「崇德、脩慝、辨惑」之 愛人,君人之道也。 書》曰:「知人則哲,能官 脩,治,慝,惡。 聖賢遊其地,以傷 崇德者,崇重有 而問仁,而答之 苟不先以 問 知,而 昭公不 樊遲 放弑 爲於 事, 治 答 錯諸枉、能使枉者直。」舉正直 人。」自世卿專國,其君雖知人而不能官人。 遲之未達,職此之由,而夫子告之曰 位,輒退絶之以生過失,至於君臣忿争出奔, 衆,舉伊尹,不仁者遠矣。」按《公羊》隱元年 舜、禹、湯之爲君,而後能盡用人之道,以垂 故,故遲又疑之。子夏知孔子之意,必堯、 都是其大驗也。 枉皆化爲正直。 世,爲其秉政久,恩德廣大,小人居之,必奪 之。」又《隱三年》何休説:「禮,公、卿、大夫、 國家之所以昏亂,社稷之所以危亡,故皆録 何休説:「當春秋時,廢選舉之務,置不肖於 於衆,舉皋陶,不仁者遠矣。 湯有天下,選於 百世之法,故言選舉之事曰:「舜有天下,選 士,皆選賢 圃 用之。 如魯用孔子而 然不究其用,亦以季、孟之 卿大夫任重職大,不當 Щ 會夾谷、墮三 廢邪枉,邪 「舉直

問,夫子善其得爲國之本。

則雖得人,無益於國也。

德之人,當思所

以試之於事。

前

氏,終成失位去國之禍。

絶之,明君案見勞授償,●則衆譽不能進 於卒者,亦不可造次無故驅逐,必因其過卒 世,弑其君光,君子疾其末即正其本。見譏 君之威權。故尹氏世,立王子朝,齊崔氏 無

子夏述舜舉皋陶、湯舉伊尹,皆不以世而以 錯枉之法不行。有國者宜以不知人爲患,故 《春秋》「譏世卿」之義。蓋卿大夫世,則舉直 功,案見惡行誅,則衆讒不能退無罪。」此

書》王吉言:「舜、湯不用三公九卿之世而舉 逐季氏,非《春秋》所取,則慎之慎者也。《漢 不覺,所謂「不可造次無故驅逐」。故昭公之 賢,以明大法。又言「不仁者遠」,遠者,變於

子之令。」即《論語》之義。「富哉言乎」,富 民,此《伐檀》所爲作也。宜明選求賢,除任 率多驕驁,不通古今,至於積功治人,無益於 皋陶、伊尹、●不仁者遠。 今俗吏得任子弟,

者、備也。必如舜舉皋陶、湯舉伊尹,而後用

人之法備,亦崇德之至也。

0 「賞」,文淵閣《四庫全書》本《公羊注疏》同,阮刻本作

0

「舜湯」,原作「堯舜」,據《漢書・王吉傳》改。

論語説義七

洲宋翔鳳于庭著

憲問

後。 彌縫 德」,謂能明俊德之士任用之。《皋陶謨》「知 徒、司馬、司空爲三公,亦言司。《堯典》「克明 政,即語以爲國之要在能用人。 有司,任事 有司」也。既知人而官人,則已用者當赦其 之人也。公、卿、大夫、士,皆謂之有司。 小過,未用者當舉其賢才,而有司之事莫敢 人則哲,能官人」,皆以得其人爲先務,此「先 其闕 仲弓列德行之科,有南面之使,故其問 夫毛舉細故,動挂吏議,則有司皆畏縮 而君益勞而 國不治,故周公曰: 俊 司

之大政也。 自世卿、世大夫,而舉賢之政不 名譽不聞,友之罪也。名譽既聞,有司不舉, 爲用。《春秋穀梁傳》曰:昭十九年。 過,無求備於一人之義也。」惟能赦小過,則賢才樂 字之工拙,而回避其親故,非「舉爾所知」之 其舍諸」之説也。 行,故仲弓獨質其疑,以求其信。 罪也。」如此,則舉賢才爲有司之責,而王者 有司之罪也。有司舉之,王者不用,王者之 問無方,心志不通,身之罪也。心志既通,而 皆「赦小過」之義。 東方朔《答客難》:「舉大德,赦小 本,舉賢才者必以知其人爲要。 曰:「拔茅茹,以其彙征。」此「爾所不知,人 爾所知」也。不仁者遠,則仁者咸進。 才」之慮也。 如舜舉皋陶,湯舉伊尹,皆「舉 「在知人。」禹曰:「惟帝其難之。」此「焉知賢 故舊無大故,則不棄也。 是先有司者必以舉賢才爲 無求備於一人。」 如後世試文 皋陶曰: 「就師學 《易》

九三

論語説義七

疑之也。 立程式以考課,而不問其行誼,亦非法也。立程式以考課,而不問其行誼,亦非

> 蓋取諸夬。「夬,揚于王庭」,言文者宣教明 整理者。」名亦「正名」之名,非常名。」名亦「正名」之名,非常名。」名亦「正名」之名,謂造字必合名,非常名。」名亦「正名」之名,謂造字必合名,非常名。」名亦「正名」之道,名即一。一爲字之始,亥爲字之終,坤辟亥,故有始一終亥之之始,亥爲字之終,坤辟亥,故有始一終亥之之始,亥爲字之終,坤辟亥,故有始一終亥之之論。無名者,天命之性也。有名者,脩道之教也。必有文字而教立,教立而君臣父子之倫攸敘。凡傳其語言而著於竹帛者,皆聖之倫攸敘。凡傳其語言而著於竹帛者,皆聖之倫攸敘。凡傳其語言而著於竹帛者,皆聖之倫攸敘。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之教。孔子之脩六藝,多聞闕疑,無不知人之。

閒。疑則不言,未問則不立。」《漢書·儒林《荀子·大略篇》:「言之信者,在乎區蓋之君子於其所不知,蓋闕如也。謹案:

傳》: 子》之區 丘。」按丘古音同區,丘蓋 言,不知之意。」如淳曰:「齊俗以 也」,與「踧踖如也」同辭。 如」連文者,非 區、闕聲之轉。 「疑者丘 一蓋,爲未見闕疑之意。 也。 蓋 不 《論語》之蓋 言。」蘇 即 讀《論語》以 林 區 故曰 [蓋闕 蓋。 曰:「丘 |闕,即《荀 楊倞《荀子 不 知 蓋 闕 如 爲 不

學爲 五畝之宅,所以爲圃。 稼 子而至矣,焉用稼?」謹按:此商治道也。 民莫敢不用情。 出於此。 於天下,後世學者當深究其理,農家者流即 不敬,上好義,則民莫敢不 曰:「小人哉,樊須也! 圃者,井田之法。 圃。 樊遲請學稼。 孟子所謂「有大人之事,有小人之 曰:「吾不如老 夫如是,則四方之民稱負其 子曰:「吾不如老農。」請 樊遲欲以井田之法行 夫百畝,所以爲稼; . 上好禮,則民莫敢 圃。」 樊遲出。 服 ; 上 好 信 則 子

> 其師。 也。 秋時,侯國斥大而封建壞,多兵車之會而 論,爲世世通行者也。 則下無禮也。化民成俗必由學,三王四代惟 校廢、雖行封建、行井田 故學校興、雖不井田、不封建而 乎古今,通乎遐邇,不可易者,其學校乎? 乎時,井田因乎地,隔閡之故,聖人已知。 思見先王之籍,亦深圖治之心。 不知封 田什一之法不行。 事」,「小人哉」者,使遲 校之事,苟飭綱紀必由此始。而後知聖人之 自漢以來,議法制者莫能行井田、封建,而學 三代之制,封建、井田、學校三大端。春 好禮、好義、好信,皆學之所從出 樊遲議脩井田以維封建, 知稼 而 世愈亂。 圃,爲 世治。 小人之事 上無 建因 也 壆 貫 井 夓

「以文王之德,百年而後崩,猶未洽於天下。哉是言也。此言文王之事也。孟子曰:善善人爲邦百年,亦可以勝殘去殺矣。誠

王之事信之也。「勝殘去殺」之難也。「誠哉是言」者,言以文武王、周公繼之,然後大行。」「亦可以」者,言

門私 服。」君使人視其事盡,然後休息,則國之政 《玉藻》説視朝禮曰:「君既視朝,退適路寢, 彼言私朝者,謂卿大夫夕治私家之朝耳。 襄仲,宋有桐門右師,是後之取法於前 四門者,亦因卿士之私朝在國門,魯有東門 朝 教事在君所斷之,不得歸適國門私朝,明國 聽政。使人視大夫,大夫退,然後適小寢,釋 云:「卿士之職,使爲己出政教於天下。」言 朝」者,非也。《玉藻》言「大夫退」,亦不必事 注云「卿士使爲己出政教於天下」,則四門私 云"「朝於季氏之私朝。」」謹按"「闢四門」 亦行政之地。《詩》正義謂「不得適國 朝 《詩·緇衣》正義:「《舜典》「闢四門」注 非君 朝矣。《論語》「冉子退朝」注 門私 也。

> 亦誤。 所施行,●合於法度,經國治民之屬,皆謂之 盡 門者,其内朝則在寢門外。 於外朝,合家事於内朝。」所謂外朝,即在四 也,則其事非家事矣。按《魯語》:「合官職 鄭注所云「君之教令爲政,臣之教令爲事」 政。臣下奉教承旨,作而行之,謂之事。」即 焉。]定知内朝在寢門外也。韋昭注《國語 言,弗應,從之及寢門。」知合家事之朝不在 四門矣。又云:「寢門之内,婦人治其業 「公父文伯之母如季氏,康子在其朝,與之 也。 《魏書• 高間傳》曰:「政者,君上之 故《魯語》又云:

躬者請代之。將誅矣,告吏曰:「父竊羊而其父竊羊而謁之上。上執父而將誅之,直《吕氏春秋・仲冬紀》:「楚有直躬者,

^{● 「}施」,原作「歧」,據《魏書》改。

乎 哉 荆 謁 記,一誅一不誅異者,蓋其始楚王不誅,而 其父竊羊而 華士、少正卯之誅爾。 令尹而誅之,在哀公十六年,白公殺子西後。 躬以直聞 爲直於君 焉。]』《韓非子·五蠹》篇:「楚之有直躬, 1 王 之,不亦信乎? 父誅而代之,不亦孝 聞之,乃不誅也。 直 信且孝而誅之,國將有不 躬之爲信也。 於楚,葉公聞孔子語,故當其 而曲於父,報而罪之。」按兩書所 謁之吏。令尹曰:「殺之!」以 孔子聞 父 而 之 誅者乎?] 再 曰:「異 取 亦猶 爲 名

注 • 籍。」徐音山樞切。 也。」按觳受斗二升,康成以筲與簋同實,故 飯筥也。 亦同量。 「筲,畚種 儀 禮 《説文》無筲字,有籍字,云:「籍, 受五升。 • 既夕》:「筲三,黍、稷、麥。」 類也。 《集韻》亦音毹。 从竹,稍聲。 其容蓋 按《說文》讀稍聲,則 與 簋 秦謂 同 筥爲 一觳

音篇同答。又出籍字,云:「陳留謂飯帚曰籍。 十二升矣。《既夕》用筲,禮亦殺,不必定容五升爲是。《既夕》用筲,量多少不同。按《論可通筲。許、鄭解筲,量多少不同。按《論外正升爲是。《比夕》用筲,禮亦殺,

者與? 義 鄭不同。 且證上章「教民七年」也。疏云「與鄭別」,知 鄭別。」按何以教爲習戰事,故舉蒐狩之期 存不忘亡,安不忘危。」疏云:「何氏之意與 年簡車謂之大閱,五年大簡車 教民戰,是謂棄之。」故比年簡 與信,而後 《公羊》桓六年傳注:「孔 今其文不具,鄭意蓋以教民使知禮 可以 一戰,如《左傳》所說 ·徒謂之大蒐。 徒謂之蒐,三 子曰:「以不

乔亦聲。《虞書》曰:「若丹朱奡。」讀若傲。《説文解字》:「奡,嫚也。 从百从乔。

之费亦是古文矣。
之傲及《左傳》之澆,古文並作奡,則《論語》「豷」下引《春秋傳》曰「生奡及豷」,是《虞書》舟」之奡爲《論語》「奡盪舟」之奡。又《説文》舟」之奡爲《論語》「奡盪舟」」其按:許君以「罔行

文》不載彼字也。語》之遺。 彼字當在《史籀》三篇中,故《説

《論語》注云:「人偶,同位人偶之辭。」《禮》 割亨者。誰將者,亦言人偶能輔周道治民者 者尊貴之,若言人皆不能,故云誰能。」按所 技,誰曰不能? 而云誰能者,人偶能此 也。」正義曰:「人偶者,謂人思尊偶之也。 人偶」之人。」言相尊敬,故曰「相人偶」也。 之辭」。鄭注《聘禮》曰:「每門輒揖者,以相 同是在位,而管仲爲非常人,故曰「同位人偶 注。以非常之人,偶然得之,謂之人偶。言 引《論語》注,當是「問管仲,曰:「人也」」之 注云『人偶相與爲禮儀』,皆同也。 亨魚小 此蓋漢時常言,賈誼《新書·匈 人偶爲敬。」又注《中庸》曰:「人也,讀如『相 「胡貴人更進,得佐酒前。 《詩·匪風》箋云:「誰能者,言人偶能 上乃幸自御此薄, 奴》篇曰:]割亨

使付酒錢,●時人偶之。」亦謂尊異之也。

致,願 權詐 《公羊傳》曰:「曷不言公如京師? 用 聖人之經法 就 是,不可不朝。」迫使正君臣,明王法,雖 恐 與致天子也。」何休注曰:「時晉文公年老, 是也。天子在是,曷爲不言天子在是? 是改本。 正者,蓋《古論語》本作金,後人罕見金字, 十八年,「盟于踐土」後書「公朝于王所」。 書》所引「法 齊桓公法 霸 法有正義,遂改 譎 齊桓 兩義解譎。 則 功不成,故上白天子曰: 『諸侯不可卒 王 爲 按 居 公正 權 兩正字皆當作金,同法。 踐土。」下謂諸侯 而 也。 ,不善用 丽 不 而 不 譎 此譎字當以權 譎者,聖人之權衡也。 不 金爲正。 謪。 譎」爲《魯論語》。 _ 譎 法,古文 《漢書·鄒陽傳》作 則 爲 《風俗通》引作正,已 詐,故許 曰:「天子在 爲義。 作金,是 天子在 法者, 今 作 僖二 君 善 不 班 非 以

> 王道 知權 書會温,「天王 與 輕 以 正,起時可與,故 合於王道。 五公子争立,其後 免其親也。」按齊桓之事,知正 曰:「法而不譎,言守法而行,不能用 子曰『齊桓公法而不譎』,以爲過也。」師古 譎而不法」。 權 重 正君臣,明 備。成春秋之治者,在可與立,又可 也 而 不平,而親親之義先闕。 不守正,故 惟聖人斷之以 王 鄒陽言:「魯哀姜薨于夷,孔 狩于河陽」。皆晉文用權 法,而 書朝,因正其義。」是冬又 紀嗣不 數世雄 實非 復 長 振。 義,而 禮 中 及 之正, 晉文之事, 而 國,亦終不 身受禍 不 人事浹, · 知權 故 權 道

之會三,九合諸侯,一匡天下。」又《戒篇》云「三之會三,九合諸侯,一匡天下。」又《戒篇》云「兵車之會六,乘車

● 「乃幸」至「酒錢」,據《新書》補。

匡天子 匡。 言諸侯至多,而已九合,天下至大,而能 《史記》互異。《論語》言「九合諸侯,不以 九合一匡對舉,九者數之究,一者數之總。 下。」按管、晏二子與《論語》同時出而已。 盟可犯而桓公不欺,曹子可讎而桓公不怨, 兵車之會六,乘車之會三,亦約略言之,故與 相桓公,所行皆仁之事,故孟子又曰:「久假 之力也。孟子曰:「以力假仁者霸。」惟能 桓公之信著乎天下,自柯之盟始焉,皆管仲 車」者,即《穀梁》所謂「未嘗有大戰」也。 也」」,即「仁者,人也」之義 而弗歸,惡知其非有。」故「問管仲,曰:「人 仁,故亦仁其仁,孔子言如其假仁也。 先君 九合不必陳其數,一匡不必指其事。其 而 桓 公從車三百乘,九合諸 合諸 侯」。 《晏子春 秋 • 問 侯,一匡天 下 $\stackrel{>}{\succeq}$ 管仲 要 以 兵 假

按徐幹《中論•智行》篇云:「召忽伏節

死難 爲諒矣。」又按《後漢書・ 下者也,非以匹夫爲賤而非之。 匹夫者,所謂獨行之士,惜一己之節,不顧天 召忽事。《子罕》篇云:「匹夫不可奪志。」則 瀆,人莫之知。1.]則漢儒皆以「經於溝瀆」爲 ·召忽親死子糾之難,而孔子曰: 『經於 ,人臣之美義 也 仲 應劭 尼 比 爲 傳》 兀 à 劭 議 夫 兀 婦之 曰 溝

受濮水,枝渠于句陽縣東南,逕句陽縣故城齊,"上寶,魯地,句瀆也。」《索隱》按鄒誕生賈逵曰:「魯地,句瀆也。」《索隱》按鄒誕生而。」、杜注:「穀丘,宋地。」《左傳》作「盟于句后。」村注:「穀丘,宋地。」《左傳》作「盟于句后。」村注:「穀丘,宋地。」《左傳》作「盟于句后。」村注:「穀丘,宋地。」《左傳》作「盟于句后。村注:「穀丘,宋地。」《左傳》作「盟于司河之丘」,村注:「徵賣之丘,即穀丘也。」《水源之丘,村注:「何瀆之丘,即穀丘也。」《水源之丘,村注:「何瀆之丘,即穀丘也。」《水源之丘,村注:「何瀆之丘,即穀丘也。」《朱解》

也? 南。 矣。《義疏》載,或説「召忽投河而死,故云溝瀆」。 **瀆之中,自經** 隅,復以聲轉而異其字也。王肅以爲 亦侵其地而有之。不然,齊何能囚人於曹地 齊「囚王豹于溝瀆之丘」。 魯相錯,亦得有魯 秋爲曹地,哀九年,宋滅曹,爲宋地。 在今曹州府治北二十里,即穀丘也 丘」矣。縣處其陽,故縣氏 地 **奉** ,而齊、魯、曹、宋壤地相接,各得有 要之,生實、笙瀆、句瀆、句實與溝 秋》之「穀丘」、《左傳》以爲「句 何 必 溝**瀆之中**? 地。 又《左傳》哀六年: 或其時曹將亡,齊 焉。」按句陽 故 斷 其境與 爲 經 則 故 瀆 地 死 其 瀆 在 名 溝 之 是 春 城 亦

其 自言脩《春秋》之志也。 莫 而 子曰: 上達,知我者其天乎?」謹按:此孔 知子也?」子曰:「不怨天,不尤人,下 「莫我 知 也夫!」子貢曰 《春秋》筆則筆 1:「何 前 則 子 爲

> 也。 歎 ? 之知君子也? 制《春秋》之義以俟後聖,以 備,治太平以上應天命,斯爲下學人事,上 道不可得聞」。既 削,子夏之徒不 舜之知君子也」,此《春秋》之志也 孔子亦與天合德。「知我者其天乎」即「堯 君子之爲,亦有樂乎此也。」堯、舜與天合德, 天命也。《公羊傳》曰:「末不亦樂乎堯、舜 天知人,乃能明天人之際。 知天,斯不怨天; 春秋二百四十二年之中,人事浹,王 子與子貢互 能 相 不 贊 能知人,斯不尤人。 一辭。 發 得 聞, 明,以探天 又何能 際者,上下之閒 子貢言「性 意也 知莫 能 |與天 知之 知 能

上爲涉,繇帶以上爲厲。」李巡注云:「濟,渡也。以衣涉水爲厲。繇膝以下爲揭,繇膝以「濟有深涉。深則厲,淺則揭。」揭者,揭衣揭。」毛傳本《爾雅》爲訓,《爾雅·釋水》云:按:《詩‧匏有苦葉》:「深則厲,淺則

9

曰揭。 渡水 也。 待解衣而 白 「砅,履石渡水也。 水 水深非 厲。」按,揭从手,以手褰衣裳而! 則 厲 水水 衣自不濡 褰裳所能渡,則必履石 淺 崱 揭 也,謂之厲者。 衣 从 渡 水从石。 也。 不 解 渡 過,故 重文 《説 衣 水, 丽 褌,以 無 不

之「淇厲」、《水經注》之「河厲」,蓋指此。此謂之徛」是也,今齊魯閒往往有之。《衛風》水上,則徒行有履藉。《爾雅·釋訓》「石杠出於水,故爲旱石。」當是置石水中,俾高出

砅或从属。」又「厲,早石也。

水深

而

石

今《詩》及《爾雅》作厲者,經典叚借,非正字故其文从水从石,又或从厲,皆會意之字。厲爲橋梁之屬。「深則厲」自爲涉水之一名,

注《論語》則云:「由

膝以

上

爲

厲。」

知涉者已

褰裳涉溱」、「褰裳涉洧」,謂

揭

而

後厲。

鄭

也。

使以衣渡水

而不履

石,將使遂

濡

其

衣

且不履石,又何取

而謂、

之厲?

於會意

亦取履 《韓詩》説「至心曰厲」、《釋水》「由帶以上」豈 僅濡褌乎?《説文》:「涉,徒行厲水也。」此 爾雅》以由膝以上爲涉。 順 爲水 也。 石之義。 深則濡 孫 炎、 則揭 郭 褌 璞 而 衣而渡 既失 틴 蓋水由 其 然《詩音義》引 不得 恉 膝以上,或 遂 云涉 訓 衣 」, 故

話,鄭據散文,其説可通也。藉乎厲,由帶以上必厲而後渡。《雅》取對

也,陰者,默也。 天子之凶 子 曰:「上 廬 諒 好 取義於信默,故曰諒陰也。 閣, 禮 則 亦 民 日 易 諒 使 陰。 也。」 諒 謹 者,信 案

壑濿水」,亦不謂橋梁之厲,而於履石渡水義

之旨又不合也。

故司馬相

如《上林賦》云「越

徒涉亦至危之事,故憑

河與暴虎並論,則常涉者必履石矣。《詩》

所履而渡謂之徒涉。

術》言「紂斮朝涉之脛」,亦以

(異而)

斮之。

無

南

主

可不履石,然必褰衣而露脛,故《淮

愛敬盡於事親,而德教加於百姓,故三年之 也。《外傳》言武丁「三年默以思道」。默,諒 年之喪始。諒陰之名,言居喪之情志如此 喪自天子達。 天子欲加教化於民,必自行三 道,乃可爲孝。《無逸》篇云:「乃或諒陰,三 中,無時而不思先王之道。 三年無改於父之 陰也。本韋昭。思道,思先王之道也。三年之 喪始。 好。不本於誠以行禮,亦其文而已,何足以 子之道見於事是謂禮,君臣父子本於誠是爲 之至也。故王者莫不行居諒陰之禮,而獨善 也。「其惟不言」,默之至也。「言乃雍」,信 亦有所言。不言者,禮之常也。言者,其變 年不言。其惟不言,言乃雍。」其不言之時, 使民乎? 故爲上而好禮,必自行三年之 高宗,由默以思道,名稱其情也。 夫君臣父

論語説義八

長洲宋翔鳳于庭著

仰靈公 季氏

《康誥》言「作新大邑于東國洛」,此治天下以 平天下在治其國,故《大司徒》言「建王國」, 秋》之法也。 謂之四時。 四時之令,所謂布政之宫,朝諸侯之堂也。 爲邦言也。 脩《春秋》也。 正月者,不脩《春秋》也。 曰春、曰王,孔子之 書曰:《繁露》十三。「天之道,春暖以生,夏暑 顏 淵問爲邦」一章,陳明堂之法,亦《春 《春秋》先言春,後言「王正月」。 曰「行夏之時」者、春、夏、秋、冬 明堂者,祀五精之帝,行五行、 《公羊》以春爲歲之始。 董生

方曰 説 以養,秋清以殺,冬寒以藏。」何休述《春秋》 之法。 子,而《虞書》言授時巡守,皆用建寅,即明堂 即《周月》篇之義。先儒言堯正建丑,舜正建 焉。」故周公作《明堂》、《月令》,首孟 垂三統。至于敬授民時,巡守祭享,猶自夏 之正,四時之極。夏數得天,百王所同。」又 兩辰之閒。萬物春生夏長,秋收冬藏。天地 三中氣:小雪、冬至、大寒。 至、大暑,秋三中氣:處暑、秋分、霜降,冬 氣:雨水、春分、穀雨,夏三中氣:小满、夏 季,以名十二月,中氣以著時應。 「凡四時成歲,有春、夏、秋、冬,各有孟、仲、 春月爲正,殷以季冬月爲正 曰:「亦越我周王,致伐于商,改正異械 曰:「昏斗指東方曰春,指南 秋、指北方曰冬。」《周書・周月》曰: 《白虎通》引《尚書大傳》曰:「夏 閏無中氣,斗指 一,周以: 方日夏,指西 仲冬月爲 春之月, 春三中 以 以

《書》廿八篇,《詩》三百篇,《周官》六篇,未嘗 秋》,蓋以孔子之名加之於魯史者也,故《論 下以正其所爲,正王道之端云爾。」此「行夏 爲也。正者,王之所爲也。上承天之所爲, 正,故冠之以春。 董生有言:「春者,天之所 隨三正而易。《春秋》託新王,將以夏正變周 爲時也。」則凡言春、夏、秋、冬,皆主夏數,不 以爲四時據物爲名,春當生,冬當終,皆以正 正。』《白虎通》又曰:「四時不隨正朔變何? 言《春秋》,則《春秋》自孔子乃名之矣。 考 語》言《易》、《詩》、《書》、禮、樂及史,而未嘗 之時」之義也。然則《左傳》、《孟子》之言《春 以春、夏、秋、冬加之十二月之上。 今傳三代 不傳《春秋》,其云春正月、夏四月,以《史記》 自爲正月,五始之義與傳記之辭不同。 左氏 七月者。《春秋》之文,所謂春自爲春,正月 彝器銘辭,但云幾年幾月,而無言春正月、秋

歆改《左氏》,而班固撰《漢書》,於《史記》幾 合經,始依經文加之,實違《春秋》之義。 引《左氏》校之,往往無春夏字,知劉歆以 義。若以《春秋》隨正朔而變,是以周正建子 尚是建申之月,爲孟秋也。《白虎通》係固撰 紀》「漢元年十月,沛公至霸上」、《漢書》作「冬十月」,不知 月之上皆加春夏字,以歸畫一。如《史記・高祖 養,不得言清以殺也。周正建子,斗指北方, 爲春,當寒而藏,不得言暖以生也,秋暑以 經博士議,各有家法。 首》「玉衡指孟冬」,此用秦正,是建申月也。 故太初以前,詩輒以孟秋爲孟冬。《古詩十九 然四時不隨正朔而變,其義在漢初已茫昧, 春不蠢動,秋不揫斂,四時名義按之皆失。 也,秋者揫也,冬者終也。使以建子爲春,則 不得爲春,四時類是。且春者蠢也,夏者假 解經,又往往以孟春爲建子,季夏爲建巳者, 而自撰《漢書》則失其 而鄭康成 自 傳

由《春秋》之學未是專門也。曰「乘殷之路

〇 六

説》云:「三王之郊,一用夏正。」魯既用天子后稷,天子之禮也。」孟春,建寅之月。《易韣,旂十有二旒,日月之章,祀帝於郊,配以者、《明堂位》言:「魯君孟春乘大路,載孤王、『『『『』』

殷路也。乘路,周路也。」鄭注:「大路,木路禮,故亦以建寅月。《明堂位》又言:「大路,

其質也。」鄭注云:「素車,殷路也。魯公之今謂之桑根車。」《郊特牲》曰:「乘素車,貴

也。

乘路,玉路也。漢祭天,乘殷之路也。

香,《邓寺生》曰:「圣之日,王皮受从象氏。」一家法,不與《周禮》同也。 曰「服周之冕」郊用殷禮。」按《小戴記》與《春秋》、《論語》同

如之。魯侯之服,自衮冕而下也。」又曰:禮》祀昊天上帝,●則服大裘而冕,祀五帝亦鄭注:「謂有日月星辰之章,此魯禮也。《周者,《郊特牲》曰:「祭之日,王被衮以象天。」

《春秋》去周之正,行夏之時,故獲麟春言狩 《春秋》之制,不必如鄭君所云「魯侯之服,自 《虞書》所載同,亦是《春秋》之禮也。《春秋 《公羊傳》曰:「麟者,仁獸也。 輅、周冕,備三代之質文,著三統之遞易。 儀。擊石拊石,百獸率舞。」」則「樂則《韶》 衮冕而下也」。 託王於魯,故亦可謂之魯禮。 舞」之義也。 后乃至。《尚書》曰:「簫《韶》九成,鳳皇來 至。」何休曰:「上有聖帝明王,天下太平,然 而戴十二旒之冕,則惟冕用《周禮》,餘自爲 「天之大數不過十二。」按: 美矣,又盡善也。』」鄭注: 《八佾》篇云: 曰「樂則《韶》舞」者,夏時、殷 被衮象天之義與 「子謂《韶》: 「《韶》,舜樂 其不用大裘 有王者則 一盡

美舜以德禪於堯。又盡善,謂太平也。」又

戴冕,璪十有二旒,則天數也。」鄭注曰:

^{▶ 「}祀」上,阮本《禮記注疏》有「王」字。

下。 亂既 嚴也。 及也 道。」是《春秋》致太平之後,與堯、舜之道爲 《春秋》亦以王次春,上法天文,四時具然後 諸正,莫近諸《春秋》,則未知其爲是與? 其 平之樂。《春秋》至所見世,爲治太平,故作 致,瑞應既臻,日中則昃,持盈保泰,不可不 道同者相稱,德合者相友,故曰樂道堯、舜之 爲年,以敬授民時,崇德致麟,乃得稱太平。 舜當古曆象日月星辰,百獸率舞,鳳皇來儀, 諸君子樂道堯、舜之道與?」何休曰:「堯、 云: 一,故可用《韶》舞。云「放鄭聲」者,太平既 韶》樂以明之。《公羊傳》又曰:「撥亂世反 未盡善,謂未致太平。」此明《韶》爲致太 「《武》,周武王樂。 「謂《武》:「盡美矣,未 覆 夫鄭聲之亂雅樂,利口之覆邦家,既 了,所謂淫也、殆也。 惟人君克己復禮,則知而放之遠之而 美武王以武功定天 雖隨 盡 以誅戮,亦無 善也。」 鄭

> 른 備四代之官,而自嚴澤宮取士之制,故曰「勇 桷,卒爲後敗也。」按莊公用鄭瞻計,取齊淫 佞人來矣! 瞻自齊逃來」傳:「何以書? 成者,但當遠之而已。」此解遠之義。又「鄭 甚者。云「遠佞人」者、《春秋》莊十七年「齊 則害上,不登於明堂」。 知而受之,聽其計策,●以取齊淫女,丹楹 人執鄭瞻」傳:「書甚佞也。」何休曰: 也。」此明堂之祭,弗登四者之音,鄭聲其尤 四者,皆淫於色而害於德,是以 女溺志,衛音趨數煩志,齊音傲辟喬 女,幾爲陳佗之殺,故曰 故《樂記》曰: 佞人來矣!」何休曰:「蓋 「鄭音好濫 《書》曰:「何畏乎巧 1殆也。 淫志、 曰佞也。● 如明堂之法 祭祀 志 宋音燕 「罪未 弗 痛 用 刻 魯 曰 此

^{● 「}曰」,阮本《公羊注疏》作「書甚」。

❷ 「聽」,阮本《公羊注疏》作「信」。

言令色孔壬?」皆謂佞人也。

者,與天子諸侯之設官無以異也。 史籀爲周 書同在六藝,皆國子之所當教,故孔子言「執 六藝」,「四曰五馭,通御。 五曰六書」。 御與 人乘之,今亡矣夫!.」案《周禮•保氏》「教之 《漢書・藝文志》。史書令史者,爲掌史書之令 御」。又言「正名」、言「雅言」,所以教門弟子 《後漢•安帝紀》「好學史書」注:「史書,周宣王太史籀所 書令史。吏民上書,字或不正,輒舉劾。」本 史。又以六體試之,課最者以爲尚書御史史 宣王時太史,作《大篆》十五篇。 《周禮》外史 史,專以正書字爲職,故曰「史書」,《元帝本紀》 作之書也。凡五十五篇,可以教童幼。」曰「史篇」,《揚 「太史試學童,能諷書九千字以上,乃得爲 「善史書」注:「應劭曰:「周宣王太史史籀所作《大篆》。」」 掌達書名于四方」,●亦太史之屬。漢律: 子曰:「吾猶及史之闕文也。有馬者借

❶ 「外」,原作「内」,據《周禮》改。

乘

南邊費,又東南則淮、徐之地。 書·費誓》曰:「淮夷、徐戎並興。」魯東 費邑故城在今

> 魯有季氏日爲後世子孫謀,而魯國危矣。 此。《論語》以「季氏」題篇,亦譏世卿之意。 之中也。冉有爲季氏謀伐顓臾,將盡得山 在顓臾之南,並在魯東南。故孔子以爲在邦域 此顓臾所以「固而近於費」也。魯之費邑,反 國,又西北二十里有冠石之山,又北爲陪尾。 山東費縣西北二十里,又西北六十里爲顓臾 憂在蕭牆之内」。蕭牆之内,臣見君之地也。 季氏之家,已有陪臣執命之禍,故曰「季孫之 形勢,則季氏强於魯國,其後得列於諸侯者以 險

也。 何 ? 季氏之孚也。 之廟。」《公羊》説曰:「夷伯者,曷爲者也? 《春秋》僖十五年:「九月己卯,●震夷伯 何以書? 大之也。 季氏之孚則微者,其稱夷伯 曷爲大之? 天戒之,故大之 記異也。」謹按:季友賢者,

如

〇九

⁰ 「己卯」下,阮本《公羊注疏》有「晦」字。

__ O

也。 籍矣。 旱久而不害物也。 至于秋七月。」十三年《經》書:「自正月不 震警於其微者。 僭,然天意已見,魯國之命將終制於陪臣,先 時又當齊桓之霸,其所信任臣宜不當有所 能與。 故陽雖不施,而陰道獨行以成萬物也。」此禄 雨,至于秋七月。』《易京氏》説云:「旱異者, 宰,而用田 多乎什一,富於周公之事也。至冉求爲季氏 將專於季氏。 去公室之徵,天爲先告之矣。 之去公室,亦自宣公始也。 税畝田賦皆出於季氏之所爲,而非魯君之所 孔子曰:「若子季孫 至文二年《經》書:「自十有二月不 故季氏 若欲犯法,則苟而賦,又何訪焉?」知 賦,則聚斂附益之尤甚者 故宣十五年《經》書「初稅畝」, 富於周公,自初稅畝始也 故《春秋》之法皆本於天 斯禄去公室,福由下作, ,欲其法也,則有周 《論 禄去公室,則 語》曰:「禄 也。 公之 丽 故 意 專 禄

> 知所警懼矣。 知所警懼矣。」鄭君以爲言此之時,在魯 三桓之子孫微矣。」鄭君以爲言此之時,在魯 定公之初。宣公至定公爲五世,文子、武子、 定公之初。宣公至定公爲五世,文子、武子、 定之徒也。《論語》往往斥言季氏、孟氏,與 忌之徒也。《論語》往往斥言季氏、孟氏,與 忌之徒也。《論語》往往斥言季氏、孟氏,與 是之徒也。《論語》往往下言季氏、孟氏,與 是之徒也。《論語》:

大人言,●始視面,中視抱,卒視面,毋改。天子爲大人,在古今則以聖人爲大人。士於卿母爲大人,在古今則以聖人爲大人。士於卿母爲大人,在古今則以聖人爲大人。士於卿母爲大人,在古今則以聖人爲大人。士於卿母爲大人,一國以諸侯爲大人,一家以父天子爲大人,一國以諸侯爲大人,故在天下以按:凡所尊敬者謂之大人,故在天下以

❶ 「言」,原脱,據《儀禮》補。

學,歸於杳冥昏默而已矣。
 因而不學,民斯爲下矣。知之者,知其而不此通其故,又不求之於古人,則困而不之象也。思不如學,困而學之也。夫既反覆法是謂學。所謂終日不食,終夜不寢,皆困故也。求之不能通其故是謂困,效古人之成故也。求之不能通其故是謂困,效古人之成故也。求之不能通其故是謂困,效古人之成以。

子、諸侯出政教者矣。

記》云:「洛陽東北首陽山有夷齊祠。」今在於首陽山,在隴西首陽。」●又戴延之《西征正義曰:「曹大家注《幽通賦》云:「夷齊餓正義曰:「曹大家注《幽通賦》云:「夷齊餓」。 按:《史記·伯夷傳》注:「馬融曰:

^{● 「}陽」、《史記正義》無此字。

^{▶ 「}殷」,原誤作「周」,今據《史記正義》改。

首

陽

,亦當不甚遠。

又考尸

鄉爲

湯

都

北,

蓋

以

尸

鄉

名

西

Щ

也

也

首陽在縣

西北

三 十

<u>Ti.</u>

里,

有采薇· 山,上有首陽祠一所。二今此二山 北 頭 日 上東門。」《河 南郡境界簿》曰: 「城 東北

祠耳 圃 曹大家注《幽通 ()賦》隴 西首陽 縣

在遼 也。 西。 今隴 諸 西 亦 説 有 不 首陽 同,

山」,則隴 西者近是。」 合考張、顔之説,所 謂

首陽 語 無 實。 五 所 《説文》: ,其實有三。 「崵

《説文》同,無「首陽在遼西」之文。《漢志》:

西令支有孤竹城。」伯夷、叔齊國蓋涉此而誤。 所可 據

者,爲蒲 論語》「伯夷、叔 坂、洛陽、隴 齊餓于首陽之下」,斷在 西 洛

稍詳。

雖諸子文不盡與經應,共

頭

在

漢

河

内

同

丽

郡,州縣在今衛輝府輝

縣界,則

事

在

伐

紂

將

按《元和 陽東北。 郡縣圖志》,河 洛陽在今河南府,城東北二十里有洛陽故城。 里,盟津 南 府 偃 師 縣 首 陽 山 武 在

縣

西北

二十

五.

在

縣

西

北

三十

里

時

也。

蓋

初但觀兵,故夷、齊

亦在隨行之列

逾

盟津

時,必不在文王

初没,夷、齊初

至

岐

王

伐

紂

,夷、齊叩馬而諫,正當在

盟津。

後隱

迨

度河將克殷都,乃叩馬

而

諫。

不聽,遂不

而 山 山在遼西。」《廣韻》引 孟子「北海之濱」,空 三處。 伯 許 夷 慎 歌云「登 今統 又云首 並 核 有 数説 彼 陽 夷 遼 是 齊 西 Ш 亦當 偃師縣西二十里。 岐陽,則文王已没矣,武王即位。 行,至首陽之下而餓焉。」文與《莊子》略 下而與之盟。伯夷、叔齊聞之云云。二子北 而與之盟。又使保召公就微子開,於共頭之 王使叔旦就膠鬲,於次四内高注: 今吾奚爲處乎此哉?』二子西行 謂曰:「吾聞 有士二人,處於孤竹,曰伯夷、叔齊。 二人相 吕氏春秋 在 尸鄉之西 • 西方 誠廉》篇云:「昔周之將興

有

偏

伯

焉,似

將

有

道

如

周,至於

四四

内,地名。

觀周

?德,則

嶽

碑。』《後漢書

西

蒲

州

府

城

東

Ŧi.

使以

蒲

坂

州

垣

曲

縣

西

北

濟

原

縣

西

徳人

〉河。 」

此

濟

碑,並

是後漢河

與處

士平原蘇

縣北

故云河濟之閒。

河。」鞏與偃

閒。」《水經》:「濟水南當鞏縣,北南 陽山、《春秋》所謂 其仁成名於天下。 夷、齊東北至洛陽 言》中云:「昔者伯夷、叔 云北至首陽,遂餓 「登彼西山」矣。 東北至洛陽,北逾盟津,又東北 至首陽」者,蓋 ,又東逕平縣 "「身死之日,願埋滂於首陽 一首陽。 師相去數十里,當濟水入河處 騰、 `南尹廣陵陳導、雒陽令徐循 黨錮傳》:「范滂繁黄門北寺 《水經注》:「河水東逕洛陽 自岐陽 死 首戴也。 故 ,不逾盟津,遂隱首陽,故 南陽 《 莊 上有夷、齊之廟,前有二 夫二子者,居河、濟之 儿也。 城北,今偃師縣。 子》及《吕氏 何進等立。 《大戴禮 齊死於溝澮之閒, 至朝歌 夷、齊之歌 ,必由函 至朝歌也 春 Ш 曾子制 事 南 「側,上 秋 入于 ,見其 對首 所 \ 谷 以 十里。 原也。 師古謂 陽也。 坂。 不負 《曾子》「河、濟之閒」,反以首陽在蒲 渭原縣東北有首陽,故城距河、濟之閒 山 夷、齊所隱。 里。 實。按《漢志》:「河東垣縣,《禹貢》王 在洛陽東北。」据此,則漢 在東北, 沇水所出, 千里,蓋縣名偶同,不可牽合也。 二十里,王屋山 禹貢》鳥鼠同穴山 祠, (皇天,下不負 計王屋西至蒲坂 漢志》: 雷首在南。」則蒲坂之山是雷首,非 又在蒲坂南,安得有西山之目? 蒲坂 在 垣縣故城在今山 隴 故城,今在 西者,《 惟馬融注《論語》首陽 河河 在今河南懷慶府 東蒲反反、阪 夷、齊。二注云: 在西南。」今甘肅蘭 東南至武 漢志》: ,四百餘里 Ш 西絳 人多以偃

渡盟

津

而至

屋

山

幾一

州府

王伯

厚據

坂

爲

得

隴

西

首

陽

顔

通

有堯

山

首

師

陽

爲

謂

在

蒲

「首

陽

Ш

子》作「濟澮」。成六年《左傳》「汾澮」杜注 安得如王氏所云?「溝澮之閒」,王氏引《曾 首陽爲 國 東。」杜注:「鄭武公傅平王,平王賜之虎牢以東,後失其 苓采苓,首陽之巔」,此亦指偃師首陽。 不可證爲夷、齊之首陽也。《詩・唐風》「采 今平陽府曲沃縣,西南至蒲坂二百餘里,亦 地,故惠王今復與之。● 虎牢,河南成皋縣。」晉欲霸 秋》鄭虎牢地。漢河南成皋縣也。莊廿一年《左傳》: 師東七十餘里,至今開封府汜水縣,即《春 之要涂,首陽最偪近鄭,故反覆言之。 東」,正指鄭在首陽之東也。 下」,則自晉至鄭之所經也。終言「首陽之 信」言之。 鄭伯享王于闕西辟,樂備,王與之武公之略,自虎牢以 澮水出平陽絳縣南,西入汾。]按晉絳 「,必先固結鄭心,故以「人之爲言,苟亦 夷、齊所 設言登首陽以望鄭,繼言「首陽之 隱 則與河 濟之閒 鄭爲晉通 渺不 一齊、楚 相 晉自 蓋 縣 及 偃 即 無 中

之。至文公、悼公,皆以服鄭而成伯業,則獻獻公之世,思有事於諸侯,詩人探其意而賦

公之謀亦遠矣。

《春秋》輒書夫人子氏、夫人嬴氏、夫人 類。 氏,以娶乎大夫,故不正其夫人之名也。 年:「齊侯送姜氏于讙。」繋姜以氏,明 配婦,若婦姜。死則以姓配謚,若成風之類。 也。文四年書:「逆婦姜于齊。」不稱 人氏之喪至自齊。」不言姜,以絕其 我爲夫人,以别之於齊侯也。 休以爲「從父母辭不言氏」,則氏固從乎夫之 曰氏,以夫人言之,當從乎夫之氏也。桓三 曰子、曰嬴、曰風,著其姓以明其所從 其嫁則以姓配氏,若姜氏之類。 婦人未嫁,則以姓配字,若仲子伯姬之 僖元年:「夫 或以姓 所從出 出也 (風氏) 夫人 何

❶·「今」,原誤作「令」,今據阮本《左傳注疏》改。

五

-六

論語説義九

長洲宋翔鳳于庭著

陽貨 微子

貨,陽虎也 也 其 禮 以 聚 季氏家臣也。 富 字貨。《孟子 小道相 |。|按趙意似以陽虎、陽貨爲兩人。 、門。」趙注:「陽貨,魯大夫也。 不仁矣,爲仁不富矣。」」趙注:「陽虎,魯 人廢言也。」又曰:「陽貨欲見孔子而惡 大夫有賜於士,不得受於其家,則往 陽 貨 !反也。 欲 ¬, 季 見 滕文公》篇:「陽虎曰: 富者好聚,仁者好施,施不得 氏家臣。」邢 陽虎非賢者也,言有可采,不 孔 子。 注 : 疏 孔 日: 安國曰:「陽 孔子,士 蓋名 虎既囚 「爲 虎, 拜 無

三人,一人得近王,一人爲縣令,一人爲候

及虎抵罪於魯,皆搜索於虎也。

臣

居齊,薦

趙。 臣? 季孫 以善 肖,則飾姦以試之。』逐於魯,疑於齊,走而 陽貨 陽貨即楊朱。 西漢人稱陽虎爲楊子。陽、楊古字通用,疑 曰:「楊子 義,未必以 樹人。」虎曰:『臣居魯,樹三人,皆爲令尹 我務守之。」遂執術而 國政,何故相也?」簡主曰:「陽虎務取之, 曰:「陽虎去齊走趙,簡子問曰:『吾聞子善 專 趙簡主迎而相之。左右曰:『虎善竊人 事簡主,興主之强,幾 故 議 孟 魯政,則升爲公臣,豈肯尚作 曰: 『主賢明,則悉 曰:『爲富不仁,爲仁不富。』」 子有大夫、士之説。 爲 兩 《韓子・外儲説左下》篇曰 人也。 御之。 **《鹽** 鐵 至 陽虎不敢爲非, 心 論 一於霸 以事之。 注 但 地 望文 也。」又 廣》篇 季 不 氏 按 生 Ž

疏

孟子》改之。

子居合言爲朱。

《虞書》「化居」,化通貨,疑

其爲虎,或爲貨,或爲朱,蓋

子居爲陽貨字。

己,若樹人則且爲己害。孟子、韓非之所説, 即孟子「楊子取爲我」之説也。言務取以爲 善樹人。」」按云「虎務取」,又曰「不善樹 子居見老聃曰:『有人於此,嚮疾强梁,物徹 以陽虎爲楊子也。《莊子·應帝王》篇:「陽 靈運《述祖德詩》注引《吕氏春秋》,陽生作楊朱,蓋李善据 爲仁不富,富者務取爲己者不爲仁,亦「取爲 正是一家之説。仁者治人,其言爲富不仁, 生貴己。」高注:「輕天下而貴己。 陽子拔體一毛以利天下,弗爲也。」《文選》謝 明,學道不勌,如此者可比明王乎?」」按 及臣得罪,近王者不見臣,縣令者 按《吕覽》以楊朱爲陽生,猶桓 《吕氏春秋·不一》篇曰:「陽 臣至境上,不及而 孟子曰: 止 虎 迎 寬 臣 行事 湛注:「或云字子居,戰國時人,後於墨子。」 濟,豈以陽虎在彼與? 變姓名如范蠡。其稱 朱言孔子受屈於季氏,見辱於陽虎。 爲先後。 况《孟子》屢稱楊墨,如周孔、孔孟 墨相難,設爲兩家之言,不必定爲墨在楊前 爲墨子弟子,故知後於墨子。 按,此以《列子》記楊朱與 古人古事也 有此語。且《莊》、《列》十九寓言,不得以定 秋時蒙惡聲,故爲楊氏學者諱言爲 相難,豈得管、晏同時對語也。 夷吾。管子道家,晏子墨家,亦是 相 類 《楊朱》篇又記晏平仲問養 孔子 將 西 「嚮疾强梁」,正 見趙 《列子·楊朱》篇張 (禽滑 簡 子, 然此但記楊 釐辨論 篇中 , 白 爾家 臨 一人,故

我」之説也。

執縛,候

吏者追

河

而

不

與陽虎

性喻禾、善喻米,其理豈大相異 問:孟子言性善,荀子言性惡,董子以 乎 ? 抑 미 通

生於管

沙學者

낈

時代

虎在

春

·又記

楊

惡,即 乎? 陽 惡而 性,而性出於天。 坤初凝乾元之義。初六變,乃當位,則坤無 陽是善,故曰:「元者善之長也。」釋坤元在 也。 教,本非一耑。民可使由,不可使知。 其惡也,此推本之論也。 惡之理明矣。 元,凝乾元以爲元。 辭言堅冰,乾爲冰,乾位西北,故云堅冰 故曰:「積不善之家,必有餘殃。」然初六爻 初六,曰:「履霜堅冰,陰始凝也。」陰是惡 釋乾元在初 加 .情本於性。察動静、陰陽、情性之際,而 氣 後 《易》之乾元即謂性善,坤元即謂性惡 而生,具此 絶生 知其善也,此後起之議也。 理。 九,曰:「潛龍勿用,陽在下也。」 《周易》者,窮理盡 言性善者曰必先有善 生理 故言性善者,推本之論也。 觀坤初凝乾,知陰動爲情 一,即具 觀乾初不變,知陽 言性惡者曰必 此 善性 性至命之書 聖人設 而 念之 人秉 · 見 其 後 静 此 知 善 爲

《春秋》體元、《禮》本於太一,要其本始,莫非 和」。 性善之理。 明天,以後起之議治人,胥聖人之教也。 道、《詩》、《書》言德化,故《十翼》及《詩》古文 爲防淫之書,《春秋》誅亂臣 出。觀其既發,則性已有惡,發皆中節 化弊之後,失 讀《書》,故道性善、稱堯舜。 蓋以推本之論 家毛公、今文家韓嬰俱言性善。 荀子、《春秋》家董生俱不言性善。《易》言天 能性其情。 故《中庸》言性不言情。 「喜怒哀樂之未發謂之中,發而皆中節謂之 儒者以五常爲性,以六欲爲情,然《中庸》言 長,故切而 「少成若天性,習慣如自然。」又曰:「習與智 是情之未發者即性,性之已發者即情 不愧。 故言性惡者,後起之議也。《禮 《論語》撰聖人之微言曰:「性相 其 、秉彝。 况 與 心成,故中道若性。」 賈生書 情性一理,情自性 一賊子,故《禮》家 引孔子曰: 孟子誦《詩》 然

乎性。 則君 近也,習相遠也。」聖人知天人之際,則必 行九州而各殊,此其相遠也。 商臣 移之郊。遂其變而帥教者,則非下愚也。終 又曰「惟上知與下愚不移」,此亦明學禮 不辨其遠近,則化民成俗之故無自而入也。 之涂日分,而惡不可不治。名之以善惡,而 五常之德,周四海、亘古今而不變,此其相近 語》首篇言「學而時習」。夫仁、義、禮、知、信 言下愚之人也。所謂下愚者,若《春秋傳》言 也。《書》言「放四凶」、《春秋》「遠佞人」,皆 於不變,屏之遠方,終身不齒,則下愚不移者 「上知」謂俊造之選,「移」若移之左、移之右、 無 師之教也,弟子之學也。 言語、飲食、衣服、禮俗,更數十年而易, 惡,無惡則善亦不可名。 「蠭目而豺聲」,伯石「豺狼之聲」,其惡 凡民爲日用之質,則尤慎乎習,故《論 習相遠則 性相近則有善 能一而同之, 善惡 也。 本

而

也。

震動,即有運動知覺,而情亦生焉。故《禮》 氣淑静,合於乾元,有善無惡之時也。 者,動静之閒也。 秉於生初,則性之相近又何説也? 家言胎教之法曰「目不視惡色,耳不聽淫聲 之習。商臣、伯石之徒,自母腹而不得其教 心,兩者不等,各以其母。」孔子言性相近、習 上知,胎教失,則生而濁蠢爲下愚。 已不可謂爲性也、習也。蓋人欲之汩其性 相遠者,未離乎天理謂之性,遷就於人欲謂 口不出曼言」。惟能 其性,自胎教始。 提而習慣者,有在腹而感之者,故聖人之治 有至老而敗者,有中路而不能自持者,有孩 鳳皇生而有仁義之德,虎狼生而有貪戾之 **絪縕化醇**,是爲 慎胎教,則生而濬哲爲 始胎 故曰: 蓋 母腹 善惡 陽

城」,注云:「武城,今在費縣。」按,此當是 御覽》一百六十卷引《論語》「子之武

鄭注。

《公羊》説曰:「孛者何? 彗星也。」古文《左 哀十三年:「冬十有一月,有星孛于東方。」 世,當見所以治升平,哀公終所見世,當見所 所傳聞之世,當見所以治衰亂,昭公繼所聞 氏》説曰:「彗所以除舊布新也。」謂文公繼 于北斗。」昭十七年:「冬,有星孛于大辰。」 子、男至九采之國,内外秩如。 之星也。蓋除舊布新於内,而未遑治外也 爲,本天意以從事也。北斗運於中央,中官 之象,而後知《春秋》張三世之法。 以治太平者。於此之時,天必示以除舊布 大辰,房心,明堂也。 在 之世,内諸夏而外夷狄,故見除舊布新之象 東方。 春秋》文十四年:「秋七月,有星孛入 見宣四年《公羊傳》注。 「有星孛于東方」,文王,房星之精, 明堂之位,公、侯、伯、 孔子作《春秋》, 所謂治升平 聖人 所 新

仁獸至,故天所以三見其象,而《春秋》之法明文王之法度,將興周道於東方,而天命集、

備矣。

揚」也。 吾豈匏瓜也哉? 焉能繫而不食? 皇 一通云:『匏瓜,星名也。言人有才 智,宜佐時理務,爲人所用,豈得如匏瓜繫天 而不可食邪?」」謹案:孔子引匏瓜以自喻, 即前章「如有用我」之義。匏瓜繫天,徒有虚 即前章「如有用我」之義。匏瓜繫天,徒有虚 引匏瓜之星者,猶《詩》言「維南有箕,不可簸 易一不可食,我非徒驚虚名,要當有用於世。 是有此。 一通云:『匏瓜,星名也。言人有才 是有此。 一通云:『匏瓜,星名也。 一種 是有此。 一種

愚也詐而已矣。」狂也、矜也、愚也,皆氣質之也。」謹案:亡,當讀爲「亡之,命矣夫」之亡,已死也。「古之狂也肆,今之狂也蕩;古之已死也。「古之狂也肆,今則因疾而亡,謂人心之言古有疾,尚可治,今則因疾而亡,謂人心之言,以其矣。一,以其,

五

榖

不

分。

按,《釋文》:「分,包云如

之與? 所謂狂,忿戾則失 有 偏,古所謂 愚,此古但爲 日變,風 直以救愚,是不失爲古之疾也。 俗 疾也。 日 人疾,而今遂至於死亡。 漓,聖人所爲,明禮樂以救 有肆以救狂,有廉以救矜, (其所謂矜, 詐則 蕩則失其 失其 人情 /所謂

時具,而君臣父子以及草木鳥獸皆統於陰陽 主四時,而七十二候環生於其中。 之故在《易》、《春秋》。《易》以坎、離、震、兑 天道 恐學者以無言爲不言,故發問以明之。 言,則小子何述焉?」無言者,微言也。 天道者,微言也。 而 後知微言之傳,必明於天人之際也 子曰: 「不可得聞,即「無言」之謂。 故四 一予 時行、百物生者,天道也。 欲無言。」子貢曰:「子 觀夫子再言「天何言哉」, 而性與天道 《春秋》四 子貢 性與 如不 性與

> 《草人》「糞種」之糞,必先糞種而後 之分」,鄭注:「分或爲糞。」《音義》:「分,扶 字。鄭扶問反,云猶理。」又按,《王制》「百畝 勤勞四體,不分植五穀,誰爲夫子而索之?」 治。故丈人以四體不勤則五穀不分。 問反。糞,方運反。」此「五穀不分」,當讀 子路,非以責子路也。 詳包意,亦以「四體不勤,五穀不分」爲自述 其不遑暇逸之意,故不能知孰爲夫子,以答 而芸,即勤四體、治五穀之事。 包咸 日 π 植杖 穀 可 如

《論語》作「侏張」,知非人姓名矣。 張」注曰:「輈張,警懼之貌。 「朱張,朱當作譸。 者七人」注,獨不數夷逸、朱張。 箴》云「姦宄侏張」,輈、侏古字通。」 此鄭本 反。」按《文選・劉 《釋文》:「朱張,鄭作侏張,云音陟留 |越石答盧諶書》「自 書》「講張爲幻」,即 揚雄《國 郝氏敬 故鄭「作 三老 陽狂 頃 日

故舊無大故,則不棄也。皇疏曰:「故舊,謂朋友也。大故,謂惡逆也。朋友之道,名無大惡逆之事,則不得相遺棄也。」謹案: 「國君友其賢臣,大夫、士友其宗族之賢者」,以睦,友賢不棄,不遺故舊,則民德貴。」傳云以睦,友賢不棄,不遺故舊,則民德貴。」傳云以睦,友賢不棄,不遺故舊,則民德貴。」傳云正義亦引《論語》「故舊無大故」二語爲説,是故舊爲朋友也。

長洲宋翔鳳于庭著

子張

堯曰

屈也。 中。 學之始也。 謂其區萌未達之時,即有以别之,以區萌喻 訓「區萌」之區。區、屈聲之轉,不必改讀。 注,「屈生曰區。」則《論語》「區以别矣」亦可 區别也。又按《樂記》「草木茂,區萌達」,鄭 矣」,謂區其品類以别之矣。凡言區分者,即 品,衆也。」按此知區爲品類。 「區以別 《説文》:「區,崎區、藏匿也。 从品在匚 屈生即《説文》藏匿之義,藏匿必

漢書 薛宣傳》云:「君子之道,焉可

之。」」按《漢書》引誣爲憮,當是《魯論語》,馬 灼曰:「憮音誣。」師古曰:「《論語》載子夏 憮也。」注:「蘇林曰:「憮,同也,兼 所注爲《古論》也。 《説文》:「憮,愛也。」是 之言,謂行不同,所守各異,唯聖人爲能 也。」晉 體

憮有兼愛義,故蘇林訓爲兼。

舜乎? 終,吉。」三於爻位爲三公。王者之後,當天 朱之不肖,亢龍之悔也,天禄之終也。《鴻範》 其命於受終文祖之時乎? 之法也。堯之數終而舜受之,舜之數終而禹 禄之終,宜退居三公之位,此丹朱爲二王後 位,降居坤三。《謙》之九三:「勞謙君子,有 允執其中。四海困窮,天禄永終。]堯之命, 受之。知進退存亡而不失其正者,其惟堯 「曰悔」,鄭注:「悔之言晦,晦猶終也。」《乾》上九失 堯曰:「咨! 爾舜,天之曆數在爾躬, 鴻水之滔天,丹

627

《堯曰》末章「孔子曰」,今集注本不加孔義。《堯曰》末章「孔子曰」,今集注本不加孔《微子》至《堯曰》,稱孔子並加姓,亦重終之窮矣。」」何休曰:「加姓者重終。」《論語》自家《公羊傳》:「西狩獲麟,孔子曰:『吾道

執其 爾舜 鮮久矣。」此孔子之微言也。 日 困窮,天禄永終。」此堯之中庸也。 中庸 有天下者,皆有中庸之德。故《禮・中庸》記 用 中庸之德也。 有 立賢無方。」《鴻範》曰:「五、皇極。 以爲教,政法不出於中,則阻偏滯礙 |極。」傳曰:「皇,大,極,中也。」凡此皆言 「舜其大知也與! 子曰:「中庸之爲德也,其至矣乎! 兩端,用其中於民。」孟子曰:「湯執中, 蓋學問不出於中,則邪僻隱怪 天之曆數 庸者,用也,能 在 爾 舜好問一 躬,允執其 堯 用 中 而好察邇言, 曰:「咨! 中。 由是受命 者,斯謂 皇建其 而 四 而不 不 民 海 可

《春秋》於三正並冠以春王,蓋知其所損益

明通三統之義,故舉夏、殷、周

而不及虞。

可

知也。

其或繼周者,雖

百世

可

知

也。」此

子。 《堯曰》一篇,敘堯、舜、禹、湯及周,而繼之以 傳之大法而 可 故孔子歎爲民鮮久矣,而己當應其時也。 文、武既遠,斯理絶續,五德之運,將歸素王, 受命之應也。 生,故曰玄聖。 顯然可知矣。《春秋》説孔子母夢感黑帝而 素王之成功,遂發之於此,則孔子受命之事 之義而用之。復繼之曰「不知命,無以爲君 子張問從政,言「尊五美,屏四惡」,皆本執 夏禮,所損益可 ·子張問: 『十世可知也?」子曰: 『殷因於 用以爲治。 命者,天命。 莫之可改,此其所以爲至 繼之言知禮。《爲政》篇曰: 是中庸之爲德,乃自古聖 《堯曰》篇述「用玄牡」者,見 知也。 知天命之所與而受之,見 周因 於殷 禮,所損 也 相 中

聖祖之意,爲《中庸》一篇,而曰「仲尼祖 言,則小子何述焉?」子曰:『天何言哉! 道爲二。又曰:「子罕言:利與命與仁。」又 禮今文家所傳具在,惟知禮而後可以作《春 堯、舜,憲章文、武」,於《易》成既濟、《春秋》 傳微言以治天下之人,別之於禽獸之域,存 幾希,庶民去之,君子存之。 自明微言之所在也。人之所以異於禽獸者 秋》,以爲後世有天下者之則,故聖人所以 秋》也,故成《春秋》之法而不合於《周禮 則三代之理自見。其或繼周者,孔子之《春 之於幾希之閒。知人者非易易也。子思明 四時行焉,百物生焉,天何言哉!」」此孔子 曰:「子曰:『予欲無言。』子貢曰:『子如不 百世之師也。 子貢以夫子之文章與夫子之言性 可以見《論語》一書皆聖人微言之所 終之曰「不知言,無以知人 '有知命之君子, 與天 述 爲 未乖。

受命致太平之道,昭揭無遺,日而 者,是固好學深思者之所任也。 故曰: 仲尼没而微言未絶,七十子喪而大義 孔子道者。」其説與繼周之義相爲發 世上推,等其德於前百世之聖王,無能 子貢、有若之辭。趙岐説曰:「從孔子後百 家之説是也。 子稱「我知言」,先陳詖、淫、邪、遁之害,如百 言哉」之義。此發揮微言,以著大義也。 終言「上天之載,無聲無臭,至矣」,即「天何 蓋其命意備於傳記,千百世而不泯 而後言願學孔子,又記宰我 月之。 明。 違 而 孟 吾

也。

·		

論 語 注

〔清〕康有爲 撰

•			
	•		

八佾第三 三二
論語注卷之四 四八
里仁第四 四八
論語注卷之五 五九
公冶長第五 五九
論語注卷之六 七六
雍也第六 七六
論語注卷之七 九三

校 點 説 明

《康南海先生傳》、陸乃翔陸敦騤等《南海先生 海先生。晚清今文經學著名學者,戊戌變法時改 字廣廈、號長素、又號更生。廣東南海人、人稱 傳》、張伯楨《南海康先生傳》等。 良派首領。事蹟見《康南海自編年譜》、梁啓超 康有爲(一八五八—一九二七),原名祖飴, 南

《萬木草堂叢書》面世。《論語注》有校有注,校勘 局出版了樓宇烈先生的《論語注》校點本,首次對 向及康氏改良思想的特點。 多從今文《論語》佚文,注解也表現出今文經學傾 潛、陳焕章、王覺任、張伯楨等初校、覆校,收 年(一九〇二)寫就(見自序),後經其弟子王德 書》,一九一七年刊行。《論語注》於光緒二十八 ,論語注》加了新式標點,極爲精當。 康有爲著述甚豐,多編入獨撰《萬木草堂 一九八四年中華 書

本次校點,以《萬木草堂叢書》本爲底本,參

抑或爲康氏概述之辭,未作詳細區別。 出校説明。對原書中的引文,均用引號標出, 字,徑直校正,不作説明, 考樓宇烈校點本。對原書中明顯形誤及衍脱之 但對所引文字,究竟屬照録原文,還是經過節略, 對嚴 重訛誤之處,則

稿又承蒙人民文學出版社陳新先生審閱。 表示衷心感謝。 本次整理,得益於樓宇烈先生的校點本, 謹在 書

此

校點者 王守常

校

點

説 明

,		
`		

論語注序

子或字 也。 最長 手足事,蓋出於曾子門人弟子後學所纂輯 子夏等撰定,則不然。 而 氏之儒,有仲弓之儒,有樂正氏之儒。 其 繁多。以荀子、韓非子所記,儒家大宗有 子之後,七十弟子各述所聞以爲教,枝派 顔氏之儒,有子思之儒,有孟氏之儒,有孫 曾子後學輯之。 子曾子且代曾門記 澹臺率弟子三百人渡江,田子方、莊周 '壽,年九十餘,安有仲弓、游、夏所輯, 夫仲弓、游、夏皆年長於曾子,而曾子 或名,惟曾子稱子,且特叙曾子啓 語》二十篇,記孔門師弟之言行, 鄭玄以爲仲弓、子游、 其啓手足耶? 夷考其書,稱諸弟 夫孔

傳子貢之學,商瞿傳《易》,公孫龍傳堅白, 難墨子之董無心等,皆爲孔門之大宗。 而 傳孔子中庸,公孫龍傳孔子堅白。子張則 子木傳孔子陰陽,子游傳孔子大同,子思 約。 子學説無 比顏子者,子弓則荀子以比仲尼者。 高才奇偉、《大戴記・將軍文子篇》孔子以 顏子爲孔 不過戰兢於守身免毀之戒。所輯曾子之 《論語》既輯自曾門,而曾子之學專主守 本末大小精粗,無乎不在,何 荀子考子弓之學,其精深瓌博,窮極 秋》考孟子之學,以正名考公孫龍之學,以 子游之學,以《中庸》考子思之學,以《春 以《易》説考子木、商瞿之學,以《禮運》考 儒 色、容貌、辭氣之粗,及啓手足之時,亦 家 觀其臨没鄭重言君子之道,而乃僅 尚 有 ,子具體,子貢傳孔子性與天道 可考外,今以莊子考子貢之學, 宓子、景子、世碩、公孫尼子及 其偉 也 自 在 1

猶隱。 可 子張學派攻之不遺,其爲一家之學説,而 佛學大光。 深必不止是也。 **貢、子木、子張、子思輯之,吾知其博大** 盡,而遺其千萬,不待言矣! 朝廟之器也。其必謬 之權,是猶使僬僥量龍伯之體,令鄙人 子之宗旨學識狹隘如彼,而乃操採擇輯 此,則其門弟子之宗旨意識 聞孔子之大道,殆非過 曾子》十篇相符 有迦葉、阿 之,吾知其微言大義之亦不止此也。 大,孔門高弟之學術之深博如此,曾門弟 非孔門之全,亦可識矣。 言凡十八章,皆約身篤謹之言,與《戴 人人語之,故易傳焉。 蓋 朝夕雅言, 難之多聞 然龍樹以前只 合。 又假仲弓、子游、子夏 宋 總持,故精微 率爲 陋 葉水心以 也。 夫以孔子之道之 粗略,不得其 中人以 ク傳 若性與天道,非 曾子之學術 可推矣。 小乘,而大 假 僧子未 下 顔子、子 盡顯,而 丽 故 記 輯 精 篡 數 典

之義,擇精 《論語》。凡人道 門後學輯纂,但 常 經,而大義微言無所得,僅獲《論語》爲孔 之大道掃地盡 滅、太平、大同、陰陽之説皆没於是,孔子 傳自西漢,天下世諷之甚久遠,多孔 撰述《仲尼弟子列傳》,其所據 若弟子言論行 之末,不足大彰孔道也。然而 時,六經之口 之大道,而孔教未宏矣。故夫《論語》之學 焦、京《易》説既亡,而今學遂盡 歆篡聖,作 言,爲六經附 實曾學也,不足以盡孔子之學也。 也。 異 (義,則 曾學既 - 僞經 非其人不語,故其 語詳,他 清,亦 説猶傳、《論語》不過 矣。 事,藉以考其大 以 傳守約之緒言,少掩 當 .所以修身待人、天下 宋賢復出求 奪真經、公、穀《春 時大宗、《論 相 傳記無 輔助焉。不幸 能 難 比 略。 孔 一諸家 道 語 傳 引不 門之 焉。 一,推 蓋 附 司 則 . 聖 秋 能 傳 遂 而 子 其 國 馬 當 聖 求 爲 諸 其 掩 外 遷 師 雅 劉 流 家

《易》、《春秋》陰陽、靈魂、太平、大同之説, 子言行所在,遂以爲孔學之全,乃大發 門,中正無邪,甚周甚備,可爲世世之法。 詳,想見肫肫之大仁,於人道之則,學道之 神明之道,有極精奧者。又於孔子行事甚 統,以代六經,而曾子守約之儒學,於是 子書,拔在六經之上,立于學官,日 之,翼以《大學》、《中庸》、《孟子》,號 之,亦足爲宗守焉。其或語上語下, 於大道式微之後,得此遺書别擇而 自六經微絶,微而顯,典而 而《論語》本出今學,實多微言,所發大同 下推施奉行,皆奉《論語》爲孔教大宗正 告,深知其意而勿泥其詞,是在好學深思 施教,有所爲言之,故問孝問仁,人人異 蓋千年來,自學子束髮誦讀,至於天 曾子垂教於魯,其傳當以魯爲宗。 聖道不泯,天既誘予小子發明 則,無有比者, 以 因人 發 爲 極 試 明 四

《知道》二篇,凡二十二篇,異於魯《論》。 凡二十篇。漢時常 傳之,惟王吉名家。《漢・藝文志》有魯傳 夏侯勝、丞 篇、《魯安昌侯説》二十一篇、《魯王駿説》 昌邑中尉王吉、少府宋畸、琅琊王卿、 太傅夏侯建、前將軍蕭望之并傳之,各自 子張問政爲《從政》篇,凡二十一篇,篇次 注之,云多有兩《子張》篇,分《堯曰》以下 子壁中,又爲傳託之孔安國,而馬融 張 教成帝,最後行於漢世。然魯齊之亂,自 建,又從庸生、王吉受齊《論》,擇善而從以 止此而已。安昌侯張禹受魯《論》於夏侯 大夫貢禹、尚書令五鹿充宗、膠東庸 二十一篇,《齊説》二十九篇,説《論語》者 二十篇、《傳》十九篇,《魯夏侯説》二十一 禹始矣。 齊《論》者,齊人所傳,多《問 相韋賢及子玄成、魯 劉歆僞《古文論語》託 山都尉襲奮、長信 1扶卿 稱出 王》、 生並 御史 太 少府 傳

不 焉。 劉説, 至今已不可復識。 合而 餘字,然則篇次文字多異,其 曾、朱二聖之範 劉歆之僞 憑藉,上蔽 有宋朱子,後千載 晉何晏并 舊,朱子循文衍説,無須改作者,亦復 從博徵,以包、周爲今學,多採録之以存 多暇,不揣愚昧,謬復修之。 與 雅 此矣。 齊 爲書,擇其善者而從之,則真僞混淆, 正精 鄭玄本有今學,其合者 昔嘗爲注經,戊戌之難而微矣。 、誦於學官至久遠,蓋千年以來,實爲 於大同神 學所亂, 同 採九家,古今雜沓,益無 確者,亦皆採焉。其經文以 自鄭玄以魯、齊《論》與古《論》 於守約之曾學,下蔽於雜 桓 崖 明 譚 焉。 而發明之,其爲意至精 而孔子之道益雜羼矣。 於是曾門之真書亦爲 \wedge 新 命之微義,皆未 惜口説既去,無所 論 謂 僻陋在 亦多 係 文 託 異 節 竄 者 取 夷, 亂 四 有 僞 避 焉。 之 發 百 地 其 録

> 雄國之大吉嶺大吉山館 孔子生二千四百五十三年,即 孔學之大,人道之切 唐,或從多數。 於石經, 謬,發大同 年,癸卯春三月十七日, 論 ≫ 為正 之漸 其 其 衆 引 石 雖 證 其 不敢 經 以 諸 今 不 亦 謂 同 本 學 康有爲序於哲孟 庶 者 爲 文 盡 有 得 依 字 主, 光緒二十八 小補 漢 木 其 正 (真,然 無無 同 僞 굸 則 折 古 於 衷 從

論語注序終

論語注卷之一

南海康有爲學

、而第一《釋文》及皇、邢《疏》本皆有此題。周時用 付簡,凡簡若干以韋東之爲一篇。弟子撰記言行,各 自成篇,不出一人之手。此記《論語》二十二章, 模石經及《釋文》舊有此題。皇、邢《疏》無之。趙岐 漢石經及《釋文》舊有此題。皇、邢《疏》無之。趙岐 《孟子篇》叙曰:「《論語》四百八十六章」,較陸氏《經 典釋文》少四章。然《經典釋文》《先進篇》二十三章, 依《集解》宜爲二十四章,《衛靈篇》四十九章,漢石經 作二十六章,蓋所據少異。今但依《釋文》以存《集解》 作二十六章,蓋所據少異。今但依《釋文》以存《集解》 之舊。

□、「朋友自遠方來。」」陸氏《釋文》「有」作「友」。鄭康不亦君子乎?」《白虎通·辟雍篇》、「《論語》朋自遠方來,不亦樂乎? 人不知而不愠,〇子曰:「學而時習之,不亦説乎? 有

本同。或是齊《論》。以同爲今文,故不改。注引此爲證。惟後漢《婁壽碑》:「有朋自遠」,與何晏遠方來」。《文選》陸機《挽歌》:「友朋自遠方來」,李善成注:「同門曰朋,同志曰友」,則魯《論》當作「朋友自成注:「同門曰朋,同志曰友」,則魯《論》當作「朋友自

學。 馬融曰: 升平太平之學。禮時爲大,故學亦必隨 世,則爲亂世學; 覺者也。先覺覺後覺,後覺效先覺,故 時亦兼數義,日知月無忘,則時時爲學, 時而後適。孔子爲時聖,學之宗師也。 人物之異全視所覺,知覺之異全視所 交效,包内外,兼人己,合知行,而成 然理順,逢源自得。况聖人之學通天 之内也。 鳥數飛也,假借爲貫,言熟習也。説,樂 循年而進,無時過而難成,亦是也。 「學者,覺也。」文從爻,雜物撰德,有所 、,神明精熟,闔闢往來莫不自在,安得 但時勢不同,則所學亦異。時當亂 凡學至熟習,則觀止神行,恰 「子,孔子也。」《白虎 時當升平太平,則爲 通》曰 習, 其

義第 此言修己以自得爲先,不得冥心坐廢, 以 不 終,以明孔子之道全達于時。學者不可 以時爲中,不得守舊泥古。此爲開宗明 樂,喜也。教學既精,羣黨類聚,仁智及 朋。」鄭氏曰: 不察也。朋,羣也。包氏曰: 盡 合大羣,其學愈高,其用愈遠,聖人則合 惡獨而貴朋,所以合乎羣。 合小羣不如 人,信從日遠,修學有效,人生之樂也。 學,於人倫首言朋,蓋萬理有變,而學之 此言及人,聞風皆歸聖人。 億萬世界,億萬年載之衆生,咸從其教, 與朋,貫萬億世 異於物; 欣 爲之朋。 (有學,人人皆朋,只此二義盡之,故尤 喜懽愛耶? 一旨,故 其朋無盡,其樂亦無盡 輕野而尚文,所以 上《論》一書以 「同志曰友。」自,從也。 而不易者。 人道 賤 愚 於己身首言 太平世後人 而貴智,所 時始以 「同門日 異於蠻。 也。 蚦

温,怨怒也。君子,人之道德尚之也。

《易》曰: 愠,怨怒也。 聖人 世之昏濁或甚,舉世疑謗固亦有之。 生,天下歸往。然羣生之根性不齊,時 不可拔,斯爲有德之君子也。蓋君子之 是而無悶,樂則行之,憂則違之,確乎其 遇難 在衆 羣而 君子人貌而天心,燕處超然,雖現身人 人于人世,智仁兼修,人己共證,拯捄羣 也。 此極言聖者自得之至,無人己之見存 笑啼,但有愛憐,全無愠怒,爭席則喜, !不隨於事物,遊於物表,和於天倪 之于羣生,如慈母之撫嬰兒,無論 如無衆,在身如無身,故無所愠 而安,故無量出入,絕無窒礙也。 「不易乎世,不成乎名。」不 君子,人之道德 成 也。

鮮矣"不好犯上,而好作亂者,未之有○有子曰:「其爲人也孝弟,而好犯上者

「孔子曰」。「弟」、高麗本、皇本作「悌」。 其爲仁之本與!」《説苑》《後漢書・延篤傳》引作也。 君子 務本、本 立而 道生。 孝弟 也者、

也。 界,而况於長上乎? 行,朋友不相踰,習成恭讓,然後出以事 親始,立敬自長始。 弟,韋束之次第,假以承事兄。 孝,從老省,從子,子承事父母之謂。 亂者爲最不仁之事,非孝弟無以絶其 所好也,况於稱兵以亂天下乎? 不得已而求伸,謹厚者亦爲之,然猶 則悲憫萬物,必不侵犯人人自由之疆 君、事長、使衆。小之則和順積躬,大之 之志,無嫉妒之氣,無感愁之欲,無險 事父兄,然後仁道可大成。] 董仲舒 `,無僻違之行,心舒則志平,氣和則 務,趣也。本,木根也。 「仁者不爭。 無傷惡之心, 父齒隨行,兄齒雁 長上壓制太過,或 包氏 立愛自 無 蓋 隱 曰 詖 作 非 源

子曰: 世立 本; 獸,莫不一統。 太平之世,遠近大小若 不仁。孔子以天人爲仁,故孔子立教, 天覆育萬物,既化而生之,又養而成之。 歸之於仁,仁之美者在於天。天,仁也。 欲節。」聖人治其道 同氣,故孔子以孝弟事之。 此章爲撥亂 則乾父坤母,衆生同胞,故孔子以仁體 皆有養,仁之至也。然天地者,生之 老有終,壯有用,幼有長,鰥寡孤獨廢疾 人之受命於天也,取仁於天而仁也。 「道二,仁與不仁。」老子以天地聖人爲 ; 切皆以仁爲本。山川、草木、昆蟲、鳥 義。孔子立教在仁,而行之先起孝 有子立教之意,以孔子生非平世 父母者,類之本。自生之本言之, 自類之本言之,則父母生養,兄弟 大同之世,不獨親其親,子其子, 「孔子本仁。」孟子述孔子曰: 圃 以出法,治其志 而

何能 逢亂 躬 歲。 險機,又必先自其至親 時施藥,必先導之於和順,而後可殺其 外,得孔子之具體,最似孔子者也。 孝弟者,先導其一家之小康,而徐推 撥亂之法,先求 然後可推恩同 師之,蓋爲孔子傳道之大宗子。自顔子 天下之太平,此蓋治教必然之次序也。 爲子游後學。 爲仲尼、子游爲兹厚於世,則子 非十二子篇》以子思、孟子案飾其言,以 時惟曾子不從,故别 有子,孔子弟子,名若,少孔子四十 種 遭 孔子没後,子夏、子游、子張之賢皆 據亂 遽 世險詖,詐謀百出,機械亂 亂 殺 致 八人道 太平大同自由之域? 之機,無論 而子游嘗事有子,故有子 ..類,以動其胞與之愛。故 積惡,自人 小康,而後徐導大同。 何生,觸 爲一宗。《荀子 誘 熠 其不忍之心, 並 處迸發,加 爭之世 種既 思、孟子 孔子因 於

> 實 若神秀也。 譬之禪家,有子廣大如慧能,曾子 門之後,儒 子皆字之,惟於有子、曾子稱子。 以子思、孟子出於曾子,實沿王肅僞《家 子之廣。後儒列十哲,擠有子於末,而 語》之謬,不足據也。 盡 聞 孔子之大道者。 雖分八, 惜有子早没,故所傳不及曾 而本始實分二宗。 《論語》於 ,謹嚴 蓋孔 七十

《春秋》之仁爲經天下之大經,《孝經》之 孔子志在《春秋》,以成其體 孝爲立天下之大本也。然觀《孝經》言 行在《孝經》,以成其 舜之道,孝弟而已。」誠以孝弟爲行仁之 故堯舜仁覆天下,而孟子稱之曰: 子不匱,永錫爾類」,必錫類乃爲 事親者甚少,而言待天下人甚多,蓋 通天人,而大道自生也。蓋爲 立愛自親始,本 原既定,推以 錫 類 之孝。 天之仁; 大孝。 故 愛民 以

合太和,然後大同之道乃可行也。 亂之源,而爲仁愛之本。積重既久,保 流傳,不能遽致,故發孝弟之道,以絶 仁,欲胥天下而致於太平之世,而亂 所最恐而憂之者也。 先後之序焉。 大生, 爭殺作亂 坤曰 ,乃亂世最不仁之事, 廣 孔子之道 生,天地之大德 孔子好仁而惡不 好生惡 殺 聖人 種

)子曰: 《逸周書·官人篇》: 「巧言令色,皆以 無爲有者也。」人多惑之以爲慈仁,孔子 其顔色。 性,質直 特明其非 包咸曰: (,則天良斲 世 則 「巧言令色、鮮矣仁!」 |傳人種則更傷。 魂 好義,自由自立,若以巧詐 皆欲令人説之,少能有仁也。」 也。蓋人之生直,故貴尊其德 「巧言,好其言語, 靈 澌 喪。其生,則性德式 滅。 同 . 時處 其過若小,而 人羣則 令色,善 微 大 欺 ;

> 乎?」鄭曰: 忠乎? ○曾子曰:「吾日三省吾身,爲人謀而 播惡無窮。 之,不爲反噬,亦爲所累。 皆亂世之俗,而爲官人尤甚。誤信 難知,而其爲害於人世人種則一也。 時,故先惡之,若太平世則自無此 人易知之; 種之人。蓋亂殺之害,顯在人世, 與朋友交而不信乎? 「魯《論》「傳」爲「專」。」 孔子欲行仁道, 巧詐之害,微在心術,人所 孔子生當 則不得不惡 專不習 矣。 其 不 此

秋》曰: 《廣雅• 去泛鶩,專門之學不敢不習也,皆對人 蓋忠信以立德,專學以 字子輿。盡己之謂忠,以實之謂信。」 也。朱氏曰: 吾,我自稱也。 立其誠也。 釋詁》: 「所專之業不習則隳」,是也。 何休曰: 「曾子,孔子弟子,名參, 「專,業也。」《吕氏春 一畫一夜曰日。 成才。 「忠信所以進 戒浮華, 省,察

條例,以爲假借,是也。 當爲傳之省文。臧氏 文而亦 微言大義 陷溺也。 忠信,皆撥亂 以 解 也。 遠 作傳。 於 世 習,温習也。」何休不從古 巧言令色矣。 而反之正,以捄人種之 或齊《論》作 庸引陸氏《釋文》 前惡巧令,此貴 傳 ·· 傳 六 經之

傳之。 仁,而久積爭殺 第一章言學以合羣,然合羣之道 不能致仁,則當主忠信以變之,忠信者 以先之,孝弟者人羣之本也。 苟 道之有忠信,如穀之有種,如 人心之本也。 此其開宗明義者也。 時 枯 無 無忠信之心,如剪采爲花,非不美 竭。 真 《論語》特以孝弟忠信繼學與仁, 采; 故一切治教皆以忠信爲基,有 如堰水爲陂,非 此孔子之道 不能達仁,則當 忠信者、誠也。 而 不汪 水之有源。 有子、曾子 久積作 明 洋 孝弟 必 在 僞

忠信 孔子立教,弟子後學傳之。《論語》爲後 傳之義。 學傳孔子之教者,故修學及朋之後,明 大同之世 忠信之至,則 故人道始於忠信,亦終於忠信 乃 有 治教, 亦不過講信修睦,人人忠信 立教雖爲公理,然人能 無 可感天人,貫金石,雖 忠 信 則 治 教立亡 弘 矣。 而

非道弘 微。 以能 爲日 染大教,其壽九十,言論最多,發明最 也。 門最大之宗派。曾子十篇,尚散見於 久,弟子最衆,故與有子分峙,而尤爲 與《論語》各章意 《大戴禮》中。 曾子没時亦以動容貌、正顔色、出辭 用,日日省之能傳教否。 曾子所生爲魯人,近聖人之居, 爲 故曾子首以忠信爲本體,即 人,教能傳習則 傳教之大宗,而後學所當師 其學以修身守約爲宗旨 義皆同。 、廣,教 葉水心謂: 此曾子 不 ·傳習 以 傳 所 則 教 孔 法

隘,而幾失其宗,此天下之大不幸也 必 尊信憑守之,於是孔子之大道 乘,曾子爲小乘。 至仁太平之大道不甚發明,其與有子 氣、啓手足爲自省,蓋終身力行守約, 未聞孔子大道」,未免太 言仁者,大小 不因此。蓋顏子、有子不壽而孔道 迥殊矣。 後學以曾子爲大宗 過。 蓋有子爲 然於孔 不光,未 開 子 遂 而 大 而

而愛人,使民以時。」 () 子曰:「道千乘之國,敬事而信,節用

出 里之國也。古者井田,方里爲井,十井 包咸曰: 國 其時,不妨奪農務。」包説是也。 以 爲 事必敬慎,與民必誠信,節用不 一乘,百里之國適千乘 , 是地方三百一十六里。 此依劉 民 井 十爲通,通十爲成,成出革 爲本,故愛養之。作事 「道,治也。 千乘之國 也。 使民,必 爲國者, 者, -奢侈。 歆僞 車千 馬融

也。 用。《易》曰: 臺沼,猶使其民,蓋時世使然。 欺,奴隸其民而虐使之,雖以文王之築 分國萬千,如今土司然。 害民」,有豫算之謂,非儉嗇以 也。敬,警也。 制》、《孟子》公侯百里制 干雲霄」,及《三吏》、《三别》諸詩,可 臺築城皆譏之,至非時用兵尤所惡。 况于朝令夕改,民無所信,征役相仍,土 侈,多一日之征役,則 故孔子貴卑宮而惡雕牆,尚節儉而惡奢 杜甫詩: 不敬事 周 切征役其民,猶然也。 ,誠惡不愛人而妄 禮 此爲據亂世發也。 ₩, 而 與今文《詩》「公車千乘」、 妄使民之禍,至唐世尚如 「爺娘妻子走相送,哭聲直 敬信言其體,節愛言其 「節以 使 制度,不傷財,不 民失一日之農時 亂世道路未通, 民 故《春秋》於築 相 君長 也。 反,此僞 失國 驕 今 土 君 侈 長奢 ^ 詐 體 見 E 讀

八

餒,所 矣。 服膺,而 敬事信民,節用愛人,則凡執 醫甚遠,各因其病 舊方矣。 王安石行雇役法,無復使民,則此 太平,僅 民不過三日,皆撥 用,而諄 木 息 齃 然各國仍 複之以愛人使時,又立爲 無分於天下一國,平世亂世者 求小康之義,爲當時藥 至 則 大 民之農 矣。 故 而服其藥可 亂不得已之意。 時 有 盡 重 ·使民者,聖人 一戒之以 失,父母 政者 也 敬 也 妻 法, 未能 信 言爲 之爲 所 若夫 子 當 使 節 凍

之大農大工大商,其 平世,則團 千乘之國,蓋古者以農 公司,其廠場之地愈大,用人愈多 里,用人數萬,世愈大同,則各業皆爲大 古國之小團體,各自爲治。 `,人民既衆,度支既廣,興作有時,治 體 日大,無復 一廠 兵 此 立 一場占地 其執事 國。 國 一之法。 然 了,各成 平世 數 既 +

> 之之法 所不教者矣。 引伸之。孔子不云乎? 三隅反,則不復也。」泥一隅者,是孔 礙,如《大華嚴》,學者無泥守之,而 淺,然通乎上下也。] 故孔子之言圓 其食息,而致其貧病,則 同夥必 當謹慎,號令必 善乎 當親愛。 亦 與古千 1 當誠信,度支必定豫算, 程子謂: 興作 乘 之 必當限 或 無論何 早 「聖人 無 異。 時 刻,無違 隅不以 此 世 興 皆能 觸 通 作 無 雖 類

汎,博也。 文,道藝也,凡一 謂仁者。 謹者,行之有格也。 尹焞曰: 餘力,猶言暇日。 「德行本也,文藝末也。 衆, 謂衆 切學 人。 信者,言出 術著之文字者。 親, 近也 以, 至 用 誠 窮其 也 也

汎愛衆,而親仁。行有餘力,則以學文。」

汎」、《左傳》引作「氾

〇子曰:「弟子入則孝,出則弟,謹而信!

按,此 成法, 謂: 任,不能責肆力於學文矣。 本 接物之時,要在熏陶德性,與 身爲之,不能 日,必當爲學,以 童年,則自六歲學書,十歲就傅,十五 友,博學不教之時,不爲童子言也。 人,皆已成人在二十,敦行孝弟,親 其所染,習善則善,習惡則惡,故以親 入事父兄,出取師友,接人任事,皆有 人之禮。 大學,專力學文,不與衆接,亦不責以成 末 ,胞,只 I 爲 歸。 其行仁之始,以汎愛衆極其行仁之 「力行 孔子呼弟子而教之。 識事理之當然,而所 知 惟二十之後,責以成人之禮 所 有愛矜,絶 加 先 而乾元資始 以事 不學文,則無 後 益智養魂。 可 物間者,始有知識 以 無嫉惡。 ,萬物同 德 行或 蓋孔子之門 以 然 接爲搆 矣。」 考聖 蓋學者終 少有 蓋 《非。」 至賢 朱 以孝 師 民 Z 近 人 取

> 仁,則雖童幼耆耋豈有異哉 後生,故鄭重於治國之後。 智雙修,而始終於仁,但以智輔仁,所 爲仁之習, 弟子告,而 養成人之德也。 謹 信 而後學文以廣其 肅 婦女亦可行。 其 行 蓋文國重英年,垂教 之規, 若語 然聖人雖 以 智 益 親 汎 愛親 熏 雖 爲 望 以

雖曰未學,吾必謂之學矣。」力,事君能致其身,與朋友交言而有信。〇子夏曰:「賢賢易色,事父母能竭其

婦 河。 十四歲,爲魏文侯師,壽百餘 子夏,孔子弟子,姓卜,名商。 之大宗 氏之儒。」蓋在有子、曾子之外,爲孔門 (*,夫婦: 爲 言擇配之始,當以好德易其好色。 撥亂世明人倫而發。 人疑於孔子,故荀子謂: 矣。 胖合之久,所貴 竭, 負舉也。 在德,以賢爲 致,送詣 人道始於夫 歲,講學 少孔 有子 子 四 西

節,雖 之非、 以然, 其 蓋 凡 其 事 哀 可 也。 亂 在 絶 出 '久合。 恩 窈 |色衰 一, 誠 高。 此 君 難 於 窕 罔 一,不爲惡俗所染,皎然不欺其 四倫,人所同具, 也。 就 美質篤行,而學者實亦 審時世 非 日未學可矣。 熏德善良者, 硜硜篤 了、 思 職 則 視夫刑于寡妻、永錫 極 拘執 广大德 愛弛 ,不得私愛其身,故食焉不避 交友,約言必信,久要不忘。 **賢** 關 所當然,變化無端,惟 雎》憂在 才是也。 節者所能議也。 而 宜 夫 報,當用 蓋學者窮物 婦 進賢,不淫其色, 父母 道 凡此 苦,惟 冷,拘 勞 鞠 四行,亦 不 竭 育顧 類、 ·過如 然生 好 理 力也。 格 德 之所 執 復 乃 所 君 非

文「毋」皆作「無」。」故知魯《論》今文作「毋」,今從之。宋刊九經本作「毋」。《儀禮・公食大夫禮》,鄭注:「古主忠信,毋友不如己者,過則勿憚改。」「無」,○子曰:「君子不重則不威,學則不固。

則有 空疏 則有法,行重 重 物,無論行業,學者必以是爲主 永 而愈 愈改 辭。 吾等者,吾不與處,無益我也。」勿,禁止 矣,故夾輔之人當 親於友。其居游皆勝己者,不期 小人之歸矣。 忠信爲君主,而後百義從之,斯斷 之水,無 「不如我者,吾不與處,損我者也, 一,敦厚 無 積 (愈進。 上。 不學,則 觀。 進 憚,忌難也。 而 其居游皆不如己者,不期 益 不 也。 根之木,必不 甚 若憚於改,則 若 可解也。 亦復有過,改之無已, 輕 則有德,貌 威 目 固陋 人視所習,莫嚴 佻 積 威 不厚 人道進德,全在改良, 爲罪 也 嚴。 須勝己。 故君子小人之上達 0 能 重,則 愆 安 一切虚 重 固 久,故 ,習爲固 於其失,非 則有 陋 無 周 也 於師 僞, 威 不 公日 焉。 威 損 益 ~,好重 不 無 誠 儀 言 則 而 而 了, 莫 奉 爲 無 源 進 : 損 益 11 與

終焉。」 賢者亦未必樂告以善道,故以過勿憚改 之。然或吝於改過,則終無以 學之道,必以忠信爲主,而以勝己 下達,專視 君子之道,以威重 憚 改過 |爲質,而學以成之; 與否耳。 入德。而 氏 者輔 曰:

)曾子曰: 也; 者,人之所患。遠者,人之所忘。孔子 曰: 桃廟之遠,必追享而使人勿忘。《記》 必誠敬而勿使有悔。制祭禮,則凡出祖 慎終者,喪禮也。追遠者,祭禮也。死 知,不忘祖宗之已遠,事死如生,事亡如 至文明之人而置之? 故不欺死者之無 也。」聖人于鬼神死生之故,知之既深 上因先聖,制喪禮,則凡招魂藏魄之事, 然鳥獸失羣,猶有啁啾之頃,何况 「之生而致死之,不仁而不可爲 之死而致生之,不智而不可爲 「慎終追遠,民德歸厚矣。」

民之不散,其已然之效矣。 墓,不忘宗國。 存,厚之至也。 從其德,念祖 ,殊於大地,蓋孔子立教爲之也。 思親、雖違萬里、猶念 所以教 中國人種族之盛於萬 民者深矣,故

今

祠

民

子之求之也,其諸異乎人之求之與?」漢石 日: 必聞其政,求之與? 意予之與?」子贛 《説文》:「貢,獻功也。」「贛,賜也。」子贛名賜,當作 經《論語》,「貢」皆作「贛」,「抑」作「意」,「與」作「予」。 贛」,不當作「貢」,《詩》「抑此皇父」,鄭讀作「意」。)子禽問於子贛曰: 歲,皆孔子弟子。 矣。子贛,姓端木,名賜,少孔子三十一 子禽,姓陳,名亢。齊陳氏,即《史記 也。興於詩,立於禮,成於樂。言夫子 恭,肅也。儉,節也。讓,謙也。 弟子傳》之原亢。《漢書》分爲三人,誤 **未嘗求之,但覩其德容尊行,人親附之,** 「夫子温、良、恭、儉、讓以得之。 温,和也。良,易也。 「夫子至於是邦也 皆禮教

之,非若他 則 矣。 舜之道與?」人才有界,後世高 間,亦 倫 亦多預聞政事。况聖人出,於人間復出 其禮樂文章之盛,徒屬之才,春秋處 所至如覩異人,觀佛所至各國迎拜可 謝氏良佐曰: 言之,聖人之德盛禮恭,尚可 政者,則根器太下,私欲害之。 問,乃其好德之良固然。 實無其比,所至公卿 聖人,善言德 百年,以 告語之。 魯語。《公羊》: 類,如泰山之於丘垤,河海之於行潦 起 孔子過化存神,既非人所能測,而 一,而 可以進德矣。 况于親炙者乎? 此 人必 Ŧī. 蓋 者 行矣!」今去聖 時 「學者觀於聖人威儀之 求 想 君 耐 見其形容,尚能 若子 「其諸君子,樂道 尊禮, 聞 後 得 而震驚,就而 **贄** 而未有授之以 也。 自 亦 以 人二千五 可 其 才鉅 想像焉。 其 然即此 謂 諸 政 使人 善 堯 問 知 咨 +

行, 子 父在 也。 不得專,故觀志, 父死,子述其業,故 爲行,此 在,存也。觀,諦視也。在心爲志,發 觀行。然雖父没,在喪三年,哀慕猶若 至於喪畢,人之業有權限,而志可自由 尹氏曰: 父之道,就居喪,蓋三年中尚稱 闇,三年不言,聽於冢宰。 亦重見先人之非。 考无咎。]子三年不改父道,思慕不皇, 雖父之尊親,過則 年無改,亦謂在所當改 者,孝子之心不忍故也。」游氏 其 三年無改於父之道 ,不忍改父之事者,蓋孝子之心矣。 京房《易傳》: 非道,何待三年? 然則三年 爲觀人於家而言之。父在,子 父在 「如其道、雖終身 , 觀 改之,無能 其 師丹曰: 「幹父之蠱,有子, 志; ,可謂孝矣。」 而可以 三年無 無 父没, 掩抑之者 「古者諒 改 日 未 可 子 觀 :改於 改者 無 也。 也 事 其

耳。

斯 行」,漢石經無「可」字,今從之。 不以禮節之,亦不行也。」何曼《集解》作「不 ○有子曰 以樂; 爲美,小大由之。 以 也。 柔相 之,則流蕩忘返而 其徒知和之爲 先王之道,此其所以爲美,而 然皆出於人情之自然,故其 施 禮者,天理之節文,人事之儀 而 無不由之也。 嚴 泰,和 行 偏,其不行均 調 也。 : 而 圃 一而以 有差,則失其 不 和,調也。 勝 節, ·乖,乃免禮 禮之用, 則 如此 貴 和 此理之自 矣。 流 而 有所 爲 亦不能行也。 而 蓋 必節之以禮。 用, 和 禮 於和 復有所不行者,以 不行, 爲 勝 勝 中正,而各 禮之爲 貴。 然,禮 則 則 樂以和爲體, ,不復以 離,必 爲 則 知 離 小事大事 先王之道 用 體 也。 和 而 之全體 愚 強嚴 可 而和, 和 倚 禮 謂 之 於 剛 嚴 節 可

> 道。 流。 禮似 同 懽 節也 以樂爲歸,聖人創制皆以樂人 地之和,故百物皆化。 禮爲天地之序,故羣物皆别; 宜 生當據亂,不能 小康之世尚禮,大同之世尚樂。 而 一,樂爲敦 愛, 以 禮當 此章 但物理循環,樂極 嚴,實貴和樂,故無小無 嚴 有 爲用。二者皆不 爲 正 詞 子 大同,但有合愛,仍 合 和 無 , 爲 雖 ţ 敬,樂爲合愛; 邪 含蓄,而 子游之師,當傳 不 也。 禮爲 别 禮者 無 宜以 專 則哀,故 可 故禮樂 爭 ;明 爲異 ',樂爲無怨 去 親愛樂人, 大皆 不 爭。 而 庶 並制,而 能 樂 大同之 和 但人 幾 爲 不 樂 者 爲 而 欣 道 有 制 不 \mathbf{H} 惟 天 别 爲 喜

也。」

○有子曰:「信近於義,言可復也。恭近

大同之旨

已揭矣。

__ __

約,則 節 致 信 若 際,皆當謹 之人,乃可奉爲宗主。 交親服事,當考其 敬雖不能盡 而合其宜,言乃可返踐矣。 大人比義行權 因仍苟且之間,將有不勝其悔者。 《敬也。 ,然後恥辱可遠。 抱柱待水而 約 然諾難踐; 也。 因,依也。 之於始而慮其所終。 合於禮義,而必當近之, ',而不必信', 死,拜虜庭而囚是矣。 宜 也 心心 所依者不失其 太恭,則 宗,主也。 紨 此言人之言行 復, 行義。不然,則 覆 致恭而 屈 返 守禮,則 節辱身。 也。 立約致 蓋妄 可 中其 故 親 抗 交

已矣。」何晏《集解》作「也已」。 皇本作「也已矣」。 漢於事而慎於言,就有道而正焉,可謂好學〇子曰: 「君子食無求飽,居無求安,敏

也。

可

親

者,否則誤從匪人,將終身爲

所

賣

節

而

愈

益榮,

所依之人,當擇其行

石經作「已矣」。 石經當是今文,今從之。 安飽固 曰: 所有餘也。 者,勉其所不足, 求安飽者,志有在而不暇及 有道,謂 居 過。 如楊、墨,學仁義 之人以正其是非,則可謂好學矣。 蓋別有神明之樂,則不暇爲體魄之營。 父無君,謂之好學可乎?」不求安飽者, 後有功; 之,則喪志也。 力行者矣,然不取 正 去愈遠,當問以辨之,必得有道德之士, 爲 |定其是非,乃不致誤也。 凥假借,得 大道多歧,行義易偏,自是冥行,愈 「君子之學,能是四者,可謂篤 養形所當有事,但 有道 然猶不敢自是,而必就 言者易 術。 事者難成,故 而差者也,其流至於無 几而安也。 正于有道,未免有差。 正,謂問其 盡 慎於言者,不敢 一故必 不 慎 也。 《儒行》曰 後仿 可專務 、是非。 敏, 出 必 敏於事 而 時 尹 後 有 盡 敏 Æ 其 寡 而 求 道

「博學以知服。」

僞撰,以爲今文誤也,今不從。 注引無「道」字,蓋古文也。 道」。唐石經亦有「道」字,但旁注《漢書・王莽傳》與鄭 日: 如?」子曰: 足利本、《史記・弟子列傳》、孔安國《注》,皆作「貧而樂 而好禮者也。」子贛曰: 而知來者。」皇本「子贛」下有「問」字、《集解》本無。 集解》本作「貧而樂」,無「道」字,惟皇本、高麗本、日 子贛 如 磋,如琢如磨」,其斯之謂與?」子 「賜也,始可與言《詩》已矣,告諸往 曰: 「可也。 「貧 而無 劉氏實楠不知《漢書》爲劉歆 未若貧 諂, 富 「《詩》云: 而 而 樂 無 道,富 驕 如如 何

者,惟以貧賤驕人,富貴下士,雖迥出者,惟以貧賤驕人,不以富加於人,完人道后立之界而不侵犯人界。子贛不欲人自立之界而不侵犯人界。子贛不欲人有立之界而不侵犯人界。子贛不欲人不以貧屈於人,不以富加於人,完人道

《詩• 之無 尋常 《詩》文古訓。已,語終辭。子贛自以 切 甚高,故孔子以 與其富,處世間 道,研精術學,玩心造化,則忘懷于貧, 之磋,玉謂之琢,石謂之磨。」治之已精, 摩,礱也。 琢,治也。磋,平滑之。磨,《釋文》作 富而好禮者,施以行德,安以處善,若不 自得,固 子作經皆寓微言,如《華嚴》之藏,滴水 往者,已發之藴; 諂無驕爲至矣,聞夫子之言,又知義理 而益求其精,以成實器。《大學》: '現大海。故一端之旨,類推引伸,六 、如磋道學也,如琢如磨自修也。」 蓋 ,然心 窮,自修之無盡,故驟悟引《 衛風 有 跡 出 《爾雅》: 未能忘富貴 夫貧富之外者。 而 此進之,亦天道 不礙世境。子贛地位 來者,無盡之藏。 「骨謂之切,象謂 也。 切,刲 若貧 夫神 、 詩 》。 明之 而 也。 也。 如如 孔 樂 無

云: 《易》之卦變,横亘六合而不可盡。 與言《詩》矣; 通 子者,必不足與知孔子矣。 之泥一二訓詁文字以求《詩》者,必不足 贛善悟,孔子許以言《詩》。 止四始五際之密寓微旨也。 矣,若《詩》尤善爲喻者,其觸譬無窮,不 四 闢 「舉一隅不以三隅反,則不復。」子 丽 不 可窮,如《春秋》之三世, 泥一二文字經典以求孔 然則,後世 孔子固

己不知人也」。」今從之。
利本皆有「己」字。《釋文》:「「患不知也」,本或作「患也。」「患不知人」,《集解》無「己」字。皇本、高麗本、足也。」「患不知人」,《集解》無「己」字。皇本、高麗本、足也・」 「不 患 人之 不 己 知,患 己 不 知 人

而必敗,大之喪國,次之亡身,小之亦失不知人之是非邪正,而誤於交託,則動而獨立,無論居游營業,皆與人接搆,若正或不能辨,故以爲患也。」人不能離人正或不能辨,故以爲患也。」人不能離人。要氏曰:「君子求在我者,

業敗名。 求知人,何顛倒其用也 其服,何患不 珠,如山 之患也。 當講求其 雖知人未易,堯舜猶難,然 藏玉,有車必見其軾,有衣必見 故人倫之鑒不明,實人 術 故君子自立在己,而 也。若夫懷才抱 ·知 ? 乃人日求人知,而不 ļ 記德,如 藻 愈 渞 鑑 切 Ш 難 愈 在 身 藴

論語注卷之一終

論語注卷之二

南海康有爲與

爲政第二 凡二十四章

「拱」,則今文當作「拱」,而「共」爲古文,今不從。亦作「拱」,《呂氏・始覽》引作「拱」,趙岐《孟子注》皆作而衆星拱之。」鄭玄本作「拱」,蔡邕《明堂月令論》引○子曰: 「爲政以德,譬如北辰,居其所

餘。沈括、元郭守敬測極星離不動處三書。天文志》:「北極第五細星爲天之苑》:「璿璣謂北辰,句陳樞星。」《漢星,其一明者,太一常居也。」《吕覽》:是,其一明者,太一常居也。」《吕覽》:是,共一明者,太一常居也。」《吕覽》:

謂乾元 《易》曰: 之不移而衆星拱之。」蓋地生於 拱向之。 政。 以元統天,則萬物資始,品物流形, 日,日與諸恒星,凡一切星云、星團、星 不獨 之,而潜龍可勿用,故不待。 元德爲政,則保合太和,各正性命。 氣皆拱北極而環之,是爲一天。此天之 行,而北 自立自 行太平大同之政,人人在宥,萬物熙熙, 幼有長。 一則行立憲之政,太平世則 又有諸天,無量數天 言北 天下爲公,尊賢使能,講信修睦,人 、親其親、子其子、老有終、壯有用 用 由,各自 包氏 極可不動也,德無爲也。升平 貨惡棄地,不必藏於己,力惡 |辰居| 「大哉乾元,乃統天」是也。 九,見羣龍無首,而天下治。 日 不動之所,而衆星 正其性命。 「德者無爲 加 羣龍共成 行共和之 如衆星 拱一元。 猶 日 環 . 而拱 北 旋 日

故無爲 共繞 惟 百出其道,職事愈隳,亂機愈伏。 密藏微言,後學宜知玩索焉。 文家説,無爲而治者,舜也。 擔石,嚴刑 故端拱而致太平,如北極不動,而衆星 不出,不 :自私天下,故欲治無成 而 而治也。霸主專制爲治,雖衡書 自團行也。 重罰,智取術馭,威壓强制 人人共之以 無他,惟天下爲公, 也。 此蓋 包咸 成大同 無他, 孔門 爲今

「思無邪。」」 ○子曰:「《詩》三百,一言以蔽之,曰:

産詩有聲無詞,安得有篇? 此劉歆僞黍》、《由庚》、《崇邱》、《由儀》六篇。不知言百五篇作諫書」是也。或言三百十一三百五篇作諫書」是也。或言三百十一三五篇,孔子皆絃歌之,以求合《韶》、百五篇,舉大數也。《史記》:「三

《毛》之謬,不足 情,止乎禮義,則又中正無邪。 合愛,故論倫無患,欣喜懽愛,然發乎人 者。凡《詩》之詞皆入樂章者,所以 念,能容之也。反正爲邪。 頌·駉》篇之辭。 乃人情之至,風俗之原。 蓋歌謡之事,起於初民,而尤盛於太平, 必旁行而不流。故《詩》義無窮,然執要 體,皆由順正,即其風喻,無所不有,然 淫泆,發揚 發,求其直指全體,未有若此之明且 之正而已。然其言微婉,或各因一 懲創人之逸志,其用歸於使人得其情 言,善者可以感發人之善心,惡者可 其神思,則繼三百篇而作可也 文明,氣盛而化神,淘汰其逸邪,而 守約,以一言貫之,則「思無 蹈厲,使耳 據 思,容也。言心有所 也。 ·目鼻口,心知 惟使之情深而 「思無邪」, 凡《詩》之 邪」盡之。 故詠 和 事 以 歏 百 杰 而 性 同

「格」字或作「絡」字,當是魯齊之異。 一字以作「導」,惟漢石經作「道」,今不改。《祝睦漢《祝睦碑》:「導濟以禮。」皇本兩「道」字并作「導」,無恥, 道之以德,齊之以禮,有恥且格。」無下, 道之以德,齊之以禮,有恥且格。」無下, 道之以彼,齊之以刑,民免而○子曰:「道之以政,齊之以刑,民免而

傳》: 爲惡 也。 齊之以 謂苟免刑罰,而無恥心,雖不 險詖機詐之心未除,即作弊於法律之 律刑罰以治之。 而且敬。」《緇衣》: 「格,正也。」民種未良,民德未公,待法 性,和以文明,使民種民俗皆至仁良, 引也。政,謂法制禁令也。 禮,謂《經禮》、《曲禮》。 故政刑者,升平小康之治也。 根未忘也。 格,去非心也。」《漢書 「道之以德,齊之以禮,故民有恥 禮,則民有格心。」何晏曰: 民雖畏法 包氏 「夫民,道之以德, 曰 而求免罰,然 ·敢爲惡,而 免而 「德,謂 齊,正 貨 無 養其 殖 道

> 日遷 名,此乃聖人之意歟? 德禮以寓微旨,而於德尤注意。 之法,而精神所注常在大同,故拳 之治也。 不屑爲奸慝之事。 量大德改易其 何政教,只稍加滌濯,不能掃除,非以 自無始來,爭殺機 使無訟,大畏民 善而 孔子生亂世,雖不得已爲小 不知,忠直公溥之風已定, 種,無能治太平之世也。 志,無爲而治,蕩蕩難 詐之根已深,無論如 故德禮者,太平大同 蓋 民 於 康 種

戶子曰:「吾十有五而志乎學,卅而立,○子曰:「吾十」、「四十」漢石經作「卅」、「冊」。 柳十而從心所欲不踰矩。」 漢石經、高麗本「于」作卅而不惑,五十而知天命,六十而耳順,七卅而不惑,五十而知天命,六十而耳順,七十一百百。

暮,而定志則在十五。蓋神靈之生有自學。後此以立教天下者,但立教成於晚心之所之謂之志,學即孔子神明聖王之

益,非 者,神. 天,濛氣漸 已自皎然 陽、鬼神、幽明、死生之故,通微合漠,闡 蓋人受生於天,有哲命,有禄命。 惑者,大明終 立者,大力凝 能 耳順之文甚異,孔子神人,誠非 幽洞冥,諸天無窮,知亦無 命者,窮理盡性以 《書》: 此 當同之耶? 後人風角鳥占,猶極 故 測。 亦 不踰矩者,義理血氣,凑泊 耳 如常人之性識 性 氣風霆,聞聲皆徹,通於人天也。 通之 佛之三明五勝,所謂 ,聲律身度,而神明變化 「天其 識 大明,其後之進,不過 早定 解,而光燿更照耳。 類,况孔子之神耶 固 命哲,命吉凶 始,燭照 了, 鑄 於 童 至於命,凡天人、陰 練 ,如聚薪而然之也。 幼。 如鐵 如 如 : 窮也。 日而 而 天耳 旭 命歷年。」 不摇。不 日 ? 雖 渾 升至 ,旁行不 - 淺儒 不 通者, 初 靈 耳 有 知天 出 增 心 所 順

> 精深,亦可窺一班矣。 詞以勉學者。然聖功之次第,與聖學之流也。孔子自言進學自得之序,蓋其遜

子告之 曰: 今從之。 禮。」漢石經作「毋違」、《論衡・問孔篇》亦作「毋違」。 ○孟懿子問孝。 士昏禮》鄭注: 生,事之以 毋違。」 樊遲 禮; 「孟孫問 「古文「毋」作「無」」,則「毋」,今文也 曰 子曰: : 死,葬之以禮,祭之以 「何 孝 ,於我, 謂 毌 也?」子曰 違。」 我對 樊遲 御

子,名須。 也。 贀 之始終具,人道畢矣。 孝,故語樊遲以發之。 子未達,而不 孫,省文。 孟懿子,魯 事之儀則 、故生則幾諫,死則 毋違,謂 葬,從死,在茻中。 御,爲孔子御 大夫仲孫氏,名何忌。 也。 能問,恐誤以從親之令爲 不背於理。 父母但傳體 禮,天理之節文 **幹蠱。《孝經》特** 生事、葬祭,事 車。 樊遲,孔子弟 孟孫,稱 魄,未必 夫子以 違,戻 親 懿 仲

從,而父道可以改。 歸,雖父母之尊親,不能違公理 只能從禮。 發從父令,未得 故大孝在諭義 爲孝之義,故事 蓋人道只以 亂 親 公理 命 而亂從 始終 不 爲 口

乎?'」漢石經無「乎」字。惟是否有缺不可考,今闕疑。

○孟武伯問孝。子曰:「父母,唯其疾之

之也。

疾,是古文家異説,今不從。 至豐味,飲酒不至變貌,笑不至矧,怒不 至變味,飲酒不至變貌,笑不至矧,怒不 其憂。」《曲禮》:「孝子之事親也,病則致 孝。《孝經》:「孝子之事親也,病則致 之變味,飲酒不至變貌,笑不至矧,怒不 其憂。」《曲禮》:「父母有疾,冠者不 其憂。」《曲禮》:「孝子之事親也,病則致 之疾爲 、是也。憂,愁也。唯與惟同,獨也。王 武伯,懿子之子仲孫彘。武,諡也。伯,

養。至於犬馬,皆能有養。不敬,何以别○子游問孝。子曰:「今之孝者,是謂能

記》: 詩》曰: 之。 子游,孔子弟子,姓言,名偃。是,祗也 孔子恐人知愛親,而不知敬親,故因子 恃愛而敬不至,則與養犬馬者何 然孟子謂: 父母,犬馬之養,已無所施。」東皙《補亡 以代勞,皆養人者。」馬周《疏》: 養,供奉也。包氏曰:「犬以守禦,馬 游發之,其詞意警切矣。古注説兩存 以辨?」言小人亦能盡力養親,惟 「小人皆能養其親,君子不敬 「養隆敬薄,惟禽之似」是也。 「愛而不敬,獸畜之。」《坊 「少失 押恩 . 異? 何

○子夏問孝。子曰:「色難。有事,弟子○子夏問孝。子曰:「色難。有是以爲孝服其勞,有酒食,先生饌。曾是以爲孝服其勞,有酒食,先生饌。曾是以爲孝服其勞,有四食,先生饌。

難。 《祭義》: 奉養,人子之所宜然,而 難。」服,事也。 包 氣; 也,安爲難?」《鹽 隱候顔色,先意 事親之道」,亦是也。以上四章,問孝 無聲」是也。 其次養色。』《曲禮》: 藥,病既各異,藥亦不同,言各有爲。 者,必有婉容。」又云: 泥 異其進退,異其仕隱,爲不可解矣。 讀聖人之言,必當會此。 同,而答之各異。 咸 單詞 曰: 祭法,孝子之有深愛者,必 有和氣者,必有愉 片義,則豈爲善學者哉 「養可能 色 鄭氏言: |難者,謂 先生,父兄 承 鐵論》: 聖人施教 志 也 一,敬 乃能 承 「視於無形、聽於 「嚴威儼恪, 不足爲難。 順 不然,則由、求 爲 色; 和 「上孝養志 也。 父母 深 難,敬可 顔 如 得權 悦 大醫 有 蓋 色 色爲 有 服 乃 愉 惟 勞 爲 和 施 雖 伍 凡 非

> 愚」下有「也」字。 而 省其 私 亦 足 以 發 0 回 也,不 愚。」 皇· 本

退

時。 亦直受而不疑。既已合契同符,復何容 道,非常異義,常人驟 微,實與 其神會意喻, 熟然似非人, 故曰如愚也。 不違者,意喻 回,孔子弟子,姓顔,字子淵 得 視作尋常。 審問明辨? 蓋神聖共處,天人同貫,雖復至言 大光 同人講習之時,發明師説,辨才無 ,謂退 有 一端 發,謂發明所言之理。 朔 人,故爲反覆之詞,乃其贊歎之至 而 息居 孔子合德。 博 孔子蓋 貫 然以聞一知十,睿知之才, 心通,有聽受 學之燕處,非 相視莫逆,故不 之,觸 新 孔子與言性 其類 聞而必驚者,顔子 得 顔子,而 加 圃 進 顔子具 無問 引伸之,當 違也。 違,難 見 請 心喜傳 難 I偉論 、礙,益 與天 問之 體 也。 也。 丽

也。

曰

吾

與

回言終

日,不違,如

愚。

微」同。 有「哉」字,❶漢石經無「哉」字,與「禮乎?)子曰: 人焉 然或缺脱,今不改。《説文》無「廋」字,蓋古文 廋哉 視 ? 其 (所以) 人焉廋哉?」《集解》下廋句 觀 其 所 山, 禮」、「微乎? 察 其 所

審也。 視,瞻也。 安,此之謂視中也。」 篇》作: 觀嗜好。 法。 以深明之。 不變哉? 所樂者不在於是,則亦僞耳,豈 有未善焉, 由,從也。 惡者爲小人。 之表裏、顯微、肺肝如見矣。《文王官 蓋考事行不如考心術,考心術 安,所樂 「考其所爲 察其事 焉,安也。 以,爲也。 事 則亦 聖人最重知 雖 常視 爲 也。 不得爲君子矣。察,覆 由, 善,而意之所從來者 ,視其所由,察其 廋,隱匿 所由雖善,而心之 曰 爲善者爲君子,爲 窺其意趣,然後 視,非常 人,故發觀 也。 立能久 曰 人之 不如 重言 而

)子曰:「温故而知新,可以爲師矣。」

益通。 物。 民 然後可應; 凡大地數千萬年前之陳跡必盡尋求之, 之陸沉; 故,古也。 凡立教 故中即有新機。聞知既多,新既可證故 日知之,然後可啓來者。 新之不足,其瞻言遠矣! 爲治者尚多能 治,不能爲長; 故義,而不知保全舊粹。 則守舊太拘,而不知時變新 故孔子美其温故之已能,而 新故互證,其教乃當而不謬,變而 知變通者,又好新太過,而勇於掃 孔子蓋恐傳教之人,能守道者 爲 師者,學當 王充曰: 知今不知古,謂之盲瞽。」故 世間數千萬年後之新理必 審時,至爲 若傳教,不能爲師。 無 「知古不知今,謂 窮。 若是 且細加尋繹 師者,鮮 惜後儒 温,尋繹 海,以 者,以爲 戒 能 盡 其 也 前 滴 知

)「廋」,原誤作「瘦」,據文意改。

昌 ,大地不被其澤。 義 知 温 故 而 不 知 此則後 知 新, 師之責 至 一使大 也。 教不

〇子曰: 「君子不器。」

混合元 矣。 用, 能 成一才以 其運無乎不在,蕩蕩 是也。若孔子,則本末精粗,六通 「諸子各明一義,如耳目 而 Ш 不器。 至於君子,無所不施。」莊子 也。 而 不可測也。 爲 包咸曰: 送行者自涯 器 成 則天 德之終,貴博學多 故學者之始,患不 「器者,各 鼻口不能 而返,則自此遠 而 不 能 名,混 相通」 四 周 謂: 闢, 其

從之。」「貢」,漢石經作「贛」。 「先行其言,而後〇子贛問君子。子曰:「先行其言,而後

人,非言之艱,而行之難。 先行在於未言之前,言在既行之後。凡

周。」 (君子周而不比,小人比而)

不

皆與 朱子 以分,則在公私之際,毫釐之差耳。 之幾也。」 聖人於周比、和同、驕泰之屬,常對 同,如陰陽晝夜,每 互言之,欲學者察乎兩間,而審其 合爲私。」朱子曰: 人黨合之義。 日 周 親 但以義 密 「君子小人,所 每相反。 也 0 合 比 爲 然究其所 阿 周 曲 取 舉而 爲不 也 故

殆。」 ○子曰: 「學而不思則罔,思而不學則

徒使人 得。」何晏 包咸曰: 貴深思之士。 曰: 深思之人,誦據甚 ,至陽明格竹而三日汗下,傅子淵默 故 絶 能窮 精 無 神 日 「學不尋思其義,則罔然無所 心 所以然,是第一等學人。」故 疲 : 然徒思而不學,則冥 「不學 得,卒無所 殆。 」 愚 博 而不 嘗 而 見 思 成。 水事 好學 終 卒不 理所 而 故 程 心 不 子 好 以 力

殆 也。 辨,固不可缺一 狂而卒。蓋追索過甚,靈性迸走,故至 志力學,其後閉門冥坐,專力苦思,至 坐 而 晚歲顛狂。 孔子此 義 而偏 吾弟子三水潘藻 精 廢者 深 周 也。 /编,蓋 學 鑑 問 一病 思

)子曰: 晉以 異焉。」《韓詩外傳序》: 攻,治也,故治木石金玉之工曰攻。端, 將爲大害,若秦以從韓非之老學而亡, 漢范升以左氏爲反異,引此説。從其道 悖。」袁紹之客,競設異端。《中庸》: 本也,首也。 漢《賢良策問》: 科,聖人之道,而别爲一端,猶外道也。 不可有惑也。 執其兩端,用其中於民。」言執業講德, 清談老、莊而覆邦、梁武帝以 之從許行,迷罔失歸,害滋大矣。 死是也。 「攻乎異端,斯害也已。」 若學者 或曰,異端者,非六藝之 而從異端外道,若 「異端使不相 「二端, 好佛

> 也。 孫 之害止是也。」義亦通。 害人者自止。 奕 謂 曰 攻 : 其異端,使吾道明,則異端之 「攻,如 如孟 攻人惡之攻。 子闢 楊、墨,而楊、墨 已**,** 止

「汝」。 知之,不知爲不知,是知也。」「女」,皇本作〇子曰:「由! 誨女知之乎! 知之爲

無涯。 常人爲學,多强 即爲 舜之智不能 爲知也。天下之物理無盡,生有 不知也; 爲知之道。實知之乎是爲知,不必 由,孔子弟子,姓仲,字子路。夫子語 之,適見其無知而已。 有知之人。 人之所知不及其所 實不知乎則爲不知,不 偏物,但當擇要而知之,是 不知 惟學而後知不足。若 以爲知,自通人觀 不知,故堯、 涯 可 遜 而 以 知 强

其餘,則寡尤, 多見闕殆,慎行其餘,則〇子張學干禄。子曰:「多聞闕疑,慎言

寡悔。 之博; 過也。 夫以 行,則少悔。」朱子謂: 則少過。」「殆,危也。 子張,孔子弟子,姓顓孫,名 者,尚不敢 得其變通 講通掌故而熟知其 者,守之約。凡言在其中者,皆不求 求之而未能深信,展轉試之而未能得 人事而悉其情僞 自至之辭。」蓋當官臨 推 尤無 爲政之難,言一事而 禄,仕者之俸也。 而 施得當,外寡 疑則闕之,其餘不疑,猶慎言之, 悔 闕疑 尤,行寡悔 ,親歷時地以審其適宜,久 悔,大賢所難。學者至舉措寡 恨 冒昧 紛起,此固 殆者,擇之精, 而言之行之。 ,其尤悔多矣。 有失而 、得失,考觀物理而深 所見危者,闕而不 政,民命所關,非 包咸 學者所 在其中 「多聞見者,學 過 内 説叠 日 亦少悔矣。 師。干,求 必如 自知者。 然 慎言行 生,行 此 反 閲 前 而 覆 安

> 合機 意。 也。 尤 追? 此亦求仕者所讀而汗下者也。 然,機一誤發, 之説,尚有悔而改定之時。爲政如 能立即 中 此勉人急於修學,無急 學者寡 宜 ,絕無中悔者,尤難。著書 少 爲 《過固未易至,施之事爲,動 政,而 之時 國事民命繫之,悔 才望既崇, 徵辟必 亦 可 以 從 於求仕 政 矣 何 發 講 之 機 學 至 即 可

「措」乃古文。 直,則民不服。」「錯」,鄭本作「措」,包氏從「錯」,則 曰:「舉直錯諸枉,則民服, 舉枉錯諸 曰、「舉直錯諸枉,則民服, 舉枉錯諸

之則服,逆之則去,必然之理也。然或曰:「好直而惡枉,天下之至情也。順之,廢置邪枉之人,則民服其上。」謝氏之,廢置邪枉之人,則民服其上。」謝氏也咸曰:「錯,置也。舉正直之人用包咸曰:「錯,置也。舉正直之人用

無道以 令民 多矣。 佐, 也。 其居敬窮理,亦何補實事? 知司馬光之直,而神宗不知。以空言令 子重民之義多 亂而國危。哀公猶知問民服,蓋得 服則民心固結而國立,民不服則人心散 夫國者,合民而爲之,國固民之國也,民 枉,惜哀公不能再問,以發孔子之至 舉驩兜,知人唯難。 不肖,莫不欲求忠以自衛,舉賢以 威 (知盧杞之奸,而唐德宗不覺, [人皆曰]是也。 自舉錯之。 而所謂忠者不忠,賢者不賢。 是以君子大居敬而貴 照之,則以直 心故也。 堯之「師錫」,孟子之 故如何乃能 故欲民服者,莫若 爲枉,以枉爲 然人君無智愚 且以堯 (窮理 舉直錯 直 人人 於孔 也。」 一論 賢 者 自

何?」子曰: 季康子問: 「臨之以莊,則敬; 「使民敬、忠 以 勸 孝慈, 如之

> 則忠 也。 莊,謂容貌端嚴也。 季康子,魯大夫季孫氏桓子之子,名肥。 所用,則民氣不昌,皆偷懦惰窳矣。 賢才不舉,學校不修,則修學力行 度,則下慢之, 人而教不能者,則民勸勉。」蓋 孝於親,下慈於民,則民忠矣。舉用 君臨民以 「威莊而安,孝慈而敬,使民有父 舉善而教不能,則勸。」 嚴 一, 則 仁惠無聞,則下欺之, 民敬其上。君能 包咸曰: 游 「莊,嚴 2者無 戲

善

H

無

政。]是亦爲政,奚其爲爲政?」《集解》、唐、宋 潘岳《閒居賦叙》、梁元帝《劉孝綽墓志》、李善注《文選》 《後漢書・劉平江華傳》引作「于」,晉夏侯湛《昆弟誥》: 于」,與下「友于」、「施于」相應,今從之。僞古文採入《君 石經作「孝乎」,漢石經、《白虎通》、皇本與《釋文》作「孝 陳篇》,後儒據《君陳篇》改「于」爲「乎」,故不從。 華嶠 「《書》云: 〇或謂孔子曰:「子奚不爲政?」子曰: 「孝于惟孝,友于兄弟,施于有

表

之尊,有母之親」,與此同

皇本「是亦爲政」下有「也」字。採人亦作「乎」,故唐石經改作「乎」。今以漢石經爲正。採人亦作「乎」,故唐石經改作「乎」。今以漢石經爲正。并引作「孝乎惟孝」。蓋「于」與「乎」通,僞古文《君陳篇》

缺也。 道,與爲政同。」蓋定公初年,孔子不仕, 弟』,善于兄弟。施,行也。 孝 包咸曰: 引《書》諷諭之。 然人之生世,入則父子 以昭公不正終,定公不正始,孝友之道 則天爲小; 爲政實一也。 兄弟,出 也; 身言之,則家爲大。 地言之,則國爲小, 于惟孝」,美大孝之辭。 .齊秩叙,大費經綸。 若内自血輪言之,則身爲大, 遊心於無極、則堯、舜事業 反歸于現在,則一 但未便明言,故託於家亦有政, 則君臣民庶,皆有法度禮義,其 「或人以爲居 自天言之,則地爲小, 蓋道無小大,自元言之, 大小無定,視所 自國言之,則家爲 身一家當前, 故喜怒即爲位 位 乃是爲政。 所行有 「友 **須猶一映** 于兄 自 比

> 育,灑! 民 蓋神聖之識,固與人遠矣。 小,至現隱 大,至乾元統天,視天下如敝 如承大祭。」無小 掃皆是神明。 顯 微,故視微 ·無大,道通於 出出 門如見大賓, 小若載重 屣 故 使

)子曰:

「人而無信,不知其一

可也。

大車

無輗,小車無軏,其何以行之哉?」 端上曲 以 包咸曰: 任。」蓋車無此二者,則不可以行。人之 輗者巧也,用咫尺之木,而引三十石之 若人無信,則一步不能行也。 孔子之爲 有信,爲交接之關鍵,猶車之有輗 之道,非鬼神之道,則亦當爲人所 道,不尚高遠,專爲可行。 爲大道; 者也。故道,無論若. 縛軛。 鈎衡。」墨子曰: 小車,駟馬車,乘車。 「大車、牛車。輗、轅端横木 人人不可行, 何,人人可 「吾不如爲 則 以道者 爲非道。 軏者,轅 同行,則 [爲人 同 軏。 所 行 車

行,不可互行者,既非公理,聖人所不言不可互行也。且變詐權術,終必自困於也,然爲一人之私利,則爲衆人之大害,以尚信者,非不知變詐權術可私得大益

也。

周因於殷,尚文。」則於夏、殷斷句。本作「可知」。《漢書》杜欽對策曰:「殷因於夏,尚質,也。」《釋文》:「「十世可知也」,一本作「可知乎」。」鄭所損益可知也。其或繼周者,雖百世可知因於夏禮,所損益可知也; 周因於殷禮,因於夏禮,所損益可知也;」子曰:「殷〇子張問:「十世可知也?」子曰:「殷

世之變可知也。蓋民俗相承,故後王之遞嬗,各有因革損益,觀三代之變,則百推三世而及百世也。夏、殷、周者三統世,欲知太平世之後如何也。孔子之道世。子張受此義,故因三世而推問十世。子張受此義,有據亂世,升平世,太平三十年爲一世。損,减也。益,饒也。三十年爲一世。損,减也。益,饒也。

人。 酋長 之興,不能 爲《春秋》,張爲三世, 芽可以知合抱至參天,觀夏、殷、周三 同風。 平,進化有漸,因革有由,驗之萬國 婦,由夫 由立 國家而成大統。 有定位,自族制 起,不能 大地 之損益,亦可推百世之變革矣。 爾類,由錫類 太平世則遠近大小若一。蓋推進化之 國而外諸夏,升平世則内諸夏 而 而 既通,歐美大變,蓋進 爲之。 蓋自據亂進爲升平,升平進 憲 漸正 觀嬰兒可以知壯夫及老人,觀萌 而 /婦而 不因於前朝,弊化 漸 不 君臣,由君主而 孔子生當據亂 爲 損 加 漸定父子,由父子 共和。 益 漸 而爲部落,而成國家,由 由獨 爲新制。 爲大同,於是 人而 由 獨 據亂世則内其 漸立 宜革,故 人道進化 至升平之世 之世,今者, 人 漸 而 外夷狄, 爲立憲, 一酋長, 孔子之 復 而 漸 爲 [莫不 爲 爲 兼 皆 代 統 夫 錫 太 獨

世,爲 據亂。 微 尚多,其分等亦繁,豈止百世哉 國之文明,亦有苗、猺、獞、黎。 亂世中之升平、太平,有太平中之升平、 之偉論,可謂高懷遠志矣。 秋》三世之義,推太平世後之事 孔子四十八歲,於孔 之,故曰百世以俟聖人而不惑。子張 百世可以知也。 事,孔子不欲盡言,但以三世推之,以 推爲八十一世,八十一 中可分三世,三世可推爲九世,九世 盡,種類不分,風化 二十五,而能爲十世之問,其必 妙,其事精深。子張欲知太平世後之 孔子已預知之。然世 異日,大地大小遠近 無量 故美國之進化,有紅皮土番,中 世。 太平大同之後,其進 百世爲三千年,於今近 |齊同 子夢奠之時,年 世可推爲千 ·; 則 如 |有三重: 如 借 乎 記 《 論 , 國 聞於《春 ,及百世 一世之 土 其 太 萬 平 理 可 小 化

> 爲天下裂,豈可言哉! 統,而欲以斷孔子之大道,此其割地偏 於據亂之一世,尚未盡夏、殷、周之三 旨合觀,而見神聖及運世之遠。 言,可與《春秋》三世,《禮 修明恢復之。 ļ 》後 孔子之道,闇而不明,鬱而不發, 止如 學者之不能著也。 東周君蕭詧之云乎? 幸微言尚傳,賴 運》大 此 爲 後 八同之 孔 子 儒 微 泥 微

爲,無勇也。」○子曰:「非其鬼而祭之,諂也。 見義不

勇生。 皆爲淫祀,妄祭 蓋上古淫祀之鬼甚多,孔子乃一掃 皆生於熱力,造起天 國淫祀之力矣。勇,熱力也。 人神曰鬼。孔子 觀印度 若既知義所應爲而不爲,誤天下 淫鬼之多,即知孔子掃 以求 ·定禮,祭止天祖,其他 地,興立 福,是 行 世宙, 天 下 諂 媚 萬 除 而 也。 容

論語注卷之三

南海康有爲學

八佾第三 凡二十六章

孰不 ○孔子謂季氏,「八佾舞於庭,是可忍也, 漢書・禮樂志》作「溢」,則「溢」、「佾」通也。 謂 氏也。佾,舞列也。《公羊》、《穀 謂,説也。 骸之節也。操體以强身,託之禮樂,宣 説,今不從。舞者,以固人肌膚之會,筋 子八,諸侯六,大夫四,士二,皆僞古文 通》、高誘注《淮南》,謂「每佾六人」。 左傳》與馬融、服虔以 可忍也?」「佾」、《春秋繁露・三代改制篇》、 「天子八,諸公六,諸侯四。」《白虎 忍,耐也。季氏,魯大夫季孫 爲每佾八人。天

孫。

其俎也。 天子宗廟之祭,則歌《雍》以

是時,三家僭而用之。

相,助也。

大夫稱家。 三家,魯大夫孟孫、叔孫、季

《雍》,《周頌》篇名。徹,祭畢而收

公,天子穆穆」,奚取於三家之堂?」 ○三家者以《雍》徹。子曰:「『相維辟 無以固 者。 以 孔子所傳禮樂之大典,以致 非樂,其道大觳矣。 子之尊,朱干玉戚而舞,發揚蹈厲,則爲 動其容,和 帝、盧諶、庾亮,凡聲罪致討,皆引此文。 僭天子不可。言孰不可忍, 蓋深疾之 地多矣。此譏季氏之僭,僭諸侯猶可, 太公之志。《詩》曰:「僔僔舞我」,乃 功德 後漢荀爽、魏高貴鄉公、文欽、晉元 宋儒不通此義,乃盡 人肌 ,動以干戚,飾 順 膚,樂人神志,等於墨氏之 積中而英華發外,雖以 故謂孔子之道,割 以 羽旄,寫其 廢之。於是, 人道於壽樂 志 天 而

=

耶? 但 諸侯及二王之後來助祭故 穆穆,天子之容貌。 包 咸 家 日 臣 而 已,何取 辟公,謂 《雍》篇歌此者,有 此義 諸侯及二王之後 而作之於堂 也。 今三家

仁,如樂何?」 〇子曰:「人而不仁,如禮何? 人而不

神,有 戚,而 不仁,則非人道。 樂。」如,奈也。 包咸日: 尊俎,衣冠揖讓,奏黄鐘大吕,弦歌 者,仁之和。不仁,則無其本,和節皆無 而後人道立,有仁而後文爲生。苟人 而 所施。 皮之不存,毛將焉附。 仁也以博愛爲本,故爲善之長。 其 情不深者文不 翟方 (體式 「言人而不仁,必不能 進日 而 蓋人者仁也,取仁於天 無 蓋禮者,仁之節; 其 「不仁而多材,國之 明,氣不盛者 精神,亦不足 雖陳筵 有仁 爲 行 化 禮 席 丽

> 焉,害尤甚也。 其爲三家發也。」 行。記者叙此於八佾、《雍》徹之後,疑 患也。」徐 而 行禮樂,塗飾耳目,羊質虎皮,若王莽 侍 郎 致 故曰 靖 日 禮 樂 待 以 其 無 實 而 之人 後

《孟子》曰:『易其田疇。』在喪禮,則節 也。 林放、魯人、見世之爲 則一於哀而文不足耳。禮貴得中,奢、 文習熟,而無哀痛慘怛之實者也, 末,而放獨有志於本,故大其問。奢,張 而 未合禮 易則過於文,儉、戚則不及而質,二者皆 文。《檀弓》謂: 疑其本之不在是也。 喪,亡也。朱子曰: 然凡物之理,必先有質而後有 「不若禮不足而 禮 孔子以時方逐 者,專事 「易,治也。 繁文

王,蓋 喪斯 抔飲 若於 明以 行其 質。 者陋 非 本戚 其 化者也。宋儒不通 爲言之。若時之有變,則觀 爲之衰麻、哭踊之數,所以節之也,則其 本 止 也 八典禮。 生 爲極 檢而 風,有損國體」。 、籩豆、罍爵之飾,所以文之也 始 公孫布 事 而 三代珠盤 蓋夫子以周末人僞,以文滅質,有 孔子爲文明進化之王,非尚 文不在兹。《公羊》稱孔子爲 木 番 已。」此答禮本之問,故純 則 可 已。喪,不可以徑情而直 野 儉。世愈文 飲 質 被,相率僞儉,蘇 行,亦大失孔子意矣。 文明既 食、故 乃 玉敦之時,而必反之汙尊 之俗,以致人道之退化, 禮 汙 之 此義,以敝 進,則亂 豈惟國 尊 本 明, 而抔 也 則 世 其 尚奢愈甚。 體 軾 飲 之奢,文 會通,以 不美 所 氏 羸 謂「 天未 取 行 馬爲 爲 曰 」, 則 於 退 之 儉 文

> 此 所 甚 ·孔法,以爲俗化之定論,以損退文明, 則不可不明辨也 關 薄,其不能 道退化。 ,豈細故 哉? 今 中 不尚 宋賢 國之文明 儉,勢 因 國力壓制, 也。 不 進,大 若遂説 損

也。」 〇子曰: 「夷狄之有君,不如諸夏之亡

論君 之、《春秋》爲諱,避齊 戰,夷狄反背 日: 也,中國 包氏曰: 「諸夏,中國。 也,唯德是 太散,當立君主專制以聚之,據 莊也。 中 主民 國, 安國之嚴華夷也。 「《春秋》無通辭,從變而移。」邲之 而不德 邢、衛,魯之同 即今野蠻文明之謂。 主 親。 中國 進 化之 故 則夷 夷 不得 狄也,并 狄 理。 桓 與夷 丽 蓋孔 也。 姓 亡,無 董 有 也,狄 狄爲禮, 子《繁 當 德 子之 非 野 如 則 其 也 ?言夷 蠻 孫 中 如 此 滅 國 此 明

明無 若亂世野蠻有君主之治法,不如平世 水,而始一中國。諸夏音轉作諸華,晉 不如之。 天」,有君主之治法也, 六朝人譯佛書,寫作支那是也。 育」,無 二者之治,皆世界所不可少,互有得失。 乾元用 支那爲諸夏音轉考》。 之下 有也 君主之治法。《易》曰: 君主之治法也, 九、天下治也」,固知有君主者 諸夏名因於夏禹,蓋 ·, 但 文明世人權昌明,同受治於 有公公 議 民 主,而 而孔 「見羣龍无 無君 子云 飛龍 禹 見吾 平洪 文

呼! 曾謂泰山不如林放乎?」 能救與?」對曰:「不能。」子曰:「嗚 不能。」子曰:「唉弗

孔子弟子,名求,嘗爲季氏宰。救,謂救侯祭封内山川,季氏祭之,僭也。冉有,旅,祭名。泰山,山名,在魯地。禮,諸

《春秋》之義,於亂世絶大夫,升平世斥 曰: 其 山川之祀,此則待之平世也。 諸侯,太平世貶天子。 子本欲删之,不能斥魯君,故先斥季氏 祭封内山 山之神反不如林放耶? 陷 於僭 神不享非 川之制、蓋三代先王舊禮、孔 竊之罪。 禮 嗚 林放 如改易天子諸侯 呼,歎 欲誣而祭之。」 尚 知問 辭。 '禮,泰 咸

其上 勝者 立飲 俟衆耦皆降,勝者乃揖不勝者升, 而後升堂也。 揖 讓 遜乃如此,則其爭也君子,而非若 而升飲。 ,爭,惟於射則爭。 襲、脱决、拾、却左手、右加弛弓於 也。 而升者,大射之禮,耦進三揖三讓 勝者袒、决、遂、執張 君子恥之,故平日恭遜 下而飲,謂射畢揖降, 然其爭 也,雍 弓; 取 觶

〇子曰:

「君子無所爭。必也射乎

揖

而升,下而飲。其爭也君子。」

心。 於 競,乃能圖自存。 競,乃臻文明; 蓋 有 侮 兩 防之,而爭之禮,聖人特設之。物必 欲鼓舞大衆之共進,故爭之害,聖 立教雖仁,亦必先存 人道之大義,孔子之微意也。 小野蠻 類可絶也。 爭之極,則 之爭矣。 恥 而 七篇,皆寓無窮之意,但於射禮見之。 ,禦侮圖存,尚 而 爭 後有爭,故禮必分爲兩。 而 後 至,故令飲不勝者以致其慈。 以 既不 後能 能 ,或不能自存而併於强者。 圖 節 存 向上,故設勝不 可 殺 然進化之道,全賴人心之 睦 ,故爭心寓於射禮 爭之勝者,挾勢凌暴,無 無,而又不 戮 禦侮之道,尤賴人心之 爲人利 恥 從之,若聽其 不然,則人道退 水勝, 己 而後存人,且尤 可 爭 勝以 奪 極,故示之 兩黨迭進 黨人 孔子制禮 爲 爭 致 化,反 ,大地 人 人預 必禦 其 人 患 必 有

凡 水愈長 也。 意。 院以 大於爲 進 或 是,兩黨之勝 國之圖 各國皆 惟 亦遠矣。 以視從容獨立無磨礪之者,其進退相 兩儀之理 施之於政教藝業,皆不可廢者。 即萬國全合太平大同,而兩黨互爭之義 治 而 能 議 道 凡禮,皆立兩 院 日進 成 立 不 蓋教爭甚難,益服孔子立揖 當禦侮 存决於是,萬國之比較文明定於 立 譁 而堤愈高,交進迭上,無敢退 敢 或 兩 故當仁不讓,於射必爭。 黨 退。 ,物不可不定 噪,或致毆 民,射孰大於禦國侮? 而不敢退; 物 而 不可不對爲二,有對 負迭進立於是。以爭,而 圖 如 成治法,真孔子意 存之地,皆當用之。 兩軍相當,氣衰則敗。 (黨)則又不止爲射起。 國之禦侮决於是, 野,此 以爭,而人才日 於一,有統 則 無 蓋 讓 之禮 故議 一而 太極 哉 爭 讓 仁孰 譲 × 反

少,則 也 時消息,如五行之迭王,不能爲主持者 惟 故 後 君子然後可爭。 以尚讓革之。若當平世,人之亂殺漸 能 平世而後尚爭; 進。 以激爭進之。 且當據亂世,人之爭心太劇 此則萬 小人不可教爭,惟 故亂世不可尚爭, 理無 定,而在 與

《文選・夏侯常侍誅注》引作「繢」。也! 始可與言《詩》已矣。」「繪」,本又作「繢」。素。」曰:「禮後乎?」子曰:「起予者商款爲絢兮。」何謂也?」子曰:「繪事後以爲絢兮。」何謂也?」子曰:「繪事後

做此。倩,好口輔也。盼,目黑白分也。後,後儒據僞《毛詩》言之,皆誤也。餘諸經漢後之稱逸詩者,皆僞《毛詩》行無删理,魯、齊《詩》原本必不闕也。凡無剛理,魯、齊《詩》原本必不闕也。凡無別理,每、齊《詩》原本必不關也。凡

法。 《詩》。」「人而不仁,如禮何。」必以仁爲 也。 其反 采之飾,如有 也。 叟,必非聖人所許也。 受采。」忠信之人可以學禮。孔子創禮 先,而後施禮。《記》曰: 猶人有美質,然後可加文飾。 之事,後素功。」又曰: 素,粉地,畫之質也。 日滋也。 五采。] 謂先以粉地爲質,而後施五 後素,後於素也。 言《詩》。 而再三言禮之本, 續,織五采」亦同。 言人有此倩盼之美質,而又加 孔子言子夏能發明我意,可與共言 謂以素爲飾,故問之。繪,畫 讀素絢而 然則 素地而加采色也。 泥泥 《考工記》曰: 於 悟禮 恐人以文滅質,詐僞 包咸曰: 章句説《詩》者高 絢,采色, 此可爲説《詩》之 「畫繪之事,雜 後,孔子乃許以 「甘受和,白 《説文》: 「予,我 畫之 子夏疑 以 也。

碑》、《斥彰長田君碑》於「萬邦黎獻」皆作「黎儀」。 不足故也,足則吾能徵之矣。」「獻」或作「儀」。 〈尚書大傳》於「民獻」作「民儀」。 漢《孔宙碑》、《費鳳 子 曰 殷禮、吾能言之、宋不足徵也。 「夏 禮 **,**吾能言之,杞不 文獻 · 足 徵

《禮記》所存二代之禮,其多如此,可見 之先王而行之後世也。 黄帝。 孔子上稱堯、舜,而下稱周,亦稱 許行託於神農,墨子託於禹,道家託 皆孔子所託之三統。蓋諸子皆託古,故 矣。夏、殷之禮,文獻不足徵如此,而 文獻不足故也。文獻若足,則我能考證 我能言之,而二國不足取以考證,以其 文,典籍也。獻,賢也。本言二代之禮 杞,夏之後。宋,殷之後。徵,明證也。 蓋聖 一人改制,無徵不信,故皆託 於

〇子曰: 「禘,自既灌而往者,吾不 欲 觀

禘,追享之名。聖人葬墓安魄,立廟 安

> 褅。 《白虎通・考黜篇》:「鬯者,以百草之 畢, 祔先君而合祭於太廟, 所謂袷也。 帝。」《祭義》所謂大嘗禘是也。三年喪 之,是爲大嘗; 於堂,爲三獻、四獻,是爲朝踐, 先奏樂,君以黄目玉瓚灌,爲一獻, 香鬱金而合釀之。」禘爲大祭,凡九獻。 之酒灌地,以降神臭陰,達於淵泉是也。 禘祭,魯人特行此大禮。 成王以周公有大勛勞,賜魯重祭,故有 於夏時行之,亦稱吉禘,省文亦稱禘。 有事於祖, 七月日至,可以有事於上 所出太微之帝,於夏禘時行之,是謂 冬日烝。 魂,四時享之,春曰礿,夏曰 有司不誠敬,故不欲觀。 人灌,爲再獻; 《記》孟獻子曰:「正月日至,可 其大享於太廟,於秋 其以太祖配天,而 君出視牲視殺,薦血 而既灌之後, 灌者,用鬱鬯 褅 秋 嘗 曰 時行 以 大

欲觀,或以其僭大禮也。始,灌時未薦腥。」然則,孔子自始即不好,是九獻。鄭君曰:「禘禮自血腥君與夫人酳尸,是七獻、八獻, 賓長酳于室,爲饋食,是五獻、六獻, 尸食畢,

掌。「示」,他本引作「寘」。 〇或問禘之説。子曰:「不知也。知其

祖而 凡黄帝之子孫,皆吾同胞之親也,於禘 國人多黄帝子孫也。以黄帝配上帝,則 心,則凡天之所生,皆當愛之, 祖 故自天而視衆生,萬物皆 祖宗,類之本也。 示,猶視也。 禮三本,天者,生之本也, 時念之,則當親之。大地黄、白、黑、赤、 所生,皆當親之。 三代皆出於黄帝,中 一配天,祀所出之帝太微。 視 裔孫,同 類皆同氣也。 無天惡生,無祖惡生, 體也; 推天祖 禘者,以 凡祖之 之 自

> 縣人,各種皆自天生,而與吾分支者,皆 吾同類之民也,於禘時念之,則當仁民。 整言不知,蓋以魯人失禮,故不欲答之 愛物。親親民物皆合爲一體,其於治天 愛物。親親民物皆合爲一體,其於治天 愛物。親親民物皆合爲一體,其於治天 人,皆吾同氣之物也,於禘時念之,則當 鳥獸、昆蟲、草木皆天所生,而與吾異形 為計、民趣、草木皆天所生,而與吾異形 於人,各種皆自天生,而與吾分支者,皆

祭,如不祭。」○祭如在,祭神如神在。子曰:「吾不與

其 誠 所祭者,誠之至也。 是故,郊則天神格 事死如生,思其居處言語飲食,所以致 祭先祖也, 祭,際也,察也,與天命鬼 與不祭同。」此記孔子祭祀之誠。 不自親祭,使攝者爲之,不致肅敬於心, 也。 「君子之祭,七日戒,三日齋,必見 包咸曰: 祭神,祭外神也。 「孔子或出或病 神相 接。 如在者, 范氏

乎? 虚 則 廟 有 也 則 其 人鬼享,皆由己 吾不 神, 與祭,如不祭,誠爲實,禮爲 無其 誠 則 以 無 致之也。 其 神, 可不 有其 謹 誠

者,五 諷 如 俗之語,因以奧有常尊,而非祭之主,竈 祭於其所,然後祭於奥。 王 貴,事奧竈皆不可,非徒喪節,亦失天與 雖卑賤,而 主於竈隅,祭畢,而更設饌於奧。 미 上帝臨汝,無貳爾心。」若諂 孫 阿 · 禱貴者解之,若得罪於天,則 孔 附 子。 賈,衛 祀之一。凡祭五祀,皆先設主 權 天爲神之至尊,得罪於賤者, 臣 當時 大 也。 夫。 用事。 賈,衛之權臣,故以此 室 西 喻自結於君,不 南 如祀竈 隅 爲 媚 無 奥。 以 則 故 可解 求 肼 設 而

> 吾從周。」 〇子曰: 之良。 越,所以褫奸 以免之。聖人奉天 日 「周監於二代,郁郁乎文哉 監 在 雄之魄,不惡而嚴甚矣。 兹, 實 圃 爲 行, 獲 罪 舉 動 無 皆 可 祈 如 對 禱

爲多。 輅、周冕、虞樂,各 監,視也。 法其 周制上因 在兹。』《公羊》稱孔子爲文王,法其生不 周文爲多。故又曰: 墨子改制,上法禹爲多,而孔子改制,法 之古,非古也,周也。吾之古,夏也。」故 文武」也。《墨子・公孟子》亦曰: 主,故文明者,尤取之,子思所謂「憲章 最爲文明也。孔子之道,以文明進化爲 三代之制 (死,爲後王之法,人道之始也。 非 徒 度而斟酌損益 夏、殷,去短取長,加 郁郁,文明貌。 時近俗宜,文獻足徵,實 有所取,然本於周 「文王既没,文不 之。 孔子改 如 以美備 夏時、殷 制 制 取

孔 專就 改 憲 有 法,國 子亦不能從 制言之至明 也,何待發從 著書改制 人安得不從? 夏、殷 而 周之説 言。 而 若 哉哉? 背本朝,以犯 行 即 事,則 夏、殷更文, 故爲著書 國 朝 國 自

○子人太廟,每事問。或曰:「孰謂鄹人○子人太廟,每事問。或曰:「孰謂釈,今從之。」「是禮也。」「太廟」漢石經作「太廟」,今從之。」「是禮也。」「太廟,與事問。」子聞之,

譏之。 祭也。 地。 以爲禮也。 子父叔梁紇嘗爲其邑大夫, 仕之時,人而助祭 語》稱鄹人。緣古謂大夫守邑者 包咸曰: ,故謂孔子爲鄹人之子也。 孔子自少以知禮聞,故或人 孔子父叔梁紇爲鄹邑大夫、《 孔子言是禮者,敬謹之至, 「太廟,周公廟。」此 孔子仕魯,魯祭周公, 也。 鄹,魯邑名。 孔子 孔子 蓋 因 一孔子始 少 而 所 乃 此 或 助 所 以 牛

> 子游。 學,蓋 乎 ? 者 ? 序,及禮樂之器,事事問之,以 知 名,而今待問,乃疑本 記此,見孔子有若無,實若虚,不以學問 體大,不容 自矜,而行禮至謹,可爲後法也。 禮 聞 豈可身未 雖知亦問,非 慎之至者。 孔子 於魯,故孟 少誤,安知 初 入 親 廟,於廟 僖子使懿子武 或人以孔 歷 徒爲謹 丽 無 未 據 學。 頒 空文 中 ,禮實宜然。 時 子 行 損 不 以 印 禮 益 知 素 伯 定 之 更 負 證 從 實 變 盛 所 節 孔 廟

○子曰:「射不主皮,爲力不同科,古之

革也。 力不 朱子曰: 强 主於中,而不主於貫革,蓋以 鵠 弱,不同等也。《記》曰: 同科,孔子解禮之意 也 布侯而棲革於其中,以爲的,所 科,等也。 「射不主皮、《鄉射禮》文。 古者射 如 此 以 人之力有 武武王 也。 觀德,但

孔子歎之。」 也。 商 周衰禮 軍 郊 射 廢 ´´; 列 丽 貫革 國兵爭,復尚貫革,故 之射息」, E 謂 此

志》引作「汝」。 也! 爾愛其羊,我愛其禮。」「爾」《漢書·律歷也! 爾愛其羊,我愛其禮。」「爾」《漢書·律歷

存,猶 牲也。 廟,請 贛尚核實,計度支而惜糜費,孔子主 而 告朔之禮,古者天子常以 此羊,故子貢欲去之。包咸曰: 君北面受之,以尊天子敬祖也。 之大法。」蓋如歐人所謂憲法 二月之朔政於諸侯,以尊天也。 諸侯受 明堂月令者,虞、夏、商、周四代 藏之祖 ,則欲藉名物 以識其禮; 而行之。使大夫南面奉天子命, 魯自文公始不視朔,而有司猶供 廟。 月朔 而 羊亡,禮遂廢。」 存大禮。 朝 廟,則 季冬頒 以特羊告 也。 惠棟 治治天 來 餼, 生 蓋 譏廢 歲 曰 一羊 子 明 +

棄憲法也。

〕子曰:「事君盡禮,人以爲諂也。」 執單 言之。世非太平,當正君臣以肅堂陛, 權 臣 子規之。觀今孔子所制君臣之禮,答大 大也。季氏新 身於倫類,示人以大義,忘己無 若佛氏之令國王膜拜,何施不可,而 所以絕爭篡之媒也。孔子以大聖出世, 孔子於事君之禮,但奉周制而行耳。 夫拜,天子見三公下階,見卿 生民,其立義四面皆圓,此聖 夫起席,見士撫席,雖歐 下尚不如此。學者當知有爲而發,勿 臣驕傲,不盡臣禮,反以 詞 而生疑也。 逐昭公,事君傲慢,故 洲 立 爲諂,故孔子 離 憲之君,見 人所以 我,但論 席,見大 爲 屈 時

定公,魯君,名宋。君之與臣,雖有尊孔子對曰:「君使臣以禮,臣事君以忠。」〇定公問:「君使臣,臣事君,如之何?」

也,故 臣輿,輿臣臺。」一家一肆皆有主臣,若 卑,而同共天職 不以禮以忠,亦不可行也。 爲君臣之定義。《傳》曰: 齊王之意,但孔子之言蕴釀耳。 禮。臣之事 不忠,以秦越肥瘠視其君。此即孟子答 大夫,大夫臣士,士臣僕,僕臣隸,隸 ,以奴隸犬馬待其臣 報以赤心,是爲忠。 ·君,雖 者也,故待 一爲國 而 ; 如嘉 受 蓋 「王臣公,公 其 君 臣 賓 然此可 患 患 恩 , 是 虚

傷。」(《關雎》,樂而不淫,哀而不()子曰:「《關雎》,樂而不淫,哀而不

> 言・孝至篇》、《史記・十二諸侯年表》、 之原也。 憾,必有離别,樂極生哀,故房中樂之奏 定,此太平大同之始基也,故反側鄭重, 樂,非謂《詩》也。《關雎》爲房中樂,鄉 害於和也。欲學者玩其辭,審其音,而 也。 性情之正,中和之理,爲生民之本,萬福 婦。君子相配,然後昭教 《詩》正樂首《關雎》者,以人道 義,思夫在遠,甚哀而 耳,極樂而不淫; 飲酒禮用之。 有以識性情之正 者,樂之過而失其 而後定之,琴瑟鐘 關雎》,「樂而 能 樂 能 劉向《列女傳・仁智篇》、《法 哀,盈其 哀窈窕,思賢才,洋洋盈 不淫,哀而不傷」,所以 也。此歎美《關雎》之 正, 鼓以樂之。 欲 寤寐反側,發情 而不愆其正 不傷。 傷者、哀之過 有方,人 人道 始於夫 孔子删 種 得 多 74 止 而

王時。 詩章句》以 賜傳》、《張衡傳》,皆魯《詩》,同義。《韓 今不從。 ·明帝紀》、《皇后紀》、《馮衍傳》、《楊 林傳序》、《漢 惟《毛詩》以爲文王詩,僞古也, 佩玉晏朝、《關雎》作諷 書・杜 欽 傳 》、●《後 在康 漢

栗。」「主」鄭本作「主」、《釋文》作「社」、《公羊疏》「主」爲 氏以松,殷人以柏,周人以栗,曰,使民戰 今文,「社」爲僞古文,故今不從「社」。 ○哀公問主於宰我。宰我對曰:「夏后

虎通》: 引張、包、周、杜氏,皆以爲問廟主。 宰我,孔子弟子,名予。主,孔穎達《疏》 貌 何氏休《公羊學》曰: 所依據,孝子以主繼心焉。《論語》曰: 人以柏,周人以栗。松,容也,想象其容 「哀公問主於宰我。」」故知今文從主。 而事之。 「祭所以有主者何? 言神無 柏,迫也,親而不遠。栗,猶 「夏后 氏以松,殷 令白

> 不咎。」 子聞之曰: 戰 主用石不用木矣,益證僞古文之謬也。 我以爲周 栗, 謹 敬 `制使民戰栗,蓋出傅會。 「成事不説,遂事不諫,既往 貌。」三代三統 各有 所 尚, 若社 宰

後。」遂事,謂事雖未成,而勢不能已者 孔子非宰我,故歷言此三者,欲使慎其 遂,不可復諫止。事已往,不可復追咎。 以宰我所對非立主之本意,又啓時君殺 包咸曰: 人之心,而其言已出,不可復救,故深青 「事已成,不可復解説。 事已

〇子曰: 管仲,齊大夫,名夷吾,相桓公,霸 施伯謂魯侯曰: 辯之器小,言其不知聖賢之道,天人之 「管仲之器小哉!」 「管仲大器也。」孔子

欽」,原作「歆」,據《漢書》改。

0

四

己翛 之國 局 了; 則 正, 正 ,猶烹鮮 褊淺,規模卑狹。 然若不與,豈以自侈? 法量 身 修 德 高 反 遠 以 , 規 致王 掌也,豈 模 道 廣 一以自足, 大,其視 蓋 苟 而惜管 霸 通 其在 千 達 仲 里

管氏 歸, 乎?」曰: 邦君爲兩君之好,有反坫,管氏 或 日 官事 而 知禮,孰不知禮?」 不攝,焉得儉?」「然 「管仲儉乎?」曰: 「邦君樹塞門,管氏 「管氏 則管 亦樹 亦有反站。 仲 塞門。 有 知 禮

管仲 從。 包 晏子》言桓 咸 》「卿大夫一妻二妾」,不備姪娣。 歸。」《春秋》諸侯 與 《説苑》: 蓋 日 娶三姓女、公賜三宅居之。 || 韓 諸 侯 非 「三歸,娶三姓女。 不再娶,而 公以管仲恤勞,賞之以三 子》皆言管仲家有三歸 仲築三歸之臺。」然則 娶三國之女, 有三宫。《白 婦人謂 其 姪 時 國 虎 娣 嫁

之間。 若與鄰 鄭氏 志 絶 開 然身則三歸反坫,君則 如今德國之俾斯墨矣,故孔子稱其仁。 之術,以今觀之,自是周 之,是不知禮。」按,管仲治國之才,成霸 酌 大夫兼并。 攝 仲 昏 未治,而徒鶩 檢,所謂 幾 方、 畢 受桓 禮築臺迎女,故又曰 玄曰: 則各反爵於站上。 以 與 易 兼 國君 人君 公之賞爲之, 矛 功 晉 也。 器 名足以震 武 即 爲好,會其獻酢之禮,更酌 别 今管仲家臣 小也 事功。 「反坫,反爵 禮,國君 帝 亂 内外,於門樹屏以蔽之。 諸 同。 公子爭立,霸業遂 故君臣一逝,竪刁、 矜天下,而 此由不 事大,官各 然 [三歸 内娶六人,其本 公後第一人才 今管仲皆僭 備職,非爲 仍 之站,在兩 之臺。 爲 · 以 王 奢 内行 有 僭 道 蓋 儉。 也。 爲 楹 不

○子語魯太師樂,曰:「樂其可知也:

論語注

字。如也,以成。」皇本「知也」下有「已」字,「成」下有「矣」如也,。為如也,《從之,純如也,皦如也,繹始作,翕如也,《從之,純如也,皦如也,繹

也。 太師,樂 《雅》,故曰:「《雅》《頌》得所。」時禮壞 閒歌三終,合樂三終爲一備。 純,不雜也。 樂,時太師 樂崩,雖樂官鮮能深明,孔子神明於樂。 笙聲代作,抽續而條達也。 三節皆用 其聲清别 奏肆夏,聞之而變動也, 人聲之純 一也; 世家》引此 成,正歌備也。 官名。 而皦如 或即師 皦,清别也。 作哀 翕,變動 也, 擎耶? 十一年,自衛反魯正 繼而笙人,有聲無辭, 升歌及笙各三終, 已而閒歌,人聲 也。 緩之升歌,重 繹,抽續條達 從與 始作,金 縦 通

矣,天將以夫子爲木鐸。」

《禮》曰: 使得見。」 朱子曰: 包咸 皆得見之,自言其平日不見 於下位者也。君子,謂當時賢者至此 儀,衛邑。 作於萬世也。 令於天下。」言孔子爲受命之教主,垂 所振也。 教主,亦可謂異識矣。 口木舌。」孔安國曰:「木鐸,施政教 日 言天將命孔子制作法度,以 封人,掌封疆 「喪欲速貧」是也。 「從者,弟子隨 儀封人一見而知孔子爲 「喪,謂失位去國。 之官,蓋賢 孔子行者,通 絕於賢者。 木鐸, 而隱 肼 制 號

《武》、「盡美矣、未盡善也」。 〇子謂《韶》、「盡美矣、又盡善也」。謂

所謂「戛擊鳴球,搏拊琴瑟,以詠, 下容之盛, 盡善者,止於至善也。《書》《韶》,舜樂。《武》,武王樂。盡美者,聲

吾未嘗不得

見

也。」從者見之。

出

日

一三子何患於喪乎?

天下之無道也

○儀封人請見,曰:

君子之至於斯

九 管鼗鼓,合止柷 孔子明人道之公理,貴和親而賤征伐, 以警戒,三步以見方,再始以著往,復 樂,反致不滿。此其於大同小康之道, 及爲禮,城郭溝池以 者,作謀起兵,以正君臣,以立田里,世 賢與能,大同之道,民主之法也。武王 駟伐,分夾而進,久立於綴,」《武》樂也。 召公右,六成復綴以崇。 天子夾振之而 治。」「始而北出,再成而滅商,三成而 蹈厲,太公之志,《武》亂皆坐周公之 以飾歸。「總干而山立,武王之事,發揚 知肉味; 邦,曰樂則《韶》舞,乃至聞《韶》三月不 主之法也。 尊大同而薄小康。舜者,天下爲公,選 南,四成而南國是疆,五成而分周公左, 〔成」,《韶》樂也。《樂記》曰: 而於《武》樂,爲國朝先王之 樂以象功昭德,孔子於爲 敔; 爲固,小康之道,君 笙鏞 以 間 簫

> 意,若此義,亦可窺聖人之意乎? 發露至明矣。 孔子 書 不盡言,言 不 盡

)子曰:

「居上不寬,爲禮不敬,臨

喪不

哀,吾何以觀之哉?」 歸重禮本之意。 本,則其餘雖有可取,亦不足觀。 以敬爲本; 居上,主於愛人,故以寬爲本, 臨 喪,以哀爲本。 孔子以人溺於儀文,故 既 爲禮 此亦 無其

論語注卷之三終

再三言之。

柷 原作「祝」,據《尚書》改

論語注卷之四

海 康有

里仁第四 凡二十六章

:

賢注引「擇」作「宅」。王應麟引此以爲古文。 知? 』《後漢書・張衡傳》: 〇子 遊 不得爲知矣。故荀子曰: 擇,揀選也。 加 與人熏染。 仁爲本,愷悌、慈祥、和平、忠厚、欣 |必擇士。| 此言擇鄰人者仁也。人道 不居於是焉,則失其是非之本心,而 曰 「署宅歸仁里。」但古文爲僞,今不取 權愛,然後可爲人。 「里仁爲美。 里有仁厚之俗爲美,擇 入蘭室則香,居鮑 「匪仁里,其焉宅兮?」李 擇不處仁,焉 然厲志自修,不 鄰里有仁厚之 「居必擇鄉, 劉 肆 璠《梁

,故擇人不如擇鄰。

世,人心皆仁,風俗盡美,乃不待擇,否 若不擇仁里而居惡鄰,其不善自謀,且 母,曾子不入; 孔子首貴擇鄰焉。 則擇鄰里爲熏德之要義。此篇言仁,故 不爲家人子孫謀,不智甚矣。 若大同之 敗壞,則己必染之而不覺。 ,則熏德皆爲善良; 邑號朝歌,墨子迴車。 故里 名勝 風

之。」曾子曰: 節欲修身。 其智昏,不能樂天知命, 《中庸》:「或利而行之。」利,貪也,知 包咸曰:「惟性仁者,自然體之,故謂 此言處境。 安仁。」王氏曰: 仁爲有益,而欲得之也。蓋人而不仁, 久困必至於濫,久樂必至驕 約,窮也。久,彌異時 「仁者樂道,智者利道。」 「知仁爲美,故利而行 其性貪,不能 也。

若處 惡鄰,

四

長處樂。仁者安仁,知者利仁。」

)子曰:

「不仁者不可以久處約,不可以

留

意

也

謂仁者歟? 素,確乎不拔,與以教育總長而不受,可 境所奪者。夫人不爲外境所 所守,雖安行與困 知者知仁之益, 淫,惟仁者隨 而不爲外境轉也。 所貴於學者,與常人殊,在轉外 遇 因 而 勉 以爲 門人麥孟 安,無 不同 資,慕善而 '; 而 人而 華,布衣 皆不爲 轉者,鮮 不 自得 不易 處 境 外

宋刻石經、九經皆作「唯」,今本作「惟」,不取 子曰: 倒是 囿於世 方。 好惡 吅 者,或性有所偏而不能克,或嫌 好善而惡惡,人之同情。 不能忘 也。 其才高氣舉者,尤多偏頗,甚 非,敗壞風尚。 「唯仁者能好人,能惡人。」皇本、 1俗,况未能公正乎? 也。 常人之情,好惡任情, 惟仁者無 夫真能 ※ 技無 然人每失 私 虚 此學者所 所 毁 有 尚 至 譽 所 其 以 顛 慮 乖 能 īF. 層

> 「也」字、《春秋繁露》引同,今從之。 ○子曰:「苟志於仁矣,無惡。」 漢石

經

無

乎 ? 也。 日 主。 惡,如字。 爲惡則無矣。」但問其仁 狷,但必要之於仁,自無大弊。 之過,若有心之惡,險詖之事,則 開闔遠近,或高畸偏僻,過舉百端,要謂 其能仁。 誠在於仁,則必無爲惡之事矣。 能志於仁,則其餘終無惡。」人道以仁 仁爲主,則無大失。此言庶幾入德 理并發,學者學之幾不得其門,惟 凡人不必論其品詣之得失也,其 孔子之道,固貴中行,然亦深 「苟志於仁,未必無過舉也, 學者宜信受捧持之也。 但其志在於仁,則無論其 孔氏曰: 「苟,誠也。 不仁,又不 孔 然 取 必 必 以 行 志 萬 問 氏 爲 狂 誠

○子曰:「富與貴,是人之所欲也,不以

乎成名? 度篇》注,皆作「不居」,皆今文學也。今從之。「處」字當 也,不以其 是古文。《呂覽》注「居」下無「也」字,高麗本「去」下無 蕃傳》、《鹽鐵論》、《論衡・問孔》、《刺孟篇》,《呂覽・有 於是,顛沛必於是。」今本作「不處」、《後漢書・陳 道得之,不去 君子無終食之間 也。 達仁,造次必 君子去仁, 惡

乎? 被謗, 微之,始以直而去官,繼以媚 疑貧賤不當言得,豈知信 實矣,何所成其名乎? 君子之審富貴 子於富貴則不妄居,於貧賤則不 君子所以爲君子,以其仁也。 去之也。 人見富貴則 「不以其道得之」,謂不當得而得之。 貧賤,則是自 若遂諂佞而得富貴,如盧 致遭斥逐,非不以其道 孔子蓋爲始終易 妄取,當貧賤則失節。 而安貧賤也如此。 離 其仁,而無君子之 名爲孔子大義 而見疑,忠而 節 而致位,是 若貪富貴 人説。言 思道、元 得貧 - 厭去, 然君 王充 賤

曰:

言曰

成矣, 繡。」故教曰名教,理曰名理,義曰名義, 曰: 身行 而補刑 王,則曰「不失顯名」。《穀梁》曰: 所 (中庸》)言舜,則曰「必得其名」, 以 道 厲 「令聞廣 而名譽不彰,友朋之過。」 孟子 賞所未及者也。 ,揚名于後世」,以爲孝之終。 行 恥 而 譽施於身,不願人之文 光 聲譽,致人道 故《孝經》曰「立 於 髙 言武 尚

心安仁,無所慕而爲善者,天下一人。 是,人避好名而好利,風俗大壞,皆由於 羅織君子之計,動輒詆人 高,遂誤採之,以好名爲大戒,遂爲 出而陽柴,立中央之巧也。宋儒 無在而不言名。 [名言,德曰名德,儒曰名儒,士曰名 「爲善無近名,爲惡無近刑。」蓋 廉名,是亦不易矣。 施 m 後 得惠 惟老莊乃戒名, 名,人必不貪 孔子固言中 以 好 名。 言道 過 無

而後得

此。夫人必能

今乃并其可慕之名而攻之,則人何所慕今乃并其可慕之名而攻之,則人何所慕不失也。

者」下有「也」字,「蓋有之矣」「矣」作「乎」。 本有「者」字。皇本「用其力於仁」下有「者」字,「力不足我未之見也。」漢石經「我未見好仁」下無「者」字,今仁矣乎? 我未見力不足者。蓋有之矣,使不仁者加乎其身。有能一日用其力於使不仁者加乎其身。有能一日用其力於一分曰:「我未見好仁,惡不仁者。好仁〇子曰:「我未見好仁,惡不仁者。好仁

人。 仁,並一日之力而不肯用也。又反覆 身,至易至簡乎? 深怪天下人之不好 之,金石可貫,鬼神可動,而况近取諸 爲己有,非由外鑠,况志之所至,氣亦赴 仁。欲仁,仁至,不患力有不逮。蓋仁 知真行。王陽明所謂啞人喫苦瓜,味自 惡。好仁惡不仁亦如此,然孔子未見其 不敢望其終身不違仁,但試一日用力於 使一食便自不同。故孔子又降格而言, 不同,固非不食之人所揣望而能知,但 察其真心則非也。果能真好真惡,即 足比此者,乃爲真好, 惡之至者,如質 氣相反,雖絲毫之近不能忍受,乃爲 好之至者,如嗜好之癖,舉天下之物無 惡誤施耳。 人懷陰陽之性,即有好惡之情,但慮 蓋人非不空言慕善,空言嫉惡, 好惡有宜,亦惟好仁惡不仁盡之。 夫人道有二,惟仁與不仁盡 直 好

之日 至矣! 無是 能爲 理 然我行徧天 人道 ,天下或 也。 2者乎? 孔子警策之切,望人之深, 有奇 下,實未 氣 必 異 如 足,則 體 之見,極言其 昏 弱 人不能 病 狂 不 不 爲

斯知仁矣。」 〇子曰:「人之過也,各於其黨。觀過,

知仁是 之,因成污辱偏私之 之過也,各於其類。君子常失於厚,小 失於忠厚,益知其仁也。 也。 忍。」後漢吳祐謂掾孫性,私賦民錢,市 人常失於薄; 人道尚羣,必親其黨,或誤用之,或救護 衣進父,以親故,受汙辱之名,所謂觀 其仁 凡 也。 義者,過 厚太甚,故或蒙恥救民,或忘己 不 逆詐,不億不信,而任用或 按,此爲觀人者法,義亦 常少, 君子過於愛,小人過於 過。 仁者,過常多 程子曰 然爲 黨受過, 可 過

> 觀人者審其過在仁否也。 者,其過愈奇。 此皆過也,然而 事 不 求 可, 仁人或不求人知,是 功 不 仁矣。 求 成 故仁 而 機 愈 事 高 在 或

矣」,漢石經作「可也」。 〇子 曰: 「朝聞道,夕死可也。」今本作「可

霆流 惟知 道而知」也。蓋生死者,人身體所不免, 故知死生之説,鬼神之狀,通乎晝夜之 道者,天人之道。 言而 明終始 未始死。 來,天道 道者少。 化可也。 明完粹,常惺不 形,偶現 氣在上,魂無不之,神氣風霆。 ,精深玄微,惜後 ,則無晝 本無生死。蓋本未 死 孔子此言魂靈 或者以歸佛氏,而謂孔子不言 生如晝夜,晝夜 者陽,復藏者陰。 昧 無 《易》所謂「原始要終, **※夜也。** 則 朝 儒 而 死生之道 故人能 不 證 始 旋 傳,遂使 悟 生,則 轉, 開 養其 闔 而 實 風 往 怛 神 大 亦

魂, ,則甚矣後儒之割地也

未足與議 : 也 「士志於道,而恥惡 衣惡食者

若志於道,而尚以衣食之惡爲恥,識趣 尊神明者,賤口 志,必無成學者也。 魯,而患於卑鄙; 凡陋,不足與議道也。 體,足内德者,忘外物 卑鄙之人,必害其 蓋學者不患於愚

莫也,義之與比。」「適」,鄭本作「敵」。 〇子曰: 「君子之於天下也,無 適 也, 無

親附 從 時與人合宜,則施之恰當。故君子有犯 偏往,無所必禁絶,但於義之合宜者,則 附也。言君子於天下之事之人,無所 適,往也。莫,毋也。義,宜也。 天下之謗,違天下之論而獨爲之者,義 事宜 宜 也 而從之。蓋非從人也,從公理 也。 有從衆人之後,因世俗之宜 事宜者,其地與人合宜,其 比,親 必

> 而 不改者,亦義所宜

懷刑,小人懷惠。」 子曰: 「君子懷德,小人懷土, 君子

)子曰: 性; 下,細民則終身經營田宅。 之區别也。 苟安,甚則 其性,次亦惡不善之加身。 小人,上者 利者,冒明刑,動念但營利。 愛身名者,守法紀,舉事皆畏刑; 迥 注,注者皆念兹在兹,行事雖同,而心思 懷,思也。土,田宅也。 不遠哉! 法律之下,奸人則作弊於法律之中,豈 異。 養形魄者,戀居處,念念在 「放於利而行,多怨。」 養神明者,尊德性,念念在 荷得。 故盛德之至,捨國 觀此大端,可定人 人精神各 良人受治於 君子,樂善 一而讓 田 有 貪財 品品 德 所 天

放,依也。 有所取益之謂。《易》曰: 利者,從刀刈禾,假借爲以力 「義者,利之

己益則人損矣,損則必怨。故人人皆取 不侵人之界,則謂之和,和則無怨, 義,不謂之利; 而 不謂之義。蓋人己之間 侵人之界,則謂之利,利自多怨。 也。」人不 能 無 取 取 利不 取 利 有一定之界,取 和 而 則謂之利 和 , 則 謂 >

悖出, 在天下則爲亂源,而爭始必以以益己,在己身則爲怨府,而悖入必至而上自霸主,下至豪奸,皆好侵人之界於己之界,而不侵人之界,則天下平。

《賈逵薦劉般書》引作「於從政乎何有」。不能以禮讓爲國,如禮何?」《漢書・班超疏》〇子曰:「能以禮讓爲國乎? 何有?

殺

終。此孔子所以重惡之也。

明,而日以爭殺爲事,傷天心之和,壞人禮讓。蓋惡春秋諸國,外飾禮義以誇文讓治國,則國不足治也。此言治國必用讓者,不爭,禮之實也。何有者,言以禮

也。 特發讓義以捄之。 湍者,渡上流。 道之平也。 國計也。包咸曰: 之聖藥也。孔子不甚言國義,蓋聖 望,風俗最美。此孔子之大化 守界,而天下平矣。後漢讓産讓爵者 其讓也。人人能讓,則上者高蹈,中者 首文王,至德稱泰伯,古賢稱伯 用禮。」爭心未解而空飾禮文,實非文明 論皆爲天下萬世立公律,不暇爲區 矯 積弊者,必 孔子生當據亂之世, 民主首堯、舜,君 「如禮何者,言不能 大 反; 也,國 夷,皆美 區 人 過 相 故

○子曰: 「不患無位,患所以立。不患莫

知,亦必覆餗盗名耳。君子方以尸位爲知,而不求才能學行之實,假令在位被可以見知之實。人皆患無官位,無人所以立,謂所以立乎其位者。可知,謂

夫子之道,忠恕而已矣。」

中心爲忠,如心爲恕。孔子之一,未明

之名位,何患焉? 朝世長民,傳後行遠,尤大于區區一時損,朋友之過,己無與焉。 且立教著書,知,而位不見舉,名不見知,是國人之願乎其外也。 若使才能可立,學問可辱,虚聲爲恥,故必先求其在我,而無暇

〇子曰:「參乎! 吾道一以貫之。」曾子

> 者也。 之,則忠恕爲乾道變化,各正性命之理。 惑者,終身行之而猶違。自人德言之, 道已盡,更無餘法。悟者,本身即是, 以天地閉,萬物滅。 人之心, 忠,推己心而爲恕耳。若不忠,則爲忍 地位,萬物育,其本亦不過盡己心而 以不忍人之心,行不忍人之政。推至 似淺近,然孔子之言道,曰仁與不仁,蓋 直捷了當而揭一之義,曰忠恕而已。義 何物,故門人多不悟解 故忠恕之道,實一本萬殊,兼下學上達 則視忠恕爲違道不遠之方, 不恕,則不推不忍人之政,可 故忠恕雖約,而大 而問曾子。 自至人視 曾子 天 爲

○子曰:「君子喻於義,小人喻於利。」《説

人情之所欲。董子曰:「皇皇求財利,喻,明也。義者,天理之所宜; 利者,

論語注

子曰: 也。 知利之爲利故也。小人反是。」 義,常恐不能化民者,大夫之意 舍生而 之所欲無甚於生,所惡無甚於死,孰肯 常恐乏匱者,庶人之意也 君子有舍生而 惟其深喻,是以篤好。」楊氏 「君子之於義,猶小人之於利 取義 哉? 取 其所喻者義 義。 以利言之,則人 皇 而已,不 也。」 皇 日 求 程

也。 〇子曰:「見賢思齊焉,見不賢而内自省

不違,勞而不怨。」皇本「敬」下有「而」字。
〇子曰:「事父母幾諫,見志不從,又敬不肯自薄,不忘自責,乃爲爲己之學也。與不賢者類。蓋凡有所見,皆反之身,與不賢者類。蓋凡有所見,皆反之身,

有不從己諫之色,則又當恭敬,不敢違也。當微諫納善言於父母。見父母志諫,間也,更也。包咸曰: 「幾者,微

孝,悦則復諫也。 父母 得罪於鄉 從,又敬 有過,下氣怡 而撻之流血,不敢疾怨,起敬起孝也。 意而 不違,所 遂 黨州間,甯熟諫父母,怒不悦 己之諫。」《 色,柔聲以諫 謂諫 勞 而 内 若 不怨,所 則》所 不 也。」見 ·人,起 謂 謂 「父母 志 與 敬 其 起

平「不遠遊」上有「子」字。 ○子曰: 「父母在,不遠遊,遊必有方。」皇

失也。」 必知己之所在 亦恐親之念我不 朱子曰:「遠遊,則去 定省曠 而音問疏。不惟己之思 而無憂,召己則必至而無 忘 也。 親 遊 遠 必 而 有 爲 親 方 ?,欲親 日久, 不置

矣。| ○子曰:「三年無改於父之道,可謂

老

言之。董子所謂:「書之重,辭之複,石經有之。蓋弟子各記所聞,或孔子類已見首篇。此蓋重出而逸其半矣,然漢

也。」 「孝子在喪,哀戚思慕,心不忍爲曰: 「孝子在喪,哀戚思慕,心不忍爲不可不察也,其中必有美者焉。」鄭氏

以喜,一則以懼。」○子曰:「父母之年,不可不知也。一則

木興悲也。 之誠,愛日難釋,以使及時孝養,無致風 老則懼。蓋罔極之恩,昊天莫報,孺慕 常知父母之年,見其壽考則喜,見其衰

也。」皇本作「古之者,言之不妄出也。」當有誤文。〇子 曰:「古者言之不出,恥躬之不逮

不易啓口矣。心,則易由言,若言必躬行,自有恥心而心,則易由言,若言必躬行,自有恥心而口,爲身行之將不及。」蓋人無躬行之逮,及也。包咸曰:「古人之言不妄出逮,及也。包咸曰:「古人之言不妄出

鮮,少也。約,即曾子守約之謂。縱橫傳»引無「者」字、《漢書·外戚傳》引無「矣」字。 ○子曰:「以約失之者鮮矣。」《後漢書·王暢

約也,失亦少矣。長,欲不可從,志不可滿,樂不可極。」守儀蕩者必多失,《曲禮》所謂: 「敖不可

○子曰:「德不孤,必有鄰。」 ○子曰:「德不孤,必有鄰。」 包氏曰:「納,遲鈍也。言欲遲而行欲 包氏曰:「納,遲鈍也。言欲遲而行欲 ○子曰:「君子欲訥於言而敏於行。」

此爲立德者孤立無助言之。 此爲立德者孤立無助言之。 所以其愈多。至於聖人,則凡有血氣莫無不相吸。故有德者,必有類從,德愈無不相吸。故有德者,必有類從,德愈無不相吸。故有其類從之,如居之有鄰也。 一聲相應,同氣相求。明德,電之爲也, 同聲相應,同氣相求。明德,電之爲也, 一聲相應,同氣相求。明德,電之爲也, 一聲相應,同氣相求。明德,電之爲也,

○子游曰:「事君數,斯辱矣, 朋友數,

五七

斯疏矣。」

厭矣。 學者因事宜以施之,不得執一言而泥守 或當大事,投分同志之朋友或臨大節, 亦爲交淺者言之。若託孤寄命之君臣 也。」君臣朋友皆以義合,故其事同。 納,則當止。至於煩瀆,則言者輕,聽者 數,謂責也。《國策》所謂「數讓責」,《儒 則牽裾斷鞅,切切偲偲,又不得以此論 行》所謂「可微辨,不可面數。」胡氏 事君, 門人隨記聖人之言,皆有爲而發, 是以求榮而反辱,求親而反疏 《論語》皆仿此。 諫不行,則當去, 導友,善不 日

論語注卷之四終

論語注卷之五

南海康有爲學

凡二十七章 理之一端也。胡氏以爲,疑多子貢之徒所記云。 如為長第五 此篇皆論古今人物賢否得失,蓋格物窮

○子謂公治長,「可妻也。雖在縲紲之中, ○子謂公治長,「可妻也。雖在縲绁之中, ○子謂公治長,「可妻也。當陷於獄,世 が家以爲疑。然德行瓌異者,不容於世 以黑索拘攣罪人。長之爲人,夫子稱其 以黑索拘攣罪人。長之爲人,夫子稱其 以黑索拘攣罪人。長之爲人,夫子稱其 必治長,孔子弟子,齊人。妻,爲之妻 必治長,孔子弟子,齊人。妻,爲之妻 必治長,孔子弟子,齊人。妻,爲之妻 必治長,孔子弟子,齊人。妻,爲之妻 必治長,「可妻也。雖在縲绁之中,

刑戮。」以其兄之子妻之。子謂南容,「邦有道,不廢",邦無道,免於俗諱也。

之有? 取禍,南宮以言行修謹保家,二子性 孔子以兄子妻之。公冶長以才高好奇 而必用,遭亂世而免禍,保家之主也,故 蓋言行甚謹,而好德甚誠,故能處治朝 下篇言其「三復白圭」,又稱其「尚德」。 與懿子事孔子者也。當隨孔子之周。 字子容,諡敬叔。孟僖子之子,僖子使 當有所避也。若孔子之事,則其年之長 不及南容,故聖人以其子妻長,而以 不同,孔子皆取之。或曰,公冶長之賢 南容,孔子弟子,居南宫,名縚,又名适 避嫌者,皆内不足也,聖人至公,何避嫌 子妻容,蓋厚於兄而薄於己也。 「此以己之私心窺聖人也。凡 况嫁女必量其才而求配,尤不 程子 兄 行

五九

聖人乎?」《漢書·古今人表》以敬叔與 幼 或然歟? 南容爲二人,孔子譏敬叔「載寶 則大不可。 ,時之先 後, 避嫌之事,賢者且 皆不 미 知 惟 以 不 爲 而 - 爲,况 避 朝, 嫌

者,斯焉取斯?」
○子謂子賤,「君子哉若人! 魯無君子

孔子既數其賢,而又言若魯無君子,則 子賤,孔子弟子,姓宓,名不齊,少孔子 十六篇,子賤爲單父宰,父事三人,兄事 四十九歲。 者寡矣。 就愈衆。 厲熏染之功。 多賢也。 此人何所取以成此德乎? 五人,蓋能尊賢 若其地鮮才賢,而能 凡人之成德,皆賴賢 然雖 《漢書·藝文志》有《宓子》 故人才愈多者,同時之成 有 取友,以成其德者。故 才賢, 而 不 因以見魯之 知 師 無 取 藉 良 以自 自 友 磨

器;

而後進爲不器

也。

也。」 也。」曰:「何器也?」曰:「瑚硨「女,器也。」曰:「何器也?」曰:「瑚硨〇子 贛問 曰:「賜 也 何 如?」子 曰:

《説文》爲古文家,而强從之。子贛高 《三禮圖》: 商日 包咸 達學,卓然早成,故孔子稱其成器。 璉」不從玉。僞古文家以 璉受一升,漆赤中 性與天道後變化從心,必更有 其性識精深,故許爲宗 大道不器必不遠矣。 一 璉, 周 日 曰簠簋,皆宗廟之器貴者。. 瑚 瑚受 璉,黍稷之器。 如 一升,如簋 龜 但人才必先求成 廟重器。 形。《説文》「瑚 爲從木, 而平下; 夏 進,其去 至於聞 曰 不知 瑚 以 オ

,若此者又何足算哉?

衡》以 子曰 喋,得聖人意 焉 蓋 釋之貴東陽侯長者,而不取嗇夫之喋 歸本於仁。 智辯之士華而無實,故曰遠佞人,又曰 故語言皆稱不佞。 諸國并立,極 而本無情實,徒以口辯接人,取惡而已。 屢,數也。 才也。」禦,當也,猶應答也。 以佞爲賢,故美其優於德,而 用 既無仁心,則雖辯智高巧,亦無取 佞。 苟非仁也,雖辯智 爲伯牛子。 「仲弓爲人,重厚 蓋孔子之宗旨,千端萬緒, 憎,惡也。 苟其仁也,雖樸默 也 !重才辯,惟才辯 佞,巧諂 孔子提倡仁道,而 言佞人才辯雖 而 簡 不重 高 默 乃能合衆, 病 材 , 不而深 之。 其 丽 也 短 時 也。 取 惡 於

漆彫開,孔子弟子,名啓,字子開。《漢信。」子説。邢本、《釋文》與《漢書》作「雕」。 〇子使漆彫開仕。對曰:「吾斯之未能

> 宗也。 己同體,但當成己而後成物,若明德之 當是孔子爲魯司寇時。 顯學篇》言有漆彫氏之儒,蓋孔門一 派也,故孔子説之。 小成,不欲爲速就,宜 遽仕,則其學道極深,立志極大,不安於 内外之道也。 衡》引《漆彫子》言性有善惡,《韓非子 語》作「字子若」、《泉碑》作「字子修」,皆 而不新民,則於仁道有闕,此聖人合 《漢書·藝文志》有《漆彫子》,《論 孔子嘗以其學業大成使之仕宦, 漆彫子以 1平爲 蓋自天分氣,人 未敢自信,不願 八儒之一大 一大

開」,上「開」字當是避景帝諱啓也。《

弟子皆稱字,《史記》作「漆彫

開,

古今人表》作

漆彫

凡《論

語》叙

也,好勇過我,無所取材。」皇本「由與」下有「也」者,其由與?」子路聞之喜。子曰:「由〇子曰:「道不行,乘桴浮於海。從我

美其勇。鄭氏曰: 路以爲實然,而喜夫子之與己,故夫子 義,故謂其能從己,皆假設之言耳。 子 浮海之歎,傷中國之不遇也。 桴,編竹木爲船也,渡南曰簰,北曰筏。 賢傳教救人,不憚艱遠之苦志矣。 好仁,故許其同行,子路果喜。 者,欲擇勇者同開教異域。以子路勇 地,必有人種至善,可行大同太平之理 孔子答曾子,發明地圓。故心思海外 時,大瀛海之説已通,大九洲之地已著。 國皆不能行,私 太平大同之理,三世三重之法,横覽中 取於桴材。」按,孔子抱撥亂 海外,鑿空創開,事本艱難,故孔子 「材」與「哉」通。 《張平子碑》「往 居憂歎,欲出海外。 「無所取 才汝諧」。 反正之道, 材者,無所 子路勇於 可見聖 從行 極 而

> 如?」子曰: 作「傅」,今從之。漢《孫根碑》「束鞶立朝」,未知與「帶 康子問。「傅」,今本作「賦」。《釋文》梁武云: 賓客言也,不知其仁也。」《史記・弟子傳》作季 如?」子曰: 家,可使爲之宰也,不知其仁也。」「赤也何 可使治其傅也,不知其仁也。」「求也何 知也。」又問。 孟武伯問: 如何 度、波斯以至羅馬,東渡日本以開美洲, 當以孔子、子路爲法,無憚艱遠矣。 早行之也。 則大教四流,大同太平之道,當有一地 故卒不 「赤也,束帶立於朝,可使與 「求也,千室之邑,百乘之 子曰:「由也,千乘之國, 傳教救人,宜出 果行。 「子路仁乎?」子曰: 使當 時 孔子]海外, 西

家。宰,邑長,家臣之通號。赤,孔子弟兵爲賦。千室,大邑, 百乘,卿大夫之「傅」與「賦」通。古者以田賦出兵,故謂仁道至大,不可全名,故云不知。古

其勇。而是時海道未大通,無船

筏

可

孰爲齊魯也。

海,欲泛無舟,空深歎慕,此則聖人所無

子,姓公西,字子華。 之學,弟子各有經國之才。 之。蓋政治之分科學,悉出孔門也。三 有。」可見諸子才名,震動遠國。 公西華 相孔子,而子西畏其弟子之多才, 不鑒改之也。 古制,比東西尤密。 區區已立邑,此當今一大鄉而已。 深信者,而遜言其未純至者歟? 不言三子之非仁,而但言不知,蓋許其 猶言豈敢。一息之違,即已非仁,孔子 子之於仁,蓋已甚深,但仁道至大,孔子 長於外交。三子各擅專門,而孔子信許 順德數十萬家乃立宰,爲治太疏,不可 王之相率,有如子路者乎?」曰: 「無 如今吾粤縣、南海、 孔門爲經 故楚昭 世 千室 日 王欲 有 立宰

十,賜也聞一以知二。」曰:「賜也何敢望回? 回也聞一以知〇子謂子贛曰:「女與回也孰愈?」對

皆以十進。《易》之推數以陰陽,聞一知 萬有,含藴枝條,故有一必有十。 陰陽,互相對待,故有一必有二, 無所不悦,告往知來,是其驗矣。 二者,一之對也。顏子明睿所照,即始 愈,勝也。 腦筋極 明,有聞一知二之才, 億、兆、京、陔、秭、壤、溝、澗、正、載、極, 又,數名十,十而百,百而千,以至于萬、 身必有二手,二手必有十指,乃天然也。 而見終; 推一爲十之智,皆知來者。 知十之義也,孔子皆已包之。子贛之聰 皆見其細微條理。 正反對待,而顏子析之極精,隨聞一法, 二之義也,《華嚴》之推理以十, 精 細者不能也,况於一見而洞照 子贛推測而知,因此而 一,數之始, 蓋析推精微之理,非 顔子之睿知,有 但子贛推知 數 之終。 識彼, 道有 聞 理包

子曰:「弗如也。吾與女弗如也。」

世,少年而資地詣 包咸 不如之,蓋作述難易之不同也 知之質,實爲卓絶,故孔子謂 子贛、顏子之才分,而顏子聞一知十,生 俱不如者,蓋欲以慰子贛也。」 聖人素 ,且自遜 曰: 「既然子贛不如,復云吾與 言弗 如。 極,孔子自 蓋以 顔子睿 謂 子貢信 年亦 知命 不 知 t

也。

《詩·大雅·棫樸正義》,亦俱引作「彫」。 宋石經俱作「彫」、《漢書·董仲舒傳》、《論衡·問孔篇》、人也,聽其言而觀其行。於予與改是。」唐、「始吾於人也,聽其言而信其行, 今吾於土之牆不可杇也。於予與何誅?」子曰:土之牆不可杇也。於予與何誅?」子曰:《字予晝寢。子曰:「朽木不可彫也,糞

能言,而行不逮,故孔子自言,於予之事責也。言不足責,乃所以深責之。宰予志氣昏惰,教無所施也。與,語辭。誅,朽,腐也。雕,刻畫也。杇,鏝也。言其宰我,孔子弟子。畫寢,謂當晝而寐。

蓋昏沈爲神明之大害,故聖人尤以垂戒可見聖門教規之嚴。《易》貴自强不息,敏行也。畫寢小過,而聖人深責如此,而改觀人之法,所以深警羣弟子之謹言

「慾」字,則「慾」字必今文。 棖。」子曰:「棖也慾,焉得剛?」《説文》無〇子曰:「吾未見剛者。」或對曰:「申

《易》首《乾》,爲 知,其爲人得 也,多嗜慾則不得爲 禮殿圖》作儻,音皆相 子傳》作堂,漢《王 剛,鄭氏曰: 爲至德,鼓動萬物皆賴剛强之德,若 者疑以爲剛,然不 「申棖,魯人,孔子弟子。」棖、《史記 蓋天以 行健 非悻悻自 「强志不撓也。」包咸 剛 爲至德, 知此其 政碑》作棠,漢《文翁 德,剛健中正,純 剛矣。 通。 好好 人以自强不 所 者乎? 根之慾不 慾, 多 낈 嗜 • 曰 : 息 煞 弟 或 口

直名者 學在 之内。 浩氣, 嗜欲 者相 氣即餒 蓋能 則 明純清,氣自剛大; 慾,物至化物,故掩抑短氣,消沮于方寸 爲六 無慾。 勝物之謂 反 既 可塞於天地之間。 了其短 相 敗,神明消沮 極矣,故 發,則 無論如何强直之人,一 成而 蓋慾者純 在 不 日相爭。 剛 極 有 覺 ,惟不屈於物,故直 貴之。 嗜欲,則雖 柔 若魄純 屈 魄,剛者純 故周子謂聖人可 若魂純 一, 不 申棖 爲 得 勝 物 有 蓋 有嗜慾, 爲 者,嗜慾 勝者,神 累 剛 素 魂,二 剛 之謂 德 有 春 而 强

也。」 . () 子曰: 「賜也,非爾所及欲無加諸人。」子曰: 「賜也,非爾所及〇子贛曰:「我不欲人之加諸我也,吾亦

也。

半

剛,則爲中人。其魂魄相勝分數之多

純掩,氣

八已奄

奄

其魂魄

互

勝

者

··**,** 半

慾

寡

以

其

(慾剛之多寡,即爲人之高

子贛 典。 無 子而外,聞一 創之學派,而 遠,非子贛所及 至升平太平,乃能 則如幼童無保傅,易滋流弊,須待進化 亂,世尚幼稚,道雖極美,而行之太早, 公理,急欲推行於天下。 贛嘗聞天道自立自由之學,以完人道之 立自由,悖天定之公理,尤不可也。 爲天之生,人 孔子天道之傳,又深得仁恕之旨, 而 天下」,大發自由之旨,蓋孔子極深之學 無 各有界,若侵犯人之界,是壓人之自 加 諸 傳之田子方,再傳 剛 不 不 能自立,爲 人,不侵 德,天演 欲 人 之 知二,蓋傳孔子大同之道 惜 人 加 見 未至其 犯人之自立自 直 聽 也。 行之。 諸 人所加,是六極之弱 隸于天,人人自立 之, 我, 2爲莊 時 蓋極贊美子 人理 自 孔子以生當據 今去此 也。 立 周 則 子贛 言言 自 由 不可 時 也 由 在 世 自 蓋 贛 也 也。 自 宥 顔 聞 所 甚 ;

學。 精粗 者,世近升平,自由之義漸明,實子贛爲 至莊 説 之祖,而皆孔學之一支一體也 精,亦不過孔子耳目鼻口之一體 有小天地玩萬物之志。而謂 戲時,亦有駡祖之言,乃由於聞道既深, 不在。」其尊孔子者至矣。 於末度,六通四闢,大小精粗,其運無乎 萬物,和天下,澤及百姓,明於本 徧抑諸子,而推孔子爲神明 古之人其備 也 無 莊子傳子贛微 周乃 但以 所 不在 盡 未 發之。 乎 至其 ,則知一切皆孔子 故《莊 (時,故 配 妙之説, 神明, 多 子・天下篇 雖其徜徉游 醇天 聖 微 遺 孔子 言不 王**,** 粗 耳。 八地,育 數,係 之 本 而 發 創 末 近 取

文章,德之見乎外者,六藝也,孔子日以聞已矣」、《史記·世家》作「弗可得聞也已」。本、《漢書·眭宏》、《夏侯》、《外戚傳》皆引作「不可得而夫子之言性與天道,不可得而聞也。」高麗人子贛曰:「夫子之文章,可得而聞也,

子曰: 妙矣。 此。 教人。 天地,育萬物,和天下,澤及百姓,明于 矣」合參之,可想像孔子性與天道 微妙,不知如何也。 形容之。今以莊子傳其一二,尚精 之天,而開天之天者。子贛驟聞 之,萬物莫不有; 因小而小之,萬物莫不小, 傳。性者,人受天之神明,即 窮,時無止,終始無,故物無貴賤 之道。今莊子所傳子贛之學,所謂 也。天道者,鬼神死生,晝夜終始 不無。明天地之理,萬物之情,不開 而相賤。因大而大之,萬物 聲色化民末也,上天之載無聲無 子贛親聞 莊子傳子贛性天之學,故其 若夫性與天道 「古之人其備 大道,更得其全,其精 因無 此與《中 乎 則 而無之,萬 孔子 配 莫不 因 知 非 神 庸》 有 氣 而 其 明, 之 臭 大, 稱 所 美如 攢歎 物 丽 自 變化 量 人 孔 稱 深 莫 貴 魂 至 有 無

得一察焉以自好。譬如耳目鼻口,皆有 《禮》《樂》者,鄒魯之士,搢紳先生 天下大亂,賢聖不明,道德不一,天下多 《春秋》以道名分。其數散於天下,而設 明之。《詩》以道志、《書》以道事、《禮》 合矣。後世之學者,不幸不見天地之 自爲方。 悲夫! 鬱而不發,天下之人,各爲其所欲焉以 古人之全,寡能備於天地之美,稱神明 之士也。 所長,時有所用。 所明,不能相通。 於中國者,百家之學,時或稱而道之。 以道行、《樂》以道和、《易》 世傳之,史尚多有之。其在於《詩》《書》 其運無乎不在。」其明而在數度者 本數,係于末度,六通 是故内聖外王之道,闇而不明, 判天地之美,析萬物之理,察 百家往而不反,必不 猶百家衆技也,皆 雖然不該不徧,一曲 四闢,小大精粗 以道 一,多能 陰陽, 1,舊法 有

>)子路有聞,未之能行,唯恐有聞 《易》曰:「書不盡言,言不盡意」,天下 道闇而不明,鬱而不發。其尊孔子如 道 即夫子之文章可得 莊子所稱「明 之全,當推子贛、莊子之言而善觀之也。 之善讀孔子書者,當知六經不足見孔子 所至,若莊生者豈肯低首服人哉? 此,非有所傳於性與天道,不測孔子之 稱神明之容,又悲天下不聞性與天道, 尊孔子爲神明聖王,稱爲備天地之美, 肆恣精奇,而抑老、墨諸子爲一曲之士, 純,古人之大體,道術將爲天下裂。 不得其天地之純,各執一端,而孔子大 ,則小大精粗,無乎不 而在數度者,舊法世 而聞也。 在。 若性 以莊子之 與天 一傳」,

雪聰明之甚。記者摹寫其神志如此,可有聞。蓋力行之至神勇,雷霆精鋭,冰子路聞善即行,若未及行,則皇皇唯恐

無聞 知 恥 懦 其過情,義必有本也。 厉病 千載,德譽愈尊。」以聞爲聲聞,而 夫立志矣。 其 曄 曄。 韓愈《名箴 昔者子路,唯 恐 有 勿 病

文也。」 子曰:「敏而好學,不恥下問,是以謂之 〇子贛問曰:「孔文子何以謂之文也?」

難也。 朱子曰: 能如此 故諡法有以勤學好問爲文者,蓋亦人所 對,命駕而行。 之娣。文子怒、將攻之、訪於仲尼、不 子使太叔疾出其妻而妻之,疾通於初妻 室孔姞。其爲 人,性敏者多不好學,位高者多恥下問, 贛之所以 (亦足以爲文矣,非經天緯地之文 孔圉得諡爲文,以此而已。] 孔文 疑 「孔文子,衛大夫,名圉。 而 問 人如 疾奔宋,文子使疾弟遺 也。 此,而諡曰文,此子 孔子不没其善,言

也。

義。」
○子謂子産,「有君子之道四焉: 其行己

扈; 類。 謹恪 子産,鄭大夫公孫 以澤民,合於君子之道也 怨,則立法不行。 望高,則行己易驕; 有章,上下有服,田 凡才臣之有政治者,多短於道 也。 多爲國計,則剥民以逞, 惠,愛利也。 僑。 惟子産免焉,能克己 有封洫 矜功,則事上或跋 恭,謙 使民義,如都鄙 ,廬井有伍 遜 也。 畏爲罪 敬 . 之

○子曰: 「靈平仲善與人交,久而敬之。」「齊大夫,晏姓,平諡,名嬰。」人新交則「齊大夫,晏姓,平諡,名嬰。」人新交則を敬,久則狎昵,嫌疑易生。惟平仲久交敬,久則狎昵,嫌疑易生。惟平仲久交。」○子曰: 「晏平仲善與人交,久而敬之。」

器》: 文,諡 丈, 奢麗。 雕鏤。 刻, 《春秋傳》所謂作虚器,即此事也。 者,梁上楹,畫爲藻文,言其奢侈。」《禮 子不以爲知也。蓋孔子雖敬鬼神,而 宇亘雲,雕牆畫藻,户牖洞窗,分寸皆 皆然。吾遊印度,見諸數千年大廟,峻 務民義,而諂瀆鬼神如此,安得爲 廟飾也。當時以文仲爲知,孔子言其不 室,而刻山於欂櫨,畫藻於棁,爲天子之 居蔡,僭也。 龜,出蔡地 包 人最尊鬼神,故太古事鬼神之宫,窮極 咸 瓌怪驚人。羅馬之教堂,高 日 也。 德國之教堂,搆工八百年,皆窮 自埃及、波斯、希臘之大廟,莫不 勞民 「家不寶龜。」臧文仲爲藏龜之 : ,因以 居,猶 事神,此亦臧文仲之比,孔 節者,栭也,刻鏤爲山。棁 文 爲名焉。長尺有二寸。 藏 仲,魯 也。 大 蔡,國君之守 夫 臧 孫 知? 四 蓋愚 辰

份民義爲主也。

喜色; 曰 : 以告新令尹。何如?」子曰:)子張 子張疑其仁。 形,公爾忘私,國爾忘家,其忠盛矣,故 字於菟,佐莊王以成霸業。其人喜怒不 令尹,官名,楚相也。子文,姓鬭,名穀, 理,宜孔子不許其 問仁人,問猶不可,况於伐乎?」 不爲也。 與其君伐人之國,殘民 權,其事 故而黜,新令尹爲 新令尹者,則以辭 人,忠於其國,則誠然,若仁,則關 「仁矣乎?」曰: 問 三已之,無愠 日 非難。 昔柳下惠 「令尹子文三仕爲令尹,無 然其所以三仕三已而告 既 仁也。 非 其 官出於自請,而 色。 日 「未知,焉得仁。」 盡 所舉,而 出 以逞,此仁者 舊令尹之政,必 於無 一吾聞 非他 「忠矣。」 私 伐 亂 於公 黨 非 世之 國 且 不 所 日 無 乘

高子弑齊君,陳文子有馬十乘,弃而違

之,之至他邦」。 也。」違之。之一 **高子也。」違之。** 棄」,唐石經作「弃」,即古「棄」字,今從之。皇本作「違 至 「仁矣乎?」曰: 於他邦 邦,則 何如?」子曰: 則 日 又曰: 「未知,焉得仁?」 猶 吾 大夫 猶吾大夫 「清矣。」 高

潔也。 須無。 宋翔 傳》,齊崔杼殺高厚於灑藍,從君 也。」蓋歎 也。 齊君,莊公,名光。 之世臣,當先討 崔杼之弑君,當以高子爲是。高國爲 左氏乃僞古,固 君,雖《左傳》以爲崔杼,然古事不可知, 高官將相長吏,猶吾大夫高子也。」 弒 鳳《過庭録》曰: 王充《論衡》曰: 十乘,四十匹也。 重賄,人所難棄,文子輕之。 「魯讀崔 列邦執政無不從君於昏者。 賊而不能。《襄十九年 |相應不可信,今從魯。 爲高」,則崔子乃古文 陳文子亦齊大夫,名 「他國不必皆如 「仕官爲吏,亦得 違,去也。 齊 齊

> 許其清 害甚大,能如文子之棄官潔身,不預亂 救君國,此則孔子之所期望者夫? 事者,吾見亦寡矣。若夫捨身成仁,以 預 節 亂 返 而未 許其仁。 丽 未 未 能 聞 討 然變亂之際,利 君 賊 IE 之 舉, 國,故孔 則不 调

「思」字,今從唐石經。諸葛恪引作「再思」,皇本「再思斯可矣」,則「再」下必有思可矣。」何本作「再斯」。唐石經作「再思」,《吴志注》○季文子三思而後行。子聞之,曰:「再

如此,可謂詳審而宜無過舉矣。而宣公 故夫子譏之。」朱子曰:「季文子慮事 篡立,文子乃不 禮以行,亦其一事也。 鄭氏曰:「季文子,魯大夫,名行父。」 至于再則已審,三則私意起而反惑矣, 之人,未嘗知有思,有思則爲善矣。 每事必三思而後行,若使晉而 ,豈非程子所謂私意起而反惑之驗 能討 ,反爲之使齊 程子曰: 求 一遭喪之 「爲惡 而納

多思之爲尚。」 與? 是以君子務窮理而貴果斷,不徒

愚。其知可及也,其愚不可及也。」 〇子曰:「甯武子邦有道則知,邦無道則

雷武子,衛大夫,名俞。按、《國語》武子 雷武子,衛大夫,名俞。按、《國語》武子之 以濟其君,此其愚之不可及也。 成公 無道,至於失國,而武子周旋其間,盡心 以濟其君,此其愚之不可及也。 成公 出所深避而不肯爲者,而能卒保其身, 以濟其君,此其愚之不可及也。 成公 道主仁,不貴知巧,而重愚忠,第武子

也。吾黨小子,指門人之在魯者。狂,此孔子周流四方,道不行,而思歸之歎記・世家》「不知」上有「吾」字,皇本「裁之」下有「也」字。小子狂簡,斐然成章,不知所以裁之。」《史小子在陳,曰:「歸與! 歸與! 吾黨之

治。 假犬之雄猛善發,喻志大言大者。簡, 《史記》: 之,則流人異道,故欲歸而裁之。 遠志高才通學,但患過中失正,無人 就後學以傳道垂教。追念故國門人,多 方,欲撥亂反正,以實行升平、太平之 有可觀者。裁、割正也。夫子 大也。 斐, 文貌。 定公卒後,孔子將六十時矣。 簡」,進取不忘其初。」此蓋今文家叙,在 日 强,更伐陳,及吳侵陳,陳常被寇。 孔子 不行而思歸,爲孔子傳教之大事也 至是在陳,終無所遇,乃歸决,欲成 「歸歟! 「孔子居陳三歲,會晉、楚爭 歸 歟! 成章,言其文 吾黨之小子狂 周 **/學** 此道 流

希。」(一句美、叔齊不念舊惡,怨是用)(一子曰:「伯夷、叔齊不念舊惡,怨是用

《少陽篇》,姓墨胎,夷名允,字公信,伯夷、叔齊,孤竹君之二子。《釋文》引

爲不念舊惡也。」 虎,南齊王廣之之善待皇甫肅,史皆以 夷、齊不念宿怨。若魏房景伯之待劉簡 先祖連州府君曰: 惡其人。 惡如 稱其 如天,圓照如鏡,人未有怨天恨鏡者也。 與鄉人立,其冠不正,望望然去之,其嫉 亦 不甚怨之。蓋夷、齊惡其惡,而非 此。然其所惡之人,能改即止,故 不立於惡人之朝,不與惡人言, 致 字 如雷霆之發,過而無留,空洞 公達。 恐後 「舊惡,宿怨也。言 人所附 孟

《散主,生, 高,名,魯人,素有直名者。乞諸其鄰而與之。」(子曰:「孰謂微生高直? 或乞醯焉,

死事,蓋亦諸子,之盛名者。醯,醋也。《淮南》并載尾生與女子期不來,而抱柱晦。《國策》「信如尾生高」。《莊子》、[尾]與「微」通。《漢書》有尾生高、尾生微生,姓, 高,名,魯人,素有直名者。

從可知焉。又有微生畝者,嘗譏孔 無,曰直。委曲應人,有意徇物,不得 人來 微而斥之,無俾惑衆也。 巨子,立信直以爲行義者。 佞,而孔子疾其固。蓋微生亦當 乞時, 觀人於其一介之取予,而千駟 夫是曰是,非 . 其 家 無 .. 曰 有,故乞諸鄰家 非,有爲 孔子窺其隱 有 時 子之 創 無 萬 以 教 鍾 爲 與

劉歆僞 子。 子没後 八世 《公》、《穀》計。 左丘 世之學,在《春秋》,皆弟子親傳 百 子前輩,否亦孔子同 書末僞篇中。 當分别考之也。 所撰《僞經考》。 非傳經,又不在七十子之列,其詳見吾 爲古證於諸經,因竄丘明名於此,以著 年猶 劉歆僞古文可斷矣。 孔子稱其 孫 好惡與聖人同,以惑後 編《左氏傳》以攻《公》、《穀》,徧 ,在孔子没後 七十八年, 在乎? 盛德,而 即老 **豈知左丘作《國語》,而** 《論語》如此 非齊、魯之舊,應删附 田 和 九 壽 時 篡齊。 十五 蓋孔子改制,三 自 人,何得 亦安能 稱 年,既 名,當 "僞文甚多, 人,以爲攻 和 其口説。 爾? 後 爲 孔子 爲 非 敬 弟 孔

敝之而無憾。」顏淵曰:「願無伐善,無施志?」子路曰:「願車馬衣裘與朋友共,○顏淵、季路侍。子曰:「盍各言爾

無「輕」字、《釋文》、·皇、邢疏無「輕」字。 「輕」字,後旁注,「本《管子》語」。《北齊書·唐邕傳》引「老者安之,朋友信之,少者懷之。」唐石經無勞。」子 路 曰: 「願聞子之志。」子曰:

外來」是也。 惡棄 施,矜詡有德色之意。《孟子》「施施從 恨也。伐,誇也。 盍,何不也。裘,皮服。 友與之以信,少者懷之以恩,此明大同 有功而不德」之義。老者養之以安,朋 氣,所謂「天下爲公,不獨親其親,子 同其勞苦,所謂「力惡其不出於身,不 人同其財物,故以車馬衣裘與人共,「貨 能行於時,欲與二三子行之。子路願 而有志焉。」蓋孔子之志在大同之道,不 之道,乃孔門微言也。《禮運》孔子曰: 「大道之行也,與三代之英,丘未之逮, 地,不必藏 孔子與 即《易》曰: 於己」也。 善謂有能,勞謂有功。 如 同 敝, 「勞而不伐 顔子 體 壞 同 也 ,願與 **, 胞、同** 龃

有妒心、忮心, 勞,則有驕心、責報心; 險心、殺心,無所不至矣。故大同,必 則生貪心,合貪吝心,則生鄙心、詐心、 始,粒餱以愆,豆觴致訟,先自有吝心, 雖有精粗小大,而其 能捨財物始,先絶貪吝之根,乃可人大 於微言見之。 盡行,而孔門遠志,則時時行之,故往往 大同者,孔門之歸宿,雖小康之世,未可 世也。人各私其家,老其老 始,絕去驕妒責報之根,乃可入大同之 心、仇心,遂生殺心。故大同必自忘勞 同之世也。人心之壞從矜伐始,伐善矜 谱天下人各得 多畛域 其幼而不及 所 ,彼疆爾界,各不相顧,則智**愚** 終, 蓋人道之爭,先從貨物 壯 其 有 不報之,則生仇心。妒 人之幼。 欲,各得其所。 所 志在大同則一也。 用, 幼有 與己等者,則 而 欺 所 不及人之 詐 長 i 其交, 也 自

> 化。 有一 遠 私其家之事,乃可成大同之道也。 由 一,相隔 弱 成公德,合天親,致平等,共進化,故 夫不得所,傷聖人之心,害大衆之 故大同必老安、少懷、友信,絕去僅 日絶。 不 肖, 貧 人道多偏枯,多險詖,無 富 貴 賤 苦 佚 相 去 日

自訟者也。」 〇子曰:「已矣乎,吾未見能見其過而内

者,則與人訟。凡訟,盛 曰: 深切,而 自訟者, 人有過 自責。」内自訟者,己不言而 包咸曰: 魄所侵犯凌辱,則亦應訟於内,以 貸者,求必 而歎之,其警學者深矣。先祖 「凡人與人交,爲 而 能改必矣。夫子自恐終 爲尤鮮。 能自知者,鮮矣,知過 勝 「訟,猶 而 後已,至魂與魄交,内爲 能内自訟, :責也。言人有過莫能 人所 氣至怒,必 心 侵犯 連 則 自攻也。 州 其 而 不 凌 不 得見 悔 能 府 犀 悟 内 君

焉,不如丘之好學也。」 〇子曰:「十室之邑,必有忠信如丘者

異,在傳學與不傳學也, 聖人與常人與"人人", 質好學,則窮極天人,而爲神聖, 恃質 質好學,則窮極天人,而爲神聖, 恃質 質好學,則窮極天人,而爲神聖, 恃質 也皆有,成就與否,則視學與不學。美 地皆有,成就與否,則視學與不學。美 此爲恃美質而不好學者進也。十室,小 此爲恃美質而不好學者進也。十室,小

知之神,亦自學來耳。極,則神明變化,無方無體,至聖而不可之殊,在學之至極與不至也。 學之至

論語注卷之五終

之五終

論語注卷之六

南 海康有爲學

雍也第六 皇《疏》言,古《論》以《雍也》爲第三篇, 本矣。篇内第十四章以前,大意與前篇同。 本不足據。足見古《論》之多變異,而前儒亦有知爲僞 此僞

簡,無法度之可守,不可行也。

神明疏

煩而民不擾。若先自處以簡,所行又

則清明在躬;

丽

行簡以臨民,則事不

之辭。簡者,不煩之謂。言自處以敬

清静爲治,非不可也,而無敬以直内,則

放若伯子,蓋近老氏之道。執簡御繁

二十八章

行簡, 敬而行簡,以臨其民,不亦可乎? 伯子。子曰: 〇子曰: 無乃大簡乎?」子曰: 「雍也可使南面。」仲弓問 「可也簡。」仲弓曰: 「雍之言 居 簡 子桑 「居 而

以

重,有人君之度

也。

可獨

南面者,人君聽治之位。言仲弓寬洪簡 爲不衣冠而處,《楚辭》所謂桑扈贏 子桑伯子、《説苑》 學與老學之異處。仲弓蓋未喻夫子可 夫,從政皆斗筲。言其稱也,荀子稱聖 孔子可素王; 論位,但較德。 仲弓之寬洪簡重,才德可以君人。《書》 包咸曰: 字之意,而其所言爲至理,故夫子然之。 無整齊嚴肅以爲正修齊治之本,此即儒 「日嚴祗敬六德,亮采有邦。」孔門 「可使南面者,言任諸侯。」言 苟有其德,仲弓可南面 苟無其德,桀、紂

行。 子,近於自由者。可者,可取而 琴張爲友。 即莊周 (所稱子桑户者 又作事,蓋亦當 ,與孟子反 時 創 未盡善

七六

得勢,與孔子同尊之至矣。稱仲弓,蓋荀子尊其本師,亦見仲弓宜人之不得勢者仲尼、子弓是也。以聖人

字,「則」字連下讀。」按「亡」字義複,或當作「無」,則可通字,「則」字連下讀。」按「亡」字。《釋文》:「本或無「亡」也。」皇本「問」下有「曰」字。《釋文》:「本或無「亡」也。」皇本「問」下有「曰」字。《釋文》:「本或無「亡」中。」「有顏回者好學,不遷怒,不貳過。曰:「有顏回者好學,不遷怒,不貳過。曰、「有顏回者好學,不遷怒,不貳過。

時,尤難治也。 滯。 爲精 遷,移也。貳,再也。 結,往往過分,如風雨交加,不擇而 克己之學。蓋人生而有魄,陽曰魂,魂 短命,顔子早卒也。不遷怒,不貳過,皆 善未嘗不知,知之未嘗復行,故不貳過。 動以理而 待氣過而後已。 故七情之發,卒動於血 爽,則神明,魄爲氣質,則粗濁凝 不動以 氣質或本於先天,或根 氣,故不遷 而七情之中,怒之發 怒在物而不 氣,揚奮 怒 在己,

降伏其心。王陽明稱去山中賊易,去心 學,專就克己言之。 媸各付,而本體不動,如日運行,拒力 侵,光靈常耀 養備至,圓明淨照,不介毫釐,纖 則改變難而 於父母,或感於地氣,或成於習俗。 神明之粹精,乃爲人道太平之根。令人 裹精粗而一之。然治世究爲粗跡,若養 中賊難。孔子之道,内聖外王,原合表 可也。天下之學甚多,而孔子之稱 亡,蓋哀惜顔子之至,讀者勿 顔子新喪,孔子愛惜最深。言今也則 由好學之篤。七十子并皆高才好學,但 之發,及其存養之純,雖其天姿之高,亦 大,熱光常發,而掩蝕難 |濁滯,則 神明清粹,則人種自善,而一切治法 物欲 洗滌不易。 如鏡照物,光明自在,妍 感 而過失易生; 佛氏之總旨, 惟神明極清,存 侵。凡其神明 以 **公辭害意** 拘 垢不 在 既 其 好

七八

能。 歲也。 相近。 語》以顏子卒在伯魚後。伯魚卒時孔子 按、《家語》以顏子三十二歲卒,惟《論 以 故天喪之痛,與天祝道 年六十九,則顏子卒時孔子年已七十, 積磨礲,浸潤所至,實非一時好學所强 顔子之不貳過,則已優 可 有 顗皆以顔子爲年十八,《三國志》孫登 去。 自 以短命,故而附會之也。 顏子年未至三十三,則王肅《家語》亦 孔子姑就哀公好學二字答之耳。 來。 惟《列子》、《淮南》、《後漢書 故孔子之重 顔子少孔子三十歲,則亦應四十 豈天命亞聖,以神童逝 養神 入聖域,經累生, 窮並 明,尤 稱,必其 甚 也。 耶? 亦 郎 時

馬,衣輕裘。吾聞之也: 君子周急不繼之粟五秉。子曰:「赤之適齊也,乘肥「與之釜。」請益。曰:「與之庾。」冉子與〇子華使於齊,冉子爲其母請粟。子曰:

富。」 禄也。 使 鄉黨。 斗。 肥馬輕裘,孔子言子華富,不必增益,非 庾通。乘肥馬,衣輕裘,言其富也。 日 十六斗。」《聘禮》記,十六斗曰籔,十籔 子華,公西赤也,孔子弟子。 使,爲孔子 子原憲爲家宰。思,憲字也。粟,宰之 冉子之多與也。孔子爲魯司寇時,以弟 窮迫也。周者,補不足。繼者,續有餘。 使,義也。 言常禄不當辭,有餘自可推之以分鄰里 爲里,萬二千五百家爲鄉,五百家爲 其家,不待冉子之請。孔子知子華之 秉。 也。釜,六斗四升。包咸曰: 原 毋 思 毋,禁止辭。五家爲鄰,二十五 九百,不言其量,不可考,或以 鄭玄注曰: 蓋夫子之使子華,子華之爲夫子 爲 之宰, 以與爾鄰里鄉黨乎 且子華若貧,孔子早有 與 之粟 「籔之文作逾。」逾 九 百 辭。 以 爲

Ш

之神也。言人雖不用,神必不舍也。

施。 人用 其多,故又教以分諸鄰里之貧者。 未達,而自與之多,幾若孔子之吝矣。 凡 則 當受,貧者不必辭。人人問急不繼富, 所宜與,又非孔子之好施也。記者見聖 原思爲宰,則有常禄,思廉節太過,請 人不欲直 而 一, 而 此 富 不發揮之也。 公其 周急公財,皆大同之道,孔子無在 適當乎義,富者用之不必禄,職所 財有道,或必 不更富,貧不至貧,則 使之也 | 拒人,故與之少以將意。 財 於 鄰 一, 而 里鄉黨,而公産行矣。 與,或不與,非吝 冉子乃爲之請 財産均矣。 蓋 非 糴

勿用 子謂 正中犧牲也。 赤色。 仲弓曰:「犂牛之子騂且角 川其舍諸?」 周人尚赤,牲用 用,用以祭也 騂 角。 山 川,山 角, 雖 周 欲

> 《論衡 先師 漢人 舜神,伯牛寢疾,仲弓潔全,顔路庸固, 弓父也,孔子合其名字而呼之。 也。」 仲弓父子爲孔門高弟,兩世德行之科, 之甚。今據漢儒今文家説以 也。 潔全,神必見祐,必不因父疾而 疾,乃美其有賢子以慰之。 明仲弓才德 義。蓋伯牛有惡疾也,孔子歎息伯牛之 回傑超倫,孔、墨祖愚,丘、翟聖賢。1蓋 馨香薦升,無與倫比,不因惡疾而少損 「冉耕歌其芣苢。」耕、犂、牛三者名字同 相 朱子説,謂仲弓父賤行惡,蓋不考 朱 自紀篇》曰: 九 傳如此。 江 先 生 曰 劉 : |峻《辨 「鯀惡禹聖,叟頑 犂,伯 命論》 正之,以見 牛 棄 名,仲 於世 曰

則日月至焉而已矣。」 〇子曰:「回也,其心三月不違仁,其餘

三月,言其久也。不違仁,無纖毫佚慮

資力純 循勉强 常 况 朋思 無間 私 味此 雖欲堅苦力持,然一刻之間,萬念紛起, 聖門七十子皆高賢,然神明 可 開 舍亡之生熟。 十子之不可及,非獨顔子也。 一日,或至一月,不能若顔子之久矣。 惺 欲 以 口言 專養 `,自爲聖人矣。 日乎? 憧憧 惺 也。 互. 章,知孔子之學爲何學也。《大學》 所能 1明明 至,假以壽命 證 神明光 少 而 神明,比較 ,能力持數刻,不違仁已大難 有 至 知所嚮往矣。 德、《中庸》開口言尊德性, 學者試 凡馳 ,在存養至熟,涵 私 炯,純 欲 心於外學粗跡者,玩 佚 ,存養再熟,即渾 自餘七十子,或至 返照内觀,當知 功候之深淺,操存 慮,即 固 至 矣。 間 内功,非持 此聖門教 斷 游 此顔 自然。 矣, + 伙 子

曰:「由也果,於從政乎何有?」曰:〇季康子問:「仲由可使從政也與?」子

南魯北

境上。

季氏以費數叛,慕閔子

歲,魯人。費,季氏

邑。

汶,水名,

在

齊

本「賜也達」、「求也藝」兩「曰」上有「子」字。 與?」曰 從 賜 政 也 乎何 口 使 有?! 「求也藝,於從 從 政 也與 曰: ? 求 티 : 也 政 乎 可 賜 何 使 '有?」 也達,於 從 政 也 皇

藝,謂 足以云? 矣。 然,則大智洞照,觸 重 經邦,無所不可,於區 决斷。」三子各擅所長,此三長以之立教 從政,謂爲大夫。達,謂通於事物之理 金 多藝 剛。 多 才能。 通 至通 蓋 明 果則勇猛 ,亦扶助大道之器也。 達事物之理,得 包咸 處 E. 區從 皆破,絶 精 進,故 「果,謂 國之政, 例佛氏 其 無 果 所 障 敢 IJ 最 何 礔

二字,《史記》同 上矣。」《釋文》曰: 善爲我辭 季氏使閔子 焉 ! 騫爲費宰。 如有復我者,則吾 「一本無『吾』字。」鄭本 閔子 騫 無 必 「則吾 在 曰 汶

閔子騫,孔子弟子,名損,少孔子

+

五

八〇

斯人也

|而有斯疾也!」《史記・弟子傳》曰"

「亡之,命

矣

| 夫!

斯人也

而

有斯

疾

也

ţ

孟

華之風節也,亦庶幾汶上乎?

牛

有疾,子問之,自牖執其手,

曰 :

之齊。 使者善爲己辭,言若再 肯仕於權 欲 閔子治之。 閔子爲德行高選, 門。 惟盛 閔子 名爲 不 來 (累,辭 樂 欲 召 道 我 臣 一忘勢, 季氏 避 則當去 頗 難

也夫

斯

人

也

而

有

斯

疾

!

命

也 夫!

或

是

别

是

婉,其 氏附益 於中止,於是子路不得其死 則取 勝之仰 人麥孟 弟子,拔茅彙進。」使知 之人。」袁兩欲 教 介育總 禍 過人遠, 華孺 矣。 藥 ,柔則受辱。 袁 長,不受,梁啓超 若閔子先幾之决, 博,短命 世 而 凱與先 高 見之,即 若誤 風 死 猶 生 弟 矣。 電 可 子 見 拂 袁世 味 屬 中 日 繁 衣 冉 : 焉 焉 亦 而 維 出 有 凱 辭 有), 則 京 吾門 爲 避之 河 欲 不 乃 難 季 可 用

众於王 莽,任之佯狂 於公 孫 剛 約言。

伯 命,謂 遷 牖執: 能謹 牛 南 曰: 乃有之,是乃天之所 也。」 所 甚。」 伯 而 命 子》以 其 於南牖 家 牛 謂 牛 痛 也 ,孔子弟子,姓 室 议 疾,而 凡善 其手也。」伯牛爲德行之高選,蓋 世 有德,不應有惡疾,而竟有之,是天 惜之,與之永 《孝經緯》言三命曰: 知其 牛有惡 此 所 包 命。 爲 而 褿 下,使君 造,而今受之,故雖大賢不得 人 咸 癩也。 無 自 有 尊孔子,孔子 而 曰: 言此· 可奈 以 牖 疾,不欲見人,故孔子 遭惡命,惡人 致之,亦可 執 得以南 人不應 居 訣。 其手,蓋 冉 何,而安之若命。」 再言之者,痛 北 命也,然 名 牖 耕, 命謂天命,莊 面視己。 木 有 下 ,見矣。 有 · 敢 與 此 圃 君視 則 惡 永 當當 疾 得 善 非 疾 訣也。 善命 其 時 之 *,* 惡 惜 而 包 則 今 不 伯 愛 從 咸 不

免也。

賢哉,回也!」飲,在陋巷,人不堪其憂,回也不改其樂。〇子曰:「賢哉,回也! 一簞食,一瓢

乎 ? 孔、顔 簞,小筐。 食,飯 欣,亦不知貧之可憂,偶游人境,固不足 國 佛氏所謂地獄天宫皆成佛土,其類 爲累,境遇不能相牽,無人而不自得也。 改其樂。 貧如此,而樂道自娱,不以寠空爲憂 累也。 ,神明超勝,往來 故孔子再歎美之。 樂處。 蓋神明别有所悦,故體 蓋天人既通,另有 也。 無 飘,瓠 礙,既不知 周子令人尋 也。 建 顔 富 魂不足 德之 子之 之可 此 而

畫,能進而不欲。畫,界也,如畫界以自朱子曰:「力不足者,中道而廢。今女畫。」」曰求曰:「非不足者,中道而廢。今女畫。」

限 故孔子勉而進之。 限,是先有退 盡 其力而 也。」如 求 篤 之,無 於説 志,非真説也。 道 有 一,則 止 如好 境。 貨 冉子性退 今自畫界 好 色, 竭

儒墨並 儒 氏之儒,有孟 學篇》曰: 人名儒者,猶從墨之人名墨者。羣 教名。故教名儒教,行名儒行,從 儒,墨子之名爲墨同。墨子則即 制創教,老子之名爲道,與孔子之名爲 儒爲孔子創教之名。春秋時,諸子皆改 仲良氏之儒,有孫氏 死也,有子張氏之儒,有子思之儒,有 至孔丘也,墨之所至墨翟也。 自墨子之死也,有相里氏之墨,有 一稱者,不可勝數。《韓非子• 「世之顯學儒墨也。 一氏之儒,有漆雕氏之儒,有 之儒,有樂正氏之 自孔子之 儒之所 以 儒 墨 踵 以 **シ** 顔

之後 之諸賢,亦僅 子之聖統,假託 安知其爲君子小人耶? 故孔子教子夏以爲君子儒,無爲 儒、聖儒、賢儒、名儒、碩儒、魁儒、鉅儒・ 教名反没矣。惟儒中之品詣迥分,有大 稱爲以道得民。 教之跡,乃列儒於九流,以儒與師並列, 武者,而儒教爲孔子所創。 專攻孔子。墨子亦稱堯、舜、禹、湯、文、 爲儒,其弟爲墨。」如爲僧爲道之義,此 孔子創教至明。 相 之若此。後 君子儒也,小儒、纖儒、偷儒 言從教之人亦至 蓋子夏初從教爲儒時,孔子勉 ,儒分爲八,墨分爲三。」可知儒 氏 之墨,有 人 稱先儒。 不 周公,而滅 鄧 知 《莊子》: 可。 自此,儒名若尊,而 陵氏 儒 故墨子《非儒篇》 義,乃至從祀孔 之墨。 若僅 孔子改制 劉歆欲篡孔 ,小人儒也 儒 鄭 圃 故 人人緩 已,則 孔 小人 而 爲 創 廟 也 爲

> 從之。 本作「爾」。」然唐宋石經,宋本九經,岳珂本皆作「耳」,今本作「爾」。」然唐宋石經,宋本九經,岳珂本皆作「耳」,他公事未嘗至於偃之室也。」《正義》:「「耳」,他乎?」曰:「有澹臺滅明者,行不由徑,非乎?」曰:「女得人焉耳(子游爲武城宰。子曰:「女得人焉耳

守二 可知; 티 : 羽,孔子弟子。徑、《祭義》「道而不徑」, 業,退而修行,行不由徑,非公事不 惡,欲事孔子,孔子以爲材薄。 臺爲武城人,少孔子二十九歲,狀 氏之徒,其孰能知而取之。《史記》 必以爲迂,不至其室,人必以爲簡,非孔 正大之情可見矣。後世有不由徑者, 爲問。」如滅 不由徑,動必以正,而無見小欲速之意 蓋 武城,魯下邑。澹臺,姓,滅明,名,字子 小而捷者。 而無枉己 「爲政 非公事不見邑宰,則其 以人才爲先,故孔子以得 明者、觀其二事之小,而 徇人之私 公事,如飲 可見矣。 射讀法之類 既 有 已受 貌 以 以 楊 氏 自 其

大 其舉動之正大,風節之高,心術之仁,皆 至,則陳民間利病,而無干謁請託之私, 予去就,名施乎諸侯,蓋孔子南 苟賤之羞; 賢。朱子謂: 首以得人爲問,而 民之意少,亦非仁人之用心也。爲政 肯一詣有司,是又爲名之私多,而於 之利害亦隱情。 羞,若絶跡公府以爲高者,並民 可見矣。世之奔走權門者,既卑鄙之可 媚之惑。」 人,得人則利弊可知,是非可悉。 夫。 子游觀子羽於微者。 南 游 至 取人以子游爲法,則 江,從弟子 「持身以滅明爲法,可 惜已! 子游不以 自高名節 三百 非公事 奔 人, 走 間 派之大 者 設 齃 孔子 而 取 在 愛 切 邪 爲 不

孟子反,魯大夫,名側。 反,即莊周所稱策其馬,曰:『非敢後也,馬不進也。』」〇子曰:「孟之反不伐,奔而殿,將入門,

也。 異之。 消,天理日明,而凡可以矜己誇人者,皆 自揜 曰: 者爭歸恐後、殿者勇不畏敵,又有保全 時而忘也,若孟之反可以爲法矣。」敗 無足道矣。 敗而還,以 自同於人,可以進大同之道,故孔子 于馬之不進。 士卒之功,在人必誇炫其長,孟 孟 子 殿,鎮 ,反者 其 「人能操無欲上人之心,則人欲日 (功也。 是 後爲功,反奔而殿,故以 也,軍後日殿 然不知學者,欲上人之心 也。 勞而不伐,有功而不德 事在 伐, 哀公十一 誇 功 策,鞭. 也。 年。 奔, **並之反委** 也 此 敗 謝 氏 戰 走 軍 無

美,難乎免於今之世矣。」
○子曰:「不有祝鮀之佞,而有宋朝之

德,而好諛好色。有此佞美,則人愛悦。口才。朝,宋公子,有美色。衰世不尚祝,宗廟之官。鮀,衛大夫,字子魚,有

歎之。此蓋見衛靈公後有感之言。佞,乃可以邀寵免禍。非此難免,蓋深且但美而不佞,猶入門見嫉,必美而兼

也?」皇本「户」下有「者」字。

此孔子之道所以不可易也。道,人出不能不由户,極言不能離之意。異乎鳥獸道、鬼神道也。人行不能不由以爲道,故曰道不可離。蓋爲人道,而以爲道,故曰道不可離。蓋爲人道,而以爲道,故曰道不可離。蓋爲人道,而

當是古文,今不從。 質彬彬,然後君子。」「彬」、《説文》引作「份」,「份」 〇子曰:「質勝文則野,文勝質則史。文

質,或近於文,性各有偏,皆當損有餘補曰:「文質相半之貌。」蓋學者或近於而誠或不足也。彬彬,猶斑斑。包咸者,文多而質少。」蓋掌文書,多聞習事,包咸曰:「野,如野人,言鄙略也。史

質,此孔子意也。 三統,成德則宜文質兩雜,當令不忘本質之界。治世既主文,則務宜進於文明樂,斯爲中和,則成德矣。此孔子論文不足,令文質各半,以忠信之資,文以禮

免」二字。幸與直對。似確。 免。」皇本無上「之」字。《論衡・幸偶篇》引此,無「而○子 曰: 「人之生也直,罔之生也幸而

理也。 禍,天之道也。 其誕罔之人,幸逃禍 生者,是幸而免。」蓋直者受福,罔者受 完,順受其正,全受全歸,遂之於天生之 以能存,皆賴於直,康强 氣所賴以不滅。人交所以相信,人道 行,誕欺之語,人之神明所賴 心乃人性之本。 故人之生有忠信之心,是非之辨,故直 凡物之生,伏從旁折,人生則直立端正 包咸曰: 無險詖之心,詐僞之 「誣罔正直之道 純固,壽 以 純完,魂 丽 命 所 亦 克

詞 福 非分而得,可慶幸 與《論衡》引義「罔之生 加 君子居易 矣。 ,則小人僥倖所得, 豈爲福哉? 得全其生,乃出於僥 「德不 以 純 俟 而 命 也。 福禄 ,小人行險 今東人以福爲幸 並至謂之幸。」言 |也幸」同義。《晉 倖 耳。 《中庸 僥倖」, 蓋 失

如樂之者。」
〇子曰:「知之者不如好之者,好之者不

言,反

爲無益。

或未

介至其

時

而妄行,未

至其地而躐等,更滋大害,且爲永戒,雖

領受。

苟非其

人,則聞

之驚駭

~,輕洩

微

乃

能

至上之人能聞之,否亦須中人以上

光輝,之謂大也。 信, 樂之者充實,之謂美, 充實而有者可欲,之謂善, 好之者有諸己,之謂怡然理順,忘憂忘年,是樂之者。知之之矣,未樂之也。玩味深長,優游自得,

〇子曰:「中人以上,可以語

上也,

中

人以下,不可以 材而 盡人而教告之。 跡,如升平、太平之世,大同之道,亦 大精微,本末精粗,無所 孔子之道,本神明,貫天 愚外,皆中人也。 人之材性萬品,略區爲三: 篤,當因中人 語上也。」 然精義妙道,亦惟 如是者多,立教 之材性,而 不有。 地,育萬物,廣 自上 教語之。 即其 者 智 根 因 性 欲 粗

乎 合。 必 科亦各殊。 眩視,不食 天人之故而告愚人,則誨之諄諄 慮流弊也。 驚怪其言,若以 言,而初學菩薩無 之藐藐,終日言而 精義妙道,反因流弊而後不敢 1 因人强弱 此孔子之苦心救世,而無可如何者 行而死。 故人之材性各異,神聖之教 如大醫生藥籠無所不有,亦 而施之,惟其不同乃爲適 鐘鼓享爰居,必至悲憂 無聞。 聞,可證此也。甚者, 故聖人非靳於教也, 佛與諸大菩薩 行。 ", 而 若 聽 以

難而後獲,可謂仁矣。」 「仁者先而遠之,可謂知矣。」問仁。 曰: 「仁者先○樊遲問知。子曰:「務民之義,敬鬼神

而後其效之所得,仁者之心也。」古者好不可知,知者之事也。先其事之所難,專用力於人道之所宜,而不惑於鬼神之朱子曰:「民,亦人也。獲,謂得也。

也。 教掃 鬼神而不黷」,是也。先難者,克己濟衆 以畏民心,但敬而遠之。包咸曰: 縱惡,孔子又不欲爲之,仍存神道之教 鬼神者,即拂棄一切,則愚民無所憚而 事鬼神,孔子乃 人道,皆孔子之大功也。 然高 中國之不爲印度,不日事 除殆盡,故墨子亦攻儒之不 專務民義,於古之 談不 鬼而 明鬼 ·迷信 專言 「敬

動,仁者静。 知者樂,仁者壽。」 〇子曰: 「知者樂水,仁者樂山。 知者

也。

如機 明元定,如明鏡澄澈,粹然無欲,故静。 而安固好生,故樂山。智者才智迸發 流無滯,故樂水。仁者安於義 樂,喜好也。 而 軸 周 包咸曰: 流 轉運,不能自己,故動。 自得,故樂。 知者達於物理 「日進故動。」「性静者 静而 事 安固有常, 理,而周 理天命 仁者神

可偏闕也 ,孔子兩爲形容,學者實宜仁智兼修, 壽考。」 盡天下之美德,不外慈悲、智

〇子曰: 「齊一變,至於魯; 魯一 變,至

於道。」

《漢書 從簡 術矜功名,舒緩闊達而足智。其失,夸 之時,齊强魯弱,孰不以爲齊勝 其變而之道 所志之道也。 其民好學,上禮義,重廉恥。道 之水,其民涉度,幼者扶老,而代其任。 奢朋黨,言與行繆,虛詐不情。」瀕洙泗 術,尊賢智,賞 然魯猶存周公之法,齊由 齊、魯有太公、周公之餘化,太公大賢 ,尚功之治,太公之遺法變易盡矣。」 治 地理 法三世之進化也。 有難易。 言二國之政俗有美惡,故 志》: 有功,故至今其土多好經 「太公治 程子曰: 桓 公之霸,爲 包咸曰: .齊,修 ,則孔子 「夫子 魯也。 道

子曰:

同也。 逮。 撥亂 可使如 周 運》稱大道之行,與三代之英,丘未之 俗急功利,有霸政餘習,純爲據亂之治。 次第進化,由據亂而升平,由升平而 魯差重禮 志之久矣,故望之當世,惟齊、魯二 能 公聖人,今其政教 世 而有志大道者,大同之道也。孔子 變,則可進至太平、大同矣。《禮 孔子期望之殷至矣。 一雖變,僅至小康、升平,小康、升 魯,魯 教,有先王遺風,庶近小康。 可 使如 大道行之時。」蓋 雖衰,若能興之, 國可

之實。 爵,二升曰觚,三升曰觶,四升曰 禮樂,皆有名無實,萬事隳壞,披書按圖 實,觚哉,觚哉,言不得爲觚 升曰散。」是 酒器。 孔子正 「觚不觚,觚哉! 《韓 時 詩 觚 名之學,不 制,已變觚之形,失觚 外 傳》曰: 觚哉!. 欲其有名 也。 蓋 衰 無 世

亡也。 預禮 物以 觚哉之歎,而憂中國之禮,名存而實已 馬矢盈地,人無赴宴者,衙役攘之,不勝 則 可 亦歎有名無實之意,義同 部 見 觀 鹿鳴宴,則蓆棚木豆,案傾器乏, 或説觚,棱也,破觚爲圜,則不觚 其 餘 實 也。 求 真 鄙 則 人常習禮 盡 失,故 ,及釋褐, 即 觚

「仁」下有「者」字。「其從之也」「也」皇本作「與」。 逝也,不可陷也, 可欺也,不可罔也。」皇本其從之也?」子曰:「何爲其然也? 君子可以令我問曰:「仁者,雖告之曰『井有仁焉』,

才,聞孔子言仁而好之,慮悲憫之窒礙如《記》之《曾子問》是也。宰我智慧辨門多爲窮理之學,好談問難以求理極,門多爲窮理之學,好談問難以求理極,之所有。罔,謂除之以理之所無。蓋聖救。陷,謂陷之於井。欺,謂誑之以理謝隨之於井而救之也。逝,謂使之往謂隨之於片而救之也。逝,謂使之往

者。 益? 仁者雖切於救人,而不私其身,然 人。若先失己,人安能救? 必在井上 救人則難於自全,故佛氏有捨身飼鷹 甚難决。 行,孔子貴中而 而 也愚。」以仁爲主,當以智爲役,若但 之先尚有學焉,故曰「好仁不好學,其 不如是之愚也,不可陷,不可罔。 仁者 乃能救井下之人,若從在井中,同斃 氣,義當救人。 心,握聖權,乃能斷之。孔子以人己 天下事如此 不學,亦不可行也。 既己爲仁,勢必至此。 因 人則喪己,仁者當此,事 設 蓋仁者日事悲憫以救衆生,既 難 (類甚多,是非不易定,從 以 然必能救己,而後能救 可行。 窮 其 變。 佛、耶爲高 孔子與佛、耶之 惟孔 不 救 屬 子抉 兩 則 而 蔽 何 天 虎 違 同

▶ 「從之」,原作「之從」,據文意改。

異在此,學者可留心參之。

通。《後漢書・范升傳》引此作「叛」。「畔」,唐石經初刻作「叛」,後磨改「畔」。然「畔」、「叛」可以弗畔矣夫!」《釋文》:「一本無「君子」字。」〇子曰: 「君子博學於文,約之以禮,亦

好,要也。畔,違也。君子知欲無方,故約,要也。畔,違也。君子知欲無方,故約,要也。畔,違也。君子知欲無方,故刻,要也。畔,違也。君子知欲無方,故刻,要也。畔,違也。君子知欲無方,故约,要也。畔,違也。君子知欲無方,故约,要也。畔,違也。君子知欲無方,故

衛,南子請見,孔子見之。《吕氏春秋》、南子,衛靈公之夫人,有淫行。孔子至予所否者,天厭之! 天厭之!」

皆未之測,何况餘子? 悦。矢,誓也,所誓辭也。如云: 羣,故曰聖而 三世,故上下無常非爲邪,進退無恒 小康之道,故不能明。蓋聖人蹤跡 之舉動無不怪也。舊注以爲疑,亦泥 康之制,以爲男女不當見,尤疾淫亂 别隔。孔子以人權各有自立,大同 娶其夫人,故大饗廢夫人之禮,自是 人禮賓,如今泰西儀。自陽侯殺繆 道也。厭,棄絶也。舊俗男女相見,君夫 與崔慶者之類。否,謂不合於禮,不由 道,子路以夫子見此淫亂之人爲辱,故不 人,因疑怪孔子。蓋篤守小康者,見大同 相見,蓋特行之,故見南子。子路習 淮南子》、《鹽鐵論》皆言孔子見南子爲行 不可測之謂神。 子路、朱子 兼 第女 侯 非 聞 固 於 小 而 其 可

民鮮久矣。」 〇子曰:「中庸之爲德也,其至矣乎!

德。 名。 戛職 雅 行此中庸之道,因歎道久不行也。 别聲、被色行乎至庸,當其宜者以爲 中者,無過 (道,於長短、大小、廣狹擇乎至中,食味) 釋詁 至,極也。 秩,常也。」故《書》篇多以 而諸子紛紛創制,民各有所從,鮮能 無不及之名。 典 鮮,少也。 彝法則 孔子立教 刑 庸,常也。 範 典 矩 法爲 恒 至 爾

有「者」字。
「可謂仁之方也已。」皇本「如有」作「如能」、「衆」下欲立而立人,己欲達而達人。能近取譬,必也聖乎! 堯舜其猶病諸! 夫仁者,己如? 可謂仁乎?」子曰:「何事於仁!如? 可謂仁乎?」子曰:「何事於仁!

子不輕許人,乃窮極其量,欲以施與人民、濟衆生爲事者。子贛好仁,而以孔足也。博愛之謂仁。蓋仁者日以施人博,普也。民,人也。衆,物也。病,不

博濟衆生爲尤難。 且萬物 生,則非徒有仁人之心,必有聖人之才, 濟衆生,令一夫無失其所,一 得爲仁。 民,救濟衆生,廣博 印度人見蟻亦不忍踐,而 時,猶未能行人物平等之道 行之。堯舜爲民主之聖,人道太平之 至人物平等之時,太平世之太平,乃能 世、升平未能行之,須至人人平等之後, 有聖人之道,神而不測,乃可致也。 孔子欲行之於太平之後者,而子贛驟 民,乃孔子日欲行之,博濟 人,歲有虎狼之患,未能保民,何能躐 濟衆生之事,而 生,故猶病諸也。佛氏雖大仁,欲早行 濟衆生? 故太平大同之道,普救 並育而 孔子以仁爲施 相害,博施於民已極 時有未 .普徧,無所不及, 不殺衆生之義,亂 濟之理,若能 可,卒不能 衆生之義,亦 日 ·縱猛 物皆得 而戒殺 閣食 也。 放 庶 生

行之。 異形。 干。 身,以己所欲譬之他人,知其所欲 者之心。 遠,實未能一超直至也。 性,一 足痿痹爲不仁,此言最善名狀。 事而仁之術也。 是也,然後推其所欲以及於人,則 暇 己也。」愚嘗論之,天地萬物同資始於乾 己,何所不至? 若不屬己,自與己 天地萬物爲一體,莫非己也。 民 元,本爲一氣,及變化而各正性命,但 後愛物。 但推行有次,故親親 物 救物,故即身推恩,隨處立達,皆至人 有 如手足之不仁,氣已不貫,由 漚之與衆漚,異漚而 進化 如大海之分爲一温,漚性亦爲海 ·異。其生逢 譬,喻也。 孔子以理則民 有次第,當據亂之世去此 程子曰: 據 方, 術也。 而後仁民,仁 亂 物 推己及人,仁 只能 無 無異海 、殊,而 醫 救民,未 近 認 仁者 忽之 得 取 以 亦 . 不 不 類則 相 以 丰 猶 爲 爲 ΠÍ

> 與人 也。 人出。 諸心加諸彼,故推 以及人之老,幼吾幼以及 可行者也。 而 明,學者可留意焉。 行不忍人之政」,皆從己立立 恩不足以保妻子也」,「以不 止 八言之。 孔子言仁至多,不易體會,此章最 孟子專言擴充,真得孔子之傳者 此 非 立、達者、孟 仁者,二人相人偶,故 之志, 恩可以保 亦仁 子所謂「老吾老 . 之 一 人之幼」,「 忍人之心, 四海,不推 人,己達達 方, 就 而 推 今

論語注卷之六終

論語注卷之七

南海康有爲學

點對也。」
點對也。」
點對也。」
點對也。」

別三十七章《釋文》舊三十九章,失於
是六朝分「子路問三軍」爲一章也。盧文弨謂:「朱是六朝分「子路問三軍」爲一章也。盧文弨謂:「朱

我老彭。」○子曰:「述而不作,信而好古,竊比於

以老爲老聃,分作二人,蓋古文僞説。表》與包咸,皆以老彭爲一人。惟鄭氏秋•執一篇》、《世本》、《漢書•古今人时我。《大戴禮•虞戴德》、《吕氏春时我。《大戴禮•虞戴德》、《吕氏春时我之彰,祖述之耳。」孔子爲殷後,故包咸曰:「老彭,殷賢大夫,好述古事。

却觀未來,豫測無窮,故作撥亂之法,載 制法之狀。孔子仰推天命,俯察時變, 則孔子以不作、好古稱老彭,而劉歆增 比乎? 藉四代爲損益,而受命改制,實爲創作 平太平之法。故其言曰: 「文王既没, 之道。作《春秋》以明三統三世,撥亂升 升平。《禮》以明小康、《樂》以著大同: 之《春秋》。 秋緯》曰: 改「竊」字。 按,此竄改之僞古文也,雖 新王 繫《易》則極陰陽變化,幽明死 明太平。 文不在茲?」又曰: ·口説之《公》、《穀》。《公》、《穀》破而 |教主,何嘗 劉歆欲篡 删《詩》,則君主首文王,以 故先改《國語》爲左氏《傳》,以 原文或是「莫比」二字。《春 删《書》,則民主首堯舜,以 「天降」、《演孔圖》中有作圖 以述者自命,以老彭自 孔子聖統,必先攻改 「天生德於予。」雖 非全行竄入, 生,神魂 明

論語注

其説, 也。 制之義遂湮,三世之義幾絶。 微言絶、大義 語》爲世所尊信,因散竄一二條 運,皆劉歆爲之。 不著,而 廢於學官,二家有 跡也,今正之。 今古文異四 惑亂 中國二千年不蒙升平太平之 後學,茲罪之大,不可 乖。 百餘字,此即其竄 劉歆既亂羣經,以《論 書無 故自 晉世《公》、《穀 師 於 孔子神聖 是孔子改 以 改之 勝 附 誅 合

倦,何有於我哉?」 〇子曰:「默而識之,學而不厭,誨人不

默,寂也。 之已,則服 也。成性存存 德之靈,天人之際,不可以語言文字著 識,謂不言而存諸 而存之,獨證獨 雖然,斯道 膺 識,記也。 而 ,道義之門,神而明之,默 悟, 也 不 心也。 ·厭,教· 流流 靈明自得。 而 倦,勞止也。 人則無 不息, 性命之本,明 既已 合 類 同 而 得 而 不

無得,何有於我哉?化,我雖樂在其中,然實無聲無臭,無證

「也」字。 ○子曰:「德之不脩,學之不講,聞義不

德必 瑩。 曰: 切近 講學,鄙欲滋生,他憂將至矣。 不踰 俛焉日有孳孳,至於知天命、耳順、從心 多,則上達愈上; 强勉行道,則德日起而大有功。」 善能徙, 熏修 其修、講、徙、改無盡,其憂亦無盡 日省之要,不可 苟未能之,聖人猶憂。 ,斃而後已也。 「强勉學問,則聞見博而 而後日進,改過不 而 後成,學必 其改愈切,則磨 學者苟一 不留 講 習 意也。 吝,而 此四,學者 而 日不 知 後 其徙 益 明, 後 董 礲 明, 子 日 愈 愈 見

「申申」或作「伸伸」。 本作「宴」、《後漢・仇覽傳》引亦作「宴」、當是齊古文。 本作「宴」、《後漢・仇覽傳》引亦作「宴」、當是齊古文。 「燕」、鄭

九四

燕 中和,既不局促,亦不偷肆也。 舒,失之矣。此記聖人閒居氣象,備極 身齋戒,施教申申」,蓋約束義。夭夭, 申,整敕 舒也。《詩》「舒夭紹兮」。 居. 閒 暇無事之時。 貌。」漢《安世房中 顔師古日 或以申申爲 樂歌》:

見周公。」皇本「公」下有「也」字。《釋文》: 「本或無 〇子曰: 復」字。」 「甚矣吾衰也 ! 久矣吾不復夢

周公,欲以易孔子。故首以僞《周禮》託 周公,况至人無 尊文王,羣經皆不甚稱 耳。孔子包舉百王,民主稱堯舜, 之攝政王,孟子僅稱其兼夷狄、驅 衰,肌膚消也。按、《論語》一稱周公, 之周公,因 曰才美。 周公之盛德,不過 易》,則 稱爻辭 謂《儀禮》亦 爲 夢 子? 周公所作、《爾雅》又 周公,亦不 周 劉歆僞經皆 公所作。 類本朝開 甚 君 猛 託 但 慕 主 潤 國

> 孔子夢幻,特以尊 謂周 爲先師,謬甚 公所 唐時,乃 作, 徧徵 矣。 至 尊 此 其 周公抑孔子,蓋 周 文於 公爲 章既無 羣 先 書,以 大 聖 八義,託之 一,抑 劉 孔 證 子 成

)子曰:「志於道,

竄入之僞古文也。

諸子紛綸,又患惑於他途,而不得見天 子所定之道是也。 外王之道,而後有定向而不隳邪趨也。 立,則天下無可成之事。 志者,心之所之, 地之容,神明之美。 學者最患無志,志不 道者,身所當行。 故必志於孔子内聖 若既有志,則 孔

據於德,

庸》言「聰明睿智,寬裕温柔,發强剛毅, 神明之靈魂,魄之精亟,當服膺 德、《洪範》言三德,此天命性中之明德, 齋莊中正,文理密察」是也。 據者,持守也。 德者,人所自得。 皋陶言九 而弗失。 令中

教人者 孔子尤切 明 損隳 人所以異於常人, ,永永沉淪。 ,在此。 也。 若不 據守 有教 此則諸 人所以 而 教皆同,而 失之,則 異 於 神 無

一依於仁

於仁也 憫爲 依者,如人之有衣也,仁者,人也。二人 物,凡身行之道,心存之德,皆以 猶人之不可離衣也,故念念刻刻皆以悲 人之徒與,而誰 相偶,心中惻愷,兼 事。自親 其量無盡,其時無止,永永 蓋孔子之道德皆以 親 與? 而仁民,自仁民 愛無私 故人之不能離人, 仁爲主,故歸本 也。吾 依之而 非 而 . 爲 愛

「遊於藝。」唐石經作「遊」。

娱情性,外之以張治教。故藝者,亦人近之以應世務,遠之以窮物理,内之以有道德仁爲本,則學業才能亦不可缺。

子曰: 言 此 聖人不難,否亦不失爲聖人之徒矣。 次序有倫,莫若此章。學者於此,雖至 容於其 道之要 ,開張萬法,而本末兼該,内外交養· 四者皆爲學之要。 中, 也。 「自行束脩以 可以得 游者, 其 如 理 魚之在 《論 上,吾未嘗無 趣 語》記聖人之 而 水,涵 暢其生機。 泳 悔 從

覺有悔恥,人以束修,即可無悔,故以未者,存乎悔。言戒慎恐懼,内有不足,時束,約也。修,治也。束身修行,震无咎引虞氏《易》「慢藏悔盗」。

嘗無悔明之。

至於寡悔,則

不

逾矩矣。

焉。」鄭注:「誨,魯讀爲悔,今從古。」則「誨」是古文,

悔」是今文,今故改從「悔」。然「悔」、「誨」古通、《釋文

婦云: 先師朱九江先生 莽傳》『自 『臣結髮束修。』延 以 「束髮修身。」《鹽 束 初 修 東 爲 修』、《伏湛傳》『自 日: 年十五,與《漢 「《列女傳》秋 篤、馬援、杜 論》桑宏羊

修,迄 《少儀》《穀梁》所云束修,並以問人,不 之英才,聖人固樂教之。其次,則 也,今正之。」 先生從 後儒誤以解 以爲贄。惟婦贄乃 節』,義並 修守善,有所勸仰」,《王龔傳》『束修勵 吏』、《鄧后紀》『故能束修,不觸 「惟君 「圭璧其 身修行之士 劉般傳》『束修有行』,《胡廣 悔」通。以人之品詣至多,其中行狂 一義 蓋聖人有 束 恭 亦教 成於束 儉 行,束修 毁 修 同,字並與脩通用。 站上, 節 誨。 來請問者,聖人 此 · 知 」, 整」、《漢謁者景 修』,《和帝 教無 經,則大謬。 然 其 與 鄭 雨 幽 心』、《鄭均傳》『束修 以 類,其不 州 注 露 鄭 脯修,學者無之。 不能 刺 同。《馮 讀,以「誨」與 紀》『束修 史《朱龜 未 蘇 屑 古無是義 傳》『使束 若《檀弓》 君 嘗 羅 墓表 衍 教 網 枯 凡 不 傳 碑 良

> 雖 草,巧匠 望其有成 誨 何 . 'd 益 一不能 ? 也 雕已朽之木,荷 惟 必 有可施 教之地,而 無 志 向上, 後

三字。鄭注説「則舉一隅以語之」,則鄭本亦必有「而示 本、蜀石經、《文選》李善《西京賦注》「隅」下有「而示之」 之」三字。《集解》本脱,今補之。皇本「則」下有「吾」字。 而示之,不以三隅反,則不復也。」皇本、 子曰: 可 曰 : 用 道之深,微言之意並記。此欲學者勉於 思其 悱悱,乃後啓發爲之説也。 知其三。反者,還以相證之義。 意,發謂達其辭。 憤,懣也,心通而不能達。 悱、《方言》: 思之深也。 怒悵 力,以爲受教之地也。 ,誠意之見於色辭者也。 類,則不復重教之。」愚按,此爲大 「孔子與人言,必待其心憤憤 也」,口欲言 「不憤不啓,不 説則舉 物之有四隅,舉 而 隅以語之,其人 未宣。 ·悱不 程 ·發。 子曰: 待其誠 如 啓謂 此, 舉 鄭 開 則 口 其 隅 不 口 玄 識

之。 中人以下不可語上參觀之。 倒 悟,不能强告,强告之亦無益,故徐以 夫天人之際,性命之微,非 矣。」蓋道有盡 而 人 能 後 一歲,使天下人皆聞道成聖哉? 爾。」又曰: 有教無類,誨人不倦,豈不 告之,既 蓋教亦多術,不得不然者。 堅固, 待其 告之, 人可語,强 「不待憤! へ 憤 又必 悱 而 悱 待 後 人而告者,若 其 而 -候其 發,則 發,則知 自 得, 欲傾 漸 沛 有 乃 此與 Z 待 囊 證 然

日哭,則不歌。《論衡》引「歌」下有「也」字。 日」下有「也」字。《釋文》:「舊别爲章,今宜合前章。」)子食於有喪者之側,未嘗飽也。 焉。 臨喪哀,不能甘也。 於人,是日不樂」、《曲禮》「哭日 内,餘哀未忘,自不能歌也。 於此,可見聖人盡性之厚, 人道尚仁,必有厚性乃可學道 哭謂弔哭。 而 《檀 處 事 示 子於是 弓》「弔 歌。 日之 之宜 皇 本

> 軍 唯 成 悔者,吾不 一, 則 者 子 我 也 謂 與 誰 爾 顔 與?」子曰: 有 淵 與也。 日 是夫!」子路 必也臨事 用 之 「暴虎」 則 曰 行 前 馮 懼,好謀 舍之 河 子 則 行三 而 藏 無 而

搏; 能 遇,命不足道也。 尹氏曰: 謀,皆取敗之道也。 其謀。言此,皆以抑其勇而教之。 子路自負將帥之才勇,以行 忘 師之要,實不外此。 夫子若行三軍,必與己同。 時,用之能行, 道 用之而尸位素餐,覆餗折足。 一,則進 夫 下。 之。」萬二千五百人爲軍,大國 馮河、徒涉。 不 卷舒 「用舍無與於己,行藏安於所 · 見 用 自在,進退裕如,非 可 即嗟 援 顔 懼謂敬其事,成謂 天下,舍之能藏 驕 子幾於聖 無 窮 經 師 怨上。 世 僨 之才, 事,勇將 軍自許,意 無養 暴虎, 干 然行 魂 進 則 軍。 徒 亦 之 大 寡 定

無「亦」字、「之」下有「矣」字。」皇本「不可求」下有「者」亦爲之。如不可求,從吾所好。」《釋文》「一本〇子曰:「富而可求也,雖執鞭之士,吾賢,惟顏子有之,孔子喜之,許其同己。人之才,又有聖人之道者不能。孔門諸

也。 語 猶 恥,而卒不可得,則不如從吾所好之道, 鞭之賤,亦可屈 使可求,則辱身降志,蒙詬忍尤,躬爲執 不欲 託詞以明其感。言富者之有益,吾亦非 求者紛紛,皆爲富來,其愚甚矣。聖人 夙生積德而得之,非人力所能爲也,而 執鞭,賤者之事。舉世熙熙,皆以求富 辱身賤行,無所不爲,而卒未見得之者 (愚蔽 之妙爲 得高尚而不屈 也 蓋富貴在天,得之不得有命焉。或 ,但知其不可求,故不求耳。若 、抑揚、極言富之必不可求、以 若志士之不爲執鞭,豈待於 也。 而爲之。 言執 鞭亦爲,乃言 雖然辱身蒙

辨?况聖人哉!

○子之所慎: 齊,戰,疾。經典「齋」、「齊」二文

無。 既 以死生存亡者,皆不可以不謹也。夫子 兢致慎。 死生,國之存亡繫焉; 神之饗與不饗,皆决於此。 思齊則成,志齊則盈。」誠之至與不至, 則色姝,食飲齊則氣珍,言語齊則信聽 動,必依於禮。」《韓詩外傳》: 樂,心不苟慮,必依於道, 者,以交於神明也。 齋之爲言齊也,將祭而齊其思慮之不齊 有無、存亡、死生之理,非不知魂氣歸 無所不謹,弟子記其大者耳。神聖通於 有 鬼神、國家、人身,則 國家不能常存,人道不能長生。 此聖人之善於因也。 《祭統》: 疾,又吾身之所 因 戰,則衆之 而 手足不苟 「居處齊 存之,兢 「齊者不 而

〇子在齊聞《韶》,三月不知肉味,曰:

史記》「三月」上有「學之」二字。「不圖爲樂之至於斯也。」皇本「韶」下有「樂」字。

者,故贊歎觀止,曰不圖至斯也。公,太平之治,大同之道,孔子所神往好,太平之治,大同之道,孔子所神往屬,計畫也。不知肉味,蓋神注於此,則

何怨」下有「乎」字,今從之。

「時」字。」皇本「曰古之賢人也」,「曰」上有「子」字。皇出,曰: 「夫子不爲也。」《釋文》:「一本無出,曰: 「夫子不爲也。」《釋文》:「一本無出,曰: 「夫子不爲也。」《釋文》:「一本無子。」皇本「曰古之賢人也」,「曰」上有「子」字。皇下將」字。」皇本「曰古之賢人也」,「曰」上有「子」字。皇「將」字。」皇本「曰古之賢人也」,「曰」上有「子」字。皇「將」字。」皇本「曰古之賢人也」,「曰」上有「子」字。皇「將」字。」是稱問之。」人,曰:「伯夷、叔齊何愿」下有「乎」字,今從之。

子居衛,衛人以蒯瞶得罪於父,而輒嫡石曼姑受靈公之命輔輒,而圍戚。時孔而立蒯瞶之子輒。晉趙鞅納蒯瞶於戚。爲,猶助也。衛以世子蒯瞶殺母,逐之,

孫, 曰: 合乎天理之正,而即乎人心之安。既 其大夫,况其君乎? 逃之。怨,猶悔也。 怨之有? 各得其志焉,則視棄其國猶敝屣爾, 不爲衛君可知矣。蓋伯夷以父命爲尊 以家事辭王事,以王事辭家事,是上之 王父命辭父命,是父之行乎子也, 孔子口説曰: 失之,其與夷、齊相反至矣。《公羊》述 叔齊以天倫 而以夷、齊爲問。夫子告之如此,則其 以輒不受父之命,受之王父也。 夷、叔 命立叔齊。 乎 當 下也。」《穀梁》述孔子 「父命也。」遂逃去,叔齊亦不立而 立, 故 若衛輒之據國拒父,而唯恐 孤竹君之二子。其父將死 爲重,其遜國也,皆求所以 冉 父卒,叔齊遜 有 「不以父命辭 疑 而 故子贛不斥衛君, 君子居是邦,不非 問之。 |伯夷,伯夷 王父命,以 口説 譍 信父 曰: 也 何 而

之富貴

如浮雲之無有,漠然無所動於

或 秋》爲定法律、《論語》爲陳高義。 逃而讓之他子,乃即人心之安。蓋《春 則以王父及天子之命爲重、明法律可立 立,二傳同詞。 以尊王父也。」孔子於《春秋》許輒,義可 而 衛君,則聖人豈許拒父者? 義自不同。 輒,國人得拒蒯瞶。 有爲也。 穀》疑《論語》,皆未知言各有當,義各 辭 以《論語》折《公》、《穀》,又以《公》、 王父,則是不尊王父也。 蓋《春秋》爲國嗣立法, 若輒自爲計,則宜 其 此問

無大過矣。」鄭注:「魯讀「易」爲「亦」。」

○子曰:「加我數年,五十以斆,亦可以

雲。」「疏」,皇本作「蔬」。 亦在其中 ○子曰: 雖處困極,而樂亦無不在焉。 飯,食也。疏,粗也。 肱,臂上,象形。 飯 不 疏食飲水,曲肱 - 義 而富且貴,於我 聖人無人不自得, 糲食,稷比稻 而枕之,樂 其視不義 如浮 粱爲

> 天生地 其視人間世不義之富貴,若太虚浮雲, 其 忽聚忽散,漠然無有也。 中 神聖素 也。 出入無窮之道,故在貧而樂。 程子曰: 位而行, 神明 「 須 超 知 然,别有生 所 樂者 何

《漢外黄令高彪碑》:「恬虚守約,五 以數,」正從魯讀之句讀,則漢人《論語》 《易》韋編三絶。 爲學孜孜,望有豁然證悟之一時,乃不 難竄亂也。《説文》: 本無學《易》之説至明,經傳易改,碑文 以學,斯爲晚矣。 致終身誤入,而後可以無大過矣。 詞。」《史記》: 此聖人之謙辭,當是對老者勉勵之 「君子愛日以學,及時而 「孔子晚而善《易》,讀 曰: 然秉燭之明,尚 「斆,覺悟也。」蓋 『假我數年,若是 成,五 可寡 惠棟 十

也。 我於《易》 《文言》皆孔子所作,其《説卦》爲河内 《春秋》之前。朱子以爲,年將七十,此 矣。」此爲劉歆古文《論語》竄改。 幾,恐壽命不永,而是書未成,或雖成 陰陽,極天人、窮未來之數,發靈魂之變 歆所僞附,見吾《僞經考》。 子所得,乃後出。《序卦》、《雜 異説。故全《易》、《彖》、《象》、《繫辭 卦,重自文王,今文家司馬遷、楊雄皆 劉歆竄改傅會之僞。 言五十,則 魯,删《詩》、《書》,定《禮》、《樂》之後,作 加加 (史記 我數年,五十以學《易》,可以無大過 蓋《易》之八卦,畫自包犧,六十 或亦劉歆所竄。 道 孔子世家》、編此章在自衛反 奥 則彬彬矣。二未審是 深。 與《世家》説無關,足證其 孔子方當撰著,極深 若今本《論語》 彬彬,美善 蓋孔子 **加卦》爲** 齊 之至 $\stackrel{\cdot}{\sim}$ 今考 ,以道 論 劉 女 無 四 爲

> 以證 也。 三絶。 《易》,竄改《論語》,傅會《史記》,以 《易》,以明《易》非孔子所作,抑以 未 過,以明孔子之爲後學。 蓋欲篡孔 作於周公,孔子僅爲十 又造僞説,謂《彖辭》作於文王,《象 中天也。 盡 其僞亂。 幸有魯讀及《史記》今文猶存,猶得 美善,故撰 劉歆既以《左傳》篡孔子之《春秋》, 而發假年之歎,以期《易》之彬彬 俾大聖作《易》之事,如日 著累易其 翼。 稿 故改曰學 至 於 子之 無 證 韋 解》 成 大 編

○子所雅言、《詩》、《書》、執禮,皆雅言也 《書》以道政事,禮以道行,切於日用之 實,故常言之。 雅,素也。 道,則有不可得而聞者,要在 守而言,非徒誦説 孔子雅素之言,止於如此。 執,守也。 禮獨言執者,以 而已也。 《詩》以 上默而 程子 理 識之 所執 與天 曰 :

《春秋》晚歲擇人而傳,《詩》、《書》、《禮》 《詩》、《書》、《禮》則早年所定,故《易》與 《詩》、《書》必《爾雅》正音,贊禮亦然,不 《詩》、《書》、《禮》,孟子傳《春秋》,莊子 《易》、《春秋》爲至也。其後學,荀子 《禮》皆爲撥亂世而作,若天人之精微 則早年以教弟子者。 也。」蓋《易》與《春秋》爲孔子晚暮所作, 得用土音鄙倍者。然鄭意正言者,不過 日: 傳《易》,其淺深即 粗,無乎不在,若求晚年定論,則以 則在《易》與《春秋》。孔子之道,本末精 不諱耳。 義全,故不可 讀先王典法, 业必正言其音, 然後 有所 由此 諱。」後人以爲,讀 然《詩》、《書》、 而分焉。 鄭氏 .

憂,不知老之將至云爾。」皇本「至」下有「也」字。「女奚不曰,其爲人也,發憤忘食,樂以忘○葉公問孔子於子路,子路不對。 子曰:

《史記・世家》「其爲人也」下,有「學道不倦,誨人不顧

)子曰: 者,故子路不對,抑亦以聖人之德,實 葉公,楚葉縣尹沈諸梁,字子高,僭 也。葉公不知孔子,必有 忘憂,則不知苦戚, 學者宜致思焉。」忘食,則不知貧賤, 人不能及者。蓋凡夫子之自言類如此, 則見其全體至極純亦不已之妙,有非聖 足,但自言其好學之篤耳。 二者,俛焉日有孳孳,而不知年數之不 憤而忘食; 未易名言者歟。朱子曰:「未得,則發 爲齊景公卒之明年,孔子自蔡 生,非至人安能至此?《孔子世家》以 公問政,孔子年六十三四歲,故云老。 「我非生而知之者,好古敏以求 已得,則樂之而忘憂,以是 忘老,則不 !非所 然深味之, 如葉,葉 問 ·知死 而 稱 有 間 公

❶ 「典法」二字,原文倒乙。

0

之者也。」皇本「敏」下有「而」字。

有以驗其實也。」

夫禮樂名物,古今事變,亦必待學而後非惟勉人也。蓋生而可知者義理爾,若非惟勉人也。蓋生而可知者義理爾,若非惟勉人也。蓋生而可知者義理爾,若學而知也。敏,勉也,謂汲汲也。尹氏學而知之者,神靈光明,照燿如日,不待生而知之者,神靈光明,照燿如日,不待

○子不語怪、力、亂、神。

腦中終身有怪力亂神之影,至於生生世 洗,累生不解。若聞怪力亂神之事 其熏聞,一人腦根,觸處發現,終身不 治而不語亂,語人而不語神。 聖人語常而不語怪,語德 不正 力亂神之事。 世觸根復發,世無已時。小説家多 固 .匪之亂。故怪力亂神之事,非理之 一,然令舉國若狂,以供木石,或方 深害乎人性。 小説大行於時,則近者 即鬼神之跡, 而不語力,語 蓋人道視 發 雖 ず, 即 有 怪

> 字,則怪神尤孔子所不道也。 等,則怪神尤孔子所不道也。 也之性根,因預植太平世之善性也。 世,則不獨怪力亂無,即神亦不神也。 世,則不獨怪力亂無,即神亦不神也。 世,則不獨怪力亂無,即神亦不神也。 世,則不獨怪力亂無,即神亦不神也。 大子不語,蓋爲人道預人太平,絕其亂 世,則不獨怪力亂無,即神亦不神也。 大子不語,蓋爲人道預人太平,絕其亂 世,則不獨怪力亂無,即神亦不神也。 以光影符術惑人,亦非所宜也。觀今印以光影符術惑人,亦非所宜也。觀今印

益也。子産曰:「其所善者,吾則行惡皆我之師,教學者以隨地隨人皆可得惡,而見賢思齊,見不賢而内自省,則善三人同行,其一我也,彼二人者一善一

子曰: 之,其所惡者,吾則改之,是吾師 天 生德於予,桓魋其如予 也

何?]

予何。]孔子自知己受天命,爲改制之新 弟子。包氏咸曰:「天生德者,謂 下,宋司馬桓魋欲殺孔子,拔其 王教主,非賊臣所能害也。 以聖性,德合天地,吉無不利,故 子去,弟子曰速之,故孔子發其言 哀公三年,孔子過宋,與弟子習禮大 樹 日 授我 其如 以 慰 樹

乎爾。吾無行而不與二三子者,是丘也。」)子曰: 匿 下焉。不能體會,則日語以天人之故, 者,是丘之心。」蓋聖人動作語默無非至 教,視學者之能體會領悟,以爲淺深高 廣道深,弟子學之不能及,以爲 包咸曰: ,故解之。言我所爲無不與爾 二三子以我爲隱乎? 吾無隱 「二三子,謂諸弟子。 聖人知 有 共之 所 隱

> 道 圃 如不 ,本無精粗小大之可言也。 聞,能 領 悟乎? 則 灑 掃 無 非

> > 至

子以四教: 文、行、忠、信。

獨以四教,此孔子之道所以爲中庸,不 行,或僞行無恒者,可以警矣。 學禮,故特立科而注重焉。 者,以行高或出僞爲,惟忠信之人可以 淺而實人道所不能外者。不語神怪,而 教人以學文、修行、存忠、履信四者 可須臾離也。既以行教,更以忠信 後儒有文無 教

舊爲别章,今宜與前章合。]今皇本正兩章合。 矣。」《後漢紀》引「亡」作「無」。《釋文》:「「亡而爲有. 而爲有,虚而爲盈,約而爲泰,難乎有恒 得而見之矣, 得見有恒者,斯可矣。 見君子者,斯可矣。」子曰: 〇子曰: 「聖人,吾不得而見之矣, 「善人,吾不 得

聖人神明不測,君子才德大成,此以 言之。善人者,純善無惡; 有恒者,有

不能 者皆虚夸之事,世人多有之,於是有小 貫 其 文。 僞,終身不可 歎 恒 ,常久之意。 時或有志焉,然既好虚夸,必將僞襲, 而 也。 不 爲 冒爲 心 虚,空 學者自省有此虚 有恒矣。 此 (君子,惡人而僞爲善人,即使 善人者,志於仁 以質 也 `與入聖人 (言之。 張子曰: 蓋深惡虛僞之人,而發 盈, 滿 之門矣。 『僞否! 也。 子 巨 而無惡。」三 「有恒者,不 泰, 字 若有虚 通 疑

釣,鈎 網,絶 子釣而不綱,弋不射宿 曰: 射 則 狩之事大,非士 無虞人之供,而躬自爲之? 也。 釣弋。」愚謂: 流而漁者也。弋,以生 「天子諸侯爲祭祀賓 魚也,一竿釣。 宿,宿 鳥。日本物茂卿《論語徵》 一所得 天地者,生之本,衆生 爲,故爲祭及賓客 綱者, 客則 所以敬也 絲 以 繫矢 大 狩。 繩 而 屬

此 此

皆聖人

所

無

可

如

何,

欲驟

進

而

未

事也。 禽獸? 獺祭魚 爲大功,若於時倡戒殺之論,則禽獸 與禽獸爭爲生存。 貴賤,以公理 原 進 故 靡不卵,魚鼈不尺不食,豺祭獸 殺物之中,存限 故爲之禁限,釣而不綱,弋不射 賓客,内以習武禦外,皆亂世不得已之 復愛物,先當 地,人類先絶矣。 有次第,方當據亂世時,禽獸偪 無 不 故 出 化 殺 於天 不 故歲 殺 而 漸 牲,又因其大小以爲殺之差。 孔子知其不可,而時未能 進,仁 羊, 後漁。諸侯無 皆 爲 存人。 論 士 時制狩蒐之禮,外以祭祀 同 . 無故不 制之法。故爲制度,不 之,原當 氣 有 孔子去周公不遠,雖 周公以驅虎 未能保人,安能 漸 故 進 殺 放不殺 田戒殺。 萬 一,愛物 犬豕,庶人無 物 體 宿 牛,大夫 而後獵 豹 亦 戒殺 1,皆於 有 犀 進 本 保 徧 象 尚 化

萬數。 物並 矣,此孔子所以告人時中也 年。化學日精 羊、豕、雞、魚、鳥之類,則栅地以養之, 能 能 早行戒殺,然發之過 其時,雖有是心而 爲太平之太平,大同之大同。 存仁愛之心,又除血氣之慘。斯時, 可 競爭,惟馴擾之生物,若牛、馬、猴、犬、 是時,害人之猛獸已盡 太平,仁民之化既 平等之世 不 染其風,至不踐蟻,而 資力作而供 殺 育而不害,衆生 物, 蓋未當其時 今已數千年,尚 其 人道 遠 也。 游玩。死則埋之,終其天 ,别製新品以代肉食,既 尚 未能 相 他日大 杰 而早行太平 熙熙以登春臺,乃 早,未能行也。 爭 則當 未 無後,不 行。 相 歲 戒 地 殺 爲 佛氏 進至 殺,非 , 其 」皆一,人民 虎 孔子生非 -, 其 狼 須殺戮 去 人大慈, 一愛物。 食 (失甚 衆 徒 牛 者

〇子曰:「蓋有不知而作之者,我無是

之,知之次也。」識,音志。 也。多聞,擇其善者而從之, 多見,而

原壤蔽 辭而 其創 知而 宋子蔽於欲而不知得,慎子蔽於法而 云然。」按,春秋時,諸子紛紛創教 能 義,微生 不知文,楚狂、沮溺、丈人蔽於隱 子同時,如子桑伯子蔽於簡 知賢,申子蔽於勢而不知知, 如荀子所 包咸曰: 之妄也。 爲創教之先王也。 此莊子所謂,如耳目鼻口 相 作。 教,本末精粗,六通四闢,故學術足 不知實,皆所謂不知而作者也。 通 者也。 於放而 畝蔽於固而不知行,皆所謂 此言上知之士。 凡後世之異端外道,皆類是。 譏 時人有穿鑿 不知禮,棘子成蔽於質而 孔子仁智不蔽,故無是。 墨子嚴於用 不知而 妄作篇籍者,故 ,僅明一義,不 其從教之士, 作,攻創教者 而 丽 惠子蔽於 不 不知繁 而 ·知文, 制 不 孔 知 不

從之,並注於此,以存舊文。 ○互鄉難與言。童子見,門人惑。子曰: ○互鄉難與言。童子見,門人惑。子曰: ○互鄉難與言。童子見,門人惑。子曰: ○互鄉難與言。童子見,門人惑。

後得,教誨之道,絜則與之,往日之行,行。」夫人之爲行,或有始無終,或先迷往,前日也。顧歡曰:「往,謂前日之子不當見之也。絜,清治也。與,許也。互鄉,鄉名,其人習於不善。惑者,疑夫互鄉,鄉名,其人習於不善。惑者,疑夫

悉化之,此所以爲大教主也。而矜不能。有教無類,欲普天下惡俗而木,良醫不畏重疾,聖人兼懷萬物,容衆來,以是心至,斯受之耳。大匠不畏枉非我所保。蓋不追其既往,不逆其將非我所保。蓋不追其既往,不逆其將

〇子曰:「仁遠乎哉? 我欲仁,斯仁至

仁者,人也。受仁於天,而仁爲性之德之即是。」

禮。」孔子退,揖巫馬期而進之,曰:「吾○陳司敗問昭公知禮乎,孔子曰:「知

聞 禮?」巫馬期以告。子曰: 同 有過,人必知之。」皇本「進之」爲「進也」,「取」作 姓 君 子不 謂之吳孟子。 黨、君子亦黨乎? 君 圃 知禮,孰不 君取於吴 「 丘 也幸,荷 知

相助匿 《傳》名施,字子旗。《吕氏春秋》、《漢 也。 當時以爲知禮,故司敗以爲問,而孔子 皆姬姓,謂之吴孟子者,諱之,使若宋女 答之如 陳,國名。 不可以娶同姓爲知禮,故代君受過。蓋 子姓者。 尹。子期亦作子旗。 書・古今人表》作旗,旗、期古通,楚令 國 罪,在予一人。」聖人之道大而德宏如 昭公、魯君、名稠、習於威儀之節 .惡禮也,又不明言其故,所謂 水此。 |非曰黨。禮不娶同姓,而 然孔子不可自謂諱君之惡,又 司敗,官名,即 巫馬,姓,字期,孔子弟子, 司敗揖 陳 而 楚之司 進之也。 魯與吴 萬 方 寇

此。 其生不繁。」日本皇族及王朝公卿,皆娶 二年但書孟子卒,亦不著爲夫人,以著 事,諱而 禁,故人數僅半中國。若南洋、非洲諸 多盲啞不具體。 異姓者矣。]歐人醫院所考,姊妹爲婚。 繁衍甲於大地。 國用孔子制,必娶異姓,故人數 者,皆以娶同 也,告吾曰: 同姓,至今二千五百年,皇族不過二十 不娶同姓之義。《傳》曰:「男女同 生理學之理,桃李梅梨之屬,以異種合 蠻夷,兄弟姊妹相婚,則其 亦知禁娶姊妹爲妻,而曾祖以外之親不 一十家,其人數少則十餘,多無過六十 其伯爵日野秀逸,八百年之世 春秋》於昭公十年冬娶吴孟子之 不書 ,削冬字以誌之,於哀公十 「吾國千年之世,公卿凡 姓,故人丁不繁。 今亦漸知不可,多有娶 摩西之約,英法之律 族類多絶矣。 四萬萬 不若 一爵 中

種。 故娶異姓,不如娶異鄉,娶異鄉,不如娶 故自取其 之物,含氣無多,取而合之,發生自寡 以異種合者 異邑異郡,娶異邑異郡,不如娶異 義 于大地,此孔子之大功,而不可易之要 婚之旨。 婦從夫姓,既失自立之義,又乖異 改者,故繫女以姓,實明此旨。 種 也。 而合良 今地球大通,諸種多合,但當 産必 故中國之異姓爲婚,而 ·種耳。若男女異姓,則 種,不若合别種之生意尤多。 繁 ,必碩大蕃 碩 味 美; 滋。 雞羊牛馬之種 蓋 一地同 今 歐 必 類冠 或 汰 姓 不 爲 惡 異 可

子與人歌而 喜得其詳,而樂其善也。 得 比 善,樂與人同。 2於樂日 !其詳 而 歌。反,復也。 善,必使反之,而後和之。 取 其 八善也。 聖人氣象太和 此見聖人樂取 而後 必使復歌者 和之者。 ,誠意

珠,而廉肉節奏之聲浪,乃能

觸

耳

但貴得於中聲,不至噍殺、煩

下如隊,曲

如折,止如

稾木,纍纍如

促、淫佚、靡哀爲凶聲、過聲。

斯人道之

之微 懇至, 如此。 肉。 之苦,皆以爲樂而已。樂莫著於樂, 樂生爲主。 祖 皆不如肉聲之歌爲美。 聲音之動,暢於四支,而適於魂靈。 《箾》之音。 篇,皆以爲歌,求合於《韶》、《濩》、《象》、 尤以人聲爲貴,故曰絲不如竹,竹不如 天下古今之樂,皆託於音,而五聲八音, 而後諧聲。 ,樂之著也。 後世以絲度調,古人以竹度調,而 而與 而 按,天地之大德曰生,故人道 謙 人之雅,樂人之善,感人之心 遜 凡聖人之治教,雖克己節欲 古音不可考,乃能上如抗 故孔子尚之,《詩》三百五 審密,不 歌文從可 掩 人善。 可,蓋必依 故歌者,樂之 蓋 永 故 以 事

歌,失人道養生之宜,悖聖人樂生之道, 推求,蓋大不過 美,不可廢 下不堪,此程朱之過也。 日尊孔子而暗從墨氏,致人道大觳,天 也遠矣。宋賢執禮甚嚴,尊古太甚,以 不合人心,天下不堪,離於天下,其去王 大也,明世崑曲,亦庶幾焉。 泰西好歌,雖非中聲,然甚高壯,夏聲必 復歌道,以樂人生矣。 優伶狎客,莊士所不爲。 古音既不可考,乃並歌而廢之,付之於 也。 宫,細不 古音既廢,而 過 今當考中聲而 遂令中國廢 羽,得之。 墨子非樂, 中聲猶 可

則吾未之有得。」 〇子曰:「文莫,吾猶人也。躬行君子,

逮,雖勉强而未有得也。猶言事父事兄不後於人,若躬行而爲君子,則有志未燕齊語也。孔子謙言,勉强行道,己猶文莫,讀若黽勉。莫亦勉也,古音通,蓋

行也。 未能,皆聖人之遜詞,所以勉學者於躬

西華曰: 讀『正』爲『誠』,今從古。」則「正」乃古文,今改從魯。 之不厭,誨人不倦,則)子曰: 變化; 教人也。 爲之,謂爲仁聖之道。誨人,亦謂以 此亦夫子之謙辭也。聖者,神明人道之 者,無他之辭也。 能,所以弟子不能學也。 亦深知夫子之意矣。 仁者,元德博愛,人道之備也。 「誠唯弟子不能學也。」鄭注: 「若聖與仁,則吾豈敢? 然不厭不倦,非己有之則不 公西華聞而歎之,其 可謂云爾已矣。」公 可謂云爾已矣 抑 此 爲

「病」字。
「神祇。」」子曰:「丘之禱久矣。」鄭本無子路對曰:「有之。誄曰:『禱爾于上子路對曰:「有之。誄曰:『禱爾于上

生烈曰:「言有此禱請於鬼神之事?」包咸曰:「禱,禱請於鬼神。」有諸,周

平 也。 罪 ? 罪之無益,不如日行仁 不傷人。故禱者,據亂世之事,而非太 事於禱? 此爲世人日行惡而日禱神赦 過,則暗合神明,雖不禱而禱已久矣, 亦豈神祇所能錫福? 豈 以 地 誄 世之事也。 祈神之赦 者 一禱所 「, 累 故以道治天下者,其鬼不神, 天日 苟 也,累功 . 神 能 無 地 地 罪賜福 赦罪? 功 日祇。 德,亦豈禱 德以 也。 亦豈 求 若有功德 禱者,悔過 夫人苟有 福 而不禱之爲 神 所 祇 上 能 下 所 激 丽 ~遷善, 罪 其 能 無 福 謂 T, 則 ? 神 得 何 罪 赦 天

孫,順也。固,陋也。孔子尚文,制禮從也,甯固。」「孫」,即「遜」。〇子曰:「奢則不孫,儉則固。與其不孫

尚,築臺鑿池皆役小民,雖以文王之靈子生當據亂酋長之世,時君大夫以奢相文。若奢、儉,俱失中,而奢之害大。孔孫,順也。固,陋也。孔子尚文,制禮從

章。 臺、靈 脂。 救 相 聖人之言,爲救世之藥,參术之與大黄 文物遂等野 物皆惡之。歷史所美,皆貴儉 儉也,尚儉則爲墨學矣。 不振,國家痿 生苦而不樂,官府壞而 不流,器用窳 也,以流轉爲道。若尚儉,則 世已用雇役。爲天下合計, 合於體,爲文而非奢,孔子所 力,苟違民時, 猶不免役民。 時。 其 反 孔子惡之,惡僭不遜 而 儉 誤以孔子惡奢爲惡文,於是文美 沼 各適所用。孔子言各有爲,但以 也 孔子爲聖之時,若當平世,必言 號 甯 稱 蠻 奢。 而不精,智慧窒而不開,人 而 子 ,則誤解 其 民 不 (餘暴虐 生日 故曰: 來 · 强。 **_**, 困 可 經義之禍 不飾、民氣偷 孔子尚 無一 之長 謂 後儒不善 也。 「言不盡 德), 則 財 及 則財者 非 若華 尚 德,中 文,非尚 民 泉滯 也。 矣。 民 妄 讀 ·美 膏 用 泉 之 後 且 此 丽 而 而 民 民

學深思,心知其意也。 又曰:「神而明之,存乎其人。」故貴好

今改從魯。「湯」「蕩」古通。注:「魯讀「坦蕩」爲「坦湯」,今從古。」則「蕩」乃古文,○子曰: 「君子坦湯湯,小人長戚戚。」鄭

字,似誤。 〔一本作「子曰」。」皇本作「君子」,又「威而不猛」無「而」 〔一者 温 而 厲,威 而 不 猛,恭 而 安 。 《釋文》:

惟聖人全體渾然,陰陽合德,故其中和若勉强恭恪,則又失於拘束而不安適。於不肅, 毗剛者,威嚴而失於太暴。柔毗剛,鮮得中和。毗柔者,温和而失厲,嚴整也。凡人生氣質,各有所偏,毗

學者所宜反復而玩心也。知足以知聖人,而善言德行者,不能記。而詳記之,亦可見其用心之密矣。抑非之氣見於容貌之間者如此。門人熟察

論語注卷之七終

論語注卷之八

南海康有爲學

泰伯第八 凡二十三章

則各本皆從「德」,今從之。 篤傳》及鄭《志》引此作「德」,《釋文》:「本亦作「德」。」云:「無得而稱。」近世從之。《後漢書・丁鴻傳》、《延以天下讓,民無德而稱焉。」「徳」、《集解》引王肅以天下讓,民無德而稱焉。」「徳」、《集解》引王肅○子曰:「泰伯,其可謂至德也已矣。 三

託採藥,偕仲雍逃之荆蠻。於是,太王而稱,其遜隱微,無跡可見也。蓋太王三子,長泰伯,次仲雍,次季歷。季歷生三子,長泰伯,次仲雍,次季歷。季歷生三子,長泰伯,次仲雍,次季歷。季歷生三子,長泰伯,次仲雍,次季歷。季歷生三茶,爲德之至極,無以復加也。無德

所激歟?

季爲避 純臣。 受。」《韓詩外傳》與王充合。鄭注採藥 乃 立 後,遂斷髮文身,三讓也,與《史記》合。 季辟主,泰伯再讓,王季不聽,三讓曰: 使唐之建成、元吉知此,安有推刃之禍 然泰伯避位,未必復返,則從鄭説爲宜 季歷赴之,不來奔喪,二讓也, 不返,太王殁,季歷爲喪主,一 餘之人,不可爲宗廟社稷之主。」季歷 樊、餘祭競欲讓於季札,亦至德之餘風 獨泰伯 於太王爲養志; ·吾之吴越,吴越之俗,断髪文身,吾刑 ,同稱,而單 季歷,傳國至昌,至武王,而 跡, 斷髮文身,不啻採薇叩馬矣。不 至德,即仲雍 嗣立 - 文多 「太王薨,泰伯還,王 採藥 而非内禪,於商朝爲 稱伯夷也。其後諸 亦至德。 不不 奔喪,於王 此如夷、 讓 免喪之 也,

葸,勇而 〈説文》無之,當是今文。字或謂當作「緦」,《荀子・議兵 〇子曰: 「諰諰然懼天下之一合而軋己也。」《漢・刑法志 無 禮則亂, 恭 丽 無 直 禮 而 則 、勞,慎 無禮則 而 絞。」「蔥」, 無 禮 則

矣。 質之美德。 輒稱戈作亂,直者絞刺人短,反不可行 犬豕而拜之,慎者一事不敢爲,勇者 君子所貴隆禮 節之,然後 道之宜,尚有太過不及之患,必有禮 文,故有四者之弊。 葸,畏懼 貌。 可行。 然德則空虛無薄,其施於 絞,急刺也。 由禮 此聖人所由制禮 也。不然,則恭者見 恭、慎、勇、直 無禮 則 皆 無 動 以 生 節 而

《唐·卜·左·,夏·也。 见战 曰: 「禹,己则民不偷。此當另爲一章,脱「子曰二二字。○君子篤於親,則民興於仁, 故舊不遺,

之美者,則民皆化之,起爲仁厚之行,不也。君能厚於親屬,不遺忘其故舊,行篤,本作竺,厚也。包咸曰:「興,起

知其得

免於毀傷

也。

《史記》:

孔子

厚,而在下者薄,亦無之也。薄,而所薄者厚,未之有; 其在上者推恩之次第,先驗於親舊。其所厚者依薄。」蓋風俗之厚薄,化起於在上,而

子!」《説文》: 淵,如履薄冰。」而今而後,吾知免夫! 通作啓。《説文》:「誃,讀如《論語》「跢予之足」。」 〇曾子有疾,召門弟子曰: 跢」,當是古《論》,今不從。 「兢兢」,本或作「矜矜」。 謹。 視之。」父母全而生之,亦當全而歸之。 矣。」言其保之之難如 生烈曰: 詩、《小旻》之篇。 體於父母,不敢毀傷,故使弟子開 鄭氏玄曰: 詩者,喻己常戒慎,恐有 臨 淵,恐墜。 《詩》云: 『戰戰兢兢,如臨 「乃今日後,我 「启,開也。」「啓,教也。」二字不同,今 「啓,開也。曾子以爲受身 戰戰,恐懼。 履冰,恐陷 此,至於將 所毁 自知免於 「 啓 傷。 也。 兢兢,戒 予足! 死 衾 言此 而後 周氏 患

不敢毁 其 終 而已。 子》十篇,率皆守身之言,其宗旨在 戰兢守身,啓手啓足,若曾子是也。 耶、回皆是也。 神 身無以極其重。 對所生。 之父母,不敢毁傷。少有毁傷,則無 受者當全而歸之。故云: 非母不生,非天不生,三合然後生全,而 曾子,即已偏於體魄如此。 養,合乎人道,備極完粹。然一 求長生,若老學、道家是也。 者各有所偏,孔子則性命交修,魂魄 ()身蓋 | 曾 力行亦在此。 子 傷之義。 能 以 ,以身爲傳舍,不愛其身,若佛 蓋人之生也,有神魂體 論傳體之義,自爲完全,非 孝 孝 ,故作《孝經》以授之。」 謹自守者,今《大戴禮 專重魄者,載魄抱 孔子以凡物非父不生, 然此 曾子終身戒謹 義 也,不過孝之始 身體髮膚受 夫形體者 專重體者, 魄。 傳而 一曾子 能 專 , 以 此 爲 全 以

遺體; 者,隨汙 曾子兢兢於保身,至於垂 則無 以成仁,見危授 兼 愛丈人者,愛其屋烏; 過推愛之義。 可數千年,終亦必毀。 可保。若埃及之木乃伊,以奇藥全之, 體也,其生已棄之,若其骨肉腐敗,益無 無可免。且父母之指爪洟唾,皆父母之 色血氣不知變化百千矣,保無可保, 而 血 孔子正傳,以爲孔子大道之宗,則大謬 三頻化。 文云: 氣所 備 義,然亦偏矣。若後 不之乎? 萬 爲 法,無 溺 敬佛者,重及佛骨云爾。 人生自少 而 經三十日 體魄則降,知氣在上,若 盡 所 如 銷 不稱比干諫死爲 不在。 命,戰陳無勇非 愛召伯者,保其甘棠; 而 而 其新者,亦經歲 壯, 不又云: 血 故愛體 儒 愛父母者 氣一 説 自壯而老,形 没,自是教之 以以 變。 魄者,不 孝乎 曾 仁 1,愛其 其 子 魂 孔子 乎 ? ? 身 月 氣

世

也善。 遠暴慢矣; 氣,斯遠鄙倍矣。 「鳥之將死,其 ○曾子有疾,孟敬子問之。 莊也。 籩豆器數爲 也。倍,與背同,謂背理也。籩,竹籩, 粗厲也。慢,放肆也。 問其疾也。 孟敬子,魯大夫仲孫氏,名捷。 容貌、顔色、辭氣爲本,當自己修之,而 豆,木豆,禮器也。言道之本末甚多,而 本,故言善。 敬戒敬子,言我將死,言善可用。]暴, 君子所貴乎道者三: 沙所謂 色,順辭令。」《表記》: 辭,言語 鳥畏死,故鳴哀; 正 末,可付諸 此曾子之謙辭。 鳴 顔色,斯近信 「禮義之始,在於正容體 籩豆之事,則有司存。」 也 哀 氣,聲氣也。 信,實也。 有司 人之將死,其言 曾子言曰 矣; 也。 動容貌,斯 包咸曰: 「是故,君 人窮反 問之者, 《禮 正,齊

道之所 於佛 矣。 飾之事 宜莊 子 身之言,與此兩章意義相合,必非誣説。 未嘗聞道也。 義,不意膚末若是,宜葉水心以曾子爲 君子所貴,鄭重出之如此,以爲必有 容色辭氣,而心術險詖,行詣 爲,或爲孟敬子而發,則後世 之功,無一自得之受用。 子得之,然將 信好學者,然其 蓋曾子之真實心地,刻苦工夫,自爲篤 何足貴乎? 貌 相類,終日省身寡過而已。 法 即能此,亦與色莊論篤者何異? 正 足 一,辭氣勿鄙倍三者。 中爲神秀,與明 貴者,乃僅 畏也,色足 無一性命之微言,皆初 鄙人始讀,見謂將死言善 今《曾子》十篇,皆兢兢守 死 (所得 時 在 不 憚 容貌 待 品 也 儒 詣 問 ,言足信 康 在 不 而 即 使 此皆外 . 暴 一發論 齋、近人倭 善信之間 其於充實 卑污 士夫 、慢,顔 也 以以 7身修 者多 出 能 持 精 色 曾 飾 有 循

明聖 五歲。 《孝經》守身,僅聞孔子萬法之一 非斯 闢之道,性天陰陽之理,三世大同之法 光 多,在 賢各傳教異國,或爲卿相大夫,自顔子、 奠之年,僅二十七歲,當顏子没時,僅 學,老壽九十者,惟有曾子,故弟子最 伯牛、子路、宰我早卒,子貢居衛,子張 得不深,此誠無可如何者也。 知何年。 之從儒教者,慕其盛名,以爲孔子大宗 收吾黨之狂 居楚,子夏居西河,子游居吴,澹臺 輝 其居洙 王 蓋曾子少孔子四十六歲,當孔子夢 人 尚 孔門靈光 而 而 遠 故從游陳、蔡皆不及與,受業未 要其天資既魯,侍教不久,所 誰與? 何况 不 簡 泗之故鄉,因 得聞 一嗣闕 大化 巐 舉老少而安懷,但 配神明育萬 然, 里 乎? 最爲耆宿。 之遺音,終身講 聖人之遺教, 惜 乃同學諸 其 物 親 六 端 通 炙 一游 知 神 而

陿隘 如是。 《論語》、《孟子》名爲四子。於是,曾子 之,而於曾子稱子。 自皆歸之。 者,僅在守身,而孔子重仁之大道,一切 傳,以《大學》爲曾子之書,與《中庸》 學出於子游,荀子之言最可信據。 天下聞曾子之教者,誤以爲孔子之道 故後學獨 子無與也。 皆割棄,甚至朱子見《禮運》之大同 下學者益 上列顏、思爲四配,爲孔道之正宗,而天 程朱誤信之,又附會爲子思、孟子之正 不知考,僞《家語》以爲子思學於曾子, 而不廣,此孔教之不幸也。子思之 此則後儒輕説 於是,孔子之大道 尊之。 稱曾子。 齊、魯之間,學者率出其門 以關學術之大,不得不明正 於是,中國之言孔 《論語》於顏子尚名 曾子之德望如 妄尊之罪,而 闇没而不彰 於曾 王 Ħ. 璺 疑

嘗從事於斯矣。」 寡,有若無,實若虚,犯 曾子曰: 以 能 問 於不 而不 校。 能 ", 以 昔者 多 吾友 問 於

者哉? 己,大道無我,誕登於岸,虚與世游,更 孩之,孩兒之犯,何所校報? 詢,皆有補於學問。至於侵犯不校,則 也無涯,學益不足,故項橐可問,芻蕘 報。」人性各有長短,故各有能 子而後有是哉? 稱之歟? 抑孔門之高賢多矣,何必 時,曾子十五歲,未必及同學也。 何有以一得自矜,小技驕人,睚眦 大度如天,至慈如父母。 聖人視天下皆 氏 咸 曰: 馬融謂,友爲顏子。 「校,報也。言見侵犯 然顔子没 蓋至人 不 能 必 或追 忘 知 不 報 顔 可

不亦遠乎?」

君子人也。」陸德明:「本作「君子也」,無「人」字。」里之命,臨大節而不可奪也。君子人與?○曾子曰:「可以託六尺之孤,可以寄百

遠。仁以爲己任,不亦重乎? 死而後已,)曾子曰: 鄭氏 居正 而 以 世若諸葛亮當之矣。攝政王多爾衮、張 决辭設爲問答,所以深著其必然也。 不 輔幼君、 日 亦庶幾焉,則寄萬里之國 可 奪,可謂君子矣。 「士不可以不弘毅,任重而 攝國政,其節至於死生之際 「六尺,十五 一歲以 與,疑辭 下。」其才 命矣。 也 後 道 可

遠。 然後 隘 不毅,則無規 也。」非弘不能勝其重, 包 不容少懈,可謂遠矣。程子曰 而力行之,可謂重矣, 氏 陃 私 能 仁者,人心之全德,而必 萬物 而 曰 勝 無以 重 一體者。 「弘,大也。 任 居之。」又曰: 矩 .而遠到。」仁者公德,博愛 而難立; 人者仁也,故人人 非 毅,强 毅而不弘,則 息尚 「弘大剛 毅 一欲 無 而 存 Ü 以 弘 身體 致 能 此 其 志 丽

=

孔子曰 道退 昧,死而後已也。 毅之功,力肩孔道,仁爲己任也,易簣不 子之學也。其得成就爲孔學大派,皆弘 皆守身謹約之説,惟此章最有力,真孔 昔嘗編《論語》孔門諸子學案,曾子之言 子贛 曰: 之徒與? 皆有仁之責任,人人皆當相 者,雖守約亦可法矣。 一日,即當盡 懈,是不爲仁,即不得爲人也矣。 「鳥獸不可與同羣,吾非斯人 「大哉死乎! 君子息焉!」 而誰與?」若卸人之責任,中 一日之責 曾子蓋 能 無 愛相 行而後言 可 「救,爲

詩。立必有節文度數,人雖有良才美心,或發揚蹈厲,或温厚纏綿,必在於詩, 禮者,所以立身, 樂所以成性。」詩本性情,詠歎淫佚,易於感人,興起人詩, 禮者,所以立身, 樂所以成性。」子曰: 「興於詩,立於禮,成於樂。」

皆孔子所作以爲教,而《易》、《春秋》作 弟,説之以義 聞夫子之施教也,先以《詩》。 禮。《大戴 質,必有禮以行之,乃知 禮,今皆廢壞,是以人倫不明,治家 義,况學者乎? 能興起。 曲,雖間里童稚,皆習聞之而知其説,故 《樂》教人,而《詩》、《禮》、《樂》三者尤 於晚暮,故早歲但以《詩》、《書》、《禮》、 調理性情,和順道德,必在學樂。 息,合同而化,欣喜懽愛,中正無邪,以 發强形體,蕩滌煩縟,涵養中和,流而 體者,禮也; 人自灑掃應對,以至冠昏喪祭,莫不 一律,音聲之暢,觸感魂靈,干羽之綴, 程子曰: 今雖老師宿 禮 : 「古人之詩,如今之歌 而視諸體,成之以文德。」 衛將軍 文德,樂也。 是不得興於詩 儒,尚不能 文子 所立,故必 樂有五聲十 · 篇 》: 世道 也 六經 者孝 在 一吾 有 其 不

法,是不得立於禮也。古人之樂,聲音 筋骸之節,以應人接事, 其仁心, 必有詩、禮、樂三者,以爲學級,人人童 也易,今之成材也難。」 愚觀泰西學校, 無之,是不得成於樂也。 以養其性情,舞蹈所以 所以養其 故物,以求成材矣。 美,而反失於故國也。今學者更當光復 之學,無人不習。孔子之道乃大行於歐 暢其性靈,舞蹈其手足,故人多成材。 詞、琴曲、跳舞,歲時皆習熟,而 國之禮皆熟習,而有以固其肌膚之會, 而習之。其詩歌,皆有愛國愛種,興起 一切科學皆爲專門,惟詩、禮、樂爲普通 耳,采色所以 其禮,自飲食、起居、賓客、軍 養其目,歌 養其血脉,今皆 是以古之成材 其樂,則凡歌 有以陶 詠

鄭曰:「民,冥也,其見人道遠。由,從〇子曰:「民可使由之,不可使知之。」

也。 其本末,則愚者或輕而 《詩》曰: 也,言王者設教,務使人從之。若皆知 於人 《詩》曰: 民不 晰焉而知之,則道不迷而民志不惑矣。 焉而見之,使民耳晰焉而聞之,使民心 其百姓不使迷,是以 也,豈聖人之心乎?」《韓詩外傳》: 「聖人設教,非不欲人家喻而户曉也 不可語上。 易也。 『君子所履,小人所視』,言其明 人不使民知,則是後世朝四暮三之術 不能使之知,但能使之由之爾。 也。」孔子之欲明民至矣。 《詩》曰: 故形其仁義, 謹其教道, 使民目晰 而 由也, 有鄙心。」董子曰: 『示我顯德行。」故道義不易, 『周道如砥,其直如矢』,言其 《禮 「俾民不迷。」昔之君子,道 禮樂不 緇衣》曰: 威厲而刑厝不用 明,民不見也。 不行。」程子曰: 然中人以下 「民者,瞑 「夫民閉 若曰 聖

信,則 之而 則民 孔子曰: 不必使人人知之。凡此皆至易明者。 故可使民重祭祀,而鬼神之有無生死, 而 也 不知其道 以畏服,若明言鬼神 不 民之號,取之瞑也。」 孟子 民無 ·著焉 「道之不明也,我知之矣。 所忌憚,惟有縱 習 者,衆也。」 矣 而 不 察焉 如以神道設教, 無 欲作惡而已。 靈,大破迷 ,終身由之 日

明道。 學所深惡者。聖人徧開萬法,不能執一 痛歎之乎? 者過之,愚者不及。」深憂長 今文家無引之,或爲劉歆傾孔子僞竄之 以疑之。且《論語》六經多古文竄亂 若不使民知,何須憂道不明, 愚民之術,乃老子之法,孔 歎,欲人人 而

子曰: 「好勇疾貧,亂 也。 人而 不仁,

言,當削附僞古文中。

疾之已甚,亂也。」 好勇而不安分,則必作亂惡。不仁之人

禄位尊盛,

守之以卑者,貴;

人衆兵

爲亂。 善惡 訓之欲誅 疾貧之亂也。 涉之輟耕隴 曰 而 : 使之 者雖殊,然足以致亂,其罪均也。 雖 「好勇之人而患疾己貧賤者,必將 無 疾惡太甚,亦使其爲亂。」按,陳 殊,然其 仇士良,皆甚疾不仁之亂也。 所 上,石勒之倚嘯東門,好勇 容 楊國忠之激怒安禄山,李 ,則必致亂。 生 亂 則 也。 二者之心, 包氏 咸

吝,其餘不足觀也已。」皇本,「使」上有「設」字 ·已」下有「矣」字。 「吝」,本亦作「恡」。 子曰: 「如有周公之才之美,使驕且

者,榮; 《周書·寤敬篇》: 敵。』《韓詩外傳》: 見者十二人,窮巷白屋所先見者 七年,布衣之士所贄 誠伯禽曰: 土地廣大,守之以儉者,安, 德行寬裕,守之以 「不驕不怯,時乃 加 周 師者十人, 公踐天子之位 四 十九 所 恭 無 友

至德。 美。 抑孔 强 語》,稱周公只有此章,但稱才美,未 能公之於人,智而不仁。反是而思,恭 道退化,人羣不合,故以爲大惡。雖有 以其自私而背於公德,反於大同,令人 吝,常人視爲小過,而孔子最所深惡。 多才多藝,如創制指南車之類,故稱才 智。」此周公之法,故借以反言之。 以愚者,善; 二德,雖無才,亦孔子所許矣。一部《論 遜爲行己之門,施捨爲待人之門,苟能 周公之才美,不能贖之,以雖才美而 ,守之以畏者,勝, 驕,矜誇也。 子爲先師者,足見劉歆作僞之惑 然則,後世以周公爲先聖,至 博]聞强 吝,鄙嗇也。矜誇鄙 記,守之以淺者, 聰 明睿智,守之 周 降 不

也。」 (三年學,不至於穀,不易得

碑 鄭氏 古「至」「志」通也。 謂「至」當作「志」。 情多爲禄而學,此聖人所由歎也。 飽,縈情皆富貴,成就抑可知矣。 速,其志趣卑污,德心不廣,舉念皆 在志於利禄,一有此心,即終身務外 禄,如此之人不易得也。 之外,皭焉氾而 也。」楊倞注並云: 「其至意至闇也。」又曰: 曰 : 龍 德而學,不至於穀,浮 「穀,禄 不俗。」爲學之久 也。」《隸釋 「至」當爲「志」。 疑 《荀子 蓋學者之大患 「是王者之至 • • 正論》: 漢 而 朱子 孔 塵 而 不 温 欲 求

人道之門。善其道者,必死守之爲終,信之篤爲始,不篤信則非真好,無以爲焦,固也,信之至極之謂。好學者,必以人,亂邦不居。」

不守死則不能善,無以

爲衛道之極,此

也。 人必以 孔 若此者,入此居此皆無益,必不能救,徒 之教人必 莫堅於死守,不死 維 者 不 去就不知,夭其天年,若龔生之徒死,亦 教 因 在 避 起於篤信,不信 喪其軀,此梁鴻 不能奉行,所謂 ·可也。 子 也。 新以 危亂之邦者,懷土爲安,罕能遠去,然 喪身,驅若雞狗,是自作孽 ,近如拳匪之變,京師死者如麻,既 此或身污偽 危者 教後學從教傳教之法。 無益於國。 死守道,而道大行。 救國,亦不 此似智者之事,人所易爲,不 若鄙夫懷禄,貪於亡國之富 1,勢將 在起信,而從之堅; 命,家人盡 亡, 則 所 信 則 志士雖以死善道 道 能 以 一切無 切無 爭廢 不篤,焉 五 亂者,政已 噫,管甯所爲 立 可 喪,上無 惜儒 河守。 少學; 也。 以 能 蓋 殉 爲 耶 萬 亂 者 齃 之徒 之教 有 故 法 萬 貴 知 遠 皆 非 於 國 無

且賤焉,恥也; 天 由諂 披巌剔幹,登明選公,然而 彌尊。」見者樂則行之,隱者憂則違之, 《潛夫論》引 民爲志者,孔子所謂「天下有道, 無才無節,皆志士之所恥。 用之才也。 不易乎世,不成乎名也。 世之士,志彌潔者身彌賤,佞彌巧者官 醫門多疾 下 (之心) 方 其 大仁之地位,而 瀬子所謂 | 治國 有道 才德地位 得 以待學者之服焉。 而 然 介庶 則 非 而 此,「邦」作「國」。云: 若邦無道,則 見, 關富貴貧賤之事 幾 富 邦無道 , 擇 (有瘳,此則以入 無 貴,必無 而 非中士所能, 道 行之。 去之,亂國 則隱 ,富且貴焉, 能 政以 若邦有道, 貧 若以救國救 孔子 守 (賤,必 邦 之節 一,某不 賄 有 學 地 蓋 救之」。 是 恥也 流成,官 道 者 自 又 無 獄 也。 聖 與 則 貧 救 可

)子曰:「不在其位,不謀其政。」皇本「政

下有「也」字。

孔氏 乃聖人所特設,固宜公議之者。 者民衆之國 者不問行 戒侵官越職也。 不謀禮 政,行政者不得問立法,任 「欲各專 也。 樂,司禮樂者不問錢 鄉校之議,風詩之作, 若夫議論政 一於其職。」蓋 (事,則國 (穀,所 司 兵 法

南・鵲巢》、《采繁》、《采蘋》,凡六篇。 南、鵲巢》、《采繁》、《采蘋》,凡六篇。 八篇,以飾歸。」蓋樂一成有四節: 有升歌,以飾歸。」蓋樂一成有四節: 有升歌,以飾歸。」蓋樂一成有四節: 有升歌,如,樂之終。《樂記》曰:「始奏以文,師摯,魯樂師,太師摯也。始,樂之始,師摯,魯樂師,太師摯也。始,樂之始,

〇子曰: 不信,吾不知之矣。」《廣雅》: 空空乎,其不爲巧故也。」又與「款」通 此。 原。 猶之言《文王》之三,《鹿鳴》之三云爾。 而 崇平等之教,平權和合,故洋洋美盛也。 雎》,志和音雅,以爲生民之始,萬福之 莫先於夫 閒在其中矣。孔子反魯正樂,其效 理,而後聲之美盛可見。言始亂,則 盈 升歌言人,合樂言詩,互相備也。 耳,總歎之也。 謂之「《關雎》之亂」者,舉上以該下, 「空空如也。」「焢」、「空」古通。《吕氏春秋》: 夫先於婦,男下於女,矯亂世之弊, 蓋尚同合愛,莫尚於樂,人道起化, 「狂而不直,侗而不愿,悾悾而 婦。故正樂 自始至終,咸得其 編詩,先自《關 「悾悾,誠也。」《子 如

慤也。」狂、侗、控皆質之愚者,然愚人多之叚借。愿,謹也。包咸曰:「控控,其無識。」《書》:「在後之侗。」即「僮」侗,無知貌也。《莊子·山木》:「侗乎

直愿 術之奸,是真無如何也。 奸,極愚而妄詐,以其資質之下,加以 蓋深絶之而不敢加一詞之謂。 而信,亦可 節 取。 若夫託 吾不知之者, 狂 以 行

)子曰: 之詞。 以若是之時,敏猶恐不能證悟,不能 言人之爲學,當如追亡救火,常患不逮。 緩,其必不能得,可見矣。 守,旋得旋失之,若夫優游暇豫,作輟怠 來,非夫内足,恒不懈惰,乃得其用。」」 「學如不及,猶恐失之。」 「繆協稱中正,曰: 此警厲學者 『學自外

〇子曰: 巍巍乎,舜禹之有天下也 而 不

琴,二女袗衣,猶若固有。 貧賤勞苦,亦忘其富貴尊榮。 至人之游於世間,但以救人爲事,不避 巍巍,高大之貌。 不與,猶不相 禹之櫛疾風. 故舜之鼓 嗣。 蓋

> 以明之,孔子之微言也 苟無此夙志大識,則一命之榮,震動其 然天下雖大,自至人視之,猶一吷也。 冒甚雨, 爲公僕,而不敢有君天下之心,借舜禹 不與。舜恭己垂裳,南面無爲,禹之勞 憲君主之法,雖有天下,而實公天下, 心,死生其命矣,况天下乎? 此實爲立 之素志,則一物不得所,若己饑溺之。 服,等於監 肌 無 門,若不 肉,脛無毛,卑宫室,惡 知 勞。 蓋 行其救人 故

足據也 今本,然今《論語》多魯《論》今文,若《説文》純乎古文,不 《説文》有「奂」,無「焕」字。近人多據《説文》以攻《論語》 焉,巍巍乎其有成功也,焕乎其有文章!! 唯天爲大,唯堯則之。蕩蕩乎民無能名 〇子曰: 「大哉堯之爲君也! 巍巍乎

唯,猶 能識其名焉。」蓋莫大於天,而堯與天 蕩蕩,廣遠之稱。 獨 也。 則, 猶 言其布德廣遠,民無 準也。 包 氏 日

•

準,則 來爲此 天所以 太平世之民主可 載,無聲無臭,微妙廣運,無所不在,爲 名者其功業、文章,巍然焕然,亦其 文章,禮樂法度。 形容也。 工、驩兜可也。 也,爲選用舜、禹、皋陶、益可也,兼容 氣尊親,然聲色之化民,末也。 事,或以民而爲教主之業,廣大高明,血 也。其示現之跡,或以君 不過游化示現之粗跡,於其 功,至人無名,雖有非常之功業文章,亦 下爲公之世,故最 跡,蓋歎美之至也。 蒼 同,去爲他 地之教 爲大也,來爲中國之聖人可 蒼無 成 功,事業 正色,遠 注可 龍蛇雜沓,蘭艾並生,此 堯之德不可 也,爲亂世之君主 地之教主 (尊堯 也。 孔子志在大同,天 一而無: 也。 立 舜。然神人 法 終極,故無 焕, 丽 可也; 各 至 創 名,所 不同 上天之 民 一德 明 主之 無 共 與 無 可 粗 口 可

> 氣無 之謂神,此天之所 可 能名者。 也,在他 不之,神明 故謂之堯者,偶託 地 爲 教主 無 以爲大, 不在,在 可 也。 焉爾 而 此 聖 民 地 而 所 爲 不 以 君 可 不 測 主

《論語》及《左傳》皆無「臣」字。東晉僞古文亦無「臣」字。 際,於斯爲盛。有婦人焉,九人而已。」 孔子曰: 今本皆有「臣」字,乃後人據晉《太誓》後添,今削之。 有亂十人」,本或作「亂臣十人」,非。」唐石經於《尚書》: 有亂十人。」今本「亂」下有「臣」字。《釋文》: 舜有臣五人而天下治。武王曰: 宫适,其一人謂文母。然武王得天下已 望、畢公、榮公、太顛、閎夭、散宜生、南 馬鄭以十人謂: 五人,禹、稷、契、皋陶、伯益。 亂,治也 氏,則隋唐 人治外,邑姜治内。 八十餘,太姒必 武明追蹤周亂了即指 「才難,不其然乎? 唐、虞之 人亦以爲邑姜矣。 不在,必爲邑姜也。 周公旦、召公奭、太公 《北史·齊后妃 神武妻婁 陶潛《羣 予 傳 九

指 輔 篇》,恐誤記也。 爾,是才之難也。夫人才有由人作者, 周室人才之多,惟唐、虞之際乃盛於此, 堯、舜有天下之號。 子然之也。才者,德之用也。 臣之際,記者謹之。才難,蓋古語,而 之法未備,胎教不先,産地犖確,舉世爭 種 水地和,殺亂之根絕,仁智之業積,則人 有 降自夏、商皆不能及,然猶但有此數人 木,痿樹之結實 殺,夙習愚頑,則人種不良 録》有 間 漢 作殷人,韓 一,但有一二,即稱嘉瑞也。 良而人才多。若文明之化未盛,學校 由天生者。文明盛,學校備,胎教先, 石經作殷人,則漢石經久 有神靈聰 毛公,無榮公。 愈指 敏 ,雖有嘉穀碩果,然 稱孔子者,上係 馴 爲 膠鬲。 齊者,若 際,交會之閒。 衛 而人才難得。 恒 近 孔子生當 瘠 古文 人 無《 唐、虞、 武 仟 地之産 王 泰 以 啓 丽 君 伯 孔 無 運

> 而謂至德也已矣。《釋文》作「參」,身本所「一三」非是。皇本無「之」字。 《後漢書·伏湛傳》、《文選·典引注》引亦作「參」,今本學分天下有其二,以服事殷。周之德,其參分天下有其二,以服事殷。周之德,其參分天下有其二,以服事殷。周之德,其參分天下有其二,以服事殷。周之德,其

二八

解》: 服事 荆、豫、徐、楊也。 衆,奉勤於商。」鄭《詩譜》謂: 有聖德,天下歸周者參分有二,而 包氏咸曰: 南、琉球、暹羅而已。 立,其服事天子不過臣貢,如今高麗、安 如今内地之莫不臣也。周初千八百國, 大理、南韶、林邑貢於吐蕃,而不貢 **貢於遼、金,而不貢於宋,** 殷,故謂之至 又如晉、楚爭霸,諸侯皆有朝 北魏興,則諸涼貢 「維三月既生魄,文王合六州之 「殷紂淫 蓋古者,諸夏諸國 一德。」《周 亂,文王爲 遼、金興,則高 於魏,而 書 吐蕃强 西 不貢 雍、梁、 貢 猶 程 伯 门則 於 於 並 典. 以 麗 而

《書》,首堯、舜,於《詩》,四始首文王 明天下爲公之義。孔子之不取天下,亦 辭 所謂至德也。孟子述之,故稱堯、舜、文 文王若欲 稱至德只此二人。蓋孔子明公天下,尚 王最多。此篇首泰伯,終文王、《論語》 ·孔子曰」三字,與上文别爲 邦懷 歸 而 讓,而惡爭奪之微旨也。 不 會者 文王者已千國,所謂「大 · 取 其 故孔子 伐 德 八 商 百 也 如反掌耳。 國 ,此皆久 以爲至 故武王 (臣貢 孟津之會,不 德。 然天與人 一章。 八邦畏 章首當 於周者 孔子 (其力, 一,皆 於 婦婦 有

而盡 孝乎鬼神, 力」或是古文。然《論》有齊、魯,姑闕之。 本紀》作「卑宮室。致費於溝減。」《史記》爲今文,則「盡 〇子曰: 閒 `,罅隙也,文從月入門,謂指其罅 力乎溝洫。 「禹,吾無閒然矣。 惡衣服 禹,吾無閒然矣。」《史記‧夏 而致美乎黻冕,卑宫 菲飲 食 而 隙 室 致 而

議之也。 菲,薄也。 致孝鬼神, 謂 享

> 祀豐 道,以正疆界、備旱潦者也。 長三尺。冕,冠也。夏曰收,殷曰冔, 子》作「美紱冕」。 從发,經典假從黻,又爲芾,爲紼。 以象之。 力以 里爲成,成間有洫,洫 赤市,大夫葱衡,士韎韐。 篆文 市 反,而適得其宜,安樂於己少,而適 不役民力以 身極儉樸,而飾於宗廟朝廷者極文明。 曰冕,皆同,皆祭服也。 儉失文明,故巍乎有成功,焕乎有文章, 君自侈縱,故有天下而不 「方里爲井,井間有溝,溝廣深四尺。 ·韠也。」上古衣皮,知蔽 約己而豐施,劬躬而勤民,不 濟民,故於水利 潔。 祭服不忘本,天子朱市,諸侯 衣 奉己,故築宫極 服, 常服 上廣一尺,下廣二尺, 極 廣 精。 深八尺。」禹 溝 黻, 與 前 渔, 卑,惟竭 豐 而 《説文》: 包咸日 /改從韋, 田 儉 不以尚 う故市 與 以 閒 得 《列 水 + 其 奉 周

戒,此未通古今之故也。 古者築 於此,其 所 至。 築長城萬里,築阿房三百里,皆役夫數 其 借之,則暴君民賊,專制窮奢,何所 之築鄴臺,高二十六丈,隋煬之築 萬户,金人承露盤高五十丈。 北 池皆役民力,即文王亦所不免。 質文篇》,孔子爲明堂,已立三統之制。 今日,必大獎借之。 牆,愈益窮民,愈壯國 所關,文明所在,以 世已用雇役,而君主已行立憲,則 十萬,死者如 一百里,率皆役民爲之。 若使聖 爲 地 屋 無 統 奢者人情, 高 嚴侈 日 可 有峻宇雕牆者, 議 也。 員,則何當必以卑宫爲是 其屋卑污方。 麻。 何待於勸進哉? 然中國 漢武之築建章,千門 工代施,愈能峻 《繁露 體。 則後 宫室卑污 孔子若生 其天統曰: ·三代改 儒 齊高 城 引 秦 宇雕 西 始 頗 或 再 郭 以 制 當 獎 苑 後 洋 皇 原 不

> 曰:「知時觀變」矣。 於一端而生流弊也。孔子萬法並陳,故於一端而生流弊也。孔子萬法並陳,故則改之。孔子聖之時者也,故《易》曰:則改之。孔子聖之時者也,故《易》曰:乎? 卑宮但據亂世之一統耳,文明世乎?

論語注卷之八終

-<u>-</u>

論語注卷之九

南海康有爲學

是析「不忮不求」以下爲一章,然不如合之爲宜,故仍朱子從之,亦以爲三十章。《注疏》、古本三十一章,當三十章。〕謂合「不忮不求」與上「衣敝緼袍」爲一章也。子罕第九 凡二十九章《釋文》云:「皇本子罕第九

Mi、方々。 と「與」,叩吹,功辞。 達,通屬下章,非。 〇子罕言,利與? 命與仁,達。 舊本以「達」字

離者也。然利者,人所同好,若再增長仁三者,皆人受於天以生,無須臾而能利,最通達多言者莫如命與仁。蓋命利也。利者,義之和;命者,天之命。記也。利者,義之和;命者,天之命。記罕,希也。上「與」,即歟,助辭。達,通罕,希也。上「與」,即歟,助辭。達,通

附益之,則教猱升木,相習成風,恐因 《易》,言利爲義和,美利天下,而它經寡 利而生貪奪,反以害人道矣。 能知命,則自能順受其正以樂天,自不 富壽夭,貴賤窮通,各有定分,雖有定 言之,防流弊也。 暇竭詐謀險詖以害人。故命者,人道自 命、變命、遭命之不同,而莫非命也。 得之至理也。人不能離羣獨處,無在不 親相愛,則人道成, 與人交,無處不與人偶。與人交偶,相 息。故仁者,人道交偶之極則也。孔子 之,命與仁二者爲最也。孔子言論 嘉惠天下人,以知命令其自得,以敦仁 令其處人。蓋聖人言論雖多,通達考 連,遂若本章之稱孔子罕言命仁。 然考 爲得要。舊本、「達」字錯寫與「巷黨」相 多,幾無可尋其宗旨之要,此章括論,最 蓋命則天賦於人, 相惡相殺,則人道 故 於

×, 孔子言命仁 生有命」,曰「賜 至多 五

哉 ? 母豈 子」。《易》言: 命」,曰「道之將行也與,命也 樂循理,足以自得,安分無求,常教 命」、「性也、有命」。莊子述之曰: 其正,知命者不立巖牆之下」,「得之有 章更大聲疾呼, 廢也與,命也。 者也,特著《非命篇》以攻儒。其《非儒 者,徵羣經傳難以悉數。墨子,攻孔 報也。」此爲孔子大義,以令人安處,善 曰「得之不得曰有命」,「莫非命也,順受 窮理 力命篇》、《孝經緯》述三命曰: 居易俟命」,「大德必受命」。 知天命」,曰「死 |欲我如是哉? 天地豈欲我 然而至此者命也夫。」楊子述之爲 盡性以至於命」。 公伯寮其如 「樂天知命,故不 曰「不知命 子思述之 命何」, 無以 孟子 「善惡 道之將 爲君 如 日: 述之 憂」, 其卒 不 是 十

焉。 篇》 曰: 若人氣賺 者也。」又曰: 益。」又曰: 笑之,怒曰: 且亂,而 怠於從事。 窮達賞罰,幸否有極,人之知力不能 貧富,安危治亂 夭,治亂安危有極矣,不可損益 足以喪天下四政焉,以命爲有,貧富壽 冠也。」 「子墨子謂 矣,先生之毁儒也!」」儒墨相 從事矣,此足以喪天下。」程子曰 上者行之必不聽治矣,爲下者行之必不 「教人學而託 羣吏信之則怠於分職,庶人信之則 「貧富壽夭,齰然在天,不可 儒者以爲道教,是賤天下之人 鼠藏,而羝羊視賁彘起。 强 不治則亂,農事緩則貧, 執 「君子必學。 有命,是猶命人葆而 散人。」《公孟篇》攻儒 「立命緩貧 , 固 有 命 有天 程子曰: 以 説 命,不可損 議 而高浩居,是 子墨子 曰 「儒之道 反相攻 也。 去 日 其 貧 爲 夭 亦 損

若以爲罕言,則孔子所多言者爲何也? 若仁,則尤爲孔子專特之義,無往而非 而墨子之攻孔子,以命 闕脱,程、朱所考者已多,以寫官脱寫, 其説益不可通矣。《禮記 言仁者,即《論語》言仁,已四十二章。 魯地,而「達」字屬此章至明。 稱孔子與老聃助祭於巷黨。 之義,遂永没,孔子之大道遂割裂,今特 之義尚不可掩,命之義則宋賢怵於此章 遂至孔子命仁兩義,千載爲之不明。仁 一,則命爲 疏通證明於此。 孔子特立第一大義 · 爲儒 曾子問篇》 者四義之 蓋巷黨爲 《論語》之 至明矣。

成名。」舊本作「達巷」,誤。 〇巷黨人曰:「大哉孔子! 博學而無所

老聃助祭於巷黨是也。 巷黨,魯地。 上章之末字而連寫之,今改正。 巷黨之 《禮記 ·曾子問》,孔子與 舊本作達巷,脱

> 名。皇甫謐《高士傳》以巷黨人爲項橐, 大,而惜其博 人見孔子四 通六闢,無所 而不專,無 一專門擅 不通, 因 長之 美其

乎 ? 子聞之,謂門弟子曰: 《國策》、《淮南子》、《論衡》以項橐爲孔 乎? 項橐也。 子師、《史記・世家》以爲巷黨童子當是 所執尤卑。 執,專執也。 詣。 成者也。」行歧道者不至,世愈文明,則 焉者,夔之爲樂,一也。天下未有兩 弓,一也。天下之爲樂多矣,而 下之爲弓多矣,而 鬼神 分業愈多,博涉則必淺嘗,專門乃能精 執射乎? 通之,乃能制器利用,利物前民。 至專精之至,傳之子孫,思之思之, 然則吾將執御矣。 言欲使 射御皆 吾執御 垂獨 我 矣。」 一藝,而御爲人僕, 「吾何執? 稱焉者,垂之爲 何 荀子曰: 所 執 以 變獨 成名 執 万天 御 而

惟神聖之才,天資敏絶,乃能多能多藝

成也。 蓋恐天下不能學己,誤於博學而一無所業,而因以自承,亦欲執一藝以爲專門。精之義,而以律聖人,孔子欲厲專精之無所不通,然不可以教人。巷黨人知專

違衆,吾從下。」 從衆。拜下,禮也, 今拜乎上,泰也,雖 〇子曰:「麻冕,禮也, 今也純,儉,吾

從衆; 衆 縷,則其經二千四百縷矣,細密難成,不 麻冕,緇布冠也。 也。泰,慢也。 下,君辭之乃升,成拜。按、《聘禮・公 如用絲之省約。臣與君行禮,當拜於堂 約。緇布冠以三十升布爲之,升八十 食大夫禮》,外臣亦然,不止本國之臣 有得失,當擇之也。 事之慢泰 明事之易簡進化者,可 純,絲 違 禮 孔子之禮: 者,不可從衆。 也。 儉,謂 省 天

> 孔子鑒 見士 辭乃升,以爲 幾過於 子見三公下階,見卿離席,見大夫興 可無拜禮 撫 於時弊而言之,後世既非席地 今歐洲君 席。 ,則古今不同,可無議矣。 君 恭讓 臣 臣 對 ,乃少示君臣之敬耳。 矣。 拜, 已極 但須下階待君 平等之至 席,

)子絶四: 無適莫 員 執尤大。 故無所住 教,即意、必、固、 也。印度古教有所教、方教、執教、我 固 相 可無不可 理。 通 ,所也。必,適也。固,執也。 、我皆大 不能兼 如耳 而 一執於我,即背於公德,失於 而適宜。至於我性 比義, 孔子之道渾圓 而絶跡; 毋意,毋必,毋固,毋我。 惟 目鼻口之各明一義,而 懷萬理。 孔子無 我也。 孔子之道時 凡諸教之意、必、 此 孔子之道虚齋, 四者。 过我質 所 中,故 一, 故 我,己 (,其癡 以 不能 無

絕象外而無不包,深入世中而無

所滯

與曰: 也 我,與人爲善也。」亦可通。 之與比也; 而不可測之神耳。 「意」,或作「億」, 「智毋億,先覺 禮 毋固,時中也, 測教 也; 也。 但非所以論 義毋 莊 /必,義 氏 毋 存

○子畏於匡,曰:「文王既没,文不在兹○子畏於匡,曰:「文王既没,文不在兹公子畏於匡,曰:「文王既没,文不在兹公子畏於匡,曰:「文王既没,文不在兹公子畏於匡,曰:「文王既没,文不在兹

道,文王隱没五百年,文明之道統大集之,文王隱没五百年,文明之之道統大集之。,故善,以其四之。,文者,文明定相似,故匡人以兵置之。,文者,文明,至人以爲陽虎,陽虎曾暴於匡。夫子卻,至三人圍之。包氏咸曰:「匡人誤圍夫臣人圍之。包氏咸曰:「匡人誤圍夫民,被人以兵亡。是者,有戒心之謂。匡,地名。《史記》是者,有戒心之謂。匡,地名。《史記》

於孔 害。 其死, 傳》曰: 文明之教主, 制文明之法,垂之後世,乃爲人道之始, 期曰:「文王,孔子也。 休述口説曰: 我爲文明之教主,匡人必不能違天 言天若絶文明之統,則孔子自謂 爲文明之王。」蓋孔子未生以前,亂世野 爲率,而孔子之道尤尚文明。《公羊》先 蠻,不足爲人道也。 蓋人道進化以文明 之傳,又爲孔子親言,至可信也。 亂篡統,一切歸之周公,幾若孔子爲 王,自命如此,並不謙遜矣。 子上受天命,爲文明之教主,文明之法 子。 《春秋》之始元年春王正月、《公羊 説,與《論語》合符,既皆爲今文家 ,與後王共之,人道之始也。」 王愆 「王者孰謂? 後死者,孔子對文王自謂 「文王者,法其生,不法 天若未絶文明之統,則 蓋至孔子而 謂文王也。」 不 以 蓋 也 相 何 孔 肇

老彭,觀此可證其謬。好學美質之賢士大夫,述而不作,比於

吾少 不多 其多能 爲一章。 藝。]]皇本「太宰知我」下有「者」字。《釋文》「牢曰」另 又多能也。」子聞之,曰: ○太宰問於子贛曰: 也 也。」牢曰: 賤,故多能鄙事。 也?」子贛曰: 「子云: 「夫子聖者與? 何 「固天縱之將聖, 君子多乎哉? 「太宰知我乎? 「吾不試,故

《詩》: 也。 也。 苑・善説篇》。與者,疑辭。將,大也。 縱肆其大聖之德,又兼多能,乃其餘 孔子弟子,鄭氏以爲子牢,《家語》以爲 能爲聖。縱,猶肆也,言無限 太宰,官名,鄭氏謂吳太宰嚭,見《説 人,故又言君子不必多能以曉之。 《論衡》: 聖而 「我受命溥將,有娀方將。」是 無 不通也,其多 「將,且也。」太宰蓋 能 非 也。 以率 以 言天 多

> 琴牢 專 聞之言而益信也。 國,不過使魯强盛 者,若令孔子生爲季、孟、定、哀,終身當 試,用也。 言不爲世用,故得以習於藝 《家語》,以琴張爲另一人,未審 子》、《孟子》、《左傳》作琴張,同。 不能以率衆,故孔子遜言以謝。 子固不當多能。」言人宜懷道,若才藝則 貧賤,常自執事,故多能爲鄙人之事,君 堯、舜而已,安能爲百世教主乎? 而多通之。人之成就,固有以 人表》有琴牢。王氏念孫據鄭氏、疑僞 專爲其所能 鼠有五技而窮也 , 已足。蓋生知不可以律人,即 衛人,字子開,一字子張, 爲,無務博而無成, ,或朝諸侯有天下,如 包氏 咸曰: 退 亦欲 《古今 E 然 否。 「少小 丽 爲進 多 莊 使

夫問於我,空空如也。我叩其兩端而竭○子曰:「吾有知乎哉? 無知也。有鄙

焉。]皇本「鄙夫」下有「來」字。孔注:「有鄙夫來問於

我」,則必亦有「來」字。

則去; 叩,即也,發動也。 氏春秋》: 之風起,不行又無以使民知勸; 楊朱爲我,無君也,乃曾子居武城,寇至 氏循《補疏》曰: 王言篇》: 空空,鄭作「悾悾」,誠慤也。《大戴禮 胝,至於偏枯。 國威將不振。凡若是皆兩端也,而皆有 兵也,行之則生事無功之説進,不行 歛之流出,不行則度支或不足, 使民知懲, 枉也,行之則刁訴之俗甚,不行 得所宜 墨子兼愛,無父也,乃禹手足 也,竭 「商慤、女憧、婦空空。」《吕 則爲中。 「空空乎其不爲巧故也。」 一理財也,行之則 此也, 一旌善也,行之則 端,物初生之題。 「蓋凡事皆有兩 孔子叩之, 舜執之,執 頭會箕 又無以 吅 詐偽 伸 胼 則

吾已矣夫!」《史記》必是今文,未知此是魯《論》,抑 夫!!《史記・孔子世家》作: 〇子曰: 論》耳。 藴矣。 之空明,物來 民末也,有知乎哉? 無,非有非無,亦有亦無。聲色之以化 則豈聖人之言哉! 也。」如答樊遲之問仁知, 臭,至矣無知也! 故如天之空渾,如 極則相 物,語精而不遺粗,語本而 粗、終始、本末。凡物必有對待,故兩 玲瓏,八面完滿,此孔子所以爲神聖 盡之。蓋語上而不遺下,語理而不 端并竭。兩端者,有無、陰陽、上下、精 物不著,至誠則鄙夫必盡,大智則 若夫語 反。 「鳳鳥不至,河不出圖,吾已矣 物從無 順 上而 應,因而 而生有,理從有 遺下,語 有若無,實若虚,至 上天之載,無聲 「河不出圖,雒不出書 附之。 兩端竭 不遺末,四 理 圃 真 '盡無餘 遺 空 而 也 照 潰 端 兩 則 鏡 無 歸

鳳,靈鳥,雄曰鳳,雌曰凰,舜時來儀。

引此曰 語》: 時, 也。 子・非攻篇》: 圖 河 舒《對策》引此曰: 泰顛來賓,河出録圖。」《論衡・問孔篇》 書・五行志》及《論衡》皆以爲伏 有所制法垂教,而天瑞又必應之。 同《論語素王受命 也,鳳鳥不至,河無圖至。」」與董、王説 尼偶筮,其命得《旅》,泣曰: 身卑賤不得致也。」《易坤鑿度》: 太平,太平則鳳凰至,河出圖矣。」董仲 河 圖 至,鳥銜書爲《演孔圖》,遂作《春秋》, ?出馬圖。」《書・顧命》有「河圖」,《漢 洛出 河 已, 止 河 水出圖,則之而書八卦。 「周之興,鸑鷟鳴於岐山。」《 中龍 書,聖人則之。」《禮·禮運》: 「夫子自傷不王也。 也。 馬 《 易 負 「天命文王,伐殷有國, :懺》。 圖 「自悲可致此物,而 伏羲時 繋解》: 大聖不虚生,必 出 『天也,命 己王,致 以羲氏 其 後 泂 桂 一仲 或 出 O 是

蓋作三世法於來者焉。

作「童子」。 「魯讀「弁」爲「絻」。」《説文》:「「冕」或作「絻」。」 一人,必作, 過之,必趨。「冕」,鄭本作「弁」。鄭少,必作, 過之,必趨。「冕」,鄭本作「弁」。鄭少,必作, 過之,必趨。「冕」,鄭本作「弁」。鄭

也。 冠 作,起也。 裳,大夫以上之盛 者,無以 人。」 蓋孔子因人道之宜,順人情之安, 坐。 齊衰,衰之緝者,蓋輕於斬衰之喪。 所謂人倫之至 之服。瞽,盲也。作,起也。 也。 此 包氏咸曰: 衣,上服, (夫子哀有喪,尊在位,恤 尚諸 趨,疾行也。 也。 服也。瞽,無目 裳,下 後之教主,言人格 冕者,冠也,大 或曰,「少」當作 服。 趨,疾 冕 不成 而衣 者。 冕, 行 夫

)顏淵喟然歎曰:「仰之彌高,鑽之彌

■ 「禮運」,原誤作「禮器」。

「鑴堅仰高」,則「鑴」當是齊魯《論》之一文。堅,瞻之。在前,忽焉。在後。《隸續・嚴發碑》:

者,然雖極 之在前,忽焉在後。 地、育萬物、六通四闢、小大精粗、其 萬物,峻極於天,莊子則 舜,子贛則稱百王莫違,子思則 子之道,無窮盡,無方體,而歎之也。 前在後,恍惚不可爲象。 彌高,不可及, 喟,歎聲。 世,讀《禮運》知小康大同,讀《易》 則宰我。若顏子之所形容,所謂聖而 無乎不在,顏子則稱仰彌高,鑽彌堅,瞻 今爲孔子贊者多矣. 宰我則稱賢於堯 測之謂 變靈魂,死生陰陽。二千年鑽仰未得 次則莊子,次則子思,次則子贛,次 神。 鑽,所以穿也。 力鋪寫,終不若顔子之形 今者於《春秋》得元 鑽彌堅,不可入, 五子皆善言德 稱配 此顔子深知夫 堅,剛也 神明 稱 了, 醇 發育 而 統 容 天 知 行 運

> 以聞一 聖,以莊子、顔子之聰明不可測 盡 得,前後恍惚,而謂數千年之後,於 者,今又新出,尚不知孔子更有幾 精英,斷其定案,其可 窮無盡新理,爲我所 言,言不盡意之餘,吸啜糟糠,而 知十、親炙既久之聖,尚 鑽 盡 仰未 得 乎? 得之者 知,吾 鑽 天 許 (生大 仰 得 書 耶 其 不 無

「未由」、《史記・世家》引作「蔑繇」。 博》、《隋書・煬帝紀》、《魏書・高允傳》、《賈思伯意瓌疏、《南史・王琳傳》、《魏書・高允傳》、《賈思伯論》、《李膺傳》注、《吴志・步騭傳》、《宋書・禮志》載晉遺傳》注引作「恂恂」。蔡邕《姜伯淮碑》、《後漢・郭泰傳遺傳》、後麗不能。 既竭吾才,如有所立卓爾。 「夫子循循然善誘人,博我以文,約我以「夫子循循然善誘人,博我以文,約我以

致知格物也。約禮,克己復禮。卓,特言夫子道雖高妙,而教人有序。博文,循循,恭順有序貌。誘,歆羨導進也。

只得日不可測知而已。

綸 語 注

之所 化人當前,卓爾高蹈,凌空步虚,中天迴 及,心力並盡,忽而臨深崖望大海,蹤跡 立 之境,而自言之。然則,孔子之爲化人 顧,可見而不可及,可望而不可到,欲從 既絶,行地 不遠,自有欲罷不能之境。 神人,顏子實言之矣。 則不可爲此。顔子學道之深,親見化人 大可爲也化之之聖,聖而不可測之神 末由,自崖而返,顔子自此遠矣。 超 絕也。 至 也。 皆無,劃然豁然,躊躇四顧 末,無 凡學道者,相 也。 此顏子自言 引彌深, 至於步趨 相 其 俱 望 璺

手也,無甯死於二三子之手乎! 吾誰欺? 不得大葬 久矣哉,由之行詐也! 〇子疾病,子路使門人爲臣。 病間,曰: ,予死道路乎?」 欺天乎! 且予與其死於臣之 無臣 Щ 爲 且予縱 有臣。

> 事。 葬。 喪,其意實尊聖 葬,謂君臣禮葬。死於道路,謂棄 欺也,而爲有臣,則是欺天而已。 有家臣,時 棄而不葬,而不貴大葬,雖辭立臣,而大 不爲人王,故言不欲死於臣手,而欲 自罪,其責子路深矣。 病間,少差也。 義實在此。 於二三子之手。 孔子貴天爵而不貴人爵,爲教王 言我不當有家臣,人皆知之,不 已去位,子路欲 病時不知,既差乃知其 孔子重魂 人,而 未知所以尊 無甯,甯也。 而 輕魄,但 家 引以 而 而 可 其 死 不

賦》注並引作「價 賈篇》、《後漢書・ 求善賈 ·沽」作「賈」,今不從「沽」,從石經作「賈」。 《白虎通 一子贛曰: 而賈諸?」子曰: 我待賈者也。」「匱」本又作「櫝」。漢石經 「有美玉於斯、韞匵而藏 張衡傳》注、《逸民傳》注、《文選・ 「賈之哉 諸? ・商

韞,藏也。 匵, 匱 也。 沽,賣也。 包氏咸

「疾甚曰病。」孔子嘗爲大夫,可

也。 賈。」賈,與價通。 之待賈,必不枉道以從人,衒玉而求售 仕也,又惡不由其 仕,故設此二端以問也。 「沽之哉,不衒賣之辭。 道。 子贛以孔子有 士之待禮 君子未嘗不欲 我居 猶玉 道 而 不 待

子曰: ○子欲居九夷。 不過文明野蠻之别。 之世,遠近大小,若一。其始夷夏之分, 存者神也。 之者,亦乘桴浮海之意。所過者化,所 夷、白夷、赤夷、玄夷、風夷、陽夷。」欲居 東屠,八倭人,九天鄙。」《後漢書・東夷 浪,三高麗,四滿飾,五鳧更,六索家,七 皇《疏》: .鮮虞則夷之,楚子入陳則中國之,不 「夷有九種,畎夷、千夷、方夷、黄 「君子居之,何陋之有?」 「東有九夷: 萬物一體,天下一家,太平 或曰: 故《春秋》之義,晉 「陋,如之何?」 一立莬,二樂

> 〇子曰: 諸夷。 以 進 不得於中國 地 而 别 文明矣。 7,但以 聖人但欲開化救人,無所擇也。 「吾自衛反魯,然後樂正、《雅 「,則欲闢殖 德别。 孔子日思以 若經聖化,則 民之新地,傳教 道易天下,既 野

《頌》各得其所。」皇本「反」下有「於」字。

必先正樂、雅》、頌》乃得所。又,周流 經,以垂教後世,而先修《詩》《樂》。 反魯,見道不行,決不再出,乃始撰定六 魯哀公十一年冬,孔子年六十九,自衛 請於大夫,舞佾歌《雍》皆是也。 僭者,如宫縣不應用於諸侯,曲縣 正樂中事。蓋正樂之條目多: 正樂也。《經史問答》云: 如今者,亦必徧游歐美,盡聆樂音,乃能 四方,徧考古今之樂,然後能定中聲。 有司之失傳者,如《大武》之聲淫 有正其節奏之紊者,如翕純皦 「正《詩》乃 有正 有正 及 商是 其 其

是也。 《雅》、《頌》。《詩》之《風》、《雅》、《頌》以 非以《詩》言也。 文鈔》云: 也 衛 條 者,則俱曰《雅》、《頌》焉云爾。」揚雄《法 之性情,稽之度數,協之音律,其中和 體別,樂之《風》、《雅》、《頌》以律同。 有《頌》,《頌》中有《雅》,《風》中亦 律諧,鄭、衛 其不可爲據是也。」包氏慎言: 之竹,龍門之桐是也。 詩》有六義: 大武》之樂,據冷州鳩語别有四名,疑 雅、曰頌。而其被之於樂,則《雅》中 理 曰 有正其容者 是 有正其器者,如歌《韶》必以首 宋 也。 四 「或問: 《論語》、《雅》、《頌》以音言, 聲 有正 不得而亂之,故 樂正 曰風、曰 ,如《大武》之致左憲 以及 其聲 五聲十二律也,或 北 而 而 有正其名者, 賦、曰比、曰 律與度協 鄙 黜 殺 之者,如 伐之響 日 **|《敏甫** 得 所。 ",聲與 興、 有 巫 如 Ш

然也。 名也 《雅》可《頌》。《邠風》然,知十五 《雅》,吹以寒暑,則 歌。」《商》,《頌》也, 《邠風》也,而 《頌》,二者固不可比 皆曰《雅》。 爲《雅》者,其音雅 檀》、《騶虞》,此五篇皆《風》也,而名之 篇可歌。』《鵲巢》、《采蘩》、《采蘋》、《伐 蘩》、《采蘋》、《白駒》、《伐檀》、《騶虞》八 有樂之《雅》、《頌》,《詩》有詩之《雅》、 之,確乎鄭、衛不能人也。」由是言之,樂 多哇爲 二十六篇,《鹿鳴》、《貍首》、《鵲巢》、《采 雅》 八篇廢,不可歌,七篇《商》、《齊》 《大戴禮 漢杜 鄭。 鄭, 何 變傳雅樂四曲,有《鹿鳴 由是言之、《雅》、《頌》者通 論章 也? 問 本? 投壺》云: 吹以養老 也。 日《頌 日 而 《齊》,《風》也 《投壺》又云: 同 曰 $\stackrel{\checkmark}{\leqslant}$ 也。 中 息物, 黄鐘 「凡《雅》 《七月 詩 國 以 亦皆 雅 則 而 可 可 生 可

《樂書》曰:

子

謙退爲

《雅》、《頌》,豈第二《雅》三《頌》之謂 《風》詩之在樂,可名《雅》而又可名《頌》 哉? 又曰:「言不合乎先王者,則 子以親。故《韶》《夏》之樂也,聲乎金 之聲皆發於辭,本於情,故君臣以睦,父 矣。《淮南・泰族訓》曰:「《雅》、《頌》 即《雅》、《頌》亦不得爲《雅》、《頌》。 以爲樂。」然則,《雅》、《頌》自有《雅 石,潤乎草木。」然則,《韶》、《夏》亦云 虞》爲文王之樂,與《武》、《勺》並 曰《雅》、《頌》; 可以爲道,音不調乎《雅》、《頌》者,不 頌》並稱者,情乖而律不調也。 非無《雅》、《頌》之詩,而不能與《雅》、 性情正,音律調,雖《風》亦 禮,減損爲樂,其如此 虞》、《文王》。 「凡作樂者,所以節樂。 性情不正,音律不 墨子謂 太史公 稱 ¨; 則 騶 可 威儀。 言 《頌》之音理而民 協 以 《詩》之《雅》、《頌》爲樂之《雅》、《頌》,則 《詩》分乎,不以《詩》分乎?《樂書》 《雅》、《頌》。樂之《雅》、《頌》,其果 也; 子躬於明堂臨觀,而萬民咸滌蕩邪穢 經傳多格而不通矣。《樂記》曰 得廣,心氣和平者,皆《雅》、《頌》也。 聲應相保,細大不踰,使人聽之而志意 禮。」由是言之,樂之《雅》、《頌》猶禮之 使耳聞《雅》、《頌》之音,目視威儀之 義防淫佚也。 大夫聽琴瑟之音未嘗離於前,所以 比聲 爲 酌 飽滿 .州異國殊,情習不同,故博采風 「天子諸 天子博采,而協比以音律,則俱 威儀以養身、雅》、《頌》以養心。 律,以 ,以飾厥情。

(伐檀 》、《 騶

補短移化,助流政教。

正。」夫州異國殊,風

故云:

《雅》、

《頌》之律。

四

侯聽鐘聲未嘗離於庭

须卿

以

曰

又

夫淫佚生於無禮,故聖

人

莫非《雅》、《頌》也。 之。」《周南》、《召南》莫非先王所制,則 不能 子論 《雅》、《頌》相錯,孔子論而定之,故曰 言: 之性情,稽之度數,協之聲律,不悖於先 戴》所言,杜夔所傳,豈盡謬哉? 故《伐檀》也,《齊》也,亦曰《雅》。《大 合乎《雅》、《頌》者,即謂之《雅》、《頌》。 以求合乎《韶》、《武》、《雅》、《頌》之音。」 王者,聖人有取焉。《史記·孔子世家》 謂聲律之錯,非謂篇章錯亂也。 三百篇之於《雅》、《頌》,不必盡合也,其 得其所。」」班氏所謂《雅》、《頌》相錯者, ·吾自衛反魯,然後樂正,《雅》、《頌》各 不 禮樂志》云: 能無樂,樂不 而 無 「《詩》三百五篇,孔子皆絃歌之, 亂, 定之者,謂定其聲律,非謂整齊 故制《雅 能無形,形 非先王 「周衰,王官失業, 》、《頌》之聲 所 而不1 制 所謂孔 而 爲道 以 《漢 渞

> 之亂 後。 其篇 《雅》、《頌》皆因之以亂,詩則是也,聲則 《卷耳》正所謂 《頌》之聲,故風不 故男女有别; 之節文者也。 曰: 非也,故曰惡鄭聲之亂雅樂也。《淮南》 明乎此,而《雅》、《頌》之不係乎詩可知: 以鄭聲絃之歌之,則樂者淫,哀者傷矣。 有所錯,然洋洋之盛,必待孔子正樂之 之合於人道者,又協其聲使合《韶》、 詩三千餘篇,孔子删之定之,既取其義 得所」之非整理其篇章亦可知。 次也 蓋 ,洋洋乎盈 「先王之制法也,因民之所欲而爲 自新聲既 子 因其好色而制婚姻之禮 日 節而不使流者也。 耳 因其好音而正《雅》、 流。」《關雎》、《葛覃》、 起,律音以乖,先 哉 師摯之始, 」《關 雎》編次非 《關 按,古 然使 Ŧ

意歟? 新製。 十五,其中半音三十五,得八十四調之 琴凡七調,高下長短,清濁皆備,其絃 人手指甚長,今不能復之矣。今歐 度八十四調,則笛孔 之樂亡矣。吾嘗以 唐之雅 十四四 武》、《箾》、《濩》之音,蓋皆孔 調 "; 樂,而宋人不復見之,於是 晉荀朂、梁武帝、隋萬 何其闇合也。 存遺製,耶律 周慮俿尺製十二笛, 相距甚遠,乃知古 **-** 德光 破 寶 子 常常 東 修 美之 孔子 之八 京 Œ 得 或

事不敢不勉,不爲酒困,何有於我哉?」 〇子曰: 可逃; 求高妙清浄,是即 之道,不可棄。若欲逃 **意愈切矣。天既生人,** 困,亂也,說見第七篇,然此則事愈卑而 ,去道愈遠。孔 我受天之命而爲人,則當盡 「出則事公卿,入則事父兄,喪 有我 子以天游之身,魂 之至 棄人道之外,别 則有人之任,不 一,其違天 愈 人

不動。 避。 用 皆盡,無異常人。但終身應物,皆順 何至不能爲鄉人所能哉? 自得安居者即爲鄉人。 小,無精無粗 離人道,即以不離人道爲極功。無大無 絶無奇特,即 癡,故灑掃 身,萬化而不厭,千變而 嘗言,何有於我也。 魄之自然,因物付物,而 同之,但不至亂。 威,人所同有也,我則匍匐救之而 之,人爲我之父兄,我則事之。 之,順受其正。 無不之,神 ,而孔子自道之也。 酒食之樂,人所娱生也,我亦 故終日行而未嘗行,終日言而 明 即爲神功,人事皆爲道境。 ,自得安居者即爲聖人,不 無不在,偶受人身, 以絶無奇特爲彼岸, 出 凡人間世之道,纖 爲我之公卿, 在衆無衆,在身無 不然,聖人雖謙 不捨,深入而 神 此蓋化人之妙 明超然,寂 儒者自命爲 我 死 來 醉 喪 則 則 不 台 之 不 不 未 然 體 悉 飽 事

四

六

所以敗也。宋賢言道之極,即入於墨,己寡欲,劬躬勞身而已。是墨子之道,得者,亦付之於佛。則孔子之道只有克皆付之於釋、道,乃至安身立命,超然自衛道,而宋人最長於割地。凡高妙者,

夜。|○子在川上曰:「逝者如斯夫! 不舍晝

非孔子之道也。

也,純亦不已焉。 也。是以君子法之,自强不息,及其至 選乎晝夜未嘗已也,往過來續無一息天運而不已,水流而不息,物生而不窮,

者,目則好之。電自相吸,魂不能主,則色者光魄也。受光而見色,色與目宜醜之,故有是言。蓋好德者魂靈也,好車,使孔子爲次乘,招摇市過之。」孔子《史記》:「孔子居衛,靈公與夫人同〇子曰:「吾未見好德如好色者也。」

以天下; 如好色。 好色,而常人無學,魄常勝魂,故好德不 爲之。故魂清自主者好德,魄濁用 之事孔子,心悦誠服,終身從之,則 色,則愛好頓無,皆魄爲之也。七十子 更獵一圍,好之至則有如此。然易其目 從之矣。故漢哀帝之好董賢 齊高緯之於馮小憐,亡 分斷 袖 事者 魂靈 國 而 讓 而

子曰:「語之而不惰者,其回也歟!」

《説文》作「憜」,則「惰」是今文。

可語 大弟子 資 大 早没,而孔子神化大道遂不可聞, 義妙道,必羣弟子所不能知者。 所心心印可者惟顔子一人,其與 孔子有「中人以 同 餘人不解 何 有高 教之遺恨也。 晏 一義語,而有領受不領受者。佛與諸 上」之義。 日 語,而 下 ,學力有深淺,聞根有鈍利,故 ,故有惰語之時。」蓋學者之性 顔淵解,故語之而 新 孔門多高弟子,而 學 上 無聞,正與此 可語上,中人以 惜 語 同 不 頭子 之精 下不 惰 此 孔 則 子 故

未見其止也。」 吾見其進也, 〇子謂顔淵曰:「惜乎! 吾見其進也,

此 惜之甚。」**皇《疏》謂**, 文數也。 |氏咸曰: 詣已定矣。 若孔子見顔子已 孔 惟尚當方進之時,則以聖 子謂 顔子死後,孔 顔淵進 止 一, 則 益 未 顔 子之 子 有

> 孔子痛之,至謂「天喪」也。 門無及之者。 多美顔子,蓋 之神,則此才爲古今最可惜者也。 而已矣。 人之才爲聖人之道,日 然而 顔子爲聖門第一高才,及 傳道失人,關係至大,故 短命,不能 新 至聖而 未已,爲 不 此 可 聖 測

實者有矣夫!」
○子曰:「苗而不秀者有矣夫! 秀而不

碑 》: 矣。 於壽 注》、《世説新語》同,則 成者如麟角,聖人之所以 之秀,成德譬之實。學者之有此,或阨 學者之等級如此。未學譬之苗,達才譬 穀之始生曰苗,吐華曰秀,成穀曰實, 理惑論》、《梁書 命,或懈於中途。故學者如牛毛, 漢沛相《范 以惜 顏子茂而 • 君 徐勉傳》、李軌《法言 墓碑》、禰 舊説有此 不 實 激厲後 也。 衡 生至 牟 顔 子 融

〇子曰:「後生可畏,焉知來者之不如今

也 皇本「可畏」下有「也」字、「已」下有「矣」字。 四 十、五十 而無聞焉,斯亦不足畏 也

者也。 十、四 學者以 黽勉。 可畏。 亦爲 爲學,精力已衰,志氣已惰,即有所成 無 此勉學者。 子張、曾子皆二十餘歲,顏幸、冉孺、曹 之切如此。 學業成否全在少年,故孔子望之深,警 後生何必慕我? 蓋是時,孔子有聖人之望,天下所共尊, 體强,年富志鋭,盛德大業無所不可爲, 而不以善聞,則不聞矣。」語意正同。 所 不可成,其勢無比,不止可嘉,而實 小就,不足畏矣。 十之間而 若四五十而名譽不聞,則雖發憤 時哉,時哉! 爲不可幾及也。孔子誘之曰: 來日方多,安知不如我今日? 後生,少年也。 當孔子夢奠時,子夏、子游、 無藝,即 乃可過我而令吾畏之 宜日就月將,惜陰 曾子曰: 無藝矣; 年少者氣盛 五十 $\frac{1}{2}$

> 〇子曰: 就者亦多,可見孔子陶鑄之盛 邮、伯虔、公孫龍僅 「法語之言,能無從乎? 二十,後生少年之成 也。 改之

説而 爲貴。巽與之言,能無說乎? 不釋,從而不改,吾末如之何也已 繹之爲貴。

之也。 别 改繹矣。 拒之而不受,其或喻焉,則尚庶幾其 足以知其微意之所在也。語之而不達, 言,無所乖忤,故必説,然不繹,則又不 憚,故必從,然不改,則面從而 法語者,正義言之也。巽言者, 有肺腹,雖聖人其如之何哉 釋,尋引其理也。 從且説矣,而不改繹 法言,人所敬 焉,則是 른 孫 順 뫭 滇

〇子曰: 〇子曰: .改。」重出而逸其半,或弟子頻聞,故重録之。 「主忠信,毋友不如己者,過 「三軍可奪帥也,匹夫不可奪志

則

四八

帥者 謂之志矣。立志,爲學者第一事,志不 匹夫雖微,苟守其志,不可得而 雖衆,人心不一,則其將帥可奪而取之, 無妾媵,惟夫妻相匹。」孔氏曰: 堯典》疏: 立,則天下無可爲者。 可奪,在己不可奪。 三軍之勇在人,匹夫之志在己。 士大夫已上有妾媵,庶人 四丈爲匹。 如可奪,則亦不足 匹夫者、《書 在人則 奪也。」 「三軍

文》云三十一章,則古本多一章,正分「不忮不求」以下。 文》衣部作「弊」,則「敝」是今文。《注疏》本三十章,《釋 臧?」]子路終身誦之。子曰: 何足以臧。」《釋文》: 不恥者,其由也與? 『不忮不求,何用不 〇子曰: 子路當寒時無裘,棉袍已敝,一寒至此 貉之皮爲裘。 敝,壞也。縕,舊亂絮也。袍狐貉,以狐 商賈不敢 「衣敝縕袍,與衣 服 M 董子《繁露》謂: 貉」,則貴人禦寒之服。 「「敝」或作「弊」。」皇本、《説 狐 「是道也, 貉 者立,而 「百工

> 之詣。 自 而 雉》之詩,孔子引之以美子路。 也。求,貪也。臧,善也。 以進於道矣,故夫子稱之。忮,很也 不以饑寒易其慮,不以貧 妙用矣。 喜,則止而不復進矣。 易,去忮爲難,終身誦之,則自,喜其能, 情之常,忮乃心術之大害。 富交,强者必忮,弱者必求。 末云不善,其鞭辟陶鎔學者,真善誘之 不恥惡衣惡食者,入道之基,而非成 而不復求進於道矣,故夫子復警之。 充 復 與狐裘者並立, 德貴日新,道在上達,若遽以 所愧恥。 子 路 相 之 形 孔子始善之,而 此《衛風 富 志 瑟縮 志士去求尚 如 動其心,可 然求爲 此, 而 蓋 貧 則 浩 能 自 J 與

知松柏不彫傷。平歲則衆木亦有不死何晏曰:「大寒之歲,衆木皆死,然後)子曰:「歲寒,然後知松柏之後彫也。」

難 根 如 世 變,然後君子之所守乃見也。」蓋不經盤 後知君子之正不苟容。 一, 亦 ,不足以識忠良。《詩》不云乎,「 錯節,不足以别利器; ·, 故 晦,雞鳴不已。」 能 須 自 歲 修 寒而 整,與 後别之。 君 子同,在 至臨利害,遇 喻 不經變故 凡 濁 風 處 雨 患 事 治

懼。」 〇子 i E 「知者不惑,仁者不憂,勇者不

萬物之 序也。 不憂; 不能 日 明足以燭理,故不惑; 則 坑 在惑 如 相 懸 盲 觸 逃 一; 而 中, 崖,漏舟 人 去,則日在憂中, 事理錯 人之生世,與接爲搆,日 氣足 瞎馬,夜行臨 不能 以配 身家國天下苦惱 雜 敗 勝之,則日 於前,而不知所從,則 道 屋; 義,故不 池, 理足 懼則 在懼 身世言行 懼 以勝私,故 如 憂則 相 以 ,此學之 中。 纏,而 心 如 蛇 危 在

> 迷。 明物之知,則 施懼者以浩氣剛大之勇,則風雷 望聖人拯之也。 猛 妙方,不可不信受者也。 以樂天知 虎 故知、仁、勇爲三達德,學者度世之 ,大火怨賊。 命之仁,則地 幽室皆見光明。 聖人先救惑者以 此人道之至苦, 獄皆成樂 亦 施 土 憂者 能 窮 而 弗 理 H

與適道,未可與立; 〇子曰: 也。 《玉篇》: 者,有志者也。然有志而智識昧者,未 然後知輕重。」蓋轉移 然時措有宜,變通盡利,其以行權,固有 於可與立 執,知類通達,强立不反,可與立矣。 可與適道。 無常而後得其正,謂之權。可與 然力弱不堅,未可與立。 「可與共學、未可與適道 **,**則篤信好學,守死善道者矣。 「權,稱錘也。」《孟子》: 可與適道者,識明能擇善者 可與立,未 而後得其平,變置 可 擇善而 與權。」 共 至 學 權 固 可

;

安也。 令聖人之大義日亡,此則宋儒之割地偏 《公羊》權義,此程子所以終身僅爲可與 立之人歟? 己所不知,削孔子之大義 道矣。 權者,執德不弘,皆未足與議也,程子攻 其未可與立者,信道不篤, 龍、飛龍、羣龍無首、歸魂、游魂。 《禮運》有大同、小康、《易》有潛龍、見 孔子之《春秋》有據亂、升平、太平三世, 必如此乃足見事理之變,濟時勢之窮。 一而不知時中,則爲拘儒、小儒而害大 經 而 故孔子之道、主於時、歸於權。 合道者。 神 而 明之,存 其未可與 乎其 若執

「唐隶之善」為承、為、常、法、引、法、非。」皇本「有」下多「哉」字。有?」《釋文》:「「偏」本亦作「細」、「未」或作「末」者,遠而。」子曰:「未之思也,夫何遠之遠而。」子曰:「未之思也,夫何遠之「唐棣之華,偏其反而。豈不爾思?室是

「唐棣之華」爲齊、魯、韓之詩,劉歆僞

道則隱」,而又曰「天下有道,丘不與 相 固 所以 可知矣。」蓋權反於經,而後合於道。 權可知,惟不知思耳。 日 驗,足爲翩反之證。而,語助辭。 尺,其華初開反背,終乃合并。」得之目 説: 棠,諸書紛如。 見者,其道遠也。唐棣亦作常,亦 不得見者,其室遠也,以言思權 以言權道反而後至於大順。」思其 經孔門所引,安有佚 唐棣,移也,華反而後合。 毛 由、求反異。 反而相成。 甚多,東西之相反而 公爲遠; 詩》無之。 「夫思者,當思其反。反是不思, 「唐棣,即今小桃白,其樹高七 能思其反,何遠之有? 故問孝則人人異,告進退 諸儒 既曰「天下有道則見,無 郝懿行《義疏》引牟 動指爲逸詩,豈知凡 詩 思之有次序,斯 相通,南極北 耶 ? 賦此詩者, 何晏曰: 而 願 通 人 何晏 不 道 極 言 相 而

知反。 康相 存者 思其反,正反既具,真道乃見。 循常習故之人,不知深思天理 乃爲合道,若從常道,反不合道矣。故 權。常變,開闔,公私,仁義,文質皆 者,專之可也」。 天有陰陽,故教 又曰「大夫出竟,有可以安社 其反爲義。孔子慮後人拘守一隅,特 終於《易》,以變爲義,是篇終於權,以 物理思之,於時變思之,既思其正,而又 變,則不能行權。若於人事能思之,於 二者,故三統不同,三世互異,大同 全體 也。 反,太平與亂世相反。 ,以教人無泥常而知權,當深思 身成仁」。 既 何晏所傳當爲先師微言,而今幸 兩 日 月 蓋天以變爲 身體髮 而 盡 既曰「大夫無 一變,安有 膚 運 不 ·敢毁 ,人以變爲體 可永遠守常 能思其反, 稷、利 傷 遂 故 人事之 事]與小 有 六 或 而 有 經 經 ∇

> 者 ? 成乃 從,謂之遠者,實未思耳。 棄家事師,苟有志焉,萬里異國,奔走相 學,但苦室遠未能,豈知志士千里負笈, 可行也。 故日日守常, 或以 即 爲 日日思反,相 慕道 於義亦通 之人 八亦欲 反 來 相

論語注卷之九終

論語注卷之十

南海康有爲學

窜改也。

「恂恂」爲古《論》。 漢碑足據,若《史記》寫本,易爲後人

黨,遜遜如也。」疑「逡逡」爲魯《論》,「遜遜」爲齊《論》,逡逡,朝廷便便」,與《索隱》同。《劉脩碑》:「其於鄉書》、《潛夫論》同作「恂恂」、《隸釋·祝睦後碑》:「鄉黨其在宗廟朝廷,便便言,唯謹爾。《史記》、《漢其在宗廟朝廷,後逡如也,似不能言者。○孔子於鄉黨,逡逡如也,似不能言者。

卑遜 以視人之驕於鄉里而訥於朝廷,何相 在。君之治朝三: 如此。便便,辯也。宗,尊也, 宗族之所在,故孔子居之,其容貌辭 逡逡,温 之不同。 也。此記孔子在鄉黨、宗廟、朝廷言貌 辯,故必詳問而極言之,但謹而不放爾 朝。朝廷,政事之所出,言不可以不明 也,象先人之尊貌也。宗廟,禮法之所 順,不以賢知先人也。鄉黨,父兄 恭退 讓之貌。 有外朝、治朝、 似不能言者,謙 廟,貌 燕 氣 反

「與與」、《漢書》作「懊懊」。《史記·世家》及《聘禮注》皆無「衎衎」字,而用「侃侃」,或是古文,或是齊《論》也。 漢碑《唐扶頌》:「衎衎誾誾。」《後漢書·袁安也。 漢碑《唐扶頌》:「衎衎誾誾。」《後漢書·袁安言,誾誾如也。 君在,踧踖如也,與與如言,誾誾如也。 君在,踧踖如也,與與如

五三

夫,後上大夫。 先上大夫,後下大夫,當是今文。今各《論語》本先下大

侃 廷,事上接下之不同也 與與,行步安舒。 曰: 君未視朝 和 樂也。 「君在,視 時 誾 也。 誾 朝 此一 也。」踧 和 上大 悦 節記孔子在 而 夫, 踖,敬 諍 卿也。 也。 畏 馬 也 朝 融 侃

與立 如也。 「擯」、《史記・世家》作「儐」、《漢書》作「賓」、《叔孫通傳 大行設九賓」,今從《史記》。皇本「左右」下有「其」字。 君召使儐,色勃如也,足躩 敬君 也。 後鄭謂: 僧, 導也。 ,左右手,衣前後,襜如也。 辭 不傳辭。 賓退,必復命曰:「賓不顧矣。」 ,以重 勃,變 命故也。所與立,謂同 也,矜莊貌。 此誤 其禮也。 旅讀爲鴻臚之臚,然又謂旅 君朝用交儐,臣聘用 混於先鄭 有大賓,君使出 躩,盤 ,故倒之。 如 爲儐者也。 也。 辟貌。 趨進,翼 旅僧。 揖 所 接 皆

左

人,

則左其手,

揖右

人,則右其

手, 也。 趨,疾趨。 寇 記孔子爲君擯相之容。 然翼然,肩狀右流,足如射箭。」此一節 而不書,或即夾谷相禮之事也。 時,無列邦君臣 賈子《容經》: 俛一 仰。 張拱端 襜,動 來聘事,或以大夫,微 好,如鳥舒翼,舒君 趨 而 以徵罄之容, 整 惟孔子爲魯 貌 趨, 有 飄 敬 徐 司

○入公門,鞠窮如也,如不容。《釋文》於下文

至也。 之云: 禮》記注引此下文「執圭鞠躬如也」、《釋 諸侯之門有三: 也。」劉氏 容十八尺。 文》『躬』作『窮』。《廣雅 故皆言如。』《史記 匔,蓮敬也。』王氏念孫《疏證》引此文説 鞠躬,鄭氏 『踧踖、鞠躬皆雙聲以形容之, 寶楠《論 公門高大,而若不容,敬之 庫門、雉門、路門,其 曰: 語 正 韓長 • 義 「自 釋 * 日 : 孺傳贊》: 訓》: 歙 歛之貌 \sim 「匑 聘

躬與踧 《説文注》説略同。 謹敬貌也,音穹窮。」則鞠躬者,匑匔之 躬,謹敬貌。」皆當讀爲鞠窮。 康成注引: 邱六反, 躬,《鄉黨篇》凡三見,舊以 合矣。」盧文弨《龍城札 曹氏之音與鄭注合,是 ,乃形容畏謹之狀,故可言如,不當因 也 夫信爲曲身,何必言如? 躬君子長者。』《漢 如畏然。」徐 一 「鞠躬 ,方與色勃如也,足躩 孫氏志祖《讀 君 쮷 子 匑音邱弓反。』《儀禮》《禮記 匑,謹敬也。」曹 例,若作 履方』, 也。」《 『孔子之執圭,鞠窮如 廣云: 太史公自 段又引《魯世家》: 顔師古注云: 曲 書 脞 身解,則當云 書 鞠 記》曰: 録 『見《三蒼》, 躬當 • 憲 曲 序》: 段氏 馮 如也,句 . 飲其 奉 讀 案,《廣 「匈音 身 世 蓋 玉 也。 爲 「鞠 裁 躬 鞠 解 法

鞠如

假借。

匔

在

鞠

斯

鞠

《史記 字。 躬字, 語》。 雅》皆譌 字可知矣。張云: 陸氏載劉氏音弓,則非劉氏皆讀如窮本 陸氏《釋文》、張淳《辨誤》尚皆作鞠 也。 也,告也,盈也,並 鞠窮、踧踖皆雙聲,正 也」,鞠窮蓋複語,非若踧踖之謂乎? 使上文是曲身,亦不用 廣音爲窮窮,字少異而義未嘗 **匎字,訓** 《論 即《儀禮注》今亦多作鞠躬,亦 則 若鞠字實義、蹋鞠 而 言攝齊,則曲身自見,正不必復贅 魯世家》: 寫 曲 即 齊 語》此三句之下,一則 曰 赖 訓 升 堂, 氣似不息, 脊,不云 匎躬,亦不引《論 爲 有 身。 曹氏之音,猶 鞠躬 一未有 「《爾雅》「鞠, 今 匑 相 豈 匈 也,推 類。 如 曲 則 匔 非 此覆 匑 如 也 曰 《説文》惟 曲 一訓。 畏然!,徐 可考其 第也 如不勝。 字,《 曰如 不 身 相 究窮 賴 乎? う養 不 近 或 至

大略相 證。 脱作躬。案,包氏『攝 見《三蒼》,音窮。 亦廬稿》又引《三蒼》「匈匔,敬畏 更無此文法。』《讀書 言曲 《羣經義證》引《魯世家》注 身。 同,而此較詳。 且 曲身乃實 或《論語》本作匑,轉 脞 《論語古訓 事 齊升堂」節注: 而 拜 云 曲 經 【貌」爲 ~~《吾 日 身 :記 如

不中門,行不履閾。

窮」,而曲身之誤説

可廢矣。

先生考證,至精碻,故今從之,寫作「鞠

『鞠躬者,敬慎之至』是也。」此皆乾嘉諸

主由闑 門 中門 闑 禮 立長木曰棖,中立木曰 作柣、作榍。 謂雉 疏》云: 者,近闑也。 東,賓由闑西,東西各有中。 庫,待朝 閾 **棖闌之間,尊者所行。**」不 而立 限 也,亦作閩 士大夫出入君門,由 賈《疏》 也。 [闑,在 古門制,兩 謂 兩 ,又作梱 「門有一 扇 **《曲** 中。 邊

> 者。 過位,色勃如也,足躩如也,其言似不足 闑 ·行,履 右,不 閾 踐 閾。 則不敬,非自高則不浄 踐,履 也。 立中門 也 則 當

勃如,足躩如,事彌至,容彌盛,君雖 右,君揖之位。」然凡君空位皆然也。 陛,或以爲庭中當碑南。 羣臣處在路門外,庫門内之平地, 包咸曰: 言似不足,不敢肆也。 在,過之必敬,不敢 「過君之空位。」謂治朝, 以 虚位 鄭謂: 而慢之也。 「人門 無堂 不 揖 色

攝 齊升堂,鞠窮如也,屏氣似不息者。 攝 以上。言前足升一等,後足從之,相 階,栗階不過二等,左右足各一發而 不相過,此升階之法。 ·諸侯之堂七尺。」七級拾級,聚足連步 摳 也。 禮 一,將升堂,兩手摳衣使去地尺,恐 齊,衣下缝 也。 有急越等則 《 禮 器 升 栗

鼻息出人也。近至尊,氣容肅不息,有躡之而傾跌失容也。屏,藏除也。息,

故今不以爲誤。 故今不以爲誤。 故今不以爲誤。 以無呼也。復其位,踧踖如也。《釋文》「一進,翼如也。復其位,踧踖如也。《釋文》「一進,翼如也。復其位,踧踖如也。《釋文》「一進,翼如也。復其位,踧踖如也。 没階,趨出,降一等,是顏色,恰恰如也。 没階,趨出,降一等,是顏色,

之位,皆可。踧踖,敬之餘也。此一節位治朝,外門右北面之位,或以爲庭中也。趨進,趨前之謂也,走就位也。復氣解顔。恰恰,和悦也。没階,下盡階等,階之級也。逞,放也。漸遠所尊,舒

記孔子在朝之容。

授。勃如戰色,足蹜蹜如有循。魯讀「下」爲執圭,鞠窮如也,如不勝。上如揖,趨如

包咸曰:「爲君使聘問鄰國,執持君之

趨」。

輕如 圭。 武」,謂蹈半跡得三尺。「大夫繼武」,跡 授」而非「下授」矣。 授之敬也。鄭玄注《聘禮》記: 如緣物 循、《記》所謂「舉前曳踵」,言行不離地 與東楹之間,故曰「趨而授」。 西,東面致命,三退負序,進授玉於中堂 揖必上其手」,故曰「上如揖」。 非形容詞矣。《聘禮》: 將授志趨」,即足蹜蹜如有循之謂,全引 人門皇」,即勃如戰色之謂, 執圭,如重授賓」,即如不勝之謂, 相及也,「士中武」,跡閒容跡也,形容揖 而色懼也。 而」,乃言揖授之實狀。 語》此文。 鞠窮者,敬慎之至。」禮,執主 不克。 也。「圈豚行」,「君與尸行接 上如揖, 趨如 蹜蹜,舉足促狹也。 且「將授 志趨,即徐趨 志趨」可證「趨 「賓入門三揖, 上文形容,此 授,「如」古通 「升堂讓 戰色,戰 升 西 「上介 一器,執 楹 有

,有容色。

禮》: 是也。 事。 点 璧,有庭實。」《聘禮》: 鄭玄曰: 實,入設。賓入門左,揖讓如 儐者出請,賓裼奉束帛 「既聘乃享」,「既享乃禮」,凡一 禮者,主人以醴禮 享,獻 也 既 既 聘 賓 受主 加 初升致命」 丽 也。 璧 享 亭 《 聘 用 庭 降 丰

私覿,愉愉如也。

從。 見。 首。 束錦,總乘馬入門右北面,奠幣 鄭氏曰: 奉幣入門左,公揖讓 退 7.再拜稽 振幣 出,儐者 儐者請受,賓禮辭聽命,馬入設,賓 偷偷,顔色和。」《聘禮》: 進授,士受馬。 「覿,見也。 首,降出。」此私覿禮也。 拜也,君降一等,辭。 坐 取 幣。 如初升。 出,有司 既享, 賓降階東 乃以 公再拜, ~牽馬 賓 再 栗階 拜 覿 私 拜 稽 此 以 奉

>)君子不以 定公九 朝 鸿辞往來之事。 年 孔子爲 紺郷飾、《説文》無「緅」字,當是今文。 仕 魯,至十三年適齊,其間 君聘於鄰國之禮。 或有之,而史略之也。 孔子 無

孔《注》古文必作「縓」。

鄭曰: 君子謂孔子。《爾雅》: 頭 之間也。」按,一染謂之縓,再染謂 爲淺紅紫色,姦不以爲飾。 不可爲衣飾。」《説文》: 六染謂之玄,七染謂之緇。 赤色。」無「緅」,有「纔」字,云: 三染謂之纁,四染謂 纔」亦「緅」字也。 色。 「玄纁所以爲祭服,紺緅 一曰微黑色,如紺纔淺也。」則 飾,領袖 之紺,五染謂 「紺,深青而 紺緅者,赤黑 纁,淺絳也。 緣也。 「帛 之經, 木染 之郷 揚

紅紫不以爲褻服。

紅,赤白合色, 褻服,私居服也。 言此,則不以爲朝祭 紫,青赤合色,皆間

爲五品以上服。此亦三統之殊,尚黑尚服矣。至唐世,以紫爲三品以上服,紅鬼以紫,自齊桓公始,則當時且以爲朝也。朝祭服,春秋尚黑也。《記》稱,朝也。朝祭服,春秋尚黑也。《記》稱,朝之服可知。古者,衣正色,裳間色,故士

「振」。皇本無「之」字。當暑,袗絺綌,必表而出之。「袗」,《玉藻》作

赤不同也

紹,春秋加袷褶。又,其上加裼衣,後史裘同,皆先著親身之衣,冬加裘,夏加絲、玉藻》《曲禮》:「袗絺綌不入公門」,《玉藻》《曲禮》:「袗絺綌不入公門」,。《玉藻》《曲禮》:「袗絺綌不入公門」,。《玉藻》《曲禮》:「袗絺綌不入公門」,。《玉藻》《曲禮》:「袗絺綌不入公門」,。《玉藻》《曲禮》:「袗絺綌不入公門」,

與裘葛同色,裘葛必與正服同色。 之右,若揜其正服,則襲也。凡裼衣必袖而露其裼衣,以正服之左袖插諸前衿袖而露其裼衣,以正服之左袖插諸前衿,祖其左所謂中衣近之。裼衣上加正服,此《聘

褻裘長,短右袂。「褻裘」,古文作「結衣」,則「褻裘」

是今文。

短者,不反詘及肘也。半,爲二尺三寸半,反詘及肘,尺二寸。便作事。古者,袂制二尺二寸,加緣寸,作上下,不能太長也。短右袂,所以,發裘,私居之服也,長欲其温。若禮服,

必有寢衣,長一身有半。

《説文》: 「被,寢衣。」鄭: 「今小卧

也。」 也。」 也。」 一次,以防風寒被,易感疾,孔子爲用小被,以防風寒下。常人當暑寢,多不用而長過身半,猶有是焉。《求古録》謂: 被,其半蓋以覆足。」今日本寢衣,有袖被,其半蓋以覆足。」今日本寢衣,有袖

狐貉之厚以居。

去喪,無所不佩。

宜温厚也。

喪否。《間傳》「中月而禫,禫而牀。」無君子無故,玉不去身,凡帶必有佩玉,唯

不佩。

非帷裳,必殺之。

要則無襞積而有殺縫矣。旁無殺縫。其餘若深衣,要半下齊,倍朝祭之服,裳用正幅如帷,要有襞積而

羔裘玄冠不以弔。

喪主素,吉主玄。弔必變服,所以

魯致仕時如此。此一節記孔子衣服之吉月,月朔也。朝服,皮弁服。孔子在吉月,必朝服而朝。

制。

尸之制,生人明衣當亦相仿也。裳,不辟長及觳。縓綼緆,緇純。」此襲衣裳用幕布,袂屬幅長下膝。有前後體也,以布爲之。《既夕禮》記:●「明齊必沐浴,浴竟即著明衣,所以明潔其齊必有明衣,布。

) 「既夕禮」,原誤作「士喪禮」。

齊,必變食,居必遷坐。

常,以盡敬交神也 也。此一節記孔子謹齊之事。 變食,謂不飲酒 不茹葷。 遷坐, 易常 致潔變 處

)食不厭精,膾不厭 細。

腥,聶 御二十一」,愈精則愈少。 粗則能害人。不厭,言以是爲善,非 十,糲米三十,粺二十七,鑿二十四,侍 食、飯也。精、鑿也。 初入饌亦然。 今日本人猶全食魚 如是也。 而切之爲膾。 太古火化未盡,多食生肉。 食精 膾,法、瑞、丹、那人 《九章》: 則能養人,膾 牛與羊魚之 粟 謂 五.

食。 食。 臭惡,不食。 而餲,魚餒而 失飪,不食。 肉敗,不食。 不時,不 色惡,不

饐 飯飯 ,肉腐曰敗。 傷 熱 溼 也。 色惡,臭惡,未敗而色臭 餲,味變也。 魚爛日

> 變也。 秋宜犢麛膳膏腥,冬宜鮮羽膳膏羶,食 如,春宜羔豚膳膏薌,夏宜 朝夕日中時」,非其時則不食,亦可。 傷人,故不食。 穀不成,果食未熟之類。 飪,烹調 鄭玄曰: 生熟之節也。 此數者皆足以 「不時者,非 腒 腓膳膏臊, 不 一時,五 又

之時也。

在「席不正,不坐」之下。 正,不食」,當是錯簡。今依《史記》、《新序》、《韓詩》改移 不得其醬,不食。 舊本「不得其醬,不食」上有「割不

不備也。 食肉用醬,各有所宜,不得則不食,惡其

肉雖多,不使勝食氣。 《説文》引「氣」作「既」,當是古文。今不從。 惟酒無量,不及亂

謂一斗亦醉, 勝食氣。 量,升斗石也。 不及亂耳。 酒以爲人合歡,故不爲量 一石亦醉,但以醉爲節 食以穀爲主,故不使肉 所 而

沽酒 市脯不食。「沽」當是「酤」之假借。

與不嘗康子之藥同意。
沽、市,皆買也。恐不精潔,或傷人也,

不撤薑食,

薑是和品,通神明去穢惡,故不撤。

不多食。

之餘也,但比君所賜胙可少緩耳。三日,則肉必敗而人不食之,是褻鬼神家之祭肉,則不過三日皆以分賜。蓋過則以頒賜,不留神惠也。」蓋不俟經宿。周生烈曰:「助祭於君,所得牲體,歸

食不語,寢不言。

氣窒而不通,言語恐傷之也。肺爲氣主,喉有氣管而聲出焉。寢食則

非齊《論》即古《論》也。」作「必祭」。今文也,今從之。陸德明曰:「今本「瓜祭」雖疏食菜羹,必祭,必齊如也。魯《論》「瓜祭」

欲也。 節。 敬,聖人之誠也。 之人,不忘本也。 合而生身,必當敬謹之,非爲徇口體之 齊,嚴敬貌。 許,置之豆間之地,以祭先代始爲飲 羹、兔羹、鶉羹。古人飲食,每種各出 羹,五味和羹。《内則》有雉 聖人養生之慎如此,蓋天與父母三 孔子雖薄物 此一節記孔子飲 今印度 必祭,其祭 羹、脯 祭 猶 加 食之 必 食

可證。今本在「不時,不食」下,當是錯簡,今改正。 家》、《墨子・非儒篇》、《新序・節士篇》、《韓詩外傳》九、 、說文》引「割不正,不食」在「席不正,不坐」之下,五書同)席不正,不坐。割不正,不食。《史記・世 母,切肉未嘗不方,斷葱以寸爲度,蓋其 應,正一身以正萬民。聖人撥亂 君子貴大居正,正本而末應,正内 與割肉之小,亦必得其正也。 令其魂魄熟習,然後種性堅定。 之正,造次無不歸於正。蓋習養神明 漢陸績之 故坐席 世 而 圃 反 外

賢與聖人合也

)鄉人飲酒,杖者出,斯出矣。

也,從鄉從食。或賓興習射尚賢,或蜡 杖,持也。 人之恭鄉黨而敬老也。 鄉。未出,不敢先, 祭尚齒,此主敬老也。 孔子以六尺之杖,六十杖於 既出,不敢後。聖 鄉人飲酒,饗

鄉人獻,朝服而立於阼階。魯讀「儺」爲「獻」,則 儺」是古《論》,今不從。

之祭服,用祭 驚先祖,欲其依 牲》以孔子朝服 《禮記・郊特牲》「鄉人楊」注:「楊,或 謂時儺索室,驅逐疫强死鬼也。」《郊特 微者,殷之八世孫也。禓者,强死鬼也。 爲獻,或爲儺。」惠氏棟曰: 「莎」,又讀爲「義」,「義」音「莪」,聲近 ·儺』。《世本》: 服以 己 立於阼爲存室神,恐其 致其敬。 『微作禓五祀』,注: 而安 也 「【獻」讀爲 作階,東階 朝服,大夫

> 此一 節記孔子居鄉之事

○問人於他邦,再拜而送之。

敢嘗。」《釋文》:「一本無「而」「之」二字。」 康子饋藥,拜而受之。曰:「丘未達,不 問,訊也。拜送使者,如親見之敬也。

也。達,曉也。未達,不敢嘗,謹疾也。 必告之,直也。 大夫有賜,拜而受之,禮也,空首奇拜

馬。 ○廐焚。子退朝,曰: 「傷人乎?」不問

論》: 馬,恐傷人之意多也。 蓋未至極平之世,只能愛人類,非不愛 燒也。退朝,自君之朝 廐, 知也, 馬舍也, 牛馬之所聚也。 「問人不問 馬,賤畜而重人也。」 來 也。 《鹽鐵 焚,

而薦之。君賜牲,必畜之。「生」魯讀作「牲」。 ○君賜食,必正席先嘗之。 君賜腥,必熟 正席先嘗,如對君也。既嘗之,乃以頒

一六四

侍食於君,君祭,先飯。之「腥」也, 賜牲、《聘禮》之「餼」也, 賜胜、《聘禮》之「餼」也。 以明禮》之「飪」也。 以明禮》之「飪」也, 賜腥、《聘禮》也。畜之者,仁君之惠,無故不敢殺也。 以明,生肉。熟而薦之祖考,榮君賜賜。腥,生肉。熟而薦之祖考,榮君賜

禮也。夫爲君嘗食然。忠敬之至,亦不敢當客夫爲君嘗食然。忠敬之至,亦不敢當客侍食者,君祭則己不祭而先飯,若代膳

文》作「扡」,皇、邢本作「拖」。疾,君視之,東首,加朝服,扡紳。 唐石經、《釋

衣。 東首,向日以受生氣也。《玉藻》: 垂日 於身,又引大帶於上也。平時玄端 衣束帶,又不可以褻服見君,故加 子居恒當户,寢恒東首。」君入室,倚 首,不敢不衣朝服見君。」朝服大帶用絲 面東,故必東首以面君也。 紳,深衣用革帶垂曰厲。 包咸曰: 「夫子疾處南牖之下,東 病卧不 《玉藻》: 朝 能 深 西 君 著 服

「紳長制,士三尺,有司二尺有五寸。」

以走,一節以趨。在官不俟屨,在外不之。」《玉藻》曰:「凡君召以三節,二節鄭玄曰:「急趨君命,行出而駕車隨君命召,不俟駕行矣。

○入太廟,每事問。重出,蓋弟子類記行事於此俟車。」此三節記孔子事君之禮。

也。

之饋,雖車馬,非祭肉,不拜。○朋友死,無所歸,曰:「於我殯。」朋友

最重 朋友有通財之義,故雖車馬之重,不拜。 以養,死則歛尸以收之,孔子之於朋友, 皆朋友也。其人最多,其行最賢,其助 自父子夫婦兄弟以形合,此外以魂合者 祭肉則拜者,敬其祖考,同於己親 其厚如此。 ,於我殯。 一, 其 得最深,其義最切。 鄭志 若此者,當迎彼還己館,皆 問 「朋友死,無所 生則通 也

當 於館 也。 出自夫子。就其所在殯之,不迎於家 歸,故呼而殯之,不謂已殯迎之 呼而殯之者,此釋經『曰』字,其殯資皆 而殯之者,殯之而已,不於西階 停柩於何所?」答曰: 若館而殯之,不於西階,則但殯之 也。」此一節記孔子交朋友之義。 朋 友無 也。 也 云 館 所

寢不尸,居不容。

足,尸謂偃卧布展四體手足如死人。」 皇《疏》言人卧法云: 不設於身體耳。 閒居申申,天天無事修飾,但惰慢之氣 也。古者謂威儀爲容、《漢・藝文志》所 居,家居。室家之敬難久,故不爲容儀 「徐生善爲容」,今賈子《容經》是也。 「眠當欹而 小屈

見齊衰者,雖狎,必變。 褻,必以貌。皇本「見」上有「子」字。 「冕」,鄭玄本作 弁」,魯讀作「絻」,今從之。 見統者與瞽者,雖

> 狎謂 喪則哀,見貴則敬,見廢疾則憐。 素 親 狎, 褻 謂 燕 、見,貌 謂 禮

> > 見

凶服者式之,式負版者。

也。 有所敬則俯而憑之。版,《中庸》所謂 凶服,送死之衣物。式,車前横木軾也, 以爲信,謂之丹圖。如民約則書於户口 人民、户口、車服、禮器,皆有圖,丹書之 圖籍者。 圖,地約則書於土地圖。 不及百名書於方。」策,古者邦國、土地、 ·方策」。《聘禮》記「百名以上書於策**,** 聖人重民,哀死而慶其生,故式之。 人爲萬物之靈,而王者之所天 負版,持邦國

有盛饌,必變色而作。

《曲禮》曰: 敬主人之親饋,非以 主人不親饋,則不拜而食。」 「主人親 其 、 饌也。 饋,則 拜而食; 作,起也。

迅雷風烈必變。

迅,疾也。烈,猛也。必變者,所以敬天

坐。」此一節記孔子容貌之變。 迅雷甚雨則必變,雖夜必興,衣服冠而之怒,不敢戲豫。《記》曰:「若有疾風

○升車,必正立,執綏。

無「不」字,真魯讀也。疾言恐驚衆,親指無「不」字,今從之。皇本、《釋文》本作「與中」。(車中不內顧」,薛綜注:「內顧,謂不外視臣中內顧」,薛綜注:「內顧,謂不外視臣中內顧」,薛綜注:「內顧,謂不外視臣中內顧」,薛綜注:「內顧,謂不外視臣中內顧」,韓綜注:「內顧,謂不外視臣中內顧」,韓綜注:「內顧,謂不外視臣中內顧」。《東京賦》:「車無不」字,今從之。皇本、《釋文》本作「與中」。

「不」字,皆後人誤寫也。「不」字,皆後人誤寫也。」大魯讀之意,最明。今各本增見人短。」尤魯讀之意,最明。今各本增顧歌,允慎兹容。」《風俗通・過譽》云:顧歌,介顧自勅。」《車後銘》云:「望衡關旅費,內顧自勅。」《車後銘》云:「違衡恐惑人,故不爲。崔骃《車右銘》:「箴

○色斯舉矣,翔而後集。

也。 曰: 皆色然 則舉。」哀六年《公羊傳》曰「諸大夫見之 之《經傳釋詞》: 烈曰:「迴翔審 馬氏曰: 如此。」然此上下必有闕文矣。王氏 |字連讀。《論衡・定賢篇》: 義 審應篇》: 色斯猶色然,驚飛貌也。」《吕氏 「人之見幾而作,審擇所處,亦當 與此 而 「見顔色不善,則去之。」周 駭」,何注 相近也。 「盛聞君子猶鳥也,駭 「觀,而後下止。」 朱子 「色斯者,狀鳥舉之疾 曰 : 漢人多以「色斯」 「色然,驚駭 牛 引

《元賓碑》: 之涉 絜」、《費鳳别碑》: 邑令《費鳳碑》: 壽碑》: 世 也, 「君常懷色舉,遂用高 翔 不翻 而 有 翥色斯竹」,邑侯相《 集,色斯 「色斯輕翔,翻 「功成事就,色斯高 而 學。」 逝堂 然 議 高 張 郎

曰 : 「山梁雌雉,時哉時哉!」

不可。 聖,溥博淵泉而時出之,隨時處中,無 孔子歎雌雉之或舉或集,皆能見 若生平世之時, 子生當亂世之時,則行撥亂小康之義, 奉天時」,以見義理 哉!」又曰: 時,故稱日 地皆然 日」上當有「子」字。 ,恐後世惑於所從,故於終篇標舉 故《易》曰: 禮時 「時哉時哉」。孔子爲時中之 爲大,記者以《論語》兼陳 「先天 則行太平大同之義,易 一無定,當時爲宜。孔 「隨時之義大矣 而天弗違,後天 梁,山 澗 中 · 橋 幾 也。 審 而 可

> 行可 以命,以言人有時命,雖聖人不能違也。 深旨,不可不察也 如《春秋》始於文王,終於堯舜,記者有 時義,以 上《論》始以時,終以 也。 明孔子之道 此爲孔門微言,託雌 在 時 時,下《論》終 學者 雉 審 以 時 明 而

《藝文類聚・鳥部上》、《太平御覽・羽族部》作「拱」、《呂 氏春秋·審己篇》「故子路揜而復釋之。」《爾雅》: 子路共之,三戛而作。皇本、《釋文》「共」作 執也」,故雉驚顧而起。《爾雅》:「鳥曰臭」,動走之名。 正字集注》引漢石經作「戛」,唐石經作「嗅」,今從「戛」。 天,而羅者猶陳於藪澤。 長鳴而高飛。 戛,雉長 可 可以仕則仕,可以止 於時,亦 以速則速,聖之時者也。 鳴也。 猶文雉 扶摇九萬里,負青雲摩蒼 子路以手拱執之,雉即 ,非人所能 則 止 以喻聖德之因 可可 知也。 以久則久, 孔子 「供」,

論 語 注卷之十終

論語注卷之十

南海康有爲學

於禮樂,君子也。 ○子曰:「先進於禮樂,野人也, 後進

也。」盧辨注引此,則先進後進謂弟子衛將軍文子篇》: 「吾聞夫子之施教也。後進謂子游、公西華諸人,志在致也。後進謂子游、公西華諸人,志在致也。後進謂子游、公西華諸人,志在致也。後進謂子游、公西華諸人,志在致

_____ . 如

也。

故曰從先進。今略近升平,然亦未可用時未至於太平,則只能用撥亂之禮樂,「如用之,則吾從先進。」

也。」 (從我於陳、蔡者,皆不及門太平之禮樂也。

語」前,當是魯《論》,今從之。 學: 冉有、季路。言語: 宰我、子贛。 事: 冉有、季路。言語: 宰我、子贛。

子去魯十四年,而居陳、蔡六歲,爲日至之忌,見圍。子贛至楚,楚昭王起兵迎之忌,見圍。子贛至楚,楚昭王起兵迎之忌,見圍。子贛至楚,楚昭王起兵迎之忌,見圍。子贛至楚,而遭陳、蔡大夫楚昭王救陳,乃聘孔子,而遭陳、蔡大夫,而居陳凡三歲,年六十矣。中間再算定公十四年,孔子去魯後,過衛、宋、自定公十四年,孔子去魯後,過衛、宋、

記 歎,不審何時,蓋適十哲不在,故思之而 者乎?」曰: 昭王,曰: 者多從之,皆名震於諸侯。 年十八,子夏年十九,皆未弱冠,而巍然 路、子贛、顏回,蓋簡文也。 相從已久,故孔 震 時新脱陳、蔡之難,可知十哲皆從。 官尹,有如宰予者乎?」曰: 有如子路者乎?」曰: 顔回者乎?」曰: 子張年太少,未及從。 有子、曾子、子張外,幾全在此。 七十之中,妙選高才從行以備致用,故 哲各有所 動 !其所長也。《史記》叙厄陳、蔡只有子 游時流 當時雖累思歸 如此。此十哲者,相得至深, 長,孔子分以四科。 「王之使使諸侯,有 「無有。」「王之輔相,有 子思之甚。至此 「無有。」「王之將率, 而不果,弟子之高 在陳、蔡時,子斿 「無有。」「王之 孔門 故子西告楚 蓋三千、 「無有。」 '高選自 如 曾子、 之發 子 贛 如 オ

> 性所 短。 爲孔門文學之選,可謂 科之義而補之。 之,於是中國言語之科乃没。今宜從四 主客以辯難者、宋人不知此義、乃 論經學亦重語言矣。 門立此科,俾人習演説也。 動人最深,蓋 至言語 於孔子,以人之才性難兼衆長,宜因姿 而《公羊》立,江公口訥而《穀梁》敗,即 近 德行、政事、文學,後人皆知重之, 立科,則後世不知。 而 爲之,故教者宜 春秋戰國尚游説辯才,孔 漢晉六朝尚有立 異絶矣。 補 **豈知言語之** 觀董子詞 人性之所 科學分 盡 掃 辯

不說。」 ○子曰:「回也非助我者也,於吾言無所

詞。若稱子游之絃歌,而戲云「焉用逆,合爲一體,孔子深喜之,故爲憾之之相長也。顏子於聖人契合無間,相視莫助我,若子夏之「起予」,因疑問而有以

子亦聞而默契,相説以解,故孔子喜極,歸魂游魂之説,及今無可考之異論,顔難,孔子乃告以非常異義。三世大同,如宰我之問三年喪,子路之迂正也」。孔子改制,門內諸賢未達,亦多疑也」。孔子改制,門內諸賢未達,亦多疑

母昆弟之言。」○子曰:「孝哉閔子騫! 人不閒於其父

而爲怪

憾之辭。

臣以下不非其上爲忠。』」注引此言:臣以下不非其上爲忠。』」注引此言:悟行之上才,孔子獨稱其孝。惜《孝經》皆同,無有間異,斯爲至孝矣。閔子爲皆同,無有間異,斯爲至孝矣。閔子爲皆同,無有間異,斯爲至孝矣。閔子爲母昆弟稱其孝,鄉黨友朋稱其孝,內外母昆弟稱其孝,鄉當友朋稱其孝,內外人多有高行美才而父母昆弟之間不滿人多有高行美才而父母昆弟之間不滿

昆弟爲孝。 滅?」是漢世説此文,謂人不非其父母 成殺己之惡,使人間非父弟 者。」舜之烝乂,不格姦也。 改之,後至均平,遂成慈母。」蓋諭親於 廪浚井,意欲殺舜。」「何故使父與弟,得 肉之過,●宜愈子騫。瞽叟與象,使舜治 知實篇》引此言:「虞舜大聖,隱藏骨 道尤爲大孝之難者。 不出其後母。」《韓詩外傳》稱: 間,非 也。 《説苑》稱: 言化其父母兄弟,人無 「閔子感其父 惟《論 萬世不 「母悔 衡 非之

二字,當是古文,今不從。
○南容三復「白圭之玷」,孔子以其兄之子

尚可磨也, 斯言之玷,不可爲也。」南《詩·大雅·抑》之篇曰:「白圭之玷,

邦無道所以免禍,故孔子以兄子妻之。謹言者必能慎行,此邦有道所以不廢,容一日三復此詩,蓋深有意於謹言。 蓋

三者,多之詞

本皆有「季」字,今從之。皇本末有「未聞好學者」。也則亡。」「亡」古通「無」、《釋文》無「季」字,鄭、皇、邢曰: 「有顔回者好學,不幸短命死矣,今曰。「有顔回者好學,不幸短命死矣,今曰。「弟子孰爲好學?」 孔子對

則否。」以季康子爲人臣,故略也。 此與答哀公問同,但有詳略。蓋顏子爲 此與答哀公問同,但有詳略。蓋顏子爲 此與答哀公問同,但有詳略。蓋顏子爲 此與答哀公問同,但有詳略。蓋顏子爲

本、足利本無「以爲之椁」四字。 ○顔淵死,顔路請子之車以爲之椁。 高麗

子曰:「才不才,亦各言其子也。鯉也

吾從大夫之後,不可徒行也。」 死,有棺而無椁。吾不徒行以爲之椁。

以

子始教而受學焉。 顔路,淵之父,名無繇,少孔子六歲,孔 者,在神明不在體魄,故不必强徇顔路 無,愛徒不過如子。 然不爲之竭力以營椁者,喪事當 子,慟爲「天喪」,其哀之殆過顔路焉 時已致仕,尚從大夫之例。孔子之愛顔 然己與顔路以父視之則皆子也。孔子 也,先孔子卒。 言鯉之才雖不及顔淵, 椁,欲賣以買槨也。 鯉,孔子之子伯魚 而厚葬也。 椁,外棺也。請 且孔顔 所 以 稱 相 得

予!」○顔淵死,子曰:「噫! 天喪予! 天喪

之道不得其傳也。若天喪己。《公羊傳》末引之,以著大同包咸曰:「噫,痛傷之聲。」悼道無傳,

一七一

一七二

而誰爲」。 者」作「門人」、「非夫人之爲慟而誰爲」作「吾非斯人之慟 字。又「誰爲」下有「慟」字。《論衡・問孔篇》引此文「從 煄」字皆作「煄」。 又案,皇本「曰有慟乎」,「曰」上有「子 吾丞《武榮碑》、北軍中候《郭仲奇碑》、《李翊夫人碑》「悲 誰 爲?」《説文》無「慟」字。漢北海相《景君碑》、執金 _! 日: 顔 淵 死 子哭之慟。 「有慟乎? 從者 非 夫人之爲慟 曰 一子慟

〕頦淵死,門人欲厚葬之。子曰:「不非他人比,施當其可,性情之至。働,哀過也。夫人謂顏淵。言痛惜極,

「也」作「曰」。 二三子也。」舊本「猶子」下作「也」字,唐石經初刻二三子也。」舊本「猶子」」曰:「非我也,夫父也,予不得視猶子。」曰:「回也視予猶可」。門人厚葬之。子曰:「回也視予猶可」解,門人欲厚葬之。子曰:「不

人之可尊在魂。魂無不之,如體魄之孔子之裁其宜。喪事既貴稱有無,而聖人蓋孔門之同人,記此以見門人之厚,歎不得如葬鯉之得宜,以責門人也。門

季洛罚事息申。子曰:「未准事人,焉之,其可已者,則不必爲也。門葬義。君子愛人以德,有不可已者受藏,非所重也。不用椁,不厚葬,可見孔

魯《論》,今從之。 ●《論》,今從之。《鹽鐵論・鄒章》引「鬼」下有「神」字,當是字。唐石經及《匡謬正俗》、皇、邢本,「敢問」上有「曰」生,焉知死?」《集注》本「焉能事鬼」下無「神曰」二生,焉知死?」《集注》本「焉能事鬼」下無「神曰」二年,焉知死。」曰:「未能事人,焉魯《論》,今從之。

鄭氏曰: 也。 知死生之説。精氣爲物,游魂爲變,故 精氣謂之鬼。」《易》曰: 至玄妙超脱,或言孔子不言死後者,大 來,即知死所歸去; 生爲人,皆輪迴爲之。若 知鬼神之情狀。] 又曰: 鬼事。 而 死於此者復生於彼,人死爲鬼, 知。」原始反終,通乎晝夜,言輪 孔子發輪 「聖人之精氣謂之神,賢智之 迴 游 若能 "「原始反終,故 變之理至 「通乎晝夜之 盡 能 人事,即 知 生所 迴 能 復

避去,必大割孔地而後止,千古大愚無 生鬼神、《易》理至詳,而後人以佛言即 朝聞道夕死可也。孔子之道無不有,死 生者能知生所自來,即已聞道不死,故 超度,自證自悟,而後可從事魂靈。知 迴無時可免,以爲人故只盡人事,即身 任,先有滯礙,不能輪迴矣。 靈魂也。若棄人事而專爲此,則拘守保 盡鬼之事者,修精氣鍊魂魄 得,則魂魄不壞,即 愚 有如此,今附正之。 也。 盡 人之事者,順 能 輪 受其 迴無 (正,素) ,存元神保 蓋萬千輪 礙 位自

子・精神訓》注引作「孔子曰」,孫弈《示兒編》謂:「子、文選・幽通賦》、《座右銘》兩注並引作「子曰」。《淮南「閔子」下有「騫」字。今本作「冉有」,惟唐石經作「冉セ」, 冉子、子贛,侃侃如也。子樂。皇本也, 冉子、子贛,侃侃如也。子樂。皇本也, 丹子、子贛,侃侃如也, 子路,行行如

樂」必當作「子曰」,蓋知由不得其死,何樂之有? 惟鄭

注已有之。

其後子路卒死於衛孔悝之難。剛强,有不得其死之理,故因以戒之。貌。」各盡其性者,以盡人之性也。子路鄭氏曰:「樂各盡其性。行行,剛强之

爲「仁」,今從古。」故知古文爲「仍」。 此從魯讀。 言必有中。」「仁」古文作「仍」。鄭氏曰: 之何? 何必改作?」子曰: ○魯人爲長府。閔子騫曰: 《廣雅》「府,聚也」,凡財賄、兵器、文書 子不仁」,用魯《論》。 貫,常居也。」郞顗引同。 長府,宮館也。 宮館希幸御者勿繕治。」應劭曰: 皆藏之。爲,蓋改作之。漢元帝詔: 役民而用之,非用雇役。 仁也,若仁,則依舊慣之常居。蓋古者 楊雄《將作大匠箴》曰「或作長府,而閔 「惟德薄不足以充入舊貫之居。 其令諸 言改作勞民,是不 孔門最 「仁舊貫,如 「夫人不言, 「魯讀「仍 惡虐

兵 ? 發,發必當理,惟有德者能之。 量力而妄行; 五 君之惡。閔子微諷之,婉而中。 攻之而改小之? 長府,未知昭公自改大之,藉以 抑季氏逐昭公後,慮後君 閔子譏之,而 「公居長府,九月伐季氏。」此 在季氏改之,則 在昭公改之,則爲不 孔子稱之。 更有無 再 多 昭 言不妄 據以 藏 改 甲

○子曰: 瑟,閑也,所以懲忿窒欲,正人之德也。 温 鼓瑟,有北鄙之聲。孔子聞之,曰: 君子執中以爲本,務生以爲基,故其音 二十七弦。《説苑·修文篇》: 奏中聲爲中節,流入於南,不歸於北。 「求,爾奚 「信矣,由之不才也。」冉有侍,孔子曰: ,生育之鄉, 而居中,以象生育之氣。 憂哀悲痛 「由之瑟,奚爲於丘之門?」 不謂 由 北者,殺伐之域。故 夫先王之制音也, 「子路

> 體。 之感 爲也。」 不存乎體。 夫殺者乃亂亡之風,奔北之 和節中正之感不加乎心,温儼莊恭之動 基,故其音湫厲 彼小人則不然,執末以論本,務剛以爲 不 夫然者乃治存之風,安樂之爲也。 , 加 乎 心, 而微末,以象殺伐之氣 暴厲 淫 荒之動 不 在 平

入於室也。」 子曰:「由也升堂矣,未門人不敬子路。子曰:「由也升堂矣,未

與?」子曰: 字,「賢」下有「乎」字,「過猶不及」下有「也」字。 子贛問: 師 奥耳,未可以一時之失而遽忽之也。 已造乎正大高明之域,特未深入精微之 升堂入室,喻入道之次第。 也過,商也不及。」曰: 「師與商也孰賢?」子曰 「過猶不及。」皇本「問」下有「曰」 然 言子路 則 師 之學 愈

謹守,故常不及。愈,勝也。《仲尼燕子張才高意廣,故常過中, 子夏篤信

泥之。 時非子 子徧論 禮所 爲此 及。二子 過,引其不及,歸於中道而已。此問 則一也。 者過雖若勝於愚不肖之不及,然其 成就終於遠大也,學者勿僅讀《論語》而 在子張初年。《大戴・將軍文子篇》,孔 差之毫釐,繆以千里,故聖人之教,抑 中者 以 贛 夏所及矣。 及門,而以子張與顏子並,則是 制 (越席) 子 中庸之爲德也,其至矣 中也。」道以 也?」子曰: 日 圃 : 對 蓋才高志廣之人,其 一師 曰 : 中庸爲至, 爾 『禮乎,禮 過, 文文 問 而 商 將 賢 也 乎 失 何 或 其 中 智 夫 以 1

之。皇本「而附益之」、「之」作「也」。)季氏富於周公,而求也爲之聚斂而附益

有大功,位冢宰,其富宜 之卿而富過之,非攘奪其君,刻 會也。 歛,收也。 周公以王 矣。 季 氏 室 剥 至 以 其 親 諸

> 量其 於冉有曰 加 民,何以 **芻、缶米,不是過也,先王以爲足。若子** 之,無則已。其歲收,田一井出稷禾、秉 籍田以力,而 正月,用 犯法,則苟而賦,又何訪焉?」 季孫欲其法也,則有周公之籍矣,苟欲 於是乎有鰥寡孤疾,有軍旅之出 賦 (有無; 税 「非吾徒也。小子鳴鼓而攻之,可 以 得此? 田 益其 : 凤 (。)《魯語》載此事,仲尼私 砥其遠邇; 任 「汝不聞 富。 力以 冉有爲季氏宰, 哀十二年: 《論衡・ 夫,而議其老幼。 乎? 賦里以入,而 先王制土, 順鼓篇》引此 又爲 則 春王 徵 之

子曰: 並無「而」字。 也。」皇本「鳴鼓」下無「而」字。

師 子,至於黨惡害民,則絶之不少恕。 非吾徒,絶之也,小子鳴鼓而攻之,使門 人聲其罪以責之也。孔子之愛弟子如 嚴而友親,故已絕之而又使門人 然

罪惟均,故鳴鼓而攻。若深疾冉有,實至者與。季氏不能聽,冉有不能救,厥田賦之事,是亦卑勝尊、賤傷貴,不義之世卿專政,禄去公室,攘奪刻剥,而有用世卿專政,禄去公室,攘奪刻剥,而有用之,又見其愛人之無已也。魯有季氏,

〇柴也愚,

正季氏之惡。

此亦愚者之過,然益見其仁矣。年,未嘗見齒, 避難而行,不徑不寶。不足而厚有餘。其執親之喪,泣血三柴,孔子弟子,姓高,字子羔。愚者,知柴,孔子弟子,姓高,字子羔。愚者,知

參也魯,

大師耳。孔子本以爲魯,蓋限於天資之但真積力久,堅毅誠篤,加以老壽,故爲道,東周之爲,斯人之與,皆無所受也。之間,宜其成就之小。於孔子大同之據充不足,雖至死,尚謹容貌顔色詞氣醬,鈍也。曾子之質魯,故守約有餘而

力尊之,則誤矣。與曾子近,然以一貫之言,尊爲傳道而與曾子近,然以一貫之言,尊爲傳道而無如何者。宋賢規模狹隘,操守方嚴,

矯僻岸異,好高荷難,少失中也之「辟」,誤。

由也喭。

自勵也。首節脱「子曰」二字。一時,粗也。四者皆性之偏短,語之使知

○子曰:「回也其庶乎,屢空。《釋文》字曰回○子曰:「回也其庶乎,屢空。」《釋文》字曰回 ○子曰:「四也其庶乎,屢空。」《釋文》字曰回 ○子曰:「回也其庶乎,屢空。』《釋文》字曰回 至人也。

賜不受命,而貨殖焉,億則屢中。」皇本「億

篇 》: 有也。 受濁世之榮禄。」」貨殖,貨財 善居積,意貴賤之期,數得其時。」《率性 儋石不可得。 故爲陶猗之子,黄白坐擁, 也。言子贛不如顏子之安貧樂道,然其 億,意度也。 命,謂天命。 者,人以爲才能所致,不知亦其命所 貧者求之亦貧,故舉世滔滔皆爲求富, 命爲大義,以人之富貴貧賤皆有命在, 才識之明,亦能料事而多中也。 孔子立 財,又時遭大難,而未嘗中絶。 累驗於 而富終不可得。其才智明達,工於殖貨 欲以力求之者,亦愚而), 無 浜有錯 鄙人孤生,未嘗貨殖,而未嘗無 「賜不受天之富命所加」,則天 反。 《論衡 皇《疏》: 命宜富者不求亦富,命當 人之顛倒於財富中,而 ·知實篇 不 「江熙曰: 知 黔婁之兒, 命 生 也。 一殖也。 「子貢 命 固

假而殖貨,豈止億中? 然命終短夭,則子、子贛二人以明之。以顔子之才明,荒累世之功,則非智者也。孔子故因顔德,以造將來之命,若日營瑣瑣之務,而今之貧富,乃其受報。故人宜早積功經緯》曰:「善惡,報也。」命有造之者,

漢《陳度碑》作「意」。

聖人之室也。後世若黄憲、高允、元德跡,步處踐跡,而自不爲惡,然亦不能入不必踐舊跡,如言循塗守轍。善人雖不入於室。」《釋文》:「本亦作「跡」,或作「蹟」。」の子張問善人之道。子曰:「不踐跡,亦

秀之類,其善人乎?

亦不能富也。

○子曰:「論篤是與,君子者乎? 色莊 都乎?爲色莊者乎? 言不可以言貌 者乎?」《集解》合前章爲一,惟意義似當别爲章。

一七七

華曰: 兄在, 故進之; 兄在」, 行之」。赤也惑,敢問。」子曰: 聞斯行諸?」子 如之何其 由 求也問「聞斯行諸」,子曰「聞 由也兼人,故退之。」 也問「聞斯行諸」,子曰「有父 Ė 聞 斯行之?」冉 「聞斯行之。」公西 「求也退, 有 問 有 斯 父

○子畏於匡,

顔淵後。子曰:

一吾以

非其 施之。 也。 並 施 醫,必致誤殺 而已。 兼人,謂勝人也。 逆志,得聖人之意志可也。 義多相反,所謂道 教者如大醫,務在因人相時,審病發藥 存 ,或有爲言之。 時非其 ,各視其人而藥之,亦各視 聞斯行之,自由之義也。 若有一定之義,則爲守單方之庸 非其時非其人而妄行自由不可, 人而妄行服從亦不可 人矣。《論語》萬德並 有父兄在,服從 讀 並 者 行而不悖,權實 以 此推 如泥單 孔子 之,以意 其 兩義 之義 時 也。 並 而

> 乎? 以釋然矣。 知、庶民不議之片言單義以攻聖,亦可 則由、求當日已不 今之疑 難者執違衆拜下、民 可 解 況數千 不 年 使 後

死矣。]曰: 《史記》: 失在後。 存,夫安敢畏?』」與此同義。 曾參,過 溺。』《吕氏春秋 之陽虎。 吾人此,由彼缺也。」匡人聞之,以 過匡,顔刻爲僕,以其策指之曰 「無乃 檀弓》: ,己無敢致死,如夫子爲賊所害, 孔子狀類陽虎,拘焉。」 顔子言夫子 畏 期 陽虎當暴匡人,匡人於是 耶?」曾點曰: 何敢死,謂 「子在 「孔子自去魯後,自 而不至。 「死而不弔者三: ,回何敢死?」 勸 不 學篇》: 人皆見曾點曰: ·赴鬭 一彼 而 後,謂 雖畏, 衛 必死也。 畏、 適 止孔 一昔 我

義同生死,後之人亦可聞風興起矣。慮之。觀「子在,回何敢死」,孔門師弟義莫親,其必以死報矣,故孔子愛之而挺身而報仇致死也。蓋顔子與孔子恩

〇季子然問:「仲由、冉求可謂大臣

與?

一。自多其家得臣二子,故問之。「子然公順多略。」知季子然亦弟子之子然,季氏子弟。《論語摘輔象》曰:

季子然也。 曾,猶乃也。 輕二子以抑異,非常也。 曾,猶乃也。 輕二子以抑

而不從,則逃之。」此孔子所立事君之大《曲禮》:「爲人臣之禮,不顯諫,三諫諫不從遂去之,君子以爲得君臣之義。」《公羊》莊二十四年曹羈下《傳》:「三所謂大臣者,以道事君,不可則止。

而義非奴隸,自行其道,非以從君。同爲國家代理民事者也,但分有尊卑,可則止」者,必行己之志。蓋君之與臣,棧也。「以道事君」者,不從君之欲,「不義。蓋仕以行道,道不行則去,不可戀

謂「爲具臣以全身」。蓋二子雖非黨惡,具臣,謂備臣數而已。《漢書》翟方進所今由與求也,可謂具臣矣。」

然不能直伸己志以折僭賊也。

田: 「然則從之者與?」 一三八郎與不可奪之節,而又以陰折季之熟矣。弑逆大,故必不從之。是時季之熟矣。弑逆大,故必不從之。是時季二子以死難不可奪之節,而又以陰折季二子以死難不可奪之節,而又以陰折季二子以死難不足於大臣之道,然大義則聞于「然則從之者與?」

一七九

之事,賊勢皆可熏天,如有違抗,身可立

乎 ? 后,乃知弑逆不從是大難事,則孔子之 漬順從,勢遂至此。 操、劉裕之時,豈遂欲弑父與君哉? 所以信二賢者至矣。 而 若荀彧、劉穆之之徒,其始 家 可 立族,不觀 觀於 於孔 華歆之牽 融、方孝 從 伏 曹 孺 漸

宰」。《論衡》作「郈宰」。○子路使子羔爲費宰。《史記・弟子傳》作「費郈

年隳郈隳費之後,選才賢而定之。 子路爲季氏宰,而舉之也。當在定十二

有民人焉」,或爲今文本,未知孰是。書,然後爲學?」《論衡‧問孔篇》引作「有社稷焉,子路曰: 「有民人焉,有社稷焉,何必讀

故封土立社。稷爲五穀之長,故歲再祭《白虎通》:「人非土不立,非穀不食,人,謂有司,如「女得人焉耳乎」之「人」。

乎?」子夏曰:

「不學而能安國保民

未之聞也。」記者述之,以

明學優乃仕爲

定義也。

孔子答哀公以不遷怒不貳過

曰:「是故惡夫佞者。」 之閱歷較求之書册所得尤深也。 社稷分壇,謬矣。言治民事以爲學,得經傳皆同。王莽分立官社官稷,後世遂之,春求秋報。」社稷合言,共爲一壇,古

子曰: 法,雖貴於閱歷,先本於讀書。 未能操刀而使割也,其傷實多。 本末,故斥爲佞也。《韓詩外傳》: 則必爲俗吏,甚且害民。孔子惡其顛倒 未嘗考古今之治法,但資目前之閱歷, 治之學講求已深,然後可出 而後人政,未聞以政學者也。」蓋治民之 佞者,以口辯折人,顛倒是非 公問於子夏曰: 子産曰: 「今吾子愛人 「必學而後安國保民 而 八以政, 任政,若 也。《左 僑聞 必於政 哀

少二十九歲,公西華少四十二歲。書》作字子皙。子路少孔子九歲,冉有皙,曾參父,《史記》作曾蔵,字點,《漢〇子路、曾皙、冉有、公西華侍坐。

讓不言。欲盡言以觀其志。聖人和氣言我雖年少長於汝,然汝勿以我長而退之母嘗巧,則豈不得以。」蓋「以」「已」古通用。作「吾已」。《説文》、「已,以也。」《檀弓》、「般爾以人作曰:「以吾一日長乎爾,毋吾以也。鄭本

以哉?」「不吾知也!」如或知爾,則何

謙德,於此亦可見矣。

汝,則汝將何以爲用也。 言汝平居則言人不知我,如或有人知

《釋文》:「「矧」本又作「哂」」,則陸見本作「矧」。本作「飢」。飢,餓也。《爾雅》:「穀不熟爲饑,」則「飢」本作「飢」。(「率爾」皇本作「卒爾」,「卒」「率」通用。「饑」,鄭四之。「率爾」皇本作「卒爾」,「卒」「率」通用。「饑」,鄭四之。「率爾」皇本作「卒爾」,且知方也。」夫子之,比及三年,可使有勇,且知方也。」夫子之間,加之以師旅,因之以饑饉; 由也爲子路率爾而對曰:「千乘之國,攝乎大國子路率爾而對曰:「千乘之國,攝乎大國

云:「古之教民,必立貴賤之倫,經使方,則能親其上,死其長矣。《司馬法》之饉,四穀不升謂之康,五穀不升謂之、進,四穀不升謂之康,五穀不升謂之康,二穀不升謂之康,二穀不升謂之康,二穀不升謂之康,二穀不升謂之 大饑。」又謂之大侵。方,義方。民向義大饑。」又謂之大侵。方,義方。民向義不稱謂之職,四穀不升謂之職,三穀不升謂之職,與之貌。攝,迫也。二千五百卒爾,輕遽之貌。攝,迫也。二千五百卒爾,輕遽之貌。攝,迫也。二千五百

0

[「]二十四年」,原誤作「十四年」,脱「二」字。

矧。」鄭注:「齒本曰矧,大笑則見。」「哂」與「矧」同。《曲禮》:「笑不至不相犯,故力同而意和也。」哂,大笑也。不相陵,德義不相踰,材技不相掩,勇力

其禮樂,以俟君子。」皇本「民」下有「也」字。六十,求也爲之,比及三年,可使足民。如「求,爾何如?」對曰:「方六七十,如五

退,又以子路見哂,故其詞益遜。足也。俟君子,言非己所能。冉有謙之義同。五六十里,則又小矣。足,富酒禮》「公如大夫人」同義,下「如會同」酒也。如,與也,與《鄉飲六七十里,小國也。如,與也,與《鄉飲「求,爾何如?」孔子問也。下放此。方

焉。宗廟之事,如會同,端章甫,願爲小相焉。宗廟之事,如會同,端章甫,願爲小相「赤,爾何如?」對曰:「非曰能之,願學

居,故將言己志而先爲遜詞,言未能而願公西華志於禮制外交之事,嫌以君子自

與會同之事。」知會同之難也。竹林篇》:●「齊頃公即位九年,未嘗一相,贊君之禮者,言小,亦謙辭。《繁露・盟,皆會同也。端,玄端服,章甫,禮冠。盟,皆會同也。端,玄端服,章甫,禮冠。

傷乎? 對曰: 文 >: 同,今從之。 沂,風乎舞雩,詠而歸。] 夫子喟然歎曰: 作「僎」,詮也,亦古文,則「希」、「鏗」、「撰」爲今文。《釋 「吾與點也。」《説文》無「希」字,「鏗」字。 「撰」字,鄭 春服既成,冠者五六人,童子六七人,浴乎 「歸」,鄭作「饋」, 「點,爾何如?」鼓瑟希,鏗爾,舍瑟 「一本「亦各言其志」無「也」字、「莫」作「暮」。」 「異乎三子者之撰。」子曰: 亦各言其志也。」曰: 調魯讀 「饋」爲「歸」。《史記・弟子傳 「莫春者, 一而作, 何

鼓瑟,故夫子先問求、赤,而後及點也。四子侍坐,以齒爲序,則點當次對,以方

❶ 「竹林篇」,原誤作「玉杯篇」。

希, 疏 之祭。 得,到 零 門。 闡,東京則沿爲民俗。 袷之衣。 撰,詮也。 如 欲風舞處。 濯祓除,去宿垢爲大絜。」是西漢始於宫 溱洧兩水之上,招魂續魄,秉蘭草祓除 時行樂,與物偕春,故 樹木也。 水出魯城東南,尼丘山北,對稷門,亦曰 不祥。」《水經注》、《續漢 韓詩》曰: 是月上巳,官民皆潔於東流水上,曰 此。 日用之常,而其胸次悠然,直與天 也 處受用,不願乎外,即事已高,隨 女巫之祓除,即女祝之檜禳。 其志則又不過即其所居之位,樂 隔水有 浴、盥濯也、今上巳祓除 詠、歌也。 鏗 莫春,和煦之時; 雩,祭天禱雨 「鄭國之俗,三月上巳,之 爾,舍瑟之 **雩壇,壇高** 曾點之學,人皆 其動 古祓禳,皆除惡 聲。 禮儀志》: 之處,有壇 三丈,曾點所 静之際從 作, 春服,單 是 起 也 也 自 沂 洗 埋

人記其本末,獨加詳焉,蓋亦有以識此相印合者,故夫子歎息而深許之。而門憂違,用行舍藏,老安少懷,自有與聖人萬物上下同流,各得其所之妙。而樂行

矣。」 之言何如?」子曰:「亦各言其志也已三子者出,曾皙後。 曾皙曰:「夫三子者

矣。

故請其説。點以子路之志乃所優爲,而夫子哂之,野、「夫子何哂由也?」皇本「夫子」作「吾子」。

本「日」上有「子」字。
曰:「爲國以禮,其言不讓,是故哂之。」皇

六十而非邦也者?」「唯求則非邦也與?」「安見方六七十如五「唯求則非邦也與?」「安見方六七十如五非禮也。」夫子蓋許其能,特哂其不遜。《曲禮》曰:「侍於君子,不顧讓而對,

唯赤則非邦也與?」「宗廟會同,非諸侯

「小」「大」下皆有「相」字。會同」。「非諸侯而何」一本作「非諸侯如之何」。」皇本文》:「本無「與」字。「宗廟會同」本或作「宗廟之事如文》:「本無「與」字。「宗廟會同」本或作「宗廟之事如而何? 赤也爲之小,孰能爲之大?」《釋

大聖歟! 是、邢《疏》謂,此皆夫子所答,言無能出皇、邢《疏》謂,此皆夫子所答,言無能出皇、邢《疏》謂,此皆夫子所答,言無能出皇、邢《疏》謂,此皆夫子所答,言無能出皇、邢《疏》謂,此皆夫子所答,言無能出皇、邢《疏》謂,此皆夫子所答,言無能出皇、邢《疏》謂,此皆夫子所答,言無能出

論語注卷之十一終

論語注卷之十一

南海康有爲學

而由人乎哉?」
一日克己復禮,天下歸仁焉。爲仁由己,一日克己復禮,天下歸仁焉。爲仁由己,

曰:

視,非禮勿聽,非禮勿言,非禮勿動。」

「回雖不敏,請事斯語矣。」

顔淵 曰:

「請問其目。」子曰:

「非禮

勿

一顔淵

偏,節其嗜欲之過,斯保合太和,還其元欲任氣,其害仁甚矣。惟勝其氣質之也。性無善惡,而生有氣質,既有毗陰也。性無善惡,而生有氣質,既有毗陰也。性無善惡,而生有氣質,既有毗陰文。克,勝也。復,反也。夫人者仁也,

人,魂虚而魄實,魂清而魄濁,魂弱而魄 。、魂居其外,以涵養其中,習與性成, 言、動則皆魄之爲也,由禮則順,失禮則 言、動則皆魄之爲也,由禮則順,失禮則 ,此爲人身之則,諸教所未及,而孔子 界,以爲人身之則,諸教所未及,而孔子 界,以爲人身之則,諸教所未及,而孔子 界,以爲人身之則,諸教所未及,而孔子 是,以爲人身之則,諸教所未及,而孔子
一八五

制物欲 也。 無不同,以 伏其心,神秀巨子時勤 强 亡已也。 行,必至滅 性麤惡,嗜欲繁多,若聽自由,則縱欲妄 至善之姿,猶 鑿交外,則 故非發强剛毅,清明澹 其 ,無以變化氣質。 濁 制 魄 人 必 强 魄養魂爲要,乃至於顔子, 道以爲禽獸,不止國土淪 物 須 (實,必 **然** 誘陷溺,此 事。若中下之人,質 專 辨拭。 横 故佛氏 用 人道 泊,無 事 凡諸 難 所 與 在 以 以 其 力

無怨,在家無怨。」 民如承大祭。 己所不欲,勿施於人。 在邦民如承大祭。 己所不欲,勿施於人。 在邦〇仲弓問仁。子曰: 「出門如見大賓,使

仲弓曰: 慢者 所欲,以施於人,與民同樂也。 而行嚴敬如對大賓、大祭,無有幾 出門,包起居而言,使民,約臣妾而 「雍雖不敏,請事斯語矣。」 視 人如 己,萬物 體,故 然人情 Ż 微 言。 之 疏

> 也; 爲仁人也。 恕之效否。 以敬,與人 難,是以 私 高下淺深焉。」 己 而 主敬行恕,坤道也。 輕人,故 孔子重戒於不欲勿 似恕,更以 蓋愷悌慈祥,欣喜驩 朱子謂: 所 欲 與聚 内外無 「克己復禮,乾道 易。 可視顔、冉之 施 怨,驗其敬 所惡 也。 愛,斯 修 勿 施

子曰: 訒。」曰: 孔安國日: 訥近仁,巧言鮮仁。 司馬犂。 之, 豈知大醫王因病發藥之苦心乎? 近人以孔子言 指其人德之要,求仁之方,實不外是。 下大小之不同,然其切於學者之身,而 而躁,故使於此謹之。」聖人之言雖有高 「爲之難,言之得無訒乎?」 恥躬不逮,故言不易出。 「其言也訒,斯謂之仁已乎?」 「訒,難也。」牛,宋人,弟子 仁處 朱子謂: 處異義,以 「牛多言 名學 蓋木

司馬

牛問仁。子曰:

「仁者,其言

也

乎?」子曰: 子謂: 孔安國日: 言仁者不憂,獨立不懼,人極樂而 大,直塞天地,故不懼。人之生也,與憂 來學,常憂懼,故孔子解之。」包氏 安身立命之方,宜受用之。 雄,得大無畏,故無入不自得。 順受其正,樂天知命,故不憂, · 灰,病也。内省無罪惡,無可憂懼。」 孟 馬 曰: 牛問君子。子曰 「行有不慊則餒。」内省不疚 「不憂不懼,斯謂之君子已 性之弱也,與物多懼。 「牛兄桓魋將爲亂,牛自宋 「内省不疾,夫何憂何懼 「君子不憂 故孔子 此學者 氣 得 至 ? 日 大 則

也?」皇本「皆」下有「爲」字。阮氏元《校勘記》、《鹽鐵海之内皆爲兄弟也。君子何患乎無兄弟在天。君子敬而無失,與人恭而有禮,四子夏曰:「商聞之矣: 死生有命,富貴〇司馬牛憂曰:「人皆有兄弟,我獨亡。」

論・和親章》、《文選》蘇子卿古詩注引此皆有「爲」字。 我獨 也。 夏安慰司馬牛之言,而實孔子乾父坤 断,致恭而有節文。天下之人,本皆天 受其正命,而又盡其在己,持敬而 死生富貴非人力能爲,蓋有天命。 者,聞之孔子也。孔子立命之大義,以 惡而友賢,九州之人皆可以禮親也。」聞 鄭玄曰: 母,萬物同體之義。大同之義,亦出 生,同此天性,自同爲兄弟也。此 爲無兄弟也。」包氏 「牛兄桓魋行惡,死喪無日, 日 「君子)固子 無 是 間 順

冤。毁人者,如水之浸灌,漸漬而不驟,害切身,人皮膚以至骨髓。愬,愬己之浸,漬也,積也。潤,益也。膚受,謂利受之愬,不行焉,可謂遠也已矣。」愬,不行焉,可謂明也已矣。浸潤之譖,膚必子張問明。子曰:「浸潤之譖,膚受之

綸 語 注

疑,正直被斥。聽言者不可不慎諸 潤之譖,膚受之愬故也。於是,忠賢見 謀,雖有智者,無不惑矣。 遠。凡人於左右近習之力,佞人 則 動,而發之暴矣。二者難察而 不爲所深入則至明,不爲其近蔽 聽 ,如病之創 者不覺 其 痛 人,而 而 切身,則聽者爲所 信 之 由其能 深 矣。 八奸詭 用 則 愬 浸 芝 寃

者何先?」曰: 得已而去,於斯二者何先?」曰: 之矣。」子贛曰: 自古皆有死,民無信不立。」 ○子贛問政。子曰:「足食,足兵,民信 「去兵。」子贛曰: 「必不得已而去,於斯三

制 爲窮變之問。 孚,國乃能自立也。子贛窮理之哲,乃 兵,械也,亦假作士卒。 然後教化以行,有勇知方,上下以信相 梃以撻堅甲利兵。賈誼言: 去兵者,食足信孚, 言富國且强兵, 鉏 則 可

> 巡以 尚。 所絶 謂 全生 存節 節而 死,孔子之所貴, 强 棘矜不敵於鈎戟長鎩,然斬 垂絶之時,百吏死職,士卒死 於君心,信於民,信於令,信於事。」荀子 也。」箕鄭對晉文公之問救饑,曰: 人,故有殺身非 秦也。」皇侃引李充曰: 自古有不亡之道,而 也。 靈,若馮道歷相十主者,必爲孔子 義之正 存齊國,文天祥於宋亡後,待死 死守一城而 「出死要節,所以養生。」故至守土 氣。 以視徼 障唐室,王蠋以布 喪己, 苟存 捨生取 幸偷生,假於保 義、孟 無 木 非不亡 有 列。 朝 爲 不 軻 聞 兵 故 死 Ż 衣 道 遂 所 之 以 張 信 己 夕 死 滅

記》謂《古論語 爲?」《漢書・ 革子成曰: 詩》「匪棘其欲」、《禮記》引作「匪革」。《拜經日 》作「棘」,今《論語》作「革」。從今文,故不 古今人表》、《蜀志・秦宓傳》引作「革子 「君子質而已矣, 何 以文

攻孔者,故曰:「何以文爲。」 其生,不法其死,人道之始。」革子成蓋 「天之未喪斯文。」《公羊》開宗明義: 「天之未喪斯文。」《公羊》開宗明義: 「大之未喪斯文。」《公羊》開宗明義: 曰:「文王既没,文不在兹。」又曰: 以崇質尚儉爲宗。孔子改制尚文,故 革子成,衛大夫,蓋亦老子、晏子之流,

猶犬羊之鞹。」 及舌。文猶質也,質猶文也。虎豹之鞹,子贛曰:「惜乎,夫子之説君子也,駟不

之皮等耳。夫人情莫不重虎豹,爲其毛留虎豹之皮,而無炳蔚之文,亦與犬羊可相無。若必盡去其文,但存其質,則馬不能追也。文家質家,相須爲用,不固異於小人之浮華鮮實,而不失君子之之文統者,乃難子成。以爲去僞保質,孔氏曰:「皮去毛曰鞹。」子贛傳孔子

之何?」有若對曰: ○哀公問於有若曰: 氏曰: 文之炳蔚也。 曰: 朱子曰: 犬羊之皮,而輕虎豹之皮,豈能行哉? 垂教耳,若悖乎人情,逆乎物理,令人重 《穀梁》曰: 徹,徹,通也。」《公羊傳》發孔子之大義 謂國用。公意蓋 畝,同養公田,此助税爲九之一也。 井,井九百畝,其中爲公田,八家皆私 什一使自賦。」惟助爲有公田,方里 文公行仁政曰: 無井田處,則税通收十之一爲徹 一,大桀小桀,少乎什一,大貉 一,皆孔子所創之仁政也。 「什一者,天下之中正 「盍,何不也。什一而税謂之 「稱有若者,君臣之辭。用, 聖人緣人情 「古者什一而藉。」蓋 |欲加賦以足用也。|鄭 「盍徹乎?」 「請野九一而助,國 「年饑,用不足,如 而節文之,以 也。 孟子告滕 多乎什 一井田 貉。」 此 而 中 百

之也。 後世 力合作,計畝均收」,古無此説。 時 惟 遠 子舉孔子之所創十一之仁政,勸哀公行 耳。井田之助制最美,然難於行。 徹之異,而 今歐美制量 之僞 郊二 ,其所異者,貢 其漆林之征二十而五」,皆劉歆據漢 一税法 十而三,甸稍縣都皆無過十二, 若僞《周禮》: 制,非孔子仁政意也。朱子「通 是 徹 田所入 也; 制最便爲易行也。 則校數歲之中以爲常, 一而 徹則量所入 税近之,但非十一 「園廛二十而 加 收之。 亦什 蓋有

哀公深怪有子政策之迂而相反。時,用猶不足,斷無復返於稅什一之理。魯自宣公稅畝,已行十二之稅,至哀公曰: 「二吾猶不足,如之何其徹也?」

「孰」作「誰」。《漢書・谷永傳》引「與」作「予」。《後漢書・楊震傳》引足,君孰與足?」《鹽鐵論》引「不足」下有「乎」字。對曰: 「百姓足,君孰與不足? 百姓不對曰:

○子張問崇德 荀子 故田 貨之源也。 者,財之末也。 萬曆務礦税 富。」若横征苛歛,令民無以爲 必有餘,而上不憂不足,如是則上下 流,開其源,而 亦與之俱危。 「野縣 日 鄙者,財之本也; 下 故 ·辨惑。子曰: 而闖賊 漢靈善作家 時斟 明主必謹養其和,節其 貧則上貧,下 百姓時和,事業得叙者, 興,可不戒乎? 酌焉。 而黄巾 潢然使天 「主忠信,徙 富則上富 垣窌倉廪 生,則君 ·起,明 下 俱

主,而 從,而惟 按,「聞義 則「徙」當亦作「從」。 包氏曰: 、忘身而 惟 以忠信爲主; 義 義 不能 殉道。 「徙義,見義則徙意而從之。」 是從。 是宅,其義同 徙」,「徙」高 徙」亦可。 蓋立心不以 行事不以 也。克己以尊 麗本作「從」, 己 蓋 宅居 意爲

義,崇德也

欲其死,是惑也。「愛之欲其生,惡之欲其死。既欲其生,又

「誠是魯《論》。「『誠不以富,亦衹以異。』」「誠」《毛詩》作「成」。

而誤也。」
公有馬千駟」之上,因下文亦有齊景公謂:「此錯簡,當在第十六篇:『齊景郎《詩・小雅・我行其野》之辭。程子

○齊景公問政於孔子。孔子對曰:「君

家》及《漢書·武五子傳》作「吾豈」,與皇本同。今從之。 勘記》、皇本、高麗本「吾」下有「豈」字。《史記・孔子世 有粟、吾豈得而食諸?」「吾得而食諸」,阮氏《校 信如君不君,臣不臣,父不父,子不子,雖 君,臣臣,父父,子子。」公曰: 若夫天下爲公,選賢與能,人人不獨親 鑒。 臣,以篤父子是也。二千年間可以爲 亂而家散矣。《禮運》小康之義,以正 驕横而臣抗逆,父寡恩而子悍悖,則 能慈而幼能孝,則可以爲治。 分,而各得其所安,上有禮 禍 苟未至其時不易,妄行則致大亂生大 其親,不獨子其子,此須待大同之世。 人道綱紀,政事之本。據亂世以之定 時齊家國皆亂,故夫子以此告之。 而下輸忠,老 否則,君 「善哉 君 國

以刑」、《墨子・尚同》中篇引作「折」。「制」、「折」當是古與?」「折」,魯讀爲「制」,則「折」當是古文。 《呂刑》「制〇子曰: 「片言可以制獄者,其由也

通,而古文改之,今不從。

也。 言出 曰: 詞,子路雖賢,無是理也。 情至變僞,雖有聖者,不能不聽 以折獄者,惟子路可也。」愚按,天下獄 釋詁》:「制,折也」, 聽訟必須兩辭以定是非,偏 而人信服之。」孔氏曰: 「片言,半言。」「子路忠信明决,故 即 斷 獄 「片,偏 信 兩造之 朱 一言 子

子路無宿諾。

諾之證 義之也,由弗能。」其不 故,死城下可也。 焉?」對曰: 之國,不信其盟,而信子之言,子何 無盟矣。」季康子使冉有謂曰: 射以句繹奔魯。 時多故,故不豫諾。」然諾不苟也。 何氏曰:「宿,豫也。子路篤信, 「魯有事 日 彼不 「使季路要我,吾 臣 於小邾,不敢 易許諾,即無 而 濟 其言,是 「千乘 小 恐 宿 邾 臨 間 犀

乎?」○子曰:「聽訟,吾猶人也,必也使無

訟

之心」。 斷獄不足貴,必使無爭訟,乃可尚 强,此乃教化之所致」。 則無相害傷之意; 心。」「導之以德,齊之以 猶人,包氏咸曰:「與人等也。」《潛 論》曰:「上聖不務治民事,而務治民 `「非法律之所使,非威 動思義,則無奸邪 孔子自以明决 禮」。 「民親 刑之所 也 愛, 夫

□○子張問政。子曰:「居之無倦,行之以

弗畔矣夫!」○子曰:「博學於文,約之以禮,亦可以一分,謂志事所推施,以忠,謂表裏無二。居,謂身心所安宅,無倦,則始終如一。

恒言。言之不已而頻言之,益以證孔門不及删者。然亦可見博文約禮爲聖門此章重出。蓋弟子各記所聞,分見各篇

九二

學者之宗旨也。

小人反是。」 〇子曰:「君子成人之美,不成人之惡,

也。 如此。」按、《穀梁》隱元年: 朱子曰: 之善,不成人之惡。微孔子,吾焉得 人之美,不成人之惡。」《説苑·君道 而其所好又有善惡之異,故其用心不同 人上以告君,下以教學者,忠厚之至言 斯言哉!」」則此義爲《春秋》大義。 君子小人,所存既有厚 「哀公曰: 「成者,誘掖 『善哉! 君子成人 獎勸,以成其事 薄之不同 「《春秋》成 聞 聖

皇本作「而正」。 《孟子注》、《史記·平津侯主父列傳贊》引作「率以正」,者,正也。 子帥 以正,孰敢不正?」「帥」,趙岐○季康子問 政於孔子。 孔子對曰:「政

正月、《春秋》之義大居正。」何君注:季康子、魯上卿。《公羊》隱元年:「王

公問 不正,而後化行俗淳也。《大戴禮 百官以正 《主言篇》:●「上者,民之表也,表正則 正,則百姓從政矣。君之所爲,百姓之 政?』孔子對曰: 末應,正内而外應。」蓋履端於始,無 效,風從草偃,孔子之大義也。 何物不正? 故君先立於仁,則大夫忠, 所從也,君所不爲,百姓何從?』」又, 孟子所謂: 「正一身以正朝廷,正朝廷以正百官, 而士信民敦,工樸商慤,女憧婦悾悾。」 篇》 萬民。」董 「一正君而國定。」上行下 「公曰: 『政者,正也。 一仲舒曰: 『敢問 何謂 「正本而 · 哀 正

■ 「主」,原作「王」,據《大戴禮記》改、

苑 故夫子以不欲警之。雖賞不竊,其言至 竊盜,正由上之多欲。 侯貪,則大夫鄙 秋》譏之。 上之變下,猶風之靡草也。」然則,民之 周 故天子好利,則諸侯貪, 天子 使 ; 毛伯 大夫鄙,則庶人盗。 求 康子奪嫡竊政, 金於諸 侯、《春

風,小人之德草。草上之風,必偃。」焉用殺? 子欲善而民善矣。君子之德以就有道,何如?」孔子對曰:「子爲政,〇季康子問政於孔子,曰:「如殺無道,

風俗教化上轉移之,則愈殺而愈熾。所之法,如郅都、趙廣漢之流是也。不於況於殺乎?」多殺以止姦,蓋酷吏嚴刑之語哉? 以身教者從,以言教者訟,而之語哉? 以身教者從,以言教者訟,而則民善矣。「上」一作「尚」,加也。偃,爲政者,民所視效,何以殺爲? 欲善,爲政者,民所視效,何以殺爲? 欲善,

者,民之所效,欲善民善,觀感所化,有 謂 如影響。民有恥心,樹之風聲,莫不革 面嚮化也。 民 上者,撫 不 畏死,奈何 民 如子, 豈 以 死 可言殺 治之也 (哉? 且 爲

子曰:「何哉爾所謂達者?」(子張問:「士何如斯可謂之達矣?」

之也。 夫子蓋已知其發問之意,欲别其誤而正

子曰:「是聞也,非達也。子張對曰:「在邦必聞,在家必聞。」

子明辨之。下文又詳言之。 誠僞之所以别,學者不可不審也,故夫言名譽著聞也。聞與達相似而不同,乃

在家必聞。」者,色取仁而行違,居之不疑。在邦必聞,以下人。在邦必達,在家必達。夫聞也以下人。在邦必達,在家必達。夫聞也「夫達也者,質直而好義,察言而觀色,慮

達矣。 矣。 蓋方正 爲 爲大賢君子,積久自是,遂以爲古賢亦 行事 義 以 也 隕落者也。 行陰背之,則可以欺人。 審言色,深長思慮,卑以自牧,則行無 慮 以察言觀色接物,則不與人忤; 如此,更無疑讓,所謂 君子自修内省之道。 下人 (精切,而又非希世,學者不 爲 質 難 行 狡僞若此,雖能得時名,終未有 直 本,則 達。 處事,則不爲人忌,此 而不識人情,好上人,必招謗阻, 若外取於仁,則可以市譽, 爲 根 聖人教人處世達事之方,至 惟質直將内,義以方外,謹 本 無 絞切之過,此立 則無 **灬狡僞** 舜禹之事,吾知之 而聞譽既得,幾以 之思 務外徇人,非 處世 可不留 身 ÷ 之方。 〈之法。 知深 以 不 好 意 不 内

德·脩慝·辨惑。」 〇樊遲從遊於舞雩之下,曰: 「敢問崇

> 除此 非真有 脩治 所不知 可遊 包 一咸 而 焉。」慝,惡也,文從 日 心賊也,故夫子善其切問 去之。 爲己之心,惡不忍仁之志,不能 圃 己獨知,隱於心而伏其 「舞雩之處有壇墠樹木,故下 蓋明惡易見而 匿 ,從心。 隱惡 根者, 難除

子曰:「善哉問!

善其切於爲己。

及其親,非惑與?」之惡,非脩慝與? 一朝之忿,忘其身,以「先事後得,非崇德與? 攻其惡,無攻人

細微 其親,惑之甚者也。 范氏曰: 易動者,莫如忿,忿之後則忘其 己過,而知人之過,故慝不脩。 人惟有欲利之心,故德不崇。 故懲忿所以辨惑也。」正其誼 ,能辨之 「先事 於早, ·後得,上義 則不至於大惑矣。 惑之甚者,必起於 而下 不謀其利 惟不自省 身以 感物 利 也 及 而

遲之病而告之,然人情無不未事計得, 忿治怒,皆學者自脩之要。 孔子或因樊 明其道不計其功, 藥石也。 好攻人惡,而妄肆己忿,則普天下人之 日日訟過懺罪 • 懲

曰:)樊遲問仁。子曰: 「知人。」 「愛人。」問知。 子

仁者無不愛,而愛同類之人爲先, 者無不知,而知善惡之人爲當務之急。 愛人言仁,實爲仁之本義也。 蓋博愛之謂仁。 孔子言仁萬殊,而此以 知

樊遲未達。

子曰: 曾氏曰: 知有所擇,故疑二者之相悖爾。」 「舉直錯諸枉,能使枉者直。」 「遲之意,蓋以愛欲其周, 而

矣。如此,則二者不惟不相悖,而反相 爲用矣。」 舉直錯枉者,知也, 使枉者直,則仁

> 直,何謂也?」 問知,子曰: 樊遲退,見子夏曰: 遲以夫子之言,專爲知者之事,又未達 『舉直錯諸枉、能使枉者 鄉也吾見於夫子而

所以能使枉者直之理。

子夏曰:「富哉言乎!

湯有天下,選於衆,舉伊尹,不仁者遠矣。」 舜有天下,選於衆,舉臯陶,不仁者遠矣。 伊尹,湯之相也。不仁者遠,言人皆化 歎其所包者廣,不止言知。 之義,而聖人悲憫博愛之至也。 天下無惡人,舉天下皆仁人。此皆大同 學所易窺測矣。且動須化枉爲直,令舉 動而 之兼仁知而言矣。聖人言近而指遠,一 所謂使枉者直也。子夏蓋有以 而爲仁,不見有不仁者,若至其遠去爾。 仁 智兼該,非淺識所易領會,非淺 知夫子

可則止,毋自辱焉。」

見疏,則自辱矣。然以義合者也,故不可則止。若以數而然以義合者也,故不可則止。若以數而不可須臾離者也。故有所是非,則盡友,五倫之一,人道之至切,隨處皆然,

○曾子曰: 友矣。 導之功,不如多賢友夾輔之力。 人情孤 子賤,「魯無君子,斯焉取斯。」 蓋嚴 善以資仁,則德進而夾輔以長。孔子謂 講學以會友,則友多 則不寡陋。故輔仁之功,取友爲大。但 獨則懶惰,易觀摩則奮厲生。置諸衆正 會之之始,勿以宴樂佚游進,則易得益 友之中,則寡失德, 「君子以文會友,以友輔仁。」 而皆出於正, 置諸多聞人之中, 師 誘 取

語注卷之十二終

論

論語注卷之十三

南海康有爲學

子路第十三 凡三十章

見今文本,石經在陸氏後,誤從古文,故今不從石經。作「無」,惟今文「無」皆作「毋」,「無」則爲古文。陸氏尚曰: 「毋倦。」《釋文》:「本「無」作「毋」。」唐石經○子路問政。子曰: 「先之勞之。」請益。

司,赦小過,舉賢才。」
〇仲弓爲季氏宰,問政。子曰:「先有一時時露於言表,先勞亦其公之至也。
我子雖無並耕之愚,而其爲公之意,則

者,舉而用之,則有司皆得其人,而政益濫而人心悦矣。賢,有德者, 才,有能或有所害,不得不懲,小者赦之,則刑不或有所害,不得不懲,小者赦之,則刑不可,衆吏之職也。宰兼衆職,以身先有司,衆吏之職也。宰兼衆職,以身先

知。爾所不知,人其舍諸?」曰: 「焉知賢才而舉之?」曰: 「舉爾所

不必藏於己之意。蓋有天下爲公之心,處皆以大同爲本,此即貨惡其棄於地,所知,不必盡私之己也。孔子之言,處賢才人所共用,但自舉所知,人亦各舉

九八

則觸處皆是也。

據。 「是時,衛君輒父不得立,在外, 家》: 「是時,衛君輒父不得立,在外, 家》: 「是時,衛君輒父不得立,在外, 家》: 「是時,衛君輒父不得立,在外, 家別: 「是時,衛君輒父不得立,在外, 定,孔子自楚反乎衛。《史記・孔子世 衛君,謂出公輒也。是時魯哀公之十

子曰: 「必也正名乎!」

《太史公自序》曰: 甚。《春秋公羊傳》以王父命拒父命,乃 也。名之顛倒,未有甚於此者,故孔子 以正名爲先。 父易名。」謂不以蒯瞶爲世子,而 爲之言,非爲石曼姑 惲氏敬《先賢仲子廟立石文》曰: 鄭氏以爲正書字, 「南子惡 帥 師 蒯 拒 瞶 蒯 輒 則謬 瞶 繼 故子

政。 也。 之六年,自楚至衛,輒年可十七八歲,有 無動静,則輒之以國養可知。孔子於輒 人,凡在戚者十五年。此十五年中, 于戚,及至出公十四年,始與渾良夫 可爲矣。 在堂,其不使之人 等爲之,非出公也。」 夏氏 蒯瞶入戚,三年春 度出公之即位也,内外 出公爲其子之子。 公二年,其卒年四十七,而 不正莫甚於此,故有正 欲用孔子之意,故子路曰衛君待子而 論》曰:「蒯瞶有殺母之罪,斯時 衛出公未嘗 ,
輒定位已久,且以國養父,未爲不 及輒漸長,而君位之定已久,勢不 孔子以父居於外,子居於内,名之 考蒯瞶於靈公四十二年入居 拒 交 也。 . 圍戚,衛之臣 明 蒯瞶先有姊 矣。 名之論。而 衛 十歲耳。 靈公生於魯昭 灯《衛 輒不得 蒯瞶 爲其子, 出 石曼姑 二年, 衛 自 南 子路 公輒 姬 謀 爲 絁 車 子

1100

耳。 之心。孔子以爲尚可以爲善,而欲 其公養,則此六七年中,必有不忍其父 即出公輒。 子於衛孝公有公養之仕。」先儒謂 正,爲萬世人倫之至也。孟子曰: 可 衛,且處之六七年,何以爲孔子?」 以正名,惜乎優柔不斷,終不能用 有孔悝之難。甚矣! 設也輒果稱兵拒父,而孔子猶至 以子言爲迂。 孔子在衛凡六七年,輒 其 後 孔子去衛 聖人之大居 孔孔 孔子 孝公 進之 能 盡

覺於於」、《文王世子》「於其身,以善其是魯讀。《檀弓》「於則於」,《莊子》「其其難行也。鄭作「於」,云:「狂也」,或其難行也。鄭作「於」,云:「狂也」,或正?」「迂」,鄭本作「於」。「奚」、《史記》作「何」。

子曰:「野哉,由也! 君子於其所不知,君」,亦與迂闊義近。

蓋闕如也。

據。」《荀子·大略篇》:「言之信者,在乎區樣可子·大略篇》:「言之信者,在乎區樣。」

「措」注:「故書「措」作「厝」。」則「措」或是古文。「借」為曆置之「厝」。《說文》引作「厝」、《考工記》作及。《釋文》:「本又作「措」。」《漢書》「朝錯」,晉灼音則刑罰不中,刑罰不中,則民無所錯手則刑罰不中,刑言不順, 喜不順,則事不成,則言不順, 言不順,則事不

《禮》,散名之加於萬物者,則從諸夏之王之成名,刑名從商,爵名從周,文名從故尚正名。《荀子•正名篇》曰:「後故尚正名。《荀子•正名篇》曰:「後濟,道行而志通,然後言順而事成,不過, 鄭司農云:「中者,刑罰之中。」《後漢》

號,皆孔子所正也。 號,皆孔子所正也。 回切名 成俗曲期。 遠方異俗之鄉,則因之而爲

必可名」。 君子於其言,無所苟而已矣。」《史記》作「爲之「故君子名之必可言也,言之必可行也。

有「子」字。 請學爲圃。 樊遲請學稼。 訟,以生大奸。故事不成,奸僞並起,安 必可得而遵行。 所名之事,必可得而明言; 下無法守,則民無所措,而政不能行矣。 和,下壞風俗,則刑罰益亂。上無道揆, 能起禮樂以致中和移風俗? 上不中 「吾不如老圃。」皇本「圃」下 子曰: 否則,民 「吾不如老農。」 疑 所言之事, 惑而多辨

以聖人之智,而專門之學必當問之專門得,有閱歷,有傳方,其益於世甚大。雖門,老農老圃皆專門爲種植之學,有心種五穀曰稼,種蔬菜曰圃。學各有專

技師也。

小人,謂細民。孟子所謂「小人之事」者樊遲出。子曰:「小人哉,樊須也!

也。

用稼?」陸本作「繈」。石經文字以「繈」爲非 夫如是,則四方之民襁負其子而 莫敢不服; 「上好禮、則民莫敢不敬, 者。 襁。」孔子甚稱老農老圃,此但因樊遲潔 禮、義、信,大人之事也。 好義,則 當進之,故言若能從大人之事,則不必 爲心,斯人是與。 樊遲以士人 身忘世,故欲其學道化民。 何用學稼以教民乎? 而應也。 宜,情誠實也。敬服用情,蓋各以其類 爲細民之事。然此爲孔子爲樊遲一 包氏曰: 襁,織縷爲之,以約小兒於背 上好信,則民莫敢不用情。 「禮義與信,足以成德, 負者以 上好義,則 蓋聖人胞 至 來學, 器,曰 事合 與 玾 民

深許乎? 讀者無泥於辭可也。信,則爲伊尹、諸葛之躬耕,豈非孔子所若學農林專門,豈不甚善。且又兼禮義之言,舉世之人安得盡爲大人學者?

《詩》,言國政,著風俗,本人情,該物理, 《詩》三百,歌《詩》三百,舞《詩》三百。」 《墨子・公孟篇》: 也。古詩三千,孔子删之,得十五國,三 但言誦者,以得其意恉也。專,獨也。 皆爲政治家、言語家之才。 以改制口 今日之報。 孔門學者皆受之。 百五篇,每篇皆有詩説,於政事尤精 長於風諭,故誦之者必達於政 説 孔子選十五國之報精者,加 ,以爲功課書。 蓋詩出輶軒之採,如 「誦《詩》三百, 此必有爲而 故通其學者 而能言 博 弦

言。

行」。

正,雖令不從。」《後漢書・第五倫傳》引作「雖令不正,雖令不從。」《後漢書・第五倫傳》引作「雖令不正,雖令不可,」其身正,不令而行,」其身不

令也,故在反身而已。 蓋觀感之化,不待反脣,皆從意而不從令,教令也。以身教者從,以言教者訟。

○子曰:「魯、衛之政,兄弟也。」皇本無「也.

字。

相似,故孔子歎之。 包氏曰:「魯,周公之封, 衛,康叔之也氏曰:「魯,周公、康叔既爲兄弟,其國之政亦封。周公、康叔既爲兄弟,其國之政亦封。周公、康叔既爲兄弟,其國之政亦封。周公、康叔既爲兄弟, 衛,康叔之

曰:『苟美矣。』」『苟合矣。』少有,曰:『苟完矣。』富有,〇子謂衛公子荆,「善居室。始有,曰:

公子荆,衛大夫。苟,誠也。合,言已合

9

子荆,故加衛字以異之。 役之世,則不以此論。魯哀公子亦名公 虐民,故孔子稱公子荆以諷之。 若在雇 之宫室皆峻宇雕牆,奇偉精絶,當時之 安,寡欲知足,不以 於 虐用其民可想。 至印度舍衛、摩竭提、勒撓諸都會,印 禮 也。 完,器 蓋土司酋長,無不 物 備 外物自累 也。 言其 也 觸 縱 境 所 欲 王 而

「冉有」。 《風俗通義・十反卷》並作「冉子」,今從之。通行本作《風俗通義・十反卷》並作「冉子」,今從之。通行本作之。」「既富矣,又何加焉?」曰:「教「富之。」「既富矣,又何加焉?」曰:申子曰:「既庶矣,又何加焉?」曰:○子適衛,冉子僕。子曰:「庶矣哉!」

僕,給事者,亦御 富,則民生不遂; 富以 夫教化廢,則 教化行,則引中人而納於君子之 養其生,教 也。 推中人而墜於小人之 富而 以善其性,二 庶,衆也。 不教,則民 庶 者備 德 而 末 不

> **塗**。 乎行序也。此爲孔子三至衛,在魯哀公 者爲亂。 道,必先富民。此與宋儒徒陳 教化,而以富民爲先。 至,重爲任而責不勝; 嘗養民,而 後之治法,薄爲俸禄,而貴吏之廉, 言餓死事 元年,孔子年五十九歲。 然饑 蓋未富而言教,悖乎公理,紊 寒切 小,失節事 期俗之善。 %膚,不 顧 大者,亦異矣。 管子所謂治國 廉恥,孔子雖 弱者爲傷,而强 遠爲期而責 高義,但 不 未

三年有成。」《史記・世家》引「期月而已」,無「可 〇子曰: 樂則 以撥亂反正,若行之一年,則規模可立, 期,復其時,言周年也。 此,確有把握可守,確有條理 用之,而發歎也。 三年則治教大成。 行,則行在。 「苟有用我者,期月而已可 自信自任,而言之如 此聖人不妄自任,其 此孔子在衛,靈公不 孔子改制仁政 可行,所謂 也 也。

兢兢守身守約之儒所能窺矣。也。聖人日以天下緯畫於中如此,固非三年乃可,十年有成,益歎聖人之神化次序期限可玩也。愚嘗誦之,然用我必

志》引無「亦」字。 殺矣。誠哉是言也!」《史記》引無「矣」字,《刑法○子曰:「善人爲邦百年,亦可以勝殘去

記·孝文帝紀贊》《論衡·宣漢篇》引「而後」並作「然〇子曰:「如有王者,必世而後仁。」《史之。美國開國百年,刑殺大減,近之矣。以不用刑殺也。蓋古有是言,而夫子稱以不用刑殺也。蓋古有是言,而夫子稱爲死人,使不爲惡也。謂民化於善,可爲邦百年,言相繼而久也。勝殘,化殘爲

王,蓋教主也。 仁,小康之世猶未也。天下歸往謂之仁,小康之世猶未也。天下歸往謂之能仁。蓋太平世行大同之政,乃爲大世。必撥亂世,反之正,升於平世,而後世有三. 曰亂世,曰升平世,曰太平世有三. 曰亂世,曰升平世,曰太平

後」,疑漢時本有作「然後」者。

不能正其身,如正人何?」〇子曰:「苟正其身矣,於從政乎何有?

不正,不正而無能正也。以正百官,正百官以正萬民。一正而無苟,誠也。言從政者當先正身,正一身

吾以,吾其與聞之。」「有政。」子曰:「其事也。如有政,雖不〇冉子退朝。子曰:「何晏也?」對曰:

事。 也。 者,凡行常事。」蓋上所施行,經國治民, 馬氏曰: 官 得謂之政。此明議政與行事之别,而 老,必與議焉。 日 别,出此。 政必合大夫共議之,不如行事之聽 政; 獨斷也。 若奉行故 言國有改更匡正之議,孔子爲 下奉令承旨,作而 「政者,有所 今歐人有行政官、事務官之 事,而非改更成案,則 言議政立法,必經元 改更匡 行之,謂 Ę 不 老 元

言之問,未可以如此而必期其效。 幾,近也。《詩》曰:「如幾如式。」言一孔子對曰:「言不可以若是其幾也。 〇定公問:「一言而可以興邦,有諸?」

「人之言曰:『爲君難,爲臣不易。』

當時有此言也。

之責任,則一言而邦可興。爲定公言,天命畏民岩,兢兢業業,愛民保國,盡君知水載舟亦以覆舟,民可近不可下,敬乎?」皇本「如知爲君難也」,無「之」字。

故不及臣也。

篇》《晉書·潘尼傳》引「邦」並作「國」,當是避漢諱。違也,不幾乎一言而喪邦乎?」《申鑒·雜事而莫之違也,不亦善乎?如不善而莫之無樂乎爲君,唯其言而莫予違也。」如其善無樂乎爲君,唯其言而莫予違也。」如其善曰:「一言而喪邦,有諸?」孔子對曰:曰:「一言而喪邦,有諸?」孔子對曰:

知。 前,讒諂之人日至,過失 違,背也。 傳語,近臣盡 英,慢諫興兵,亦以喪邦。 於予智自雄。不善不違 史獻書,師箴,瞍賦,矇誦,百工諫,庶人 子聽政,使公卿至於列士獻詩,瞽獻典, 危言,乃切驗之公理也。 《周語》: 蓋爲君,冀人諫諍,不嫌有違也。 不悖。」後世給事貼黄裂麻,猶有此意。 耆艾脩之,而後王斟酌焉,是以事行而 隋煬之驕侈喪邦由 禍莫大於壓力專 規、親戚補察、瞽史教誨 ,則奴隸之臣滿 不聞 此,即苻堅之 此非聖人之 制制 ~, 患莫 患不 一天

作「徠遠」。
一年公問政。子曰:「近者説,遠者來。」《韓非子・難篇》作「政在悦近今本作「近者悦,遠者來。」《韓非子・難篇》作「政在悦近今葉公問政。子曰:「近者説,遠者來。」

《論》原本。蓋民患於隔遠而不通,則疾引作「遠者近之,舊者新之」,當是齊説,樂也。來,歸也。《墨子‧耕柱篇》

苦不 知,情形 不悉,如 Í 氣 滯 塞 則

故不 政者,萬里縮若咫尺。 善爲政者,堂上 遠 若今之鐵路、電 於 萬 里 ; 爲疾。

若新。 益,所謂遠者近之也。器莫若 線、汽船,縮地如掌,呼吸可通,交輸 蓋 一舊則 塞滯,新則 疏 通; 舊, 舊 政 莫 則 進

腐壞, 飭; 樂,新則 落,新則發揚; 舊則散漫,新 新則鮮 精神振 明, 舊則形式徒存,人心 作,人情共趨。 則團 舊則頹敗,新則 結 舊 則 伊 尹 慗 窳 不

曰: 貴,作新民也,且宜日新又新。 去病全在去舊更新。 用 其新,去其 陳,病乃不存。」故 《康誥》、《大學》所 蓋 方以

爲新,未幾即舊,故務在新之。 近,舊而不新。 言久經淪落。 中國之俗,向患於遠而 失此靈藥,致成痼疾, 惜此微 可 不

〇子夏爲莒父宰,問政。子曰: 「毋欲

以

爲鑒也。

速,毋 之。 則大事 「無」。」皇本上作「毋」,下作「無」,當誤。 「毋」是今文,從 見小利。 不成。」《釋文》: 欲速, 則不達; 「「毋欲」音「無」,今本作 見小 利,

莒係以父,魯人語音,如亢父、單父、梁 小、欲速,由志趣不遠,規模 小,而所失者大矣。故《大戴記》曰 父,魯邑名。欲事之速成,則急遽無序, 成愈難,而皆視其所欲所見以 世久遠之規,爲普天 就因之。 小利,則大利不得。」學者之患,皆在見 生平最服膺斯義,亦願 「好見小利妨於政。」《呂覽》曰: 而反不達。見小者之爲利,則 愈體驗,愈覺其親切也 所見愈遠,經營愈大者,爲 成 與天下學者共服 仁之事,則其達 不大,而 、决之。 所 「不去 就者 愚 萬 成

攘羊,而子證之。」 ○葉公語孔子曰: 「吾黨有直躬者,其父

「直躬,直身而行。」周曰:

有

孔

一〇六

訓注》云: 因 之比。 蓋名其人,必素以直稱,猶狂接輿、盜跖 "弓」、「躬」通 名」,當是齊《論》。 而 盗 曰 《隸續》: 攘。」鄭氏 「直躬,楚葉縣 「陳實,字仲躬。」蓋 注 高誘《淮南 「躬」作「弓」, 人也。」「躬」 氾論

隱,子爲父隱,直在其中矣。」孔子曰:「吾黨之直者異於是,父爲子

定,在 有隱 深,尤當隱諱,此天理人情之至,故義無 其有過惡,則爲隱諱。《檀弓》: 證者,施於平人。恩之大者,愛之至深, 子,雖有罪,猶若其不欲服 内大惡諱,内小惡不諱。]父子,恩之至 注引此文,説之云: 於父,則隱之爲直。《公羊》文十五年: 而無犯。」《公羊》:「故《春秋》於 隨 (來歸子叔姬,閔之也。 時 處 中。 於人,則證之爲 「所以崇父子之 罪然。」 父母之於 「事親 一何休 直

篇 》: 罪 ? 不問 굸: 母,妻匿夫,孫匿大父母,皆勿坐。 母之於子, 親」,是也。 義。 皆不上請,蓋皆許其匿可知。皇《疏》 死,皆勿坐; 上請。」足知漢法,凡子匿父母等,雖 母匿子,夫匿妻,大父母匿孫,殊死,皆 相坐也。」漢宣詔曰:「自今,子首匿 得相隱,與君臣 以爲父子一體,榮恥相及。」明父子 犬,而父揚之報中,是亦直躬之類,未被 見其野 相容隱,告父祖者入十惡,用孔 葉公惡儒教多諱,故以 其罪」,是也。 子爲父隱,父爲子隱,未聞父子之 「今王法則許期親以上得相爲隱 「君不爲臣隱,父獨爲子隱 雖有 而已。 鹽 父母匿子等,殊死以下, 異也。 鐵 罪 .. 猶 英屬加拏大有女淫 《白虎通 匿 今律,大功 周秦 之。 篇 此 豈不欲 諷,而 諫諍 其父 天屬 以 何? 「 父 此 父 H 滴

立之精義,所以與異教殊也。其父,則不成爲子。」此孔子因人情而特義,愛無差等之教也。禮曰:「子不私我子之教故也。蓋一公無私,乃至淺

與人忠。雖之夷狄,不可棄也。」○樊遲問仁。子曰:「居處恭,執事敬,

包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可包曰:「雖之夷狄無禮義之處,猶不可

谓上矣。| □:「行己有恥,使於四方,不辱君命,可□:「行己有恥,使於四方,不辱君命,可□子贛問曰:「何如斯可謂之士矣?」子

> 不獨貴於能言而已。 蓋爲使之難, 贛能言,故以使事告之。蓋爲使之難, 志有所不爲,而其才足以有爲者也。子 以道則恥之,貧而不以道則恥之。」此其 《曾子‧制言篇》:「有恥之士,富而不

黨稱弟焉。」曰:「宗族稱孝焉,鄉曰:「敢問其次。」曰:「宗族稱孝焉,鄉

此本立而才不足者,故爲其次。 時,可家聚之,合而爲親,生相親愛,死 善,百家聚之,合而爲親,生相親愛,死 奏也。上凑高祖,下凑玄孫。一家有 凑也。上凑高祖,下凑玄孫。一家有 族人也。族者,凑也,聚也,謂恩愛相流 族人也。族者,凑也,聚也,謂恩愛相流 以之理

「怪怪」。」《莊子·至樂篇》作「誙誙乎如將不得已」。《漢「悻悻」,當是齊《論》。孫奭《音義》:「「悻悻」,字或作《孟子》「悻悻然見於其面」,趙歧注引《論語》此文,並作果,硜 硜 然 小 人 哉! 抑 亦 可 以 爲 次 矣。」曰:「 敢 問 其 次。」曰:「言 必 信,行 必

書・楊敞傳》作「脛脛者未必全」。 也」,益通 《爾雅 釋詁》作

也。 果,必行也。《史記 無失,鄉黨自好之士,亦不害其 硜。」小人,言其識量之淺狹也。 八,不復可爲士矣。 故聖人猶有取焉。 • 樂書》: 下此,則市井之 此言 爲 石石 自 守 行

斗筲之人,何足算也?」 曰: 「今之從政者何如?」子曰: 「 噫 !

者,故非孝弟信果之人所能比也。 進而愈上,能使則 無所不爲,而無才則無所可用。 子以有恥有才爲士行。蓋人而 禄也,猶今諺言飯桶也。算,數也。 飯筥也,容五升。斗筲之人,言聚歛持 噫,鄙薄之聲。斗,量名,容十升。 倜儻權變,尤才之上 無 有恥 恥 則 則 孔

乎 無「狷」字、《孟子》作「獧」。 〇子曰: 狂者進取 「不得中行而與之,必也 ,狷者有所不爲也。」《說文》 狂 狷

> 能振拔 而行不 學中行,恐爲鄉願。」然哉 猶能 允成謂: 高氣上者不能,雖有小偏,終有大成。 與道背馳; 則隱怪之流失之乖僻,必至入於奇衺,而 以時多 於善道,狷者守節無爲。欲得此二人者 中行,依中 中行之資,剛柔兼備, 人本欲得中道之人而教之,然既不可得 激 勵 流俗,以任大道。惟有狂狷之人, 掩,狷者知未及而守有餘。 |進退,取其恒一。| 蓋狂者志極高 · 「當從狂狷起,從中行歇,若遽 裁成之以任道也。 庸 謹厚之人則守約退懦,而不 而 行。 包曰: 而任道,則非 蓋學道,貴 「狂者進取 蓋聖 志

恒,不可以作卜筮」,意同。 可以作巫醫。]善矣! 《禮記·緇衣》作「人而無 子曰: 「南人有言曰: 「人而無恒,不

恒,常也。巫所以交鬼神,醫所以治疾 南人,南國之人,猶《詩》言東西人也。

《楚語》: 魂而 授,故精其術,非無恒之人所能爲也。 耶氏則兼巫 太、印度、波斯皆然。 其聰能聽徹之,如是則明神降之。 比義,其聖能光遠宣朗,其明能光照之, 攜貳者,而又能齊肅衷正,其智能 在有恒而已。巫醫皆以士爲之,世有傳 重,故孔子重之,欲其有恒而致精也。 古重巫醫,故巫醫之權 病,非久於其道 可任,非廉潔淳良不可信。古之用醫 曰覡,在女曰巫,是使制神之處位次主, 醫不三世,不服 一三其德,則無可成之事,故執德者亦 夫醫者,非仁愛不可託,非聰明達理不 爲之牲器時服。」 通靈,醫言體則近於人,其關係最 「古者民神不雜,民之精爽不 一醫而 一則不能 其藥」,欲其久也。 爲大教主矣。 猶太先知即巫也, 楊 泉《物理 精,故《記 最大,埃及、猶 蓋 論》: 一 在男 上下 巫

> 恒之人爲之。 巫醫皆抱道懷德,學徹天人,故必以有 次,明性 博愛,其 必選名姓之後。]又云: 逆之理,原疾 八智 能 |命吉凶之數,處虛實之分,定 .量藥,貫微達幽。」觀此,則 宣暢曲解,知天 其 地 德 神 能 祇 仁 之 順 恕

「『不恒其德,或承之羞。」」 此《易・恒卦》九三爻辭。 覆子,而大聲疾呼之也。 畏,投身無容,則羞辱從之。 蓋深惡反 勢必反覆,親好皆化 容也。」蓋不恒則去就無常,朝夕殊異, 也。」《易・象傳》曰: 「或,常也。」皇《疏》: 仇敵,歸向亦皆疑 「不恒其德,無所 「言羞辱常承之 鄭

子曰: 「不占而已矣。」

鄭氏玄曰: 人,《易》所不占。」《書》所謂「事煩則亂 `神則難」。《詩》所謂「我龜既厭,不我 「《易》所以 占吉凶 恒之

氏

日

告猶」。

○子曰:「君子和而不同,小人同而不

和。」

百物。 耳。 《鄭語》史伯曰:「夫和實生物,同 文,味一 諫工,而講以多物。聲一無聽,物一無 繼。先王 聘后於異 是以和五味以 | 無果,物一不講。」《左傳》晏子 以 土 声 (姓,求財於有方,擇臣 金、木、水、火雜 調 口,和六律 以 以 則 取 成 聰 不

而有否焉,臣獻其否,以成其可。君所魚肉,燀之以薪。君臣亦然,君所謂可,曰:「和如羹焉,水火、醯醢、鹽梅以烹

五未、和五聲也,以平其心,成其致也。是以政成而不干,民無爭心。 先王之濟謂否,而有可焉,臣獻其可,以去其否。

清濁、小大、短長、疾徐、哀樂、剛柔、遲聲、六律、七音、八風、九歌,以相成也,聲亦如味,一氣、二體、三類、四物、五五味、和五聲也,以平其心,成其政也。

和。 同。 其行己也,爭利相忮,不肯少讓,故不 速、高下、出 其行己也,獨立不懼,各行其是, 蓋君子之待人也,有公心愛物,故 專壹,誰能 否,若以水濟水,誰能食之? 若琴瑟之 君所謂可,據亦曰可,君所謂否,據亦曰 聽之,以平其心,心平德和。 小人之待人也,媚世易合,故同, 聽之? 同之不可也如是。」 人、周疏,以 相 濟也。 今據不然, 君子 故不 和

不善者惡之。」曰:「未可也。不如鄉人之善者好之,其曰:「未可也。」「鄉人皆惡之,何如?」子曰:「未可也。」「鄉人皆好之,何如?」子〇子贛問曰:「鄉人皆好之,何如?」子

之異士。故不如善人好之,則無同流合世之願人, 鄉人皆惡,或有獨行苦心鄉論亦不可據。鄉人皆好,或爲閹然媚此爲採鄉評合公論言之。風俗未美,則

人。然若不善人多,而善人少,則 望之善者,乃由衆善者複選之,庶 道 得皆媚世合污之人,所由不入於堯舜之 必 而 污之害; 必失其真矣。 禁邪之風。 也。 無可信者也。後世僅知採衆好,則所 並 察諸衆毀,蓋不爲惡人之所毀,亦 若行議會之選舉,先選一次舉鄉 不善人惡之,則益見 聖人之論人,不採諸衆譽, 其 好惡 幾得 嫉 惡

及其使人也,求備焉。」 難事而易説也。説之雖不以道,説也,以道,不説也, 及其使人也,器之。小人〇子曰:「君子易事而難説也。説之不

器,謂隨其材 邪,故讒 正,故佞 子之心,正 「夫子見人之一善,而忘其百非。」故君 媚 諂賄賂得而人之,而疑責 不 圃 恕 能親人,而與人 器而使之也。 小人之心,邪 不求備 曾子曰: 而刻。 人則

> 之歸而已。 則雖有奇才奧學,亦必敗壞,而爲小人甚苛。夫至左右皆讒諛賄賂之人爲蔽,

◆多。」
○子曰:「君子泰而不驕,小人驕而不

罪,何曾一日泰乎? 、此就人之得意志時言之。泰,安坦也。此就人之得意志時言之。泰,安坦也。此就人之得意志时,然無衆寡、無小大、故泰。雖從容安舒,然無衆寡、無小大、大、大、。是,此就人之得意志時言之。泰,安坦也。此就人之得意志時言之。泰,安坦也。

○子曰:「剛、毅、木、訥近仁。」

稱周勃木强敦厚,尹齊木强少文。惟厚浮華佻僞如此,蓋華者不實也。《漢書》言。四者皆能力行,與巧言令色相反副者無欲,殺者果敢,木者樸行,訥者謹剛

重質樸者,乃可任道。

是今文。 一个次表平御覽》四百十六,引此文並有「如也」二字。 二十一、《太平御覽》四百十六,引此文並有「如也」二字。 本、《文選・求通親親表注》、《初學記》十七、《藝文類聚》 本、《文選・求通親親表注》、《初學記》十七、《藝文類聚》 四下 「切切偲偲,兄弟恰恰如也,可謂士矣。 曰: 「切切偲偲,何如斯可謂之士矣?」子

尚恩,與父子不責善義同。問友有善柔之損,故又别而言之。家庭以恐其混於所施,則兄弟有賊恩之禍,以恐其混於所施,則兄弟有賊恩之禍,以以,而悦也。皆子路所不足,故告之。以為義》作「漆漆」。偲偲,强勉也。怡鄭曰:「切切,勸競也」,有相摩按義。

€。|○子曰:「善人教民七年,亦可以即戎

之法。必教七年,然後可戰,則教練身弟忠信之行,忠君愛國之心,水陸戰陣即,就也。戎,兵也。教民者,教之以孝

者亦可推述矣。 三年。孔子之章程比之加倍,後之治國亦至精慎矣。今德國治兵至精,亦不過七年之章程不可覩考,然孔子之所治者體手足,膽略之事,課程甚繁可知。今

棄民。 ○子曰:「以不教民戰,是謂棄之。」 童民。 可以,用也。言用不教之民以戰,必有敗以,用也。言用不教之民以戰,必有敗以,用也。言用不教之民以戰,必有敗以,用也。言用不教之民以戰,必有敗以,用也。言用不教民戰,是謂棄之。」

論語注卷之十三終

論語注卷之十四

南海康有爲學

> 問第十四 此篇即憲所記。」 章,朱子析作四十七章。 凡 四 《正義》曰: 十五章《釋文》凡四十四 「憲不稱氏,疑

又,下引「子思曰克伐怨欲」爲一章。 穀,恥也。」《史記》引此「憲」作「子思」,「邦」作「國」。 憲問恥。子曰: 反。 憲,原思名。穀,禄也。 爲可恥。此與「天下有道,丘不與易」 仕而食其禄,若無道之國,**靦**顔朝 蓋以救 時爲心者,則可就 邦有道穀,邦無道 言有道之國,可 無 列 道 ´; 則 相 >

邦。

義之淺深異也。

道大者宜學聖人,

否則當知此恥矣。

國

以立節爲志者,則不

· 宜 立

無道之

矣 ! 子思 《吴志・鍾離牧傳注》引此作「原憲之問於孔子曰」,「矣 作「乎」,「子曰」作「孔子曰」。 記》爲今文,必魯《論》也,且有「子思曰」,乃是合一章。 也。」今本無「子思曰」,此從《史記・弟子傳》。以《史 甚大,禁制不易,若能降伏,可以爲難 欲,貪欲。四者在人,如大火奇毒,爲害 也。克,好勝, 子思,憲字。此亦原憲以其所能 一子曰 曰 克伐怨欲不行焉, 一可以 伐,自矜, 爲難矣,仁則吾 怨,忿忌; 可以 不知 爲 而 問

若仁,則爲元德,有惻怛之心,博愛之 僅能克己自守,尚未有益於人,故未及 理,天地一體,萬物同氣,能制其魄者。 道 欲 道日大,蓋魂自清 行仁爲學者,日事擴充,不必防檢,而其 能仁也,故孔子云「不知」。 而 其道 ,而行仁者遠矣。 守義爲學者,日事 日隘。 學者根 而魄自禁也。 孟子: 防制,雖 資 不同,皆可入 蓋以尊德性 「好貨好色 極 力勉强 以遏惡

智不危身。」《荀子》:

「迫脅於亂

時,窮

相篇》:

「法先王,順禮義,黨學

於暴國,而無所避之,則崇其美,揚其

潔身之士,絕己之欲,而不能濟世,非孔「己立立人,己達達人」之義。故知苦心與百姓同,使有積倉而無怨曠」,得孔子

子所貴也。

○子曰:「士而懷居,不足以爲士矣。」 民,而不得爲士矣。 民,而不得爲士矣。 民,而不得爲士矣。 民,而不得爲士矣。 民,而不得爲士矣。 民,而不得爲士矣。」 民,而不得爲士矣。」 民,而不得爲士矣。」 民,而不得爲士矣。 民,而不得爲士矣。

學者宜盡心焉。

順言以遠害。《繁露》曰:「義不訕上,危,高厲也。孫,卑順也。厲行不隨俗,危行言孫。」

多,要權其時地、輕重、大小各有當也,亦智者所不爲,故言孫也。聖人之道甚苟無救於世,而投身於凶燼,以言賈禍,義。風雨如晦,獨善其身,行無所變。義。風雨如晦,獨善其身,行無所變。所短。」《春秋》於定、哀多微辭。君子固善,違其惡,隱其敗,言其所長,不稱其

○子曰:「有德者必有言有勇也。《荀子 明有德有仁之能兼有言有勇也。《荀子 有他者,躬行心得之餘,雖木訥而言,必 篇,一一,未必相符。能言者,或便佞口 醇而行,未必相符。能言者,或便佞口 醇而行,未必相符。能言者,或便佞口 。有言者,挾才辯文詞之美,雖醖 。有言者,,勇者不必有仁。」

者,然而不好言,不樂言,則必非誠士

二六

之,則 大矣。 樂言之,故君子必辨。」又曰: 傀然獨立天地之間而不畏,是上勇也。」 所在無貧窮,仁之所亡無富貴,天下知 之行仁也無厭。」又,《性惡篇》: 起於下所以忠於上,謀救是也。 一文並足發明。世人多尚言勇,而迂德 一故以此曉之。 故 欲與天下同苦之,天下不知之,則 起於上所以道於下,正令是也, 君子之於言也,志 好之,心安之, 「故仁言 故君子 「仁之

不應有兩「傲」字,則「奡」是人名,即此也。

(では、)、(説文》「羿」作「焉」,當是古文《論語》,今不從。 陸括」。《説文》「羿」作「焉」,當是古文《論語》,今不從。 陸大子不答。 南宮适出,子曰: 「君子哉若夫子不答。 南宮适出,子曰: 「君子哉若舟,俱不得其死然。 禹稷躬稼而有天下。」の南宮适問於孔子曰: 「羿善射,奡盪

敬叔,即仲孫閱也。《説文》: 「羿爲帝南宫适,即南容也。按,馬作南宫縚,諡

《孟子》稱羿爲逢蒙殺,非浞也。諸傳注 知 ? 줄: 《天問》僞竄人之。一發之於襄四年,再 也。」或疑爲奡即象傲,如鮌稱檮 曰: 盪 日 譽射 之説,因此紛亂,皆不足信據也。 帝崩,光武立,雖極空疏,必 立。」若有一朝中亡之事,史遷豈 證之於哀元年。按、《史記・夏本紀》 若僞《左傳》有羿篡夏,浞篡羿,而浞子 丹朱爲二人,則盪舟無據,益滋訟耳。 文》引《虞書》「若丹朱、奡」、《論語》「奡 力溝洫,故亦稱躬稼。太古尚力,故适 澆滅斟尋,靡復夏事,皆劉歆據《竹書》、 而 |舟」,陸德明述之同 「仲康崩,子相立,相崩,子少康 落之。《孟子》稱逢蒙 師 譬如王莽篡漢,而作史者但 若敖之在堯、《書》稱罔水行舟是 。」《天問》稱 堯 時 即此。《管子》 + `殺之者。 《説 日 並 無此 出 机,與 射 有 書 禹 平 九

佛與耶蘇也,此爲萬古德力之判案也。佛與耶蘇也,此爲萬古德力之判案也。無位,借以重孔子者,故孔子不答。而無位,借以重孔子者,故孔子不答。而無位,借以重孔子者,故孔子不答。而無位,借以重孔子者,故孔子不答。而無位,借以重孔子者,故孔子不答。而無位,借以重孔子者,故孔子不答。而無於其身,必於其子孫。适以孔子盛德稱與奡有力者終死,禹稷有德者終王。

爲立義也。

人而仁者也。」 〇子曰:「君子而不仁者有矣夫,未有小

論一二行事,而當别其人也。善行,必不得爲仁矣。故觀人者,不當之。若小人,心術既不仁,則行事即有於仁者,然行事或偶失而爲不仁,亦有此合人心術、行事言之。君子心術固純此合人心術、行事言之。君子心術固純

□子曰:「愛之,能勿勞乎? 忠焉,能勿

之諫君、謇諤勤拳。此乃人情之至,非忠之至者、欲其無過、則誨諫之、如忠臣則勸勉之、如慈父之教子、督責備至。勞、勉也、勑也。愛之至者、欲其成就,

氏」。「創」《釋文》作「剏」。《潛夫論》、《風俗通》有「卑之,行人子羽脩飾之,東里子産潤色之。」一分曰:「爲命,裨諶草創之,世叔討論

也, 論,講議也。行人,外交官。子故太室偁世室,太子偁世子。討,尋究的,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藁也。世叔,游吉郎,造也,謂造爲草藻也。世叔,於其之大,以其之人,外交官。子故太室偁世室,太子偁世子。討,尋究此言外交之約章文辭也。

制之。 交之法。 四 謂加以文采 、公孫 .賢之手而成,孔子善之,故稱以爲外 東 里,地名,子産所居 也。 修,謂增 鄭國之爲辭命,必更此 損 **Ź**; 也。 飾, 潤 謂 節

者。

一章,皆以愛人,諡爲惠人,孔子真知子產舉,皆以愛人,諡爲惠人。 蓋舉其重而言爲主,故孔子以爲惠人。 蓋舉其重而言也。子産爲政尚猛,而孔子稱爲遺愛,也。子産之政不專於寬,然其心則一以愛人子産之政不專於寬,然其心則一以愛人

故但言「彼哉」,而不贊一辭。或曰,鄭國。所謂自以爲是,不可入堯、舜之道,改紀其政,亦賢大夫也。然昭王欲用孔子西,楚公子申,能遜。楚國立昭王,而問子西。曰:「彼哉! 彼哉!」

飯問

人也,猶言是可謂之人物也。 平,及諸葛死而思葛,皆以功德服 敢拒 卿所 管仲之功,故窮約以終身而 氏之邑以與管仲,伯氏自知己罪而心 青州府臨朐縣。齒,年也。 地名,即郱紀,地爲襄公所遷者,今山 仲可當之。伯氏、齊大夫,名偃。 不朽,可謂之人,與下章成人相類,惟管 無者也。 危,不足謂之人,所謂焉能爲有,焉能 之治亂,不足謂之人, 陷於野蠻,故雖奪人邑,而人不怨。 謂 管仲真有 者」,即此事也。 若舉世變動,舉世注 「與之書社三百,而富人莫之 存 :中國之功,令文明世 諸葛廢 不繫一世之安 蓋桓公奪伯 無怨言。 不關 仰,功名 廖立、李 駢邑, 當 人之 東 爲 不 服

致人才茶爾,中國不振,皆由於此。爲行教起見。 宋儒不知,而輕鄙功利,重事功,累稱管仲,極詞贊歎。 孟子則功業高深,可爲一世之偉人也。 孔子極

爲滕薛大夫。」 ○子曰:「孟公綽爲趙魏老則優,不可以○子曰:「孟公綽爲趙魏老則優,不可以○子曰。但人當勉其難,而無忽其易。樂天知命不能,而處富則但知足好禮,處貧難,處富易,事境之常。蓋處貧非。子曰:「貧而無怨難,富而無驕易。」

也。

各有短長當否,當其才則見效,違其性於, 一國名。大夫,任國政者。滕薛國薛, 一國名。大夫,任國政者。滕薛國薛, 一國名。大夫,任國政者。滕薛國薛, 一國名。大夫,任國政者。滕薛國薛, 一國名。大夫, 任國政者。滕薛國政, 一國名。大夫, 任國政者。滕帝國。大家勢重, 而無諸侯之事, 家老是也。趙、魏, 晉卿之家。老, 家臣之公綽, 魯大夫, 孔子嘗稱「公綽之不欲」

齊, 嘉窩之立意,難於俾士麥之霸德餗? 故子産之强鄭,實難於管仲之霸易勝任,若以廉謹之人當之,安得不覆易勝任,若以廉謹之人當之,安得不覆列國競爭之世,爲弱小衝要之官,內治則失職,此借公綽以論用人之宜也。當

莊子,魯卞邑大夫。《韓詩外傳》、《新成人,猶言全人。武仲,魯大夫,名紇。

序》有 慧、淡 子 具畢 善。成名之迹,中正和樂,粹然無 澹足以養魂,勇足以强身,藝足以泛應。 爲全人。若當太平之世,教化既備,治 令人人皆才全德備之質。特世方幼稚, 生人,與人魂魄、形體、才力、聰明,實有 倚駁雜之蔽,其爲全人亦成矣。 而又節之以禮,和之以樂,使德成於內 同。言兼此四子之長,則知足以 信,此皆子路所長。 備,而後爲天生之成人也。 教化未至,故人皆偏憾,不稱天性,未成 而文見 實士之末者,然生當亂世,治具未備,科 廉節,見危授命則忠烈,久要不忘則誠 有刺虎事、《後漢書 張,人種淘汰,胎教修 莊子 泊、勇力、藝能、禮樂、皆人人完 乎外,則才全德備,渾然不見一 勇 事 **ઁ**, 《史記 而言必信,行必果, • 班固崔 陳 見利思義則 明,人之智 軫 傳》下 蓋天之 駰 窮 復偏 理, 傳》

> 即《禮記・雜記》之「公羊賈」。故公明高即公羊高。 夫子不言、不笑、不取乎?」「明」,古讀如「羊」, 〇子問公叔文子於公明賈,曰: 遠,聖人不得不因時世而節取之。 若成 蓋 學未張,有此獨行,亦 泊、勇力、藝能、禮樂,非治教之至也。 静之士,故當時以三者稱之。 賈名。文子爲人,其詳不可知,然必廉 公叔文子,衛大夫公孫拔 人之實,則非令普天下人皆備智慧、澹 亂世人之資格,與太平世人之資格迥 可爲成人之行 也。 公明姓 「信乎,

笑; **豈其然乎**?」 取」下倶有「也」字。《論衡・ 後言,人不厭其言, 公明賈對曰: 後」皆作「后」。《儒增篇》、《知實篇》並作「豈其然乎? 其然? 義然後取,人不厭其取。」子 豈其然乎?」 皇本「其言」、「其笑」、「其 「以告者過也。 樂然後笑,人不 儒增篇》同。 夫子 《知實篇》引 ,時然 曰 : 厭 其

朱子曰:

厭者,苦其多而惡之之辭

也。」 「其然? 豈其然乎?」蓋疑之世。然此言也,非禮義充溢於中,得時也。然此言也,非禮義充溢於中,得時也。然此言也,非禮義充溢於中,得時也。然此言也,非禮義充溢於中,得時也。然此言也,非禮義充溢於中,得時也。然此言也,非禮義充溢於中,得時也。然此言也,非禮義充溢於中,得時也。」

○子曰:「臧武仲以防求爲後於魯,雖曰

此爲據亂立法 要君,孔子發其 爲,致防而 守先祀,無廢二勛,敢不辟邑? 邾,自邾如防,使臧爲以大蔡納請 嗣也。要,有挾而 也。後、禮:「爲人後者、爲之子」、立 防,地名,武仲封邑也。以者,不當 **紇非能害也,知不足也。非敢私請,苟** 奔齊。」其辭甚卑,人不知其 以以 邑爲要,蓋誅意也。 求也。武仲得 乃立臧 罪 日 奔 以

(論)。○子曰: 「晉文公譎而不正,齊桓公正而

管仲不死。」曰:「未仁乎?」〇子路曰:「桓公殺公子糾,召忽死之,

之,管仲請囚,鮑叔牙言於桓公以爲相。立,使魯殺子糾,而請管、召。召忽死吾、召忽奉公子糾奔魯。桓公先人而公子小白奔莒。及無知弑襄公,管夷子糾,桓公兄。齊襄公無道,鮑叔牙奉子糾,桓公兄。齊襄公無道,鮑叔牙奉

語 注

子路 也 疑管 仲 失節事讐, 忍 心 害理,不 得

子曰 之力也。 甯母 九 公與曹劌皆懷劍劫盟。夫九合之而合, 兵車之會。《吕氏春秋》: 桓公葵丘以前皆衣裳之會,葵丘之後爲 教言 如,乃也。又,再言以深許之。 之後則兩 伯長,本信起乎柯之盟也。」九合自柯, 國君民皆同樂生,功莫大焉,故孔子再 大於博愛,禍莫大於兵戎,天下止兵,列 匡 歎美其仁。 鄙薄事功,攻擊管仲,至宋朝不保,夷 合諸侯,一匡天下,功次三王,爲五 「桓公九合諸侯,不 一之而 也。 之,有爲而言也。 如其仁,如其仁。」 鄄、兩幽、檉、貫、陽穀、首戴 匡 不以兵車, 言不假 ,皆從此生矣。」《新序》: 孟子之卑管仲,乃爲傳 宋賢 以 「柯之盟,莊 、兵車, 不善讀之, 威 蓋仁莫 力也。 管仲

> 於 失孔子之教旨矣。 本 人誚儒術之迂也。 末並舉,而無所偏遺哉 金 元,左衽 |者數 百 專重 豈知孔子之道,内外 年, 内 生 而 民 失外 塗 炭 而 則 大

子糾,不能死,又相之。」 〇子贛曰: 「管仲非仁者與? 桓公殺公

矣。 民到於今受其賜。微管仲,吾其被髮左衽 子曰:「管仲相桓公,霸諸侯,一匡天下, 子贛意,不死猶可,相之則已甚矣。

耳。 朝貢於周可見。 教皇 平等,而稱該撒,真春 世無之。今普爲 霸者,有天下之别名,但未一統,革 如希臘之代 一,亦爲霸耳。 法之拿破侖似之,即德之該撒受 微,無也。 蓋封 被髮,編髮被之體後。 德 蘭得,日 觀魯朝貢於晉,而不 聯邦盟主,禮與聯 建之世 秋之制 本之大將 也。 有此體 匡,正 命 後後 桂 軍 邦 廢

之程度 其賜。 所關, 世若五 左衽 馬,突厥之人君士坦丁,均於文明有損, 陽,隋之破金陵,金之入汴,匈奴之入羅 存文明之化,功德至大,孔子自以爲受 亂中國,諸侯 於中原陸沈也。 愛種族文明之至。 下之公功。微管之言,稱許之至,亦保 實爲天下之公罪,有捍禦之者,亦爲天 至今受其賜 ,襟向左,夷狄之俗也。 `一亂則不可復。 若劉、石之陷洛 泌不 胡不亂華,金元不入中國,文明 蓋保種族教化之功,莫尚焉。後 止此。 也。 不相尋兵伐,保華夏之族, 文明教化乃公共進化 宋賢妄攻管仲,宜至 當時若有夷吾,民 夷狄不 得 亦

諒,小信也。經,縊也。莫之知,人不知庶民一夫一妻而無妾,故曰匹夫匹婦。莫之知也?」《後漢書》引此,「莫上有「人」字。「豈若匹夫匹婦之爲諒也,自經於溝瀆而

也。 若召忽之爲諒也。 下。 泥於尋常之小節 道貴仁,有可以救人者則許之,至於保 僅同匹夫匹婦之自縊而已。蓋孔子之 大,以管仲較之召忽,則召忽行果節烈, 指召忽言之。 美義也,仲尼比爲匹夫匹婦之爲諒矣。」 中國之不振。 世俗習而不知其非,宜仁義之日微,而 於守義,救人大於殉死。宋儒 較其功罪是非,而此義乃明。 堯舜文王外,未有若管仲者,子路 救天下之文明,則仁大莫京。 孔子自 不死,否則背君事 此義,動以死節責 《中論》: 立義隘陿,反乎公理,悖乎聖義,而 蓋身名小,種族之文野 然有管仲之才之功,則 召忽伏 而責管仲,孔子乃爲 ,仇,貪生失義,又遠不 (人,而不以 说節死難,人 施仁 乃尚 施 望天 (臣之 不 子 贛 稱 可 知 大 H.

○公叔文子之臣大夫僎與文子同升諸公。

《漢書・古今人表》作「大夫選」。《釋文》「又作「撰」。」 子聞之曰: 「可以爲文矣。」

〇子言衛靈公之無道也,康子曰: 氏曰: 卿,而《王制》立貢士。天下爲公,選賢 平等,尊公理而重賢才,故《春秋》譏世 爲公朝之臣也。文者,順理 與能,文明之道也,故曰「可以爲文」。 治賤,不以賢治不肖。孔子惡世爵而 有三善焉: 謂,諡法亦有所謂錫民爵位曰文者。洪 殉葬」是也。公,公朝,謂薦之與已同 臣,家臣。大夫僎,家大夫也。 舉人才,忘勢分,平等級,故孔子美之。 三也。」亂世古俗,崇世胄,别人等,以貴 陳子車死於衛,其妻與其家大夫謀以 「家臣之賤,而引之使與己並, 知人一也,忘己二也,事君 而成章之 《檀弓》 尚 進

> 孔子 王孫賈治軍旅。 〇子曰: 修,則弱國不能言公法,,,,,若能治軍旅 若兵勢能强,外交能講,雖無内治,亦足 乃保國之要務。若能治賓客,而軍旅不 皆衛才臣。賓客無違,軍旅能整,二者 可以保國,若更有道,其何敵焉? 爲内治之要。此言任職得人,雖無道 之權甚大,國民蓋聽令焉,故宗廟鄭重 自保。古者民愚,以神道設教,故巫覡 喪,失位也。 而賓客多失,則 一國亦不能 曰 「其言之不怍,則爲之也難。」皇 「仲叔 仲叔圉即孔文子也。三人 夫如是,奚其喪?」 圉 治賓客,祝 鮀 敵衆 治治宗 强, 廟

本作「其爲之難」。 事成則有陰陽之患,事不成則有人事之 怍,慙也。 凡爲一事,必深計長慮,思終 防變,故朝受命而夕飲冰,至於内熱。 ,其難其慎如此,故倡言大難。 若大

經、邢《疏》作「子言」。皇本「無道」下有「久」字。

注》亦作「曰」字。《釋文》:

「「子曰」一作「子言」。」唐石

是,奚而不喪?」皇本作「子曰」。《後漢書・明帝紀

「夫如

曲折,則難望其成功也。言不慙,則其敢言之始,已未計及條理

○陳成子弑簡公。《釋文》:「試」本又作

「殺」。」,皇本作「殺」。

事在《春秋》哀公十四年。 成子,齊大夫,名恒。簡公,齊君,名壬。

君,請討之。」 孔子沐浴而朝,告於哀公曰:「陳恒弑其

事勢,非同迂儒但陳高義而已。 是時孔子致仕,居魯。沐浴齊戒以告 是時孔子致仕,居魯。沐浴齊戒以告 是時孔子致仕,居魯。沐浴齊戒以告 是時孔子致仕,居魯。沐浴齊戒以告

同。唐石經則惟此句有「二」字,而下二句無之。《釋高麗本皆有「二」字。下「告夫三子者」,「之三子告」,並公曰: 「告夫二二子!」。今本無「二字,皇本、

文》亦見别本,但不取之。今從唐石經。文》:「「之三子告」本或作「二三子告」,非也。」則《釋文》:

自專,故使孔子告之。 三子,三家也。時政在三家,哀公不得

待命三家,可爲歎恨也。討,大夫謀國,義所當告,君乃無權,而社子出而自言。 謂弑君之賊,法所必

之後,不敢不告也。」皇本無「也」字。 之三子告,不可。孔子曰:「以吾從大夫

不行,但不可不言,以明大義也。警之者深矣。」魯事如此,孔子亦知事必故沮其謀。而夫子復以此應之,其所以臣,素有無君之心,實與陳氏聲勢相倚,臣,素有無君之心,實與陳氏聲勢相倚,

君尊而威,故事君者皆外爲容悦而内懷

欺詐。勿欺則盡忠,犯顔則直節。《易》

曰:「王臣謇謇,匪躬之故。」

相去一間耳,可不慎哉!
狂,克念作聖」,其終相去若天淵,其始下至於縱欲作孽而速戾。然「罔念作下至於縱欲作孽而速戾。然「罔念作以合天。小人用體魄,由昏濁而日污,以合天。小人用體魄,由昏濁而日污,以合曰:「君子上達,小人下達。」

人。」
〇子曰:「古之學者爲己,今之學者爲

爲人,爲人者,其終至於喪己。」人,欲見知於人也。爲己者,其終至於程子曰:「爲己,欲得之於己也, 爲

○蘧伯玉使人於孔子。

於其家。 蘧伯玉,衛大夫,名瑗。孔子居衛,嘗主

對曰: 「夫子欲寡其過而未能也。」使者孔子與之坐而問焉,曰: 「夫子何爲?」

出。子曰:「使乎! 使乎!」

賢益彰,亦可謂深知君子之心,而善於 朱子曰: 踐履篤實,光輝宣著。不惟使者知之, 之。按,莊周稱伯玉,行年五十而知 辭令者矣。故夫子再言『使乎』,以 可見矣。使者之言愈自卑約,而其主之 猶未能,則其省身克己,常若不及之意 也。夫子,指伯玉也。言其但欲 十化。蓋其進德之功,老而不倦,是以 而夫子亦信之也。」 十九年之非。又曰,伯玉行年六十而六 「與之坐,敬其主以及其 寡 過 使 四 而

○子曰: 「不在其位,不謀其政。」重出。惟

○曾子曰:「君子思不出其位。」

位者,職守之名,各有權限,不能出權限此《艮卦》之《象辭》也,曾子蓋嘗稱之。

之外。 宜 若士人無位, 農官專司農事,不得及它,乃能 者亦以不越職爲宜。 天下第 思用其極。 而究其終,責任所在 反也,學者慎勿誤會。 窮 極 故 其 一等學人。」蓋學人與有位正相 政如農 理。 程子曰: 則天地之大,萬物之夥,皆 故好學深思,無所不思, 功,日夜思之,思其 一務以 如兵官專司兵事, 「能思所以 盡 職,則 致精也 0然,是 所思 始

「而」作「之」,「行」下有「也」字。 〇子曰:「君子恥其言而過其行。」 皇本

易而行難,故常欲言行相顧也。言大而夸,行有不逮,君子恥之。蓋言

謙辭。人之生世,憂患、迷惑、恐懼,乃自責以勉人也。道,言也。自道,猶云

至,人道之極。 共苦者。 道者爲君子。孔子自謙未能 此,學者宜亟求之,勿以爲佛氏之所同 者,乃度世之寶筏也。 定從容,而絶無畏懼者也。 迷失者也; 極大明,隨入黑暗,皆光明四照,而永 地,皆懽喜自得,而永解苦惱者也; 爲自道。蓋孔子深 爲變,歷百千萬億世 而割人道之鴻寶,以自沈淪也 極樂、大明、 浩氣獨立,隨人危險,皆安 得此,則 得 m 極 無 孔子之言道如 無阻 原 樂之道,隨 始 故仁智勇二 而子 無害, 反終,游 乃 神 明之 贛 得 入何 無 其 以

「謗」通。
「詩人」鄭本作「謗人」。盧文弨考證爲古《論》,謂「方」與我則不暇。」皇本作「賜也賢乎我夫哉? 我則不暇」。 人子 贛方人。 子曰: 「賜 也賢乎哉? 夫

心馳於外,而所以自治者疏矣。孔子蓋其短長,雖亦窮理之事,然專務爲此,則方,比也。乎哉,疑辭。比方人物而較

内, 乎? 欲子 同 過失之事實爲謗,後世展轉易義,以謗 誣,故不用。或古《論》之異義也。 蓋以明明德爲本,所以 贛之反求諸己也。 我則自治之不暇 鄭作「謗」、《左傳》「庶人謗」,蓋言 也。 言汝身豈 聖人 與俗學異 事 皆 事

也。」皇本作「患己無能也」。 〇子曰:「不患人之不己知,患其不能

乎? 求知者至矣。學者其可負聖人之諄諄皮覆,欲學者求己而不求人,求能而不反覆,欲學者求己而不求人,求能而不反覆,欲學者求己而不求人,求能而不

者,是賢乎!」○子曰:「不逆詐,不億不信,抑亦先覺

久,則若舉世皆惡人,而處處先用其逆人情固多詐多不信,入世既深,閱歷既逆,未至而迎之也。億,未見而意之也。

者。 覺之。蓋自誠而明,有如此,是乃爲賢人,不欲逆億,惟有詐與不信來者,皆先億矣。此誠亂世之風也。君子以誠待

「丘何」。本或無「與」字。 與? 無乃爲佞乎?」鄭作「丘何是」,《釋文》作與:無乃爲佞乎?」鄭作「丘何是」,《釋文》作

上有「村」字。 孔子曰:「非敢爲佞也,疾固也。」皇本「曰.

欲爲 隱也。孔子以道濟天下,拯救生民,故 栖栖,皇皇也。佞,悦也。 名呼夫子,蓋 作尾生晦,師古曰: 微生,姓,畝,名也。《漢書·古今人表》 其悲憫之仁如此。彼僅 匹夫之納隍。 東西南北,席不暇暖,哀饑 仁心, 豈不可疾哉? 數十年羈旅 佞以希世。疾,惡也。固,沈淪石 耆老之隱倫,亦創教者。 「天下有道,丘 「即微 知潔身自愛者 譏孔子奔走, 溺之猶己,思 生畝也。」畝 不與易」,

之苦心也。 之苦,車馬之塵,萬世當思此大聖至仁

故德爲貴。此明尚德之義。足稱也。智伯有五才,而卒以亡其國,力,其稱在德,譬人有才而無德,則亦不驥,善馬之名。德,謂調良也。驥雖有驥,善馬之名。德,謂調良也。驥雖有又子曰:「驥不稱其力,稱其德也。」

或曰: 道,皆不因天理,加高深以行之。 報,復也。 怨一言,似加常人一等,安知其不含忍, 也,以怨報德亦可也。故但節取以 平等。但使有以取人,則以德報怨可 百姓萬物皆芻狗,寃親平等,故德怨可 耶氏亦然。然老子以天地聖人皆不仁, 曰: 「大小多少,報怨以 而以術取 大小多少,報怨以德」,則大怨亦報以 「以德報怨,何如?」 人,其後報之尤烈也。且彼云 或人,老氏之徒也。 德。」老子之 佛氏、 徳報 老子

大謬多類此。中國大害皆在老子,其詳安乎? 於公理可行乎? 諸子創教,其德,人殺其父,彼亦孝事之如父,於人心

見吾《難老》一書。

之人人。蓋無以勸人,將無以德施人,德報怨者爲寬仁,然不可立爲中道而責報怨,則民有所懲。」孔子亦未嘗不美以也,以總報德,則民有所勸,以怨也,以怨報德,則刑戮之民也。」又也,以怨報德,則刑戮之民也。」又以直報怨,以德報德。」

其

謂直 所怨者 極。」又曰: 之大義。 不可忘。 耶氏 道不遠人,因人情之至,順人理之公,令 以報之,理之至公,所謂直也。孔子之 以此來,我以此往,視其大小多少,而 深,亦不過一二人能行之,而非人能 共行也。 之,此所以爲中庸大道,而天下古今所 人人可行而已,非有鑿而深之,加而 而已。故《詩》曰: 行,亦必不能爲大道,孔子即不言之矣。 害必至母不養子,而人道可絶。 也。 過仁,亦以德報怨,或以此尊之,然 ,愛憎取捨,一以至公而無 孔子非不能爲高言也,藉有高 父母之恩至隆,亦不過爲報德 蓋施報者,天人之公理,孔子 於其所德者, 「無言不酧,無德不報。」彼 「欲報之德,昊天罔 則必以德報之, 私,所 於其 共 因 髙

> 子日 : 「莫我知也夫 _!

子贛曰: 「不怨天,不尤人,下學而上達。 夫子自歎,以發子贛之問也。 「何爲其莫知子也?」子 如我者其 日

天乎!」

惟天知之也。至今泥小康之制 蕩,民無能名,即 不得於天而 孔子爲小康; 地之美,神明之容。神聖與天合德,故 人,下學人事而上達天命。 孔子之發歎也 子不言神魂。 不 蓋數千年尚無知聖者,宜 怨天,不合於 泥形體之説而説,以孔 勉强 稱之,亦寡 蓋 人 圃 巍 而 能 ≧説,以 巍 稱 不 尤 天 蕩

肆諸市朝。」 曰:「夫子固有惑志於公伯寮,吾力猶能)公伯寮愬子路於季孫。 子服景伯以告,

魯大 公伯寮亦 夫。子服,氏, 門弟子,字子周。 景,諡; 《廣 韻》以爲 伯,字,

也。

實不能行,則未知孔子中直之爲人道

季孫,言其信伯寮之讒,而恚子路也。孟氏之族,魯大夫子服何也。夫子,指

肆,陳尸也,言欲誅寮。

子曰: 廢 也與,命也。公伯寮其如命何!」 人也。 微子生王子而遭亡,殷太公八十漁釣而 孔子立命,故《易》道之至,則窮理盡性, 樂則行之,憂則違之,日日可栖皇 倉,皆歸之天命。學者信得命過 使之,攻我者命致之,故知命則不怨天 非人力所能爲也,有天命在。助我者命 成大業,顏子之三十陋巷而遂夭死,皆 廢亦有命。蓋自虞舜起匹夫而爲聖帝, 以至於命,得之不得曰有命,道之行與 不尤人矣。孔子之待伯寮,孟子之待臧 人,亦時時可優游以卒歲,此所以 「道之將行也與,命也, 道之將 一,自能 一以救

〇子曰:「賢者辟世,

天地閉,賢人隱,遯世沈冥,與世長絶者

也。

其次辟地

去亂國,適治邦。

其次辟色,

禮貌衰而去。

「其次辟言。」

淺深大小雖殊,而時命大謬,則大隱中有違言而後去也。四辟者,各視其遇,

子曰:「作者七人矣。」 隱,各行其當也。

出古文家附會。包氏爲今文先師,故從言。」黃瓊、應劭、王弼則以逸民當之,皆叔齊、虞仲辟世,荷蓧、長沮、桀溺辟地,叔齊、虞仲辟世,荷蓧、長沮、桀溺辟地,人,謂長沮、桀溺、丈人、石門、荷蕡、儀包氏咸曰:「作,爲也。爲之者凡七

111111

焉。

爲之者與?」路曰:「是知其不可而凶子路宿於石門。晨門曰:「奚自?」子

亂。 懷,慈父操藥以待子病,其色噍然,明知 斯人,是與萬物一體,饑溺猶己,悲憫 也。 昏濁之世,而後來救之,故云: 於抱關者也。自,從也。 石門,地名。 晨門,掌晨啓門,蓋賢 丽 恝此所以爲聖人也。知不可而爲,晨門 有道,丘不與易」,仁人之心不忍若是, 乃真知聖人者,不然齊景、衛靈 戀戀徘徊,其愚何爲若是哉? **,**佛肸、公山之反畔,陳蔡之微 此庸人之所譏,聖人豈 晨門知世之不可而不爲者。 問其何所 不 深 公之昏 「天下 孔子 弱衰 從 知 ? 爲

□:「有心哉,擊磬乎!」「荷」《釋文》作「何」,○子擊磬於衛,有荷蕢而過孔氏之門者,

下,此人聞其磬聲而知之,則亦非常人下,此人聞其磬聲而知之,則亦非常人聲者,亦隱士也。聖人之心未嘗忘天磬,樂器。荷,擔也。蕢,草器也。此荷《漢書‧古今人表》作「何蕢」。「孔氏」皇本作「孔子」。

矣。

既而曰: 已而已矣。 《衛風·匏有苦葉》之詩,譏孔子人 水,必以濟,知其 厲。揭,揭衣也。 硜硜,石聲。 「鄙哉,硜硜乎! 莫己知也,斯 深則厲,淺則揭。」 包氏咸曰: 言隨 不可,則當不爲。」 世以行, 「以衣涉水 己若 不知 调 此 日

子曰:「果哉! 末之難矣。」己而不止,不能適淺深之宜。

之出處,若但如此,則亦無所難矣。惟聞荷蕢之言,而歎其果於忘世。且言人猶一家,中國猶一人,不能一日忘也,故也。末,無也。聖人心同天地,視天下與「惈」同,决也。果哉,歎其果於忘世與「惈」同,决也。果哉,歎其果於忘世

「陰」與「闍」通,即今「庵」也。書・五行志》作「涼」。「亮」、「涼」、「諒」,皆「梁」音,通。作「亮陰」、《呂氏春秋》作「諒闇」、《公羊》何休注、《漢不言。』何謂也?」伏生《大傳・説命篇》三引皆作不言。』何謂也?」伏生《大傳・説命篇》三引皆作不言。』何謂也?」伏生《大傳・説命篇》三引皆作

被之者。」「梁闇,天子居喪之廬名。有梁,而以草高宗,商王武丁也。《書‧無逸篇》:

百官總己以聽於冢宰三年。」子曰:「何必高宗,古之人皆然。君薨,

言君薨則諸侯亦然。總己,謂總攝己

職。 武帝、宋孝宗、國朝聖祖仁皇帝乃一賢 惟殷高宗嘗行三年喪,此如宋文帝、周 《書》曰: 機,不言則叢脞委積,故疑而問之。 主,特行之,故孔子録以爲後法。 以期乎? 其詳見宰我問三年章。 子生三年乃免於父母之懷,所以報也。 創制,自天子至於庶民,無貴賤如一,以 君得以三年不言也。三年之喪,蓋孔子 《後漢》: 皆然。國制明備,憲法修明,人君端拱 子創立三年喪,故託之古制,故謂古人 專於哀慕,故不言。子張疑王者日有萬 古無定制,《禮》稱「至親以期斷」,周或 此制。蓋立憲之國,人君終身端拱,而 集衆於庭而議之,國民已治已安矣。 無爲,冢宰奉行成法,其有大事大政,則 冢宰,太宰也。 「納於大麓」,即聽於冢宰也。 「大喪以太傅録尚書事」,即 百官聽於冢宰,故 古者 居喪 孔

子曰: 公舉 民 各盡其國 典法 且踴躍 家 字聽政 律 「上好禮,則民易使也。」 · , 章 願爲之,所謂易使也 民天然之責任。故當兵致死, ·程明備 循猶 可 也 ,則名分權 限 有定,

諸?」 安百姓。脩己以安百姓,堯舜其猶病人。」曰: 「如斯而已乎?」曰: 「脩己以曰: 「如斯而已乎?」曰: 「脩己以安曰: 「如斯而已乎?」曰: 「脩己以敬。」○子路問君子。子曰: 「脩己以敬。」

白、黄、黑、棕各種族人也。不分種族, 者,種族也。百姓,猶云萬種,如今之 蓋普天下之對待,不過人與己而已,内 以為未足,告以安百姓。姓 以此,外則安人,已爲無盡之功。子 以為一,外則安人,已爲無盡之功。子 以為一,外則安人,已爲無盡之功。子 以為一,以 以為未足,告以安人。 以安人。

> 由自 也。 皆與 思所以安人者而已。 其性,因其情。束縛壓制,則不能安,自 何,務在安之,而已安之,必養其欲,適 德,而後明明德於天下也。 之治也。而必始於修己以敬,自明其明 (安平, 立,而後能安。 安人,小康之治也, 此 堯 舜 猶 聖人所以爲聖,日 病 不 能, 爲治無論 安百姓,大同 極 其 如

無述焉,老而不死,是爲賊。」以杖叩其脛。 ○原壤夷俟。子曰:「幼而 也。 勿蹲踞。 孔子,兩足箕踞以待之也。述,猶稱也。 蓋 夷俟,此如子桑伯 責之,而因以所曳之杖,微擊其脛,若使 賊者,害人之名。 脛,脚骨也。 孔子既 原壤,孔子之故人。 亦有道之士,而放於禮教者,母死 夷俟叠韻,與鞠躬之爲雙聲通。見 然孔子德盛禮恭,而原壤敢於 子不 夷,踞也。俟, 衣冠 不孫弟,長 而 見孔子, 待 而

求進,但欲速成,故使之給使令之役,觀

少之序,習揖遜之容。蓋所以抑而教

隨行,兄齒雁行,當差在後。

童子違禮

,成人乃有位,童子隅坐無位。

父齒

芝諾内士,裸身處 俗,故名之爲賊而杖之。 歌,其别自立教。 無他,而亦深惡其敗壞名教矣。 可見孔子惡其敗常 (桶,其亦原壤之流者 蓋 雖諒 希臘之 其 本 亂

與?」《漢書・古今人表》作「厥黨」,當是古文家所改。 闕 敷 ? 黨童子將命。 或問之曰: 「益者

子曰: 篇》: 闕 將命,謂傳賓主之言。或人疑此童子學 不分,有親者取多。」童子,未冠者之稱。 有進益,故孔子使之傳命以寵異之也。 非求益者也,欲速成者也。」 「吾見其居於位也,見其與先生並 黨名,即闕里。 「孔子居於闕黨,闕黨之子弟,罔 《荀子· 儒效

行也。

語注卷之十四終

論

論語注卷之十五

南海康有爲學

章,邢本四十二章,朱子四十一章。

從。 也。」明日遂行。《釋文》作「陣」,蓋晉時俗體,今不也。」明日遂行。《釋文》作「陣」,蓋晉時俗體,今不豆之事,則嘗聞之矣, 軍旅之事,未之學○衛靈公問陳於孔子。 孔子對曰:「俎

矣。」亦辟色辟言也。 與,謂行軍之陣列。俎豆,禮器,兵陳,謂行軍之陣列。俎豆,禮器, 與當先以禮樂厚民。靈公無道,無志於國當先以禮樂厚民。靈公無道,無志於陳,以立行。所謂不得已而用之,治陳,以立行。 與人之事,不得已而用之,治陳,謂行軍之陣列。俎豆,禮器, 兵

> 《論》作 在陳絕粻,從者病,莫能興。 論》也,故改從「粻」。皇本作「粮」。 也。 **糂,弟子皆有饑色。」《吕氏春秋》、《莊** 野,不得行,絶糧。」在哀六年。 孔子,陳蔡大夫忌之,發徒役圍孔子於 厄於陳蔡之間,七日不火,食藜羹,不 「糧」。鄭所注魯《論》作「粻」。 《荀子·宥坐篇》: 「粻,糧也。」《史記》: 「孔子南適楚, 陳鱣《古訓》謂,古 今本作「糧」,蓋古 「楚昭王 興,起 聘

「君子固窮,小人窮斯濫矣。」 子路愠見曰: 「君子亦有窮乎?」子曰:

子》、《韓詩外傳》、《説苑》並同。

學,非爲通也,爲窮而不憂,困而意不衰宥坐篇》:「夫子告子路曰:「君子之時,不若小人窮則放濫爲非。」《荀子・何晏曰:「濫,溢也。言君子固有窮

之,而 子知 誦絃 順; 者,吾未仁耶? 人之不我信也。意者, 子以致命遂志。」《史記》稱: 也。」●』《易》於《困卦》「象澤无水,困 稼,而不能爲穡; 夫子蓋少貶焉。] 孔子曰: 比干?1子路出,子贛入見。孔子曰: 伯夷、叔齊? 使智者而必行,安有王子 吾未知耶? 人之不我行也。]孔子曰: 非耶? 【《詩》曰: 吾道非耶? 吾何爲於此?]子贛曰: 「賜,《詩》云: 『有是乎? 由,譬使仁者而必信,安有 「夫子之道至大也,故天下莫能容夫子, 弟子 歌不衰,子路愠見,子贛色作。孔 不能 君子能修其道,綱而紀之,統而 吾何爲於此?]子路曰: 有愠心,乃召子路 爲容。今爾不修爾道,而求 匪兕匪 匪兕匪虎,率彼曠野。 良工能 虎,率彼曠 巧,而不能爲 「賜,良農 而問 野。 「孔子講 曰 吾道 理 君

> 迎孔子,然後得免。」告子贛「一貫」,亦 「有是哉! 此?」顏回曰: 自 之窮通,皆如幻人之變化,浮云之來往 歌,講學不輟,蓋神明別有天游,視人間 絶糧色見之時。聖人履險如夷,從容絃 用,是有國者之醜也。不容何病? 修也,是吾醜也; 何病? 不容,然後見君子。 下莫能容。雖然,夫子推而行之,不容 虎,率彼曠野。 爲容,賜,而志不遠矣。」子贛出 爾宰。」於是使子贛至楚。 容然後見君子。」孔子欣然 無所動其心,宜其行所無事也 孔子 Ė 顔氏之子。 「回,《詩》云: 吾道非耶? 「夫子之道 夫道既已大修 使爾多財,吾爲 楚昭王興 大道之不 至大,故天 吾何 而笑曰: 了,顔 匪 而 爲 兕 回 師 於 不 不 匪

0

意不衰也」。

末二句,《荀子·宥坐篇》原文爲「爲窮而不困,憂而

與?」依《史記》應合上爲一章。子曰:「賜也,女以予爲多學而識之者

問以發之。 學,多而能識矣,夫子欲其知所本也,故學,多而能識矣,夫子欲其知所本也,故《史記·世家》亦絶糧時所語。子贛之

方信而忽疑。蓋其對曰:「然,非與?」

曰:「非也,予一以貫之。」得也。 方信而忽疑。蓋其積學功至,而亦將有

言,告子贛之一貫,就其學言。 問理萬殊,非極博無以窮其變,本原 無二,非合一無以致其通。若未多識而 是,亦無以爲收拾之方。孔子之道,推 屋,亦無以爲收拾之方。孔子之道,推 屋,亦無以爲收拾之方。孔子之道,推 屋,亦無以爲收拾之方。孔子之道,推 屋,亦無以爲收拾之方。孔子之道,推 屋,亦無以爲收拾之方。孔子之道,推 屋,亦無以爲收拾之方。孔子之道,推 上,非合一無以致其通。若未多識而 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在, 於天,四通六闢,相反相成,無所不在,

○子曰:「由,知德者鮮矣。」

短於知者,故呼而告之。
之,而不知其道。若子路亦長於行,而行之士,則行之不著,習矣不察,終身由則驚於遠,故求知德之人甚少。其有篤則

侯表》引作「共己」,蓋「共」與「恭」通 〇子曰: 何爲哉? 恭己正南 爲孔子預言之大義也。 撓犯憲法,亦不能治也。故無爲之治, 無爲而可治。若不恭己,則恣用君權 之官,悉由師錫,公舉得人,故但恭己, 治,有憲法之定章,有議院之公議,行政 舜任官得人,故無爲而 憲,及民主責任政府之法,今歐人行之, 無責任,而要在恭己矣。 「無爲而治者,其舜也與? 面而已矣。」《漢書・王子 治。 此明君主立 蓋民主之 夫

○子張問行。

張從在陳蔡間,因問行。 猶問達之意也。《史記·弟子傳》以子

矣。言不忠信,行不篤敬,雖州里,行乎矣。言不忠信,行篤敬,雖蠻貊之邦,行子曰:「言忠信,行篤敬,雖蠻貊之邦,行

篤,厚 問。 篇 》: 種也。 恃,必免於患矣。]」道行之而成。 凡可 則人與之,信則人恃之。人所愛,人所 以爲身。恭則 「何以爲身?」孔子曰: 下之言道甚多,不必辨其道與非 行者謂之道,不可行者謂之非道。 其可行與不可行。 則蠻 無他謬巧,無他高奇,而切於人事, 孔子之言道,只有忠信篤 也。 二千五百家爲州。 「顔回 貊可行; 蠻,南蠻。 ,將西遊,問於孔子。 (免於衆,敬則人愛之,忠 背之,則 子張問行,可謂切 貊,北狄,古謂 『恭敬忠信,可 《説苑• 州 里 敬。從 道,但 敬慎 曰: 不 可 天 豸

理也,不可去者也。可以爲道也。故孔子之道,人格也,公不可須臾離,故曰「道不遠人」,遠人不

[也]字。 也,夫然後行。]皇本「參」下有「然」字,「行」下有「立則見其參於前也,在興則見其倚於衡

子張書諸紳。 參直 孔子之立人道,而鞭辟切近,可謂至矣。 離於忠信 在輿則若倚車 思念忠信篤敬 一於前 篤 也。 八敬,則 包咸 軛。」蓋念茲在茲,造次不 **,則常想見,參然在目前** 於人間世無 E : 衡, 軛 不可行。 也。

行矣。故孔子之道,至易至簡,而至難稍涉苟且欺詐,刻薄怠慢,即一步不可敬,偶言之則極易,終身行之則極難,而敬,偶言之則極易,終身行之則極難,而嚴雖才高,而於忠信篤敬之訓,信受持惡難大帶之垂者,書之欲其不忘也。子

邦無道,如矢。

「直哉史魚! 邦有道,如矢,也,何必神道設教,矜奇怪以誘民哉?也,何必神道設教,矜奇怪以誘民哉?也,何必神道設教,矜奇怪以誘民哉?有能離忠信篤敬而能行者,則孔子之道有能離忠信篤敬而能行者,則孔子之道

以尸諫,故夫子稱其直。也。史魚自以不能進賢退不肖,既死猶史官名魚,衛大夫,名鰌。如矢,言直

傳序》「懷之」作「懷也」,今本作「懷之」,從石經。則可卷而懷也。」唐石經、《後漢書・周黄徐姜申屠「君子哉蘧伯玉! 邦有道,則仕,邦無道,

節之美,若有此類者,必稱史魚之直,比多,德備陰陽。後賢之德陿小,僅知一對而出,亦其事也。聖人之道,闔闢甚之也。如於孫林父、甯殖放弒之謀,不之也。如於孫林父、甯殖放弒之謀,不自玉出處合於道,故曰君子。卷,收也。

教,則强聒不捨,雖不得宜,亦無害也。 價事,故不可不擇人而言。若爲明道傳事機關係,言之失人,則失機,失言,則 世甚熟,知人甚哲,而後能也。然此爲 言與不言皆無所失,此必窮理甚深,閱

從之。然「人」與「仁」通。《贈徐幹詩注》、《太平御覽》四百十九亦引作「害人」,今殺身以成仁。」「仁」,唐石經作「害人」。《文選》曹植〇子曰: 「志士仁人,無求生以害人,有

《公羊》:「殺人以自生,亡人以自存,志士,守義之士。仁人,愛人之人也。

滅。 仁通。 去形體 則仁成,隱忍偷生則仁喪。 之,知氣在上,神明雄毅,在天爲神 繫,小之爲職守節義之所關,見危 君國之急,大之爲 君子不爲」,無求生以害人也。 死者,魂未嘗死也,若魂死,則無不 忘義, 苟存視 哀莫大於心 仁者,近之爲父母之難,遠之爲 ,如削爪髮,又何傷乎! 息 一, 則 死,而身死次之。 種族教宗文明之 魂 靈 **ឈ然**, 先就 且魂氣 若貪 然 蓋 無 授 人 不 命 所 死 身 生 與

○子贛問爲仁。子曰:「工欲善其事,必○子贛問爲仁。子曰:「工欲善其事,必

賢以 事 機器 言,仁 既 出,世界 以 言利 變。 器 益 友 可 可 以 以 助

> 工,無 己者,故以是告之,欲其有所嚴憚,切 俗教化之切也。 物助成内德,益知親師取友之要,而 士,無君子,則孤 輔 德,故仁賢熏 利器 則拙苦 、染,德 夫子嘗謂子贛悦不若 陋 而焉取。 而 性 難 日 成 新。 此專 雖 雖 有 以 有 志 外 風 良

○顔子問爲邦。

以成其德也。

子曰:「行夏之時, 顔子日以道濟爲懷者,故問治道

也。 月 轉,其道本圓,無月不 此三辰之月,皆可以爲 開於子,地闢於丑,人生於寅,故斗柄建 夏時,謂以斗柄初昏,建寅之月,爲 大地赤道之北,啓蟄生長在冬至之後, 順時授民,夏時最宜。 爲正 夏禹所定、夏小正》所載是也。 月,殷建 五,以十二月爲正月 可爲正。 周建子,以十一 一歲首。 天時 中國在 周

外,皆夏時也,蓋孔子改制所定曆法。 之大智無外也。今諸經所稱,自《春秋 波斯以八月,則亦微弱。馬達加斯加以 孔子之三正者。 若印度,則與中國同行 九月,緬甸以四月,皆亡矣。 夏時矣。其餘,秦以十月,則久不行。 則建丑矣。今大地文明之國,仍無 冬至後十日改歲,則建子矣。 俄及回 夏時便民,故取之,今猶行之。歐 並立三正 ,以待後王之變通 益見大聖 美 而 從 曆 以

「乘殷之輅、《釋文》:「「輅」本亦作「路」。」

木車易製而通行也。 灣車,則有鈴, 周乘路,則有玉,不若孔子以身所乘車,宜爲木車。若有虞氏木輅,《傳》所謂「大輅越席,昭其儉也。」 輅,車軨前横木。車名通作路。殷輅,

「服周之冕,

包曰: 「冕,禮冠。周之禮,文而備,取

其 故法三代。禮不止此,每代舉小康之制 當時也。此三者,皆禮也。 但冕文美,故首服宜之,孔子欲先行於 者。周乃卑退垂旒者,蓋亦三統之一。 者,有卑退者,有員轉者,有習而垂 三代改制質文篇》,首服有四: 一,所以通三統也。 黈 纊 塞耳,不任視聽。」《春秋 禮取别異, 有嚴員 繁 露 一旒

「樂則《韶》、舞》。

原舜之樂,戛擊鳴球,搏附琴瑟,以詠, 虞舜之樂,戛擊鳴球,搏附琴瑟,以詠, 虞舜之樂,憂擊鳴球,搏附琴瑟,以詠, 真舜之樂,憂擊鳴球,搏附琴瑟,以詠, 真舜之樂,憂擊鳴球,搏附琴瑟,以詠,

篡聖 所患 樂制,宜用某朝,某物,宜用某王,雖皆 舍藏之學,故孔子改制時,與之商定。 聖,損益百王,折其中,以推行於後世, 之義,以俟後聖也。」世積久而弊生,凡 獲麟,受命之符是也。 改制所託,此爲商定改制 出於前代,實已定於新聖。 尤爲責無可辭,仁不能已。 志士通人,莫不有改制之意。 百王之道。」《公羊》所謂: 正不正之間,而 幸有此微言可爲証據,學者可以善推之 而 ,而欲以上通五帝,下極三王,以 ,多作僞經,以攻孔子。 非 絶,大義乖矣。 「有非力之所能 作,從周 明改制之義,務解天下 而 非改制。 《論語》今文爲多, 致而自致者,西狩 然後託於《春秋 明據。 六經皆孔子 顔子有用行 於是,孔子 「制《春秋 孔子以大 以孔子爲 自劉歆 诵

> 放鄭聲、遠佞 《樂記》: 家」。 行,傾覆國政。」故孔子誅少正卯。 音淫靡,足以惑志; 篇所謂「惡鄭聲之亂雅樂,利口之覆 聲,則思淫; 蘭西處於歐 未成,則當遠之。 也。《白虎通》: 足以傾邦。 淫之害小,殆則禍大。 「鄭音好濫淫 人。 遠色去讒,然後 中,最爲靡靡者。 惑於佞 鄭聲淫,佞 春秋《鄭》聲,如今法 「佞人當誅,爲其亂 佞 人,則當危殆,下 人,傾辨之士, 志。」蓋鄭國之 人殆 可以 惑 於鄭 貴 若罪 邦

下有「而」字。 〇子曰:「人無遠慮,必有近憂。」皇本「人」

害,而又非斯人無所與,故愛惡相攻而也,有身則有患,有家則有累,有國則有里之外,則患在几席之下矣。」人之生異之外,則患在几席之下矣。」人之生蘇氏曰:「人之所履者,容足之外,皆蘇氏曰:「人之所履者,容足之外,皆

慮者戒。 事,則憂患即在目睫矣。此爲愚人無遠無長計遠慮之思,而漫爲猖狂妄行之無長計遠慮之思,而漫爲猖狂妄行之無長計遠慮之思,而漫爲猖狂妄行之孫,出入以懼者也。是故,君子思患而求,出入以懼者也。是故,君子思患而吉凶生,情欲相感而利害生。故與憂俱

者也。」皇本無「乎」字。 〇子曰:「已矣乎! 吾未見好德如好色

雖有好德者,終不如之也。 世國。故人情之好,未有好色之甚者, 良帝乃欲讓位於董賢,高緯乃甘一獵以 良帝乃欲讓位於董賢,高緯乃甘一獵以 是之感目,有電相吸攝,故好之最甚。 發,蓋常人魄用事者多,魂用事者少。 已矣乎,歎其終不得而見之也。此義屢

惠之賢而不與立也。」 〇子曰:「臧文仲其竊位者與! 知柳下

獲,字禽,食邑柳下,諡曰惠。與立,謂竊位,如盗得之也。柳下惠,魯大夫,展

固位,故孔子惡之以爲竊位。 知賢不舉,是蔽賢出於忮才。 忮才出於子之言不可不法也。」是知柳下之賢。文仲祀爰居,文仲曰: 「是吾過也。季政時,柳下惠正爲士師。《傳》稱展禽譏與之並立於朝。 臧氏世爲司寇,文仲爲

何》曰: 「《春秋》詳内小惡,略外小惡之義。」 矣。」《春秋繁露・仁義法篇》引「人」作「外」。《論語述矣。 日: 「躬自厚而薄責於人,則遠怨

人服其寬。有公與寬,人被責亦不怨從。責己厚,則人信其公, 責人薄,則責己厚,故身益修, 責人薄,故人易

未如之何也已矣。」○子曰:「不曰「如之何,如之何」者,吾

作爲者多憂患,出入以度,外内知懼,生也,與憂俱來,處世之艱,動生禍變。故所謂臨事而懼,好謀而成也。蓋人之生

之也。 動必得咎,雖聖人至仁愛人,亦無能救 於憂患,而後死於安樂。若輕躁妄行,

今從魯《論》作「惠」。 作「慧」也。《考文》引古本作「惠」。今本作「慧」乃古文・ 爲「惠」。皇本作「惠」,此依魯《論》改,不知鄭君定讀已 惠,難矣哉!」《釋文》:「「慧」,音「惠」。」魯讀「慧 〇子曰: 「羣居終日,言不及義,好行小

將有 險詐之相傾 有志 之機熟。難矣哉者,言其無以入德,而 邪侈之心滋; 同。小惠,巧辯也。言不及義,則放辟 乎?」注゛「惠」作「慧」。《列子》: 賢。』《後漢書·孔融傳》:「將不早惠 「秦人逢氏有子,少而惠」,皆與「慧」義 「惠」通「慧」。《晉語》: 害甚矣。 士欲救正之,而畏其利口之指摘 患害也。 ,此其風俗之可憂,人種之 今世無教,滔滔皆是,雖 好行小惠,則行險僥倖 「巧文辯惠則

> 此文亦無「君子」二字。今本有「君子」字,則下文何用 《釋文》:「本或無「君子」二字。」《孝經・三才章疏》引 之,信以成之。君子哉!」鄭注無「君子」字。● 〇子曰: 君子哉」? 必衍文也。 「義以爲質,禮以行之,孫以出

知也。」 〇子曰: 幹。而行之必有節文,出之必以退遜,成 朱子曰:「義者,制事之本,故以爲質 行事之法,行一事之始終本末如此。若 之必在誠實,乃君子之道也。」此爲君子 人忌之而阻力生; 至於行事,則必以義爲質,而後能隨時得 不言事而言心,則立心之大本在仁也。 故義、禮、孫、信,闕一不可。 無禮,則不文而寡滋味, 「君子病無能焉,不病人之不己 不信,則不堅而隳壞 不孫,則

人心思耳目之不足,病廢也,

心思耳

無君子字」,指本章開頭處。

爲病焉。 己,而不急求人知,不見是而無悶,不以 日之無能 專門以致精,多才以爲富 此君子所以與無實而求名者 '",亦 病 廢 也,故 君子 以 一,日求 無 能 諸 爲

)子曰: 異也。 魂魄並 必死之物,名者不朽之事, 身不過數十年,名可以千萬 有是身乃有是名,有其實乃有其華。然 没世,猶没身也。 無知之軀,名者光明無極之榮,則代數 待,無名猶可,至没世之後,草木同腐 考其起居,薦其馨香,頌其功德,稱其姓 服爲之流連,居游爲之慨慕,輯其年譜 不以榮名爲寶者。名在,則其人如在, 反較真數 隔 億 「君子疾没世而名不稱焉。」 逝,則顧念生前,奄忽隨化,未有 萬 而尤重焉。 里,億萬年,而丰采如 名者,身之代數 有身之時,人尚有 載; 身者血 生。 身者 也。 肉

> 此則背孔子之義矣。 此則背孔子之義矣。 以別不好名而好利,於是風俗大壞, 以別不好名而好利,於是風俗大壞, 或於道家之攻名,至使天下以名爲不 以為,重之如此,宋賢固篤於務實者,而 故没世無稱,君子以爲疾也。名蓋孔子 號,愛其草木,其光榮過於有身時萬萬,

)子曰: 名也; 者。」」君子力學自修,凡才能職業,無 《中論·貴驗篇》: 託,無事不求諸人。欲知君子小人之 物,自處也; 求諸己,則無求人也。 不求己而求人,此小人之愚也 分,則觀其所求而已。 不求諸己。小人鶩外干譽,凡營結 「君子求諸己,小人求諸 聲,自呼也; 人,自官也,無 「子思曰: 君子亦有求,但 人與己孰親? 貌,自 人。」 非 眩 『事,自 也; 自 事 己

矜,棱廉。羣,合衆也。 人各受天之才子曰:「君子矜而不爭,羣而不黨。」

接和 智聰 耳。 人,則 衆而 由,則不公,有所偏黨,則合羣 吾黨之小子」乎? 而 矜與爭,羣 孔子固非以黨爲不可也,不又 會 明, 失 隨 無所爭,合羣而 人,則其勢孤。 ,故宜合羣,以大同人,若不 人,則所執 宜 各 獨 與黨相 立 下。 以上承天,若 人不能 不偏比, 似,但犯 但自立 不 反 則 而 人 與 不 之自 無 不 能 能 所 犯

(i)。□() 子曰:「君子不以言舉人,不以人廢

採其言 言不能行者,又有言甚清而 包曰: 「有言者不必有德。」人固 採,陽虎可引,不必問其人也。若因 棄之,則 蓋言自言,人自人,本不相關 言有合於道,有益於時,則 可也。若遂用其人,則 虚失良策矣。 此爲聽言 行甚濁者, 恐 芻 僨 有能 蕘 事 可

於人。」皇本「行」下無「之」字,「人」下有「也」字。乎?」子曰:「其恕乎! 己所不欲,勿施少子贛問曰:「有一言可以終身行之者

心而 殊,既同爲人,當不相遠,故道本諸身, 也。此心同,此理 外人與己交而已,己,人也, 衹人與己。 天下之人物雖多,事理雖繁,而對待 欲,人所難受,不受則不能行。爲仁言, 善之方。萬理無逾於恕者,人道可以終 萬物同原,人己一體,至淺之理,而爲極 所不欲者,則勿施於人。推己及人,如 欲徵諸己。己所欲者,與人同之, 身行之,四海通之,萬世從之者也。夫 則欲立立人爲先; 施者,蓋順以推恩,己所易爲,逆施 子不言己之所欲推以與人,而言不欲勿 出。反諸至近,而可行諸至遠。 有所行者,應人接物,亦 一同,性情或異,嗜好或 爲行計,則不欲勿 人,亦人 所不 者 己

「也」、「者」、「矣」字。《漢・藝文志》、《谷永傳》、《薛宣有所譽者,其有所試矣。《魏志・胡質傳》引無〇子曰: 「吾之於人也,誰毀誰譽? 如施爲要。道本相同,而義各有宜也。

傳》引無「者」、「矣」字。

以雖有以前知其惡,而終無所毀也。」 無所苟如此。若其惡惡,則已緩矣。是 是也。然或有所譽者,則必嘗有以試 是也。然或有所譽者,則必嘗有以試 是也。然或有所譽者,則必嘗有以試 已。」朱子曰:「毀者,稱人之惡而損其

率性篇》、《非韓篇》引「三代」下無「之」字。《論衡・帝紀贊》引「民」下無「也」字,「所」下無「以」字。《論衡・斯民也,三代之所以直道而行也。」《漢書・景

人種。蓋人之生也,直宜共養此直心直故人種良善,吾更不敢顛倒是非,以損周也。直道之風,自古相傳,美化流行,斯民者,言今之人種也。三代,夏、商、

法。」 虚美,不隱惡,褒貶予奪,悉本三代之也。劉氏逢禄《述何》曰:「《春秋》不也,以培良種,人種良,則太平自易致道,以培良種,人種良

朱子《集注》本「矣」誤作「已」。借人乘之,今亡矣夫!」皇本「今」下有「則」字。〇子曰:「吾猶及史之闕文也。有馬者

世。」 自私。 意。 也。馬借人者,貨惡其棄於地 史闕文者,不敢用己私意穿鑿附會之 正文,鄉壁虚造不可知之書,以 於大同矣。許慎《説文叙》云,「詭更 於己也。蓋舊俗淳厚,猶有無我大同之 孔子歎當時俗薄,史必穿鑿,馬 蓋有我太多,則可小康,而 耀 必藏 日 於 埭 必

謀。」 (巧言亂德。小不忍,則亂大

巧言,辭之極能,變亂是非,使人大惑而

若苻堅之放慕容垂、姚萇而召亂,則 説 之用心。《漢書・李尋傳》「執乾剛之 進兵而討遼,遂覆全師,則匹夫之勇也。 吴,幾以亡蜀, 國亡家。如劉備不能忍 勇,一時小動 德,勉强大誼,絶小不忍」是也。 人之仁矣。若以狙詐爲忍,則又非聖人 從。 小不 忍, ,而大謀因此而移,遂 如 曹彬不能 婦人之仁。 旲 忍白重進之 殺 關 羽 兀 而伐 夫 至喪 婦 之

即王氏《傳》亦然。唐石經以「衆惡」在上,故從之。羅隱《兩同書・真僞章》「好」作「善」,亦「衆善」句在前。書》均引「衆好」句,在「衆惡」前。《風俗通義・正失篇》、惑》、司馬温公《論選舉狀》、《議貢舉狀》、王臨川《答段縫惑》、司馬温公《論選舉狀》、《議貢舉狀》、王氏《論語辨察焉。」《潛夫論》、宋葛洪《涉史隨筆》、王氏《論語辨察焉。」《潛夫論》、宋葛洪《涉史隨筆》、王氏《論語辨察焉。 衆好之,必

信。」蓋道高則召毀,媚世則得名,輿論「孤特,則積毀所歸, 比周,則積譽斯不羣,故好惡不可察也。」梁劉孝綽謂:王肅曰:「或衆阿黨比周,或其人特立

子曰:「人能以道,作道以人。」皇本后以之於臧文仲、少正卯,察之於衆好者。之。孟子於匡章,察之於衆惡, 孔子世之士必見疑怪,故貴於深求而察識識,以同己爲賢,以異己爲不肖,獨行高繳,以同己爲賢,不可漫聽而附和之,必似公,未可爲憑,不可漫聽而附和之,必

人」下有「也」字。 〇子曰:「人能弘道,非道弘人。」皇本「弘

不鑒哉 弘,廓而大之也。《漢書·平當傳》説 雖美善,亦不能自大也。 觀耶與 也。」凡教,亦爲人傳而光大之,否 能弘道也。性不知檢其心,非道弘 能大其人也。 有覺,而道體無爲,故人能大其道,道 「衰微之學,興廢在人」引此。● 蓋人心 張子曰: 「心能盡性,人 佛 則 而 教 不 可

)子曰:「過而不改,是謂過矣。」

句中引文,出自《漢書·禮樂志》,非《平當傳》。

0

而將不及改矣。心矣。唯不改,則長存渣穢,其過遂成,過而能改,則太空無雲,復其見天地之

□、無益、不如學也。」 □ 下台: □ 吾嘗終日不食,終夜不寢,以

> 道,而 得 ; 其誼,而非爲謀利也。 學,故孔子戒之。今之人士多營農商 隱於耕,蓋士不易得禄,故皆躬 者可,不求其下, 貴乃爲君子所有。 戚憂貧,故皇皇謀利,而 耕所以謀食,而未必 耕、《説文》: 廢學,亦孔子所戒也。 末也。樊遲請學稼,沮溺、丈人、荷 憂道之不行,而未嘗以貧爲憂。常人戚 君子皇皇謀仁義,未嘗謀利,而 禄在其 中。 「以牛犂田也。」餒,饑 此勸人擇術,務其上 然學也者,明其道正 得其本者可,不恤 石得 故憂道之不明, 食 未見利之可 學所以 耕 費 而 也 论 其 而 廢 富

○子曰:「知及之,仁不能守之, 雖得

能赴者,亦不能成也。 之於身矣。蓋有大智慧能創之,而行不知足以知大理,而私欲間之,則無以有

不憂貧。」《潛夫論

當時篇簡相連,未分别也

其中矣;

〇子曰:

「君子謀道不謀食。耕也,餒

在

學也,禄在其中矣。君子憂道

讚學篇》引此與上「吾嘗終日不

敬。「知及之,仁能守之,不莊以涖之,則民不

楊朱爭席,則道不尊矣。 之不 涖 間之,則知慧德行皆相赴, 涖之,則民慢 或游戲人間,玩世不恭,若子桑伯子 衣冠而處,原壤之登木而歌,不莊 也 謂 臨 民 而 也。 不敬。 知 大 如賣漿者之與 而大業 理 而 無私 可成。 以

禮,未善也。」 一,五人之,仁能守之,莊以涖之,動之不以

民 佛亦有八 不完。故孔子之道本末精粗,其運 教之方,有内而無外,有本而無末,道終 仁,爲行政立教 不在,此所以育萬物 動之,動民也。 心在 儀文章以 外貌 萬四千威 ,故有智仁之妙,盡 動人,終未盡善也。 **%**之道。 《 禮 》 儀,乃成大教。 而爲神明聖 謂威 莊、禮 儀、文章、 爲行政立 美矣,無 包氏以 王 蓋 無所 也。 動

> ○子曰:「君子不 爲爲在位者言。

可

小

知

而

可

也

人不可大 而爲相 才,亦勿以 用人者宜 未必 材德足 可受也 此言觀 而 而 加 可以 展 可爲清廟明堂。 無 於治蜀; 受而 一日千里; 無治效是也。騏驥 以 人 一長可取。 (之法。 任 因 蓋 能誤爲大器。 材 君子 可小知也。」 重 黄霸之以太守著循 ; 器使,勿以 於世事,未必過 知,我知之也; 材器 小人雖器量淺狹,而 龐士元之絀 棟梁 大 厠齒不如 小各有其分, 捕 小 鼠 節 不 於爲令, 如 人, 受, 籤 狸

也。」
火,吾見蹈而死者矣,未見蹈仁而死者火,吾見蹈而死者矣,未見蹈仁而死者

無也,於仁亦然。但水火在外,仁則在蹈,踐也。水火,民所賴以生,不可一日

仁哉? 蓋勉人之急於仁也。 此生生之公理,無有死者,則人何不爲 用仁,則已愛人,人亦愛己,益莫大焉。 去者也。况用水火者,少誤或至殺人, 去者也。况用水火者,少誤或至殺人, 大甚於水火,而不可須臾離,造次顛沛 其心。蓋人者仁也,不仁則非人矣,故 已。無水火不過害人之身,而不仁則失

)子曰: 當,田相值也。禮尚辭讓,獨至於爲仁 過之,不必待長者也。 爲之,不必避長者也。 之事,則宜以爲己任,勇往當之,無所辭 爲之,雖過於師可也。 有益人道之教治、藝樂者,皆可自由 之進化,師意所期望也 之所以教者仁而已,上達 即至於師,亦不必讓,師不爲,則己 「當仁不讓於師。」 師止於是,己可 乃至博施濟衆, 蓋仁者人也,師 造極,乃人道 而

> 妄增。 讀書志》載蜀石經作「敬其事而後食其禄」,是後人依注 ○子曰:「事君,敬其事而後其食。」《郡齋 貞,正 匹婦之爲諒」及「貞而不諒」,所以防之。 正,故孔子屢言「信近於義」,「豈若匹夫 鄉曲尚氣之人亦重然諾,而多不出於 信,言君子守正言,不必信,惟義所在。 也 諒, 直 也。 不擇 是 非 而 必 於

可先有求禄之心也。」 司责者盡其忠,皆以敬吾之事而已,不也。君子之仕也,有官守者修其職,有朱子曰:「後,與後獲之後同。食,禄

○子曰:「有教無類。」

之童子,而與其進。醫門多疾病,大匠之爲徒,視之猶子,此聖教所以爲大也。之爲徒,視之猶子,此聖教所以爲大也。類之高下智愚而皆教之,無所别擇,收類之高下智愚而皆教之,無所别擇,收期其明德,人人皆得爲聖人,故無論種聖人以濟人爲事,故立教也。欲人人皆

)子曰:

「君子貞而不諒。」

亦兼化之也。 至於無類也。類從犬,無類者,雖衆生多曲木,人雖有類,是在教者陶鑄爲一,

〇子曰:「道不同,不相爲謀。」

萬不同,聽其自己。 聖人蕩蕩如天,九流並凑,各擇其長,吹謀其娶妻傳後,皆相反太遠,不能爲謀。 養生,而教以殺身成仁, 釋氏出家,而 養生,而教以殺身成仁, 釋氏出家,而

○子曰: 「辭達而已矣。」

也。 使,非文辭不爲功。慎辭哉! 勿輕視所,非文辭不爲功。慎辭哉! 勿輕視可謂達,簡練不足當之。孔子言鄭人非積理極深,閱事極多者,不能深透,乃非積理極深,閱事極多者,不能深透,乃解取達於事物之理,彼我之意,不可艱

曰:「席也。」皆坐,子告之曰:「某在〇師冕見,及階,子曰:「階也。」及席,子

初本「冕」或作「免」。 斯,某在斯。」顔師古注《漢書・人表》作「師免」,則唐

舉在坐之人以詔之。師,樂師,瞽者,冕名。再言某在斯,歷

心省察如此。 型門學者,於夫子之一言一動,無不存師冕出。子張問曰: 「與師言之道與?」

自然盡其道而已。 聖人矜無告而哀困窮,非作意而爲之,相,助也。古者瞽必有相,其道如此。子曰:「然!固相師之道也。」

論語注卷之十五終

五三

論語注卷之十六

南 海康有爲學

季氏第十六 此篇或以爲齊《論》。 凡十四章

季氏將伐顓臾。

顓臾,國名,臣屬魯爲附庸。 季氏貪其

土地,欲滅而取之。

顓臾。」 冉有、季路見於孔子曰: 「季氏將有事於

子爲季氏宰,知之,故告孔子。 况見於行 柳下惠所謂伐國不問仁人,問猶不可, 事 乎? 孔子素惡伐 人國,一

孔子曰: 「 求 ! 無乃爾是過與?

冉求爲季氏聚斂,尤用事,故夫子獨責

之中矣,是社稷之臣也,何以伐爲?」《釋文》 「「邦」或作「封」。」皇本作「何以爲伐也」。 ·夫顓臾, 昔者先王以爲東蒙主, 且 在 邦 域

《詩》:「錫之山川,土田附庸。」魯附 附庸也,惟顓臾在耳。 項,取須句,取邿,取鄟,取鄶,取卞,皆 甚多,自向爲莒入宿,被宋遷魯,又滅 地七百里之中。社稷,猶云公家。是時 王封顓臾於此山之下,使主其祭,在 之至當不易之定體。 不可伐; 以自益。 社稷之臣,則非季氏所當伐也。此事 一,獨附庸之國尚爲公臣,季氏 四分魯國,季氏取其二,孟孫、叔孫取其 故孔子言顓臾乃先王封國,則 在邦域之中,則不必伐, 東蒙,山名。 又欲 取 理

也。」 冉有曰: 「夫子欲之,吾二臣者皆不欲

夫子,指季氏。

當時冉有或與聞之,而

五

不强諫。

焉用彼相矣?「焉用」、《漢書・王嘉傳》引作「安列,不能者止。」危而不持,顛而不扶,則將孔子曰:「求!. 周任有言曰:『陳力就

作「匣」。「櫝」、《魏志》引作「匱」。 中,是誰之過與?」皇本「出」下、「毀」下無「於」字。 「且爾言過矣! 爲?」此言爲相必受責任,失職則去也。 諫而不聽則當去也。包咸曰: 言當陳布才力,度己所任,而後就位。 周任,古之良史。陳,布也。 人者,當持危扶顛,若不能,何 相,瞽者之相也。言二子不欲則當 「「柙」本又作「匣」。」《漢書・文三王傳》引亦 虎兕出於柙,龜玉毀於櫝 列,位也 用 輔 諫 相 相

則季氏之惡,己不得不任其責也。者不得辭其過。明冉子居其位而不去,櫝,匱也。言在柙而逸,在櫝而毁,典守兕,如野牛也,一角,重千斤。柙,檻也。

路正直,未聞一言,冉有徇於季氏,故孔固,謂城郭完固。費,季氏之私邑。子引或本有之。《後漢書・臧宮傳注》引亦無「後世」字。取,後世必爲子孫憂。」《釋文》:「本無「後世」」,冉有曰:「今夫顓臾,固而近於費。今不

1子曰:「求! 君子疾夫舍曰欲之而必責,力諫季氏而不爲歟?不聞伐顓臾之事,蓋冉有藉於孔子之子獨責之。三呼求,責之深矣。其後卒路正直,未聞一言,冉有徇於季氏,故孔

爲之辭。皇本「而必」下有「更」字。 孔子曰:「求! 君子疾夫舍曰欲之而》

欲之,謂貪其利。

患貧而患不安。蓋均無貧,和無寡,安無「丘也聞有國有家者,不患寡而患不均,不

傾。

而魯公無民,則不均矣。君弱臣强,互顓臾,爲寡與貧耳。然是時,季氏據國,其分, 安,謂上下相安。季氏之欲取寡,謂民少, 貧,謂財乏, 均,謂各得

生嫌: 貧,今各國人羣會黨宗旨不出於此,豈 非至言乎! 而 太平大同之治亦不過均而已。 和,和則不患於寡而安,安則不 無傾覆之患。 隙, 則 不 安矣。 此言近雖爲季氏發,然 均 則 不 患 均則 . 相 於 貧 疑 無 忌 而

以。既來之,則安之。「來之」,趙岐《孟子章指》引作「懷民來之,則安之。「來之」,趙岐《孟子章指》引作「懷了夫如是,故遠人不服,則脩文德以來之。

則修文,有不貢則修名,有不王則修則修文,有不貢則修名,有不則修言,有不享以來之,亦不當勤兵於遠。《周語》:以來之,亦不當勤兵於遠。《周語》:內治修,然後遠人服。有不服,則修德

不得謂無罪,故並責之。遠人,謂顓臾。子路雖不與謀,而素不能輔之以義,亦來也, 邦分崩離析,而不能守也,

據。

公與職所,謂四分公室,家臣屢叛。

公與職所,謂四分公室,家臣屢叛。

公與職所,謂四分公室,家臣屢叛。

如孔子言。作。其後陽虎、公山内叛,果禍發蕭蘠,作。其後陽虎、公山内叛,果禍發蕭蘠,肅也。蘠,屏也。」言不均不和,内變將干,楯也, 戈,戟也。鄭氏曰:「蕭,

失矣。 二世希不失矣, 陪臣執國命,三世希不自諸侯出,蓋十世希不失矣, 自大夫出, 自諸侯出,蓋十世希不失矣, 自大夫出, 子出, 天下無道,則禮樂征伐自諸侯出。

侯不得變禮樂,專征伐。」陪臣,家臣也。政出天子,此撥亂制也。《王制》: 「諸

如此。 逆理 族長去酋長而統一之,不能安民。 爭,酋長互爭,而民殆矣。觀春秋戰國, 爲統一之世。 世,道路漸通,制作漸備,則合諸酋長 爲族長之世,又以力爭長而 革。 無患。 族長,春秋之大夫也, 中古酋長,春秋 無歲不戰,民苦於兵,暴骨如莽,故非 中國 之諸侯也。故春秋誅大夫刺諸侯,而務 悼、平、昭、頃、定十世,而霸權失於吴。 平王東遷 天子之功,所以撥亂世一定之序也。 一統於天子。凡物散,則必歸之於一乃 愈甚,則失之愈速,大 此孔子抑諸 一統,封内晏然,民多老死不見兵 故孟子曰「定於一」。 漢唐之後, 蓋生人 晉文之後,至襄、靈、成、景、厲、),周王守府,諸侯力政,霸者專 (之始爲獨人,漸 孔子生當撥亂,族長互 侯大夫陪臣,而統之以 約 爲酋 世 以 上古 長 族 不 Z 抑 而 自

> 夏、商、周君主之治也。 夏、商、周君主之治也。 以孔子言繼周百世可知,言百世之後如略近,三千年皆大變,亦自然之數也。 至升平,則君主或爲民主矣。大地各國 之君言專制,百世希不失。蓋由亂世而 氏,所謂十世希不失。由此推之,一統 任,所謂十世希不失。由此推之,一統

「天下有道,則政在大夫。今本有「不」字,衍,據

舊本改定。

「天下有道,則庶人議。」今本有「不」字,衍,據舊也。君主不負責任,故大夫任其政。政在大夫,蓋君主立憲。有道,謂升平

同。」《傳》稱「士傳言」,與夫建鞀設鐸,《洪範》稱「謀及庶人,庶人從,謂之大用,誤則生害, 當其宜,皆爲有道也。裁平制,有道之至也。此章明三世之太平制,有道之至也。此章明三世之太平局,天下爲公,則政由國民公議。蓋本改定。

二五七

妄增。 經義 則 欲 專 相 制 庶 反 防 人之議。 固 民 口 知爲衍文之誤也,或後 一之厲 若 王 如 今本 爲 有道 「庶 耶? 不 與 議 Ţ 羣

○孔子曰: 「禄之去公室五世矣,政逮於○孔子曰: 「禄之去公室五世矣,政逮於。」 「高此之時,魯定公之初。 「高此之時,魯定公之初。 「高此之時,魯定公之初。 「高此之時,魯定公之初。 「高此之時,魯定公之初。

執。 也,愈變而 故曹操篡 哀時,陪臣 武、平至桓子凡 爲五世矣。」按,自季文子始專國政,歷 上替,互相 裕、蕭道 三桓,仲孫、叔孫、季孫。蓋至定、 漢 祚愈短也。 成 師 執 即 而 學,義既不安,勢不能久。 政,而三桓並微也。下凌 司馬旋踵 逐 四世,而爲家臣 其後 ,皆理勢之自然 m 攘之,桓玄、 陽虎所

〇孔子曰:「益者三友,損者三友。友

友便佞,損矣。」高麗本經注作「便僻」。《後漢書・直,友諒,友多聞,益矣。 友便辟,友善柔。

爰延傳注》、《太平御覽・交友部》同。

有不 也。 則進 友直則 也。 可不謹哉 謂習於口 幸傳贊》「咎在親便嬖,所任 人之所忌以求容而 - 須友 於 尹氏曰: 善柔,謂工於媚悦 聞 明。 以成成 辯而無學。二 其過,友諒 便,圓熟 「自天子以 者,而其損益 不直。《後漢書· 也。 則進 而 者 便辟, 損 於 至於庶人,未 不 · 諒。 誠 有如是者 非仁賢」是 益 方 友 ,正相反 謂 便佞, (多聞 巧 佞 避

無禮 不敬 》,言語 ,升降揖 制 度聲容之節。 不序,聲音不中律 讓 無容,周旋俯 處位 進退 不端,受業 仰視 瞻 節 無 度

宴樂則淫 於禮樂也。 儀,安顧 節其身也。 亦相反也。 咳唾趨行不得色,不比 溺,所謂宴安酖 道人善,則獎勵誘勸而 節禮樂,謂以禮樂之中和 驕樂則 侈)肆,佚 毒,三者損益 游 心順,不 則 惰 爲

以節而偏樂之,則上損德心,下損精神。縣樂、佚游、宴樂乃人情所共樂者,不受樂,則身心日放侈,不見其損而日損矣。則自爲君子人矣。若樂驕樂、佚游、宴友,則夾輔染化而日進。果能樂三益,者多,則己亦熏陶進德而不自知。多賢

「躁」是僞古文改,今不從。「言及之而不言」,皇本無「不論・孝養篇》:「言不及而言者傲也,」可証魯讀。知見顔色而言謂之骸,言及之而不言謂之隱,未之而言謂之傲,言及之而不言謂之隱,未入不子曰:「侍於君子有三愆: 言未及

讓也。瞽,盲也。日與羣小,則不見其君子,有德位之通稱。愆,過也。傲,不

寡過,自能察言觀色,時而後言。改之而德進矣。故人必久事君子,而後過,近於君子,則易形其愆。知愆,則可

愈盛 氣則 其 血 而 制,乃能不爲血氣所用,而 素,視如 子亦不能外焉。以人 者皆人所不免,有體 此言持戒之事: (戒宜 五 氣充陽於下,其患好淫,其戒 血氣用事又有三時: 十以前, 一,制之愈難。惟 不 能 在 大大火 鬭。 爲 人,有血 血氣騰滿於上,其患 、怨賊,毒蛇猛虎,極 自五十以後,氣 戒淫、戒忿、戒貪。 魂 氣即 魄即有斯欲,雖 爲 極 m 清明,存 自三十以 爲所 克全戒行也。 氣 所 動, 成,無 宜 好忿, 在色。 衰 養 血 君 克 ım. 有 氣

大人,畏聖人之言。

大人,教主。《易》: 畏天命者,「上帝臨汝,無 説,而後及其大人。」《穀梁》曰:「人之 君。《左傳》閔子馬曰:「夫必多有是 爲禮。』《士相見禮》: 作君上有位。《禮運》: 奉天時。」非聖人爲教主者而何? 德,與四時合序,先天而天弗違,後天而 也。」故「天子不能奉天之命,則廢 於天也,以道受命,不若於道者,天絶之 「與大人言,言事 「大人與天地合 「大人世 演爾心」也 及以 而 亦有

之言。」

「小人不知天命而不畏也,狎大人,侮聖人 至顯, 常,而灾立至。」●亦以禍福言。 也。」又曰: 事成敗之真,惟聖人能見之。聖人者,見 罰所以别者,闇與顯耳。 孔子同之,俱言 主上之不可不謹 可畏也。」又曰: 見其端,若自然也。由是觀之,天殃與上 此文云:「以此見天之不可不畏敬,猶 公,王者之後是也」。 (之所不見者也,故聖人之言亦可畏 不畏敬天,其殃來至闇。 闇者 「魯宣違聖人之言,變古易 事。不謹事主,其禍 「天地神明之心,與人 《繁 露 郊語 不

故,故從天而畏之, 小人不知畏天命,聖言者,代天命以宣意。君子以畏天之侮,戲也。大人者,受天命而爲君師。

0

以上引文,出自《春秋繁露。順命篇》,而非《郊以上引文,出自《春秋繁露。順命篇》,而非《郊

拉。故狎大人而遭刑,戲侮聖人言,以違大

道。

學,民斯爲下矣。」
 一次也, 困而學之,又其次也, 困而不分,不可, 「生而知之者上也,學而知之

聖,惟不學,則永永墮落,無從超拔矣。 照,蓋夙根輕微,資今培養者也。 者也。困而學之者,然燈爲明,亦復 困,謂困苦也。人之資質有此四等。 孔子雖言此,而意在勤學也。 者天也,好學者人也。好學,則困 人, 癡愚闇昧, 爲民中之下者。 然生資 不學,如頑石闇鈍,絶無夙根,故與學不 如電,光芒相觸,蓋夙慧亦深,觸發如 久遠,歷世不忘者也。 學而知者 而知之者,晶光如日,照耀洞然,蓋夙 生知成功如一。蓋同有明德,皆可證 知與 困 灼爍 根 能 舊 而

○孔子曰:「君子有九思,視思明,聽思

問,忿思難,見得思義。」聰,色思温,貌思恭,言思忠,事思敬,疑

思

湯。吾見其人矣,吾聞其語矣。 ○孔子曰:「見善如不及,見不善如探 格中不可少闕者,施之四海而準者也。 孔子示人檢身思慮之法至爲詳明,爲人 之要,日用之常,以此日省,可謂近思。 必懲。思義則得不苟。九者,蓋皆人事 詳審而不敗。 視明則無 而貴恭。忠則言精切而 面者,忌冷而貴温。 所蔽,聽聰則無所壅。 問則疑不蓄。 貌舉身而 竭盡。 思難 敬 色見 則忿 則 於 事 慢

子路之勇可當之矣。 探,摸取也。 真知善惡而誠好惡之,如潛 善見其人矣 善聞其語矣

語矣,未見其人也。」「隱居以求其志,行義以達其道。吾聞其

若伊尹之耕莘,則樂堯舜之道,以天下志者,救天下之志。道者,濟天下之道。

自任 孔子時未 之道,則伐夏救民,其行 惟孔子耳,餘無其人。 其 (隱 見其 居所求 (人,蓋 如 此 撥 亂 義 相 反正,春秋時 湯 所 而 達 行 如彼。 堯 舜

之。其斯之謂與? 皇本「徳」作「得」。 鄭氏曰: 千匹,富之至也。 十篇多闕誤。」駟,四馬也。 千駟,凡 當有孔子曰字,蓋闕文耳。大抵此書後 之所稱,不在於富,而在於異。 富,亦祗以異」,似當在此句之上。 朱子以爲: 與日月同光,齊景與草木同腐。 於餓死,窮之至也。 齊不食周粟,採薇於首陽山而食之,至 、不如餓死,固知人之所貴,在德而 「首陽山在河中蒲阪 「第十二篇錯 首陽,山名。伯夷、叔 而千秋之後,夷、齊 簡 誠 而章首 君主之 城 言人 南。 不 以 不 四

> 民,發聾警聵 在 富 貴 也。 孔 ,可爲至矣。 子大聲 疾 呼, 其 誘 世 覺

對 曰: 聞斯一者。」皇本「不學詩」上有「曰」字,「言」下有 鯉趨而過庭。 詩,無以言。」鯉退而學詩。他日,又獨立, 也」字,「二者」下有「矣」字。 `未也。」『不學禮,無以立。」鯉退 陳亢問於伯魚 曰 亢以私意窺聖人,疑必陰厚其子。 『學詩乎?』對曰: 「未也,嘗獨立,鯉 曰: 曰 : 「子亦有異聞 『學禮乎?』對曰: 『未也。』『不學 趨 而 而學禮。 乎?」 過 庭。

焉,伯夷、叔齊餓於首陽之下,民到

於今稱

齊景公有馬千駟,死之日,民

無

德

面

稱

能言。 明,辭曲而意達,其感人也深,故學之者 之名,觸物造端,比興 備列國風俗,政治之故,又多鳥獸 理性、《禮》以道行、爲言行之法。 婦朋友,班朝治軍,涖官行法之文,進退 言行爲人道之大,日用之切,而《詩》以 《禮》備君臣上下,父子兄弟,夫 諷諭,情深而 草 文

要矣。當獨立之時,所聞不過如此,其年,故教伯魚以此,教門人以此,蓋至切六經皆孔子所作,而《詩》《禮》作自早式詳明,其修己也敬,故學之者能立。或詳明,其修己也敬,故學之者能立。

又聞君子之遠其子也。」 陳亢退而喜曰:「問一得三、聞詩、聞禮,

無異聞可知

宗子; 親 其子之意,陳亢之私測皆非也。 與徒同,本無陰 之英才,故傳道 而不在形。子而才也,則子思爲 立教者,教魂 父子者,傳形者也。 見知之列。 云、阿難皆爲徒,而傳道者則在文殊、普 ,魂則賢爲相得,故傳道者以才爲主 其不才也,則丹朱、商均 但一人之傳魄,必不 而非教魄。 以 厚其子之心,更無 徒爲多,而教者 師弟者,傳魂者也 魄則子爲獨 佛子羅 **-**及天 亦不 傳道之 則

子,而子思亦預焉,其義一也。賢。孔子以伯魚爲子,而傳道者則在顔

夫√下有「也」字。 小君,異邦人稱之亦曰君夫人。 皇本「亦曰君小童。 邦人稱之曰君夫人,稱諸異邦曰寡小童。 邦人稱之曰君夫人,稱諸異邦曰寡○邦君之妻,君稱之曰夫人,夫人自稱曰

此詳邦君之妻稱謂。 小童者,謙未成人也。《論語》記義,不 氏、姜氏,宋平公納其御步馬者,稱 二妃,齊桓三夫人。鄭文公有夫人芊 平等,無尊卑也。春秋時,嫡妾之禮 誤附焉。今亦降寫,附録於此,而明非 記《曲禮》,以《記》文錯 正,多以妾爲夫人。故《左傳》記 語》焉 君稱之曰夫人,尊夫人,别嫡庶也。 妻,齊也。 簡在此,而寫 言夫 魯 文公 君 夫 婦

論語注卷之十六終

一六

六四

「「塗」當作「途」。」

論語注卷之十七

南海康有爲學

魯讀作「歸」。「塗」、《論衡・知實篇》引作「涂」。《釋孔子時其亡也,而往拜之。遇諸塗。「饋」,○陽貨欲見孔子,孔子不見,歸孔子豚。

陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之陽貨,季氏家臣,名虎。貨,虎一聲之

言。孔子非不欲仕也,但不仕於貨耳。二曰,皆陽貨自言,下孔子曰,乃是孔子必之辭。貨諷使速仕,欲孔子求己也。必之辭。貨諷使速仕,欲孔子求己也。時,謂不及事幾之會。將者,且然而未時,謂不及事幾之會。將者,且然而未皇《疏》:「實,猶道也。」懷實迷邦,謂

與言,心知其非口唯諾。」以遜辭免,蓋不終絶也。蘇氏軾曰:「道逢陽虎呼其亡而往者,稱也, 遇諸塗而不避者,不見者,義也, 而往拜者,禮也。必時

表》引作「智」。 朱子以下「子曰」爲衍文,是也。「知」,《漢書・古今人「唯上知與下愚不移。」此論性章,應合爲一章。○子曰:「性相近也,習相遠也。」子曰:

待權奸之法。

《孝經緯》: 化。 物皆有性,各從其類。 别聲之欲。所受之天氣 羞惡、是非之心,外之同,有食味、被色、 此形體,即同此覺識。内之同,有惻隱、 而言之。受於天生,而不關 若不相近,則仁恕忠信篤敬 血各有不同,萬難合一,而大 可本身作則,推以及物,以爲 孟子亦言: 「性者,生之質也,」兼魂魄 「同類者相 若人之與人,同 地勢,所傳之父 於治教者。 似。」故 亦 體 治

子生則 習,熏染既成,相去遂遠,乃至居行好尚 天生之事如此。 自直 友,習有因於風俗,習有生於國 所習而 於有治亂之大變,聖狂之懸絕,則全視 故不爲善習所移。 習所移。下愚,則魂魄俱濁,闇癡頑固 若上智,則魂魄俱清明純 臭,人芝室而香,故善惡皆視其習而已。 近朱則赤,近墨則黑。蓬生麻中,不扶 妻而離父母。 蟻,而焚其先骸及寡妻,歐西之人愛夫 亦復是非懸反者。 人亦有然者。 負其大母而棄之,謂之鬼妻。」今非洲黑 一人一時之習,或數千萬 ,蘭浸滫中,小人不服。 Ë 解 而食之,謂之宜弟。大父死, 習有本於家庭,習有 墨子謂: 風俗如此,嗜好亦然。 若人與人相去之遠, 推所以然,上智之夙 故印度之人不踐螻 「輆沐之國,長 1里數 固,故不爲惡 居鮑肆 **汽**千萬 士。 由 |於師 年之 或 而 故

所以 則 習不相遠矣,而人道止於至善矣。後人 然,故天下之化莫大於習。 善性養而致之,則善長, 言性甚多,世碩以爲性有善有惡,人之 則人人皆成上智,而無 盡去,善習大明。至於太平大同之世, 變其舊染之惡習,變之又變,至於惡習 務在進化,因人之性,日習之於善道,而 惡者,教主之所立,而非天 善,楊子則言善惡混,皆泥於善惡 荀子則言性惡,告子則言性 之,則惡長。 宓子賤、漆雕開、公孫尼子 之徒皆言性有善有惡,孟子則言性善, 形粗 孔子則不言善惡,但言遠 成爲上智下愚者,亦由於夙習使 聖人之言之精渾而無病也。言 異,絶未熏 已久,故 聞,故性質 德 下愚矣。於是, 性堅 惡性養而致 聖人立教, 生之事也。 定, 無善 近。 頑固 無不 蓋 而 下 善

性者聚訟紛如,亦折衷於孔子可矣

一六六

〇子之武城,聞弦歌之聲。

弦,琴瑟也。

時子游爲武城宰,以

樂

爲

教,故邑人皆弦歌也。

雅・釋詁》:「莧,笑也。」疑「莧」字小變。「莞」、《釋文》作「莧」,惟唐石經作「莞」,皇、邢本同。《廣夫子 莞爾 而笑,曰:「割雞焉用牛刀?」

至。反言治小邑何必用大道。《東京賦》注「舒張面目之貌也」,蓋喜之莞爾,笑貌。王逸曰「笑離斷也」,張衡

子斿對曰: 君子學道則愛人,小人學道則易使也。」」 學之則和 物皆化。故君子學之則同而愛人,小人 愛,中正無邪,敦和 之爲道,流而不息,合同而化。欣喜懽 君子小人以位言之,道謂樂之道也。 法,皆歸於使人樂而已。 本於樂。 蓋人道以樂爲主,無論 而易使。 「昔者 孔子禮樂並制,而歸 偃 無怨,合愛尚同, 也 聞諸夫子 故小康之制尚 如 何 曰 :

贛以外,應以子斿爲大宗矣。 龍言大同之道。孔門自顔子、有子、子 為小也。子思、孟子皆出於子斿,故多 為小也。子思、孟子皆出於子斿,故多 就先以爲治,故孔子喜極,美其以大道 城先以爲治,故孔子喜極,美其以大道 城先以爲治,故孔子喜極,美其以大道 域,大同之世尚樂,令普天下人人皆敦

耳。」 二三子,偃之言是也。前言戲之子曰: 二三子,偃之言是也。前言戲之

作「不狃」。《左傳》、《史記》及《漢書・古今人表》皆〇公山弗擾以費畔,召,子欲往。「弗擾」,皇戲,謔也。 嘉子斿,又以解門人之惑。

行。若夫定十二年,仲由爲季氏宰,墮費雖小,儻庶幾乎?」欲往,然亦卒不己用。曰:「蓋周文武起豐鎬而王,今己用。曰:「蓋周文武起豐鎬而王,今己期。曰:「蓋周文武起豐鎬而王,今良,更立其庶孽,以費畔季氏,使人召

反。 狃及輒遂奔齊,與九年之欲强公室相申句須、樂頎伐之,而後北敗於姑蔑,不費,不狃及叔孫輒率費人襲魯,夫子命

之往乎? 宋,無也。言無所之則止,何必公山氏之之也?」《論衡》引作「末如也已」,無「不説」三字。子路不説,曰:「末之也,已,何必公山氏

我者,吾其爲東周乎?」皇本「用」上有「復」字。 子曰: 人哉? 治。蓋化人之來,道濟天下,豈問爲何 豈徒哉,言必用我也。爲東周,言費 子路乃守節之人,故不説, 可藉手,皆可興升平太平,大同小康之 來,故曰: 乃是常義,孔子豈不知之? 亦可王,將爲東方之周也。 「夫召我者,而豈徒哉? 所謂聖達節,賢守節,下失節。 「天下有道,丘不與易。」苟 亂 但爲救 孔子爲達 臣 如 有 不 可從 民 小 用

常義不足以窺聖人也。其卒不往者,殆惜己,不知救民,孔子亦賢者而已,固知節之聖,故無可無不可。不然,則愛名

人任焉,敏則有功,惠則足以使人。」寬,信,敏,惠。恭則不侮,寬則得衆,信則者於天下爲仁矣。」請問之。曰:「恭,一分張問仁於孔子。孔子曰:「能行五公山早敗,或誠意不足耳。

「弗盻」。○佛肸召,子欲往。皇本作「胇肸」、《古今人表》作

佛肸,晉趙氏之中牟宰,以中牟畔趙。

牟畔,子之往也,如之何?」於其身爲不善者,君子不入也。」佛肸以中子路曰: 「昔者由也聞諸夫子曰: 『親

二六八

不人其黨也。此以止夫子之行。親,猶自也。不入,此以止夫子之行。親,猶自也。不入,子路守節疾惡,恐佛肸之浼夫子,故問

而後無可無不可。若堅白不足,而欲自濁亂,濁亂不能污。」蓋磨不磷,涅不緇,涅石。孔氏曰:「至堅者磨之而不薄,磷,薄也。涅,礬石,可染阜,楚人謂之磷,薄也。涅,礬石,可染阜,楚人謂之

吾豈匏瓜也哉? 聖之大小、廣狹、經權,皆可見矣。 然必 子之達權,子路之守身,孔子之行仁,賢 之召,皆不悦而力諫。子路之守節,孔 子路勇於守義,故見南子,赴公山、佛肸 之智也。」佛肸、公山之召,孔子皆欲往, 匏,瓠也,《詩》: 試於磨、涅,其不磷、緇也幾 無人間名義之絆繫,非聖人孰能爲此? 救時之急,拯溺之仁,行其心之安,而 終不可爲耳。 卒不往者,知其人之終不可變,而事之 下無不可變之人,無不可爲之事也。 如不食之物,繫滯 夫子於公山、佛肸之召,皆欲往者,以天 子今日之所言,聖人體道之大權也。 「子路昔者之所聞,君子守身之常法,夫 一處而不可食。 一則與物之仁,一則知人 焉能繫而不食?」 一處也。張敬夫曰 吾自東西南北,不能 「匏有苦葉。」故可繫 其 絶

> 破戒。 什之吞針,則可破戒,不能吞針,則不 人之戒,無謬託於聖人也。 不堪磨染,觸輒損污,則宜仍守不善不 皓皓自由,無 現,黑暗皆明,如蓮華出水,污泥難染, 堅白之至,乃 聖道甚大,不設一義,學者宜自 所不可。若堅白不足,則 可 不 畏 磷 緇。 能爲鳩 若皎 H 摩 羅 類 可

蔽,遮掩也。 乎?」對曰:「未也。」皇本「由」下無「也」字。 ○子曰:「由也! 女聞六言六蔽矣

量焉。

「居! 吾語女。皇本「居」上有「日」字。

諭子路,使還坐而告之。《禮》,君子問更端,則起而對。故孔子

也亂,好剛不好學,其蔽也狂。」直不好學,其蔽也絞,好勇不好學,其蔽也減,好,其蔽也賊,好其蔽也賊,好信不好學,其蔽也賊,好以不好學,其蔽也愚,好知不好學,

絞剥。 蔽。 生害。 所蔽。 高 待死,徒以自戕。 然諾必重,無學以裁之,則如尾生抱橋 若莊、列與佛及九十六道。有信質者, 則求智必甚,無學以節之,則高遠放蕩, 之,則可陷可罔,愚而無益。有知質者, 求時中。 偏也。」事各有宜,物各有節,若偏過 者、未能好學以明之也、故告之以此。 也。范氏曰: 者,剛之發; 無學以量之,則如直 曰勇,曰剛,曰信,曰直,又皆所以救其 極 言皆美德, 若有仁質者,博愛必甚,無學以裁 廣而放佚。 故有美質者,必當講學窮理,以 愚,若可陷 有勇質者,果敢向前,無學以調 若質美 然不 「子路勇於爲善,其失之 剛者,勇之體。狂,躁率 而不學,即 賊,謂傷害於物。 有直質者,不能委曲 口 學以明其 躬 罔之類。 證父攘羊,至於 理 爲其質所 則 謂 各 則 勇 窮 有

> 俠,輕身徇人,冒於文網而犯公議 手。《書》之教胄子曰: 與《書》之《臯陶》九德,《洪範》三德,可 勇、剛,故多舉其質之近者而戒之。此 觸犯,必至狂妄。子路近於仁、信、直、 剛質者,不屑佞柔,無學以和之,則披猖 而無虐。」亦歸之於學,庶幾近焉。 參玩。而此則斷之以學,尤爲有所下 則 血 氣 張 僨, 必 至作亂, 「簡而無傲,剛 若刺客 有 游

○子曰:「小子何莫學夫詩? 小子,弟子也。

詩,可以興,

感發志意。

可以觀。

可以羣, 考見得失。

可以怨。 和而不流。

七〇

怨而不怒。

「邇之事父,遠之事君,

人倫之道,詩無不備,二者舉重而言。

詩之法,此章盡之。讀是經者,所宜盡藥,備養生。蓋博物之學,孔子所重,學其緒餘,又足以資多識,知物性,考醫多識於鳥獸草木之名。」

面而立也與?」皇本「召」作「邵」。 乎? 人而不爲《周南》、《召南》,其猶正牆少子謂伯魚曰: 「女爲《周南》、《召南》矣

心也。

起化夫婦,終化天下。正牆面而立,言處,道至切近莫如男女也。脩身齊家,名,所言皆男女之事最多。蓋人道相爲,猶學也。《周南》、《召南》、《詩》首篇面而立也與,「臺灣內

云樂云,鍾鼓云乎哉?」唐石經作「鍾」。「鍾」與〇子曰:「禮云禮云,玉帛云乎哉? 樂至極,其餘益無可爲也。

「鐘」二文古通。

文,禮之本也。因人心物理之樂,而 跪拜。 鐘鼓,人皆以爲禮樂者,則禮樂之器數 財賄; 言,鐘 敬之意難見,則著之於享獻辭受,登 中蹈和,合同尚愛,樂之本也。 因天秩天叙之宜,而將以恭敬,飾 脩外而爲異。 志》引此,曰: 云爾,不足以當禮樂也。《漢書・ 石筦絃。蓋嘉其敬意,而不及其 和親之説難形,則發之於詩歌 美其歡心,而不流其聲音。」 同則 「樂以治内而爲同,禮以 和親,異則畏敬。 若玉帛 禮樂 以 致

○子曰: 「色属而内荏,譬諸小人,其猶

容,而内懷巧佞之心,陽爲君子,而陰實中,通也。窬,門邊小竇。外爲莊嚴之厲,威嚴也。荏,弱佞也。穿,牙在穴

則穿窬之盗也。 君子不以色親人,情疏 穿窬之盗。或説: 小人。以髙 言其無實盗名,而常畏 世 而媚世,舉 穿,穿壁; 而貌親,在小人 動 人知也。 畏 卻,有 窬, 踰 記 若

)子曰:「鄉原,德之賊也。」 子曰: 流 蓋其 乎流俗,合乎污世,居之似忠信,行之似 愿人焉。孔子以爲德之賊,何哉?」孟 世者,是鄉愿也。」萬章曰: 原與愿同,善也。 孟子曰: 非孔子所宜深美者哉? 乃以爲德賊, 堯舜之道。」夫忠信,廉潔,無可非刺,豈 廉潔,衆皆悦之,自以爲是,而不可與人 ,務爲模稜; (氣象託於老成,行誼託於謹厚,寡 善,安分守己,緘默委靡,隨波 (志士爲妄人矯激。 其持論不白不 「非之,無非, 其於世不痛不癢,務在 刺之,無刺。 閹然 「一鄉皆 媚 於 同

一子曰:「道聽而塗説,德之棄也。」以亡人國,故深惡之,爲德賊也。自全。胡廣中庸,馮道長樂,既竊美譽,

〇子曰:「鄙夫可與事君也與哉?《釋己有。在才爲棄才,在德爲棄德矣。東塗西抹,但以譁衆,則雖有所聞,亦非多識言行皆以畜德,故貴默而識之。若

「乎」。 「或作「無哉」。」《後漢書・李法傳》引「也與」作文》:「或作「無哉」。」《後漢書・李法傳》引「也與」作()子 ヒーニー 一鄙 夫 可 與 事 君 也 與 哉? 《釋

「其未得之也,患得之, 既得之,患失之。鄙夫,庸惡陋劣之稱。

何晏曰:

「患得之,謂

患不能得之。」

達之士,明知亡國之舉動,亦貪一時之故必至邪媚諂佞,無所不爲也。甚至才也。」聽從者,無所匡正,但知保其禄位,也。」聽從者,無所匡正,但知保其禄位,也。」聽從者,無所匡正,但知保其禄位,則吮癰舐痔,大則弑父與君,皆生於苟患失之,無所不至矣。」

利 者,功名不足以累其心, 所不至矣。」志於富貴,即孔子所謂鄙夫 富貴不足以累其心, 而 媚逢獻策焉,故孔子疾之。 「士之品,大槩有三: 志於富貴者,無 志於功名者, 志於道德 靳裁之

〇子曰: 「古者民有三疾,今也或是之亡

也。

貶,今之矜也忿戾, 古之愚也直,今之愚 「古之狂也肆,今之狂也蕩, 偏者,亦謂之疾。 朱子曰: 傷俗之益衰也。」 「氣失其平則爲疾,故氣禀之 昔所謂疾,今亦亡之, 古之矜也

也詐而已矣。」「廉」,魯讀作「貶」。 狂者,高志大言,而行不掩。肆,謂 狷也,不屑不潔者。 敢言,不拘小節,蕩則踰大閑矣。 ,謂稜角峭厲。 貶與砭通。貶砭與 忿戾則悖怒咈爭 矜 極 即

> 則詭 之餘,則人多矯詐。 愚謂 譎 誕妄矣。 闍 癡不明,直 此 | 歎風俗之衰。文敝 謂 質實无 (妄, 詐

樂也,惡利口之覆邦家者。」皇本「者」作「也」。 足利本無此章,唐石經先無而後添注。 〇子曰: 子曰: 倦。 朱,正色; 朱,赤心木。凡染絳,一人謂之縓,再人 聲,淫聲之哀者,惡其亂雅樂。」魏文侯 也。以黑加赤爲紫,春秋 謂之赬,三人謂之纁,四人謂之朱,正色 所謂析言破律,亂名改作,言僞而辨,記 口辨才之人,能變易玄黄,顛倒是 所謂,聽古樂則惟恐卧,聽鄭聲則惟 而博,順非而澤,爲其足以疑衆惑民, 瀆亂至道。 其易感人如此,故惡其奪正也。 「巧言令色,鮮矣仁。」重出。古本、 「惡紫之奪朱也,惡鄭聲之亂雅 紫,間色。 上若何晏、王弼,下若江 包咸曰: 時好服之。 鄭 利 恐

皆惡似是而非者。 充、息夫躬之流,豈非傾邦家者耶? 此

〇子曰: 「予欲無言。」

世、若大教之本,則在無言。 也,若大教之本,則在無言。 也,若大教之本,則在無言。 故戶居而龍照,寂然不動,感而遂通。故戶居而龍照,寂然不動,感而遂通。故戶居而龍照,寂然不動,感而遂通。故戶居而龍照,寂然不動,感而遂通。故戶居而龍照,寂然不動,感而遂通。故戶居而龍照,寂然不動,感而遂通。故戶居而龍

焉,天何言哉?」「天」,魯讀「天」爲「夫」,或寫誤。子曰:「天何言哉? 四時行焉,百物生子贛以垂教必須言語,故疑而問之。子贛曰:「子如不言,則小子何述焉?」

也。神聖則亦有變通輪迴之妙體,亦有神,絶無語言,自然行生,此天之造化有變通輪迴之妙體,有發育萬物之精

化民之末,聖人仍是無言而已。 論記雖多言,大同小康雖有多法,而皆此神聖之造化也。孔子肖之。蓋六經發育萬物之精神,不待語言,但見化生,

○孺悲欲見孔子,孔子辭以疾。將命者出○孺悲欲見孔子,孔子辭以疾。將命者出○孺悲欲見孔子,當學喪禮於孔子。當是時,中,取瑟而歌,使之聞之。

○宰我問:「三年之喪,期已久矣。《史

别有故乎?

樂,樂必崩。 「君子三年不爲禮,禮必壞, 三年不爲

期,周年也。

恐居喪不習,而崩壞也。

「舊穀既没,新穀既升,鑽燧改火,期可已

矣し

上也。 是,盡也。升,登也。燧,取火之木也。 是,盡也。升,登也。燧,取火之木也。 是,盡也。升,登也。燧,取火之木也。 是,盡也。升,登也。燧,取火之木也。

有「也」字。「日安」下有「日」字。 爲也。今女安,則爲之!」皇本「稻」下、「錦」下喪,食旨不甘,聞樂不樂,居處不安,故不臣:「安。」「女安,則爲之! 夫君子之居子曰:「食夫稻,衣夫錦,於女安乎?」

動其不忍之心也。 心之不安。若汝安,則汝爲之,反辭以美也。言三年之喪,非强爲之,本於人

年,然後免於父母之懷。夫三年之喪,天宰我出。子曰:「予之不仁也! 子生三

乎?」漢石經無「乎」字,或缺。下之通喪也,予也有三年之愛於其父母

我以爲舊制期已可矣,不必加隆,乃與 之,父傳種,母懷妊,未極其勞,惟既生 意。人義莫尚於報,天生魂 孔子商略之詞,孔子乃發明必須三年之 或期也。 古者,喪期無數記,至親以期斷,則周 父母之懷。此三年中,子不能自爲人, 之後,撫育顧復,備極劬勞,必歷三年, 三年之喪,蓋孔子改制所加隆也。 我之恩,昊天罔極,終身無以報之。 成立,得享人身之樂。雖其後,愛育腹 非父母不得成人,則必當如其期以報之 送死有已,復生有節,惟初生三年之恩, 飲食衣服,卧起便溺,皆父母代之,然後 而後子能言能行,少能自立,而後免於 且喪之爲義,自盡其哀思耳,非有 今歐、美、日本父母皆期喪。 而不能成 故宰 時

二七六

世。 之靈,而父母之恩哉? 所 下,至晉武帝乃爲定制。 義至明。自此,孔門推行三年喪制於天 發其理,此爲三年喪所以 勉强爲之也。羣經皆言三年喪制,而 中皆變而不爲焉,蓋本人情以制禮,非 美,皆平日所安者,至是於心不安,三年 安之意。故夫飲食音樂,衣 發於不忍之良,而於境物之美,自 年之喪制,而不敢非難。 是自伯 百官皆不欲,以 改制,以爲三年之喪承自上古,定 哀思,而 公,皆未嘗 鳴號 報 也。 則何以滕文公欲爲三年喪,而 禽至於魯悼公、叔繡 越月踰 以 今是大 國 行 家 也。 法律 旬 鳥 爲滕魯先 今人假極 而 潤 所在,亦必 後 之 能 故其哀思之切, 失羣 後儒不知 安有以一王大 然之理 已,况於 君莫 服 兀 至於 一,猶 肖 强 宫室之 行 一論,其 孔 人性 滕定 自周 有 心 父兄 之? 服 必 未 子 蹢

曰 : 三年。 篇》: 曰: 者,且以 無以 聰明,手足不勁强。 制,墨子必 年喪,墨子得减爲三月喪也。 子與父母同。 稱堯舜禹湯文武者,若三年喪爲先王之 制 是猶裸謂 墨子曰: 年之喪爲非,子之三月之喪亦非也。」子 可爲衆,失衣食之財,則 而宜减者,蓋 ,不能相非。則三年之喪,爲孔子改 律 聽治,小人無以從事。」《公孟篇》 「公孟子謂子墨子曰: 「使面目陷嘬,顔色黧黑,耳目不 若以尊卑爲歲月數,則是尊其妻 • 「其禮曰,喪父母三年期,妻後子 爲 而 撅者 「子以三年之喪非三月之喪」 非? 駆 不敢攻。 古 世 不恭也。」言皆非先王之 逆孰大焉。」《節葬 無定制 千年,諸 即宰我之賢,亦 敗男女之交,則不 今《墨子 ,故孔子加 不可爲富,君子 侯 大 夫 子 無 非 亦 爲 儒 服

趙宣 服畢。 解矣。 又 曰: 進則爲三十六日服,王修則爲六年服, 漢時未定三年喪制,故人各自由。 爲二十七月,今用之則誤也。唐王玄感 通 也。至晉武帝定制後,乃至今二千年爲 喪,專爲父母者,其及他者,則從服也。 誤解以爲三十六月,益大謬也。三年之 期二十四月而大祥,祥而鼓素琴,喪已 制 制。 至 明。 則爲二十餘年服,皆過於厚薄者 中月而禫,於是月之中行禫祭而 鄭玄説,以中月爲中隔一月,故 焉使倍之,●故再期也。」蓋 三年者,實二年。《記•三年 「三年之喪,二十五月 而 翟方 畢。」 再

注:「六貳之博,即六博也。」王逸注《荀子・大略篇》:「六貳之博」,楊倞哉! 不有博弈者乎? 爲之,猶賢乎已。」〇子曰:「飽食終日,無所用心,難矣

《説文》云: 《楚辭》云: 以竹爲之,長六分,或用三箸。」《列子・ 子各一百五十枚。」焦氏循《孟子正 横各十七道,合二百八十九道,白黑 之,二名牽魚,每一牽魚獲二籌,翻一魚 中,名爲水。用棋十二枚,法六白六黑, 説符》釋文引《六博經》云:「博,二人 雜記》:「許博昌善陸博。 博。」今之博局,亦二六相對 弈論》注引邯鄲淳《藝經》曰: 翻雙魚。彼家獲六籌爲大勝也。」弈者, 獲三籌。 若已牽兩魚而不勝者,名曰被 又用魚二枚,置於水中。其擲采以瓊爲 相對坐向局。局分爲十二道,兩頭當 「博,蓋即今之雙陸; ゛「弈,圍棋也。」《文選・博 「投六箸,行六 也。 棋,故曰六 法用六箸, 「棋局 《西京 棋 縱

0

[「]焉」字,原誤作「正與」二字。

之,或且逸欲横生矣。 明, 有功; 已,止也。心之精神謂之聖,用之事 文》: 用之物理,則窮化而知新。 物物,皆能緣入,用之道德,則行日起 采,遂稱擲采爲博,博與弈益遠矣。」《説 六十一道,亦其例也。蓋弈但行棋,博 鎚,尚 以擲采而後行棋。後人不 如弈,古用二百八十九道,今則用三百 雙陸,枰上亦有水門,其法古今有不同。 而鋭,如箭,亦 ,愈用而愈明,愈用而 用之技藝,則可以養生 若不用,則如涸 可考見其狀,故有箭箸之名。 以其 「博,局戲也。」用已盛 其局 用之學問,則聞 同 同 如箸。 用 於枰、皆謂之棋。 板 平 今雙陸,其俗謂之 承 雖用之博弈,廢 泉枯井,如 愈鋭 於下 見博 此天特與 行棋而專擲 ,有欲罷 而 則皆 行久矣。 圃 進 道 知 上 謂 塞 益 人 而 事 ; 高 Ż

之日人愚癡,爲大不可耳。者。聖人非教人博弈,乃極言不用心者日玩時,而智慧日生,尚勝於絕不用心

字。《漢書・地理志》引「無義」爲「亡義」、「爲」上有「則」字。《漢書・地理志》引「無義」爲「亡義」、「爲」上有「則」字。《漢書・地理志》引「無義」爲而、無義爲亂、小人子義以爲上、君子有勇而無義爲亂、小人子義以爲上、君子尚勇乎?」子曰:「君子過勇乎?」子曰:「君

《禮 義 ; 敢强 也; 於戰勝則無敵,用之於禮 所貴於勇敢者,貴其敢行 立義 位而言者也。義以爲尚,則 尚,上之也。 之謂勇敢。 所謂浩然之氣,至大至剛,配義 聘義》云: 也, 有力者,天下無事,則用之於 天下有事,則用之於戰 所貴於有行者,貴其行禮 故所貴於勇敢者,貴其能以 所貴 君子爲亂 於立義者,貴其 「有行之謂 小小 1禮義 義 Ĺ 則 爲大勇 有義,有義 爲 順 勝。 也。 與道也。 盗 也。 治 有行 故 用 勇 故

之亂人。 貴勇敢强 然惟利之見,是賈盜之勇。」二文並可證 又《荀子・榮辱篇》: 不用於禮義戰勝,而用之於爭鬭 無敵,内順 此章之義。《史記》:「子路好勇力,志 財,無辭讓,果敢而振,猛貪而戾,侔侔 刑罰行於國,所誅者亂人也。」 有 治,此之謂盛德。故聖王之 力如此 也。 勇敢强有力, 「爲事利,爭貨 門則謂

室。

聖人博愛,故子贛疑而問有惡否。問」字。今本「君子」下有「亦」字,漢石經無,今從石經。〇子贛曰:「君子有惡乎?」 皇本「子貢」下有

之義

也。

可窺聖人陶鑄之法。

所以深折其舊日自矜之質,而進以大道

人請爲弟子。」而問勇,夫子答之如此,設禮稍誘子路,子路後儒服委贊,因門

作「有惡」,漢石經無「惡」字。又今本作「居下流」,漢石上者,惡勇而無禮者,惡果敢而室者。」今本子曰:「有。惡稱人之惡者,惡居下而訕

「窒」,魯《論》作「室」,韓勑《修孔廟後碑》亦以「窒」爲《白六帖》與《四輩經》、《比丘尼經音義》引亦無「流」字。經與《鹽鐵論》、《漢書・朱雲傳》無之,今皆從漢石經。

皇侃 室與窒 訕。」室,犯戾也。稱人惡,則谿刻 室中同、《史記》作「室」。 皆孔子之所惡也。勇無禮,則爲亂,果 室,則膽大妄爲。是四者,無忠敬之心, 厚之意; 上。』《少儀》: 而室,則妄作,故夫子惡之。 EI. 勇無禮,則犯上作亂, 通。《漢 下訕上,則悖 「惡爲人臣下而毀謗 「爲人臣下者,有 書・功臣表》有清簡 訕,謗毀也。 逆無忠 果敢而 諫 敬之 其 無 而 君 侯 無

伉直,冠雄雞,佩猳豚,陵暴孔子。

用此。「衡」,鄭本作「絞」,《中論》:「絞急以爲智」,作「也」。「徼」,鄭本作「絞」,《中論》:「絞急以爲智」,惡不孫以爲勇者,惡計以爲直者。」皇本「乎」曰:「賜也亦有惡乎?」「惡徼以爲知者,曰:「賜也亦有惡乎?」「惡徼以爲知者,

「惡徼」以下,子贛之言也。徼,抄也,謂

二七九

若此,學者亦可自省爲聖賢所惡否也?非真知勇直,故子贛惡之。聖賢之所惡智。自反而不縮,雖褐寬博,吾不凌焉,皆。自反而不縮,雖褐寬博,吾不凌焉,皆人之見,以爲己有。訐,謂攻發人之抄人之見,以爲己有。訐,謂攻發人之

作「遜」。
「唯・一」字、「孫」作「遜」、《魏志》黄初三年令亦作「惟」、下無「也」字、「孫」作「遜」、《魏書・爰延傳》引「唯」之。皇本「怨」上有「有」字。《後漢書・爰延傳》引「唯」則不孫、遠之則怨。」「女子」、本又作「竪子」、今從則不孫、遠之則怨。」「女子」、本又作「竪子」、今從○子曰:「唯竪子與小人爲難養也,近之

凡聖賢之所惡,皆所謂惡不仁者也。

若始誤近之過甚,則後難處之矣。 寵之而假其權,後勿過絶之而薄其恩。 易養,惟當謹之於始,善擇其人。先勿太 易養,惟當謹之於始,善擇其人。先勿太 多有才而令人親愛者,然遠近皆難,故不 多有,謂僕隸之類, 小人,謂人之無學

「年卌而見惡焉,其終也已。」漢

《注》《孝經》云:「卌强而仕。」年卌以上。」《雍文》引鄭年卌以上。」《雍勸闕碑》云:「年卌五」。《釋文》引鄭經。《説文》無「卌」字,足証爲今文。漢《孔和碑》:「選石經作「年卌見惡焉」,今本作「四十」,意同,不如從漢石

論語注卷之十七終

二人〇

論語注卷之十八

南海康有爲學

章《集解》作十四章,疑「四」爲「一」之誤。 凡十一微子第十八此篇多記聖賢之出處。 凡十一

○微子去之,箕子爲之奴,比干諫而死。○微子去之,以存宗祀。箕子、比干皆無道,去之,以存宗祀。箕子、比干皆無道,去之,以存宗祀。箕子、比干皆無道,去之,以存宗祀。微子名啓,箕。《史記》、子名胥餘,與比干皆紂諸父。《史記》、子名胥餘,與比干皆紂諸父。《史記》、公微子去之,箕子爲之奴,比干諫而死。

比干,忠之窮也。」故或盡材而止,或盡夏侯元曰:「微子,仕之窮也, 箕子、孔子曰:「殷有三仁焉。」

取?
○柳下惠爲士師,三黜。人曰:「子未可以去乎」。「邦」,漢石經作「國」,《風俗通》同,或避漢諱乎」、《新序・雜事篇》、《後漢書・崔骃傳注》引作「可以《荀子》:「展禽三絀」,「絀」即「黜」字。「子未可以去三點? 枉道而事人,何必去父母之邦?」三點。人曰:「子未可以去乎?」曰:「直道而事人,焉往而不以去乎?」曰:「直道而事人,焉往而不以去乎?」曰:「直道而事人,焉往而不以去乎?」曰:「百道而事人,焉往而不以去乎。

士師,理官。黜,退也。柳下惠三黜不

能 齊 其不能枉道之意,則 直道則必黜,枉道不可行,悠悠千古,竟 者,是所謂必以其道而不自失焉者也。 不出是。但君子終不肯枉道求容耳。 而不 景公待孔子曰: 以季、孟之間待之。」曰: 「吾老矣, 而 油 怨,阨 油 與 故 窮 國 而 偕, 不憫,可 「若季氏,則吾不 有 蓋 確 其 乎其 深 謂 悉 和 時 不可拔 風 遺

不能用也。」孔子行。「待」、《史記》作「止」。 嬰進 財。」 魯三卿,季氏最貴,孟氏爲下卿。孔子 有間,今孔子盛容飾繁,登降之禮,趨 産厚葬,不可以爲俗,游説乞貸,不可 之節,累世不能殫其學,窮年不能究其 國。 傲 齊,景公問政,孔子曰: 自 曰: 景公説,將欲以尼谿田封孔子。 順,不可以 自大賢之息,周室既衰,禮樂 「夫儒者,滑稽而 爲下。 崇喪遂哀,破 不可軌法。 「政在節 翔 缺 以

> 禮 也。 年已六十,故云老。孔子蓋一厄於晏嬰 孔子,孔子聞之。景公曰: 日,景公止孔子曰: 「奉子以季 也。」後景公敬見孔子,不問 猛 慝,人主非有獨斷之聰,排讒之勇,罕有 嘗不知慕聖,虚己大用,而卒不能。 蓠 之異道,再厄於諸大夫之妒讒。 景公未 不能用也。」孔子遂行,反乎魯。時景公 不能,以季、孟之間待之。」齊大夫欲害 能終者。故先主之於諸葛,苻堅之於王 古聖賢之被用,多厄於左右親貴之間 一,若欲 ,德威廉之於俾思麥,所以獨有千古 用 之以 移 齊 俗, 非 所 其 「吾老矣, 以 禮 先 下氏,吾 細 民

○齊人歸女樂,季桓子受之,三日不朝,孔
○齊人歸女樂,季桓子受之,三日不朝,孔

行,宿乎屯。

而師己送,曰:

『夫子則

郊,又不致膰

俎於大夫。

孔子遂

猶可以止。]桓子卒受齊女樂,三日不

「魯今且郊,如致膰乎大夫,則

吾

子路曰:

『夫子可以行矣。』孔子

魯君爲周道游,往觀終日,怠於政

罪我 此,而士人之去就如彼。 記强鄰間賢,而魯君相好色不好德,致 己反,以實告,桓子喟然歎曰: 以死敗。 非罪。1孔子曰: 去官即去國,免於羈留。 矣。此見孔子見幾之速,辭官之勇。 大聖辭官。 「彼婦之口,可以 以羣婢故也夫。」孔子遂適 蓋 優哉游哉,維 蓋君相有倦 出走, 『吾歌可夫?』歌 古政綱之寬如 心,則色斯 以卒歲!」師 彼婦之謁, 御。」此 『夫子 日 舉 丽 可

组 曰:

『請先嘗沮之。沮之而

不可

則

近焉,我之爲先並矣。

盍致地焉?』犁

者别

於塗,塗不拾遺,

四方之客

至

平

而懼

· · 曰: 『孔子爲政必霸,霸則吾

地

邑者,不求有司,皆予之以歸。齊

人

聞

行相

事三月。粥羔豚者弗飾賈,男

女行

公十四年,孔子年五十六,由大司寇攝

季桓

子,魯大夫,名斯。《史記》:

致地

,庸遲乎?」於是選齊國中女子好

三十駟,遺魯君。

陳女樂文馬於魯城

南

十人,皆衣文衣而舞《康樂

》,文馬

外。

季桓子微服往觀再三,將受,

○楚狂接興歌而過孔子曰:「鳳兮鳳經及皇本、高麗本皆有「也」字,今本無之。

莊子·逍遥游篇》稱接輿、《應帝王》稱

二八三

譏其 被 隱士宗旨不同,欲以感切孔子者也。 子將適楚,楚之狂士接輿歌而過前。 爲陸通,似謬。 詩外傳》稱楚狂接 接 日: 問篇》曰: 殆,言亂世危邦之貴要有禍患也。《憲 言出處之道,惟其時而已。今之從政者 及今尚 有道則見,無道則隱,接輿以比孔子,而 意,古文之「已而已而」,即從此 殆乎殆乎,畫 已矣」,語勢相類。《莊子・人間世》載 髪 稱 吾見 接 不能隱,爲德衰也。 而 詞曰 「期可已矣」,下章曰: 輿。 陽 狂 可隱去。 接 狂。《楚辭》稱接輿髠首。 : 輿。 「斯已而已矣」、《陽貨篇》 秦策》稱接輿漆身而 地 「已乎已乎, 臨人以德 惟 《荀子 加 期,時也。 接輿是隱士姓名。 興躬耕。 趨。」蓋古人引文多 堯問 來者可追,言 《高士傳》以 殆,危也。 **×**, 出 「其斯而 史記 爲 《 韓 属 孔 以

言。「辟」,皇本作「避」,「不得與之言」下有「也」字。孔子下,欲與之言。趨而辟之,不得與之

引,皆可見焉。 引,皆可見焉。 以亦大隱之至。特發歌以致諷,不可謂不淡水動拳, 急趨辟而不言,不可謂不淡此亦大隱之至。特發歌以致諷,不可謂之,之義,楚狂自有旨趣,故不欲聞而辟之,孔子下車,蓋知爲異人,欲告之以救世

《史記·世家》叙此於去葉反蔡之時,爲 長,身高者, 其身體行義記之。 蕢、晨門,及沮、溺,皆大隱無名,此略以 記者名其隱淪之意。 爲耦。」蓋播 哀六年,孔子年六十四也。 「長沮、桀溺,隱者也。 種 桀,身短者; 於畝 中。 凡楚狂、丈人、荷 耜,廣五寸,二耜 津,濟渡 鄭氏玄曰: 沮、溺,亦

皇本「誰」下有「子」字,「曰是」上有「對」字。有「子」字,「是」下無「也」字「曰」字,與今本殊,今從之。「是」。「是知津矣。」「奧」,漢石經作「車」,「誰」下「爲孔丘。」 曰:「是魯孔丘與?」曰:長沮曰:「夫執車者爲誰子?」子路曰:

孔子數周流,自知津處。轡,今下問津,故夫子代之也。知津,譏執車,執轡在車也。蓋本子路御而執

题」,當是齊古《論》,今從石經。 一部以從司兮,安慆慆而不萉。」「滔滔」是魯《論》。漢石經作「避世」,今依之。漢石經作「擾不輟。《釋文》: 一部以易之? 且而與其從辟人之士也,一部以楊之。 曰:「滔滔」是魯《論》。漢五也,一本作「子」,是。今作「孔丘之徒與」。」 一部以易之? 且而與其從辟人之士也,一部以從司兮,安慆慆而不萉。」「滔滔」者天下皆是也, 一部以為之。 曰:「滔滔」是魯《論》。漢五也, 一部以為之。 曰:「滔滔」是魯《論》。漢五經 作「避世」,今依之。漢石經作「擾不輟」,今本作「耰也, 一部世」,今依之。漢石經作「擾不輟」,今本作「耰一與。」 對「爲仲由。」曰:「是魯孔丘之徒與?」對 問於桀溺。桀溺曰:「子爲誰?」曰:

時孔子周流,名聞天下,故隱士亦知之。

曰辟世。 曰辟世。 曰辟世。 就一年人。沮、溺與楚狂種也。輟,止也。亦不告以津處。以孔曆也。輟,止也。亦不告以津處。以孔辟人,謂孔子。辟世,桀溺自謂。耰,覆天下皆亂,將誰與變易之。而,汝也。言滔滔,流而不反之意。以,猶與也。言

漢石經。皇本「羣」下有「也」字。 石經無「行」字、「夫」字、《史記·世家》亦無「行」字、今從丘不與易也。」今本「子路行以告。夫子憮然」。漢羣,吾非斯人之徒與而誰與? 天下有道,子路以告。子憮然曰:「鳥獸不可與同

樂,則無所事聖人,聖人亦從衆而嬉耳。獲,若己納隍,若世已太平,斯人盡安盡養,若己納隍,若世已太平,斯人盡安盡、進,進置之大同,退亦欲置之小康。、此生人身,則與人爲羣,當安而懷之。、性然,猶悵然,惜其不論己救世之意也。

○子路從而後,遇丈人,以杖荷蓧。子路 ○子路從而後,遇丈人,以杖荷蓧。子路 ○子路從而後,遇丈人,以杖荷蓧。子路 ○子路從而後,遇丈人,以杖荷蓧。子路

其土,以附苗根。比成壠盡而根深。」故志》: 「苗生三葉以上,稍耨壠草,因壝也。置,措之地也。耘,除草也。《食货辨菽麥爾,責其不事農業,而從師遠游辨菽麥爾,責其不事農業,而從師遠游四體,四肢,股肱也。五穀不分,猶言不回咸曰: 「丈人,老人也。篠,竹器。」

耘不獨除草,且可茂苗也

子路拱而立。

正背,臂如抱鼓,足間二寸,端面攝纓, 正背,臂如抱鼓,足間二寸,端面攝纓, 正背,臂如抱鼓,足間二寸,端面攝纓, 正背,臂如抱鼓,足間二寸,端面攝纓, 更子&新書・容經》:「固頤正視,平肩

黍,禾之黏者。

明日,子路行以告。子曰:

去之,以滅其跡。亦楚狂之意也。世之義。而丈人意子路必將復來,故先孔子使子路反見之,蓋欲告之以行道救子路反見之。至,則行矣。

道之不行,已知之矣。」今本作「君臣之義」,「廢其身,而亂大倫。君子之仕也,行其義也。也, 君臣之禮,如之何其廢之也? 欲絜子路曰:「不仕無義。長幼之節,不可廢

隱者也。」使

之」下無「也」字,今從漢石經。

用,豈 也。 之義、發其不忍之心也。如親戚有疾、 子之栖栖周流,皇皇從仕,以行其救民 氣於天,凡人類皆同 雖有污君,吾亦盡其救民之心。蓋人分 也。」君臣之義,皆在救民,但有尊卑耳, 子路或留告其 弱,權臣世家之妒,中知以下知必不見 不行,久已知之,所謂知其不可而爲之 雖知不愈,仍必奔走求藥以救之。 子之仁也。 流之苦,救民之切。 天職又不敢廢也。 樂哉? 知不 年周流栖栖,不厭不倦。甚矣! 蓋 |孔子之聖而不知之哉? 當時齊景、衛靈之昏,陳、蔡之 行而不舍,累遭譏 而不忍之心既不能 孔子豈不知潔身遠避之爲 (子也。 此數章皆見孔子周 '胞,義當救之。 明知亂世而特來, 包 曰: 諷 恝,救民之 「倫,道 而接引不 然仍數 道之 理 孔

之爲至仁,萬世下猶當感動也。倦。與欲就佛肸、公山數章合讀,孔子

柳下惠、少連。「夷逸」,漢石經作「夷佚」,今從之。 ○逸民: 逸者,節行超逸也, 《 禮 逸民,有德而隱處者。虞仲,即仲雍,與 以比 裔。 泰伯同竄荆蠻者,雖後爲君,而隱之時 佚。 軛以 亦民也。《尸子》: 善居喪,三日不怠,三月不解。 子後,恐非仲弓,不足信據。 三年憂,東夷之子也。」朱張 一此七人,皆逸民之賢者。」 雜記》: 耕於野,不忍被繡入廟而爲犧。」 或勸其仕,曰: !孔子。」然朱張在孔子前,仲弓在孔 王弼注謂: 伯夷、叔齊、虞仲、夷佚、朱張 「孔子曰: 「朱張,字仲弓,荀卿 「夷逸,夷詭諸之 民者,無位之稱; 「吾譬則牛,甯 少連、大連 則傳記 包咸 期悲哀, 皆 服

子曰:「不降其志,不辱其身,伯夷、叔齊

二八上

與!

事亂人,故曰不降志辱身。 天子不得臣,諸侯不得官,直己行道,不

經作「其斯以乎」,今從之。倫,行中慮,其斯以乎。」今本「其斯而已矣」,漢石謂:「柳下惠、少連,降志辱身矣,言中謂:「柳下惠、少連,降志辱身矣,言中

言論合理,謀慮必得也。應,意料也。謂降志辱身。倫,理也。慮,意料也。謂柳下惠、少連食禄亂朝,道不能行,故爲

故今從鄭。 故今從鄭。 「虞仲、夷佚、隱居放言、身中清、發調。 「虞仲、夷佚、隱居放言、身中清、發調。 故傳《稱經日記》謂:「魯《論》作「發」。」馬融只傳古文。 文》:「「廢」,馬云「棄也」,鄭作「發」。」馬融只傳古文。 文》:「虞仲、夷佚、隱居放言,身中清,發調。

身中清也, 晦明以遠害,發動中權《疏》引江熙曰:「超然出於埃塵之表,仲雍居吴,斷髮文身,裸以爲飾。皇

仲、佚之放言,必有奇瑋絶特之論,故孔尾,寓言之比也。法之盧騷亦其類也。也。」此作發之正義。放言,如莊生曳

·我則異於是,無可無不可。」 子稱之,惜後世不傳。

○大師摯適齊, 鄭曰: 道黄,人各有見,而皆不得其真相者也。 聲無 時。孔子雖尊稱之,而無一從之。蓋 教之人,故各立特行,造作論説,有名於 速」,所謂無可無不可。 七子皆周 所謂聖而 而得其中。聲色之以化民,皆末, 子兼備萬法,其運無乎不在,與時變 可以止則止,可以久則久,可以 否之間。」 孟子曰: 屈。」《法言》謂: 臭,乃爲天載。 「不爲夷、齊之清,不爲惠、連之 不可測之謂神,孔子哉 「李仲元不夷不惠,可 如五色之珠,説青 「孔子可以仕則仕, 速 時 通 孔 削 創

亞飯干適楚,三飯繚適蔡,四飯缺適秦,大師,殷紂時樂官之長,摯,其名也。

包曰: 「三飯、四飯,樂章名,各異師,

繚、缺皆名也。」

包曰:「鼓,擊鼓者。方叔,名。人,謂鼓方叔入于河,「于」,今本作「於」,皇本作「于」。

居其河内。」

播鼗武人于漠,

而摇之,則旁耳還自擊。武,名也。漢,播,摇也。鼗,小鼓。兩旁有耳,持其柄

漢中。

亦應作「于」。以上皇本及唐石經考之,則「于河」、「于漢」經作「于」。以上皇本及唐石經考之,則「于河」、「于漢」少師陽、擊磬襄入于海。「于」,今本作「於」,漢石

守職之人,皆奔走逃亡,入于河海。」《漢夷、太公皆當世賢者,隱處而不爲臣,紂,逆天暴物,殺戮賢知,殘賊百姓。伯海島也。董仲舒《對策》曰:「至于殷少師,樂官之佐。陽、襄,二人名。海,少師,樂官之佐。陽、襄,二人名。海,

書・古今人表》列大師擊於殷末周前, 書、古今人表》列大師擊於殷末周前, 書、古今人表》列大師擊於殷末周前, 一太師疵,少師彊,抱其樂器而奔周。」 「太師疵,少師彊,抱其樂器而奔周。」 「太師疵,少師彊,抱其樂器而奔周。」 「太師疵,少師彊,與說諸侯,或人河 「本師疵,少師彊,與說諸侯,或人河 「太師疵,少師彊,與於歸人。樂官 「大師疵,少師彊,與於歸東先祖之樂,乃 書、古今人表》列大師擊於殷末周前,

者。

○周公謂魯公曰: 「君子不施其親,不使 ○周公謂魯公曰: 「君子不施其親,不使 ○周公謂魯公曰: 「君子不施其親,不使 ○周公謂魯公曰: 「君子不施其親,不使 ○周公謂魯公曰: 「君子不施其親,不使

魯公,周公子伯禽也。《坊記》鄭注:

開基,故傳其遺訓也 可求備。 以忘其朋友。 大故 ,謂惡逆。 其 棄忘 人則去之,在其位 四者,皆忠厚之事,魯以仁厚 也 士有百行,功過 以, 君子雖遷 用 也。 於高 則 備, 不 相除,不 位,不可 可不用。 也。

夜、叔夏、季隨、季騧。 〇周有八士: 伯達、伯适、仲突、仲忽、叔

前 國 篇》引「惟此文王」《傳》曰: 良善,而多以爲太平祥也。 仕,故記之爾。」蓋記周之盛世, 包咸曰: 多賢,蕃殖至 爲宣王時人,非 命名,鄭玄以爲成王時人,劉向、馬 八男,皆君子俊雄 也。」《古今人表》列八士於成叔、 ,皆以爲文王時人。 「周時,四 于駢孕男者四, 也。《春秋繁露 也,此天之所 乳 《逸周書 生人 八士 0 子, 四 以以 産 周 皆 皆 霍 威 郊 融 依 種 爲 和 興 而 周 得 語 以 之 韻 類

> 篇》: 粟。 篇 》: 之南 以 識》載《叔夜鼎銘》云: 皆尹氏之别以宫名者。●《薛氏 征以行,用鬻用鬻,用蘄眉壽 令南宫、伯達、史佚遷九鼎 宫 适 命南宫忽振 王 即 伯 翼于 适。 鹿臺 尹氏 \Rightarrow 逸 「叔夜鑄其鋒鼎 之財,巨橋之 周 八 士。」 書 1無疆。」 三巫。」 鐘 0 鼎 克 殷 款 亂

語注卷之十八終

論

「郊語」,實爲「郊祭」,「語」字誤。

「勵」、《逸周書》實作「厲」。

官」,疑爲「官」字之誤。

論語注卷之十九

南海康有爲學

下,篤實無若子夏,故特記之詳焉。 凡二十五次之。蓋孔門自顔子以下,穎悟莫若子貢,自曾子以子,類悟,其子,自曾子以

章

○子張曰: 「士見危致命者,見得思義,○子張曰: 「士見危致命者,原則不忘遠, 喪思哀,則能恤死,二者見則不忘遠, 喪思哀,則能恤死,二者見則不忘遠, 喪思哀,則能恤死,二者見則不忘遠, 喪思哀,其可已矣。」

爲有? 焉能爲亡?」
爲其節行,死猶不惜,財猶不貪,則其尋爲其節行,死猶不言思也。
如,則其生而近者之不遺益可見。致命恤,則其生而近者之不遺益可見。致命濟移生惑,故獨不言思也。

子、韓非皆有子張氏之儒,《大戴記 德弘,信道篤,故關於儒教甚重。子張 然,則其人無足重輕,有亦不見多,無之 賴弘德以應變,篤信以護持。荷其不 中所關係之人,一教中所擔荷之士,皆 變,而無定力負荷,守死力爭。凡一 利,因應隨時; 執德不弘,則狹小拘泥,而不能變通 論,若以道自命之人,深宜自察也。 此言,真爲治世傳教之要。 亦不見少也。如孟、荀、董子者,可謂 信道不篤,則游 無志者不足 移 世 荀 執 遷

及。 所謂 遠 將 ,問十世,尊賢容衆,嘉善矜 .黑,顛倒高下,此孔道所以不明也 軍文子篇 語》所記。 後人誤尊曾子,遂抑子張,是目 德弘信篤者, 迥非曾子、子夏 》孔子稱 觀之問仁,問 子 張 與 明,問 顔 不 子 能,真 , 並 行,問 所 迷 能 合

文》:「「距」,本作「拒」。」漢石經作「距」,今從之。 邢 吾所聞: 與之,其不可者距之。二子張曰: 不賢與,人將距我,如之何其距人也?」《釋 「子夏云何?」對曰: 〈疏》、《集注》本皆作「拒」。 漢石經「可者」下「者距」上, 子夏之門人問交於子張。子張 我之大賢與,於人何所不容? 君子尊賢而容衆,嘉善而矜不 「子夏日: 互異 『可者 我之 日 平 :

子,慎其初交,無比匪 也。」蓋子夏固守約者,以之爲門人小 未嘗不宜也。 朱子曰:「子夏之言迫狹,子 子張之説乃深得聖道 人,無親損友,亦 張譏 之是 凡闕四字,疑漢本無其字。

者。 子也。 獎風 之量,有因物付物之懷。 恕,衆則容之,不能則矜之,有萬物一體 道,豈斯人吾與之意乎? 皆在於己,方當自責,復何不容? 道廣,固勝於李膺門高。 朱子以爲 人,正爾如 各有當,時各有宜,而同類不收,自隘其 堯則並容共、驩,孔子稱其天大。 舜於 流 賢 蓋朱子亦守約之人,於此未 、過高,妄議子張,則是妄議孔 四 則尊之,善則 此,則子張之所得 罪 流放,孔子稱爲君哉, 嘉之, 且百姓有過 竊窺孔子之待 文推 可知 太邱 有得 雖位 施 也。 仁

文志》引作「弗」。 致遠恐泥,是以君子不爲也。」「不」、《漢書・藝 ○子夏日: 「雖小道,必有可觀 者 焉

鄭 曰: 陷不 可 通 觀 致 也。 「小道,如今諸 遠則泥矣,故君子不爲 皆 有所明,而 子 書 不 能 也。」 相 泥 通

亞丹之資生學,奈端之重學,富蘭克 多,安得盡爲傳教者? 發之,乃爲傳教之高言。而天下之人甚 暇爲小道也。 之大道。故君子擇焉,志乎大道,則不 鼻口,皆有所明而不能相通,不如孔子 但若欲經世立教,致之遠大,則 百家衆技,凡有立於世者,其中各有精 之電學,華忒之機器,皆轉移世宙,利物 精致用。近世若哥白尼之天文學,斯密 於言,而不通其意也。 前民,致遠甚矣。言各有爲,學者勿泥 觀 覽 凡 此子夏專爲學孔子大道 人自可學之以 但各執一技,求 如耳

日就月將,緝熙光明矣。此指進德修業不温故則有得而亦忘,二者合爲之,則學在温故知新,不知新則守舊而不進,能,可謂好學也已矣。」「亡」讀作「無」,古通。〇子夏曰:「日知其所亡,月無忘其所

在其中矣。」《後漢書・章帝紀》正經義誤引作孔子語。)子夏曰: 更出 之功,分課日月,至爲明切,後世亦不能 關。 先之。此皆學問思辨之事,未及 私,從何下手? 孔門教人,以求仁爲事。 屈 其精理,則息息皆與玄天相通,與萬物相 不汎濫。然人言動之習慣,雖極尋常, 於切近。有篤志者,精神凝結,其問思自 人,己達達人,故道雖極乎高遠,而行 中矣。蓋仁者人也,爲仁由己,己立 而爲仁。然存養既熟,不求仁而仁 原問天,王陽明思竹,亦未爲過也 新義,學者終其身以 既相關通矣,則思問之亦爲切近,雖 「博學而篤志,切問而近思,仁 故必自道問學,尊德 但空言博愛 爲課程 可也。 乎力 在 立 其 先 行 而

致,極也。肆,謂工人造作之處。學,謂

以

致其道。」

○子夏曰:

「百工居肆以成其事,君子學

二九三

處,工 學 必 孤 苟閉門獨 肆乃成事,君子亦必居學校乃致道也。 與士處,四民不雜,而後業成。」工必 成,不勞而能。《管子》所謂: 相 出於學校,蓋深得之矣。 觀而善之謂 陋 而 與工 凡 寡 聞 .學,則無講習漸摩之益,則必 藝業, 處,商與商處,農與農處,士 ,勤苦而難成。 摩,耳濡 必合羣 目 講 染,故不肅 習 今歐美百業 而 「羣萃 後 精 居 州 蓋 而

衍「則」字。 ○子夏曰:「小人之過也必文。」皇本「必」下

於小人歟! 於小人歟! 於小人歟! 於小人數! 於一文的之。才一之一之一,則一一 於一之。若君子,通達光明,知人 文,能之也。小人魂昏魄重,卑污詭曲,

作「嚴」。」皇本作「嚴」,邢本作「儼」。即之也温,聽其言也厲。」「儼」、《釋文》:「本或〇子夏曰:「君子有三變: 望之儼然,

與「巧言令色」之「鮮仁」相反數!四時也。色温則可親,言厲則無私,其孔子全之。如良玉温潤而栗,所謂氣備辭之正。他人儼然,則不温,則不厲,惟儼然者,貌之莊。温者,色之和。厲者,

則以爲厲己也。信而後諫, 誇己也。」鄭「厲」讀爲「賴」、《釋文》同。 「厲」、「賴」通。)子夏曰: 也。 信,謂誠意惻怛而人信之也。 自反 其見 以有爲。蓋同言而 而不在言,在平日之積行積交,而不 時 一 **心也。** ?信之本而已。否則,怨謗之來,宜 事上使下,皆必誠意交孚,而後 事。故君子有所舉 「君子信而後勞其民", 信,信在言前,在人 動 未信,則以爲 於人,務積 厲,猶病 未信 在 可

九四

篇》引作「毋」。 也。」《春秋繁露・玉英篇》引「不」作「無」、《説苑・尊賢○子 夏 曰: 「大 德 不 踰 閑,小 德 出 入 可

賢之刻,豈未知小德出入之義耶? 时、爲人道所難,則必盡反乎大道。宋武裂,故一毫不可苟假。若小德,則飲在是之際,獵較猶可,申夭不妨,故云也。大德,事關國家身名,一敗則終身也。大德,事關國家身名,一敗則終身也。大德,事關國家身名,一敗則終身也。大德,小德,猶言大節、小節。閉,闌也,大德、小德,猶言大節、小節。閉,闌也,

「掃」皆古文,「灑」爲魯《論》,則「掃」亦爲魯《論》。語》《周禮》皆作「洒掃」,鄭謂古文《論語》作「洒」,則「洒」子游,漢石經作「斿」。《釋文》,「洒掃」正作「灑」,《毛詩》、《晉進退,則可矣,抑末也。 本之則無,如之何?」○子斿曰:「子夏之門人小子,當灑掃應對

節之間則可矣,然此小學之末耳,推其灑,汎也。子游譏子夏弟子,於威儀容

本,如性天之事,則無有。

倦」之「倦」。 區,猶類也。 有别矣。若不量其淺 至,自有淺深,如草木之有大小,其類固 君子之道,大本之道也。倦,如「誨 子乎? 貫之,則惟聖人爲然,豈可責之門人小 之道豈可如 事有終始,知所先後,則近道矣。」《荀 而概以高且遠者,兼同而强語之,君子 而傳之,非特有所後而倦教,但學者所 「兼也,同也。」言君子之道,非特有所先 即《大學》所謂: 此? 若夫始終本末,一以 深,不問其生熟, 憮,蘇林 「物有本末, 日 人不

故壽 矣,則子夏之論爲篤也。 子夏,未爲過也。但小子則應從事於淺 得其本者耶? 以此較之,則子游 成,得無太守約 則欲小子皆從事於身心性命,是又過 近,若名物象數、誦詩學樂之類。 宗,發明天命性道,直指本心,豈非 是? 子游後學有子思、孟子,爲 渠關學無傳,謂其道 此子夏氏 • 至百歲,道 非十二子》篇: 之賤 儒。」則子夏學 所 行西河,而後學不聞大 致 7耶? 似木札子,得 「嗛然: 朱子譏 終 派 日 孔 不言 如 宋賢 之譏 旂 無 張 道 此。 謂 横 類

子夏曰: 深,學 其餘。然仕而學,則所以資其仕者 當其事者,必先有以 優,有餘力也。 仕與學,理同 若方仕 而仕,則所以 而 「仕而優則學,學而優則仕。」 專事讀書,則必曠職, 験其 盡 其事,而 學者益 而事異,故 後 廣。 可 叢 益 及 脞

)子斿曰:「喪致乎哀而止。」不學而遽干禄,則必覆餗刑凶。

哀爲喪禮之本,制禮者定其宫室服食之哀爲喪禮之本,制禮者定其宫室服食之哀焉喪禮之本,則阮籍之斗酒嘔血爲得之。若徒尚哀,則阮籍之斗酒嘔血爲得之。若徒尚哀,則阮籍之斗酒嘔血爲得之。若徒尚哀,則所籍之斗酒嘔血爲得之。若徒尚哀,則所籍之以所以此之。其為之。

仁。」 〇子斿曰:「吾友張也爲難能也,然而未

異,乃誤傳其有所短也。 與後,同門中子張年少而才行最高,子設後,同門中子張年少而才行最高,子許,子路、冉有者也,子游亦未許子張。 記《論語》者爲曾子之徒,與子張宗旨大 記《論語》者爲曾子之徒,與子張宗子 記《論語》者爲曾子之徒,與子張宗旨大

曾子曰:

「堂堂乎張也,難與並爲仁

類叙 氏、張氏。《列子·仲尼篇》: 爲容,《漢舊儀》爲此頌貌威儀事,有徐 莊,賢于丘也。」又曰: 孔子謂子張不弊百姓,以其仁爲大。 爲未仁,尚無定論,難 趣向殊科,宗旨不同則相攻。 之性,金剛水柔,寬嚴異尚,嗜甘忌辛, 曾子守約,與子張相反,故不滿之。人 同。」恐其矜己或絶物,則難並爲仁也。 孰大焉。 佚可佚,所謂尊賢容衆,嘉善矜不能,仁 言其業功不伐,貴位不善,不侮可侮,不 大戴禮・衛將軍文子》篇歷論諸子,而 定論。 「盛。」《後漢書・伏湛傳》杜詩 攻子張之意。 「湛容貌堂堂,國之光暉。」子張 孔子許子張,幾比於顔子,可 論人當折衷於孔子。記《論 鄭氏玄曰: 與爲仁,則過矣。 「師能莊而不能 上章衹以 「師之 「子張 疏

> 爲據。 記本師之言,猶荀子之非思孟 語》者當爲曾子後學,而 而輕子張爲行過高而少誠實惻怛之意, 朱子誤尊曾子過甚 非子 ,於是不考, 張之徒,故 耳,未可

石經。 爲「者也」。漢石經無「夫」字,●「致」下爲「也者」,今從漢 者,必也親喪乎!」今本「子」上有「夫」字,「致」下)曾子曰: 「吾聞諸子: 人未有自致也

則大誤矣。

致,盡其極也。 此不用其誠,惡乎用其誠?」 已者。尹氏曰: 蓋人之真情,所不能自 「親喪固所自盡也,于

政,是難能也。」皇本「難」下無「能」字。 也,其他可能也; ○曾子曰: 「吾聞諸夫子: 其不改父之臣與父之 孟莊子之孝

獻子有賢德,而莊子能用其臣,守其政,

孟莊子,魯大夫,名速,其父獻子,名蔑。

漢」,原作「經」,據文意改。

耳。 千古以爲 子之賢父則可,否則幹蠱乃爲孝矣。 孝,故其論如此,讀者善擇之可也。 政以益民爲主,若其益民,則蕭規曹隨, 禹之治水,盡易鯀道,及其用,人乃爲孝 、邾外無事,蓋守父道故也。 然亦有獻 其 難 他 大孝以喻親,於道爲義。曾子篤於 美,何待父也? 莊 行,雖有 子卒,去獻 可 稱,而皆不若 子四 若其非也 年, 自盟 此 」, 則 向 事

則哀矜而勿喜。」曰:「上失其道,民散久矣。如得其情,曰:「上失其道,民散久矣。如得其情,

哀 非 陽 順 矜 其 其上。情,實也。 膚,曾子弟子。民散,謂 民之犯罪,迫於不得已,或出 其 天性然也。 後刑章》引此説之曰: 本 出 辜,而 士師審訊, 上未嘗養之教之, 勿 喜 民 也。 雖 心 「夫不傷民 得 於無知, 散 **《鹽** 情,宜 淡淡,思 鐵

> 罪同矣。 子此言,有萬物一體之意,與大禹之泣 殺謂之虐。」士師不當以得情爲喜。曾 獸挂罻羅而喜也。」孔子謂: 「不教而 武之不治,而伐己之能得奸,猶弋者觀鳥

字。 貢」,漢石經作「贛」,下凡「貢」字仿此。 皇本「善」下有「也 伯: 舜、禹、周、孔, 妲己,作長夜之樂。 眡事,●時乘輿幄坐張畫屛風,畫 紂。』《漢書・叙傳》: 今本「不如是之甚」,漢石經作「不如是其甚」,今從石 列子·楊朱篇》: 「天下之美,歸之 《論衡》引作孔子語,當是誤記。「如」作「若」。 「紂爲無道 廼 用 婦人之言,何有踞肆 至於是虖?』伯 天下之惡,歸之桀、 上因顧 班 伯以侍中 指 畫 料 紂 而 醉 於 問

「眡」,原作「眠」,據《漢書》改。

0

是以君子惡居下流,天下之惡皆歸焉。」「子

子贛曰:

「紂之不善,不如是其甚

也。

言一紂之不善,其亂不得如是之甚。身 《疏》引蔡謨曰:「聖人之化,由羣賢之 以 《楊敞傳》惲 文公篇》言紂臣有飛廉、《墨子・非樂》 悉以紂 昭七年《傳》: 楚芋尹無字曰: 此以天下之惡爲惡人,其説亦通。《左》 居下流,天下惡人皆歸之,是故亡也。」 無臣,宋襄以敗,衛靈無道,天奚其喪! 輔,闇主之亂,由衆惡之黨。是以有君 焉。」諸文皆以天下之惡爲惡名也。 兼茂於前多矣,而後世莫稱者,章末 歸。』《後漢書・竇憲傳論》: 朝,所謂衆惡歸之,不如是之甚者也。」」 胡邊雜之師,一舉而空朔庭,列其功庸, 逃主,萃淵藪」。」杜注: 數紂之罪,以告諸侯曰: 降其實 爲淵藪,集而歸之。」《孟子·滕 也。是以下流,君子所甚惡 . 書曰: 「下流之人,衆毁所 「天下逋逃, 「紂爲天下 「憲率羌 「昔武 皇

對,學者亦可參矣。 如日月之食,此與「小人之過必文」互去,不留纖污,明德復明,完全無缺,故去,不留纖污,明德復明,完全無缺,故更,改也。君子光明磊落,絶無隱匿,即更,改也。君子光明磊落,絶無隱匿,即

《論衡》引作子禽問,當是因下章而誤記。 (衛公孫朝問於子贛曰:「仲尼焉學?」

德,故曰仲尼。」《禮記·檀弓》「魯哀公仲者中也,尼者和也。 孔子有中和之《孝經》疏云:「劉職述張禹之義,以爲

異》曰: 諡。」疏云: 誄 必孔子既卒後語。合《中庸》、《孝經》之 四章稱仲尼,章末且有其死也哀之文, 公事,則甚信 孔 子」, 「中和之説,稍近穿鑿。 注 「尼則諡 而可徵。《論語》惟此 「尼父因其 也。」翟 氏《四 字以 爲 以下 魯哀 書考 Ż

年《傳》, 楚武城尹公孫朝,見哀十七春秋時,魯有成大夫公孫朝,見昭廿六父之字,殆未深考。」公孫朝,衛大夫。《孝經》、《中庸》謂弟子子孫皆可呼其祖稱謂觀之,則尼誠孔子諡矣。 今人藉口稱謂觀之,則尼誠孔子諡矣。 今人藉口

以别之,與公子荆書法同。驚孔子之楊朱篇》,及此凡四人。故《論語》稱衛年《傳》,鄭子産兄公孫朝,見《列子・

聖,欲知孔子所從學也

文武之道焉。夫子焉不學? 而亦何常師賢者志其大者,不賢者志其小者。莫不有子贛曰:「文武之道,未隧於地,在人。

之有?」「墜」,漢石經作「隧」,「識」作「志」。《漢 有。」」當是誤憶。 居賦注》引《論語》: 下失載也。』《晉書・禮志》引「而亦」作「夫」。《文選・間 知也。許《心部》無「志」者,蓋以其即古文「識」,而「識 古不分二音,則二解亦相通。古文作「志」,則志者記也 讀爲識。1識,知也。 今之「識」字,志韻與職韻分二解,而 以不録者,古文有「志」無「識」,小篆乃有「識」字。《保 部》補之,云: 之志,與記識之識同。」。《説文》無「志」字。徐鉉於《心 氏》云: 之患」,蓋「隧」「墜」古通。《論語古義》曰: 先」、《王莽傳》「不隧如髮」,漢《西狹頌》「數有顛覆實隊 楚元王傳》並作「志」。 《楚辭・九歌》: 「多見而識之」,《白虎通》引作「志」。鄭注《周禮・保章 『志』古通「識」,賈《疏》: 「志,古文識。」識,記也。《哀公問》注: 「志,意也。從心之聲。」段注謂: 「叔孫武叔曰: 『古之文字少,志意 「矢交隧兮士 「吾亦何常師之 「《述而》云 「志所 書

賢者之志其小,孔子就而問樂。以及項其大,孔子就而問禮, 師襄、師摯,不不賢,謂次賢也。老聃、萇弘,賢者之志在人,言士大夫之文獻者,有賢不賢也。文武之道,謂文王、武王之典章政事也。

古,非 學於孟 橐可 孔子所採於古制,周道爲多,子思稱「憲 但生知之神聖,博採古今中外之長,無 章文武」。 教之聖,無不師學,實非 在非師,亦無 贛答公孫朝亦舉周道也 三代而法夏,孔子稱三代 無常師」也。《吕 師,童謡 古也、法周未法夏也。」蓋 蘇、變靖叔」,或亦孔子所問 故墨子攻孔子曰: 一師可服。 可 ·識,皆所謂「焉不學」、 氏 春秋》謂: 實言孔子爲創 關師學云 而法周,故子 墨子 「孔子 「子之 稱

仲尼。」 〇叔孫武叔語大夫於朝曰:「子贛賢於

百官之富。今本「譬之宮牆」,漢石經「譬」作「辟」,之蘠數仞,不得其門而入,不見宗廟之美,蘠,賜之蘠也及肩,窺見室家之好。 夫子孫景伯以告子贛。子贛曰:「辟諸宮武叔,魯大夫,名州仇。

疑漢本無「也」字。「窺」、《釋文》、皇本、宋石經作「闚」,字。漢石經「蘠」下至「窺見」上,缺二字。今本間三字,「之」作「諸」,「牆」作「蘠」。皇本作「譬諸」,句末有「也」

今從漢石經。

得其門者或寡矣。夫子之云,不亦宜則不見其中之所有,言牆高宫廣也。寸、《小爾雅》作四尺,皆謬。不入其門,文作八尺,則與尋同。應劭作五尺六包咸曰:「七尺曰仞」,此今文説也,古

首,朱子尚疑之,况其餘乎? 數千年推首,朱子尚疑之,况其餘乎? 數千年推為深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,人則愈深遠,人愈難見,道稍淺者近人,以武叔而是能見哉。」莊子稱孔子,聖而不可測之爲神。凡道

乎!

神。 獨人立國,天下合羣之義,莫不詳委該 爲孔子專言形體,而不知其言靈魂; 故二千年來,得見孔子之道者寡矣。 門諸子亦不過得片鱗隻甲,何况後人? 見其末者或遺其本。自顔子具體外,聖 孔子之聖意乎? 元、諸血輪之論,尚不能暴於人間,而况 懷大小、精粗、長短之識,諸星、諸天、諸 者,口説也,不足以盡聖意。今愚見所 乎? 口説不傳尚 知之矣,安知不又有出於愚所知之外 測 意。] 書者, 六經也, 不足以盡口説; 知若何。《易》曰: 平世大同之道,歸魂游魂之説 爲孔子專言人世,而不知其多言天 ,所謂宗廟之美,百官之富,非子贛親 其他德行、政事、言語、文學之科, 經,人人自 以 見其粗者或遺其精, 如此,口説若傳更 「書不盡言,言不盡 爲 是, 而 二千 年 愚今推 未 以 不 者 知

> 體,而世大震驚。蓋聖道愈深則愈闍 之,總皆謬見而已。子贛得孔子之一 據所 聞 然而人益不能測也。 色,杳杳無終極,若言是笠是弓,贊之攻 青見黄 性 見以 與 皆不是。 天 妄 道 議神靈者,如五色之珠,見 何 得 如天之大,蒼蒼無正 尊 歎 之 如 此? 後

聖,在當時亦 民所名,而 不知量,謂 高曰丘,大阜曰陵。日月,喻其至高明。 毁,非也。 無以爲,猶言無 不自知其分量。 小大精粗不容,必相攻擊。 遭 一毀殺。 蓋道大如天,非 以孔子之神 用 爲 此。 土

來」作「徠」。

妄議日月者,亦猶武叔乎? 孔子之如日月,惟子贛乃知之,後世之無明,於日月何損? 只益見其盲而已。無明,於日月何損? 只益見其盲而已。救人,其與人如天壤之隔。盲者攻日月水上較,如平地之於丘陵。若神聖化生但攻人者,必相等乃能攻,世之賢知與

賢於子乎?」○陳子禽謂子贛曰:「子爲恭也,仲尼豈

天之不可階而升也。知,言不可不慎也。夫子之不可及也,猶知,言不可不慎也。夫子之不可及也,猶子贛曰:「君子一言以爲知,一言以爲不爲恭,謂爲恭敬推孫其師也。

也哀,如之何其可及也?」《漢書·董仲舒傳》引行,綏之斯來,動之斯和。其生也榮,其死「夫子之得邦家者,所謂立之斯立,道之斯可測也,故曰不可階而升也。略,梯也。大可爲也,化不可爲也,神不階,梯也。大可爲也,化不可爲也,神不

也。 力。 行,不綏斯來,不動斯和,固不藉國 子贛之知孔子者,尚粗淺而不得其 邦家,但垂教耳,亦復不立斯立,不道斯 家,其能易世安民如此。 下,與天地同流者。子贛言夫子之得邦 親,哀則如喪考妣。此聖人之神化 動,謂鼓舞之也。和,所謂「於變時雍」, 言其感應之妙,神速如此。 也。行,從也。 立之,謂植 人以爲子贛好贊美孔子,愚則以 所謂天不可階,其信然乎 其 (生也。 綏,安也。 道,引也,謂教之 然孔子未嘗得 來,歸附也。 榮謂莫不尊 萬 家之 爲 +

論語注卷之十九終

<u>|</u>||0||

論語注卷之二十

南海康有爲學

允執其中。 ○堯曰: 聲。歷數者,考定星歷,建立五行,有天 地神祇物類之官。 此堯命舜而 知天。」在,察也。 鄭謂: 「曆數,爲帝 王省惟歲」,故董子引此謂: 「咨爾舜! 四海困窮,天禄永終。」 禪以 帝位之辭。 躬,身也。 天之歷數在爾躬, 《洪範》: 咨,嗟歎 「察身以

> 聊。 者,中庸之德,中和之理,用其中於民。 永,長也。 王受命之符瑞。」 允,信 子以永終知敝。」班彪《王命論》: 即不保也。《易・歸妹・象傳》: 民厚生爲政之要矣。民窮則亂生,君位 放之四海萬國而準者也。 中國政術、學術尊奉之,此爲公理之極 終爲吉語,則困窮爲儆語,永終爲勉語 匡衡傳》、漢武《立子齊王閎策》,皆以永 祚流於子孫,天禄其永終矣。』《隽不疑、 窮,則君禄亦永絶矣,戒之也。 王肅僞古文採之人《大禹謨》。 中者,無過不及。 也。 四海之人困 困, 允執厥中 故以富 極 也。

舜亦以命禹。

在朕躬。」劉氏恭冕《正義》謂。「曰」上當有「湯」字。帝心。朕躬有罪,毋以萬方。 萬方有罪,皇后帝。 有罪不敢赦。帝臣不蔽,簡在曰。「予小子履,敢用玄牡,敢昭告于皇

石經無「罪」字,皇本同。今本「無以萬方」,漢石經作「毋」。今本「罪在朕躬」,漢

湯曰: 身, 人。」」然則,此語爲因旱禱雨之辭,王 罪,無及萬夫, 利」,「不惟禹誓爲然,雖湯説 蓋湯名。用玄牡,夏尚黑,未變其禮也。 天而告諸侯之辭。惟《周語》内史過引 僞古文《書》採入《湯誥》,以爲湯伐桀祭 旱,湯以身禱於桑林,曰: 秋•順民篇》亦云: 敢赦,簡在帝心。萬方有罪,即當 未知得罪于上下,有善不敢蔽,有罪不 上天后,曰: 墨異名,而所引書 白虎通》引此,亦以爲伐桀祭天辭。履 湯誓》詞與此同。 墨子・兼愛下》: 朕身有罪,無及萬方。」」《吕氏 「惟予小子履,敢用玄牡,告于 今天大旱,即當朕身履。 萬夫有罪,在余 詞同,當是湯真文矣。 湯説,湯誓,當是孔、 「夫兼 「湯克夏,而天大 「余一人有 相愛,交相 亦猶是也。 春

> 簡,閱 焉 致; 而 奉法,有罪者不敢擅赦。」言桀雖爲君, 敢蔽」,則帝臣善臣也。 引過以寬民; 天下賢人,皆上帝之臣,己不敢蔽。 謂之匹夫。順天奉法,己不敢赦, 諉罪於民,於是民視上如仇讐,而大亂 在帝心,惟帝所命。君有罪,非民 虐其民。 者謂之賊,賊義者謂之殘,殘賊之人 《傳》曰: 民有罪,實君所爲。賢者治世,自 桀紂罪人,其亡也忽焉。」 也。 以,與也。墨子言,「有善 君者,養民者也。桀暴,賊 不賢之君,諉罪於臣,臣 「禹湯罪己,其興也 包日: 所 簡 而

周有大齊,善人是富。

大封於廟也。齊,予也。言所以錫予善善人也。《詩‧周頌‧齊》序云:「賚,臺之財,發鉅橋之粟。此言其所富者皆此以下述武王事。賚,予也,所謂散鹿

人也。」

雖有周親,不如仁人。

周,至也。孔氏曰: 來則用之。」 誅之,管、蔡是也。 仁人謂箕子、微子, 親 而不賢不忠則

百姓有過,在予一人。」

泰山 惟《墨子・兼愛中》: 此爲王肅僞古文《尚書》採入《泰誓》。 四語,蓋封諸侯之辭也。 有過,維予一人。」宋氏翔鳳説: 蠻夷醜貉。 有事,大事既獲,仁人尚作,以祇 德篇》:「武王克殷,問周公曰: 人。尚,爲封大公之辭也。」《說苑 齊,在泰山之陰,故將事 宅,田其田 奈其士衆何?』 周公曰: 「隧。傳曰: ,無變舊親,惟仁是親。 雖有周親,不若仁人。 泰山有道,曾孫 「昔者,武王 武王封大公於 泰山,而稱 『使各宅其 「周親 商夏, 百 周王 萬方 將 事

> 受罪之仁,真可爲後世法也。蓋萬 此、則見人之罪失、哀矜自責矣、豈復有 體,原無畛域,滴水有毒,一池不食。 罪過爲己罪過,其爲民伐賊之武,代民 有過,在予一人。」] 湯武皆以天下人之 此義而爲教主也。 攻訐人者哉? 耶氏之爲民贖罪,亦得 萬方百姓方有罪過,皆己之罪,人人知 物 故

書·律曆志》引此亦云: 之政行焉。何休昭三十二年注引此有「孔子曰」、《漢 孔子曰: 曰」,今據補。皇本「焉」作「矣」。 權量」下爲孔子語。何休爲今文家,則魯《論》必有「孔子 「謹權量,審法度,脩廢官, 「孔子陳後王之法曰。」則「謹 四 方

五量。 權。 衡之義。 權 者、法律制 所以 量所以量多少,龠、合、升、斗、斛 制度者,國所以立。而時有因革 四方各異,必宜謹,即同律度 稱輕重,銖、兩、斤、鈞、石 《易》「制而用之謂之法」,法度 度也。 法律者,國人皆受治 爲 量 Ŧī. 爲

「所重:

民、食、喪、祭。

皆舉,而後政乃行於四方也。 皆舉,而後政乃行於四方也。 皆舉,而後政乃行於四方也。 皆舉,而後政乃行於四方也。 皆舉,而後政乃行於四方也。 皆舉,而後政乃行於四方也。 皆學,而後政乃行於四方也。 皆學,而後政乃行於四方也。 皆學,而後政乃行於四方也。 皆學,而後政乃行於四方也。

之才賢,故舉之。順乎民心,故皆歸也。人之種,故繼之, 逸民,天之精英,人所謂仕者世禄,但不世位耳。仁者不絶宜廢者,選其親而賢者立之。世謂大夫宜廢者,選其親而賢者立之。世謂大夫

符,而公山、佛肸連類並載之間,横隔以此,亦頗不倫。」有「民」字。翟灏《考異》云:「按四語與上文絕不蒙,與有「民」字。翟灏《考異》云:「按四語與上文絕不蒙,與由,不以章節分簡,故雖大半脱去,猶得餘其少半,連在古《論》(子張篇)首,而此爲脱亂不盡之文。古書簡盡在古《論》(子張問」以下别爲一篇,與前《季氏篇》爲别一以一,不以章節分簡,故雖大半脱去,猶得餘其少半,連則止,不以章節分簡,故雖大半脱去,猶得餘其少半,連則民任焉」句。皇本、足利本、高麗本亦無。皇本「説」上則民任焉」句。皇本、足利本、高麗本亦無。皇本「説」上則民任焉」句。皇本、足利本、高麗本亦無。皇本「説」上則民任焉」句。皇本、足利本、高麗本亦無。皇本「説」上則民任焉」句。與其,與其,以,公則說。」漢石經無「信「寬則得衆,敏則有功,公則說。」漢石經無「信」,

而多成功,公則與民同之,大衆説服。 威而寬則民情愛戴而爭歸附,敏則率作興事 而不

篇以寓大義者也。信則民聽任之,亦爲命誅民賊之功,皆孔門之微言,託於終武,一以見民主公天下之善,一以見革舜、湯、文、《論語》終篇亦論堯、舜、湯、爲公,惟堯、舜有之,惟大同之世行之,爲公,惟堯、舜有之,惟大同之世行之,論帝王之德,心有此三者乃成。若天下論帝王之德,心有此三者乃成。若天下

○子張問於孔子曰:「何如斯可以從政 《釋文》引皇云:「进,猶屏也。」《說文》無「进」字,必今 解惡。」《隸釋》以爲魯《論》。●《大學》:「进諸四夷」, 都相蔣君碑》:「遵五进四」、《後漢·祭遵傳》:「遵美 群思。」《隸釋》以爲魯《論》。●《大學》:「进諸四夷」, 以從 《釋文》引皇云:「进,猶屏也。」《說文》無「进」字,必今 《釋文》引皇云:「遊五共四」、《 (一選五美,进四惡,斯可以從政 文。

迸,除也。

子張曰:「何謂五美?」子曰:「君子惠

三八

焉貪 子張曰: 字,疑後人誤寫衍。皇本「擇」下有「其」字。 注》、《周官・旅師疏》、《文選・洞簫賦注》引皆無「之」 乎 ? 」《皇疏》兩述經文「因民」下無「之」字。《易・益卦 瞻視,儼然人望而畏之,斯不亦威而不猛 不亦泰而不驕乎? 君子正其衣冠,尊其 擇可勞而勞之,又誰怨? 欲仁而得仁,又 民之所利而利之,斯不亦惠 者,利其魚鹽,皆聽而不易之。 民利於 民利於土産,山者,利其鳥獸材木, 學、公囿、公養疾、公養老,皆不費於國 於自由,則言論思想聽其自由。 民利於 佚樂,則食味别聲被色而歌舞之。 公同,則合民之所 ? 君子無衆寡,無小大,無敢慢,斯 「何謂惠而不費?」子曰:「因 有,而爲之立公路、公 加 不 費乎? 民利

〈之大義,但魯《論》無此,故闕之。

❶ 「隸」,原作「肄」,據文意改。

《疏》: 所謂: 也 ? 不驕; 故情性治; 以聲之,欲其尊也,欲其莊也,焉可懈慢 禮也,爲冕服采章以旌之,爲佩玉鳴璜 先乎正容貌,慎威儀。是故,先王之制 無免。」《中論・法象篇》: 如見大賓,使民如承大祭。」《書·無逸》 天所生,人人平等,不須嚴衛,故「出門 地,得所欲矣,而未嘗貪。小大衆寡,皆 凡有仁政,皆立舉行,仁聲仁聞,洋溢天 衆而自享利益,雖人人爲兵,亦不敢怨。 爲政之法矣。爲國事而自行保護,爲公 政者,但代民經理而已。孔子此言,盡 而 民大得。所因者,國家全不干預。 ,故盛德著; 夫容貌者,人之符表也。符表正, 「君子正其衣冠者,衣無撥,冠 「至于小大,無時或怨」,故泰而 禮儀嚴肅,故威而不猛。 情性治,故仁義存; 盛德著,故可以爲法 「法象者,莫

之法也。而該,以此繼帝王之道,可爲平世民政元方,平等之制,皆行孔子之政。言簡象。」今美國利民之道,仁民之制,勞民

「納」皇本、釋文、唐石經皆作「內」。 之賊,猶之與人也,出內之吝謂之有司。」殺謂之虐,不戒視成謂之暴,慢令致期謂子張曰:「何謂四惡?」子曰:「不教而

民也。 加刑, 服於禮律,其有 之,謂均之也。 貪而不施謂之吝,謂財 慢令致期,謂與民 暴,謂卒遽。不戒,不宿戒而責立成。 虐,從虎爪,謂殘酷不仁。戒,警告也。 行之,令民預戒預習,皆刻期必信,否則 也。治民者,必先教以禮義,令人人 物必當與人,而於出納之際吝嗇惜難 法定,必 施 預期 教 犯法者乃是故犯,可 而 無信而 施行之年月,而 刑之,孟子所 虚刻期。 謂

不測之恩惠,乃可得人心。孔子此 守常職者則 ,備極詳細,尤野蠻世之弊,文明 之暴賊 當 可,若爲政者,則當有 與不 與, 雖與不 感 世 有司 論 非 宜 政 常

體

所掃除也。

之。《韓詩外傳》六引此無「也」字。 皆作「孔子曰」,惟《集注》本無「孔」字,當是誤脱,今補 之真,宜保持焉,故仍舊。《釋文》本、皇、邢本、唐宋石經 《釋文》引鄭《注》: 今所别擇,古文之僞耳。 若《韓詩》爲今文,則同爲孔學 八孔 子曰: 子曰: 不知命,無以爲君子」,則必齊《論》也 「不知 「魯《論》無此章。 命, 無 以爲 然《韓詩外傳》六 君子 也

直捷易簡。凡人苟能知命,則安處善 枉作小人而已。此孔子所立之義,最爲 尤,作奸犯科,逆天背理,而終無所得 不自得,則爲君子。 窮理 命者,人受於天者也。人生富貴貧 壽夭窮通,皆有定命,非人力所 盡性,以至於命,知而 不知命,則戚戚 樂之,無 能 人而 賤 怨

> 樂循 故《論語》終篇,大聲疾呼在此,其所以 超直至,掃除無累,孔子度人之神方也 爲,惟有盡力以行仁,雖爲聖人可也,何 自能超脱,窮通境遇無所繫累。 既無所 過半矣。學者信得命及,則於生死大事 援救天下生人,至切矣! 有君子乎? 此人道之門,樂天之法,一 理 ,必不爲小人之歸,其於行道 思

「不知禮,無以立也,

「不知言,無以知人也。」 不知禮,則耳目無所加,手足無所措。

謂: 知所 枝, 吉人之辭寡, 躁人之辭多, 誣善之人 邪辭知其所 其辭游,失其守者其辭屈。」 孟子知言, 言之得失,可以知人得失邪正。《 「將叛者其 立,則一身不能得所, 「詖辭知其所蔽,淫辭知其所陷 離,遁辭知其所窮。」有身不 辭慙,中心疑 與人交不 者其 繋解

論語注卷之二十終 焉。 能處人間世而無礙。《論語》徧陳萬法, 之至切。知命爲本,復須知禮知言,乃 能知人,則終身受其大害。二者,人道 而於終篇丁甯斯三者,學者不可不留意

			4 -		

本 焕法師

壹佰萬元

《儒藏》精華編惠蒙善助,共襄斯文, 謹列如左,用伸謝忱。

北京大學《儒藏》編纂中心

